




UTL AT DOWNSVIEW



D RANGE BAY SHLF POS ITEM C
39 10 11 05 06 002 5


DR
440
A33

Ahmet Mithat
Ka'inat

v.1
pt.5-10

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY







1015452

L. Kizim

5210

صحیفہ	فرانسہ تاریخک فہرستی	
۲	فرانسہ اولکاسنک اجمال احوال جغرافیاسی	
۹	فرانسہ تاریخک تقسیمات اساسیہ سی	
	✽ برنجی باب ✽	
۱۳	فرانسہ نک مبدئندن مرو و نیرتہن خاندانک	
	ختم حکومتلرینہ قدر	
	(برنجی فصل)	
۱۳	فرانسہ نک بدایت احوالی ذکرندہ در	
۳۰	(بند مخصوص) فرانقلر	
	(ایکنجی فصل)	
۳۸	قلو وینک وفاتند قدر مرو و نیرتہن نلرک حکومتی	
	(اوچنجی فصل)	
۵۲	فرانسہ نک پرنسلر میانندہ انقسامی	
۵۸	(بند مخصوص) پارس حکومتی	
۵۹	(بند مخصوص) اورلیان حکومتی	
۶۲	(بند مخصوص) مس حکومتی	
۶۵	(بند مخصوص) صواصون حکومتی	
	✽ ایکنجی باب ✽	
۸۶	قارلو و نیرتہن خاندانک مدت حکومتلری	

۸۶ (بند مخصوص) شارل مارتل

۱۰۵ و ۱۰۶ (بند مخصوص) شارلمان

✽ اوچنجی باب ✽

۱۲۹ قاپه سیهن خاندانک مدت حکومتلری

(برنجی فصل)

۱۲۹ قاپه سیهن خاندانک بردوزی به حکومتلری

(فصل ثانی)

۱۷۰ والوا خاندانک حکومتلری

۱۸۱ (بند مخصوص) ژان دارق . قاریلرک

صاحبقرانی

(فصل ثالث)

۱۹۱ اورلیان خاندانک حکومتی

(دردیجی فصل)

۲۰۷ بوربون خاندانک مدت حکومتلری

✽ باب رابع ✽

۲۴۸ فرانسه نك احوال اخیره سی

(برنجی فصل)

۲۴۸ اعلان تنظیمات

(ايڪنڊي فصل)

۲۵۴ ديرڪنوار حڪومتي

(فصل ٽاٺ)

۲۶۳ قونسولا حڪومتي

(درديجي فصل)

۲۶۹ ايمپراطورق

(ايشي جي فصل)

۲۸۹ اون سڪزنجي لوئينڪ زمان حڪومتي

(ائيجي فصل)

۲۹۲ اونجيجي شارلڪ حڪومتي

(يديجي فصل)

۲۹۵ لوبي قليب زمان حڪومتي

(سڪزنجي فصل)

۳۰۱ ايڪنڊي جمهوريتڪ مدت دوامي

(طقوزنجي فصل)

۳۰۵ ايڪنڊي ايمپراطورق

(اونجيجي فصل)

۳۱۴ فرانسده اوچنجي وشمديكي جمهوريت

۳۱۸ افاده عمومية

Ahmet Mithat, 1844-1912

❖ قرق انبار علاوہ سی ❖

Kā'ināt

❖ تاریخ کوزی ❖

DR (ذیل کائنات)

440

A33

V.1

صاحبی Pt. 5-10

محمد جودت

ایلاک دفعہ اولہرق

باب عالی جادہ سندہ قرق انبار مطبعہ سندہ باء اشدر

استانبول

۱۲۹۲

DR
440

A33

v. 1

pt. 5-10

فرانسہ

کاتنامزده انخاذايتمش اولديغمر اصول وجهله فرانسہ
اولکاسنک احوال تاريخيه سنی ذکر وحکايه يه
باشلامز دن مقدم احوال جغرافيه سی حقنده خلاصه
بعض معلومات اعطا ايده جکز . انجق فرانسہ
اولکاسنک احوال تاريخيه سی مثلو احوال جغرافيه سی
دخی دفعاتله انقلابه اوغرامش اولديغندن بز بوراده
حال حاضر يني حکايه ايده جک ايسه کنده ينه اوارالق
جغرافياي قديمه سنه دائر دخی بعض ايضاحات
اعطاسی ضروری کورنمشدر .

فرانسہ اولکاسنک اجمال احوال

(جغرافيه سی)

فرانسہ اولکاسی آورو پا قطعه سنک غرب طرفنده

اولوب انجق مرقعی ۴۲ درجه ۲۰ دقیقه دن ۵۱ درجه
 ۵ دقیقه عرض شمالی به قدر نمتد اوله رق حالبو که
 اورو پاده شماله بوندن دها یقین اولکار بولند یغندن
 جمهور جغرافیون عننده فرانسه دول وسطادن
 عد اولمش و غرب طرفندن بدأ ایله اورو پاخریطه سی
 اوزرنده الك اول فرانسه به تصادق ایلدیکندن
 اولکای مذکور دول غربیه نک برنجیسی اتخاذا
 ایلمشدر .

اولکای مذکور شمال غربی جهتدن مانس دکزی
 و غرب طرفندن بحر محیط اطلاسینک غاسقونیا
 کورفزی و جنوب جهتدن آق دکز ایله محاط و قره
 جهته کلجه شمال طرفندن بلجیقا و پروسیا و بعض
 حکومات المانیا و شرق طرفندن المانیا و اسویچره
 و ایتالیا و جنوب طرفندن دخی اسپانیا ایله هم
 حدوددر . انکلتره اولکای فرانسه نک یقین
 قونشوسی اولوب آراده یالکز پاده قاله دنیلان و شمال
 دکز یله مانس دکزی اراسنده بولنان بز بوغاز حد
 قاصل دوشمشدر .

فرانسه بی محیط اولان دکزلک سواحل اولدقچه
متحد و منتظم بولندیغی جهنله سائر بعض سواحل کی
اول قدر کورفزیلر و جسم ایمانلردن محرومجه در .
شمال جهتدن مانس دکزی سهین کورفزیلر تشکیل
اید رسده بو کورفزیلر آچیق برشی اولدیغندن ایچنده
کیلر بارینه من . فقط مذکور کورفزیلر منصب
اولان سن نهری منصبده کوزل بر ایمان تشکیل
اید . مذکور کورفزیلر جنوب غربی سمتده
یه سن مالو کورفزیلر واردر که اودخی آچیق برشی
اولوب دروننده سن عیشله و سن بر یوقوبلری
بردرجه یه قدر ایمان ایضا دینه صالحدرلر . بونک دخی
غرب جهتده بره سل قویو واردر که اعلا ایماندر .
بونک جنوب طرفند، کآن دوارنه قویو دها کنیش
بر کورفزیلر . فرانسه نک جهت غربی دستی
بویلی بوینه احاطه ایتمش اولان غاسقونیا کورفزیلر
کندیسه نه بحر فرانسه نامی ویرلمش اولسندن دخی
اکلا شیله جنغی وجهله نک بیوک و آچیق برشی اولوب
مع مافیه بوکورفزیلر آتیده ذکر اولنه جق غابون

ولوار نهرلینک منصبی ومور بیان وویلان وسائره
 لیمانلری موجوددر . آق دکز طرفنده دخی ماریسیلیا
 و طولون لیمانلری فرانسه نك الك مشهور لیمانلرنددر .
 اشبو کورفزله ولیمانلره کوچك بيوك برطاقم انهار
 ودرهلر دوکولمکده اولوب انجیق فرانسه نك الك جسم
 انهاری درت نهردر که برنجیسی رون نهری اولوب
 اولکانک وسط شرفیسندن جنوبه طوغری جریانه
 آق دکره منصب اولور . ایکنجیسی غارون نهری
 اولوب اولکانک جنوب جهندن بدأ ایله شمال غربی به
 طوغری جریان ایدرک غاسقونیا کورفزینده دوکولور .
 اوچنجیسی لوار نهر ایدرک اولکانک وسط شرقی
 طرفلرندن غرب جهته طوغری کله درک اطلاس
 دکزینه قاریشور . دردنجیسی سن نهری اولوب
 کذلک اولکانک وسط شرفیسندن کله درک غرب
 طرفندن مانس دکزینه منصب اولور .
 بونهرلک جله سی سیرسفاینه قابلدرلر . بوندن مقدم
 دن نهریله موز نهرینک برر جهتی دخی فرانسه
 انهارندن عد اولنور ایدیه ده ۱۸۷۱ سنه سنده

فرانسه ایله المانیا اراسنده ظهور این محاربه
 اوزرینه الزاس ولورن ایالتلری المانیایه انتقال ایتسیله
 بونهرلر دخی مذکور ایالتلر ایله براب المانیایه الحاق
 ایتشلردر . بینه سیر سفاینه قابلا اولدیغی حالده
 ایکنجی درجه ده عد اولنان انهار ایسه بحر مانسه
 منصب اولان صوم واورون و بحر اطلسه آقان ویلن
 وغاسقونیا کورفزینه قاریشان شاراند و دور دوتیا
 و آدور و آق دکره قاریشان اود و هرولد و دارنهر لریله
 بعض انهار جسمیه قاریشان یون و مارن و آریپهن
 ولو وتارن و اینرودورانس و ساره در .

باخه وص بونهرلرک غایت جسم و مصنع جدولار
 واسطه سیله برطاقی یکدیگرینه الصاق ایدلمش
 اولدیغندن فرانسه ایچنده نهر دن نهره بر بیوک
 مر اسله طریق واردر .

فرانسه نك اورتلری بیوک طاغلردن خایدر . جنوب
 جهتده اسپانیا ایله فرانسه اراسنده حد فاصل
 اولان پیره نه طاغلری بیوک برسلسله جبال اولدیغی کی
 شرق حدودی اوزرلنده ژورا و آلب طاغلری دخی

جبال جسمه دن معدود دره . شمال شرقی طرفنده کائن
 ووسر طاغیری ایکنجی درجه جبالدن معدود اولور .
 فرانسه سواحلنده انکلتره واسوج قدر جزایر
 یوقدر . اطلاس دکزینک تشکیل ایلدیکی غاسقونیا
 کورفرزنده برقاچ جزایر صغیره بولنوب یالکز آق دکزده
 کائن قورس یقه اطهسی اولدق، جسم براطه دره .

ایشته حدودوسینوری وجغرافیای طبیعیسی
 شویله مختصراً ذکر اولنان فرانسه اولکاسنک شمال
 غربیدن جنوب شرقی به طوغری طولی ۱۰۶۴ کیلو
 مترو بونس بنله عرضی دخی ۹۲۴ کیلو مترو درکه
 عندالحساب بزم روم ایلی اولکاسی قدر انجق اوله
 بیلور . لیکن نفوسی بروایت کوره اوتوزالتی میلیونه
 تقرب ایدر که اوروپای عثمانی نفوسندن ایکی قات
 زیاده دیمکدر .

فرانسه نک پای تختی سن نهری اوزرنده واولکانک
 شمال غربیسنده واقع پارس شهریدر . بوندن
 صکره شمال شرقی جهتنده واقع مس شهریه
 پارسک جهت جنوبنده واولکانک وسط شمال

غریب هستند و لواری نهری اوزرنده واقع اورلایان
 و آنک دخی جهت جنوب بنده و اولکانک وسط غریب هستند
 واقع آنفوم و رون نهری اوزرنده و قطعہ نک وسط
 شرقی هستند کآن ایون شهرری فرانسه تاریخی
 ک زیادہ اہمیت الان شہر لدر .

اولکای مذکورہ ساکن اولان فرانسیز ملتک پک
 قدیم تاریخی روایتجہ پک آز مرتبہ سائر ملتہ
 قاریشقلخی وار ایسہدہ البوم اوستریا و ممالک عثمانیہ
 اولدیغی کبی فرانسیسہدہ ملیت و قومیت اختلافری
 اولیہ رق جملہ سی ملت واحدہ دن عبارتدر . ملتجہ
 و دولجہ طانتش اولان آیین قاتوایک آیینیدر . لیکن
 یرخیلی پروتستان و بر مقدار یہودی دخی سر بسجہ
 اجرای آیین ایدرلر .

اوروپا قطعہ سی ایچندہ اولان ممالکندن بشقہ
 فرانسیسہ نک قطعات سائرہدہ دخی مستملکاتی واریسہدہ
 انلر عائد اولدقاری قطعہ لردہ ذکر اولنہ جقدر .
 لیکن قورسیقہ جزیرہ سی اوروپا جزایرندن معدود

اولمغه بوقاروده تعیین اولنان فرانسه حدودی ایچنده
داخلدر .

﴿ فرانسه تاریخک تقسیمات اساسیه سی ﴾

تاریخ یازان بر محررک الک زیاده صعوبت چکدیکی شی
تاریخک ابواب و فصولی تقسیم قضیه سیدر .
فرانسه تاریخ ایسه ابواب و فصولی تقسیم
خصوصنده محرری الک زیاده اعاب ایدن توارینک
برنجیسیدر .

عالمده تاریخک چوق یازلمش ملت فرانسهز ملتی
اولوب نظرگاه مطالعه مزده بولنان توارینک جمله سی
تقسیم ابواب و فصولده بر بشقه جهتی التزام
ایلدیکنه و حالبوکه هیچ بر یسی بزم کائنا تمزک بولدن
مقدم سبقت ایدن جلدلرنده التزام ایلدیکمز صورت
تقسیمه توافق ایتمامکده بولنمش اولدیغنه بناء بز فرانسه
تاریخک صورت تقسیمی دخی اولدیکی جلدلره تطبیق
ایتمکه مجبوریت کوردک . بو باده روسیه تاریخندن
زیاده مشکلات چکه چکمز دزکار ایسده اصل مقصد

فصول و ابوابی و قوعاتك انقطاعیله حاصل اولان
مفصلاردن آیروب تقسیم ایتک اولدیغنه کورد چکیلان
مشکلاتی، کوزه الدير مق لازم کلیور .

ایمدی وقوعات مشهوده سنه نظرأ فرانسه تاریخی
اساسأ درت بابیه تقسیم ایتک لازم کلیور . برنجی
باب فرانسه نك مبدئندن یعنی تاریخی اطلاع
یتدیکی بر زماندن بدأ ایله ۷۵۲ تاریخنده مر و ونیریهن
خانداننك ختام مدته قدر اولان وقوعاتى جامعدر .
ایکنجی باب تاریخ مذکور دن بدأ ایله ۹۸۷ تاریخنده
ختمه ایرن قارلو ونیریهن خانداننك ختام مدته
قدر سبقت ایدن وقوعاتى شاملدر . اوچنجی باب
تاریخ مذکور دن بدأ ایله ۱۷۹۳ سنه سنده فرانسه ده
تنظیمات اعلان اولدیغی زمانه قدر قاپه سییهن
خانداننك مدت حکومتلرینی بیان ایدر . دردیجی
باب ایسه ۱۷۹۳ سنه سنندن زمانه کنجه یه قدر
فرانسه نك کورمش اولدیغی انقلاباتى متضمندر .

بالاده ذکراولنان ابواب اربعه دن برنجیسنی اوج
فصله تقسیم ایلدک . برنجی فصلده فرانسه نك

بدايت احـ والى ذكر ايدہ جکز کہ ميلادك ۱۲۷
 سنہ سنندہ مروونيرين خاندا نك تشـ كلنہ
 قدر وقوعبولان حالاتى كـ و ستر . ايكنجى
 فصلده تاريخ مذ كودن بدأ ابله قلوو ينك تاريخ وفاتى
 اولان ۱۱۱ سنہ سنہ قدر كذران ايدن خصوصاتى
 ذكر ايدہ جکز . اوچنجى فصل فرانسہ نك متعدد
 نسلر اندہ صورت انقسامنى حكاہ ايدر کہ برنجى
 بابك نہايندہ يعنى ۷۵۲ تاريخنہ قدر وارر .

ايكنجى بابى فصل اوزرينہ تقسيم اقنضا ايتيوب
 اوچنجى بابى درت فصلہ تقسيم ايلدك . برنجى فصل
 قابہ سيہن خاندانك بدايت تشكندن ۱۳۲۸ تاريخنہ
 قدر بردوزى بہ صورت حكومتلر ينى حكاہ ايدر .
 ايكنجى فصل تاريخ مذ كورده واوا خاندانك دخى
 حكومتلر ينى ۱۴۹۸ تاريخنہ قدر كذران ايدن
 حالاتى كوسترر .

اوچنجى فصل تاريخ مذ كوردن باشلايوب ۱۵۸۹
 تاريخنہ قدر اورليان خاندانك دوام حكومتى حكاہ
 ايدر .

دردنجی فصل ایسہ تاریخ مذکورہ بوربون
شعبہ سنک حکومتہ وضع ید ایسہیلہ بابک نہایتہ
یعنی ۱۷۹۳ تاریخ قدر بوشعبہ نک دوم حکومتی
بیان ایدر .

دردنجی بابی اون فصلہ تقسیم ایتمک لازم کلور .
برنجی فصل فرانسه نک اعلان تنظیمات ایدیشنی حاویدر
عن ۱۷۹۳ الی ۱۷۹۵ ایکنجی فصل «دیرکتور» دنیلان
ادارہ نک صورت وضع ودوامی متضمندر عن ۱۷۹۵ الی
۱۷۹۹ اوچنجی فصل «قونسول» دنیلان ادارہ بی
حکایہ ایدر عن ۱۷۹۹ الی ۱۸۰۴ . دردنجی فصل بیوک
تاپولیونک ایپراطور لغنی حاویدر عن ۱۸۰۴ الی
۱۸۱۵ بشنجی فصل اون سکزنجی لوئیک زماننی بیان
ایدر عن ۱۸۱۵ الی ۱۸۲۴ التنجی فصل اوننجی
شالک زماننی حاویدر عن ۱۸۲۴ الی ۱۸۳۰ بدنجی
فصل لوبی فلییک مدت حکومتدن بحث ایدر عن
۱۸۳۰ الی ۱۸۴۸ سکزنجی فصل فرانسه دہ ایکنجی
جمهوریتک اعلانی متضمندر . عن ۱۸۴۸ الی
۱۸۵۲ . طبقوزنجی فصل فرانسه دہ ایکنجی
ایپراطور لغ مدتی بیان ایدر عن ۱۸۵۲ الی ۱۸۷۰

اوتنجی فصل فرانسه ده اوچنجی 'جمهوریتک
اعلانیه شمسی به قدر دوام ایدن احوالی مبنیدر .
عن ۱۸۷۰ الی ۰۰۰۰

ایشته فرانسه تاریختک تقسیمات اساسیه سی شوندن
عبارت اولوب انجق دها بر طاقم احوال فوق العاده
ارایه کیره رک تقسیماتی نوعاً اخلال اتمک لازم کلمش
ایسه ده احوال مذکوره آریجه بنده مخصوص صلا الله
تفریق اولنه رق بو تقسیمات محافظه قلمشدر .

— ❦ — برنجی باب ❦ —

فرانسه تک مبدئندن مروونیریه ز خاندانک ختام
حکومتلرینه قدر عن ۰۰۰ الی ۷۵۲

— برنجی فصل —

❦ فرانسه تک بدایت احوالی ذکرنده در ❦

عن سنه ۰۰۰ الی سنه ۴۲۷

تفصیل — فرانسه تک تاریخ قدیم اساسانده اسمی «غول»

ممالکی دیہ ذکر اولنور . اش-جو غول ممالکی وقتیلہ
 بر طبق اقوام و قبائل میانندہ تقسیم اولنمش-یدی کہ
 عدد لری اوچ در تیوزی تجاوز ایدر ایدی . انج-ق
 یونلر اساماً اوچ قومیتہ منقسم ایدیلر .

یو اوچ قومیتدن برنجیسنہ «سلت» یا خود «غال»
 دینلور کہ ملت مر قومہ عن اصل آسیای وسطی
 اہالیسندن اولوب کیم بیلور میلادن نہ قدر اول
 یونانستانک برنجی اہالیسی بولنسان «پلاسرت»
 واورو پای شرقی بہ منتشر اولان «سلاو» قومی
 کی بونلر دخی اورو پا ایچنہ ہجرت ایتمش و کیدہ کیدہ
 قطعہ نك تا منتهای غربنہ قدر کیتشدر .

غال و سلت اسملری لفظ مشترک اولیوب آسیادن کلان
 مهاجرین مذکورہ نك اصل اسملری «سلت» و ایچلرندن
 برطائفہ نك اسمی «غال» اولسی مطنوندر .

ہر نہ ایسہ بو طائفہ فرانسه نك منتهای حدود غربیسنہ
 کلدیکی زمان قارشو طرفدہ بریتانیا جزیرہ سنی کوروب
 اورایہ دخی مهاجر کوندرش و تا ایرلاندایہ قدر واروب
 برشمشدر کہ بو خالہ کورہ انکلترنک دخی برنجی
 اہالیسی بونلر دیکندر .

(انگلترہ ص ۱۵ امر) حتی الیوم انیکلترہ دہغال
 ممالکی دیہ یاد اولمان مملکتک اسمی بونلردن قالمش
 اولسی بدیدر . زیرا اسانلردن بیلہ بر خبلی لغات
 وکلمات ایوم اہالی مذکورہ عندندہ مستعملدر .
 یوقارودہ ذکر اولمان اوچ قومیتدن ایکنجیسی «ایبر»
 یاخود «باسق» اولوب سلت طائفہ سی کلدیکی
 زمان بونلری غول ممالکی ایچنہ منتشر اولمش بولدیلر
 تدقیقات تاریخیہ ایلہ اکلاشلدیغنه کورہ ملت مر قومہ
 ذاتاً افریقائی شمالی خلقندن اولہرق اولاً سبتہ
 بوغازینی مرور ایلہ اسپانیایہ وبعده پیرنہ طاغلیزینی
 عبور ایلہ فرانسہ قطعہ سنک جنوب طرفلرینہ
 یایلشدر .
 اقوام نثہ دن اوچنجیسی «بلز» یاخود «کیریس»
 دینلان خلق اولوب بونلر ضاکرہ دن «هو» نام
 ریسلرینک سوقیلہ رن نہرینی کچدرک غول ممالکینک
 شمال طرفلرینہ منتشر اولدیلر کہ الیوم بلجیقانک
 اورو پالولر اسانندہ «بلز» دینلان خاقی بونلرک
 اخقادیدر .

بواو چ قومك و بونلرك دخی منقسم اولدقلری قبائلك
باشبومهاجرتلری اویله صورت منتظمه ده وقوعبولمش
برشی دکلدر . دأما یكدیكر یله محاربه ایده ایده
یا یلشلردر که بو محاربات مدیده و متابعه حقنده تار یخجه
معلومات مغتود دکل فقط آزدرد .

فینکه اهالی مشهوره سی صنایع بحریده اولان
قوتلری جهتله آق دکرک اکثر محللرینی تجارت
طریقله سیر و سیاحت ایدرک بعده مهاجرلرینی دخی
دخی ارسال ایلدکلری صروده بونلردن برفرقه آق
دکره دوکولان اوار نهری منصبی جوارینه کله رک
ایچرولره طوغری یا یلوب کیتسدر .

انلردن بشقه اسکی یونان ملیتنه منسوب ردوس
خلقی دخی کلوب مارسیلیا شهرینی بنا ایلدیله .
سلت ایله بلژ خلقی هر نه قدر عن اصل آیری آیری
برر قومیته منسوب ایسه لده بونلرك عادات و اخلاقی
وقبافتلری همان یكدیكر ینک عینی دیمک اولدیغندن
اهالی متجاوره بوا یکی ملتی بر بوندن فرق ایتمیه رک
ایکیسینی برعد ایدرلر ایدی . یونانلور و رومالور

ایسہ غول ممالک کند، بولمان خلقک ہیج صنفی دیگر نندن
 آرمہ برق ہپسنی برطانورلر ایدی . زیر اہالی
 ہند کورہ نک شجاعت و بہادرلیکی ہب بر مقیاسدہ
 اولدیغندن رومالورل نظر ندہ «غول» دیمک شجاعت
 و جنگاوری معناسنی مبین بر لفظ کی تاقی اولنور ایدی .
 حتی رومانک خیالات شاعرانہ یہ وجود و یرن بعض
 ادبسی دیرلر ایدی کہ «غال طائفہ سی یالکز بتی
 ہشرہ قارشو محار بہ دکل عالم بالایہ قارشو دخی جنکہ
 یلتورلر . اسن روزکارہ اوق اتارلر . کورلیان
 یلو طلرہ طاش آنارلر . چوشقن نہرلرہ قلیج چکرلر»
 اہالی صر قومہ غایت قہرمان شہر ب و فقط ز یادہ سیلہ
 حلیم اولوب بر کوی اہالیسی یکدیگر یلہ قرنداش کی
 کینور و ایچلرندن بریسی بر کونہ ظلم کورہ جنک
 اولسہ انک انتقامنی المق ایچون جملہ سی اتفاق
 ایدر ایدی . آحاد ناسک بر قسمی صفائی کسوب
 و بر قسمی الابیلدیکنہ اوزاتر و زادکان طاقی طراش
 اولور و بیقلرینی تادود اقلرینی اورتجہ یہ قدر اوزاتر
 ایدی .

سفر دلی بر قورد و یا کوپک در یسندن عبارت اولوب
 یدکاری همان یالکز اته منحصر ایدی . اتک الک
 یاغلی پارچه لرینی الک بهادر قهرمانلره تقدیم ایتک
 عادت ایدی که سفرده ایکی بهادر بولنه جق اولسه
 بونیه اکرامک موجب اوله جغنی شرفی بر برینه ترک
 ایده میهرک نهایت قانلری بهاسنه صاتون المغه قدر
 واردقلری صحایف توار یخده مندر جدر .

خانلرینه بر مسافر کلدیکی زمان سائر بار بار ملت ترکی
 بونلر دخی بر ضرر ایتماکدن بشقه مسافری حسن
 قبول و اطعام ایدرلر ایدی . انجق مسافر یمک
 یمه دکن صکره حال خاطر صور میوب طعامدن صکره
 زهلی اولدیغنی ونه ایچون کلدیکی زهیه کیسه جکنی
 صورارلر ایدی . بو حال شاید کلان مسافر دشمن
 ایسه یمک یمه دن براقوب کیتماک ایچون اولدیغنی
 ظن اولنور .

غوللر او قدر دعوالی آدم لردر که اکثر ضیافتلرده
 اوته کی بزوک کندی لرینک مدح و شناسی حقنده
 نطقلر ایراد ایتدکاری صره ده دیگر طرفندن

اعتراض وقوع بولور ایسه بو حالدن طولابی او قدر
شدتلی غوغار ظهور ایدر ایدی که ذاتاً کندیلری
اولومی هیجه صاید قلزندن بر برینک جانسه قدر
قصدا ایدر لر ایدی .

کندیلرینک الوانه پک زیاده مر اقلری اولوب
رنکارنک البسه کیمک عندرنده ال بیوک عظمت
صایبله رق هر کس اوموزلرنده کی آپولت لک انواع
الوانی درجه سنده مقنخر اولور ایدی .

استعمال ایلدکاری قالقانلر اصحابنک بو بی قدر
اوزون اولق شرط ایدی . هر کس قالقاننک تزیینی یولنده
اولانجه همتی صرف ایدر ایدی . چونکه قالقانلر
بالک الت مدافعه اولیه رق بر نوع سوس وزینندن
معدود اولغله هیچ بروقنده اللرندن دو شمز ایدی .
یاشارینه کبدکاری مغفرلر سائر ملت لک جمله سنندن
کوزل ایدی . بعضلر مغفرلری اوزرینه بوینوزکی
سیوریلر یاپار و بعضلری قوش وسائر حیوانات
رسملری نقش ایدر ایدی که بو حال الما نیاده حالا
موجوددر . بحار به لرنده و یا خود صید و شکارلرنده

ایری بوزولری آجی آجی چالق عادتلرندن ایدی .
 بعضلری جنکده زره کیرلر ایدیسسه ده اغلی زره کیمکی
 قورقاقلغه حل ایدرک عیب کوررلر ایدی . بونلرک
 قلیچلری غایت اکللی یوزلی وایکی ال ایله استعمال اولتور
 اسپادونلردر .

غالربلارینه کوشدن ودها زنگینلری آنتوندن
 کمرصارارلر و سلاخلربنی بوکیرله آصارلر ایدی .
 قولاندقلری اسلحه ایچنده اسکی عجملرک کورر
 دیدکلری تیموردن معمول تیکنلی طوپوز دخی وار
 ایدی .

مخاریبات واقعه ده سائر بعض ملتلر کی بونلردخی
 ایکی آت قوشولی برنوع جنک عربهلری استعمال ایدرلر
 ایدی که هر عربه ده بر عربه جی و بر جنکجی بونلور
 و جنکاور هر نوع اسلحه بی عربه ایچندن استعمال
 ایدر ایدی . یالکن قلیجه طور ایقی لازم کلور ایسه
 عربه دن اینوب اوزمان ده مطلقا هبجوم صورتی
 کوررلر ایدی . عربان بدویه کی اثنای محاربه دم
 اک دلاور اولان میدانه چیتوب قارشو طرفدن از

دعوت ايتك عادتى غوللرده دشمنى واردر كه دشمنى
 تخريص ايتك اچون انده كى اسلمه يى صالح الايوب
 او ينامق و شيدتلى نعره لر آتمق بورول چالق جله
 عاداتن ايدى . تمام قارشوسنه برقهрман چيقديغى
 زمان عربلر كى « بن فلان اوغلى فلانم » ديه تا
 اجدانلن بدأ ايه كنديسنه كالججه قارشوسنده كى
 حصمى كنديسنى تحيير ايدرك او صورتله محاربه يه
 قويولورل غالب مغلوبك باشنى كسوب خانه سنك
 بر طرفنه آصار و اكر مقتول معنبر بر آدم ايسه باشنى
 الى نه يه صافلار و مقتولك فاملياسى اچون باشى
 دشمن انده برامق پك عيب اولديغندن درجه قوتنه
 كوره آغر لعنجه آتونه قدر و يروب مطلقا باشى قورتارر
 ايدى .

قانيلر قوجه نختابنده غايت سربت ايديلر .
 هر كيمي ايسترل ايسه اكا واررلر ايدى . انجق
 چوجقلر تا سلاح استعمال ايد بيلك زمانه قدر
 باباريله برابر طشمره چقاعزلر ايدى . بر كيمسه وفات
 ايلديكى زمان انساندن بشقد سو كيليسى اوله رق آت سلاح

ہزنہ سی وار ایسہ برلکدہ دفن ایدر لر ایدی •
 برزمان اشیای مذکورہ بی آتسہ یلقق معتاد ایکن
 صکرہ بو عادت ترک اولمشدر • متوفانک اقرباسی برر
 مکتوب یازوب جنازہ ایلہ برابر دفن ایدر لر ومتوفانک
 بونلری او قویہ جغنی اعتقاد ایلر لر ایدی •

غال ملتی مقدملری رعد و برق و روزگارہ وجوشتن

درہ زہ و طاشمش کول والحاصل قوت طبیعتہ پرستش
 ایدر لر ایکن موخرأ درو یدلر بونلرہ ارباب متخیلہ یہ
 دخی عبادت ایتکی او کر تدیلر • جنک وجدال ربہ
 (ہوس) و صنایع و تجارت ربند (توتاس) دینلور
 ایدی • درو یدلرک سائر احوالی انکلتہ تاریخندہ
 (صحیفہ ۱۸) یازمشدر • او صحیفہ بہ مراجعت

اولنور ایسہ غال ملتک اصول حکومتی حقندہ دہ معلومات
 النہ بیلور • زیرا درو یدلرک غول ممالکیندہ کی
 حکومتلری بریتانیادہ کی حکومتلرینک عینی اولوب
 شوقدر وارکہ میلاددن اوچ عصر مقدمنہ طوغری
 صاحب نفوذ وارباب استقلال زادکان یعنی قرالار
 درو یدلر قدر کسب نفوذ ایتش اولدقلرندن بونلرہ

تابع اولیان درویدك حكم و تأثیر نفوذی آزمائش
ابدی .

ملل قدیمه ایچنده غال خلقی قدر جنکا و راسکده
شهرت المش هیچ بر ملت اولیوب بونلر قسمتلرینی
قلیچلرنده ارایه رق آله و پیره نه طاغلرینی آشوب
اسپانیا و ایالتا طرفلرینه متعدد هجو ملر کوستر مشلردر
بالکز بو قدرده دکل . بونلردن بعض قبیله لر طونه
سواحله یونانستانه و تانا طولی یه قدر غالبانه
آقینلر ایتدیلر . حتی میلادك ۳۹۰ سنه
مقدمنده بونلر روما اوزرینه دخی هجوم ایدرك او پای
تخت عظیمی زیر و زبر ایتدیلر که روما لولر بو ذل
مغلوبیتی انجق بر عصر صکره اوزرلندن آته بیلدیلر .
دولا بللا نام روما قونسولی برفرقه روما عسکری
سوقیله غول مالکندن سستون قومنك ایچنه کبروب
خانلرینی یاقدی ماللرینی یغما ایتدی ارککلرینی
اولدوردی قاریلرینی چوجقلرینی اسیر ایدوب
صانیدی حاصلی مملکتی برله یکسان ایتمیجه چیقمدی .
رومالولرك غلبه سی بالکز بونکله ده قالمدی . میلادك

۶۲۵ سنه مقدمندہ فالرک الملی بیک نفر قدر براردوسی
 روما پیشکاهندہ تاروما را اولوب ایچلرندن اون بیک قدری
 ایچق عودت ایدہ بیلدیلمر . ایشته بوصورتله باش
 کوستن محاربات شدیدہ ومدیدہ دوام ایلمدیکی مدت
 روما لولر دیگر طرفدن اسپانیا و آفریقان برچوق
 مملکتلری زیرادارلرینه المش بولمغله قره دن اسپانیایہ
 قدر بر طریق مر اسله آچق ایچون مارسلیادہ بولنان
 یونانلور ایله اتفاق ایدرک پیدر بی غول ممالکنک
 جنوب طرفلرینی استیلا ایتدیلمر و برکره بوصورتله
 طرناق طاقدقدن صکره یواش یواش شماله طوغری
 ایلموله مکدن کیر و طورمدیلر .

غال وزومن کی ایکی جنمکاور ملت اراسنده اویله
 عصرلرجه دوام ایدن محارباتک تفصیلا تیله برر برر
 ذکر ی اولیابده قوجه بر کتاب مخصوص یازمغه محتاج
 اولوب حالبوکه تفصیلات مذکورہ نک مطالعہ سیندن
 او قدر لذت دخی النهمز . شو قدر دیهلم که محاربات
 مذکورہ یه تا میلادک ۵۰ سنه مقدمندہ قیصر روم
 ختام و برمش و روما جمهورینک اوروپای شمالی یه

طوغری انکلتریه قدر فتوحاتی اثنا سنده غول ممالکی
دخی رومانک بریاتی حکمنده قالمشدر .

قیصر روم غول ممالکی تحت اطاعتده طوته بیلک
ایچون تمامیه قح ابدوب بتورنجدییه قدر اولجه ضبط
اولنان محللر اهلایسنننن عصیان ایدرک سلاحه ال
صالدیرهش اوانلرک اللربنی کسک کبی پک چوق
هر جتسزاکاره ایتداریلمش ایدسه ده ملت صر قومدک
برکره تمامی اطاعتنی کورد کدن صکره هر در او مظانی
ترک ایدرک ولایات والویه نک حکومتنی ینه غولره تودیع
ایلدی . ارتقی هیچ برعادتلرینه هیچ بر نظاملرینه
مداخله ایتمیوب یالکز سنوی قرق ملیون سسترس
یعنی یدی ملیون سکز یوز بیک فراتی قدر پروبرکوی
مقطوعی اخذ و تحصیل ایله اکتفا ایلمایدی .

غولرک نه قدر قهرمان اولدقلر بنی طانیق . بونلر
یراز صکره قیصرک شجاعت وقهرمانیسنی بکنوب
کندیسنه عرض خلوص و صداقت ایلمدیلر .
قیصر ایسه اوله بر قهرمان ملتک وعد ایلمدیکی
صداقته اعتماد ایدرک ال زیاده اعتماد شایان اردوسنی

بونلردن تشکیل ایلدی . قیصر دن صکره اوکوست
 غال ممالکننده بعض اجراآت و تنظیماتنه باشلادی .
 از جمله اقوام موجوده نك عصیت قومیه سنی اخلاص
 ایتک ایچون ایالتلری بی اولا بر خیر ایدرک بعده یکیدن
 بالتفریق بو صورتله بر قاق قومی بر برینه قانش اولدی .
 اک چوق یرلرک اسملری بی دکشدیردی . بوتبدلات
 اوزرینه غول ممالکی درت بیوک ایالت والتش سنجاعه
 منقسم اولدی .

بو اجرا آتدن بشقه غوللری روما اخلاق و مدنیتنه
 صوقق ایچون بر چوق روما فاملیلری بی اورایه سوق
 ایلدی . بونلرک خلقله حسن آمیزش ایتلری جمله
 مجبوریتلرندن ایدی . بو صورتله غول خلقی روما
 تربیه سنی بیاغی اکتساب ایلدیله . روما اصولجه
 مکتبلر آچدیله . انلرک صنایعنی اوکرندیله . فاملیلر
 تربیه لری بی دخی رومایه تقلید ایلدیله . غوللر کی
 جنگاور بر خلقک مطلقا کار کذار اوله جغنی دخی تعریفه
 محتاج اولیوب بونلر بر کره مشاق و مصائب حربیه دن
 قورتلدقدن صکره ارتق زراعت و چوبانلغه و بعض

صنایع نفیسه‌یه او قدر صالحه در دیر که اول صورتله
 قازانقلری ثروتک مال غنیمت کبی حاسد و طمعه کارلری
 اولدیغندن خیرینی کورمشلر و ممنون قالمشلایدی .
 نتیجه کلام غول ممالکنک بتون بتون روما ملتله
 انقلابی ایچون یالکز درویدرک بهض اعتراضات
 خفیفه سندن بشقه برمانع قالماش و ایجق درویدر
 خلقه اسکی استقلال حالربنی اخطارله بو استقلالک
 ینه استردادینی ترویج ایتکده بولمش اولدیغندن
 او کوست مر قوملرک قوتنی قرمغه قویا عزم ایلدی .
 قلود درویدرک ایدنلری اعدام ایله تخویف ایدر
 ایدی . بو صورتله قوتلرینه خیلی خلل کلدیکی
 کبی پیدر پی انتشاره باشلایان خرسیتیانلق آیینی مذهب
 قدیمک بتون بتون ازاله سنه همت ایدر ایدی .
 میلاد عیسانک ایکنجی عصرنده ایدی که خرسیتیانلق
 آیینی الپه طاغلربنی آشمش ایدی . غول ممالکنده
 برنجی کلیسالیون ممالکنده تأسیس ایدلدی و شهر
 مذکور خرسیتیانلغک سار محلالره دخی انتشار یته
 مرکز اولدی .

خرستیانلق غول ممالکنه بزم از میر شهر نندن انتقال
 ایلسدر . انجیق بریاندن درو بدلك تشویقات
 وترغیاتی و دیگر طرفدن رومابت پرستلرینک اعتراضی
 مناسبتیه هرکس خرستیانلقک علیهنه قیام ایتمکله
 ارباب دین زیاده سیه زحمت چکرلر ایدی . سکسان
 قدر پاپاسلردن بعضیسنک روماده ارسلانلر پنجه سنه
 آتلی و برطاقنک دخی جلالدر الله تسلیم اولغنی
 واقعا پک مدھش برشی ایدیسه ده سائر آحاد ناسدن
 دوکولان قانلر یاننده بو پاپاسلرک قانی قطره بیله
 قاله مز . بونکله برابر انتشاری منع ایدیلان برشیتمک
 مطلقا و حتی دها قولای انتشار اید، چکی قاعده
 کایه سی بو حالده دخی حکمنی اجرا ایلدی . چونکه
 خرستیانلر نه قدر موافقه تصادق ایدرلر ایدیسه
 او قدرده منتشر اولورلر ایدی .

مؤخرأ خرستیانلق قوت بولوب ده رومادخی
 خرستیانلقه معاونت ایتمکله باشلامسیه هر طرفدن
 درو بدلر اوزرینه هجوم و ترده دروید بولور ایسه
 اعدام ایدلر دیکندن خرستیانلر کره کی کبی راحت

و حضـ و رده قالدیلر و درویدلر سس چبقاراماغده
 باشلادیلر . غول ممالکنک بورا حتی بر عصر مدت
 قدر دوام ایلدی . انجق رومالورله بتون بتون
 قایناشوب الك بیوک مأموریتلره قدر نائل اولدقدن
 صکره داخلی و ملی بعض محاربہ نرظہ۔ و ر ایلمکہ
 باشلادیغی مثللو جرمانیا طرفلرندن جرمن باربارلری
 و نورمانیا لور دخی غول ممالکنی تعجیزه ایتددار
 ایلملر ایلدی .

یوحنا ده تعجیز دیدیکمز شی سنه دن سنه به ارتار ایلدی .
 آرتہ آرتہ محاربہ نرنگلرینی آلدی . هله رومالورک اخلاقی
 دکشوبده اداره امورده تکامل ایتکده الشدقدن
 صکره ارتق مظالم و تعویات آرتدچقه آرتار و بودخی
 نفرت عامه بی و داخلی اختلافلری قوتلندیردکجه
 قوتلندیر ایلدی . ایشته یوحنا کیده کیده کرک رومانک
 کرک غوللرک قوتلرینی هیجه قدر ایندیرمش اولغله
 انجام کارتممال باربارلری غول ممالکنی دکل حتی
 رومایی دخی زیر وزیر ایتکده هیج بر صعوبت
 یکورماشلردر :

ایمدی برمنوال محرر غول و روما مملکتی از عاج ایده ایده
تهایت ضبط و تقسیم، قویمش اولان قبائل شمالیه
اراسنده «فرانق» نامنده برقبیله غول ممالکی اوزرنده
فرانسزدولتی تشکیل ایلشدر که آئیده کی بند مخصوص
مذکور فرانقلرک کیفیت ظهور و فتوحاتی بیان
ایده جکدر .

بند مخصوص

«فرانقلر»

غول ممالکی درت عصر مدت روما تحکمی التنده قالمش
ایسه ده بومدک یانکز ایکی عصری اغز طادیله کچوب
دیگر ایکی عصری عادتار زالتله هرور ایلشیدی .
چونکه روماده ظلم و تعدی چونغالهرق و باخصوص
روءسا و وکلانک طبیعتلرینه سفاهت کله رک معیشت
سقیهانلری ایچون محتاج اولدقلری ایچیبی خلقدن جبر
وزورله تحصیل ایلدکلری حالده خلقک ترقی زراعت
وصناعتلرینه اصلا همت ایتیرک و قبائل و ملل
متجاوره ایله جریان ایدن معامله تجار په لرنده تبعه بی

قطعاً جایه ایلیمه رك خلق دخی فقر وفاقه به دوشمش
ایدی . شمال بار بارلی و با خصوص جرمن طائفه سی
غول ایچنه طوغری هجوم ایلدکاری حانده اواسکی
جنگاور غوللار دت عصر دنبری چققیلاکله چو بانلغه
قویولهرق ارتق قهرمانلغی اونوش بولندقلری جهته
دشمنه مقابلده چیقهمز ودوات ایسه لزومی قدر عسکر
بسپله مک ایچون خزینه سنده قوت کوردیمه رك حتی
اوتیه برویه سوق عسکرله بعض اشقیایی بیله دفع ایده مز
اولدی .

رومایی بر منوال محرر بیزار ایدن جرمن طائفه سی
میلاد عیسانن ایکی یچق عصر قدر مقدمنده رن
نهرینک ساحل یسارنده برلشمشلر ایدیه ده غوللارک
وروماولورک شجاعت و مهارت حربیه لری باقی اولدیغی
مدت سسلزینی چیقارامیوب اوتورمشلر ایدی .
بو جرمنلر ایکی بیوک هیئت متفقده یه منقسم ایدیلر .
برنجیسی سوئه و جنسنه منسوب اولهرق جنوب طرفلرینه
منتشر اولان خلق اولوب بولره شمال اسانججه (آلمان)
دیتلشدرکه (مس دلر) دیمکدز . ایکنجیسی شمال جهته

منتشر اولان صالدين وسبقامبر و بر وقت و شروسق
 وقات قبيله لر ينك هيئت متفقه سي اولوب بونلر دخي
 وءخرأ (فرائق) نامني الديلر كه (قهرمان) معناسنه در .
 انجق غوللر و روملر اشبو « المان » و « فرائق »
 ناملر يني بك چوق صكره ايشيده بيلديلر . حتى
 بو ناملري روما كتابلرنده ميلادك ايكيوز قرق برنجي
 سنه سنه قدر كيسه كورما مشدر .

جرمن طائفه سي هر طرفه آقيلر ايتش ايسه ده
 فرائقك مهاجماتي يالكز غول ممالكنه منحصر قالمشدر .
 ميلادك ۲۵۶ تاريخنده بونلردن بر فرقه غول ممالكني
 آشوب اسپانياي هر ج يعرج ايلد كدن صكره افر يقايه
 دخي مرور ايدرك چوللر ايچنده غايب اولوب كيتديلر .
 ۲۷۷ سنه سنه دخي بر فرقه طونه نهري اوزرندن
 قره د كزه ساحلنه قدر كيدوب اوراده يرلشمشيدى .
 لكن بونلر اوراد، اكلنه ميهر ك تدارك ايلد كلري كوچك
 كوچك كلير ايله استانبول بوغازندن كچوب يونانستان
 واناطولى وافر بقا سواحلى غارت و يغما ايلد كدن
 صكره اسپانيا و غول ممالكنيك دخي بر چوق بر لر يني اورارق

فرانسیس بنه زن نهری کنسار بنه و همشهر یلرینک یاننه
کادیلر .

روما ایمپراطورلغنیك حال ضعفی ومال سائره نك ایدسه
کندیلری قدر قوت و شجاعتی اولدیغی و با خصوص غاله
طائفه سنک بتون بتون قورقاق اولدیغی حقیقده اوزمانه
قدر فرانقلرک اول قدر معلوماتی یوق ایکن عودت
ایدن سالف الذکر فرانقلر بو بایده ارقداشلرینه معلومات
مقنعه کتوردیلر . بو قدر اسفار بعیده یه موفق اولان
یر قومک پک یقین یرلر نه درجه لره قدر تسلط ایده چکلری
تفصیله محتاج دکدر . فرانق طائفه سی غوللر ایله
نه قدر شدتلی جنگ ایتکده ايسه لر جوارلرنده بولنان
اقوام ایله او قدر شدتلی حسن امتزاج واختلاط ایدرنی
ایدی که بو حال ایله ده ۳۵۸ سنه میلادیه سنده
فرانقلردن برفرقه یواش یواش رن نه رینک صول
طرفته کچوب حسن اختلاط ثمره سیله موز نه قدر
یا باشلر ایدی .

بولنر انشارده هیچ مقاومت کورماش دکدر
انجیق مقاومت کوسترنلر یالکز روما اردولری اولوب

فرا نقلر بونلره بالمقابله رجعتہ مجبور ایلدکن صکره
 ارتق اہالی موجودہ ایله اختلاط و اتفاق ایدرلر ایدی .
 مع هذا غولاردن فرانقلره اتفاق و صداقت ایچون اقرار
 و یرمش اولانلر مؤخرأ عهدلرینی بوزارلر ایسه درجه سز
 عقوباته دوچا اولدقلرندن خلق بونلر ایله اتفاقدن
 هم ممنون وهم ده مجبور ایدیلر . بناء علیہ بالتدریج
 ایلر ولیہ رك و قوتلری دخی آرتهرق رومالور حس
 ایدہ مدکلری حالده بیاغی انلرک قوتیله توازن ایدہ جک
 بر قوت پیدا ایلدیلر .

میلادک ۴۰۶ سنه سنه طوغری فرانقلرک غول
 ممالکی ایچنسه هجوملری بیودکجه بیودی . رادا کسر
 نام بار بار رئیسک ایکوز بیک جنکچی ایله ایتالیا
 طرفلرینی غارت ایلدیکی سرده سوئه والن و واندال
 اقوامی دخی رن طرفلرندن ایلرولر ایدی .

بو ارالق فرانق طائفه سی اشبو شمال مهاجیننه
 قارشو طور مغنه قالمیشوب و اندالردن بکر می بیک قدرینی
 قلیچدن کچوردیلر . انجق مر قوملرک متفقلری دخی
 یتشمکله فرانقلر مر ورلرینه ممانعتہ مقتدر اوله میهرق

یار بارلر غول ممالکنی چکننه دکدن صکره اسپانیایه
 ظوغری آقین ایتشلر ایدی . واندالرك ارقه سندن
 بورغوند دنیلان طائفه دخی هجومه ایشلادی .
 رومالور بونلره اصلا مقاومت ایده میه چکر بی درک
 ایتکله اوزمان رومایمیراطوری بولسان هونور یوس
 جینوه کولندن رن نهرینه قدر اراضی وسعیعه بی
 بورغوندره ترك ایتکه مجبور اولدی . ایتالیاطرفلرینه
 ایتش بولسان ویزیغوتارک رئیس اولان ااریس
 هونور یوسک همشیره سی سیدی بی ازدواج ایتش
 اولدیغندن کویا بارلری منع ایدجک واسپانیایی
 روما حسابنه قح ایدی ویره جک ایدی . لیکن کندیسینی
 یارسلون شهرنده سو قصدله اعدام ایتش اولدقلرندن
 یزینه کچن واللیانام رئیس فتوحات مذکورہ بی کندی
 حسابنه اجرا ایدرک ۴۱۹ سنه میلادیہ سنده اواری
 نهرینه قدر غول ممالکنی کاملاً قح ایلدی . بو حسابہ
 کوره غول ممالکنک بتون بتون رومالور اتندن چیقمش
 اولسنه هیچ برشی قالماشیدی .
 یار بارلر بوضورتله غول ممالکنه کیروب ده رومالور

بتون بتون اظهار ضعف و فتور ایلمد کدن صکره فراتق
 طائفه سی ارتق بوقارغه شالقمده برکلاه دخی کنیدیلمی
 قائمق لازم کلدیکنی کورمش اولدقلرندن بونلردت
 سالیمن نام قبیلہ ۴۲۸ سنه سنده قلو و یون نام
 رئیسلمرینک ریاستلمری التنده اوله رق قیام و خروج
 ایلمدیلمر که ۴۲۸ تاریخنده تورنه وقامبره طرفلمری
 استیلا ایتشلردر . رومالور ساربارباردن زیاده فرانقلره
 اهمیت ویره رک بولمقلرینی قتل ایدرلر ایلمی . بنا
 علیه انلردخی زرده بر رومالویه راست کلورلر ایست
 قتل ایلمه صوم ایالتنه قدر ایلمروله دیلمر .
 ایسته فرانسر ملیتک اساسی بوتاریخده مومی ایلمه
 قلو و یونک همی سایه سنده قورولمشدر . واقعابعضه
 مورخلمر فرانسر ملیتک واضع اساسی اولمق اوزره
 فارامون نام ذاتی تعیین ایدرلر ایستده یونک وجودی
 موهوم اولدیغی ظن اولنور . زیرا فرانسه نک
 ابتدای تاریخندن صورت صحیحده معلومات ویرن
 غره غوارده طور مومی الیمک اسمنی قاله الماشدر .
 فراتق طائفه سی هسین نام محاده رومالوری منکوب

ایدرك موقع حرب به برلنكده كوتوردكلاری عربهلری دائراً
 مادار دیزوب روماولوری اورادن بك بعید قیاسیله
 قلوویونك همشیرهسنی تزوج ایدن بررئیسك ازدواج
 جمعیتی اجرا ایدرلر ایدی . (چونكه انلر عربلرکی
 قادیلرینی دخی موقع حرب به برلنكده كوتوررلر ایدی) .
 حریفلر وحشیانه نغماتله طاغلی ایکنلر دكلاری
 وباربارجه سنه رقصلرایله یزلی صارصدقلری اشناده
 آتیه تبوس نام روماجسنلی برفرقه کافیه ایله بغته
 هجوم ایدرك جمعیتی تارومارایلیدی . جنزل مومی
 الیهك هجومی او قدر شدتلی ایدی که فرانقلر ایچون
 سلاحه صارلغه وقت قالمیدی . حتی کلینی بیله
 قورتاره میوب کافه مهمات حربیه لریله برابر ترک ایلدیلر
 یووقعه اوزرینه قلوویون چوق یسایه میوب وفات
 ایلدیسه ده فرانق طائفه سی ایچون قوردیغی اساس
 ملیت مندرس اولیوبینه باقی قالمیدی . زیرافرانسه ده
 هر وونیزنه خاندانه اسمنی یانکار ایدی براقش اولان
 هر ووه درحاک زمام اداره بی الهالارق یومغلوییتک قات
 قات آجیسنی چبقار مشدر که کیفیت اشاعیده ایکنجی
 فصلده بیان اولنه جقدر .

- ایکنجی فصل -

قلوویٹک وفاتہ قدر مر وونیرتہ نلرک حکومتی

عن ۴۲۷ الی ۵۱۱

تفصیل - فرہدہ کرنام مورخسک قولیجہ یوقاروکی
بند مخصوصدہ اسمی سبقت ایدن قلوویٹونک زوجہ سی
پرکون نھر کنارندہ بیقانور ایکن بروحشی جانوراوزرینہ
ہجوملہ بیاغی برارکک کی معاملہ زوجیہ بی اجرا التمسیلہ
اندن مرووہ حاصل ایلشدرد . انجیق یورواتک
خرافات قدیمہ دن اولدیغنه کیم شہہ ایدر . حتی
اجرا اولنان تدقیقاتہ کورہ مرووہ قلوویٹونک اوغلی
ایدوکنی بیلہ رد ایدیورلر .

قلوویٹونک زمانندہ فرانقلر میانندہ ہیج برانتظام
اولیوب مومی الیہ عادتتا بونلرک سرکرده سی کی برشی
ایدی . مرووہ ایسہ بردرجہ یہ قدر نظام وانتظام
ویروب حتی بوسببہ مبنیدر کہ اولادواحقادینک ارثا
جالس صندالیء حکومت اوللرینی فرانقلر قبول ایلدیلر
یوقاروکی بند مخصوصدہ بیان ایلدیکی وجہلہ

فرانقلر دو کون محاربہ سنده پریشان اولوبده قلوو یون
دخی وفات ایلدی کی زمان اکر رومالور ایله ایدی لان
محاربده ده دوام ایلمش اوله ایدی احتمال که فرانسلرک
مومی ایله قلوو یون همته قونلمش اولان اساس
ملیتلری مندرس اولور ایدی . انجق مر وود عقلایق
ایلدوب امر محاربده مسامحه کوستردی .

بوارالق هون طائفه سی بر یارقه بلا کی شرق
ظرفندن ظهور و بتون مانعه لری اقتحام و عبور ایدرک
غربه طوغری یایلمش بولند قلندن (روسیه ض
۳۶ مر) غایت ضعه دوچار اولمش بولسان روما
ایمپراطور اغنی تر تر ترمکه باشلا دقلری کی کرک غول
کرک المانیا طرفلرنده اساس حکومتلرینی هنوز قورمغه
باشلایان اقوام دخی خوفه دوشوب اولجه بر برینک
دشمنی ایکن بو کره جله سی هونلر علیهنه اتفاق
ایلدیلر .

دیرکن هونلرک رئیس آتیلایشیوز بیک کشیدن
مرکب معبتی خلتیله رن نهری اوزرینه طوغری چکر که
کی بوروبوب کادی ونهری دخی کچوب اورلیان

طرفلرینه قدر ایلروله دی . بونک اوزرینه (روسیه
ص ۴۰ مر) روما عساکر بله فرانقلر وسائر اقوام
مقباوره بالائحاد مقابله اوله برهجوم کوسه تدیلر که
آتیلا عساکر بونک ربعی قدرینی یزه سرروب بو حاله
جهانگیر مومی ایله حیرت و یرمکله ایتالیا طرفنه
طوغری چکدی کیتی .

هونلرک شو انهن زمانده جله دن زیاده فرانقلرک همتی
کورلمش و بونلر میاننده دخی بالذات مر ووه نک شجاعت
ویسائی تحسین ایدلمشیدی . بناء علیه فرانقلر
شو همتلری سایه سنده اقوام سائره میاننده نه قدر امتیاز
قازاندیلر ایسه مر ووه دخی فرانقلر میاننده او قدر
صیت و شهرت قازانوب قراللق کبی و بلکه دهامستقل
ودهامستبد بر موقعه کلمی و حتی اولاد و اخفادینه
دخی حق حکومت قازاندیرمسی بوندن نشأت ایلمشدر .
مومی ایسه مر ووه نک دهامسائر اجرا آتی اولوق
طبیعی ایسه ده انلر یوقاروکی موفقیتدن صکره تاریخ
نظرنده شایان قید و تحریر کورلماشدر . یاکیز اول
عهرمانک ۴۵۸ سنه میلادیه سنده وفات ایلمدیکی
تذکر اولنور :

هر ووه نك و فاندن صكره یرینه اوغلی شیلدر بق کچدی .
 شیلدر بق غایت جنکاور بر آدم ای دیسه ده شهوتنه
 غایت مائل اولدیغندن فرانقلرك قاریلرینی قزلزینی
 باشند چیقارمغه باشلامسینه هر کس کندیسندن نفرت
 ایتش ودها صكره لری علیینه قیامله مومی الیمی
 تورنزه قدر قاچرمش ای دیلر .

مومی الیه فرارایدرك مملکتنده قالان کینوماندا نام
 صدیقنه کندیسنك ینه عودتی اسبابینی استحصاله
 چالشیمی خصوصنی توصیه ای دوب دوستی مومی الیه
 دخی بر آتونی اورته سندن کسه رك یاریسینی شیلدر یقه
 ویرمش و یاریسینی دخی کندی یاننده الیقویه رق هر نه
 زمان بو یارم آتونی کوندر رسه اوزمان مملکتنه عودت
 ایتسینی قراله توصیه ایلشیدی .

شیلدر بق تورنزه ده قرال بولنان بازن نام ذاتک
 زوجه سنی باشند چیقاروب اکلمنکده اولسون اوته
 طرفده فرانقلر اجید یوس نام روما جنزلانی دعوت
 واکا اطاعت ایلدیلر .

شیلدر بقك دوستی کینوماندا یسه فرانقلر

ایچنده اسکی قرالارینه مطیع قالان برقاچ کشی ایله
 باش باشه ویرهک فراتقلری ینه شیلدریق طرفنه
 جلب ایتمک چالیشدی ایسه ده فراتقلر جواب رد
 ویرمماکله برابر اجیدیوسه اطاعتدن واز کچم یوب
 انکله برابر ویزیقوتلره قارشو محارباته دخی کیتدی لر .
 نهایت ۴۶۴ سنه سننده اجیدیوس وفات ایتمکله
 اوزمان فراتقلر اسکی قرالاری شیلدریقه توجه
 کوسه تزدکلر دن کینوما ند معهود یارم آلتونی قراله
 کوندرمش و شیلدریق دخی وطنه عودت یلشیدی .
 غره غوارده طور نام مورخ قدیم دیر که شیلدریق
 ممالکنه کلد کدن صکره قورنژده معارفه پیدا ایتمش
 اولدیغی قرالیجه بازینا دخی کلدی شیلدریق
 نه ایچون کلدیکنی مز بوره به صور دقده « سنک شجاعت
 و کفایتک بنی حبران ایلدی . بونک ایچون کلدیم .
 اکر دکزک اوتیه طرفنده بیله سندن شجیع سندن
 بهادر آدم اولدیغنی خبر آلمش اولسه ایدم اورایه قدر
 کیدر ایدم » جوابنی ویردی . قرال مز بوره ایله
 ازدواج ایدرک اوچ نفر قزی و براوغلی اولدی که اوغلی

قلووی نامیله کندیسنه خلف اولشدر .

روما غرب ایپراطورلغی انقراضندن صکره سالف
الذکر اجیدیوسک اوغلی سیغاریوش غول ممالکنده
باباسنک تحت اداره سنده قالمش اولان یرلده کندی
حکومتی اعلان ایلمش ای دیسه ده شیلدریق بوکا اول
قدر اهمیت و یرمیوب آخر عمرنده جرمن اقوامنه منسوب
اولدقلری حالده فرانقلرک غول ممالکنجه نائل
اوله کلدکلری مظفریاته رقابت ایدن، المانلرک برونی
قرمق فرض اولشیدی .

مومی الید شیلدریق ۴۸۱ سنه سنده وفات ایلدیکی
زمان اوغلی قلووی اون بش یاشینده بر دلی قانلی
اولدیغی حانده مقام قرالی یه کچدی که کویا طبیعت
مصلمت فراتیق قومنی کرچکدن بریوک ملت و بر
منافع سوت حانده و یق ایچون قلووی کبی بر مقتدری
اولیه کج یاشده، موقع حکومته کتوردی .

قلووی فرانسه مقام ریاستنه کچدیکی زمان
قارشوسنده طور بیله جک بالکز بور کینیون قومیه
ویز یقوتلر وار ایدی که بونلردن بور کینیون قومی

غوند بوت و غودجه ذیل نام رئیس لرینک قومانداسی
التنه اولدقلری حانده لوار نهر یله هله وتی و دورانس
اراسنده اولان اراضی بی ووبز بقوتلر دخی ایکنجی
الاریس نام قرالارینک ادارهسی التنه اوله رق
فرانسه نك جهت جنوبنده کائن اکیتن ایالتیه اسپانیایه
طوغری پیره نه طاعلرینک اوتیه طرفنه قدر محلاری
استیلا ایتمش لر ایدی . قلووینک تحت اداره و اطاعتده
یوئشان فرانقلر یالکز . سالیکن دنیلان قبیله اولوب
حالبو که غول ممالکنه کیره بیلک ایچون بولی اوزرنده
کندیسنه مطیع اولیان دیگر بعض فرانق قبیله لری وار
ایدی . قلووی قوت موجوده سنی بونلری ازمکه صرف
ایتمکدن زیاده انلرک قوتنی دخی کندی قوتنه ضم ایتمک
طریقنی اهم کورمش اولدیغندن بنیا کرو قاراریس
وسیره بر نام سرکرده لری تلطیف ایله دائرة
اطاعتنه الدقدن صکره بر بیوک اردو ایله غول ممالکنه
کیرمشدر . انک اول قایشوسنه کلان قوت رومالورک
یالکز بر لفظدن عبارت قالمش اولان صواصون ایالتی
اولوب فرانقلر ایالت مذکورده بی محافظه ایدن قوه

موجوده بی باسهوله بوزارق صواصونه صاحب اولدیلم
 كرك اشبو صواصون مظفریتی و كرك سائر بعض
 موفقتیلر اوزرینه هنوز یکریمی یکریمی بر یاشنه واران
 قلووینك شان و شهرتی آرتمش و جوارده بولنان قبائل
 مستقله بیاغی اندیشه یه دو شمشدر . بناء علیه
 رؤسای محلیه دن و رومالوشمش اولان خالوردن
 آورده یان نام کسه نه قلووی یه تأیید نتساب ایچون
 یورکینونلرک قرالی بولنان سائف لذکر غوندیوتک
 برادر زاده سی قلو تیلد نام قزی قلووی یه المق ایچون
 وساطت ایلمدی .

مومی ایها قلو تیلد شیلبر بو نام قرالک قزی او اوب
 عمجه سی مر قوم غوندیوت باباسنی قتل ایلمدیکی زمان
 بتون خاندانی خلقنی قلیچدن کچوردیکی اثناده کندوسیله
 والده سنی و ایکی فرنداشنی قتلدن عفو ایدرک حبس
 ایتش و فقط قلو تیلدک درکار اولان حسن وجه لطف
 حرمة کندی سر اینده بس یله مکده بولنمشیدی .
 اوزمانلر خرستیان آیدنی هنوز لایقیله غول مالکی ایچنه
 منتشر اولاماش بولندیغندن عمجه سی و حتی باباسی

دخی آیین قدیمه طاپدقلری حالدہ مجرد والدہ سندن
 الدیغی تلقین اوزرینه قلو تیلد خرسیتیانلق آیینی محافظه
 ایدر ایدی . اوره لیان قلووی طرفندن سفارته
 قلو تیلدی طلب ایلدکده فرانقلرک قرالی کبی بار بار
 بر حریفه قزو و یرمک جسارت اولنور برشی دکل
 ایدیسسه ده کندی اوز قرنداشنک جاننه قیمیش اولان
 غوندپوت برادر زاده سنک بر بار بارک پنجه قهرنده
 پاره لفسندن اندیشنک اولیه جغی درکار اولدیغندن
 شاید فرانقلرک هجومندن تحافظه برمدار اولوز
 خویا سبیله قلو تیلدی قلووینک بدینه تسلیم ایلمکده
 تردد ایلمدی .

قرانقلرغول خلقی کبی دروید آییننه تابع اولیبوب
 اودن مذهبنه ذاهب ایدیلر (دائیمارقه ص ۴ امر)
 نیناء علیه قلو تیلد قلووی یه وارمق ایچون یالکز کندی
 آییننه ایلیشلمه سنی شرط قویمقله اکتفا ایلمدی .
 قلو تیلد کنج کوزل ظریف نازک سوعلی برقر
 اولوب قلووی هر نه قدر قباظالم بار بار برشی ایدیسسه ده
 عز بوردکبی بر نازک قرک قدر وقیمتی بیلیمه چک قدر

احق اولدیغندن خلاف مأمول اوله رق زوجه سننه
 او قدر حرمت و رعایت کوسه تزدی که شمدیکی زمان
 ظرافت و مدینه بیله بر قوجه نك قاریسنه بو قدر مساعد
 طور انسی تصور اولنه من . حتی قلو تیلد ایلک
 چوجغنی طوغوردیغی زمان خرسستیان آیینجه و افتیر
 ایتدیرد که بار بار قوجه سنک قهرندن خوف ایتک
 شوبله طورسون مقنخرانه بیان کیفیت ایلشیدی .
 بوچوجق معمر اوله میوب تیز و قنده وفات ایتکه
 قلووی اوزمان اعتراض ایدوب « ایشه سنک طانیدیغک
 اللهه امانت ایلدیگک چوجق بویله وفات ایدر بنم
 طاپدیغم اللهه طامش اولسه ک اولادیکی محافظه ایدر
 ایدی » دیمش و قلو تیلد دخی بلا پروا « اگر سن ده
 بنم طاپدیغم اللهه طامش اولسه ک اولادیکی محافظه
 ایدر ایدی سکا اولان بغضندن ناشی اوغلیکی اولدوردی »
 جوابنی ویرمشدر . یالکز بو مناسبت دکل دهاسانز
 مناسبتله دخی قوجه سننی یواش یواش خرسستیانلغه دعوت
 ایتکه باشلامشیدی .

قلووی یواش یواش خرسستیانلغی فنا کورمز

اولدی . انک دخی بر دین اوله بیلمسی احتمالی تسلیم
ایدر ایدی . نهایت الماسانلرایله زوابع نام محلمده
آچیلان محاربه ده فرانقلر عددجه پک آز بولمغله فنا
حالدده صیقلد قلمری زمان قلووی « ای قلویتیلدک اللهی
اکر بنی بو محاربه ده : غالب چیقارار ایسه دک اودلنی ترک
ایدرک سنی قبول ایدرم » دیمش ونصلسه الماسانلر
منهزم اوله رق غلبه فرانسزلرده قالمشدر . بوخیر
قلوتیلده واصل اولجه قوجه سی غالبانه عودت ایدر
ایکن ردمی نامنده بر پاپاس ایله کندیسنی استقباله
چیقارق قوجه سنندن عهدده وفا ایتمکی طلب ایلدی
واودخی عسکره « عسکر ! بزم شمعی به قدر طاپدیغمن
اللهک نه قوتی وار نه قدرتی . ترک اودن کرک عونه سی
فانی ایشلر . بزه بو محاربه بی قازانیران ره مینک
اللهیدر که باقیدر . سزده بنله برابر باقی بی فانی به
ترجیح ایدره میسکز ؟ » دیدکده بار بارلر « اوت یزده
ره مینک وقلوتیلدک اللهنی قبول ایدرز » دیه
خرستیانلخی قبول ایلدیلر که میلادک ۴۹۶ سنده سی
ایدی .

قلووینک خرستیانلخی قبول ایدیشی حتمنده پک
 خیرلی اولدی . زیر اغول ممالکی ایچنده وبار بارلی
 میاننده نه قدر خرستیان وار ایسه کندلی طرفنه میل
 ایلدیلر . بو ایسه مجرد خرستیانلخی قبول ایدیشندن
 طولایی پاپاسلرک حسن توجهنی قازانمش اولق
 سایه سنده حاصل اولش بر نعمتدر . حتی مومی الیه
 ویزیغوتلرک اوزرینه حرکت ایدجکی زمان روما
 شرق ایپراطوری طرفندن کندیسنه « اوکوست »
 و « قونسول » و « پطریق » غوانلری دخی و برلشدر .
 ایشته بر منوال محرر توجه عمومی کندلی لهنده اولدیغی
 حانده قلووی بر منتظم اردو الیه حرکت واک اول
 زوجہ سنک عمجه سی غوند بوتی مغلوب و پریشان
 ایلد کدن صکره غول اهلینسی دخی اطاعتی التناء الوب
 عمومأ ویزیغوتلر اوزرینه یورودی . بو محاربده
 روما لور دخی فرانقلره معاون اولدقلری کی پاپاس
 گروهی دائماً خانی امر محاربده فرانقلره معاون
 اولغنه تشویق ایلدرل ایدی . محاربده مذکورده
 قلووینک ایراد ایتش اولدیغی بر نطق اوزرینه فرانقلر
 للهک عنایتیه ویزیغوتلری اورته دن قالدیروب بتون

غول ممالکی ضبط واسمی « فرانق ممالکی » یعنی
 « فرانسه » وضع اتمک عزم قویسندہ ابدیلرہ ایشتمہ
 بویله برعزم عمومی ایله میلادک ۵۰۰ سندسندن
 ۵۰ سندسندہ قدر ویز یغوتلری پراکنده و پریشان
 ایدوب یالکز آق دکز سواحلندن عبارت بولنان ایپ
 اینجه اوب اوزون بریدیلدن ماءدا رن نهرندن
 تاپیرنه طاغیرینه قدر بتون غول ممالکی فرانق
 ممالکی اولدی .

اشبومظفریت جسیه اوزرینه قلووی پارس
 شهرینی پای تخت انخاز ایدرک اورایه چکلدی
 وانذن صکره استیلا ایلدیکی محلاری اطاعتی التندہ
 ضبط ایده بیلنک یولنی ارامقله مشغول اولدی .
 غریبی شونده در که مغلوب اولان خلقه هیچ برضرری
 طوقمیبوبینه کندی عونہ ورفقاسنت حکومتہ
 مداخله واشتراکندن قورتلغی استقلالنک مدار اعظمی
 بیلکلہ رن نهرینی مرور ایدر ایکن اتفاق ایش
 اولدیغی یوقاروده بیان اولنان سیرتبرایله اوغلی
 قلودریس وینه متفقین مذکورہ دن قاراریس ورینا کر
 و برادری ریکرومان و سیاغریوس نام رؤساین قتل

واعدام ایلدی که بونلر ارادن کیتدکن صکره
ارتق قلووی به رقابت ایدہ جک کیمسه قالماش اولدی .
مع هذا قلووینک یورکی بالکن کندینه رقابت
ایده بیلہ جک اولنلری ازاله ایله قالمدی . مؤخرأ الك
یقین افر باسنه قدر قتل ایتدیر مشیدی . حتی بر کون
کافه اعوان وانصارینی باسنه چاغروب « آء بن بدبخت
ایتمم هجج بر حصم واقربام قالمدی پک بیوک خطا
ایتمم سلطنت دخی حصم اقر با ایله اولور » دیمش
ایسه ده بوسوزلری اقر باسنه محبتدن ایلرو کلیوب
شاید کیزلی قبالی بر حصمی دها وار ایسه میدانه
چیقسونده اولدورسون مطالعه سنه مبنی ایدی .
اواخر حکومتده قلووی بعض نظامات وقوانین دخی
وضع ایدرک اسمنی کندی قبیلہ سنه نسبتله « سالیهن
نظاماتی » قویدی . قوانین مذکوره ده اصل فراتیق
جنکاور لیلہ ملت محکومہ نک امتیازاتی معین اولوب
یا خصوص زوجه سی قلو تیلدک توسطیلہ پاپاس کروهنه
ویریلان امتیازات دخی مندرج ایدی . نتیجہ
کلام قلووی تمام اوتوز سنه کمال موفقیت ومظفریت
ایله حکم سوردکن صکره ۵۱۱ تاریخده قرق

بش یاشنده اولدیغی حانده وفات ایلدی واسکی غول
 ممالکی متحد و منتظم بر فرانسه ممالکی اولق اوزره
 ترك ایلدی ایسه ده، کندیسندن صکره درت نفر اوغلاری
 ممالک مذکورده ییکپاره اوله رق محافظه ایده میوب
 تقسیمه قویدیلر . تفصیلی اشاغیده اوچنجی
 فصلده کوریلور .

- اوچنجی فصل -

فرانسه نك پرنسپر میانده انقسامی

عن ۵۱۱ الی ۷۵۲

تفصیل - قلووی وفات ایلدیگی زمان درت
 نفر اوغلی ایله برده قوجه غول ممالکی ترك ایلدی .
 اوزمان غول ممالکی تمامیه فرانس ممالکی اولشیدی .
 یالکز فرانسه نك منتهای غربنده کائن بریتانیا
 نامنده برایت بعض رؤسای عسکریه ایله برطاقم
 زادکانک محافظه مستقلانه لری التنده بولنور و منتهای
 جنوب غربیده کائن غاسقونیا ایاتی دخی هنوز
 فرانقلک ایاق باصمامش اولدقلری بریر اولغله مستقلا
 اداه اولنور ایدی . اف دکز سواحلی اوزرنده کائن

سپتیم۔ نی و پروانس ایالتلری ایسہ ذاتاً قلووینک
 استیلاسی التہ کیرمامش ورن نہرینک اوتہ طرفندہ
 کائن ورائق قبہ۔ اٹلی دخی برو طرفندہ کی فرانسلر ایلہ
 برلشمش ایدی ایسہ ددیند بر درجہ بہ قدر انہم کلری
 وار ایدی ۔

ایستہ استثنائاً ایڈیلان شوایالتلرن ماعدا کافۃ
 غول ممالکی قلووینک درت نفر اولادی میانندہ تقسیمہ
 قونبلوب بونلردن شیلدہ برت نام اوغلی پارس قرالغنی
 احرار ایلمدی کہ پواتیدو پریغو و سنت و بوردو ایالتلریلہ
 فرانسنک تکمیل شمال غریبی دیعک اولان اراضی
 کندیندہ ملحق ایدی ۔ قلووینام اوغلی صواصون
 ایالتنی الوب اودخی لیورڈ ایلہ برابر فرانسنک جنوبی
 دیعک اولان یرلری ضبط ایتشیدی ۔ قلووومیر نام
 اوغلی اورلیان شہرینی الوب بورغ ایالتیلہ برابر
 فرانسنک جنوب شرقی دیعک اولان یرلری وتیدری
 نام اوغلی دخی مس ایالتنی الدی کہ قاهور واورن ایلہ
 برابر فرانسنک شمال شرقی دیعکدر ۔

اشبو تقسیم ہرنہ قدر برمنوال محرر جہات
 اربعہ نسیبتلہ منتسم ایڈیسندہ جہات اربعہ

مذکورہ یہ نسبتی نہ قدر فنا اولد بغی جرؤی بر تأمل الہ
ملاحظہ ایدیلہ جک اولسہ بو حالک درت قرنداشلر
میانندہ نصل بر قالی محار بہ بی مسئلزم اولہ جفی
اکلاشلور ایدی . مع ہذا وقوعات کندیسنی
اورتہ یہ قوی غلہ تأملہ دخی حاجت قائمیدی .
شویلہ کہ :

اشبو درت برادرک بیوکی اورایان قرالی قلو
دومیر اولوب مومی الیہ والد سی قلو تیلدک تشو بقیلہ
مومی الیہانت پدر واقرباسنی قتل ایتمش اولان عمجہ
سندن اخذتار ایچون عمجہ سنک اوغلی سیر شموند
اوزرینہ حرکت ایلشیدی . اول امر دہ مر قوم
سیر شموند کندی انہ دوشوب قتلندن صرف نظرلہ
حبس ایتمش ایدیسہ دہ . وخر امر قومک اتباعی اولان
بور کینونلر افندیلرینی قورتارسی ایچون ینہ سلاحہ
صارلمغله بو حالندہ قلو دومیر سیر شموندی وقاریستی
ایکی نفر چوجقتری ایلہ برابر بر قوی بویہ آتارق ینہ دشمنہ
مقابلہ بہ چیتدی . غلبہ ینہ قلو دومیر طرفندہ
قائمشیدی . انجق مغلوب دشمنی تعقیب ایدر ایکن
اردوسندن اوزاقچہ بر بردہ بوانہ رق اطرافنی دشمن

احاطه ایش و کله سی کس یلوب تشهیر ایدلمش
اولدیغندن ارتق عسکرده دخی ثبات قالمیهرق پراکنده
و پریشان عودت ایشلردر .

قلودومیر وفات ایلدیگی زمان غوند یوق نام
زوجه سیله اوچ نفر چوجنی میدانده قالمش اولدیغندن
مقتولک قرنداشی قلوتر ذاتاً ایکی قاریسی وار ایکن
اوچنجی اولهرق مزبورده بی دخی المش و فقط قرنداشی
مقتولک مالکنی پای ایتک اوزره دیگر قرنداشی شیلده
یرت ایله بالاتفاق چوجقلرک ایکینسی اولدرمش و بر بسنی
دخی برمناسسته حبس ایشیددی که تاریخ دخی ۵۲۴
سنه سی ایدی . قلووینک درت اولادین الیوکی
بوصورتله اورته دن قالدقدن صکره دیگر اوچ نفر
قرنداشر و بونلرک اولاد و اخفادی یکدیگری علیهنه
مخاریانه قیامله ۵۵۸ سنه سنه قدر قلوتر جمله سنه
غلبه ایش و تکمیل فرانسه بی اداره واحده سی التانده
جمع ایشدر .

برارالق قلوترک اوغلی شارمان بعض مشوقلرک
تشویقیله پدری علیهنه قیام ایشیددی . برخیلی
زمان مخاریبه دن و پدرینه غلبه دن صکره بریتانیبا

ایالتہ تحصن ایلدیکی اثناده باباسنک عسکری یتشوب
 کندیسنی اخذ و گرفت ایلش و بار بار قلوتر جگر
 پاره سی اوغانی زوجه سی و چو جقار یاه برابر جارجار
 آتسه یا قدر مشدر .

ارادن بوغانله دخی مندفع اولدقن صکره قلوتر
 براز وقت دهها حکومت ایدرک نهایت غایت شدتلی
 برجا ایله اولوم یتاغنه یا نتیجه بر تخت ایچون ارتکاب
 ایلدیکی بونجه مظالم خاطرینه کلوب اغلابه رقی «آه
 نه بیوک ایمش سموات وارضک پادشاه صاحب قرانی که
 بنم کی بدبختلری قیوراندیره قیوراندیره کبرتور «
 دیه باغرمش و ۵۶۱ سنه سنده الی سنه دنبری بونجه
 بی کناهک قانلرینی دو کهرک استحصال ایلدیکی تاجی
 حتی ترکله عازم دوزخ جاودانی اولوب کیتمشدر .

قلوترک وفاتده دخی پدری قلووی کی درت نفرز
 اولادی قابوب بونلردن شیلپریق دهها باباسی جان
 چکیشور ایکن خزینده سی ضبط و پارسده تحصن ایله
 اورادن بتون فرانسه بی استیلا ایتک عزمده دو شمشیدی .
 لیکن دیگر اوچ نفر قرنداشی کندیسنه میدان و یرمیوبه

اوزرینه هجوم ایدرک بر قرعه مقبوله ایله تقسیم
 اراضی به مر قومی مجبور ایتشلردر . قرعه چکلد کده
 صواصون ایالتی مر قومک حصه سنه اصابت ایلش
 وسیره برت نام قرنداشینه اوسترازی وغونتران نام
 قرنداشینه بورغون وقاریبرت نام قرنداشینه دخی
 پارس ایالتلری دوشمش ایدی .

اشبو درت پارچه دن ینه اولکی تقسیمده کی صوا
 صوندر که اکا اکتین ایالتی دخی دنیلور . سیره برته
 اصابت ایدن اوسترازی اولکی تقسیمده مس دنیلان
 قطعه اولوب غونترانه اصابت ایدن بورغون ایالتی
 دخی اولکی تقسیمده اورلیان قسمنه آریلان یروپارس
 ایالتلری ایسه ینه اولکی پارس ایالتلری ایدی .
 شو قدر وار که بود فعه کی تقسیم اسکیسی کی غیر
 متناسب اولوب بعضیسنک یکنندن کیلوب اوته کینک
 یقاسنه یمانق صورثیله اولدقچه تناسبی برنده ایدی .
 حکومات اربعه مذکورده حقمنده و بر بله جک
 معلوماتی بوجه آتی آیری آیری برر بنده مخصوص
 ایله ویره جکز .

﴿ بند مخصوص ﴾

﴿ پارس حکومتی ﴾

حین تقسیمه پارس حکومتی کنندی حصه سنه
 اصابت ایدن قاری بیت درت قرن داشت ال بیوکی وغایت
 تربیه لی وحقانیت و عدالته خواهشگر بر آدم ایدیه ده
 شهوات حیوانیه سنه دخی انهمای یک زیاده اولدیغندن
 براز زماندن صکره مهمام اموری ۴۴۴۴ ماه که باشلادی .
 بناء علیه مردو پاله عنوانیه بر طبق مستشارلی
 دائر سنه الوب امور و خصوصات ملکیده بی بونلره
 تودیع ایدرک کنندیسی هانکی قاری طبعنه خوش
 کورینور ایسه انلره عیش و عشرته و ذوق و صفایه
 قویولدی .

مومی الیه اول امر ده آنغو برژ نامنده برقاری الیه
 عقد ازدواج ایشیدی . مؤخرأ برچوقه جی قزینی
 آلق ایچون قاریسنی یوشایه رق و چوقه جی قزینی
 المدقن صکره انکله ده قناعت ایده میه رک ینه
 پسپایکاندن قوده شیل نامنده برقاری دهها الیدی

من بوره ایله عقیب از دواجنده عمر و ولد نامنده
 بر راهبه بی دخی راهبه یکی جهتیه از دواجدن
 منعیتنه باقیه رقی تزوج ایتمه یله پارس باش پاپاسی
 کندیسنی آفاروز ایلمدی .

اگر قرال مومی ایله دهها زیاده یشامش اولسه یدی
 مطلقا کندی خواص بندکانی طرفندنده بر بلایه
 دوچار اولسی مقرر ایدی . زیرا کندی خواص
 بندکانی بیله قرال جنبه لرینه اندسابدن طولانی فامیلیاچه
 خلق بیننده پارمقله کوسه تریکه باش لامشیدی .
 هر نه حال ایسه ذاتا عمری وفا ایتمدرک یدی سنه
 قدر حکومتدن صکره ۵۶۷ سنه سنه وفاتی وقوع
 بولمغله وارکک اولادی دخی اولمغله ممالک متروکه سی
 برادرزی مسانه بالتقسیم پارس حکومتی نامی
 اورتس قانس و حکومت منقسمه بو صورتله اوچه
 ایندی .

﴿ بند مخصوص ﴾

﴿ اورلیان حکومتی ﴾

اشای تقسیمده اورلیان حکومتی عهد سنه

اصابت ایلیمان غونتران درت قرنداشک ایکنجیسی
 اولوب مومی الیه سالف الذکر قرنداشی قاز بیترک
 اراضیسندن کنندی حصه سنه اصابت ایدن مقدار یله
 ممالک موجوده سنی بر خیلی توسع ایلشیدی .

بو اراق شرق طرفندن لومباردیالور و یوقارو
 طرفدن دخی ساقسونیالور فرانسه اوزرینه تجاوزه
 یاشلادیلر . زبرا هانکی مملکتده تاج تخت منازع
 فیه اولور ایسه بو حال وقوع بولوق طبیعی حکمنه
 کیرمشدر . انجق غونتران مومولوس نامنده برروما
 جترانی خدمت عسکر به سنه الارق تجاوز ایدن اعدایه
 کوزل مقابله کوستردی . بوندن بشقه کرک خارجی
 کرک داخلی محارباتده غونترانک انخاز ایلدیکی مسلاک
 پولتیه باوجود شایان مدح و ستایشدر . چونکه
 مومی الیه محاربلردن هانکیسننک اتقاقی ایشنه
 الویر ایسه انکله اتقاق ایدرک (بادوستان تلاف
 یادشمنان مدارا) قاعده سنه توفیق حرکته
 هر حالده کنندی مملکتنی مصائب حریبه دن امین
 ایلدر ایدی .

اشاغبيكي بند مخصوصلرده تفصيلي كوريله چيكي
 وجهله مس قرالي بولنان قرنداشي سيره برتک
 اعدامدن صكره غونتران مقتول مر قومك اوغلي
 شيلده برقي محافظه و حيايه سي البته المشيدي .
 او اراق باباسنك غوند بود نامنده بولدز ناسي
 اكين طرفلرده اعلان حكومت ايتمش اولديغندن
 غونتران اني دخي بالمچار به اخذ واستحصال ايلدي .
 الحاصل تشبثات واقعه سنده يالکز جنوب جهته
 كان سپتيان ايالتنه ايتديكي برهجومك ثره سي
 كوره يوب باقي هر حانده مظفرا تا ٥٩٣ سنه سنه
 قدر حكومت ايدوب سنه مذكوره وفات
 ايلدي .

مومي الهك وفاتدن صكره برادر زاده سي اولوب
 حيايه سي البته بولنان شيلده برت يرينه اورليان
 قرالي اولمشيدي كه . وؤخرأ مومي اليه مس قرالغني
 دخي احراز ايدنج، اورليان اليه مس براشد يكنندن
 شوصورتله اقسام اربعه اصليه ايكي يد تنزل ايتمش
 اولدي .

﴿ بند مخصوص ﴾

﴿ مس حکومتی ﴾

اش۔ بوس حکومتہ اوسترازی حکومتی دخی
دنیلور . حین تقسیمہ ایالات مذکورہ دزت
قرنداشلرک اک کوچکی بولنان سیرتہ برتہ اصابت
ایلیشیدی .

جرمانیا طرفندہ بولنان ساقسونیا اولر فرانسه
اوزرینہ آقین ایتمکہ باشلادقلری جهتہ اورلیان قرالی
عونتران انلرہ قارشو محاربه دن کیره طورمدیغی کبی
دیگر طرفدن سیرتہ برت دخی ۵۶۲ تاریخندہ اقبیجیلره
قارشو و مظفریات عظیمہ یه مظهر اولدی . انجق
۵۶۸ سنہ سندن صکره مومی الیه ذکر اولنان باربارلی
یاویرا طرفلرینہ طوغری تعقیب ایتمکہ چالشمدیغی
اثناده باربارلرک اننه اسیر دوشدی . باربارلرک
قرالی بولنان ذات سیرتہ برتک نجابت حالی بکنوب
کنندیسنه بر کونه ضرر کوسستمکدن بشقه
محافظه آلتندہ اولدیغی حالده فرانسه حدودینه قدر

کوندروب اوراده دوسه تلغه وقفدارغه دائر بر مقاوله
امضاسندن صکره مملکتنه کوندرمسی بیوک بر عالی
جنابلق صابيله بیلور .

تفصیلی اشاعیکی بند مخصوصده کور یله جکی
وجهله سیره برتک دیگر قرنداشی اولوب صواصون
قرالی بولنان شیلپر بق فره دغوند نام بر فاحشه قاریسی
اوزرینه تأهل ایش اولدیغی غانس و بنتی نام زوجه سنی
یند فاحشه مذکورده نک اجبار یله اعدام ایتدیرمش
و حال بو که معدومه من بوره سیره برتک بالدیزی بولنش
اولدیغندن کندی زوجه سنک یعنی معدومه نک
قرن داشنک اجبار یله سیره برت برادری علیهنه
محاربه به قیام ایشیدی . انجق فاحشه من بوره
قره دغوندک مکرینه نهایت اولدیغندن مس اهالیسنی
بالتحریرک ۵۷۵ سنه سنده بیچاره سیره برتی اعدام
ایتدیرمشدر .

مومی الیهک اعدامندن صکره ینه فره دغوندک
حیله سیله اوغلی شیلده برت زندانه آتلمش ایدیسده اوسترازی
دوقه لرندن بریسی کندیسنی قورتاروب اورلیان قرالی

غونترانک حمایه سی آتسه و برمش و اول صورتله چوجغک
مس قرالغی اعلان اولمشدر که اوزمان هنوز بش
باشنه انجق وارمشیدی .

باباسنک قاتلی دیمک اولان شیلیربق حالامحار به ده
دوام ایله طورسون اورلیان قرالی غونتران کندی
ایکی اولادینک وفات ایتمسی اوزرینه شیلده برتی کندیسنه
اولاد وولی عهد ایتمکه قرار ویرمشیدی . بوارالق
نهلسه چوجغک وکلا وامناسی بعد وجانی بولنان
شیلیر بق ایله عقد اتفاق ایتمشیدیسه لده مومی الیهک
وقوع وفاندن صکره شیلده برت خزینه سنی یغما و پای
تحتی بولنان پارس اوزرینه هجوم ایلدی . فقط
برکونه موفقیته مظهر اوله میهرق بعده ینه غونتران ایله
برلشوب حتی غونترانک وقوع وفاتی اوزرینه یوقاروده دخی
دینلیدیکی وجهله اورلیان ایالتی دخی کندی اداره سی
آتسه المشیدی . انجق بعض مورخلرک قوانه کوره
کندی والده سی فقط اک طوغری روایت کوره ینه
سالف الذ کر فره دغوند فاحشه سی طرفندن تسمیم ایله
۵۹۵ سنه سند وفاتی وقوع بولمشدر .

سبز برتک و فائیدن صکره ترک ایلدیکی ایکی اوغلندن
 ته اوده اصل کندی مملکتی دیمک اولان مس و تیه ری
 متوفی غونتراندن قاله اورلیان طرفنه قرال اولمشیدی .
 لیکن ینه فره دغوند فاحشه سنک انتریقهلری
 چوجتله ری برلرنده راحت براقدی . خنزیرک مکر
 وحیله سی انتری دخی ارایه قابنادی که تفصیل کیفیت
 اشاغیکی بند مخصوصه کوریلور .

﴿ بند مخصوص ﴾

﴿ صواصون حکوتی ﴾

قلوتروفات ایدر ایکن درت نفر اولاندن شیلپر یقت
 مؤخر آچ کیلان قرعه ده حصه سنه صواصون ایاتی
 دوشمکله اورایه قرال اولمشیدی . هر قوم غایت سفیه
 بر آدم اولوب وقتنی دأنا فاحشه لر ایله کچوررایدی .
 شدیغی فاحشه لر میانده فره دغوند نام قاری حسن
 وجه لجه نادر الاشل اولدیغی کبی وفرت زکا و درایتی
 دخی مسلم ایلدیسه ده طبعنده اولان دنات افنضا سیمجه

قوه مفکره سنی جان طیا عنز جنایتگر یولنده کچور مشدره
 مز بوره راز پمدت صکره قراله ملازمت ایله حرینی
 عادتاً تحت قهر تغلبنه الارق امر ونهینه منقاد ایلمش
 اولدیغدن سرای قرالینک فحشیات وردالتی آفاق
 طومشیدی . مس قرالی سیره برت حد ذاتنده اوصلی
 عقللی بر آدم اولغله عصمت وعفتله بنام اولان
 ویزیغوت قرالینک قزی برونهود ایله عقسد ازدواج
 ایتدیگی زمان اطراف وا کتافنده حسن صبیتی برقا تدها
 ارتدیغنه شیلپریق عادتاً حسد ایدرک کندیبی دخی
 انظار ناسده تزکیه نفسه مدار اولوق ایچون قرال مومی
 الیهک دیکر قزی بولنان غالس وینتی بی طلب ایلدی .
 باباسی ویرمامکه چالشدی . انجق ارایه دامادی
 سیره برتک دخی رجاسی کیررک بیچاره قزی اوسغیهه
 عقد ایلدیله .

غره غوارده طور نام مورخک روایتنه کوره شیلپریق
 پرنسس مومی الیهابی الدیغی زمان سراینده فره
 دغوندن ماعدا برقاچ قاریسی دها وارایدی . لیکن
 فره دغوندن جمله دن زیاده قراله تغلب ایتمش اولدیغی

جهتله ارادن رازوقت مرورندن صکره قرالی پرنسیدن
 صوغودارق تحقیرابتدیرمکه باشلادی .
 بیچاره پرنس کندیسنی تحقیردن محافظه ایچون
 باباسنک مملکتنه چکلمک ایسته میشیدی . لکن قوجه سی
 بدخوی قزک بو عزیمتدن غضبنک اوله رق بیچاره بی
 اعدام ابتدیری .

قرنداشلر میانده ذاتاً اوتهدنبری منافسه جریان
 ایتمکده اولدوغی وباخصوص پرنس مومی البهانک
 شیلپر یقه ویرلسنده سیره برت، توسط ایلش ایدوکی
 جهتله پرنسک اعدامی کیفیتی منافسه واقعه بی بر
 قاندها تشدید ایشیدی . مس قرالی سیره برت جهله دن
 زیاده بر غضب وشدتله شیلپر یقندن اخذ ثاره قیام
 ایلدی که طول مدت محاربه لردن وحتی دفعاتله
 سیره برتک غلبه وهظفریتندن صکره مسئله نهایت ینه
 سیره برتک اعدامنه منجر اولمشدر .

مرقوم شیلپر یقک مر ووه اسمنده بر اوغلی وار
 ایدی . عمجه سی سیره برت قتل ایدلدکن صکره
 زوجده سی پرو نهوتی بو چو جق تزوج ایلدی . فاحشه

فره دغوند بوندن طولانی دخی دلگیر اوله رق قوجه سنی
 اوغلی علیهنده تشویق ایتمکه بیچاره چوجق
 باباسنک انندن یقایی قورتاره میه جغنی اکلادون صکره
 کندی کندیسی اعدام ایلشدر .

فره دغوندک شیلیر بق اوزرنده کی تحکمی اودرجه
 وارمشیدی که کندیسنندن بشقه دیگر زوجه اردن
 حاصل اولان چوجقارینک جغه سنی اعدام ایتکی
 قراله امر ایلدیکی زمان قرال بالکرها اولاداریمی فصل
 قیابله یم « دیه بیله رک فقط مز بوره نك اجبار یله ینه
 ایستدیکنی یاغغه مجبور اولشدر .

ایشته بویله بر قارینک سوقیله ایتدیکی فنالق
 قالدیغنی حالده اجرای مظالم ایدر ایکن بر کون پارس
 جوارنده بر محله صیدوشکاره کیدوب اقشام عودتنده
 حیوانندن اینزیکن جانی یاغش بر بیچاره قرالی ایگی
 یرندن بیچاق ایله یاره لیوب قتل ایتشدر که تاریخ ۵۸۴
 سنه میلادیه سی ایدی .

مورخلر بوسوء قصدک وردند اختلاف ایلدیله
 بهضار لانداریس نامنده بر حریف ایله ماجرای فحشیاتی

میدانه چیمش اولان فره دغوندك كندی باشنی
 قورتارمق ایچون قرانك باشنی کسدرمش اولدیغنی
 روایت ایدرلر . بعضلر ایسه مظانومه همشیره سیله
 قوجده سنك تازی برونه و دظرفندن بویولده ایدرلدیغنی
 درمیان ایدرلر . هر نه ایسه مقتول مر قوم کیمسه نك
 سومدیکی برقره بختلی اولمغله اول صورتله اعدام ایدیلیشی
 کیمسه نك تأسفنی موجب اولماشدر .

کندی سننن صکره فره دغوندن متولد درت آیلق
 براوغلی ایکنجی قلوتر نامی ووالده سننک وصایدیله
 قرال ایدلدی . بو اراق اورایان قرالی غونتران
 هنوز بر حیات اولمغله مز بوره فره دغوند ایله دشمنی
 بولان سالف الذکر برونه و دك بوقاروده دخی حکایه
 ایدیلان منافسه لرینه میدان برقیهرق اسایش واستراحتی
 محافظه ایلرایدی . ۵۹۳ سنه سنده غونترانک وقوع
 وفاتی اوزرینه منافسه مذ کوره بنه باش کوسترمش
 و برونه و دك و غلی شبلده برتک ته اودو بر و تیه ری نام
 اوغلاری دخی ایشه قاریشه رق هله فره دغوند کبرد کدن
 صکره اوغلانک حالی زیاده سیله یمانلشمش و مملکتندن

وحکومتدن دکل حتی حیانتن ببله امیدی قالماش
ایدی . نصلسه ۶۱۳ سنه سنده شیلده برت زاده رک
وقوع وفاتی اوزرینه مر قوم قلوتر تکرار کندیسنی
طوپلابوب حتی بیچاره برونهودی دخی پنجه قهرینه
کچوره رک نیجه کافر عذابلریله اعدم ایتدیرمشدر .

قلوتر زمانک برمنوال محرز بر منافسه محاربه سندن
بشقه وقوعاتی تاریخ نظرنده لایقیله تدقیق ایدلماش
اولدیغندن اولبایدہ نزدخی معلومات لایقه و بردمیر
یاالکز مر قومک کندیسنه مطع و منقاد ارلان قباثلدن
بعض اہالی بی ۶۱۷ سنه سنده لومباردیالوره ترک
وتسلیمه مجبوریت کوردیکی صدائف توار یخده
مندرجدر .

۶۲۳ سنه میلادی سنده مر قوم قلوتر اوغلی
داغوبری حکومتہ مشترک یلمش و ایالات موجوده دن
اوسترازی بی کندیسنه اعطا ایتشیدی . انجق جوجغک
هنوز نجر به سر لکنه مینی ساقسونیالور فرانسه
اولکاسنه تعرض ایتکے باشلامش اولمقدن ناشی قلوتر
بالذات ساقسونیالو اوزرینه واروب طرد و تنکیله

موفق اولدی .

قلو ترك تاريخ وفاتی ۶۲۸ سنه سیدر که عند الحساب
 هر قوم بش سنه نوستری واون التی سنه دخی ضوا
 صون قرالغنی ایتش دیمکدر . وفاتندن صکره اوسترازی
 قرالی بولنان اوغلی داغو برت درحال نوستری قرالغنی
 اعلان ایتش ایدیه ده اکتین اهلاییسی دائماً فرانقلردن
 آیرلق ومستقل قالمق سودا سنده بولندقلردن داغو برتک
 برادری قاریبتی دعوتله انک قرالغنی اعلان ایتشلردر .
 داغو برت بعض دوراندیشانه مطالعاتله اکتینک
 یو حرکتیه آچیقندن آچیغه اعتراض ایتدی .
 قاریبت غایت ضعیف برپرنس اولدیغندن نه زمان
 اولسه اکاغلبه ایده جکئی بیلدیکی جهنله بالکزا و طرفلرک
 روحی مشابه سنده بولنان برودولف نام ذاتی ازاله ایله
 اکتفا ایلدی . اندن صکره بشقه بر تشبیه حاجت
 قالمیرق تیز وقتده قاروبرت وفات ایتکله متوفانک
 یرینی طوته جق اولان ایکنجی شاپرقتی قتل ایدرک اکتینی
 دخی قبضه تصرفه بالادخال بوصورتله عموم فرانسه یی
 اداره واحده السنده برشد یرمش اولدی .

فرانسه ممالکی قلووینک اولادی میانده تقسیم
ایلدیکندن یعنی ۵۱۱ سنه سند نبری فرانسه ده زادگان
ومتخبزان طاقی پاپاسلرک نفوذی مجرد قرالیرک سوء
حال واداره جاهلان نری سایه سنده آرته آرته اودرجه بی
یولشیدی که اکر بر پرنس بونلره بیون انکرایسه مقامنده
تمل طوته میدجق حاله کلشیدی . بنه علیه داغوبرت
اول امرده ارباب نفوزک سر آمدی په پین نام ذاتی
پارسه یعنی کندی نزدیکه چاغروب اوراده محافظه سنه
دقت ایلدی . مس شهر بنک باش پاپاسی ازبول نام
صاحب نفوذی دخی ووسر طاغیری ایچنده برمناسیره
نفی ایتدی . بعده ممالکنک هر طرفنی سیاحتله پاپاسلرک
واصحاب نفوزک نفوز واعتبارلر بنی کسر ایتکه
باشلادی . داغوبرت سائر مر وونیرنه قرالیری کبی
شهوات نفسانیه به زیاده سینه مائل بر آدم اولوب
اویچ زوجده سی وانلردن ما عدد بر چوق دخی اوطه لقلری
وارایدی . فره دکر نام مورخ دیر که اوطه لقلرینک
عدی او قدر چوق ایدی که اکر اسملر بنی یازارق
صایاچق اولسنه هم تاریخمی یالکز انلرک اسملر بنی

بازمقله طولدیرمق لازم کلور ،

داغوبرتک ز بر اداره سنمه تجمع ایدن ممالک پیرنه
طاعلرندن بدأ ایله الب نهرینه و بحر محیط اطلاسیدن
المانیا ایچنده کائن بوهمیا ایله مجارستان حدودینه وارر
ایدی . اوزمانلر فرانسه بر طبق کار بانلر ایله یونانستان
وسائر ممالک شرقیه ده تجارت ایدر ایدی .

بونلردن بر کاربانی اوزمان طونه طرفلرند : ساکن
وند نام قبیله اورمش اولس-یله داغوبرت لومبارد
والمان و اوسترازی جنسکاورز بنی اشبو عاصیلر اوزرینه
سوق ایلدی . انجق کیدن عسکر منزه مأ عودت
ایلدیکی کبی ۶۳۱ سنه سنده و نلردن بر بیوک فرقه
جرمانیا ایچنه هجومله تاراجه باشلادی .

ینه سنه صر قومه ده بلغار قباائلندن طقوز بیک
قدر جنسکاور چو اقلریله چو جقلریله خصمسی بولمان
آوارلردن قاچوب فرانسه یه التجا ایتش و داغوبرت
بونلری باویر اولره مسافر و بره رک هر برینی بر خانه یه
راشد برمشیدی . ارادن التی آی کپر کچمز دانغوبرتک
پر قدر غلبه ک مسافرلردن جانی صقلدیغی کبی شاید

بونلری تعقیب ایچون آوارلر دخی کلور قورقوسـیله
 عمومی بر کیمجه ده قتل ایتمکی باو بر اولورده امر ایدرک
 انلر دخی حکم امری ایفا ایتمشلردر که دنیا ده بو قدر
 ایچقلاق هیچ بر ملت تاریخنک هیچ بر صحیفه سـنده
 کورلماشدر .

وند اقوامی بر کره جرمانیا ایچنه کیردکن صکره
 قولایلقله اعاده اولنـدمدی . حتی ابرتسی سنه
 همشهر یلرندن بر چوق جنسکاوروی ده ا جالب و دعوتله
 اولکنـدن زیاده نهب وزارت قویولش اولدقلرندن
 داغوبرت بودفعه مس پیشکاهنده بر قوه کلیه تدارک
 ایدرک وندلر اوزرینه هجوم ایلدی . بو هجومده
 دشمنی براز کیرولش ایدی . بعده برده امر ورلرینه
 ممانعت خصوصنی ساقسونیا اولره حواله و بو خد متلرینه
 بدل سنوی اعطایا ایتمکده اولدقلری بشبوز رأس
 اینک ویرکوبی عفو ایدرک کلوب عیش و عشرتله
 مشغول اولدی .

حالبو که وندلرینه مهاجمه لرنده دوام ایلدی لر .
 ساقسونیا اولر بحق ممانعت و مقاومتدن انخماض ابتد کلری

کبی اوسترازی و سائر رؤسای دخی داغوبرتک
 اقدمجه کندی نفوذ زبني فرمش اولسی مناسبتیه حتی
 نوستری و بورغون طرفلرنده مومی ایله ایتمش اولدقلری
 معاونتدن بیله پشیمانلق کوس-ستردکاری جهته بوکره
 و ندره قارشو انلر دخی گوشه کلک کوس-ستردیلر .
 داغوبرت بو حالک س-بینی اوسترازی سر آمدانندن
 استفسار ایلمشیدی . انلر دخی وقوع عالی آچقدن
 آچغه بیان ایتمکدن چکنیوب استقلال اداره غیرتمده
 بولندقلر بنی درمیان ایتملریله اوغلی سیره برتی اوسترازی
 قرالی عنوانیله مسه اعزام ایلمدی که انندن صکره اوسترازی
 عسکری و ندرلی طرد و تنکیلمده قصور ایتمدیلر .
 سیره برتن صکره داغوبرتک قلاووی استمد، براوغلی
 دها دنیا به کش ، انی دخی کندی معینده نوستری
 قرالی حاکمیتده سخدام ایتمکه صا قلامشیدی .
 مدت عزمده ایتمیکی فضایحه مؤخرأ اعمال حسنه
 ایله قارشو کلک ایچون داغوبرت برچوق اراضی فی
 کابیساره وقف ایتمک و پاپاس گروهی حتمده اتفتمه
 معامله ایتمک کبی بعض حرکاته مباشرتله

پاپاسر میانده ایکن وفانی وقوع بولدی .
 قرال مر قومك وفاتندن صکره بر روایت چیتدی که
 تحف اولسندنناتی بوراده ذکر مناسب کورلدی .
 شوپله که :

کندیسی بذایت حکومتند، پاپاس طئفه سنه
 پک زیاد انا وجفا ایتمش و نفوذ رینی قرمش اولدیغی
 کی او اصر عمرنده دخی بولر رعایت و خصوصیه عزیز
 طانمش اولان برقاچنه پک زیاده حرمت ایلمش اولدیغندن
 وفاتندن صکره درونلرد، هنوز کین و غیظی موجود
 اولان پاپاسر قرالک طوغریجه جهنمه کوتورلدیکنی
 روایده کوردکاری کی لطفنی کورنر دخی طوغریجه
 جنته کوتورلدیکنی کورمشلر و ایچلرنده بی طرف بولانان
 ستر و مبولی نام پاپاس ایسه متوفایی درت زبانی در
 زنجیر ایدرک جهنمه کوتورلر ایکن حقلرنده حرمت
 و رعایتی سبقت ایتمش اولان عزیزلر کندیسی زبانیلر
 انندن قورتاروب جنته کوتورمش اولدقلرینی کورمشدر
 حتی بوروایی عینله عزارینک طاشنه حک ایتمش
 اولدقلرینن ایوم نظاره خنده بخش اولقده ایتمش .

داغوبرتک وفاتندن صکر بکری اوغلی کماکان
 اوسترازی قرالغنده قالب کوچت اوغلی قلووی هنوز
 درت یاشنده بولندیغی حالده بهض مردوپاله لک
 وصایتی آنتنده باباسی مقامه قائم اولدی . اوائل
 حکومتی مردوپاله لک بربری علیهنده کی منافسه نریله
 مروردوب اون یدی سنه قدر زماندن عبارت بولنان
 اواخر حکومتده دخی برکونه حرکت سیاستکارانه سی
 کور یله مدی .

موسی الیهک شایان ذکر ونحریر اجرا آتی وارایسه
 پریمی اوزمانه قدر فرانسه یچنده بولنان سیم وزر
 قرالک وسائر سرآمدانک منارلرینی تزیینه صرف
 واسراف ایدلمش وبنه علیه خلقه مسکوکات بوزندن
 ضرورت عارض اولمش بولندن یغنه ذکر اولنان
 منارلرده آتون وکوشه متعلق نه قدر تزیینات وار
 ایسه جله سنی ضبط ایله فقرایه توزیع بتمسی
 قضیه سیدر . برده اوزمانه قدر فرانسه ده
 عربیه بنک بانک قرالجه لر مخصوص اولدیغی حالده
 قرالک دخی عربیه بتمسی ایکنجی قلووی زماننده
 وقوع اولدی .

قلوی آخر حکومتده قردادشی و اوسه ترازوی
قرالی سه برته برتک و وقوع وفاتی اوزرینه ینه تکمیل
فرانسسه بی براداره البته آلمش یعنی اوسه ترازوی طرفنی
کندی ممالک موجوده سنه الحاق ایلش ایسه ده
کندی سنک دخی عمری وفا ایتیموب ایکی آی صکره
یعنی ۶۵۵ سنه سنده وقوع وفاتیه طلعتک
شو یاورا لکندن استفاده به وقت بوله مامشدر .

قلووی وفات ایلمدیکی زمان اوچ اوغل ترک ایلمشیدی
یریسنک اسمی قلوتر اولوب اوچنجی قلوتر عنوانیه
یاباسنک یرینه نوستی قرالی و دیگری شیلده ربق
اولوب ایکنجی شیلده ربق عنوانیه عمجه سی
سه برته برت یرینه اوسه ترازوی حکمداری نصب اولندی
اوچنجی اوغلی تیه ری ایسه هنوز بشیکده ایدی .
اشبو ایکی قرال دن بیوکی دیمک اولان قلوتر انجق
درت بش یاشنده برچو جق اولوب شیلده ربق اندن
دها کوچک اولمغله هر ایکسی مر دو پاله یعنی سرای
مستشاری بولنان بر طبق اریاب نفوذک الازنده باز یجه
غرض قالدی . قلوتر اون درت سنه حکومت

سور دیگری حالده قید و تحریره شایان هیچ بر شیبه
موفق اوله ما شد در . مومی الیهک ۶۷۰ تاریخنده
هنوز اون طقوز باشنده ایکن وقوع وفاتیه برینه
کندیسه تک وصیسی کبی بر مقامده بولنان مردو پالهی
ابروان متوفانک ککوچک قرداشی تیه ری بی نصب
ایتمکه قالفشیدی و بو عزمی سلا حله دخی نایید
ایلدیسه ده اوته طرفدن شیلده ربق نوسترازی
سائر اعیانی انواع وعد و وعید ایله کندی طرفنه
جلب ایتمش اولدیغندن بونلرک عسگری شیلده ربق
قرال طایمش و بونک اوزرینه شیلده ربق نوسترازی
کله رک بیچاره تیه ری بی برمناسرتده حبسه فرانسه بی
ید واحد اداره سی آلتده جمع ایتمشیدی . انجق
ارادن برار وقت مرورنده نوستری سرآمدانه اولجه
و برمش اولدیغی وعدی فراموشله اعیانی بیجتمکه
و پاپاسلرک نفوذینی قرمغه باشلامش اولدیغندن
اولباده و بریلان نصیحتلری دخی قبول ایتمدیکی جهتله
برکون صید و شکاره چیقیشنی خلا فیکیراتی فرصت عد
ایدرک سیوه قصیده اعدام ایلدیلرکه تاریخ دخی

۶۷۳ سندھی ایدی . حتی ارباب مخالفت قرال مومی الیہک
 حاملہ زوجہ سیلہ چوجقلرینی دخی اعدام ایدوب یانکز
 بریسی مناسبتک برینہ قاقچش و تمام قرق اوچ سنہ
 اورادہ امرار اوقالہ تا ۷۱۵ تاریخندہ ایکنجی
 شیلپر یق عنوانیلہ میدانہ چیمشدر کہ کیفیت اشاغیدہ
 محل مخصوصندہ ذکر اولاندہ جقدر .

متوفی قلووینک اوچنجی اوغلی تیرینک برادری
 اوچنجی قلوور وفات ایلدکن صکرہ مردوپالہ بروان
 واسطہ سیلہ نوستری تختہ اجلاس ایلدیکی حاندہ
 ایکنجی شیلدہ ریق طرفندن برمناسبتہ حبس ایلدیکی
 یوقارودہ بیان اولمشیدی ۶۷۳ تاریخندہ شیلدہ ریق
 زوجہ سنی اولادیلہ برابر قتل ایلدکن صکرہ بروان
 مومی الیہ تیرینی درحال نوستازی قراللقنہ افعاد
 ایاسدی و ۶۸۰ تاریخندہ اوستازی سرآمدانہ
 دخی غلبہ ایدرک بوکرہ عموم فرانسہ تیرینک
 اداره سی التمد برلشدی . لیکن اوستازی سرآمدانی
 مؤخرأ بتکرار بروانہ غلبہ ایدرک ایکنجی سیرتبرک
 اوغلی داغوبرتی ایکنجی داغوبرت عنوانیلہ ۶۷۴

تاریخنده اوستازی به قرال نصب ایتدیله . حالبوکه
 یالکز بونکه دخی قالدیلر . مؤخرأ اوستازی
 سرآمدانی کلوب نوستازی سرآمدانی مغلوب
 ومتهور اتمکه قره بختلی دیکه سزا اولان تیه رینک
 اندن صکره ۶۹۱ سنه سنه قدر دوام ایدن حکومتی
 یالکز برآمدن عبارت برایشلرایدی . فقط بوموفقیته
 قرال داغوبرتک موفقیته ظن اولناملیدر . بلکه
 هر دو باله لک موفقیته ایدی که بونلر نهایت ۶۷۹
 سنه سنه کندی متبوعلری داغوبرتی دخی اعدام
 ایلدیله .

اوزمانلر فرانسه ده حکم حکومت یالکز مر دو
 یاله لک لنده اولدیغدن ساف الذکر ایکی قرالک
 یالکز برانظدن عبارت بولنان حکومتلری کی ۶۹۰
 تاریخنده مقام حکومته کچن اوچنجی قلووی دخی
 ۶۹۵ سنه قدر عادتا بوستان قورقولغی کی بر صورتله
 اجرای حکومت ایلدی وتاریخ مذکورده وقوع
 وفاتنده یعنی آخر عمرنده ایسه هنوز اون درت باشنده
 برچووقی ایدی ! هله متوفاک برینه کچن

قرنداشی اوچنجی شیلده برت حکومتیه همان ال
اوزاته مامش کبی بر حالده بولنوب ۷۱۱ سنه سنده
وقوع وفاتنه قدر فرانسه قطع سنک تمامی حکومتی
په پین هر یستال نام مر دوپاله نک النده ابدی .

برمنوال محرر بوستان قورقولغندن عبارت بولنان
حکومتداراق ۷۱۱ تاریخسنده موقع حکومتیه کچن
اوچنجی داغوبرت زماننده بوستان قورقولغنی
حالندن ده چیقاراق عادتاً چوجق او بونجاغنه
بکره مشیدی . زیرا مر قوم داغوبرت کندیسی اون
درت یاشنده بر چوجق ایکن سالف الذکر په پین
هر یستال نام متغلب هنوز اون التی یاشنده بولنان
اوغلی ته اودالی قرال جنابلری معیننه مستشار اتخاذ
ایلیشیدی ! مشهور مونسکیو دیرکه « اوزمان برظل
ایچون بزوهمی مستشار اتخاذ ایادیلر » یعنی یوقدن
بر قراله یوقدن بر مستشار خاص ویردیلر .

فرانسه نک بر خیلی زمانلردنبری چواق چوجقدن
عبارت قرالر النده قلمسی نظام وانتظامنی اخلاص
ایتمکله خلق بیننده کفت وکولر چوغالمش ایسه ده

يوحال اوصلى عقداى بر قراله تابع اولغى كنديلرى
 ايچون موجب مضرت بيله رلك فائده ومنفعتلر ينى بر
 طاقم چوقا چوجغى قرال عنوانينه كنديلرينه تابع
 ايتكمده آريان و بولار مردوپالارلك ايتنه الو بر مديكندن
 بونلردن دى رن فروا نام ذات اوچى داغو برتك
 وفاتندن صكره بر منستره چكيله رلك فرق يبلدنبرى
 پاپاسلر عالنده بشا دىغى يوقاروده بيسان اولنان دانيال
 تام ذق يكنجى شيلپرىق عنوانيله كتوردى ۷۱۵
 سنه سندن صندانى حكومه اقعدا يلدى كدرن فروانك
 بو حالدن مرادى چوقا چوجغه تابع اولغى ايسته ميان
 خلقه آق صقالي بر قرال كوسترلك ايدى .

انجق شيلپرىق صقالي دكر ماده اغارتانلر كى
 كيره دار حكومندن بتون بتون بى خبر اولغله اودىغى
 رن فروانك ننده بر آلت غرض اولدى . تفصيل
 احوالى اشاغيده ايكنجى بابده مرور ايدى جك اولان
 شارل مارتل بو قرال زماننده خروج و قيام ايلش
 و اگرچه رن فروا قرال جنابلر ينى زورايله شارل مارتله
 هارشو محاربه يه سوق ايتش ايسه ده بر ايش بجره ميوب

محماربیبی دخی یوزینه کوزینه بولاشدیرمش
ایدی .

نهایت یقاسی دخی شارل مارتلک الله دوشوب عا-تا
قرال حیاتندن دخی مأبوس اولدیسه ده شارل مارتل
تصمیماتی بتون بتون موقع اجرایه قویوق ایچون وقت
وزمانک ده ابراز مساعده سنی بکله دیکندن یالکزل لفظاً
حکومت ایتک و برایشه قارشماق اوزره شیلیریقک
قفا سنده کی تاجی ینه کندیسنه بخش ایلدی که تاج
مذکورک بر پاپاس قاپاغی قدر اہمیتی قالدیغی حالده
۷۲۰ سنه میلادی سنه قدر باشنده کزیردی کتیدی .
مر قوم شیلیریقک مدت حکومتده شارل مارتل
عادتا بحق فرانسه قرالی ایش قدر نفوذ واستقلال
پیدا ایشیدی . انجق مر قومک وفاتنده ینه کندی
نامه اعلان حکومت ایتیموب نوستری طرفندن اجرای
عدالت ایدر ایدی . بناء علیہ ۷۲۰ نارینخنده اوچنجیمی
داغوبرتک اوغلی دردنجی تیدری بی حکومتہ کچوروب
۷۳۷ سنه سنه قدرده اوبلالی فرانسه تاجی انک باشنده
قاندی .

۷۳۷ تاریخنده در دنجی تیبری وفات ایلدیکی
 زمان شارل مارتل ارتقی فرانسیی شومر و ونیرینه
 اولادینک انندن قور تاروق عینه دوشدی . انجق
 اوزمان قرال عنوانی خلق بیننده ضعف و فتور معناسینه
 تلقی ایلدیکندن عنوان مذ کوری کنندی شانده لایق
 کورمدیکی کبی اوغلاری قارلومان و په بدنی بی دخی بوسوء
 شهرته مشهور ایتک ایسته میهرک بش سنه مدت قدر
 یعنی ۷۳۷ سنه سندن ۷۵۲ سنه سنه قدر فرانسه
 تاجی قرالسز و فرانسه قرالاری دیمک اولان شارل مارتل
 اوغلاری تاجسز قالدی .

بعض تواریخده ۷۴۲ تاریخندن ۷۵۲ تاریخده
 قدر اوچنجی شیلدر بق نامیله بر قرانک دهها اجرای
 حکومت ایلدیکی بازمشردر . تواریخک بر طاقی
 دخی بوروایتی رداید . انجق بو خـبرک صدق
 و کذبنی محاکمه ایتک ایچون تکشیر سواده حاجت
 یوقدر . زبر امر قوم اولوجهله لفظاً حکومت ایتش
 ایسه بیله حکماً ایتتمش دیمکدر .

ایکنجی باب ❖

❖ قارلو ونیرین خاندا انک مدت حکومتاری ❖

عن ۷۵۲ الی ۹۸۷

اشبو ایکنجی باب فصل اوزرینه تقسیم قبول
ایتیوب بعض مباحث مخصوصه سی بند مخصوصه
تفریق قلمشدر .

قارلو ونیرین خاندا تمدن فرانسه قرالی عنوانیه
حکومت ایدن برنجی قرال په بین له برف ایسه ده
خاندان مذکورک اصل واضعی شارل مارتل بولمغله
اول امرده مومی الیهک ترجمه حالی مختصرا اولسون
بربند مخصوص صورتنده درج ایتمک لازم کیور .

❖ بند مخصوص ❖

❖ شارل مارتل ❖

مومی الید شارل مارتل اوچنجی شیلده برت
زمانده فرانسهده مردو پاله بولنان واسمی یوقاروده
برنجی بابک اوچنجی فصلند سبعت په بین ایدن هر یستالک

صاحبان ۶۸۹ سنه سنده مهده شهوده
 یاصمدر . باباسی فرانسهده مر دوپاله عنوانیه
 عاداتا مستقلا اجرای حکومت ایدن بزات اولغله شارل
 مارتل تمام بکرمی درت یاشنده ایکن باباسنک وقوع
 وفاتنده اولانجه نفوذی کندیسنه انتقال ایلدی .
 باباسنک برنجی زوجده سی بولنان پلغترود ایله اراری
 یوزونه رق مز بوره نصلسه شارل مارتلی قولونیاده
 زندانه آتدیرمش ایدیسسهده نوستری خلیقی برقارینک
 کیتی ایچون شارل مارتل کبی بر آدمک زندانده قالمسی
 تجویز ایده میدرک رن فروانام ذاتی مر دوپاله انتخاب
 ایلدیلر که بو انتخاب شارل مارتلک ۷۱۵ تار یخنده
 محبسدن قورتلسنی موجب اولدی .

لیکن رن فروانک شارلی قورتارمسی کندیسنه
 محبتدن و یا خود انکله اتفقندن نشأت ایتمه برشی
 دکمل ایدی . نوستری خلقنک شارل مارتلی زندان
 قورتارمسی مر قومی مر دوپاله انتخاب ایتمکه توقف
 ایتمش اولدیغی جهته کرک انک انتخابی و کرک شارلک
 خلاصی حکم ضروری ایدی . بناء علیه شارل مارتلی

حیسن بدن چبقار چیقمن بر چوق بندکان و طرف کیرانی
 اطرافنی الدیلر . رن فروا بو کیفیتدن خبر دار
 اولججه یه قدر شارل مارتل درحال بر اردو تدارک
 ایدرک نفوذ و قوتی و اثرینی اورته یه قویدی . رن فروا
 دخی بعض دو قدر ایله بالاتفاق شارل مارتلک اوزرینه
 یورومش و اول امر ده غلبه دخی ایلمش ایدیسسه ده شارل
 مارتل ینه کندیسنی طو پلایوب نوسستری عسکرینی
 همان کاملاً قایلجمن کچوردی و اوراده اعلان استقلال
 ایلمدی .

رن فروا بر طرفده داغو بر تک اوغلی تیه رینک
 حکومتی قبول ایدرک ایکنجی شیایریتی مناسرتدن
 چیقاروب قرال ایتمکله مشغول اولسون . شارل مارتل
 دخی قلو تر نام پرنس طرفنی الترام ایدرک بو دفعه
 دخی او وسایله ایله محاربه ده دوام کوسه تیدی .
 ۷۱۷ سنده شی مارتلک بئگرنجی کونی شارل مارتل
 قاره زیس نام محله بیوک بر غلبه یه نائل اوله رق
 رن فروانک اردوسنی پراکنده و پریشان ایلمدی
 و بو غلبه اوزرینه بتون نوسستری کندیسنه تابع

اولدی . کوردیکی مغلوبیت اوزرینه رن فرواينه
 یاس کتور مامیش ایدی . آکیتن دووقه لريله
 بالاتفق شارل مارتلک اوزرینه تکرار قیام ایلمشیدی .
 بو اثناده شارل مارتل رن نهری بوینه یانیش اولان
 ساقسونیا لورک دفع و تبعیدله مشغول اولوب انلره
 غلبه ایلمش اولدیغندن نشوؤ غایبتله ساکران اولان
 عسکری بالاستمحاب کلوب رن فروای دخی بتکرار
 یوزدی که بو محاربه ۷۱۹ تاریخنده وصواصون
 نهری قرینده وقوعبولغله حصعاسنی اورادن لوار
 نهرینه قدر تعقیب ایلمش و اورلیان وتورن طرفلرینک
 التی اوستونه کتورمشدر .

غیرتنی کوتدیکی یعنی کندی اجرا آتنده بوستان
 قورقولغی انخاز ایلمدیکی قلوتر بو تاریخنده وفات
 ایتمسی اوزرینه ارتق فرانسه دن مروونیریه ن
 خاندانک وجودینی قالدیرمغی تصمیم ایلمش ایدیسده
 بعض سر آمدانک کفت و کوسندن حذر ایدرک
 یودفه نلک دخی اولجه کندی علیهنه رن فروا ايله
 یارب حرکت ایتمش اولان ایکنجی شاپیریقی اطفافرال

قبول ایدرک انک نامنه اجرای حکومت ایلشدر
 بو حال اوزرینه ارتق رن فروا یرندن قلدانه میهرق
 ۷۲۰ تاریخنده دوقهلق رتبه سیله آنر طرفنه
 چکلدی و ۷۳۱ سنه سنده وقوع وفاتنه قدر
 اوراده اقامت ایلدی .

شارل مارتل ۷۲۵ تاریخنده المانیا طرفلرینه
 بر هجوم دها ایدرک ساقسونیا اشقیاسنی طونه
 نهرینک اوته طرفنه قدر سوردی و یاویرا طرفلرینه
 قدر اراضی بی کاملاً ضبط واستیللا ایلدی .
 بو محاربه دن عودتله فرانسه یه کیردیکی زمان
 ساقسونیا لورینه فرانسه بی تجیزه باشلامغله بتکرار
 المانیایه کیرمسی لازم کلش ایدیسده جنوب طرفندن
 دها زولی بر قوت کندیسنی او طرفه جلب ایلشیدی .
 شویله که :

ا کیتن اها ایسی دائماً بر اداره مستغله آلتنده
 یشامق سودا سنده بولندقلری کبی بر زماندن برو
 فرانسه حکومتک چواق چو حق الینه کچمش اولسندن
 بتون بتون دایکیر اولهرق ۷۳۱ تاریخنده، فرانسه یه

یعنی شارل مارتنه قارشو و اعلان عصیان ایلدیلر .
 اکتین عسکری لوار اوزرینه طوغری یورو مشلرایدی .
 شارل مارتنل بونلری اورادن پوسکورتکله، انلر دخی
 کلوب، اوزمان اسپانیا ایچروسنده شمشه پاش
 اولان وسیف صارملری بتون اوروپانک کوزلری
 قاشدیرمقده بولنان اهل اسلام ایله اتفاق ایدرک
 فرانسه ایچروسنه بتکرار هجوم ایلدیلر . عبدالرحمن
 نام قهرمان اسلام ایله اکتینلوردن مرکب اردونک
 سر عسکری اولوب پر بغورد و کرس و پوانو طرفلری
 چالقه یه رق دایما شماله طوغری ایلرولرایدی . عسکر
 اسلام کترهم لله تعالی الی آخر الایام او قدر قهرمانلق
 او قدر جلادت کوستردیلر که فرنک طائفه سی حیرته
 قالدیلر . بونلر ه ننجی کوی و قصبه بی استیلا ایدرلر
 ایدیلر . د اوله فرانقلرک یکدیگری علیهنده روا
 کوردلری کی قتل عام و یا خود نهب اموالی اصلا
 روا کورمیه رک حتی متقلری بولنان اکتین عسکری
 عا . ت ظالمانه زی و جهله قتل عام ایسته دکلری حانده
 انلری دخی منعله هر کسه هیچ بر زمانده کورمدلری

امنیت و حریتی بخش ایلد کلرندن اهل اسلامک
 حسن صبت و شهرتی ناپارس ناحیه لرینه قدر عکس
 ایلدی . حتی نواحی مذکورده خلقندن بر چوق
 فراتی قبیله لری کلوب و کللی اوله رق اردوی
 اسلامده خدمت ابدلر و ایچلرندن بر طاقی دین
 اسلامی قبول ایلد کلری حانده شاید ناس بیننده کراهه
 قبول ایتدی بلدی معناسی و بلسون دیه اردوده بولنان
 علماینه کندی دینلری اوزره مستقیم قالملری حقنده
 نصیحت و بردکجه « آمان بونلر نه تحف آدملر ایش
 اسپانیوللری زورله دینلرینه صوقدقلری روایت
 اولنیور اما بالعکس کیمسه بی قبول ایتیمورلر » دیه دین
 اسلام حقنده دخی حسن نظرلری آرتدجه آرتار
 ایدی .

انجق اکبتن دو قده سی لشکر اسلامک بر کره
 استیلا ایتدیکی محلاک بردها قور تارلسی ممکن
 اوله میه جغنی تفرس ایش و شارل مارتل دخی بر قایج دفعه
 ایدیلان محارباتده اسلامک کوسه تردیکی فداکارانغه
 ومهارت حربیه به نظرأ بونلره غلبه ممکن اولدیغنی

کسیدیرمش اولدیغندن اوجیه بونلر بر برینک دشمنی
ایکن بوکره دوست اوله رق ایکسی بر لیکد اهل اسلام
اوزرینه هجوم ایلدیلر . غریبی شونده که خلقک اهل
اسلام حقیقه حسن توجهی بر کمال اولمغله فرانسه
حکومتک مظلمدن بزرا اولنلر اهل اسلام رعیتی
آلتده یشاهق دکل بلکه حریت اسلامیه شرفندن
مستفید اریلق ایچون اردوی اسلامه صداقت ایتکدن
آیرلیه رق یینه منفقاً کرک شارل مارتل کرک اکتین
دوقه سنی اوزرینه جنکه کیدرل ایدی .

اهل اسلامک طوتدیغی مسلاک عادلانه و کوستردیکی
حرکات دلیرانه یه باقلد قجه بونلرک بر شورش دائمی
ایچنده بوننان فرانسینی بر باد ایده جکاری حکم اولنور
ایدی . زیرا شارل مارتل اردوسنی نه قدر بیولنور
ایسه بیوتسون اسلام ایچون تکرار اندلسدن استمداده
حاجت اولیبوب فوج کلان فرنک کورکالیبری
ایله قوت اسلامیدخی دائماً دشمنک قوتیله توازن
ایدر ایدی . یناه علیه شارل مارتل اسلام علیه نه
بشقه بروسلیله غلبه بوله یوب بر چوق مناسبترلی

و کلیساری آتشہ یا قہرق خلقہ • ایشہ بونلری
 سنک دوست بیلدی ککز عربلر یاقدی سنز انلرک
 تعدیکی مساعدا تنہ الدانیورس کز اما یارین مملکتہ
 عامیلہ صاحب اولور ایسہ سنزی دخی اسہ پانیولر
 کی مسلمان ایدرلر • دیہ جہلہ ناسی اسہ لام علیہ نہ
 تسویق ایلمک باشلا دی •

شارل مارتل اردوسنک اسہ لام اوزرینہ غلبہ سی
 پواتیہ ایالتدہ و قلسن نہری سوا حلندہ وقوع بولدی •
 نفس پواتیہ شہرندن پارسک اراسی التی قوناق مسافہ
 اولوب حالبوکہ حکومت اسہ لامیہ نک نفوذی دھا
 اورتہ لرہ قدر سرایت ایش اولسی طبیعی بولندیغندن
 شو مقیاس ایلہ فرانسه ایچندہ نفوز اسلامیہ نک نہ قدر
 منتشر اولمش ایدوکی مقایسہ اولنہ بیلور • پواتیہ
 محاربه سندنہ ایسہ اهل اسلامک کوس ستردیکی
 قہرمانلق و فد کارلق وصفہ صیغار درجہ دہ دکل
 ایدی • بر اراق غلبہ و مظفریت اسہ لام طرفندہ
 خالدیغنی حالہ اردوی اسلامدہ بولنان فرنک طائفہ سنک
 دونکک کوس سترمنی مغلوبیتک سبب محضی

اولشدر . سردار بولنان عبدالرحمن فدای جان
 اینجبهیه قدر چالشدی . بومحاربهده شارلک فوق
 العاده جسارتی کورلمکله کندیسند (مارتل) یاخود
 (مارتو) لقبی ویرلدی که «چکبج» معناسنده در .

اهل اسلام یالکز بر مغلوبیت اوزرینه فرانسه دن
 المارینی چکدیلمر . ۷۳۷ تاریخنده بر هجوم دهها
 ایدرک اکرچینه مغلوب اولدیلمر ایسندده پیره نه
 طاغیرینی اوتیه کچمیوب تارون نهرینه قدر ممالکی
 محافظدهینه ثبات کوستردیلمر . بونک اوزرینه
 فراتقلر لومباردیالور ایله اتفاق ایدرک غایت جسم
 براردو ایله تکرار اهل اسلام ازرینه هجوم ایلدیلر که
 بومحاربهده سرعسکر بولنان عمر شهید اولمغله اردوی
 اسلام کندیلرینک بش مثلی دشمنه سرعسکر سر
 دخی غلبه ایتمک ممکن اولدیغنی کوروب پیره نه طاغیرینی
 مرور ایتمکله مجبور اولمشدر .

حاصل کلام شارل مارتل عادتازماننک بیوک
 ناپولیونی اولوب هانکی محاربهیه کیمش ایسه غالبانه
 عودت ایلدیکنددن دردنچی تیهری وفات ایلدیکی

زمان ارتق فرانسه بی کندی حسابند اداره اید بیله جگنی
 کس دیروب او او جهله اداره به باشلادی . کندیسی
 قرال عنوانی آلمدیغی جهله بعض دوسه تری « جام
 سزی نه عنوانه یاد ایدلم » دید کلرنده « شارل
 مارتل اسمیله یاد ایدیکز » دیمش و « خیر قرال فلان
 کبی بر عنوان ایسه تر » دید کلرنده « اویله ایسه
 فرانسه دوقه سی دیکز » جوایی ویردیکی مشهوره
 او زمان پاپا بولنان او چنجی غردغوار لومباردیالورک
 پاپالی ممالکنه مها جاتندن بیزار اولغله شارل
 مارتلدن لدی الاستمداد مومی الیه معاونتدن کپرو
 طور مامغله پاپا دخی کندیسنه مکافاناً « فرانسه قرال
 وکیلی » عنوانی ویرمشیدی .

ایشته بوصورته شارل مارتل قرال عنوانی حائز
 اولدیغی حالده ایمرطور لردن دهه مستقل ودها شانلی
 اوله رق ۷۴۱ سنه سنه قدر حکم سه وروب سنه
 هر قومه ده آغر بر جایه مبتلا اولغله سر آمدان ورؤسای
 ملتی چاغراق اوسه تری ایله المانیا طرفلرینی برنجی
 اوغلی قارلومانه ونوستری ایله بورغون و سائر اراضی

غریبه و جنوبیه کوچک اوغلی په پین له بزه فہ اعطا
 وایکنجی قاریسندن حاصل اولان دیگر اوغلی غریفونه
 دخی بعض اراضی تملیک ایدرک سنه مر قومہ تشرین
 اولتک یکر می ایکنجی کونی جانی پنجه عزرائیلہ تسلیم
 ایلدی .

شارل مارتلک یوقاروده بیان اولتان اوچ اوغلندن
 ماعدا برطاق اوطه لقلردن درت اوغلی دها دنیاہ
 کلش ایدیسه ده انلری حکومتدن حصہ دارا تملیکی
 جہتله هر بری پاپاسلغه سلوک ایدرک قالمشردر .

(انتہای بند مخصوص)

یوقاروکی بند مخصوصده کوسه تملیکی و جہله
 شارل مارتل فرانسه قاراونیرتہن خاندان قرالیستی
 قورمش ایدیسه ده وقت و زمانی قرال عنوانک اخذ
 واستحصالند موافق کورم دیکندن اکسہیکی بالکزی
 (قرال) عنوانی ایدی . پدرلری کبی اوغلاری
 دخی بر زمانہ قدر قرال عنوانی امدیلر .

اگر سالف اند کر اوچ قرنداشک بریسی اوکی
 یزادر اولمامش اولسه ایدی . بونلرک اولدخہ بر زمانہ

قدر متفقاً تعیش ایدہ جگری ظن اول نور ایدی .
 انجق اوکی برادرک حکومتی دیگر ایکسی چکھ میہ رک
 بالاتفاق واردیلر غریفونک ائندہ بولنان اراضی بی دخی
 ضبط ایلدیلر .

اوسترازی قرالی بولنان قار او مان پک زیاده صنی
 القلب حکیم مشرب بر ادم ایدی . اوزمانہ قدر
 قرانسه حکومتی بر ایکی قرن داش میانسه تقسیمه
 قونلدیغنی حالده هیچ بر یسی آغز طادیلہ حکومت
 ایدہ مامش اولدقلرینی نظر دقتہ الوب دائماً حکومتدن
 نفرت کوستر ایدی .

لیکن بو حال مهام امور جمهوری حسن اداره ده
 اولان عجزندن نشأت ایتماشدر . چونکہ قرن داشی
 پہ پین له برهق ایلہ بالاتفاق و بالدفعات ساقسونیا لولر
 وسارہ اوزرینده محاربه یه کیتش و غلباتہ دخی نائل
 اولشیدی .

۷۴۷ سنہ سنده ایدی کہ بر کون برادر یلہ بالملاقات
 » بن حکم و حکومتدن هیچ بر اذت الامیورم . زیرا
 دفعہ الہ کور ایدی کہ فرانسه بزم کی اوز قرن داشلر

اراسنده تقسیمه قوندیغی حانده هیچ بریسی راحت
 حضور کوره میهرک انجام کار قونداش قونداشک
 جانده قدر قصد ایلدی . بن یسه بر قاج کونلک
 زینت دنیا ایچون بونجه آلام و شغارتی بر در او اختیار
 ایده میسده جگم . ایشته سو کبلی زوجه مده وفات
 ایتدی . ایلدی اوسترزی طرفی ده سنک اولسون
 چو جعفر بی ده سکا امات ایتدم . بن ارتق کیدوب
 جناب حقه عبادت ایتدی قوردم ، دیه حکومندن
 بالاسه عفارونیا به عزیمت ایلدی .

بعض مورخلر دیر که قارلومانک بو استعفا سی بر
 طقم مزورلرک کندیسینه قونداشی اراسنده بر چوق
 انتر بقیه لرچو بر مکک قالقشملرندن نشأت ایلشدر . واقعا
 صکره دن بو روایتی تصدیق ایده جگم بر وقعه
 وقوعه بولدی . شوکه مومی ایسه قارلومان روماده
 پاپا جنابلرندن انابه الارق صورافت طاغنده بر مناسیره
 چکلش اولدیغی حانده ارباب تزویر اوراده دخی
 کندیسنگ یقاسنی بر اقیه رق قونداشی عایینه تشویقه
 یا شلامغله اورادن دخی قانوب قاسن نام مناسیره چکلش

مجبور اولشدر . بعض مورخلر روایت ایدرلر که
قارلومان ذکر اولنان مناسرتده هر گونه چله بی امام
ایتمش وعادتا قاز چوبانلغنه وارنجبه به قدر تکلیف
اولنان خدمتلی قبول واجرا ایلشدر .

بو زمانه قدر په پین داخلی بعض اختلاللری
باصد بروب فرانسه نك هر طرفنده اساسی اکیال ایتمش
اولدیغندن کندیسنی بویله کشیش بر الکاده مستقل
کورنجه ارتق هیچ بر شسیدن خوفی قالیهرق اولجه
املا کنی انسدن المش اولدیغی قرنداشی غربفونی
اوزمانده بی مجبوس اولدیغی مجبوسدن چیقاروب سمرایه
المشیدی .

غربفون واقعا قرنداشنك التفاتی کوردرك ممنون
قالدیسه ده اولکی حتمسزلغی اوزرینه اخذنار غیرتدن
بردلو واز کجه مبرك بر سنه دن صکره په پیندن ممنون
اولیان طرفی بالاستحساب ساقسونیا لورک ایچنه
کیرمش اوراده انلری دخی آیاقلندیر ارقی قرنداشی علمه
مچار به به قیام ایلشیدی . مومی الیه وندو فریسون
قبائله دخی عمد اتفاق ایتمش ایدیسه ده په پین بر قوم

کلیہ ایلہ کلوب کنڈیسی ہر محار بہ دہ رجعتہ مجبور
 آیدہ آیدہ نہایت غریفون باو بر طرفنہ چکلیوب اورانک
 دو قہ سی اودیلون وفات ایتش بولمغله زوجہ سیلہ
 سوزی پشیر درک اودیلونک برینہ کچن وھنوز صبی
 بولنان تاسیلونہ وصی انتخاب اولمشدر . بو مناسبہ
 غریفون فرانسہ عامہ المائلرا ایلہ دخی اتفاق ایتش
 اولدی . لکن هیچ بر تدبیر پہ بینک حرکتی تغیر
 آیدہ میوب انجام کار غریفون قرنداشیلہ عتدہ صالحہ پہ
 مجبور اولدی .

بو مصالحو اوزرینہ غریفون فرانسہ دن الی
 چکہ درک صالح و آسایش ایکی سنہ قدر بردوام اولمشدر .
 یہین ارتق افکار عمومی کنندی لھندہ کانیلہ
 موافق کورمکله قرال عنوانی الموق و باباسی نامنہ
 نسبتہ خاندانہ (قارلونیترشہن) عتوانی ویرمک
 عزمنہ دوشدیکندن بریاندن پاپاس کروھنی و بر
 طرفدن ملت ایچندہ سوزی کچنلری طرفنہ جلبلہ ونہایت
 شرق یعنی استانبول ایمپراطور لغتک محار بہ سندن بر کونہ
 استفادہ آیدہ مامکہ یاشلامش اولان پاپایی دخی عزمی

اجرایہ موافق کورمکھ ۷۵۲ سنہ سی مارتنک برنجی
 کونی قرال عنوانی اعلان ایلدی .
 یونک اوزرینہ قرال پھین دائما پاپاس کروہنی
 وسرامدان ملتی الدہ طوتوب اگرچہ بو حال مؤخرأ
 فرانسه درہ بکارینک زیادہ سہیلہ قوت کسب ایتسنہ
 بادی اولدیسہ دہ کندی زمانی ایچون پک بیوک
 استفادہ بی استلزام ایلدی .

قرالانی اعلان ایلدی کی ائنادہ لومباردیا اھالیسی
 پاپا جنابلرینک حکومت جسمانیہ سنی بیزار ایتکده
 ایدیلر . پھین پاپانک عنایتندہ تشکرأ الپا طاغلرینی
 حرورایلہ دشمنی طرد ایلدی . انجق کندیسی
 فرانسه یہ عودت ایتکده برابر دشمنینہ آیاقلانمش
 اولسیلہ بودفعہ دخی پاپا جنابلری کندیسنہ رومانک
 خامیسی صفتنی ویردی کد بوصفت اوزمانہ قدریالکر
 شرقی امپراطورلرینہ مخصوص اولدیغی جھتله کرک
 مات و کرک قرال ارتق بوصفتہ نصل تشکر ایدہ جکلرینی
 بیلہ میہرک کلیتی ایلدو ایلہ کلوب دشمنی بردھا پاپانی
 تعجیر ایدہ میہرک صورتدہ طرد و تبعید وانلردن

الدقلى ممالكى روما كليسانه بخش و عمليك ايلديلر
بو حال ۷۵۵ سنه سنده وقوع بولمشدر .

شارل مارتل زمانده فرانسه نك جنوب غربى
استيلا ايمش اولان اهل اسلام هر نه قدر مغلوب
اولمش ايديسده ينه اكيتم ايلاتك جنوب طرفيله رون
نهر ينه قدر سپتيماني ايلاتي عادتاً مارسليا نواحي سنه
وارنجه هب اهل اسلام النده قالمشيدى . يعنى شارل
مارتل غابتي اهل اسلامك پارسه طوغرى تعرضنى منع
ايد بولمشيدى . بو كره په پين فرانسه نك شمال و شرق
طرفلرني خوارچك تعرضندن محافظه ايلديكي صره ده
جنوب جهتلرني دخي اهل اسلامك لندن قوتار مغه
چاليشوب انجق بو موقفيتنه سائر ايشلر كي قولايجه
نازل اوله ميه رق سنه زجه غوغا ايدوب قان دوكد كدن
صكره بالكن سپتيماني ايلاتنى كوچ حال ايله قورتاره
بولمشدر .

چونكه اهالى حكومت اسلاميه دن ممنون و متشكر
اولغله ينه كندى همچنسلر ينيك تعرضى مقامنده
طوهرق اسلام ايله برابر مدافعه ده قانلرني قدا

ایدرلر ایدی .

حاصل کلام ۷۶۸ سنه سنه قدر په پین کاه
 رومانی محافظه کاه فرانسه بی دشمنلردن مدافعه یولنده
 ایاغنی اوزنکیدن چیقارمیوب نهایت سنه مذکورده
 اگندیسی ینه بر محاربه یه دعوت ایچون کلش اولان
 پاپا سفیرلری ارتق ترک دغدغه حکومتله راحت
 دوشکنه سر یایش ا بولدیلر که تشرین اولک یکر می
 اوچنجی کونی ایدی . په پین قبل الوفات فرانسه بی
 شارل وقارلومان نام ایکی اولادی میانده تقسیم
 ایش ایدیسه ده کندیسی بیاسی شارل مارتلاک
 وصیتی طومبویو قرنداشلرینک حقوقنی غصب ایش
 اولدیغنی جهتله کندی وصیتی دخی تمامی تمامه
 قبول اولنماشدر .

مع هذا قارلومان ایله شارل برارالی پدرلرینک
 وصیتی موجبجه تعیین اولندقلری محلله قرال نصب
 اولندیلر . نتیج اکتین اهالیسی ینه استقلال اداره
 دعواسنه قیام ایلدکلرندن ایکی قرنداشلرک بالاتفاق
 عصاه اوززینه حرکتلری لازم کلدی . اگر ایکی

قرنداشلر اتفـ اقلربنی بوزما مش اوله دیلر عصاته
 یالسهوله غلبه ممکن ایدی . لیکن فرانسه لر بوارالق
 بر بیوک طولاب چو یرمک قرار یله قار او مانی قرنداشندن
 آیرمش اولدقلرندن محـ اربه یوکی یالکزشـ ازل
 اوزرند بقالیدی .

قار او مانک عمری وفا ایتمیوب هنوز یکر می یاشنده
 ایکن ۷۷۱ سنه سنده وفات ایلمشـ ایدی . وفاتی
 حقینده قرنداشی شارل بغته اوسـ تراز یه هجوم
 وقار او مانک زوجه سیله چوجقلربنی طرد وتبعید ایدرک
 فرانسه نک عمومته صاحب اولدی .

شارل وؤخرأ شارلمان عنوانی الارق اول قدر
 فتوحاته مظهر اولشدرکه قراللق عنوانی ایمپراطور لغه
 قدر وارد یرمش وعادتا ملغاروما غرب ایمپراطور لغه
 معادل بر بیوک غرب ایمپراطور لغی قورمش و بو کیفیت
 ایسه احوال فوق العاده دن بولغش اولدیغندن آری بجه
 بر بند مخصوصله ذکر ایدمک لازم کلمشدر .

﴿ بند مخصوص ﴾

﴿ شارلمان ﴾

شارل عنوانتک (شارلمان) صورتنه انقلابی
 مومی الیهک موفقیات فوق العاده سی اوزرینه اوروپاچه
 عادت اولدیغی وجهله کندیسنه « بیوک » عنوانی
 ورلدیکی زمان وقوع بولشدرکه بیوک معناسنه اولان
 (مازیوس) کلمه سی کندی اسمیکه بالترکب فرانسیز
 تلفظنه نقل ایدیلجه (شارلمان) دیه قرائت اونور
 قرداشی قارلومانک وفاتی اوزینه زوجه سی
 وچوجقلرله رؤسدادن برقاج نفرک ایتالیاطرفلرینه
 النجایتمش اولدقلرینی شارلمان وسیله آتخدا ایدرک
 ایتالیا اوزرینه هجوم وبتون لومباردیایی فتح ایله
 خادتا برفرانسیز ایالتی اولقی اوزره فرانسه به ربط
 والحاق ایلیش وکندیسنک افکارجه انکیبرانه سی
 حسبیه برقاج محل قرالغنتک بردن کندی اسمنه یاد
 اولنسی اخص آمالی بواندیغندن لومباردیا فتوحاتی
 سنه سی اولان ۷۷۴ سنه سندن صکره کندیسنه
 (اوستازی ونوستری قرالی واکتین وسائرہ دوقه سی

اولومباردیانک قرالی فاتحی (عنوانی ویردیرمشدر .
 شارلمانک مدت عمرنده الکیزیده مشغول اولدیغی
 محاربات المانیا محارباتی اولوب بونک مبدئی
 شـ و صورتله درکه ۷۷۲ سنه سنده ساقسونیا اولی
 بر مجلس عمومی عقدیله بعض خصوصات مهمه بی
 مذاکره ایتدکلی صرده اوزمانلر جرمانیا طرفلری
 حکم انجیل شریفه دعوت ایتدکه بولنان سن جرمن
 لیون نام ذاتی تختیر ایتدلیله مومی الیه پایابه شکایت
 و پادخی شارلمانه عرض کیفیت ایلشیدی . شارلمان
 اولومباردیایی فتح ایلدکن صکره اتک باشی شمال
 طرفنه چو پروب ۷۷۵ سنه سندن صکره ساقسونیا اولی
 ایله محاربه قویه ایدی . ساقسونیا اولی ایله شارلمانک
 بویه اوزون اوزادی به محاربه ایتدسنه . و خراً
 بعض املارده اضمام ایلدی . از جمله
 ساقسونیا اولی خرسیتیان دینه صوقق و عموم
 جرمانیایی فرانسه به مالکانه ایتک دخی آمالی
 جمله سنه کیرمشیدی . لیکن اوتوز سنه قدر دوام
 ایدن شو محاربه ده شارلمانک امیددی و جهله بر نتیجه

قازانلق شو یله طورسون حتی فرانسه نك شمال
 طرفلرنده طاش طاش اوزرنده قالماق درجه سنده
 خرابلق کورلمشدر . (دایمارقه ص ۲۶ مراجعت)
 رباندن شمال محارباتی دوام ایده طورسون دیگر
 طرفدن شارل مارتل و په پین له بره فك باشلامش
 اولدقنری اهل اسلام محارباتنه دخی ال اوزاتدی .
 ۷۷۸ سنه سنندن صکره اسپانیا طرفلرینه کچوب
 خرسیان کتبلرنده (سارراسن) دنیلان اندلس
 اهل اسلامیه محاربه به باشلادی . بادی محارباتنه
 اهل اسلام برقاچ دفعه مغلوب اولشیدی . انجق
 رون سونام محله عربلر شارلمان اردوسنك ارقه
 طرفنی الو اولاد مداری اوزرینه شدتلی برهجوم
 ویرنجه اردوجه پریشانلق کلوب فرانسزك هر بری
 برطرفه جان آتمشدر . شارلمانك اسپانیادن اله
 کچوردیکی . نك بالکز غاسقونیا دوقه لغندن عبارتدر که
 یوایلتك فرسیه کچمسی اندلسده اسلام حکومتك
 هیچ رضررینی مستوجب اولمامشدر .
 ۷۹۶ سنه سننده شارلمان اقدمجه آسیا طرفندن

کچوب المانیایه قدر اوروپائی استیلا ایتش اولان اقوام
 تاناریه دن آوارلی بوزمش و بوموفقیت اوزرینه
 المانیایه طرفلری تاشمدیکی روسیه حدودینه قدر هب
 شارلمانک زیر حکمنه کیرمش اولدیغندن ۸۰۰ سنه
 میلادیه سنده ایدی که پاپا جنابلرینک علیهنه تشکل
 ایدن برفرقه بی تربیه ایتک ایچون روماده بولندیغی
 اثناده میلاد مسیح یورطوسنده سن پید کلیسایسنده
 ایکن اوزمان پاپا بولندان اوچنجی لهئون شرق
 ایمپراطورلرینه مخصوص اولان برتاجی غرب ایمپراطوری
 تاجی نامیله انه الوب شارلمانک باشنه قویدی
 وحاضر بولندان پاپاسلر و سرآمدان ملت دشان
 وشرف شارلمانه اولسون شارلمانه که فرانسرلک
 قرالی و بزم ایمپراطورمز و عموم خریستیانلغک حامیسی
 اولوب مسیحک و کیلی لندن تاج ایمپراطوری بی توج
 ایلشدره نداسیله آلفشلادیلر . ایشته تاریخ مذکورده
 صکره شارلمان غرب ایمپراطورلغک شانیه اوروپانک
 اک بیوک حکمداری اولدی .
 شارلمانک غرب ایمپراطورانی دائرہ سی داخلنه

ادخال ایلدیکی ممالک غرب جهتمن اطلاس دکزی
 و جنوب طرفدن اسپانیاد، واقع ارنه یی و بحر سفید
 و ایتالیا سده واقع و واتورن و شرق طرفدن قار پاج
 و شمال طرفدن بحر باطیق بحر شمان ایله محاط و محدود
 ایدی که شمیدیکی فرانسه باچقا هولاندا پروسیا اوستریا
 و عموماً المانیا و اسویچره ایله ایتالیا نیک اوچ ربعی
 و اسپانیانیک شمال طرفی و اوروپای عثمانی در بوسنه
 و خرواستان هپ بوحد، دک داخلند، ایدی .

شارلمانه بیوکک عنوانی و یرن شی یالکز برمنوال
 محرر بحاربات جهانگیرانه و صاحبقرانه سی دکدره .
 اوزو پا ایچنده ترقیات مدنی نیک انتشارینه ایتدیکی
 خدمت دخی بو عنوانی کندیسنه و یردین اسبابک
 یرنجیلرندندر . اوزمانه قدر اوروپاده فن و قلم صاحب لری
 عادتاً حقارت معامله سندن بیله قور تیله من ایدی .
 مومی ایله بونلرک جله سنی فرانسه به دعوت و حقلرند
 رعایت لازمه یه همت ایدرک سراینک بر دأر ه سنی بونلره
 حصر ایله اورا سنی انک مکمل آقادمیا حالنه قویدی
 و کندیسسی ایسه بو آقادمیانک انک کوچک اعضالغی

شرفه قناعت ایلدی .

هر طرفه مکتبلر کسانیه صرف ونحو و حساب
و علم ادیان تدریس اولنور و مؤخرأ (علم انسانیت)
نامیه بر علم دخی نشر ایدیلور ایدی که بو علم ملنلر
هیاننده کی اختلافاتی بر طرف ایدرک بنی بشرک هب
قرنداش کی اولدقلر بنی اثبات ایلر ایدی . مومی
الیهک صنایعه و بردیکی اهمیت دخی بونیتده اولوب
حتی اوزمانلره قدر فرانسه ده کچجولک بوق نزله سنده
ایکن ترقیات صنایع سایه سنده صنایع بحر به دخی
درجه مطلوبه به واردیرلش و یکیدن بر چوق لیمانلر
حفر و ترسانلر کساد ایدلمشدر . هله زراعته
و بردیکی اهمیتی هیچ بر شایئه و بر میوب راست کلدیکی
چقجیلر ایله سوزه کبریشور و کچن سنه نقدر تخم اکدیکی
و بوسنه نه قدر ضم ایلدیکی حقیقده معلومات آلور
ایدی .

شارلمانک و بردیکی امر و قویدینی قانونلر کنددی
زمانه نسله پک سر بسته تانه حریت پرورانه در .
بونلرک مطالعه نرندن معلوم اوله جنی و جهله کندیدی
اسیلائی عالم ایچون جنک ایتش صنایلیوب بلکه

اصلاح احوال ام ایچون قلیجه صارلمش اولدیغی
اکلاشیلور .

زمانده هرشی مفقود و معدوم اولدیغندن
اگر شارلمان مطبعه و صنایع جسمیه سائره نك موجود
اولدیغی بر زمانده کیش اوله ایدی عالی صحیحاً
بردها بوزولیه جق قدر اصلاح ایدیه بیله جکی درکار
ایدی .

۸۱۳ تاریخنده اوغلی اوئی بی حکومته تشریک
ایدرک اندن برسینه صکره وفاتی وقوع بولمشدر .
کندی وفاتندن یعنی دوست و دوشمنک بللی اوله جغی
زمانک حملونندن صکره شارلمان حقنده یازیلان برقاچ
رساله کندی حقنده هیچ برقصور و قباحت بوله ایوب
یا لکز هوس شهوانیه سنی راز تعیب ایدن بولمشدر .
بوتعیبی ایدن ایسه ریشوراهی وتی نام ذات اولوب
شارلمان حقنده تصویر ایلدیکی بررؤباده کندی سنی
بر عذاب محلنده کوره رک تعجب ایلدم . محافظه سته
مأمور اولان زبانیدن سببنی سؤال ایتدی که ده دیدی که
بوزات احوال عالی اصلاح ایچون ایتدیکی حسن
خدمتدن طولابی پک چوق مکافات اخرویه به نائل

اوله جق ایسه ده شهوتی اجباریله ایتدیکی فنالقدردن
طولایی کورمسی لازم کلان جزایی کورمک ایچون بوراده
بیکایور .»

«واقعا زبانیك دیدیکی کبی ارادن براز وقت صکره
قارتال کبی بر قوش کلوب پنجه سیله شارلمانک آلت
شهو انیسنی قو پاردی آدی ووجودینک سائر محلا رینی
تقدیس ایلدی .» دیشدر .»

(انتهای بند مخصوص)

شارلمانک نکاحلی اولملری قبول اولنان چند نفر
زوجه لرندن یکرمی قدر اوغلاری قالمشیدی . واقعا
نکاحلی اولدقلری قبول اولنمیان زوجه لرندن ده ابر طاقم
اولادی قالمشسه ده تاریخده انلرک نامی اونودلمشدر .
یکرمی نفر ورثه سندن یالکز کسندیسنک ولی عهد
انتخا ز ایلدیکی اوئی پدرندن صکره فرانسه قرانی
وغرب ایمراطوری نامنی آدی .»

فرانسه حکمدار خاندانلرینک داخلأ قادیلر
میانده جریان ایدن نیجه انتر بقهل اوزرینه فرانسه
تاریخنک برجهتک عاداتا رومان وحکایه طرزینی

آلسی شارلمانک وفاتندن بدأ ایله وقوع بولوش
 اولوب یکی ایمراطو اوئی همشیرلرندن پک چوغنک
 برچوق عاشقارینی طرد و تنکیل و برطابقنی دخی قتل
 و اعدام ایلشدر که بوکی وقایعک ده اغریب لری ایلروده
 کوریله جکی جهته بوراده اهمیتجه انلر درجه سنه
 وارامیان اوفاق تفک شیلرک ذکرى مناسب کورلماشدره
 له دبوزر لقب ایله ملقب اولان لویى اوتوز بش یا شنده
 اولدیغى حالده مقام ایمراطوری به کچمش و حتی ده
 پدرینک صاعغنده اکیتن قرالی ایکن پک اعلا اداره
 مملکتته موفق اولمش ایدسه ده یکر میدن متجاوز ملل
 واقوام متخالفه به حکومت ایده بیلک شارلمان قدر
 یراقتدار فوق العاده به متوقف اولدیغى جهته غرب
 ایمراطورلغى اهمیتی مقابلنده لویى له دبوزر پک اهمیتسن
 برا ایمراطور قالمشدر .

شارلمانک قوردیغى ایمراطورلغه برنوع شهنشاهلق
 دنيله بیلور . زیرا اوتده بریده یند کندی طرفندن
 نصب اولنان واعلی کندی خاندانه منسوب اولان
 قرالر حکم ایدرک کندیسی مملکتک هیئت عمومیه سنه

نظارت ایدر ایدی . ایندی بومهم مقام او بی به
 انتقال ایدنجه الكاول شارلمانك طورنی او اوب ایتالیا
 طرفلرینك قرالی بوننان برنار ۸۱۸ نارینخنده ایمپراطور
 علیهنه سلاحده صارمغله اوئی برنجی شدنی برنار علیهنده
 کوستروب بیچاره بی اخیندو کوفتله کوزلرینه میل
 چکدیرمش و بوعدنابله برنار وفات ایشدر که شارلماندن
 کورلمیان بویله بریاربارلق اثری خلقک نفرتنی موجب
 و خلقک نفرتی ایسه لوئینک فوق الغایه تلاشی مستوجب
 اولمغله ایمپراطور جنابلری ۸۲۲ سنه سنده آیتینی نام
 محله خلق مواجهه سنده توبه و استغفاره مجبور
 اولمش و ایشته بو استغفار قضیه سی ایمپراطورک ضعفی
 هرکسه اشراب دکل عادت ایشدر . ایمپراطورک
 ضعفی بو صورته میدانه چه قدر دن صکره بو یوزدن
 کوره جکی بلادخی دیگر بر جهندن باش کوستردی .
 شویله که :

مقدما اوچ نفر اولادندن به پین اسمنده اولانه ا کیتن
 و اوئی نامنده اولانه باویر اولوتر اسمنده اولانه دخی ایتالیا
 قرالقرینی توجیه ایشیدی . حالو که بو اوچ چوچق

ایلاک زوجه سندن دنیایه کلمش اولوب ایکنجی دفعه
 اوله رق ازدواج ایلدیکی زوجه سندن ده شارل له شوق
 دنیایه کلمکله انی دخی بر محاکم قرالغیله بکام ایتک
 ایچون اولکی تقسیمی کارلم بکن حکمنه قویغنه
 قالقشهرق ۸۲۳ تاریخنده کیفیتی اعلان ایلدی .
 بناء علیه ایلاک اوچ اولادی پدرینک شوحتسزلغی
 علیهنه اتفاق ایدرک بالعصیان امپراطوری بر مناسسته
 حبس ایلدیله . واقعاینه اوسنه امپراطور تخلص
 نفسه موفق اولدی . انجق چوجققر اتفاقلرینی
 بوزمیبوب تکرار عصیان وینه اخذ وکرفت ایدرک
 ۸۳۳ سنه سنده بینه حبسه آتدیله .

۸۳۴ تاریخنده بتکرار فرجه یاب فرار اولوب
 اضاده شوکت ایلش ایسه ده چوجققر بو کره دخی
 اتفاقلرینی بوزمدقلری وکندی اوزرلینه غلبه ایچون
 یابازینه میدان بر اقدقلری جهته ۸۴۰ تاریخنده
 اوغلی اوئینک بتکرار کنندی اوزرینه غلبه ایتک
 درجه سنه واردیقنی کورنجه امپراطور جنابلی قهرندن
 وفات ایلشدر .

بابا ايله اوغلار مياڭسندە بو محاربه متماديه نك
 يالوجوه مستوجب اولديغي مضرتتار ايجننده دره
 بكارينك قوتتاريني آرتديرمش اولوق مضرتق اك بيوك
 بر مضرت عد اولنور .

زيرا كرك امپراطور و كرك چو جقلار بكد يكرى
 علمنه غلبه ايدد بلك ايجون دره بكارينك معاونتنه
 عرض احتياج ايدرك انرا ايسه هانكي طرف امتيازات
 و مكافاتى چوق و يرر ايسه او طرفسه ميل ايتد كلرن دن
 هر دره بكي بر مستقل قرال قيدر امتيازاته نائل
 اولمشيدى . مضرتك برى دخى لوئى وفات ايلد كدن
 صكره جسمى نحو اولوق درجه سنه كلوب يالكر اسمى
 يك پارلاق قلان غرب امپراطورلغى بيوك اوغلى لوتره
 و فرانسه قرالغى دخى بكنجى قاريسندن اولان شارل
 له شوقه انتقال ايتميدر كه بو حال ايله مملكت ايجنه تمام
 تفرقه كيرمش اولدى .

بو نفاقك مبدئى غرب امپراطورى لوترك حقوق
 و صلاحيت امپراطورى بي نه يولده استعمال ايددجكي
 منازعه سندن باش كوستردى .

لوئر تاشارلمان زماننده کی کبی کندیسى شهنشاه
اوله رق دیگر قزنداشلری وسار قرالر ودره بکری
کندی معینده بولمسنی وعموما قوه عسکر به کندی
امریله حرکت ایتسنی ادعا ایدرک بودعوا دیگر
قزنداشلرینه موافق کلدی . بناء علیه الك اول کندی
اوز قزنداشی لوئر محاربه به آغاز ایدوب بعده اوکی
قزنداشی اولان شارل له شوف دخی لوئر ایله بالاتفاق
لوئر اوزرینه حرکت ایتکله ۸۴۱ تاریخنده یعنی
بابار بنک وفاتندن بر سند صکره اوچ قزنداش قوندنای
نام محلده او یله بر محاربه به طوتشدیلر که بو محاربه ده
تمام قرق بیک نفر فرانسز مقتول اولش وشو حال
شمال طرفلرندن فرانسه به دایما کوزدیکن نورماندیالور
ایچون فرانسه بی یلده کلری کبی از مکه مساعده
کوستر مشدر .

نورماندیالورک تعرضی مسئله سی صکره حل
ایدیله جک برشی اولغله اوچ قزنداشلر اول امر ده کندی
قوزلرینی پای ایتکله مشغول اولدیلر . برارالق
شارلسک ممالک موجوده سنی اوچده تقسیم ایدرک

ہربری پر پارچہ سانسہ صاحب اولش وایمپراطور اوق
 عنوانی ینہ لوترده قالمش ایدی کہ بی نام ایله برابر
 بورغونیا وایتالیا وفرانسہ نیک مؤخرأ لورن نامیلہ بنام
 اولان شمال شرقیسی دخی کندیسنه کچمشیدی .

انجق قرن داشلر میانده منازعه و مجادله بردر او بر طرف
 اولنه میه رق ۸۵۸ سنه سنده شارل له شوف کندی
 طرف کیرانی و سپاهندن آیر یله رق بورغونیا طرفنه قاچش
 و او تر ایسه ممالک موجوده سنی اوچ نفر اولادی میانده
 بالقسیم ایتالیا قرالغنه نصب ایادیکی لوی نام
 اوغلنه ایمپراطور اوق عنوانی دخی ترکله کندیسنی دهام ۸۵۵
 تاریخنده صوک کونلرینی جناب حقہ عبادتله کچورمک
 ایچون بر مناستره چکلکه که مجبور اولمشیدی .

فرانسہ نیک اور اورانه قیر قبرانه دیمک اولان او یله بر
 عصر نه ایکی قرالک بردن اورته دن چکلکسی اصلاح
 احوال ایچون بپوک برفرست عد اولنه جق جالاتدن
 ایسه ده شمال طرفندن نورماندیالور تانفس پارس
 شهرینه قدر هر طرفی محافظه دن عاری کوره رک کلوب
 جاپول ایتمکله مشغول و جنوب طرفندن دخی اهل

اسلام اکیتن اہالیسی ایلہ بالانفاق اولجہ فرانسزلرک
 آلمش اولدقلری برلری استرداد ہمتدہ بولندرق هر
 طرفدہ ظہور ایدن درزہ بکلری دخی بالکز توسیع نفوت
 وقوت ایچون اوکلرینہ کلان کناہلی کناہسزلی
 قہر ایتکدہ اولدقلرندن اصلاح احوالہ ہمت ایدہ جک
 حیداندہ بر مرد قالمش ایدی . بلانک الک بیوکی ایسہ
 اولجہ ایپراطوراق نامنہ مجادلہ ایدن بالکز برلوترا یکن
 شمدی اونامک دخی مجادلہ جیسی اولدقرق اوچ نفر
 اولادی میدانہ چیقوب بونلرکا، برلریلہ اتفاق ایدرک
 فرانسه ایچنہ وکا، فرانسه طرفندہ بولنان مجادلہ جیلر
 ایلہ اتفاق ایدرک بربری اوزرینہ ہجوملر ایتسی
 ایدی .

یواریق شارل لہ شوف مغرندن باش قالدیرارق فرانسه
 اوزرندہ کی حقوقنی ادعا ایلدی . انجق اورتلغک
 قترندن بیوک بر قارغہ شہلغی اراسندہ ہمان ہیج بر
 شہدہ موفق اولہ میہرق ۸۷۷ تاریخندہ وقوع وفاتیلہ
 فصلسہ اوغلی اوئی بی، یکنجی اوئی نامیلہ برینہ قویہ بیلمش
 ایدیسہ دہ ایکی سنہ قدر انجق حکومت ایدہ بیلوب اولدخی

دیار عدمه تکرار نشود . الحاصل فرانسه نك الك زياده
 قارشمش اولديغي عصر بوعصر اولوب قوه حربه كاملا
 محاربات داخلية ايله اسراف ايدار بيك شين ملل متجاوزه
 هر طرفدن هجوم كوسترشم وعادتا فرانسه بي بتون
 بتون زيروز بر ايتلرينه رمق قانش-يدي . بو حال
 قارلونيترين خاندانك شوكتني يوق منزله سنه تنزيل
 ايدرك شو قدر زيار كه رو برله فورنام قونت شمال طرفندن
 نورمانديالوره شدتله مقابله كوستروب ايتديكي
 محارباتده فرانسه شوكت عسكريه سني دوسته دشمنه
 كوسترديكى جهتله قارلونيترين خاندانسه بدل
 فرانسه نك اوچنجى خاندان قراليسى ديمك اولان
 قاپه سين خانداننى حاضرلار ايدى كه كيفيتلى محل
 مخصوصنده ذكر اوننه جقدر .

ايدى ۸۷۹ تاريخنده شارل له شوفك اوغلى
 ايتكنجى لوبى وفات ايتديكى زمان دره بكارى
 وسرآمدان برارايه كلوب محاربات داخلية به ختام
 بويرمك ايچون متوفانك لوبى وقارلومان نامنده اولان
 ايكي اوغاني قرال طانية رق سائرله بوز و يرمامكه قرار

ویردیله . هله ۸۸۲ تاریخسده اوچنجی اوبی
دخی وفات ایتمکله قارلومان فرانسده تک باشنه قرال
قالارق نیجه زماندنبری منازع فیه اولوب بونجه قانیر
دوکولسنه سبب اولان فرانسه ینه بدواحد التنه
کیرمش اولدی . قارلومانک نه عقل واسه تعدادده
برآدم اولدیغنی محاکمه ایده جک قدر نه مدت حکومتی
اوزامش نهده اول قدر استقلالی کورلشدر .
کندیسنی هر طرفدن پاپاسلر ودره بکری احاطه
ایدرك بشقه ایشه باقبوب یالکیز شومچار به داخلیه بی
برطرف ایتمکله سوق ایدرلر ایدی . بنه علیه ایکی
سنه ممد اولان مدت حکومتنده اورن طرفلر نه ینه
اعلان استقلال ایتمکله چایشان هوغ نام ذائله غالبانه
مچار بهلر ایتمیکی کبی فرانسه تک شمال جهتلرینی
غارت ایدن نورماید یالوره قارشو دخی کوزن مقابله لر
کوستروب باخصوص جنوب طرفلرنده اهل اسلامک
معاونتیه عادتایکی برحکومت تشکیلنه چایشان
بوسون نام ذاته دخی یک لایقلممانعت کوسترمشدر .
انجق ۸۸۲ سنه سنده صیدوشکاره چقبوب بریبانی

جانوز اوزرينه هجوم ايتمكده جانورك طعمه دندانى
اولشدر .

مومى اليهك وفاتندن صكره فرانسهده نوبت
حكومت ايكنجى لويديك بعد الوقات تولد ايدن شارله
سميل نام اوغلنه كلش ايسدهده مومى اليه هنوز حال
طف-وليتده بولمق حسبيله صندالىء حكومته انتخاب
اولنورسه شايد بلا اوزرينه بلا اولمق اوزره مصائب
وغوائل موجوديه ضميمه برده وصيلرك وسأرارباب
نفاقك انترغدرينه دوچار اولنه جنى مطاعهسى
غرب ايمراطورى عنوانى ارثا محافظه ايتمكده بولنان
شارله غروبي فرانسه قرالغنه دعوته لزوم
كوشتردى .

مومى اليه شارله غروغرب ايمراطواغيله برابر المانيا
وايتاليا و فرانسهنت جهات شرقيه سنى ادارهسى
الته المش برپرس اولديغندن فرانسهنتك شمالا
نورمانديا اشقياسى وجنوباً اهل اسلامك تعرضاتندن
بى زار اولديغى برزمانده كتديسندن خدمت بكنور
ايدى . مكر مر قوم فرانسهيه انتخاب اولنديغى

زمان خدمت یرینه خیانت ایتمکی قرار شد برمش .
شویله که :

اوزمان فرانسہ بی اک زیادہ تھہندید ایدنلر
تورماندیا اقوامی اولوب حتی شارل لہ غرودعوت
اولدینغی زمان بونلردن عساکر وفیرہ کلوب نفس
پارس شہرینی محاصرہ التہ المشرایدی . پارس
شہری یوقارودہ اسمی سہبتت ایدن روبرلہ فورک
اولادنن اولوب پارس قونتی بولنان اودنام دلورک
ہمتیلہ محاصرہ ایدن اشقیابہ کمالیلہ مقاومت ایتمکدہ
ایدیسہ دہ شارل لہ غرو کلدیکی زمان یالکز مقاومت
دکل بلکہ اعدابی رجعتہ مجبور ایدہ جکلری امیدیلہ
خلق منسلی اولدیلر . اوایسہ کلور کلز محاربه
دکل بالعکس دشمن ایلہ مصالحہ ایلدی . واقعا
مصالحہ دخی اوزمان فرانسہ ایچون بر خدمت عد
اولنہ بیلور ایدی . انجق شارل لہ غرو دشمنہ برچوق
تضعینات حربیہ ویرمت وغبانہ قلبہ الدینغی برچوق
آغر شرایط ایلہ طوادیردینغی عہد نامہ بی دخی
امضنا ایتمک کی عادتا فرانسہ بی نورماندیا ولورہ
خرج کڈار ایدرجه سہنہ خیانتلرہ تصدی ایتمکدہ

هر کس مر قومدن تنفر ایلدی . هله ۸۸۷ تاریخنده
عزل ایدلمکله فرانسه بو دوست کورینور دشمندن
یقاسنی قورتاره بیلدی .

بوتار یخنده فرانسه صندالی حکومتک اصل وارشی
ینه سالف الذکر شارل له سمیل ایدی . انجق هر طرف
حدودینک آچیق اولدیغی و باخصوص پارسه
و پارسدن اشاغیلره قدر شمال طرفلرینک نورماندیالو
استیلاسی التده بولندیغی بر زمانده شارل له سمیل کی
برچوجغی حکومته کچورمک او یامیه جنی وطن و ملتکی
سون بالجه سر آمدان میانده تذکر ایدلمش و اوزاق
پارس قونتی سالف الذکر اود نورماندیالوره قارشو
بر بویک غلبه یه نائل اوله رق اشقیبای مر قومده بی دفع
و تبعید امر نده قابلیتینی کوسستمش اولغله رؤسا
و سر آمدان بالاتفاق قونت مومی الیهی مقام حکومته
دعوت ایلدیلر .

مومی الیه اود اولانجه همتی یانکز نورماند
یالورک دفعنه صرف ایدرک موفق دخی اولور ایکن
شارل له سمیل بر طبق منافذلرک و مفیدلرک اغواسیلر

اودی طرد و تنکیل و کندی حقوقی استیفا دعوا سنه
 قیام ایتمکله اودبوکره نورماند یالوری براقوب شارل له
 سمیل ایله محاربه یه مجبور اولدی . بریسی حقوق
 آرشیه سنه و دیگرکی خلقک قبول و انتخابنه مغرور اولان
 شوایکی مدعینک محاربه لری فرانسه بی بتکرار یک فنا
 یرحاله قویغنه یا قلاشدر مشیدی . هله ۸۹۲
 تاریخسنده سرآمدان ملت برارایه کلوب « حکومت
 متازعه سیله قوه حربیه مزنی اسراف ایذه جک زمان
 دکدر خارجی اعدایه مرام اکلاتغنه چالشم «
 دیه طرفینی بارشدیروب شارل له سمیلی دخی حکومته
 تشریک ایلدیلر .

شارل غایت ضعیف القلب برقرال اولوب زمان
 رشدنده دخی فرانسه بی اداره ایده بیله جک اقتداری
 حآن اولمدیغی کورلدی . انجق ۸۹۸ تاریخنه قدر
 اودک انضمام همیله تعرضات خارجیه یته بدرجه یه
 قدر منع اولنورایدی . شارلک اصل قدرتسزلکی
 مومی ایله اودک وفاتیدن ضکره کورلدی . نورماند
 یالور مهاجمات شدیدله فرانسه بی عادتاتها که ده

براقديلر . قرال ايسه بونلري بالمقابله تنكيز ايلده جك
 برده رئيسلرينه كندى قزىنى اعضاوت زويج ايلدى كه
 بوضورتله نوعاً انلرى دخى حكومه تشرىك ايتمش
 اولدى .

خلق بواز دواجدن طولايى قرال دن كماليله نفرت
 ايتديلر . باخصوص تاريخ ازدواج اولان ۹۱۱
 سنه سندن ۹۲۲ سنه سنه قدر نورمانديا اولر ك فرانسه
 ايچنده بياغى غالبانه حركت وظلمانه مشوارلرى هر كسى
 دلگير ايتمكه هر كس متوفى اولدك برادرى رو بر ك باشنه
 طويلانوب قرال عايهنه شدتلى براختلال چيقارديلر .
 بو اختلال بر سنه ممتدا اولدى . لىكن نورمانديا اولر قرال ك
 طرفنى التزام ايتمكه شارل له سميل كمال ضعفيه بر ابر و برى
 مغلوب ايدرك قفاسنى كسمكه موفق اولدى . فرانسز
 اختلالدن ينه بوز چو برمديلر . بو كرده دخى رو بر ك
 اوغلى قومانداسيله حركت ايدرك قراله غلبه چالغله
 قرال جان قورنار مق ايچون نورمانديا دوقه سى هر بر ك
 يانته البجا ايلدى و فقط مومى اليه دوقه متوفى رو بر ك
 قتل سندن طولايى قرالى اخذ ايدرك پرون حصارينه
 حبس ايتدى .

بو عصیانده اریاب اختلاله قوماندایدن ذات
 دو برك اوغلی هوغ اولوب فرانسه غیرتی کردنلر انك
 باشنه جمع اولمشلر ای دیسه ده شارلله سمیلک دخی
 برچوق طرفدارانی اولدیغی کی نورماندیالولر دخی
 انك طرفنی التزام ایلمش لر ایدی . حتی اوزمانلر انكلتره ده
 بولنان نورماندیالولر دخی فرانسه ده کی نورماندیالولرک
 غیرتی کوده رك شارلله سمیلک اوغلی اوبی دو ترمری
 انكلتریه آشوب اوراده محافظه ایدرنر ایدی . بناء
 علیه بودفعه ظهور ایدن محاربه داخلیه اولکیلرندن
 دها شدتلی اولوب بریاندن نورماندیالولرک یاردمیه
 انكلتردن عودت ایدن لوئی دو ترمرک قرالیغی اعلان
 اولنور (عن ۹۳۶ الی ۹۵۴) و دیگر طرفدن ینه
 زو برله فورک اخفادنن هوغ قاپت فرانسه بی خراب
 ایدن محاربات داخلیه ایله مهاجرات خارجه دن
 قورتارمق ایچون عموم فرانسه بی کندی اداره سی
 البته المغه چالیشور ایدی که شواختلافات و منازعات
 اواسنده آقان قانلر حده حسابیه صیغدی رلق ممکن دکلدزم
 فهایت هوغ قاپت اعلنه موفق اوله رق وطن و ملتنی

کندی کندیسه باترمق کبی بر بیوک تهلیکه دن
قورتامشدر که کیفیت اشاعیده اوچنجی باده بیان
شولته جقدر .

اوچنجی باب

﴿ قاپه سیهن خاندانک مدت حکومتلری ﴾

عن ۹۸۷ الی ۱۷۹۳

برنجی فصل

﴿ قاپه سیهن خاندانک بردوزی به حکومتلری ﴾

عن ۹۸۷ الی ۱۳۲۸

تفصیل - شارلمانک وقتندن صکره فرانسه ده

قالورلونیترهن پرنسلیرنک نه حاله کیرمش اولدقلری

یوقاروده باب ثانینک نه هایتلرنده ذکر اولنمشدر . انجق

اوراده ویریلان معلومات عرب صاچی کبی قارمه

قاریشق اولان وقوعات تاریخیه نک خلاصه خلاصه سی

لولوب یوقسه حقیقت امر معلومات مذکوره مطالعه -

سندن حاصل اوله جق فیکرک احاطه ایدمه جکی قدر

یر یاد ایدی . جنوب طرفندن اهل اسلام کاه غالب

کا، مغلوب اولہرق انجق نتیجہٴ مہاجمادہ تاتولوس
 شہرینہ قدر ایلرولہ یوب برقونی الپ طاغلرینی اشارق
 ایتالیا طرفلرینہ مرور ایلش ودیکر قوی دخی بعض
 مجار قبائلیلہ چارخہ لشمق ایچون المانیانک ایچرو
 طرفلرینہ طوغری ایلرولہ یوب کیمش ایدی . لیکن
 شمال طرفندن نورماندیا اقوامی عر بلری رحنلہ اندیرر
 ایدی . زیراعر بلرک موردی اندلس اولق جھتیلہ
 براز اوزاقچہ ایدیسہ دہ نورماندیالورک وطنلری درت
 آدم ایلرودہ اولغلہ مہاجمک آردینی آراسنی کسمیہ رک
 فرانسه بی بوکالتمش ایدیلر . رویرلہ فورنام پارس
 قونتی نورماندیالور علیھنہ قلیچنی چکدیکی کوندنبری
 فرانسه بی عادتا کندی مملکتی کی محافظہ یہ باشلایوب
 اولادندن اودورو پرور اول وهوغ دخی بابارینسک
 اثرینہ اقتفادن کیرو طورمدیلر . بونلر فرانسه ددعاتا
 قراللق ایتمشلر و فرانسه نک بتون بتون ازیلوب کیمتسنہ
 قارشو طورہ مشلردر . لیکن خاندانلری رسماً قرال
 خاندانی طائمیوب کو یا ضرورت زمانہ نک الجاسی کی
 یربولدہ اولہرق خالقک انتخاب و بیعتیلہ حکومت

ایدرلر ایدی . ذوات مومی ایهمک مدت حکومتلرنده
 اسکی قارلونیرینه خاندانندن دخی شارل له سمیل
 واه بی دوژمر ولور ولوبی له فنیان نام پرنسیر حکومت
 ایلدیلر . انجق بونلرک ۹۸۷ تاریخنه قدر دوام ایدن
 مدت حکومتلری حکما یوق منزله سنده اولوب یالکز
 وینه هر حالده رو برله فور اولادینک مساعده سی
 سایه سنده قارلونیرینه خاندانک بقای حکومت
 لفظیه سنی محافظه ایدرلر ایدی .

وقوعات تاریخیه سنی ذکر ایچون بوبابی کشاد
 ایلدی کمز قاپه سیه ن خاندانک برنجی قرالی هوغ قاپت
 عد اولمشدر که اخفادی کندی لقبه نسبتله قاپه سیه ن
 قسیمی قلمشدر . بو خاندانک کشادی ایسه اوتهدنبری
 پدر وجدلرینک محافظه وطن اوغورنده فداکارانه
 سبقت ایدن خدمتلرینه مکافاتاً ۹۸۷ سنه سنده بالعموم
 روسای ملتک انتخاب متفقانه لریله وقوع بولمشدر .
 اوزمان فرانسه ایچنده براز قارل اوونیرینه بولاشخی بولنان
 پرنسیر طرف طرف اعلان استقلال ایتش بولندقلری
 جهته هوغ قاپت بونلری اداره واحده ایتنده جمع

ایتمکی در عهده ایلدیسه ده شاید ملت کندیسندن
 صکره ینه قارل اوونیز بهن پرنس لربنه التفات ایدر مطالعه سیله
 اول باول اوغلی رو بری بالکنز ولی عهده دکل بلکه
 کندی صاعغله غنده قرال ثانی اتخاذا ایتمکی قرار شد بر ارق
 بو قرارینی ملت دخی قبول ایتمکله جلوسندن برسته
 صکره اوغلی مومی البهی قاپه سینه خاندان قرالینست
 ایکنجی قرالی رو بر ثانی عنوانیله تخت حکومت اجلاس
 ایلدی .

ایمدی اشبو ایکی قرال اول باول فرانسه نك
 جانب شمال شرقیسنده بر مستقل قراللق صورتیله تشکل
 ایدن لورن حکومتك قرالی بولنان شارلک کارینی
 اتمام ایتمکله قرار ویردیله . زیرا کندیلرینک اصل
 شهرتی فرانسه نك شمال طرفلرنده اولوب بو شهرت ایله
 لورن طرفلرینی پك قولای ضبط التنه الابیله جگرلی
 کپی مومی ایله شارل قارل اوونیز بهن خاندانه منسوب
 اولدیغی جهتله ارادن وجودی قانقار ایسه کندی
 خاندانلرینی دخی تقویه ایتمش اوله جقملری بدیهمی
 ایلدی . بو موفقیت کندیلرینه عیسا اولدی . لیکن

تخصیصی بورداد: بهوده تکثیر سوادی موجب اوله جق
 اوزون اوزادی به انتر یغدر ار استنده شارل بر خیانت
 نارویه دوچار ایدادی که قاپه سیدن خاندانک بانیدی
 بولتان هوغ جنابلری بوندن طولابی بیوجک بر طعن
 البته کیردی

هوغ ۹۶۶ سنه سنه قدر بر حیات اوله رق بومدت
 طرفنده فرانسه نك شمال طرفلرینی خیلجه ضبط
 البته المش ونورماندیا اشقیاسنه دخی مرام اکلتمش
 ایدی

اندن صکره اوغلی رور ثانی بالکوز قالارق
 اودخی پدرینک اثرینه افتغا اتمش ایدیسده یقین
 اقرباستدن برت نام پرنسس الیه عقد ازواج ایدرک
 بو ایسه شریعت عیسویه به مغایر کورله کله اوزمان
 یایا بولتان ذات کندیسنی آفوروز اتمش وحالبه وکه
 او عصر لرده فرانسه د تعصب کالده اولوب آفوروزلی
 بولتان آدم نظر خلقده ملعون وعادتا نجس عد
 اولمقده بولتمش اولدیغندین هر کس قرالدن نفرت
 ایدرک حتی ایکی اوشاغندن ماعدا دایره سی خلقی دخی

ترك خدمت ایتش لرایدی .

مورخلر شمعی بزه عرب کله جك صورتته حكاكه

ایدلر که اوزمان رو برك يمك يديكي قابلر و صوايچي ديكي
قد حلو والبسه وسائر هر نه بي که استعمال ایتش ايسه فیریش

ویاقیش ایدی . چونکه بونلری کند بوسندن بشقه

هر کیم النسه الور ايسه آفوروز نجسندن اکادخی

بولاشمق معتقد ایدی . لیکن آفوروز قطعی اولیوب

مشسروط بولمغله قران مزبوره برقی ترك ایدرك

قونستانس نام دیگر برینسله عتقد ازواج ایتشی

اوزرینه لوش منعتدن تظهر ایتش صابیلدی .

قران مومی ايسه ارباب سیف و قلمدن بولمغله

اگر پاپا جنابلری مجرد بر تعصب نالایقندن طولایی

خالقی قراندن تنفیر ایتماش اولسه ایدی رو بک رخیلی

ایش کوره جکی درکار ایدی . انجق آفوروزدن

طولایی ناموسنه طاری اولان لکته بی غیرله مکه مدار

اولقی ایچون بیچاره آدجک بقیسه حکومتی هر طرفه

کلیمسار مناسترلر یاپدیرمق و پاپاسلره اراضی و املاک وقف

ایتک کی ملکجه فاندسی اولمیان ایشلره اسراف

ایلدی .

روبر دخی پدري کي خلق کندی خاندانی
 حقهده کی فکرندن لایقيله امین دکل ایدی . بنه
 علیه اوغلی هانری بی دها کندی حیانهده ایکن قرال
 ثانی نصب ایتدیره رک ۱۰۳۱ تاریخده وفاتی وقوعبو-
 لدیغی زمان مومی الیه هانری برنجی هانری عنوانیه
 صندالیء حکومته جلوس ایلدی .

فرانسه ده چند سنه دنه یی کورلیکده بولنان
 راحت و حضور خلقه باتارق هانری نیک جلوسیه برابر
 اورته اقی بنه بر کره قارشیدی . بو کره فساد هانری نیک
 والده سی قونستانس باشندن قویمشیدی . شویله که
 مز بوره قونستانس غایت حیله و خدعه صاحبی
 برقادین اولوب هانری نیک جز بزه سنی کندی ایستدیکی کبی
 حرکاته مانع کورمسیله دیگر اوغلی روبری حکومته
 اجلاس ایچون شامپانیا قونتی اود و فلاندر قونتی
 بودوینی کندی طرفنه جلب ایتمش و مر قوملرایسه
 روبر ایچون دکل بلکد یالکن قونستانسک نازک خاطر ی
 ایچون سلاحه صارملشرایدی . روبر بر تاج حکومت
 ایچون بنه بونجه قانلر دو کولمکی موافق حقانیت

یوله میدرق امنیت و آسایش عمومیك محافظه سی ایچون
 یوایشدن فراغت ایلدسنی والدہ سنہ پک چوق رجا ایلدی .
 رجاسی فائده و برمدیکی کبی نورماندیا دوقه سی دخی
 کندی طرفنی بالالتزام مطلقا محاربه بی ترویج ایتمکله
 آچیلان محاربه ده هازی اوچ دفعه بیوک غلبه یه مظهر
 اوله رق خصمانی آمانه دوشوردی . واقعا و حالده
 هازی ایچون اللربنی قانه بولاشد برقی بولی وار ایلدی .
 آنجق ردها بویله حرکات ناجایبه جسارت ایتاملری عینیلله
 والده و برادرینی جزا دکل التفاتنه مظهر ایلدی . حتی
 التفاتک دخی مافوقی اولق اوزره قرن اش نه نورماندیا
 طرفلرینی دوقه لاق صورتینه اداره ایتک ایچون بخش
 ایلشیدی .

اوزمانه کوره فرانسه ده برقرال طرفندن بودرجه
 معامله لطف و نوازش کورلماش اولدیغی حالده
 والده سی قونستانس بوندن متشکر فالاجق رده بالعکس
 تشدید شدت ایدرک شامپانیا قوننتک اوغلاری ایتین
 و تیبود نام اصل زاده لری انواع و عدد دافر یب ایلله طرفنه
 جلب و ۱۰۳۷ سنه سنده کندی اقامت ایتمکده
 یواندیغی سن شهرینی بونلره تسلیم ایلدی . هازی

والده سنه بنه بر طنقم نصیح و بند ایلدیسه ده هجج
رفاندنی کوره مدیکندن نور ماندیان دوقه سی کیلیومی
اریاب عصیان اوزرینه س-وق ایدرک و قوعبولان
مجاز به ده کیلیوم غالب کاکله اشقیبا پراکنده و پریشان
فراره مجبور اولدی .

قرال ایچون ایتدیکی شو حسن خدمت اوزرینه
کیلیومک خلق بینده شهرتی آرتارق نور ماندیا
طرفلرنده قوتنی یوما فیوما مز داد ایدر ایدی .
بو حالک قرال جنابلرینک نظر اهمیتی جلب ایتدی
غریبدر . چونکه کیلیومک هجج بر کونه افکار
شقاوتکارانه سی اولدیغی حالده مجرد مقدا قرال
علیهنه عصیان ایدن بودوینک مؤخرأ قراله انشته
دخی اولق حسبیله کیلیوم علیهنه قرالی تشویق
ایتسیله قرال دخی بر فرقه عسکری مستحجاباً کیلیوم
اوزرینه حرکت ایلدی « الحق یعلو ولا یعلی علیه »
حکمی بوراده تمامیه میدانه چیقدی . قرال ۱۰۵۴
تاریخنده مورتم نام محله اولیه بر مغلوبته دوچار
اولدی که اگر نور ماندیا دوقه سی غالبته برابر قرال دن

استغفای قصور ایمیہ رک محاربه سنده دوام ایتمش اوله
ایدی دها فناخانر ظهور ایدہ جکی درکار ایدی .
برکت ویرسون کہ طرفینک احببا و دوستانی ارایہ
کیردیلمر .

هانری والدہسی طرفندن ایقاع ایدیلان فناقلره
اوغرامامش اولسه ایدی مملکتہ ایچجہ خدمت
ایدہ بیلور ایدی . بر مملکتہ داخل قاریشہ قتلقر
حدوثی یانکز ارباب شورشہ قوت ویرمکدن بشقہ
برشیء انتاج ایمیہ جکی قاعدہ سیلہ هانری زمانندہ درہ
بکلرینک تزید قوت ایتمکدن بشقہ برشی کورلمدی .
قرال مومی الیہ وفاتندن صکرہ چند سہنہ مقدم
پدرزندن کوردیکی اصول اوزره بیوگ اوغلی فلیبی
برنجی فلیب نامیلہ قرال ثانی انتخاب ونصب
ایتدیرمشیدی .

۱۰۶۰ تاریخندہ وقوع وفاتیلہ مومی الیہ فلیب
صندالیء حکومتدہ یانکز قالمش ایدیسده کندیسی
هنوز سکر یا شنده برچوجق اولدیغندن فلاندرقونتی
بودوونین وصی نصب اولندی . بودوونینک ۱۰۶۷

تاریخندہ وقوع وفاتی قرالک تمام سن بلوغه مصادف
 اولوب کنج قرال ایلاک اثر موفقیتنی کوسترمک ایچون
 بودوونیک محل قالان قونتلغنه سلاح قوتیله نائل
 اولق دعواسنه قانقشان ایکی نفر اوغلی اراسنه قلیچله
 کیرمکه قانقشمیدی . انجق آنلر تپشور ایکن صپارار الانور
 حکمنجه قوتلری شوکتلری برکال اولان ایکی قرنداش
 اراسنده قرال ضعیفک اراسنه آرقانمشیدی .

اندن صکره نورماندیا دوقه سی کیلیومک بریتانیا
 دوقه سی اه زرینه تعرضنی دخی منعه قانقشمیدی .
 فقط بودفعه اولدقجه موفقیت کوره بیله رک دول
 شهرینی کیایومدن استخلاص ایلدی . فقط
 بوموقیت قرالک کمال قوتندن نشأت ایتمشیدی .
 بلکه نورماندیا دوقه سی کیلیومک انکلتره تاجنی تختنی
 کتدی ضبط ایتمک سرده درکار اولان مشغولیتندن
 ایبارو کتشدیدی . (انکلتره ص ۱۰۳ مر) .
 زیرا کتشدیسنده برقوت اوله ایلی انکلتره ده ساقسونیالو
 خاندن قرالینک ختام مدتله احوال داخله سنک
 عادتا برنورماندیا دوقه سنک ملکنی استیلا ایتمسه

مقاومت کو سترمیه جنگ قدر مشوش اولدیغی بر زمانده
یوموفقت عظیمه بی کیلومه بر اقیه رق کنیدیسی قازانغه
موفق اولور ایدی .

قرال مومی ایله برت نام زوجہ سنی بوشابه رق
برتارد نام برقادین ایله عقد ازدواج ایلدیکندن طولابی
پایا طرفندن آفوروزانوب اون سنه مدت آفوروز
آلتده قالمس ایله اهلیدن بر طاقم فرقدار بو آفوروزلی
قرالک حکومتدن قورتلوق ایچون عصیانہ دخی مجاسرت
ایلدیلر .

تفصیلی مصر و اناطولی تاریخنده کوریلہ حکمی
وجهله بوزمانلر اوروپانک هر طرفنه خرسستیانلق
آیدنی انتشاردن قطع نظر حتی یکی غیرت خرسستیانیہ
ایله قدس شریف طرفلر بی ایادیء اسلامدن نزع
ایتمک ایچون پاپاسلر طرف طرف خاقی اهل صلیب
مخاربه سنه دعوت ایدرلر ایدی .

اوروپا پر نسلرندن بر طبقی بو مخاربهء دینیده فدای
جان ومالی کوزه آلدیرارق شان وشرف قازاندیلر .
قلیب دخی آفوروز بلاسنی بر طرف ایلدکن صکره

حسن توجه عمومی بی تکرار جلب ایتمک ایچون
 اهل صایب محاربه سنه هوس ایتدیسهده اویله
 بر محاربه مقدسه کندیسنی قارشیدیرمدقلمدن
 مایوس قالمسدر .

قایه سیه ن قرالریتمک جمله سنده کوریه کندیکی
 وجهله فلیب دخی ۱۱۰۸ تاریخنده اوغلی لوی له
 غروبی قرال ثانی انتخاب ونصب ایتدیردی . بوانتخاک
 اوززندن ایکی سنه مرورله برابر کندیسی وفات
 ایتکله اوغلی مومی الیه لوی صندالیء حکومته مستقلا
 جلوس ایلدی . لوینک اوائل حکومتی وادیء
 استقلاله آفاق آتان بعض سر آمدانی اطاعتی آلتنه
 المقله مرور ایلدی . اثبق تفصیل کیفیت انکلتزه
 تاریخنده سبقت ایلدیکی وجهله نورماندیا دوقه سی
 کیلیوم انکلتزه صندالیء حکومتی قهرأ وحبأ لهرق
 انکلتزه نورماندیا لو خاندان قرالینسی تأسیس ایلد کدن
 صکره اولادندن اولوب قونداشی روبرک نوبت
 حکومتی غصبأ انکلتزه قرالغه جلوس ایدن هاتری الیه
 روبر میاند، نورماندیا دوقه اغندن طولانی بر عارضه

چشمش و نورماندیا دوقه انجی فرانسه ممالکنندن
 بولمغله بونی انکلتره قرالی خاندانندن قورنار مق فرانسه
 ایچون مستلزم کورلمش اولدیغندن او زمان فرانسه
 قرالی بولمان سالف الذکر لوبی له غروینه بودعوا
 نوزرینه هاترینک حبسنده وفات ایدن روبرک اوغلی
 کیلیومی التزام ایدرک نورماندیایی کیلیوم حسابنه
 استحصال ایتک املیه ۱۱۱۳ تاریخنده انکلتره دولتته
 اعلان حرب ایلدی (انکلتره ص ۱۱۱ مراجعت)
 بومحاربه ۱۱۲۰ سنه سنه قدر دوام اتمش ایسه ده
 اوقدر شدت کسب ایتیموب اراقده برچار یشمقدن عبارت
 قالور ایدی . نتیجه محاربه ده غلبه انکلتره طرفنده
 قالوب لوبی له غرونک املی حاصل اوله مامشدر .
 لوبی له غرونک مدت حکومتنده ک زیاده مدحه
 شایان اولان موفقیتی فرانسه ده قومون اصوانی وضع
 ایتسیدر .

شوبله که :

درون مملکتده دوام ایدن محاربات داخلیه اوزرینه
 قونتلرک دوقلرک وسائر عنوانلری حائر بولمان دره

بكارينك قوتلري آرتە آرتە بر درجه يە كلشيدى كه قرال
 بولنان ذات بونلرك النده او بونجق مشبه سند، قالدېغى
 كې خلق دىخى بونلرك رعيتى دكل عادتاسارتى التنه
 كېر مشيدى . اوزمانلر فرانسه ده ايالت سنجاق قضاكې
 تقسيمات يوق ايدى . هر طرف بر دره بكنك مالكانه سى
 اولديغندن انك چقنلكى صاييلور ايدى . لوبى
 « قومون » ناميله فرانسه بى بر چوق ناحيه لره
 آردى . هر ناحيه نك اهاالى سېنى حر طانيوب دره
 بكنك مالكانه سى زعامتدن عبارت قاندى .

واقعاً دره بكارى بواجرا آتک عليه نه قيام ايلديلر
 انجق شو حاله كوره حریت عموميه حاميسى صفتنى
 اتحاد ايدن اوبى عموم فرانسه بى كنديسيله متفق
 بولديغندن هر عصيان ايدن دره بكنى ينه كندى
 رعاياسنه اورديرارق تربيه سندن كېر قالمز ايدى .
 ايسته بوضورتله ديون مملكتده زور باقوتنى قېروب
 حكومت قراليه نك قوت ونفوذيى آرتدردى .

قاپه سيه ن خاندانك معتادى اولديغى وجهه له
 لوبى له غرو دىخى فليب نام بيوك اوغلانى ۱۱۳۱

تاریخچندہ ولی عهدک انضمامیہ قرال ثانی انتخاب
ایتدیرمشیدی . انجق چوجغک عمری وفا ایتدیکندن
وقوع وفاتی مناسبیلہ ایکنجی اوغلی کنج لوئی بی انک
یرینه قرال ثانی نصب ایتدیردی . بو کنج لوئی اکیتن
دوقهسی کیلیومک قزی اله اونور ایله ازدواج ایدرک
او زمانه قدر دوقهلق صورتیلہ فرانسه دن آری
وعادتا مستقلاً اداره ایدلکده بولسان اکتینی
پرابطه قویه ایله فرانسه به ربط ایدن ذاتدرکه
بریاندہ رسم زفانی اجرا اولور ایکن اوتہ طرفده دخی
باباسنک جنازه آلابی ترتیب ایدلمشدر .

باباسنک تاریخ وفاتی اولان ۱۱۳۷ تاریخچندہ
کنج او بی صندالی حکومتہ مستقلاً جلوس ایلدی .
کنج لوئی انک زیادہ اہمیت ویردیکی شی پدی کبی
درہ بکارینک قوتلرینی قیرمق و نفوذ حکومتی یالکز
مقام قرالی یه حصر ایتک اولدیغندن شو حال بالعموم
درہ بکارینی نہایتسز حلجانہ دوچار ایلشمیدی .
قرالک محافظه استقلال تام مقصدینہ مبنیدرکہ بورژ
ایالتی دس سہوطاغی نخل اولدیغی زمان طرف قرالیدن

انتخاب اولنان دسپوطی رومامرکز حکومت روحانیه سی
قبول ایتیه رک پبه رولا شتر نام دسپوطی تعیین واعزام
ایتمی اوزرینه لویی مر قومی رد ایلمش و مر قوم دخی
حقوق مأموره سنی محافظه ایچون شاهپانیا دوقه سنه انجا
ایدرك او ایسه چند سنه دنبری قرالرك کسرایتد کلری
دره بکلکی نفوزینک ایکنه مدار اولق ایچون وتیری نام
حصار متینه قپانه رق قراله مقاومت حاضرا لاش اولغله
لویی برفرقه عسکریه ایله کلوب وتیری بی محاصره و احراق
باشارایتمکله دروننده بوانان بیک او چیوز نفر اختیار کنج
چولق چوجق جایر جایر آتشلره یانمشدر .
بوفضیحه جسمه پایا طرفندن لویی به برآفوروزی
دعوت ایلمشیدی . انجق بعض متوسطا رایه کیروب
۱۱۴۴ تاریخنده افوروزی کیرویه الدير دیلر وار تکاب
ایلدیکی کنه کیردن تطهره مدار اولق ایچون لویی بی
اهل اسلام اوزرینه محاربه صلیبه سوق ایلدیلر .
۱۱۴۷ تاریخنده لویی بر جسمیم اردو ایله صلیب
محاربه سنه عزیمت ایلدی . انطسا کیده طرفلرنده
بعض محارباته کیریشوب شام شریفی دخی محاصره

بالتة الدی ایسه ده انا طولی طرفلرنده بر بیوک مغلوبتہ
 دوچار اوله رق اردوسنک یاریدن زیاده سنی شمشر
 مسلمینه قیرد بردی و ۱۱۱۹ تاریخنده مغلوبا فرانسه یه
 عودت ایلدی .

کندیسنک مدت غیبو بتنده زوجه سی اله اونور
 عبدالله اسمنده بر عرب اسیری ایله مرچکی فرونه
 ویرمشیدی . بعض روایتده کوره مر قوم عبدالله
 اسیر اولیوب اله اونور دها اکیتن طرفنده ایکن
 عبداللهک حسن و جمالنه عاشق اوله رق عبدالله دخه
 اله اونورک بزم خاصنه دخول ایچون کوله اولمقدن
 بشقه طریق بوله میه رق کندیسنی کندی اختیار یله
 اله اونوره صا تدمش واله اونور فرانسه یه کلین کیتدیکی
 زمان دخی برلکده کیمشدر . بونلرک ماجرای عشق
 وهواسی قرالک سمع اطلاعنه ایصال ایدیلرک ۱۱۵۲
 تاریخنده کنج لوبی اله اونوری بوشاشدر .

مز بوره اله اونور کنج لوبی به واردیغی زمان
 باباسی کوین دوقه لغنی کندیسنه جهازه مقابله ترک
 واهدا ایلشیدی . ایلدی بویله برجه از الده اولسی

مناسبتیله اله اونور لو بیدن بوشاتور بوشانمز اوزمانلر
 انکلتره صندالیء حکومتنه انتخاب اولمش اولان ایکنجی
 هانری به وارمش ومومی الیه ایکنجی هانری ذاتاً آنزو
 نام فرانسه زحانداندن کله اولسیله (انکلتره سن ۱۱۶م)
 فرانسه طرفدن برحقو محله صاحبا اولدیغی کبی
 اله اونورک مستملکاتی دخی بوکا انضمام ایدبجده
 فرانسه نیک برنت قدریری انکلتره الیه الحاق ایتمش
 اولدی . کنج اوینی ذاتاً اله اونور کبی سوزی صحبتی
 وعیش وعشرت یوانده اولان برزوجه بی خصمی بولمان
 انکلتره قرانک آغوش شوق و طربنده کورنجه نه قدر
 متأر اولق لازم ایسه فرانسه هیئت دولتی دخی
 بویله مملکتک برنتی قدریرک انتقالات اریه ومناسبت
 صهریه ایله انکلتره بکیمینی بک مضر کوردکارندن
 ممالک مذکور بی انکلتره دن قورتارمق ایچون اوزون
 اوزادی به محاربه لره باشلادیلر که کنج اوینی ۱۱۸۰
 تار یخنده و بو محاربه مدیده اوزرنده وفات ایلدی .
 یرینه کچن اوغلی ایکنجی فلیب اول امر ده فلاندر
 قونتی و بورغونیا دوقه سی کبی نفوذلرینی ارتدیرمش

اولان متغلبه ایله محار به ایدرک انلری بر درجه به قدر
 صند بر دقدن صکره فرانسه اراضی سندن انکلتره مستملکاتی
 صورتنه کیرمش اولان برلری قورتاروق ایچون باباسی
 او یینک انکلتره قرالی هازی علیهنه آچش اولدیغی
 محار به ددخی دوام ایدرک ایچمه غلبه نره نائل اولدی .
 هازینک وفاتیله ۱۱۸۹ تار یئغنده ارغلی ریشار
 کورد لیون انکلتره صندالی حکومتنه قعود ایلدیکی
 زمان فلیب او کوست انکله اتفاق ایلمش و اوتنه دنبری
 دوام ایلمش محار باتی تعطیل ایدرک اهل اسلام اوزرینه
 سوق اوننه جق او چنجی هیئت صلیبیه بی تشکیله
 باشلامش ایلی . ریشار انکلتره طرفنده خلق
 صویوب صوغانه دوندردیکی کی (انکلتره ص ۱۳۶ مر)
 فلیب دخی فرانسه طرفنده یهودیلرک اموال و املاکنی
 زورله غصب ایدرک تدارک ایلدیکی اردوی مستحجاب
 اراضی مقدسه به عزیمت ایلدی . اوراده رفیقی
 ریشار ایله ارلری بوزیلوب مر قومدن آریله رق
 فلیب عکا محاصره سنده براز اراز اهلیت ایلدکن
 صکره فرانسه به کلدی و ریشار دخی عوت ایتمسبله برابر

فرانسہ الیہ انکلتہ ارا سنده کی اسکی محار بہ بنہ باش
کوستردی .

ریشارک مدت حیاتندہ فلیب ایتدیکی محار بہ لردن
پک چوق برشی قازاغدی . ۱۱۹۹ تاریخندہ ریشار
وفات ایلد کدن صکرہ برینہ کچن ژان سانتر ایله دخی
محار بہ ده دوام ایدرک غالبیت ومفلو بیت ایکی طرف
عیاتندہ صاللانور طورر ایدی . بو اراق انکلتہ قرانک
یکنی اولوب بعض تشبہات وحرکات عصیانیدہ
بولنان آرتوری فلیب ح-ایه سی التہ الارق مر قوم
برسوء قصدله وفات ایلدیکی زمان فلیب انکلتہ قرانی
تہمت قتل الیہ اتہام ایلش و ۱۲۰۳ تاریخندہ لاجل
المحکمہ ژان سانتری دعوت ایلشیدی . ژان سانتر
بو دعوتہ بالطرح اجابت ایتامکله فلیب کرک فرانسہ
وکرک انکلتہ طرفندہ ژانک غیرتنی کودمکده بولنان
کیبار رؤسایہ « سزحالا بویله برقاتلک غیرتنی کودوب
کیدہ جکیمسکر؟ اوروپا ایچندہ نامکزی حیدوداغہ می
چیقارہ جقسکر؟ » دیہ برچوق سوزلر سو یلیہرک اغلبنی
کندی طرفندہ چکد کدن و بوضورتله انکلتہ قوتنی

تقلیل ایلد کدن صکره محار به به برقاندھا شدت و پروردک
فرانسه اراضی سندن انکلتزه مستملکانی بولنان
نورماندیا و پواتو و سائر محلائی کالاً استرداد
ایلدی .

ایشته انکلتزه اوزرنده بولنان املار و صورتله
حاصل اولش اولدی . بعده فلیب سلاح مقارمتی
بروقتدنبری فرانسه بی زیاده سلیله تعجیز ایتکده
بولنان قلندر دوقه سی اوزرینه چو پروب انجق
بو محار به ده انکلتزه قرالی ژن سانتری ینه قارشو سنده
بولدیغی کبی المانیا ایمپراطوری دردنجی اوتون دخی
دوق مومی الیهی حایه ایلدی . واقعا بو محار به نك
جسامتی و فرانسه بی درجه تھ دیندی بدیهی
اولوب انجق فرانسه ز انکلتزه غلبه سنده خیالجه
قوت قازاند قلمی کبی انکلتزدن استرداد اولنان
محلا ر دخی فرانسه قوتنه منضم اولدیغندن ۱۸۱۵
سنه سی تموز نك بکرمی یدنجی کونی فلیب کال غیرتله
بووین نام محله اوچ قول دشمنک اوچنه دخی غلبه
چالغله ایشته بو محار به دن صکره اورو پاده « فلیب

ایله جنک ایدلک ممکن دکلدر « سوزی ضرب مثل
حکمنه کیرمش و بناء علیه فلیب دخی بقیه مدت
حکومتده راحت یوزی کوره بیلسدر .

بوعصر لرده اوروپا دولتلی طرف طرف اهل
صلیب محاربه سینه یاردم ایدرک تحصیل ناموشان
ایتمکده اولدقلری جهتله پاپا بولنان ذات فلیبه تبریک
مظفریتله برابر بوشوکت حربیه بی و بوقوت عسکر یه بی
قدس شریفک ایادی اسلامدن تخلیصی یولنده صرف
ایتمک لزومنی عرض ایلمش ایدی . فلیب بوتکلیفه اول
قدر حواله سمع اعتبار ایلمدی . عالمده اک مقدس
وظیفه وطنک اکیال اسباب سعادتتی اولدیغنی ایچون
اقچه و عسکرجه پک آز بر معاونتله قدس شریف
محاربه سندن کندیسنی چکوب اصلاح احوال مملکتته
اوغراشدی .

فلیب اوتهدنبری موجود اوارب یکدیگری فسخ
ایده ایده ارتق حکم چیقار یله میه جق بر درجه به کلش
اولان نظاماتی کاملاً لغو ایدرک یرینه یکی نظامات
وضع ایلمدی که محافظه عدله کافی ایدی . معارفک

ترقیسنه خدمتی ارباب معارفه حسن توجهده بولهرق
 دارالمعارف اعضاسنی جایه مخصوصه سبی السنه المش
 وهرزینه برچوق امتیازلر ویرمش ایدی . اسکی
 عسکرک آز یچق برشی اوزرینه عصیانہ قدر وارملرینی
 عسکرک شعارینه مغایر کورہرک ریبود تعبیر اولنان
 برصنف عسکری ایجاد ایلشدر کہ قازاندیغی محاربه لری
 همان مجرد بو عسکرک اطاعت و ہمتی سایہ سندنہ
 قازانمشدر . اک بیوک مر اقی خارجدن درمین مملکتہ
 اقچہ صوتق اولدیغنه بناء تجارتہ فوق العادہ وسعت
 و پروب محصولات صنایعہ و زراعیہ نک فضلہ سنی
 ممالک متجاورہ یہ سوق ایدنلردن کرکچہ و سائرہ جہ
 برچوق معافیتلری دریغ ایتمز ایدی . پارسہ ایلاک
 دفعہ اولہرق قالدریم دوشہ یان فلیبدر . حتی اطرافنہ
 کوزل بر استھکام دخی بنا ایلشیدی . الحاصل
 مومی الیہ فرانسہ نک معدود قرالردن اولوب حتی
 زوجہ سنی بوشایہرق آنیسی اسمنده برقاری الیہ ازدواج
 ایلدیکی ایچون پایا طرفندن آفوروز ایدادیکی حالہ
 مجرد خلقک توجه تامی ثمرہ سہیلہ آفوروزک دخی

بر ضرری اولیاء شہدر . ۱۲۲۳ تاریخ شدہ وفاتی
 وقوعہ و لغتہ پر بندہ اوغلی اوئی ساکنہ نجی اوئی عنوانیلہ
 جالس صندالی حکومت اولدی .

ساکنہ نجی اوئی دھا پد رینک صاغلغندہ انکلتزہ دہ
 قرال ژان سانتر علیہ نہ محار بہ ایدن بیوکلر طرفندن
 دعوت اولمش و حتی برارالق قرالغنی دخی اعلان
 ایدلمشیدی . (انکلتزہ ص ۱۳۹ مر) . انجق
 یوارالق ژان سانترک وفاتی وقوعہ و لہرق فلیب دخی
 ژانک اوغلی بولتان ہنترینک حقوق ارثیہ سنی وقایہ
 کندی اوغلی کیرو فرانسہ بہ چاغرمش وانکلتزہ بی
 ینہ وارث حقیقی سنہ ترک ایلشدر .

لوئی مہارت حر بیہ صاحبی بر قرال اولدی .
 مہارت حر بیہ نک بر قرالہ عائد اولان الک بیوک قسمی
 کند یسنی عسکرہ سودر مک اولدیغندہ کورہ لوئی بوکا
 دخی موفق اولمشیدی .

زیرا عای بر مادہ دن طولابی پدری کبی بودخی
 پاپا طرفندن افوروزاندیغی حالہ عسکر ینہ کند یسندن
 یوز چو بر میوب حالا انکلتزہ استلا کی آلتندہ قالان

درد ایالتی دخی قهراً و جبراً فوراً مشدر که یومحار به ده
اول امر ده مغلوبه دوجاز اولدیغی حالده صکره
غلبه ایتمی عسکرینک اطاعت و محبتدن بشقه برشی
ایله حصوله کله من .

قرال مومی ایله زمانده فرانسه نیک داخلنده

بولوب قراله اطاعت ایتمیان زور بار معدود ایدی .
لوئی بولبری دخی تأدیبدن کبرو طورمدی . انجق
لانکدوق شهرینی محاصره ایله دروننه تحصن ایتمش
اولان لانکدوق دره بکنی بحق تر بیه تدارکنده ایکن
۱۲۲۶ سنده سنده ایدی که فجئة وفاتی وقوعبولدی .

قرال مومی ایله وفاتی امرنده شاه پانیا قونتی تبوت
قرالی زهرله کچی برسوؤ ظن التنده تالمشدر .

سکرنجی لوئینک وفاتندن صکره اوغلی طقوزنجی
لوئی هنوز اون یاشنده اولدیغی حالده والدیسی
بلانش ده قاستیک وصایتی التنده قاله رق مقام حکومت
اقعاد ایدلدی .

قرالجه بلانش غایت ادیب و عقیف و ادارہ
حکومتہ بحق مقتدر برقادین اولوب اوغلی ایلرودہ

نام و شان صاحبی بر قرال اولفی ایچون تربیه ایلمشدر .
 اوغلی تاسن رشده و اصل اولجه یه قدر بلانش غایت
 صلح پرورانه اداره اموره موفق اولدی . مومی الیهابه
 وقتک منتوری و قرال اوئی یه دخی زمانک تلباقی
 دیمک بالوجوه شایان و بچادر . ۱۲۳۶ تاریخنده
 رشدی اعلان اولدیغی زمان کنج قرال ینده
 والدسینک سوقیله ک اول فرانسه ده عدالت
 نه دیمک اولدیغی کوسترمشدر . زیرا او زمانه قدر
 ممالک مذکورده عدل و حقیت کیسه نک معلومی
 اولوب هر کس کندی کیغنه کوره حرکت ایدر ایدی .
 لوئی دینا و قانوناً بر جنایت مثبتده سی اولیان هیچ
 کیسه نک قیلنه بیله طوقند میه جغنی اعلان ایدرک
 بو اعلانی ايسء اجرا آتيله تأیید ایلر ایدی .
 زور باروسسند مغروراً بر بیکنناهی ناحق یره انجاج
 ایدنلری انجاج قتل ایدنلری سیاسته و فصاصاً قتل
 ایدر ایدی . دوائر حکومتک هر شعبه سنجده او قدر
 تصرفه رعایت ایلدی که اولجه مضایقه مانیه دن
 شکایت ایدن فرانسه ارتق ایرادینی مصارفندن قات

قات فضله بولغه باشلا دی .

قرال مومی ایلهک بو حسی - ن خدمتی عموم ملت
شکر اینتله تلتی ایلد کلری حالدده بعض زور بار کنندی
نفوذلرینک قیرلسندن طولایی دلکیر اولمش و حتی مارش
قونتی بولانن ذات انکلتره قرالی اوچنجی هانری ایله
یا الاتحاد علناً عصیان دخی ایلمش ایسه ده « بارعیت
صلح کن و زجنت خصم ایمن نشین * زانکه
شاهنشاه عادل رازعیت اشکر است » مضمونجه
در حال تدارک ایلمیگی جسم اردو ایله واروب ۱۲۴۲
تاریخنده تایلبرغ و سنت نام محلا رده دشمنه لایق ایله
قلبه ایلمشدر . بو غلبه اوزرینه انکلتره نك التماس ایله
اکابش سنه مدت متار کدویره مش و مارسن قونتنک دخالتی
اوزرینه انک دخی فباحتنی عفو ایدرک خاکپاینه یوز
سورمک ایچون حضورینه کلدیگی زمان « سنک
کبی سلاحنه اعتمادی اولنلر وطنک سلامتته خدمت
ایتمک لازم ایکن وطنک زیاننه چالشمق عیبدر بردها
بو عیبی قبول ایتمایسک » دیه انک بیوک بر حکمدارده
لایق اولان بولمه معامله ایلمشدر .

۱۲۴۴ تاریخنده قرال موھی الیه غایت شدتلی
 برخسته لکه دوچار اولدیغندن اندن رها بواور
 ایسه اراضی مقدسه یه کیدوب اهل اسلام ایله
 محاربه ایتمکی نذر ایلمشیدی .
 بناء علیه ۱۲۴۸ تاریخنده براردو عسکر ایله
 مصره کیدوب برسنه صکره دمیاطی قمع ایتمش
 و ۱۲۵۰ تاریخنده دخی منصوره اوزر بنه غلبه
 ایلمشدر . لکن جناب حق بومحاربه عظیمه ده
 نصرتی اهل اسلام طرفنه ویرمش اولدیغندن
 اراضی مقدسه بی تخلصه کیدن اوروپا حکمدارلری
 طرف طرف مغلوب اولدقلری صروده اوئی دخی ایکی
 نفر برادر یله برابر یقابی اهل اسلام انده ویرمش و شمعدیکی
 اچه حسابیله بدی میلیون قدر فرائق جزای نقدی
 ویردکدن و دمیاط شهرینی ترک ایلدکدن صکره حریتینی
 قورتاره بیلمشدر . مصردن دخی فلسطین طرفلرینه
 کچرک درت سنه دهاکشت و کذار ایلمدی .
 انجق فرانسه ده برینه وکیل براقش اولدیغی والده سنک
 وقوع وفاتی اوزرینه وطنه عودتله ینه اصلاح احوال
 هلاک و ملتله بذل همت ایلمدی .

۱۲۷۰ تاریخندہ مومی الید ایکنجی دفعہ اولہرق

مجار بہ صایبہ ایچون تونس طرفنہ عزیمت ایلدی .

ایچق اورادہ اردوسنی غایت شدتلی بروبا استیلا

ایدرك كندیسی دخی بوعلتہ مبتلا اولدیغنی حالده

فرانسه یه عودت ایتسیله برابر وفات ایلشدر .

روما کلیسای لوئی بی تقدیس ایدرك سن لوی بی

تاه یله عزیزلر زهره سنه الحاق ایلشدر . زیرا

اوروپا ایچنده لوی بی قدر عالی بی طرف منفعتسز هیچ

بر حکمدار دها کلامشدر . اوروپا حکمدارلری بیلہ

اک بیوک اک مهم ماده لر دن طولابی آنی حکم انخاز

وویردیکی حکمی غرض وغوضدن عاری اولدیغنی

ایچون مطلقا قبول ایدرلر ایدی . پدری فلیب

انکلتره مستملکاتی حکمنه کیرمش اولان بعض فرانسه

تاراضیسنی استرداد ایلدیکی اثناده انکلتره یه عأدا میلان

یرلردن دخی بر مقدارینی ضبط ایلشیدی . سن لوی بی

بو بیلہ درت بش مملکتک بغیر حق استملکی ایچونینه

بر مجار به یه سببیت کوسسته رکه فان دوکک روا

اولدیغنی نظر دقتسه الارق فضلا النان برلری بنسه

انگلترتیه اعاده ایٹشدر . ہلہ اوقرر عابد او قدر
 دیندار ایدی کہ رومادہ ذات مسیحک وکالتی نامنی
 احراز ایدن پاپازک ہیج بریسی انک قدر کرچکدن
 خرسیتیان دکل ایدی . ہر سنہ اغستوسک بکرمی
 یسحیحی کونی سن لوئینک یورطیسی طوتیاور .

سن لوئینک حسن ادارہ ترقی پروراندہ سی سایہ سنندہ
 اوغلی فلیب لہ ہاردی دنیلان اوچنجی فلیب ۱۲۷۰
 تار بخندہ مقام پدرہ جلوس ایلمدیکی زمان فرانسہ بی
 اولاد فی اولیکی ضعف لری دفع ایٹش وقوت وشوکتی
 یرینہ کتورمش بولدی . حین جلوسنندہ موجود
 اولان انک مشکل مسئلہ پدرینک باشلامش اولدیغی
 تونس محاربہ سی ایدی . بومحاربہ دن فرانسہ
 ایچون مادہ ہیج برمنفعت اولیبوب خرسیتیانلغہ
 خدمت کی برمنفعت معنویہ وار ایدیسه ده مادیاتک
 معنویاتہ ترجیحی برمسلاک حکمایہ کورہ لازم اولدیغندن
 فلیب درحال تونس ایلہ عقد مصالحہ ایٹشدر .

فرانسہ نک همان اوچ ربعنہ مساوی یرلی
 انتقالات ارثیہ دن طولایی بواش بواش طوغریدن

طوغری به خاندان قرالی به مالکانه اولش بولمغله
 فلیبک فرانسه اوزرنده کی حکومت عمومی سنه یالکز
 فوقس قونتی روزه براعتراض ایتک و مومی الیهی قرال
 طایماق ایسته دی . بناء علیه فلیب بر قوه کافیه
 ایله واروب حکومت عمومی سنی فوقسه دخی
 طاتتیردی . بووقعه دن بشقه فرانسه ده فلیب
 علیه حرکت اولماش دیمکدر . بنا برین فلیب
 قونتی دایما آرتدیره آرتدیره عادتا فرانسه ملتک
 اوروپا ایچنده حاکمیتی دخی اعلانه جسارت ایتکه
 باشلامسدر . ناوار قرالی هانری وفات ایلدیکی
 زمان خلق متوفانک کریمه سنی قرالچه اولهرق قبول
 ایتمکه قالمشملر ایدی . فلیب مز بوره بی کندی
 اوغلی فلیبه تزویج ایتکی تصمیم ایلدیکی جهتله
 ۱۲۷۴ تاریخده ناوار مسئله سنه قوه حریبه ایله
 مداخله ایدرک قرالچه نک حقوق ارتیه سنی محافظه
 ایلدی . بوندن بشقه اسپانیا تاریخنده ایضاحاتی
 اعطا اولنه جنی وجهله سردا پرنس لرینی قاستیل
 تختنه کچورمک ایچون اراغون قرالی اوچنجی پیده

دخی اعلان حرب ایٹلیائی .

۱۲۸۲ سنہ سنہ حد و حسابہ صیغہ جق
زیانکار اقل ایلہ الن و ژیرون نام محلاری ضبط ایٹلی
ایڈیسہ دہ املنہ بالانکیہ نائل اولہ میہرق بو سفردہ
دوچار اولدیغی خستہ ملک اوزرینہ ۱۲۸۵ تاریخندہ
وفاتی وقوع بولشد .

ارتا مقام حکومتہ کچن اوغلی دردیجی فلیب
اسپانیا محارباتندہ دوام ایدرک پدربنک املنی بعد
الوفات اولسون استحصال ایلمک ایستدیسہ دہ بوایشک
ممکنسز اولدیغی تعیین ایتمکله ۱۲۹۱ تاریخندہ
آراغون قرالی ایله عقد مصالحہ بہ لزوم کوردی .

بو تاریخندہ انکلتہ دہ برنجی ادوار حکومت
ایتمکده اولوب مومی ایسه (انکلتہ ص ۱۴۵ مر)
فوق العادہ حسن ادارہ سی ثمرہ سالیہ انکلتہ بی
خیلیدن خیلی قوتلندیرد کدن صکرہ چونکہ کندیبی
آنر و خاندانہ منسوب اولمق و خاندان مر قومک
اصلی فرانسز اولوب فرانسه طرفندہ مالک اولدیغی
محلار دخی ژان سانتر زمانده آنر و خاندانک التمدن

المنش بولمقی حسبیلہ بویرلی تکرار انکلتزه حسابنه
استرداد ایتمک ایچون فلاندر قونتی اولوب اوتهدنبری
فرانسه یه قارشو محاربه لردن خالی اولیه کلان خاندانله
اتفاق ایتمش و بریوک اردو ایله فرانسه اوزرینه
هجوم ایلمشدر .

یوقاروکی تفصیلاتدن مستبان اولمش اوله جنی
وجهله اوزمان فرانسه نك دخی قوتی برکمال اولغله
دردنچی فلیب فورم و قومین و بورژطرفلرنده فلاندر
قونتنه غلبه ایدرک (انکلتزه ض ۱۴۹ عر) اوته
طرفدن اسقوجیا اولری دخی انکلتزه قرالی عایینه
تشویق ایتمکله ادوارد مملکتنه رجعتنه مجبور اولمش
واسقوجیا اولری تربیه ایدوبده فرانسه اوزرینه
تکرار یوروپه جکی زمان یته تشویق ایلمدیکندن
یو طریق حبله ایله ادوارد محاربه دن عاجز قاله رق نهایت
۱۲۹۹ نار یخنده عقد متار که به مجبور اولمشدر که
یومتار که ادواردك اوغلی دیگر ادواردی فرانسه
قرالنک قزینه نشانلامق صورتیله برقاتدها قوتلندیرلمشدر
شومسئله ده یته فرانسه کارلی چیقدی . زیرا

قلندر قونتلغنی بحق فرانسه به ادخال ایلدی .
 بو عصر اورو پاده خرسـتـیانلغ کالیله قوت
 بوله رق تعصب دینه نیک دخی فوق الحد ارتدیغی
 بر عصر اولمغله پاپا بولنان ذات وحتی پاپاسلر بیله
 بر قرالی تا قدس شریفه قدر حربه سوق ایتمک
 درجه سنده نفوذ پیدا ایتمسـلر ایدی . ایلدی پاپا
 بولنان سکرنجی بونیفاج بونفرزی بدرجه دهها آرتدیرمق
 عادتا بتون قرالری کندی نفوذی التـه الارق
 جمله سی اوزرینه شهنشاه اولق عزمنه دوشدی .
 اورو پا قرالردن بعضی لرینی نفوذی التـه جلب
 ایلدیسده فرانسه قرالی دردنجی فلیپی جلب ممکن
 اولمادی . شومسئله فرانسه ایچون او قدر تهلمکله
 حاضر لاشـیدی که عادتا پاپا طرفداری بولنان عموم
 دو اتلرک فلیپ اوزرینه حرکت ایتمسـه رمق قالمشیدی .
 پاپا جنابلری (بول) تعبیر اولنور لغنتنامه لریله فرانسه
 قرالنی آفروز ایتدکن بشـقه فرانسدنک دخی عادتا
 قدس شریف اراضی سنی اهل اسلامدن استرداد ایتمک
 قبیلدن اوله رق برخاندان ملعوندن استردادینی دیندار

خرس تیانلره - والہ ایلس ایدی • دردنجی فلیب
بولری آتسه یاقاراق جنزل وسردارلرینی جمع ایله
» پاپا جنابلری حضرت مسیحک وکیلی اولدیغینی
قبول ایتدک • فقط قیصر رومکده وکیلی اولدیغینی
بتلیورز • اوروپایی نفوذ جسمانیسی التسه المق
ایستیور • بزمامعت ایتدی کمزدن طولایی آفاروزلی
اولدق • پاپایی عموم اوروپا قرالی انتخاب ایدجک
ایسه کز مختار سکز • انجق انی پاپا طانیوب کندی
وطنک استقلالی محافظه ایدجک ایسه کز بوماده دن
طولایی بزم اوزر بزمه سوق اولنه جق عسکری مقدس
عسکر دکل عادتا بر متغلب عسکری نظر یله کوره رک
مقاومته سوز ویرمیسکز » دینجه جله سی بالانفاق
وطنک استقلال تامنی محافظه یولنده جان ویره جکلرینی
قراله تأمین ایلدیلر •

بوخبر پاپابه واصل اولنجه پاپا دردنجی فلیبک
عادتاکفرینی اعلان ایدرک شه وکافر دن نصل انتقام
النه چغنی مذاکره ایچون (قونسیل) تعمیر اولنان
مجلس عمومی روحانی بی دعوت ایلدی که هر طرفدن

پاپاسانو و حتی بعض فرانسویان رومایه کیدرک عقد
مشورت ایلدیلر .

بنده علیه فلیب دخی پاپانت بو حرکتند قارشو اک
زیاده شدت کوسترن جنرالردن مرتب براردوی ایتالیا
طرفند سوق ایدرک پاپا عسکرینی تضمیق ایتدیرمکه
باشلادی .

بوقاریشلق اراسنده بونیفاج فات ایلدیکی کبی
یرینه کلوب ایکی سنده قدر پاپالی ایدن اون برنجی
ینوادخی وفات ایتش اولغله دردنجی فلیب فرانسز
پاپاسانردن قلامان نام ذاتی او ایغون شهزنده پاپا
قصب واقامه ایلدی . بو ذنک معرفتیه بونیفاجک
کندی علمنه ویرمش اولدیغی حکم لغتی رد ایتدیرمکه
چاشدی . هله ۱۳۱۴ سنده وقوع وفاتیه
بونجه دغرغدن قورتلدی کیتدی .

اکر شو پاپا مسئله سبله انکلتره ماددسی چیقمامش
اولسه ایدی فلیب فرانسه نک ترقیینه برچوق خدمت
ایده بیلور ایدی . انجق بوا یکی مسئله ترقیانه خدمت
ایتمکی مانع اولدیغی کبی دوانتک احتیاجنی دخی

آرتدیردیغی جهتله مسکوکاتک عیارینی بوزمغه قنور
مجبور اولمش و بومناسیبتله خلق بدنده (قلین فلیب)
دیه شهرت المشر .

خزیننه نك دفع احتیاجی ایچون بهودیلرک اموالی
یغما ایتمک و بیوک بیوک رتیه لری هر راست کلانه
صامق دخی انده کورلمشدر . مع هذا ینه غیرتلی
بر حکمدار ایتمش . چونکه او عصرده پاپا بولنسان
ذاتک رضاسی خلافتنه حرکت ایتمک هر یکیدک کاری
دکلدر .

دردیجی فلیبک وفاتندن صکره برینه کچک، جک
اولان اوغلی اوننجی لونی ناوارده بولمقی حسبیه
او کلنججه به قدر عمجه سی بولنسان شارلده والوا
صندالی حکومته قائمه تمامق ایلمشدر . پدرینک وفاتی
اوزرینه نفوذینی غیب ایتمش اولان بعض دره بکری
عصیان وادیسنه سلوک ایندیکی صروده فلاندر قونتی
دخی فلیب طرفندن ضبط اولنان مانیکانه سنی استرداد
قیام ایلمشیدی . اوننجی لوبی ضعیفجه بر حکمدار
اولغله کوچ حال ایله فلاندر قونتی رد ایده بیلوبه

یوقسه سائر دره بکرینه تجرید نفوز ایتدیرمامکه
موفق اوله مدی .

اوزمان فرانسه ده مضایقه مالیه برکال ایدی .
بنده علیه لوبی فلاندر عزیزنه آچدیغی محاربه تک بیله
مصارفنی تسویه ایتک ایچون خلق ویرکولر ایلله
بیزار ایلدی . اراضی به مالک اولغنه فقدان حریتی
مانع اولوب ده اوتهده بروده اسیر کبی چالیشان و سرف
دنیلان آدملرک حریت تامه سنی اچینه مقابلنده
صاتون ایلرینی مجبوریت تحتنه قوییدی . برابرسی که
مدت حکومتی چوق سورمیوب ۱۳۱۶ تاریخده وفاتی
وقوع بولغله علیهنده حاضرلنن عصیان پنجه سندن
یقابی قورناروب پنجه عزیزنیلله تسلیم ایلدی .

قرال مرقومک وفاتندن صکره ژان نامنده براوغلی
تولد ایدرک همان چوجغک قونداغنی صندالی قرانی
اوزرینه قوبمشه ایدی . برقاچ کون صکره وفات
ایتمکله دردنچی ذلیبک دیکر اوغلی بشنجی فلیب ذاتاً
ولد منوفابه و صلیق ایتک ایچون دعوت ایدمش
بولندیغندن ائک قرالغنی اعلان اولندی .

بوزمانه قدر فرانسه ده قادینلرک حکومتی منوع
 ایلدی . انجق بر فرقه بوموعیتی قبول ایتمه درک
 اوتنجی لویینک قزی شان ده ناواری قرالیه نصبه
 ایتمکه قالدشیدیلر . فقط رؤسای عسکر به قانون
 قدیمی بوزمق بر ملت ایچون پریشانلیغی مستلزم اوله جنجی
 جهتله مطلقا قرالک ارکک اولسی و بجهه حال بشنجی
 قلیبک انتخاب اولمسی امرنده اصرار ایلمه کلرندن
 یوتلره غلبه ممکن اوله مدی .

بشنجی قلیب وقت و حالک و باخصوص احوال
 خزینه نیک محاربه ایتمکه مساعد اولدیغنی و فرانسه نیک
 اشد احتیاجله اصلاحات داخلیه به محتاج بولندیغنی درک
 ایدرک ۱۳۲۲ سنه سنه قدر دوام ایدن مدت حکومتنده
 یالکز اصلاح احوال داخلیه به حصر همت ایلدی
 ایسه ده یادیغنی شایر او قدر مهم دکلدر .

بشنجی قلیبک بر بنه کلان قرنداشی دردینجی
 شارل سلفنک کو یا اصلاحات امرنده بذل ابتدیکی
 همتله برابر فرانسه بی پک ضعیف بر حالده بولدی .
 حال بوکده ضعیفی قوته تبدیل ایچون اسباب لازمه به

تثبت اید: جک پرده نوعاً انتقام داعیه سنه دوشوب
 وقتیه فرانسه خزینده سنی صومیش اولان برلی واجنبی
 صرافلری مؤاخذ و سوء حالاته سس چیقارماش
 اولان و کلایی معاتب ایلدی .

مومی الیهک اولاد ذکوری اولماق حسـبتیه
 برارکک اولاد ایچون متعدد زوجدر الدی ایسه ده
 یته فائده و یرمدی . بریادن فرانسه تک ضعفی کالده
 ایکن دیگر طرفدن انکلیتر قرالی نورماندیا دوقه لغندن
 طولابی کندیسته بیون الکور دیه شدتلی محاربه لره
 قیام ایدرک حالبوکه انکلیتر اولجه فرانسه تک
 کندیلری علیهنده قورمش اولدقلری تدبیری بو کره
 فرانسه علیهنده قولانق ایچون غاسقونیا اهل الیسنی
 عصیانه تشویق ایتدکلرندن فرانسه بو یوزدن دخی
 بیوک برصدمه کوردی .

نهایت ۱۳۲۸ تاریخنده دردنجی شارل وفات
 ایلدی بکی زمان اولاد ذکوری اولماق مناسبتیه تاج
 حکومت مقدا دردنجی فلیپ ناواردن کلجه به قدر
 فرانسده قائم مقامق ایش اولان وومی الیه دردنجی

فلیبک عمیسی بولنان شارلده والوانک اوغلی فلیبده
والوایه کیدیرلشددرکه بومتسبته قاپه سیهن خاندانی
عنوانک حکمی نهایته ایروب بعدازان والوا خاندانی
عنوانی دوران سورمکه باشلامش و بناء علیه خاندان
مذکور احوالک درجی ایچون اشاعیکی فصل ثانی بی
کشاد ایتمک لازم کلددر .

فصل ثانی

والوا خاندانک حکومتاری

عین ۱۳۲۸ الی ۱۴۹۸

تفصیل - قاپه سیهن خاندانی عنوانک وانوا
خاندانی عنوانته منقلب اولسی قاپه سیهن « سلاله »
سنگ بتون بتون انقطاعی دیمک دکدر . سلاله یته
قاپه سیهن سلاله می اولوب بوسلاله اشبو اوچنجی
بابک نهایته قدر بلا انقطاع دوام یتمشدرکه
باب مذکورک فصلارنده ایراد ایدیلان خاندانلر اسامیسی
سلاله مذکورک شعبه لری دیمکدر .
والوا خاندانک برنجی حکمداری فلیبده والوا

یوقاروده برنجی فصلده اسمی سبقت ایدن شارلده
 والوانک اوغلیدر که شارلده والوا دخی طوغریدن
 طوغری به قاپه سیهن عنوانله حکومت ایدن اوچنجی
 فلیک اوغلیدر . حالبوکه اوزمان انکلتره قرالی
 یولنان اوچنجی ادواردک والدهسی ایزابل (انکلتره
 ص ۱۵۶) مراجعتله دخی معلوم اوله جنی وجهله
 اکر فرانسهده قادین حکمدارلرک حکومتی جائز اولسه
 ایدی فرانسه صدالیء حکومتنه فلیبده والوادن
 دهسالبق واحق ایدی . چونکه فلیب اوچنجی
 فلیک اوغلی اولوب ایزابل ایسه اوچنجی فلیبدن
 دهسابقین اولق اوزره دردنچی فلیک قرزی ایدی .
 بنابراین انکلتره قرالی اوچنجی ادوارد « اکر فرانسه
 قانوننده قادیلرک حرای حکومت ایتلری بوغیسه
 برقادینت حقوق ایشیسی اوغلنه انتقال ایده بیلور یا
 بو حاکم کوره فرانسه قرالی بکالایقدر » دیه امله
 دوشمشیدی . اول امرده فلیبده والوا بودعوابه
 اهمیت و برمیوب اوزمانلر فرانسهده مطبع اولوب
 بو اطاعتدن طولانی تبعهسی طرفسندن خلع و دفع

ایدیلان فلاندر دو قدسی اوئی بی ینہ بر ینہ اقعاد
ایچون فلاندر سر آمدان رؤسای عسکر یه سی اوزر ینہ
مخار به یه کیتدی وقاسل نام محله غلبه کلیدیه نائل
اوله رق ۱۳۲۸ تاریخده لوبی بی مقامنه اقعاد
ایلدی .

فلیبده والوا بو طرفده بوکبی ایشلرایله مشغول
اوله طورسون اوتہ طرفده ینہ فرانسه نک آرتوانام
دوقد لغندن طرد و دفع ایدلمش بولسان روبرت نام
ذات انکلتہ طرفنه جان آتارق قرال اوچنجی ادوارده
هر اجعتله « بن دوقد لغندن طرد اولندیم . بوندن
طولابی فرانسه قرالنه عرض سکوا ایدہ حکم . لکن
فلیبده والوایی فرانسه قرالی طانیم . سزی طانورم .
والده کز فرانسه یه ارثا صاحبدر . بو حقوق ایسه
ستره انتقال ایتسد درهم فرانسه قرالی بولمق حسبیلہ
فرانسه ده کی تحکری بغیر حق ضبط ایدن فلیبندن
حقکزی المایسکز هم ده فرانسه قرالی اولمق حسبیلہ
بنم کی بره مظلومک حقنی احقاق ایتیسکز . مقاماتیلہ
اگر فرانسه یه سوق عسکر ایدر ایسه چونکه شوارالق

فرانسه نك قوتى مفقود اوانديخى جهته له موفقيت
ممکن اوله جغنه ادواردى تأمین ایلش ایدی .

ایشته بو تأمینات اوزرینه ادوارد ۱۳۳۸ تاریخنده
فرانسه به اعلان حرب ایشدر که بو محاربه یوز سنه دن
مجاوز متمد اولغله تواریخ عمومیه لساننده (محاربه
صد سنه) دیه بنام اولشدر .

محاربه مذکور نك بوراد: ذکر ایده جگمزمبادیسی
فرانسه ایچون پک زیاده ضرری موجب اولسی .
زیرا (انکلتز، ص ۱۵۸ مر) انکلتزه قرالی ذاتاً
فرانسه قرالندن دلگیر بولشان فلاندر اهللیسی ایله
المانیا ایمراطوری لوبی د: باویری دخی تفاقى داخلنه
الهرق « فرانسه قرالی » عنوانیله انکلتز دن قاقوب
فرانسه به کچمش وفلنک و باج بقا طرفلرینه عسکر
دو که رک فرانسه نك شمال جهتلرینی اوروب قرمغه
باشلامش اولسی اوزرینه اگر چه فلیب دخی مقابله دن
کیروطور مامش ایدیه ده فرانسه نك درکار اولان
ضعفه مبنی خلیبه ممکن اوله بیوب ۱۳۴۰ سنه سنده
ایکی سنه ایچون متار که عقد ایلدی . لیکن آتش

حرب ینہ مشتعل اولہ رقی ہلہ فردسی نام مجلدہ ۱۳۴۶
 تار یخندہ ادواردک قازاندیغی غلبہ اوزرینہ فرانسه بتون
 بتون پریشان اولوق درجه سنہ گادی • بونک اوزرینہ
 قلبک التماسنہ مبنی التی سنہ ایچون بر مدت متار کہ
 عقد اولندی و بومتار کہ مکفاتی اولوق اوزرہ
 پادہ قالہ دنیلان بوغاز ایله قالہ شہری انکلتہرہ بہ
 ویرلدی •

قلب دہ والوا اشہب و مدت متار کہ ایچندہ یعنی
 ۱۳۵۰ تار یخندہ وفات ایلمشیدی • برینہ کچن اوغلی
 ژان ثانی قارشوسنہ انکلتہرہ کبی قوی الشوکہ
 یردوات کورمکله برابر فرانسه بی کرک خزینہ جہ و کرک
 قوہ حریبہ جہ او قدر ضعیف بولمشیدی کہ عا-ثا
 یوضعهلہ حرب ایتمک دخی ممکن اولہ میہ جق ایدی •
 ہلہ خلقک عدم خوشنودیبی درجه کاندہ ایدی •
 چونکہ قلب مصارف حریبہ یہ مدار اولوق ایچون
 حوایج عمومیہ دن اولان طوزہ قدر غایت آغر
 ویر کولر وضع ایلمشیدی • بودرجه ضعف اوزرینہ
 یزدہ داخلہ خلقک عادتہ عصبانی باش کوسہ برمش

اولدیغندن انکلتره قرالی اوچنجی ادوار بو کره دخی
 اوغلی پرنس نواری ۱۳۵۵ تاریخنده عظیم براردو
 ایله فرانسه یه کوندروب هر طرفی هرج و مرج
 ایتدی و حتی واتیه طرفلرند و فوعبولان بر بحار به ده
 فرانسز بتون بتون تارومار اوله رق فرانلری ژان دخی
 انکلیرز ایله دوشدی که تاریخ ۱۳۵۶ در . قرال
 اوندر به ده نقل اوله رق حبسه آتیش ایدی . بونک
 اوزرینه فرانسه طرفنده اوغلی شارل قائم مقاملیق
 ایتکه قاقشدی اینه ده ناوار فرالی بونان شارل و ده
 پارس اوزرینه هجوم ایدرک داخل دخی بر چوق
 اختلانر چیقمه له دکولان قانلر حد و حساب صیغمه جق
 درجه یه واردی :

ایشته بودرجه مجبوریتلر اوزرینه ژان سنوی
 مقطوع بر خراج و یرمک اوزره انکلتره نک خرج کذار لغنی
 قبول و بر چوق ایالتلری انکلتره یه تسلیم ایتک شرطیله
 حبس دن چیقدی و قونت دائره نام اوغلی کنیدی
 زیننه رهن براقدرق ۱۳۶۰ تاریخنده فرانسه یه
 عودت ایدیه بیلدی .

شانک تاریخ نظرندہ المستحسن برحالی شودر کہ اوغلی
 برمدت انکلترہ دہ رهن قائد قدن صکرہ فرار ایتمکله شرن
 برحار بی بی دها منع وعہدہ وفا ایتمش اولمق ایچون
 قالقوب بالذات انکلترہ بہ کیتدی ورضاسیلہ فرالک
 حبسنہ کیردی • بوحر کندن کندیسنی منع ایچون
 کیتامسنی توصیہ ایدنلرہ «عہدہ کیم وفا ایتمز ایسہ
 ایتمسون قرالرا ایتملیدر» دیدیکی مشهوردر • بیچارہ قرال
 ۱۳۶۴ تاریخندہ لوندردہ اسیر اولدیغی حاندہ
 وفات ایلمشدر •

متوفای مومی الیہ لوندردہ محبوس ایکن برینہ
 قائم مقاملق ایتمش اولان اوغلی نشارل بوکرہ بشنجی
 شارل عنوانیلہ مقام پدرہ جلوس ایلمشیدی • بوذات
 «عاقل» لقبیلہ بحق ملقب اولمشدر • زیر اول
 امرده خلقی ازوب بتورن ویرکولری فلانلری منع
 وارباب مزیت واقنداری حایہ الیہ داخلأ مملکتہ
 نظام ویردکن صکرہ انکلترہ الیہ دردست بولنسان
 محارباتہ الکجری وجسور جنرالرینی سوق ایدرک
 برقاچ دفعہ غلباتہ نائل اولمش وانکلیرلر اندہ بولنسان

مالکدن برچو غنی استرداد ایلشدر . حتی انکلیرلز
 آسمانیانی دخی تحریک ایدرک فاس-تیل قرالی پبه ری
 فرانسه یه قارشو محاربه یه سوق ایتشلرایدی . شارل
 یونی دخی لزومی وجه-له تأدیب ایلدیکی کبی ینه
 انکلیرز ایله منفق بولتان ناوار قرالک دخی حقتدن
 کلشدر .

عاقل شارلک فرانسه ایچون وضع ایلدیکی بعض
 فظلمات پک کوزل شیلردر . لکن انکلیرلزک تغلی
 پک زیاده اولغله فرانسه بی بتون بتون تور تارمق ممکن
 اوله میوب ۱۳۸۰ تاریخنده وفاتی وقوع بولدیخی
 زمان بوردو قاله و شر بروغ کبی بعض ایاتلر حالا
 انکلیرز ایلده ایدی . ایشته فرانسه شویله برفنا حالده
 و مملکتی بتون بتون استیلا یه قدر مقتدر اولان انکلیرز
 گبی بردشمن دخی حالا مملکتک ایچنده ایکن عاقل
 شارلک اوغلی شارل سادس هنوز اون ایکی یاشنده
 برچو جق ایکن مقام حکومته کچی که بوده فرانسه
 ایچون بشقه جه برطاق مشغولیتلری موجب اولدی
 شویله که

کندی عمیجہ لری اولوب فرانسه قرالغنه جان
 آتکن و بویله بر کوچک اقبال ایچون وطنک دشمنی دیمک
 اولان انکلیز لاله دخی مخار دن خالی قالمیان آترو
 و بورغوینا و برری و بوربون دو قسه لری بو کره
 صندالی حکم و مقدمه بر چوجق بولمسنی فرصت اتخاد
 ایدرک جمله یرلکده عصیان ایلد کلری کبی کویا
 فرانسه یه هر بری آری آری صاحب اولشجه سینه
 برده یکدیگری علیهنه قیام ایلد کلرندن ذ تا بیچاره
 اولان فرانسه بی بر قاندها چار بسز بر اقدینر . دیرکن
 روئن شهری دخی عصیان ایلدی . هله پارس
 برحاله کلدی که درون پای تختده بر طاقم اشقیبا علناً
 قتل نفوس و نهب امواله قدر متجاسر اولور لر ایدی
 کنج قرال جمله دن مقدم نال سال طرفلرنجه دها
 اوته دنبری عصیان اوزره بولنان فلا مانلری تأدیه
 لزیم کوره رک ۱۳۸۲ تاریخنده روز یق نام محلده
 اشقیبای مذکوره اوزرینه بر غلبه یه نائل اولدی .
 یعدده ۱۳۹۲ تاریخنده اوته دنبری حیدود لاله متفق
 اولوب اخیراً دخی قلیسون نام بر حیدوده یتساقلق

ایتمش اولان بریتانیا دوقه سی اوزرینه جنکه کیتکه
 قالقشمش ایدی . حیف که یولده رشدتلی صیجاغه
 راست کلور نصلسه صیجاغت تأثیراته بیچاره کنج
 قرال انعامی غیب ایدرک بدلا کی رشی اولدی
 قالدی که فرانسه بچون ان بیوک چارسرنگ
 یواوادی :

قرالک اختلال دماغدن صکره ذاتاً حب ریاضتله
 حیاتلامقده بولنسان عمیجه لری وصییک خدمتته
 فوشه رق حالبو که بولنر ذاتاً بر پر یله محارب بولندقلری
 جهتله محاربه داخله لری نه رفقا دها قوت و یردیله
 قرالک قرنداشی بولنن اورلیبان دوقه سی عمیجه سی
 بولنن بورغونیا دوقه سی طرفندن سوء قصدله اعدام
 ایدلدی (۱۴۰۷) و بعده ینه بونک افسادبله
 یتون فرانسه ایکی قسمه آیریلوب بر طرفه آرمانیاق
 دینلدی که اورلیبان دوقه سی طرفنی السترام ایدرل
 ایدی و دیگر طرفه بورکینیون دنبه رک انلر دخی
 بورغونیا دوقه سنت اقبالی ایچون قان دوکرایدی .
 فرانسه ایچنده کی شواحوالک ملکیتی نه قدر صا رصده جنی

ارباب مطاعه چه موازنه ایله جک برشی اولوب
 بزاوموازنه ایله برابر اوتته طرفه انکلیز کبی بر مقتدر
 دشمنک ده فرانسه ایچنده موجود اولدقلرینی اخطار
 ایدرز .

بوانکلیز فرانسه ایچنده سرزده ظهور اولان
 احوال مسروده بی دایما کوزدن آیرمدقلری کبی نهایت
 قرالک دوچار اولدیغی حال دخی منضم اولنجده انکلیزه
 قرالی بشنجی هزاری غایت جسیم براردو ایله یته
 فرانسه اوزرینه یورودی ۱۴۱۵ تار یخنده آنه نیقور
 تام محله فرانسه قوتنی بتون بتون قراق ونورماندیا
 ایالتی دخی کاملاً ضبط ایدرک فرانسه خاندانلردن
 پرچوغی دخی کندیسنه موافق بولمغله ۱۴۲۱
 تار یخنده کلدی پارسده کندیسنک فرانسه قرالغی
 اعلان ایلدی .

بووقعه بقیعه اوزرینه التنجی شارل بتون بتون
 قرالقدن عزل ایدلماشیدی . کنسی حکمده قالان
 یرمقدارجق برک حکمداری صایلوب حتی ۱۴۲۲
 تار یخنده وقوع وفاتیدن صکره اوغلی بدنجی شارل

دخی فرانسه نك جنوب طرفلرنده ينه قرال عنوانيله
مقام حكومته كيمي .

حساب ايديله جك اولسه انگليزانر مملكتي بويله
كاملاً استيلا ايتمش اولدقلري كبي الك بيوك فرانسه
رؤسايي دخی كندی طرفلريني لتزام ايتمش اولدقلرندن
يدنجي لوبني اچون فرانسه بي قورتارمق محال ايدي .
لكن هر دورك بعض احوال حارق العاده سي اولديغي
كبي فرانسه نك كيمي دخی شهوره ژان دارق نام قزدر .
اشبو ژان دارق تاريخت كرجكدن حارق العاده
اشخاصندن اولغنه احوالني بوجه آني آريجه بريند
مخصوص ايله ايراد ايتكه لازم صحیح كوردك :

﴿ بند مخصوص ﴾

﴿ ژان دارق . قاريلرك صاحبقراني ﴾

يدنجي شارل فرانسه نك جنوب طرفلرنده اعلان
حكومت ايلد كدن صكره مملكتي اجنبيلر اتسه بولمق
كبي برزالت اچنده يشامقندن ايسه اولمكي فقط
يوش بوشنه اولوب هج اولما ايسه ينه تخايض وطن

او غورزنده اولمکی کوزه الدیرایق تدارک ایده ایلمش
 اولدیغی جزوی براردوایله انکلیرلز اوزرینه حرکت
 ایلمش ایدی . لواری نهی اوززنده انکلیرلک بعض
 کوچک فرقه لرینی اوروب مغلوب ایلدیکجه غیرتی
 آرمش وغیرتی ازدیفه قوه عسکر به سی چوغالاش
 اولدیغندن غیرتی بیباغی بیولتمش اولدیغی برزمانده
 دایر دستله بر بیچاره قز کلوب « فرانسه بی انکلیرلز لندن
 قورتارمغه من عند الله مأمورم » دینجه ماینیجیلر
 فلانلر بیچاره نیک جنتنه حکم ایدرک کندیسینی طرد
 ایلمش ایدی .

حالبو که قز دعواسندن دوغیبوب درت بش
 دفعه دفع ایلدکن صکره شارلک حضوینه چیقیمغه
 موفق اولدی ودعواسنی اوراده دخی تکرار ایلدی .

بو قز هنوز اون سکره یاشنده برشی اولوب ۱۴۱۰
 تاریخ میلادیسنده رومری نام محله برفقیر کوی بلونک
 صلیبدن انمش وژان دارق تسمیه اولمغه بولمیشیدی .
 روایتنه کوره برکیجه روایسندن حضرت مرعی
 کوروب طرف مشارالیه اادن فرانسه بی تخیصه مأمور
 اولمش ایلمش .

قرال شارل بوبلہ برمسکین فرزند بو قدر بیوک
 بردعوایی اشیدنجه حیرتندہ قالبوب قرہرنہ قدر اردوستک
 قومانداسنی کندبسنہ و برمسینی تکلیفندہ اصرار
 ایش ابدیسده شارل برنجر بہ اولوق اوزرہ ژنہ یالکز
 ہش اوز نفر عسکر و یوب انکلیر لراوزرینہ صالحدیردی .
 حالبو کہ بو قدر حقارتلہ کوندریلان ژان دارق
 قوجہ برانکلیر طاہورینی بوزمق کی برغالبیتلہ کلنجه
 بو قزک کرچکدن حضرت مریم طرفندن فرانسہ بی
 تخلیصہ ہ امور اولدیغنہ اردوجہ امنیت کلہرک
 بر بیوجک فرغہ یہ قوماندان نصب ایدلدی .

اوزمان شارل سابغک النده بولنن موافعک اک
 مہمی اورلیان اونوب انکلیر لرا بربوک اردو ایلہ انی
 دخی تحت محاصرہ بہ المشیر ایدی کہ اورلیان الدن
 کیتدکن صکرہ ارتق فرانسز قرالی ایچون فرانسده
 طور میوب باشنی الہرق بر طرفہ قاچق قدن بشقہ چارہ
 قالامشیدی . ایدی ژان دارقک مأموریت
 معنویہ سی بالغوم نقراتہ وارنجه یہ قدر ہر کسی تہورہ
 کتورمش اولدیغندن میلادک ۱۴۲۹ سنہ سی مایسنک

سکزیجی کونی انکلیزک او عظیم اردوسی بر قزک
 ماداسی الشده بولسان کوچک برفرقه عسکریه به
 اوله بر بوزولش بوزولدی که هر فرانسز نفری بش
 اتی انکلیزی اسپر ایلمشیدی .

بووقعه عظیمه دن صکره کرک ژان دارقه کرک
 قراله و کرک بالعموم اردویه کرچکدن بر قوت قلب
 کله رک ارتق هر طرفدن انکلیز لر اوزرینه هجومه
 باشلانیدی . هر هجومده دخی غلبه ونصرت ژان
 دارق طرفنده قالورایدی . حتی قرال هنوز کلیسا
 طرفندن تقدیس ایدیله رک رسماً قرال طانمش اولمدیغی
 حالده ۱۴۲۹ سنه سی تموزینک اون یدیسنده ژان
 دارقک وساطتیه پاتی نام محلمده بورسم دخی اجرا
 اولندی .

اندن صکره ژان دارق ایشدن چکلمک ایسته
 مشیدی . لکن بو کره دخی قرال کندیسنی بر اقوب
 اللرینه صار بیلهرق ۰۰۰ و او پهرک ۰۰۰۰۰۰ بر ازدها
 اردوده قالسنی رجا ایلمش ایدی . ژان دارق یننه
 قالدی . و ۱۴۳۰ سنه سنده قوم پیرن ایانسنده

بولنان انکلیزل اوزرینه یورویوب دشمنی ینه بوزدی
ایسه ده نصلسه یقابی انکلیزل الن ویرمش و حالبو که
انکلیزل طرفندن بیچاره نک سحر بازخی حکم ایدلمش
اولدیغندن ۱۴۳۱ سنه سی مایسنک اوتونجی کونی
بیچاره قزغز روئن شهرنده دبری دیری انشلره
یاقتلدر .

بوقزک عفت واستقامته دیانت وتقواسنه وعلی
الخصوص الکجری وجسور برار ککدن زیاده سلاح
شوراعه وجسارتنه سوز اولیوب بعده وفاتهامیلیاسی
اعضاسنه اصلزاده لک رتبه سی ویرلدی و منسوب
اولدیغی کبی کافه تکالیف میر به دن مستثناطولدی .
کندیسنک قورتارمش اولدیغی اورلیبان شهرنده دخی
کندی ناسنه بر بوک علامت رکن ایدلدی .

(انتهى بند مخصوص)

ژان دارق بیچاره سندن صکره قرال ژان دارقه
ویرلمش اولان وعد معنوی حالا فرانسه اردوسی
حقنه باقیدر دیه عسکرینی ته-وره کتوره رک
محرابنده بال دوام ۱۴۳۶ تاریخنه قدر پارسی دخی

ضبط الیه بتون فرانسه بی انکلیرلز لندن فور تار مش
و یالکز یادقاله بوغازی طرفنده واقع قاله شهری انکلیرلز
النده قالمشدر .

بو قدر غلبات و مظفیات اوزرینه بیچاره قرال
کندی اوغلی اوله جق اون برنجی لوئی به یارانہ مامش
و چاپقین برقاچ دفعه باباسنی تسمیمه قالشمش اولدیغندن
زواللی قرال فور فوسندن برشی بمه به ۱۶۶۱
تاریخنده آچغندن وفات ایلمشدر .

فرانسه بی بکیدن احیا ایدن اشویدنجی شارل
اولوب یوسبیه مبنیدر که تاریخ اکا (غاب) عنوانی
و برمش و یالکز براز شهوت پرست اولوب آتیش
سورل نام برقاری به علاقه ایتمش اولمشدن بشقه هیچ
برقصورینی بوله مامشدر .

بو غاب قرالک اوغلی اون برنجی لوئی باباسنه
سوء قصد ایدیشندن دخی اکلاشلش اوله جغنی اوزره
پک غدار و ستمکار چاقوب و برکولری حددن
افزون ضم ایلمدکن بشقه کندیسندن ذره قدر
خوشنودسز لاق کوسرتن مملکتلری آتیشه یاقق

واهالیسنی قتل عام ایتمک کبی غدارانه حرکت کرده دخی
 بولنورایدی . ریمس و آرز شهرلری مر قومک
 الکیز یاده غدرینی کورمش اولان برزدندر .
 فرانسه کبی هنوز بر قوتلی دشمن النندن قورتلش
 اولان مملکت حقنده بومعامله نه قدر فنا ایسه مملکتی
 قورتارمش و حتی بر قاندها ترقیاتی دخی در عهده
 ایلمش اولان و کلابی کاملاً طرد ایدرک یار بنه بر
 فلان مقوله سی آدم لر نصب ایتمش اولسی دخی بتون
 بتون تهلیکه لی بر حال ایدتی بنه عینده ۱۲۶۵
 تاریخنده برری دوقه سی و قرالک بر ادری بونان
 شارلک ریاضتیه بعض سر آمدان رفع لوای عصیان
 ایتمش لرایسه ده مهنته ری نام محلامده لوئی حادی عشر
 بونلری اولار قبحه مغرور ایدوب بعده هر برینی بر وعد
 ووعید ایله کنندی طرفنه جلبله ینه هر برینی بر خیله
 و خدعه ایله مالکانه لرندن طرد و دفع ایلمشدر .
 بورغونیا دوقه سی دخی ملاکندن خلع ایتد بر مک
 ایچون ایتر اهاالیسنی عصیانه تحریک ایلمشیدی .
 انجق دوق مومی ایسه پهرون نام محلامده قرال ایله

ایتدیکی محاربه ده قرال ظالمی اسیراً اخذ ایله ۱۲۶۸
سنه سنه قدر حبس ایلمشدر . بعده اوئی سرآمدان دن
هیج بریسنه امنیت کوسستره میوب حتی برروایته کوره
مقدما عصیان ایتمش اولان قرنداشی دوق ده برری بی
دخی تسمیاً اعدام ایلمشدر .

سالف الذکر بورغونیا دوقه سی بوتسمید ن
طولابی انتقام ایچون دخی اوئی حادی عشر علیهنه
محاربه آچشدی . بو محاربه ده بریتانیا دوقه سیله
ذاتاً فرصت بین اولقدن خالی قالیان - انکلتزه دواتی
دخی بورغونیا دوقه سیله برلشدیلر . لکن براییسی که
لویی بوتفقی وزمغه موفق اوله رق ۱۲۷۵ سنه سنه
عقد اولان بوقدیدی معاهده سنه فرنسه بی حقلی بیله
چیقاردی . بورغونیا دوقه سی وفات ایتدیکی زمان
قرانسه نک شمال طرفلرنجه دوق مومی الهک ماسکانه سی
اولان پیقاری وارتوا ایله اصل بورغونیا دوقه لیغی
متوفای مومی الهک قزی مارنک زوجی بولسان
اوسسترالی ماقسیملیه ن طرفندن ضبط اولغی
ایستلمشیدی . اون برنجی لوئی بولشده شدتلی

بر محارزه به بی کوزه الدبرارق غلبه دخی ایتمکاء ۱۴۷۹
 تاریخند مذکور ایالتلری طوغریدن طوغری به
 فرانسه به الحاق ایلمدی بوندن بشقه بعض انتقالات
 ارثیه بی بهانه ایدرک فرانسه نك اطراف مختلفه سنده
 یونان بعض مالکانه لری واز جمله پرووانس و مس
 و آنز و بار ایالتلری بی دخی مالکانه لکدن قورتاروب
 طوغریدن طوغری به املاک میریه اولق اوزره دولت
 الحاق ایلمدی . بوموققیتلردن براز صکره کنندیس
 دخی دیار علقه کیتشدن .

لوی حادی عشر اگر بیان اولندیغی قدر حشم
 صاحبی برغدار اولماش اولسه ایدی فرانسه ایچون
 یک بیوک خدمتلری کوریه جکندده شبهه یوق ایدی .
 مع هذا ایلمک دفعه اوله رق مطبعه جیلمک صنعنی
 فرانسه ید صوقان کنندیس اولقله شو خدمت خدمات
 مبروره سیندن عد اولند بیلورد .

مر قومک یرینه ۱۴۸۳ تاریخند اوغلی سکرنجی
 شارل جلوس ایدوب اوزمان هنوز اون اوچ باشنده
 یولمقله همشیره سی آن وصلک خدمتی اله آلمشیدی .

عمیحه لرندن اورلبان در قه سی فرانسه ده قاریلرک
 حکومتی عادت اولدی یغندن بختله بووصایتہ اعتراض
 ایلمش وهله قرالک کوچک بر صبی اولدیغنه نظرله
 یو اراده تمام کندی باشنه لایقی بر کلاه قاپه بیلمک
 طمعنه دوشمشیدی . انجق سرآمدان مملکت ارتق
 تاج ونخت غوغالردن پک چوق بقمش اوصانمش
 اولد قلمری جهتله دوق اورلبانک طمعنه خدمت ایدن
 یولندی .

۱۴۹۱ تاریخنده شارل بریتانیا ایالتی مالکانه سنک
 وارثی بولنان آن ایله ازدواج ایلدیکندن او مالکانه
 دخی فرانسه یه انضمام ایدرک فرانسه نک قوتی بیاغی
 آرتمشیدی . بناء علیه کنج قرال بروس یله ارنیه
 دوشوره رک ایتالیا ده کائن ناپولی اولکاسنی دخی المق
 طمعنه دوشمش وواقعا ۱۴۹۵ تاریخنده اولکای
 مذکور ی ضبط ایلمش ايسه ده کرک پاپا جنابلری و کرک
 وتدیك واسپانیا دولتر ی بوجقه سرلغی قبول ایده میه رک
 کندیسنی رجعتنه مجبور ایلمش لردر .
 حتی بومنفق دولتر قرق بیک نفر عسکر ایله یته

اوسنہ فرانسہ یہ ہجوم ایبشار ابدی . لیکن شارل
ظفوز بیک نفر ع۔ کرلہ اوقوجہ اردوی تار ومار
ایدرك بقیہ عمرینی راحتلہ کچور، بیلدی .

شارل ٹامنک وفاتی ۱۴۹۸ سنہ سیدر کہ کندپسی

اولاد ذکور برافہ مدیغندین عمیجہ سی اولوب
اورلیان دوقہ سی بولنان لوئی اون ایکنجیلک عنوانیلہ
مقام حکومت کچمشدر کہ ولوا خاندانی ٹامنک دخی
ختمی بوتاریخ اولوب اندن صکرہ اورلیان عنوانی
حکومت سورہ شدرد .

﴿ فصل ثانی ﴾

اورلیان خاندانک حکومتی

عن ۱۴۹۸ الی ۱۵۸۹

تفصیل - یوقارودہ ایکنجی فصلک اولند، دنیش
اولدیغی کبی بورادہ دخی تکرار ایدلم کہ قاپہ سیہن
خاندانک والوا خاندانہ انقلابی قاپہ سیہن سلالہ سی
انقطاعی دیک اولدیغی کبی بوکرہ دخی والوا خاندانک

اورلیان خاندانہ انقلابی بنے قابہ سید نلرک انقضاعی
 دیمک اولیوب یالکز زمام حکومت قابہ سیدن سلالہ سنک
 بر شعبہ سی لندن دیکرینہ انتقال ایش دیمکدر .
 زیرا کرک والوا و کرک اشبو اورلیان و کرکسہ بوندن
 صکرہ ذکر اولنہ جق بور بون شعبہ لری هب قابہ سیدن
 اولادندرز .

والوا خاندانک صوک حکمداری او اوب بلاولد
 ذکور وفات ایدن سکرنجی شارلک برینہ دعوت
 اولنان ایکنجی لوئی دها شارلک حیاتندہ ایکن قرالغه
 یلتمش برهوسکار اولدیغندن و حالبوکه فرانسه نک
 اوزمانکی حالی کبی بر حال ضعف ایچنده اولان
 مملکتک برهوسکار حکمداردن انتظاری بیوک اوله جعی
 درکار بولندیغندن هر کس بوتبدل خاندان کیفیتنی
 بر نظر اهمیت بر انتظار مخصوص ایله تاقی ایش
 آیدی

واقعاً اوئی جلوس ایدر ایتمز کافه تکالیف
 میریه بی بر ثاث نسبتندہ تنزیل و محکمہ لری اصلاح
 وعسکری تنظیم ایتمک صورتیله اه ایتمک امیدندہ موافق

بر حکمدار چیف مشیدی • پک آز بر زمان ایچندہ بایعنی
 فرانسنک طمارلرینہ برازقان و سیکررینہ برازقوت
 کلدیکنی کورنجه اودخی سلفی شارل کبی ایتالیا
 کان ناپولی اولکاسنک ضبطی قیدینہ دوشوب بوایشده
 اسپانیالی ایله اتفاق ایلدیسه ده ۱۵۰۱ تار یخنده
 ناپولی بی فتح ایلد کدن صکره یکی مملکتک تقسیم
 امر نده اسپانیا ایله معارضه چبقارمش اولدیغندن
 اسپانیوللر بو کره سلاح مقاومتی متفقلمی اوزرینہ
 یاتحویل ۱۵۰۳ تار یخنده اون ایکنجی لوئی بی ناپولیدن
 رجعتہ مجبور ایلملردر •

۱۵۰۹ تار یخنده دخی لوئی وندیگولر علیهنه
 قشکل ایش اولان بر اتفاقه داخل اولمش ایسه ده
 یوراده طالعی ینہ ناپولی فتحنده کوستردیکی جلوہ بی
 کوستر مشدر • لیکن عاقلانہ محاکمہ ایدیله جک اولور
 ایسه شو حال لوئینک براز حقنه دلالت ایدر • زیرا
 عاقل اولان بر کره الداندیغی ایسه بردها ال اورمز •
 واقعا لوئینک محاربه طالعی باور دکل ایدیسه ده
 ملکیه جه باوری طالعنه سوز بوقدر • زیرا اوزمانلر

فرانسز ایچون برقرالی بکنوب سوه بیلک برازدشوار
ایکن لوئینک هر اجرا آتی خلقک مظهر حسن قبولی
اولور ایدی . حتی کندیسنه « ملت باباسی » نامی
دخی مجرد بر علامت توجه اولوق اوزره ویرلشدر .
مدت عمرنده برینی اطلاق ایدرک دیگر بینی الموق اوزره
اوج دفعه تأهل الیتش ایدیسده اوچنده دخی برولد
ذکوره نائل اوله مدیغندن ۱۵۱۳ تاریخنده خلق
ایچون بر بیوک مامی موجب اولان وفاتک وقوعنده
یری دیگر برادری برنجی فرانسوایه قالمشدر .
اشبو فرانسوا غایت جنشکاور بر حکمدار اولوب
همان صندالیء حکومته جلوسیله برابر سلفقرینک ایتالیا
اوزرنده کی حقوقک دعواسنی تجدید ایدرک ترتیب
ایلدیکی اردوایله ایتالیا طرفلرینه مرور ایدر ایکن
اسویچره اولر مرورینه ممانعت کوسترمک ایسته ملریله
مار یذبان نام محلده به نلره غایبه ایدرک بیچاره لک عمومی
قلچین کچور مشدر . بعده بنه سنه مذکورده
میلانز دوقه لغی فتح اولندی . انجق ۱۵۲۰ تاریخنده
اوستریا و المانیا و اسپانیا حکمدار لقلرینی کندیسنده

جمع ایتمش اولان مشهور شارل کن دخی المانیا
 ایپراطور اغنک ایتالیا اوزرنده کی حتوقنسدن طولانی
 ایشه وضع یدایتمکله برنجی فرانسوا اکادخی علان
 حرب ایتمش ایسده بود فعد طالع اوتنه کی طرفه باورلک
 ایدرک ۱۵۲۲ تاریخده بیفوق نام محلمده فرانسوا
 فناحانده بوزلمش وین رجعتده بر بوزغوننغده دهها
 اوغرابوب هله ۱۵۲۴ تاریخده بالذات یقایی اله
 ویرمشدر .

بومحاربده فرانسولرک کوستر دکلری یارارلق پک
 فوق العاده ایتمش . حتی فرانسوا بوزغونلغی والده سنه
 یازدینغی زمان « هرشیی غیب ایلدک یالکز ناموسمزلی
 غیب ایتمک » دبه یازمسی تاریخ نظرنده بر اهمیت
 مخصوصه المشدر . انجق ظن اولنور که بوقدر بوز
 غونلغک سبب معنویسی چند سنه مقدم اسو یچره
 اردوسنک ظالمانه و غدارانه قتل عام ایلمسیدر . زیرا
 بر عسکر مغلوب اولدقدن صکره تکرار انک جائنه قیمیق
 قوانین حربیه ده دخی بولمندیغی حالده بویله هم اصول
 حربک هم انسانیت ومدنیتمک خارجنه چیضمق البته

یوقبیل پر پریشانی لغی اس نلزم ایده جگنه ش بهه
ایدلناملیدر .

یومغلوبیت عظیمه اوزرینه فرانسوانک والده سنک
در سعادت عثمانیانه وقوع مر اجعتی کیفیت
عثمانلی تاریخنده صحیفه زیب نحر بر اوله جق بروقه
اولوب اوتله طرفده برنجی فرانسوا به عطف نظر ایدیلنج
کور یلور که :

برنجی فرانسوا اسیراً اسپانیایه کوتور یلوب
در زندان ایدیلکله برسنه قدر حبسه قالدقن صکره
شارل کن طرفندن تنظیم اولنان وهر فقره سی فرانسه
ایچون برعی متضمن اولان معاهده صلحیه امضا
ایدوب ۱۵۲۶ سنه سننده ایدی که بقاسنی قورتاره
یلدی . ایجق قورتیلور قورتلر امضاسنک حکمنی
انکار وابتدیکی یمینی فراموش ایدرک ایتالیاده تکرار
محاربه به مباشرت و تکرار مغلوبیت عظیمه به دوچار
اولغله ۱۵۲۹ تاریخنده قامره نام محله ینه اولکی
کی بر معاهده صلحیه امضاسنه دهامجبور ایدلدی .
یومعاهده سنک حکمنی دخی ۱۵۲۶ تاریخنده لغو ایدرک

اوزمانه قدر تدارك يلمش اولديغى بر قوه كافييه ايله
 فوراً ايتاليابه هجوم وضبط ايلدى . شارل كن طرفندن
 دخی دوام ايديلان مقابله اوزرينه طرفينجه محاربه
 برخيلي امتداد ايدرك نهايت هر ايكي طرفه بورغونلق
 كلكله ۱۵۴۴ تاريخنده بر قطعي معاهده تنظيم
 اولته رق بو معاهده موجبجه ايتاليان سالف الذكر
 ميلانز دوقه لغى فرانسوانك ايكنجى اوغلى بولسان
 اورليان دوقه سنه مالمكانه اوله رق و برلدى .

بو معاهده دن اوچ سنه صكره برنجى فرانسوا
 وفات ايلشدر . بو ذات اكر زمانى محارباتله اسراف
 ايتيوب ده بالكز وطنك اصلاحنه صرف ايتمش
 اولسه ايدى فرانسه ايچون دها بيوك بر ايش كورمش
 اوله جغى دركار ايدى . زيرا بونجه مشاغل حربه
 اراسنده اصلاحاته دائر يلمش اولديغى شـيـر دخی
 آرز دكلدر . فرانسه ده شعر وانشانك وصنابع
 نفيسه نك ايلك حامينسى كنديسى اولوب بالذات
 دخی شاعر بر حكمدار اولديغندن بو بوزدن فرانسه بي
 احيا ايدن كنديسى بدر هر شاعر ك هر صاحب قلمت

حامیسی اولوب هله ترقیات فنبدیه پک زیاده هوسی
 وار ایدی . بالکز اوزمانلر هنوز یکی انتشارده بولنان
 پروتستانلق مذهبیه سوء نظرله باقوب پروتستانلری
 تحقیر ایدر ایدی .

فرانسوانک وفاتندن صکره اوغلی ایکجه
 هازی ۱۵۴۷ تاریخده فرانسهیه قرال اولدی .
 بو پانس ضرر سز حکمدار لر دن اولوب کندیسسه
 باشلوجه پواتیقه انخذا ایلش اولدیغی قضیه
 اسپانیا دولتتک شوکتنی قهرمقدن عسارت ایدی که
 اوزمان اسپانیا خاندانیه اوستریا خاندانی اراسنده
 بر رابطه صهریت اولق و حالبوکه اوستریا خاندانی
 عموم المانیانک دخی خاندان امپراطور یسی بولمق
 حسبیه عموم اوروپا دیمک اوستریا و اسپانیا خاندانی
 دیمک ایدی . لیکن بوندن بشقه هنوز فرانسه نک شمال
 و غرب طرفلرنده بر چوق برلر دخی انکلیزر اننده
 بولور ایدی . بناء علی ذلک هازی ثانی الک اول
 انکلیزر اوزرینه چوللانوب ۱۵۵۰ تاریخده بورغ
 ایانتنی انکلیزر دن استرداد ایلد کدن صکره المانیایا طرفنده

بولنوب اوستریا و المانیا و اسپانیا و ایتالیا حکمدار لغنی
 کند بیسنده جمع ایتمش بولنان معهود شارل کنه
 معارض اولان پروتستانلر ایله بالاتفاق ۱۵۵۲ تار یخنده
 میخ و تول ووردون شهرلرینی ضبط ایلمدی .

بو حال اوزرینه شارل کن دخی برجسیم اردوینی
 مستحکبا کلوب میخی محاصره التنه المشیدی . انجق
 محاصره دن یرفأده کوره مدیکی کبی رانتی طرفنده
 اردوسنک بر قسمی مغلوب دخی اولدیغندن فرانسه
 ایله بش سینه ایچون بر متار که عقد ایلمکه مجبور
 اولدی .

شارل کنک حکومتدن استعفا ایتمی بوبش سنه
 عدت متار که ایچنده ایلمدی . بنا علیه هاتری ثانی
 یننه مخصوصی تجدید ایدرک بو محاربه ده فرانسه نیک
 بر قول اردوسی مغلوب اولدیسه ده ایتالیا طرفلرنده
 غلبات کثیره ایله شهرت شعار اولان دوق ده کیزدر حال
 شمال طرفلرنه سوق ایدیلرک یننه غلبه یه مظهریت
 کورلیدی . حتی ایکی عصر دن بهی انکلیرال ننده
 قالش اولان قاله شهری دخی اشبو دوق ده کیزک

ہمتیہ بوکرہ (۱۵۵۸) استرداد ایدادی • شو قدر
 وار کہ بو قدر محاربات و غلباتلہ برابر ہانرینک ۱۵۵۹
 سند سندہ قابرہ زنی سر ایندہ عقد اولنان معاہدہ صلحیہ
 فتح ایداش اولان یرلردن برچو غنک ینہ دوشمنہ
 اعادہ سنی حکم ایلدیکندن فرانسه ایچون او قدر شانلی
 دکل ایدی •

ہازی ٹانینک قضاء وفاتی ینہ بوسنہ وقوع بولمشدر •

شو یلہ کہ :

احباسندن مونتغو مری قونتی الہ بر محلہ
 اللرنده مزراق اولهرق شقالسور ایکن قونت مومی
 الیہ قضاء قرالک باشنه اوروب مزراغک اوچی قغاسنی
 یر یاندن یر یانہ دلککله اوآندہ ہازی یرہ دوشوب
 وفات ایلشدر • مشهور فرانسه قرالیچہ سی قازین دہ
 مدیسی اشبو ہازی ٹانینک زوجه سی اولوب مومی
 الہانک طوغورمش اولدیغی اون نفر اولاندیالکر
 اوچی معمر اولهرق فقط بونلرک اوچی دخی مقام
 حکومتہ یول بولمغله قازین دہ مدیسینک والدہ لک
 صفتیلہ فرانسه دہ سور دیکی حکومت قاری نو عنندن
 همان ہیج بر فرده میسر اولما مشدر •

هازينك وفاتيله برى اوغلى ايكنجى فرانسوايه
 قاله رق سالف الذكر قاترين ده مديسى قرالچيه والده
 اولديغى زمان ارتق المانيا وفرانسه ايچنده پروتستانلىق
 مذهبي دخی کرکی کبی بالانتشار بعض مسائل مهمه سی
 دخی افکار ناسی قارشدير مغه باشلامش اولديغندن
 کيز دوقه سی فرانسوا ايله انک قرن داشی او اوب لورن
 یاش پاپاسی بولنان شارل قاترين ده مديسى به چاشلر
 وموحی الیها واسطه سیله قرالی دخی اله و بلکه حکم
 السنه اوب پروتستانلر علیهنده بیلد کیری کبی او بنامغه
 یاشلامشرایدی . خاندان قرالی اعضاستندن وحی
 قرالک برادر لرندن دخی آدم داخل اولدیغی حالدده
 بین الرؤسا بویکی متغلب علیهنه بر بیوک عصیان تدارک
 اولمشرایدیسه ده قرال بونلره غلبه ایدرک ینه دوقه ده
 کیز ايله قرن داشی میدانده یالکز قاشلردر .
 بیچاره ایکنجی فرانسوا والده سیله والده سنک
 کزیده لری اننده او قدر اسیر قالمشدر که اگر عمری وفا
 ایش اولسه ایدی بونلرک دها پک چوق سیئه سنه
 اوغرایه جق ایدی . برکت و پرسون که کنج یاشنده

اجلیله وفات ایتدی ده قورتلدی .
 فرانسوا بلاولدوفات ایلمش اولدیغندن کندیغندن ؛
 صکره برادری شارل طقوزنجلیق عنوانیله مقام حکومت
 کچمشیدی . بوقرال هنوز برصبی چوجق اولوب
 وصیلاک مأموریتی دخی طرفکیلرینک وساطتیه
 والدهسی قاترین ده مدیسی به ویرلمش اولدیغندن
 عومی الیهانک الک بیوک نفوذی ایشته بوزمان حاصل
 اولمش وقاتولیک پاپاسلری هر طرفدن اطرافنی الدقلری
 جهتله بحارم پروتستانلر بتون بتون از یلمکه باشلامشدر .
 هله قاترین ده مدیسیینک ترتیبی اوزرینه ال اتندن
 بعض پروتستان پاپاسلری ورؤساسی اعدام ایدلمکه
 باشلانقدن صکره پروتستانلر دخی بالضروره سلاحه
 صارلمش اولدقلرندن نتیجه امرده ایش محاربه
 داخلیه ده دخی منجر اولدی . بوصورتله باش
 کوستروب فرانسه بی بریا ایدن محارباتک اوانلنده
 پروتستانلر غلبه ایتمکه ایدیلر . صکره لری دوق ده کیز
 ودوق دائر کی مشاهیرک قومانداسیله پروتستانلر
 مواقع متعدده مغلوب اولملریله ارتق آقان قانلره

حد و نهایت اولدی . حکایه ایدر لر که قاترین ده
 مدیسی اوغلیله برابر لوور سراینک پنجره سی اوکنده
 اوتور لر ایکن اشاغیدن کچن بعض پروتستانلر اوزرینه
 - والده سنک اجبار یله - قرال جناب لری با ذات
 سلاح آتار ایش . هر نه ایسه ۱۵۷۰ سنه سنده
 جرمنده عقد اولنان بر معاهده کوبا بومحار به داخلیه به
 ختام و برمش و قرالک همشیره سنک ناوار قرالی اولوب
 پروتستانلرک رؤساسدن بولنان هانری ابله عقد ازدواجی
 دخی کوبا معاهده صلحیه بی بر قاده ها تقویه یلش
 ایسه ده ماری ده مدیسی بی احاضه بنمش اولان قاتولک
 پاپاسلرینک الفاسیله قاری مطلقا فرانسه بچنده قدر
 پروتستان وار ایسه جله سنک بر کجه ده بر آنده قتل عام
 ایلمسنی اوغلو نه تکلیف و تکلیفنده اصرار ایلمدیکندن
 و قرال ایسه ذاتاً بوفیل مظالمدن ذوق انور طابقدن
 بولندیغندن ۱۵۷۲ سنه میلادیه سی اغستوسنک بکر می
 در دنجی کچمدسی ایچون فرانسه نک هر طرفنده نه
 قدر پروتستان وار ایسه جله سنک بغته اعدامنه دتر
 طرف قرالییدن هر طرفه اوامر مخصوصه ارسال
 قلمشدر .

اکلامی ظلمت درجه سنی که قرال وقرالینجه والده
جنابلرینک بواصری یالکز برقاچ ایالتدن بشقه هر یرده
اجرا اولندی روایتده کوره التمش بیک قدر پروتستان
برکیجه ده قتل ایلدی که بولکه فرانسه تاربخندن
الی یوم القیام چیقیمسه کر کدر . بلکه یوم قیامده
بولکه همده زیاده سیله قزارارق قازرین ده مدیسینک
یوزینه اورده جقدر .

بواصر غدار نهک اجراسنه مخالفت ایدن ذواتدن
برسی باپون والیسی قونت دورت اولوب پارسده
حضور قرالده موقع محاکمه به چکیلوب ده امر قرالی بی
نیچون انفا اتماش اولدیغی صورلدقده « افندم
معیتده بولنان عسکری تبعه صادقه کز وعسا کر
مطیعه کز طانور ایدم اما بغیر حق قفا کسه جک جلاد
طانیز ایدم » دیمش اولدیغی مشهور واقوجه والی
یوسوزیله عالم انسانیته معروفدر .

بوجلادانک جزاسنی قرال جنابلری ۱۵۷۴
سنه سنده جکرلرینی قوصه قوصه جان وبره رک چکمش
ایسه ده بعده وفاته یرینه قرنداشی اوچنجی هاری

کچدیکی جهنله والدهسی قاترین بنه قرالجه والدهلك
رتبه سنده قالمشدر .

بو اوچنجی هازی اولجه لهستان قرالی انتخاب
ونصب اولمش بولمق جهتیهله فرانسه صندالی
حکومتنه اوتورمق ایچون لهستان صندالیسندن
اینوبده کلمشدر . بونک ابتدای حکومتده فرانسه
اویج بیوک فرقه یه منقسم ایدی . برنجیسی پروتستانلر
ایدی که ناوار قرالی هازی ایله پرنس ده قونده نام
ذاتک ریاستی اتنده بوانورلر ایدی . ایکنجیسی معنل
قاتولیکر اولوب بونلر پروتستانلر ایله متفق اوله رق
قرالک فرنداشی دوق دالانسونک ریاستی اتنده
ایدیلر . اوچنجیسی ایسه چیلدیر مشجه سنه خروج
ایدن قاتولیکر ایدی که دوق ده کیز بونلر قوماندای
ایدرایدی . هازی ثالث مملکتی بومحاربه داخلیه
بلاسندن قورتارمق ایچون پروتستانلره عفو عمومی
ویر و معنل قاتولیکر دخی التفات ایلدی .
لکن آزغن قاتولیکر قرالک بومعامله سندن فوق الحد
دلکیر اولوب والدهسی قاترین ده مدیسیدن آلده عموم

خاندان اعضا سنے وار بجه به قدر جـله سی قرالک
 علیهنه اتفاق ایرک اگر قرال پروتستانلری استیصال
 ایتمز ایسه کندیسنی برمناسیره حبس ایرک برینه دوق
 ده کیزی قرال نصب ایده جکر بنی اعلان ایلدیلر .
 بچاره هازی بو تخویفه اهمیت ویرهک پروتستانلر
 ایله بر محاربه دهسایدوب انجق محاربه ده بوزغونلق
 کوسـترمکه ۱۵۸۰ تاریخنده نراقده عقد اولنان
 معاهده موجبنجه پروتستانلره سربستک ویردی .
 چه فائده که بومعاهده نک دخی حکمی پک آز اولدی .
 حتی ۱۵۸۴ تاریخنده محاربه برقاده شدت بولوب
 هله دوق دالانسونک وقوع وفاتیله پروتستان رؤساسندن
 ناوار قرالی دخی ارثاً ولی عهد اولنجه قاتولیکلر
 خرصلندن چیلدیرمق درجه سنه کلدیلر . نهایت
 قاتولیکلر قرالی پارسدن قاچرمغه قدر موفق اولدیلر .
 لکن هازی فرار ایلدیکی بلوانام محله کویا بعض
 موادک مذاکره سی ایچـون دوق ده کیزی چاغراق
 اوراده قفاسنی کسدیرمکه مر قومک جزای سزاسی
 ویرلش اولدی .

بووقعه اوزرينه بتون قاتوليكر قرل عليهنه
 قيام ايدرك قرالى پارسه قويمامغه عزم ايلديلر . قرال
 دخى نارار قراليله برايز پارسى تخت محاصره يه المشيدى .
 تمام پاي نختى قح ايدجكى ائنهاده يعنى ۱۵۸۹
 اغتوسنت ايلك كوني قلمان سمنده برقاتي ايلك سوء
 قصدى ايله وفات ايلدى .
 ايسته اورليان خاندانك صوك حكمدارى دخى
 بو صورتله ارادن چيقوب بوكره نوبت حكومت بوربون
 خاندانه كلدى كه حكايه احوال تار بخيدسى ايچون
 دخى بوجه آق دردنجى فصلك كشادى لازم
 كلدى .

﴿ دردنجى فصل ﴾

بوربون خاندانك مدت حكومتلىرى

عن ۱۵۸۹ الى ۱۷۹۳

تفصيل - اش - بو بوربون خاندانك دخى قابه
 سيدن سلاله سندن بر شعبة اولديغى بوراده محتاج تطويل
 دكلدر .

اور ایان خاندانک ختامه وصولی فرانسه نك
 پای تختی بولنان پارسی بنه کندی تبعه سی النمن
 قورنارمق ایچوب محاصره ایلدیکی حالده یعنی پارس
 قپوسی اوکنده بولندیغی ائنده واقع اولوب بور بونلرک
 ایلك حکمداری بولنان دردیجی هازینک دخی بنه
 اوراده قرالغی اعلان ایلمشیدی . بو هازری عن
 اصل پروتستان مذهبنده طوغمش و پروتستانلق
 اوغورنده هم شهریلر یله جنک ایتمش بر آدم اولوب
 حتی بروقت آزغن قاتولیکره مغلوب اولدیغی وسن
 یارته لیمی قتل عامندن دخی مجرد پروتستانلغی ترک
 و قاتولیکلیکی قبول ایتمک صورت مجبوره سیله قورتلدیغی
 حالده مؤخرأ بنه فرار ایله پروتستانلرک مقام ریاستنه
 کچمش واک نهایت قرال مقبول ایله پاریشه رق برلکده
 پارسی قورنارمغه کلش بر آدم اولدیغندن شو احوال
 مسروده اگرچه پروتستانلر ایچون کاملاً مدد و حبتدن
 عداولنه رق کرک انلر و کرک معتدل قاتولیکلر کندیسنی
 مع المنونیه قرال اعلان ایتمشلر ای دیسه ده آزغن قاتولیکلر
 عندنده احوال مسروده کاملاً سیمانندن معدود اولدیغی

چہتله انلر بوقرالانی قب۔ ول ایتماشلر وحتی محصور
بولنان پارسک قیوسنی دخی اچامشلردر .
حالب۔ وکہ ہانری رابع حد ذاتندہ غایت جری
جسور عادل مشفق حق شناس عاقل بر آدم اولدیغندن
پارسک کندیسنی عدم قبولدہ کی اصرارینی کورنجہ
اوجھتدن تضییقی گوشہ توب سلاح مقابلہ بی آرق
واپوری نام محلدہ متحد اولان قاتولیکلر اوزرینہ
چووردی وبریسنی ۱۵۸۹ و دیکرینی ۹۰ سنہ لرنده
پریشان ایدرک تکرار کلوب پارس محاصره سنی
یکیلہ دی . بوکرہ دخی قونت ده یارم نام ذاتک
پارس امدادینہ کلسی ہانری بی ایکنجی دفعہ اولہرق
اغو محاصره یہ مجبور ایلدیسه ده قاتولیکلر ہانری کبی
یرقرالک ایلرودہ نہ کبی ایش۔ لہر آچہ بیلہ جکنی حساب
ایلدکلرندن «اگرینہ قاتولیک مذہبنہ کیر ایسه
کندیسنی پارسہ قبول ایدرز» دیہ خبر کوندرہرک
یوتکلیغک قبولی ایسه ہانری ایچ۔ ون کوچ برشی
اولدیغندن ۱۵۹۳ سنہ سنده ہانری ینہ تبدیل
مذہب ایدرک پای تختہ کیرہ بیلشدر :

ہاڑی رابع پارسہ کیروب دہ عاصی اولان قاتوایک
 رؤسای حضوریتہ چیقہ قلمری زمان کو یا ہیج برشی
 اولماش و صانککہ او کون حکومتہ انتخاب و تعیین
 قلمش کی طور انمش . لیکن ۱۷۹۸ تاریخندہ
 (ادی دہ نانت) سر او حہلی بر بیاننامہ ایلہ پروتستان
 آیینی رسماً طانیہرق و حتی پروتس۔ تانلرہ برچ۔ وق
 امتیازات دخی ویرمسی شدتلی قاتولیکرک جکرینی
 یاقشدر .

اسپانیا دولتیلہ ورون عہد نامہ سنی تنظیم ایدرک
 فرانسه نک ہر طرفہ صلح و آسایشنی تأمین ایلدن صکرہ
 ہاڑی رابع قلیجی مز راغی بر طرفہ آتوب طول مدت
 محاربات و علی الخصوص داخلی اختلافات ایلہ صوک
 درجہ ضعیفہ تہنی ایتمش اولان فرانسه بی تداوی یہ
 باشلادی . واقعا الحق موفق دخی اولدی . اول
 سوللی نام مشہور مالیہ ناظری معرفتیلہ دولتجہ اول
 قدر تصرف و او درجہ حسن ادارہ بہ موفق اولدی کہ
 تخصیلات ایچون اہالینک جسکر لری سو کولمکدہ
 اولدیغی حالہ، اولکینک نصفندن آبرا یاراد ایلہ

مصارفات قایدیه بملکه باش-لادیغندن خلقك بر از
 نفسی کنیشهله دی . بوندن صکره صناعت
 ویا خصوص زراعتی کندی حایه مخصوصه سی الته
 اللوب بونلرک محصولی خارجه صائمقدن عبارت
 بولنسان نجارتک دخی تأمین و ترویجی امرنده
 هر فداکارانی کوزه الدير مغنه اهلینک الی پاره کورمکه
 دکل جنبی پاره طولغه دخی باش-لادی . اهلینک
 ثروتیه برابر متناسباً ارتان واردات دولتک فضله سی
 ایچون درحال بر مصرف قیوسی آچیه رفق فضله
 وارداتی دخی بریکدیره بریکدیره خزینهلری دخی
 طولدیرمشیدی . داکلک بیوکی جبرک بیوکندن
 اولور، حکمنجه اوچ بش سرمایه بی بر آرایه کتوروب
 شرکت صورتیه ایشه باش-لامق ایچون اصحاب
 سرمایه بی بالذات قاندرمغه همت ایدن حکمدار
 یواولدی .

الحاصل طقوزنجی لوئیدن صکره کلان حکمدارلرک
 ائع-لاسی هانری اولوب انجیق آزغن قاتولیکره
 بوقدر خدمتله یارانمغه موفق اوله یه رفق بش التی

دفعه نهمه سوء قصد ایدلدیکی کبی نهایت ۱۶۱۰
سنه سی مایسنگ اون دردنجی کونی ردایلاق نامنده
پر متعصب قاتولیکک بچاغی التنده وفات ایلشدر .

هانری ایچون تاریخک آریوب آریوبده بوله بیلدیکی
قصور براز زیاده جه زندوست اولسندن عبارت
اولوب متعدد کزیده ومعشوقه لری میانده غایره یهل
دستره نام قارینگ اک مقبول ومقرب اولدیغنی حکایه
ایدر . لیکن بو عصرده یالکزهانری دکل فرانسه
کبارینگ جله سی عندنده شهوت پرستک رواج
بولمشیدی که بودخی خلقه کلان وسع و ثروت
سایه سنده حاصل اولشیدی .

هانزینگ وارثی اوله رق قلان اوغلی هنوز طقوز
یاشنده بولنان اون اوچنجی لوئیدر که والده سی ماری ده
مدیسینگ وصایتی التنده اوله رق قرال نصب ایدلشدر .
اشبو ماری ده مدیسی دیدیکمز قرالچه سابق
الذکر قاترین ده مدیسی کبی ایتالیا پرنسسلرندن اولوب
دها فرانسه یه کلدیکی زمان ما بینجیلاک خدمتیه برابر
کتورمش اولدیغنی قونسینی نام ذاتی بیولته بیولته

فرانسه مارشالی رتبه سنه قدر وارد یرمش و باخصوص
قوجدهسی وفات ایدرک صبی اوغلی قرال اولدیغی
زمان ارتق میدان یالکز مر قومه آچیق براقوب باش
وکالت منصبه قدر وارد یرمشدر .

واقعا برقر ایچه نک بودرجه دایره محرمیننه
صوقوله بیتک خلقک سوء ظنی ایچون کافی ایدسه ده
کزیده نک طور متکبرانسه سی دخی هر کسی قیرمش وهله
سن بلوغه واران قرال جنابلیری دخی مر قومک طورینی
چکه مامکه باشلامش اولدیغندن جله سنک اتفاق
رأیله ۱۶۱۷ تاریخنده مر قوم قونسینی لورسیراینده
اعدام ایدلمش وقاریسی دخی سحر بازاق تهمتیه
جزای اعدامی کورمشدر .

بومسئله دن صکره کنج قرال دوق ده اوین نام
ذاتی کندیسنه باش وکیل و سرداش انتخاب
ایلشیدی . واقعا سر آمدان بونی دخی چکه میهرک
قرالی بونی ده اعدامه مجبور ایتمک ایچون سلاحه
صارلدیلر ایسه ده مغلوب اولدیلر . نهایت بو باش
وکیل دخی اجلیه وفات ایلدکن صکره باش وکالت

مشهور ریشلیو به توجه اولندی . (۱۶۲۱)
 اشبور ریشلیو اول امر ده عسکرک مسلماننه
 سلوک ایدوب بعده تبدیل طریقله پاپاسلغه باشلامش
 وقار دیناللق مسندینه قدر چیقمش فطین جسور
 درایتکار و بالکز براز دکل زیاده جه غدار بر آدم
 اولدیغندن اون اوچنجی لوتی بونک زمان اداره سنده
 هرجهتجه غالب اولدی . اول امر ده ریشلیونک
 خصوصت کوستردیکی طرف پروتستانلر اولوب انلر
 دخی سلاحه صارملغله ۱۶۲۸ تاریخنده روشل نام
 محمله پروتستانلرک قوتی قیرله رق محل مذکور
 فرانسه دن آیرلمش ایکن تکرار ضبط اولندی .
 صاواوا دوقه سی او زمان فرانسه نک و با خصوص
 قاتولکلرک طرفداری اولان مونته دوقه سی اوزرینه
 هجوم ایلدیکندن ریشلیو دوق مومی الیهک
 اوزرینه قرالی سوق ایدرک حقندن کلدردی .
 ۱۶۳۰ تاریخنده لوتی ایتالیا طرفلرنده اسپانیوله
 والمان قوه نجتعه سی اوزرینه براردو سوق
 ایدرک غلبه ییه دخی نائلیتله کراسق معاهده سی

هوجبنجه فرانسه نك غايبیت وحاكيتنی عالمه كوستردی
 بوندن صكره ۱۶۳۲ تا ۱۶۳۳ ریشلیودن ناخوشنود
 بولسان وقرالك برادری اولان غاستونك ترتیبیه
 اسپانیا قرالی و المانیا ایمپراطوری دخی داخل اولدیغی
 حالده كرك قرال و كرك ریشلیو علیهنه بر عظیم
 عصیان ترتیب ایدلمش ایدیسسه ده وقت وزمانیه خبر
 انهرق بوايشده مدخلی بولسان مون مورانسی دوقه سنك
 باشی كسیلدی وقرالك قزنداشنك دخی حدی حدودی
 بیلدی .

اسوج قرالی اولوب پروتستانلرك حریتنی محافظه
 المانیا طرفه غایبانه محاربه لاله شهرتسه عار اولان
 كوستا و آدوفك وفاتندن صكره (اسوج عن صحیفه
 ۱۰۳ الى ۱۱۱ مراجعت اولنه) اون اوچنجی لونی
 هر نه قدر قاتولیکك فکرینه ذاهب بر آدم ایدیسسه ده
 كرك كوستاوك متفق اولدیغنه و كرك المانیا و اوستریا
 قوتنك قیرلسی فرانسه قوتنك آرتمنسه مدار اوله جغی
 حساب ایتدی ریدیکنه مینی در حال المانیا و اوستریا
 و اسپانیا علیهنه اعلان حرب ایلدی . محاربه ده

فرانسه المانیا و ایتالیا و اسپانیا حدود لری اوزرنده
 طرف طرف گاه غالب گاه مغلوب اولمش ایسه ده نتیجه
 محاربه ده فرانسه کارلی چیمغله ریشلیو ارتق ایستدیگی
 کی بر معاهده صلحیه یاپق ایچون ایتالیا یه کیتکده
 ایدی . انجق ۱۶۴۲ تار یخنده وقوع وفاتیله بوایشی
 یجره مدی .

اون اوچنجی لونی حد ذاتنده ضعیف القلب غایت
 شهوت پرست غیر مقتدر بر پرنس اولوب زمانک ونجه
 غالبیتی ریشلیونک کفایت وجسارتی سایه سنده وقوعه
 کلور ایدی . کندسی ذوق وصفادن بشقه برشبله
 مشغول اولیوب هانری رابع زماننده باشلایان شهوت
 پرستلک بونک زماننده برقاندها قوت بولدی . هله
 بر ایدسی که قرال دخی بر سنه صکره ریشلیونک آرقه سندن
 خرته کیتکله کندسی ضعفنک وسوء اداره سنک سیئاتنی
 کورمه دن اغز طادیله ملک دنیادن یقایی قورتارمش
 اولدی .

مومی الیهک برینه کچن ذات بش یاشنده بولنان
 اون دردننجی اوئیدر . لونی رابع عشر فرانسه نک

طول مدت حکومتیله برابر کمال شان و شرفله مشهور
اولان حکمداریدر . مدت صباوتنده والدهسی آن
دو تریش وصی نصب اولنوب اودخی پایاسلقدن کله
و فقط ریشلیویه ثانی اوله جق قدر فطین و غدار
اولان مازار دن نام ذاتی کند یسنه باش و کیل انتخاب
ایلدی .

بو یله درت بش یاشنده کی چوجقلری تخته
حقیقار مقده اولان فن القلر هر یرده هر وقت کور یله
کلدیکی کی لوئی رابع عشرک مدت صباوتنده دخی
مازاره نیک خصمسی بولنان بعض کبار مر قومی اوج
اعلای اقبالدن دوشورمک ایچون (فروندوز)
نامه یله عظیم برفساد جمعیتی تشکیل ایلدیلر . بوجعمیتک
اساسی قرالجه والده جنابلرینک مازار نه کوستردیکی
شدت توجهدن ! عبارت اولوب خلق میاننده
قوتی ایسه ویرکولرک آرتمسندن وموازنه مالیه نیک
بولنده کیتامکده بولنمسندن نشأت ایتمکده ایلدی .
فساد مذکورک موجب اولدیغی محاربه داخلیه ۱۶۴۸
دن ۱۶۵۳ سنه سنه قدر دوام ایلدی . غالبیت

ومغلوبیت بر قاج دفعه ایکی طرفه دخی تجلی ایدوب
 حتی برارالق قرالیه والد، اوغلیله برابر سن جرمنه
 قاجش و برارالق دخی مازارہنی یانندن دفع ایلمش
 ایدی ایسه ده نہایت امرده مازارہن ووالده طرفی
 غالب کلوب خصمان بر قاجنک دخی باشنی کسمشدر .

قرال صبی زماننک وقوعاتی یالکز بوندن ده عبارت
 دکلدر . داخلده شو محاربه اورتہ لغی ہرج و مرج
 ایدر ایکن خارجده دخی اسپانیا و المانیا الہ محاربه لڑده
 دوام ایتمکده اولوب ہلہ قرانک واصل سن رشد وکال
 اولسی ۱۶۵۱ بووقوعات حربہ نک جہلہ سنہ خانمہ
 چکمش و عقد اولنان معاهدہ فرانسہ ایچون صلح
 و اسایشی تأمین ایلمشدر . حتی عقد اولنان معاهدات
 صلحیہ اوزرینہ لوئی رابع عشر اوستریا و اسپانیول
 خاندانندن انفانت ماری ترہزلہ عقد ازدواج ایتمشدر کہ
 بو ازدواجک صلح و صلاحی بر قاتدها تأیید و تأمین
 ایدہ چکی درکاردر .

اون دردنجی اوئینک مدت ضب اوتی حکومتی
 محاربات داخلہ الہ اشغول ایدن مازارہن ۱۶۶۱

تاریخنده وفات ایتمکله لوئی بتون بتون بالاسه تقلال
 قرال اولدی و دولجه امور دولتی دخی کندی کف
 کفایه سنه الدی و موجود اولان صلیب و اسایشدن حزیله
 استفاده ایچون درحال ویرکوری دخی آزالنوب خلق
 زراعت و ضاعت و تجارتک ترقیسنه تشویق ایتمکله
 باشلادی . لوئینک بو یولده کوسه تزدیکی همت
 و فداکاری سابق الذکر هاری رابعی دخی فرسخ فرسخ
 کچوب فرانسهک شمعی به قدر آرنمده بولنان ترقیات
 صنایعه سنک اصل تمنی بو ذات آتمش اولدی .
 فرانسه ایچون بونک وضع ایلمدیکی نظامات الحق
 مدنیته کارانه بر صورتده در . هله ترقیات معارف
 امرنده کی حسن همتی هیچ بروقتده کورلمش شی
 دکادر .

۱۶۶۵ تاریخنده زوجه سنک پدری اولوب المانیه

ایمپراطوری بولنان فلیب رابع وفات ایتمکله قرینک
 جهازی اولدیغی حالد هتوز و برلماش بولنان
 فلاندر و فرانش فونته مالکانه لرینک اعطاسی دعواسنه
 قیام ایلمدی و بودعواسی رد اولنور اولنر همانه

فلاندر اوززینه یوربوب دفعه کافه مملکتلرینی ضبط
ایلدی . ایرتسی سنه فرانش قونته بی دخی بوصورت
سریعه ایله ضبط ایلشدر . لیکن بومسئله دن طولایی
اسپانیا دخی ایشک ایچنه کیرهک آچیلان محاربه ممتد
اوله جغنی لوئی حساب ایلدیکندن یالکز فلاندر ایله
یالاکتفادیکرینی اعاده ایدرک اعداسیله عقد مصالحه
ایلشدر . زیرا ایشک ایچنه هولاندا دخی قاریشه رق
یوکیدیشه فرانسه بی هر طرفدن صاره بیله جکلری
جهتله اون دردنجی لوئی بومصالحه بی عقد ایتمکی
گرچکن واجب کورمشیدی .

مصالحه مذ کوره دن صکره لوئی غو بلنس نام
محلده برطاق مانیف قتور افابریقه نزی وصابونخانه
وساره بناسیله ینه اصلاحاته مباشرت ایلشیدی .

۱۶۷۴ سنه سنه قدر لوئیک دوام ایلدیکی اصلاحات
فرانسه بی بریوک محاربه یه سوق ایده جک قدر
قوتلندیرمکله مقدا اسپانیا وساره ایله بالاتفاق
فرانسه یه برون بیولتمش اولان هولاندانک حدینی
هیلدیرمک دعواسیله لوئی هولاندایه اعلان حرب

بلدی . لیکن کنديسي دخی حساب ایلدیکی وجهله
 رحال قارشوسنده اسپانیا و المانیا و اوستریا
 دولتی ده بولدی . بو محاربه فرانسه ایچون
 ک شانی ایدی . زیرا فرانسه بو دول متفقہ نك
 لوپنه دکزدن قره دن غلبه ایتکلہ برابر ینہ لطفاً
 صلح تکلیف ایلدیرک ۱۶۷۸ سنه سنده نیچ
 عاهدہ سی فرانسه نك شان غالبیتی تأمین ایلدی .
 اصل تفصیل کیفیت المانیا تاربخنده
 وستریله جکی وجهله اوزمانلر جزایر دایلیری عالمده
 کندیلرندن قوی هیچ بر کیمسه بی کوره مدکلری
 هتله بر فرانسه کیمسنی بغير حق طوپه طومش
 اولدقلرندن اون دردنجی لوئی بر مکمل دونما
 رسالیله جزایری طوپه طومشدر . (۱۶۸۲)
 حاصل لوئی رابع عشر زماننده فرانسه نك عظمت
 اقبالی کیتدیجه آرمش اولدیغندن اوروپا دولتلری
 فرانسه بی بو حال اقبالده کورمکه طیانہ میهرق ذاتاً
 لکبر بولنان اسپانیا و المانیا و اوستریا به بو کره برده
 نکلتره وهولاندا التحاق ایدرک جمله جه فرانسه

اوزرینه هجوم ایلدیر . بو محاربه ۱۶۹۲ و ۹۳ و ۹۴ سنه لرنده کمال شدتله دوام ایلدی . گاه فرانسه و کا، اعدا غالب و مغلوب اولوب انجق هر غالبیت و هر مغلوبیت بحق حکمنی اجرا ایدر ایلدی . نهایت ۱۶۹۷ سنه سنده عقد اولنان ریزویق معاهده سی فرانسه بی ینه اسکی حدودی داخلنده براقه رق کار و ضررک تساویسی بو صورتله بر مصالحه تأسیس ایلدی .

اسپانیا قرالی ایکنجی شارل ۱۷۰۰ تاریخنده وفات ایلدی کی زمان تاج و تختنی آنزو دوقه سی قلیب ده فرانسه ترک ایتش اولدیغندن لوئی رابع عشر بو حق استیفا ایچون بر یکی محاربه دهها آچش و اسپانیا و المانیا و اوستریا عسکر یله فرانسه عسکرینک غایبانه و مغلوبانه محاربه نری بش اتی سنه دوام ایلمش ایسه ده انجام کار فرانسه فنا حالده مغلوب اوله رق هله ۱۷۰۴ سنه سنده هاشت مغلوبیتی فرانسه بی عادتاً بر انقراضه یا قلاشدیر مشدر . حالبوکه فرانسز لر ۱۷۰۶ سنه سنده رامیلی نام

مجلسه دخی شدیداً مغلوب اولدقلرندن ارتق اون
 دردنجی اوئی حیرتندن چیلدبرهقی درجه سنه کلدیکی
 حانده نصلسه ۱۷۰۷ اسپانیا ایچنده فرانسه
 عسکری المانزا غلبیت عظیمه سنی قازانمغله و بحراً
 دخی فرانسه دونماسی اسپانیول دونماسی بر قاج
 برده پریشان ایتمکله ایرتسی سنه اوئی همان عقد
 مصالحه به راغب اولدی .

بر دولت متعدد مغلوبیتلردن صکره نائل اولدیغی
 برغلبه اوزرینه صلحه طالب اولور ایسه چونکه اوزمانه
 قدر دوام ایدن طالعه سزلك ایلك غلبه دن صکره ارتق
 یاورى طالعہ منحول اولمش دیمک اوله جغندن
 احتمال که غلبات اخیر سی اولیکی مغلوبیتک آجیسی
 دخی چیقاره بیلور . بوضورت تاریخیجه تکرر ایتمش
 مجرب اتدندر .

بناء علیه اوئی رابع عشرک تکلیف ایلدیکی
 معاهده صلحیه بی قبول ایتمک اعداسی ایچون لازم
 ایکن انلر کبرایدرك قبول ایتمدیلر . واقعا نجددایدن
 محاربه لرد: براراتق فرانسه ینه مغلوب اولدی .

انجمنی ویللا و بچیزاده جنرال و اندوم ۱۷۱۰ سنه سنده او بله برغلبه به نائل اولدی که عسکر اعداچیل یاورسی کی طاعنقله دخی قالمیه رق همان قویون سوزوسی کی عادتاقورت مثال فرانسه عسکرینک النده محو اوله یازدی . بوکره خصما مصالحه یه راغب اولدیله . حتی اسپانیا تاجنی برموجب دعوا قلیبده فرانسه ویردیله ایسه ده لوئی جنکدن ینه یوزچو یرمیوب جنرال ویلار دخی ذن نام محلمده اعدایی دهها زیاده رذیلانه مغلوب ایتمکه ۱۷۱۳ تاریخنده عقد اولنان اوتره سن معاهده سی فرانسه ننگ اسکی عظمتنه عظمت قاتمیش اولدی .

لوئی دخی بومعاهده دن ایکی سنه صکره وفات ایلمدی . فرانسه ده لوئی رابع عشر قدر اوزون مدت حکومت ایتمش هیچ بر حکمدار اولمیوب اولاد ذکوری کندی حیاتنده ایکن وفات ایتمش اولدقلرندن بعدده وفاته طورنی اون بشنجی لوئی یرینه قرال اولمشدر . لوئینک زمان حکومتی فرانسه ننگ هرجه تجمه وعلی الخصوص ادبیانجه کی بولک زمانی

ایندی . برچوق شعرا و از جمله قورنهیل وراسین
 و مولیه رولا فونتین و بوالو بوس و نه و فنلون کی
 لرلی یا لکز فرانسه بی دکل عالمی طولدیرمش اولان
 ارباب شعر و انشا هب اوزمانک فریدلرندن اولوب
 فرانسه بی عالمه صاحب ثروت صاحب مدنیت برملت
 ناولق اوزره طانتش لر در .

حکمت تاریخیه نظرنده اون دردنجی لوئینک
 یوانه بیلان برقصوری پک زیاده زن دوست اولسندن
 و بوس سفاقت اوغورنده پک بیوک اسراف کوزه
 الدیرمسندن عبارت اولوب پارس جوارنده کائن
 و رسایل نام موقعده ایوم برباغ ارم آساحیر تبخش
 عقول اولان باخچه لر و بونلرک دروننده هر بری برقص
 یابل اطلاقه سزا سرایلرهب اون دردنجی لوئینک
 سفاهتی آثاری اوله رق اتمک طواولری التون صرفیله
 افشا و خزینده لر صرفیله تزین ایدلمش لر در . بو قرالنه
 آس تفراش ایتمش اولدیغی قاری قدر عالمده همان
 هیچ بر حکم دارک حرمنه قاری کیرماشدر . هله
 لالوالیه ره موندسه پان و فونتاژ و باخصوص منتنون

نام معشوقه نری میلیون لجه فرانخی برصفا اوغورنده
 صرف ایتمش وهر بری قرالی دامن عشق واشتی اقلرینه
 صارمش قاریلردر . بر والی بی عزل بر باش و کیلی
 نصب کبی ایشلر بو قاریلر ایچون مواد عادیه دن
 اولوب بر پر نسی قتل ایتدیرمک و قتله محکوم بر آدمی
 قورتارمق جنک آچق صلح عقد ایتک کبی امورده
 دخی نفوذلی وار ایدی .

الحاصل فرانسه نک بودور شهوانیسنی بحق
 تصویر یولنده جلدلر طولدیرمق ممکن اولوب
 مع هذا بر محب و به نک نیم خنده تبسمی اوغورنده
 جهانی آلت اوست ایتکی کوزه الدیران قرال
 حریت شعار بر ذات عالی قدر اولدیغندن بویله
 بر حکمدار مر و تشعارک ایتدیکی صفار خلقه آخر
 کلک شهویله طورسون تاریخ دخی کندیسنی
 یو بایده معذور کوره رک حکمدار مشار الیهی بیوکلک
 عنوانیله «بیوک لوئی» دیه یاد ایلشدر .

اون بشنجی لوئی دخی بیوکل پدیری کبی هنوز
 یش یا شنده بر صبی اولدیغی حالده مقام حکومته کچوب

اورایان دوقه سی قلیب وصی تعین اولمشدی .
 لوقی سن رشده وارد بخی زمان وصیسی بنده باش
 وکالت صورتبه خدمتده ایضا ایلمدی که بوذات
 نصایح عافلانسی سایه سنده لوقی برمدت حسن اداره
 اموره موفق اوله بیلدی .

۱۷۲۳ سنه سنمه قلیب وفات ایتمکله بنده خاندان
 قرالی اعضا سنمن دوقه ده بور بون باش وکالت مقامنه
 کتورلدی ایسده بوذات ذاتاً کار آشنا بر آدم
 اولدقدن بشقه غایت سفیه مشرب اولدیغنه
 وحایه که بو عصر فرانسه نیک دور شهواندینک
 مرتبه کالی بو اندیغنه مینی ابشیر کوچیزه پ قاریلرک
 الا کوزلری خاطر ایچین کورلرکه باشلامش و بناء
 علیه خزینه دولت بو شامد قیچیه بو شامغه یوز طوموشدر .
 دولتک شو سوء اداره سی خلق بیتمده بعض قیل
 وقاللری موجب اولد قیچیه خفیه مأمورلری واسطه سیه
 ارباب قیل وقال خبر انهرق در حال یا ازاله یاننی ایدیلور
 اولدی . هله فسادک باشی پروتستانلرده کورلدیکی
 جهتله بر وقتدنبری حریت دینده لری نه ایلیشیا مکده
 بولنان پروتستانلر تضییق آلتنه المنغه باشلادی .

یو کیدیشله فرانسه نك طابعی پك فنا دیگر کون
 اوله جغنی بعض دور اندیشان عتلا قرله عرض
 ایدرك فاردینال فلوری بی باش و کالت مسندینه
 کتوردیلر . واقعاً بو ذات بحق پاپاس و غایت فطین
 و کارشناس اولوب اصلاح احواله کفایتی بعض اجرا
 آتیه کوستردیسه ده او عصر فرانسه نك درایت
 و کفایت عصری اولوب هر ایش قیامه لرك معشوقه لرك
 رأی و تنسیبیه کورلدیکندن بو غیر تلی باش و کیل
 دخی اصلاحاتدن اظهار عجز ایلدی .

اورته لاق بدرجه به گلشیدی که کیرلی صفاخانه لر
 نامیله بعض تنه ایلرلر ده و خارجاً مر دارخانه لرك داخلاری
 میلیونلر صرفیه کی دوشه دیلوب ایچنده ذوق و صفا
 ایدیلورایدی . امانه ذوق و صفا؟ او قبیل شیر که بر مورخك
 قلبی بونلری حکایه دن دکل حتی خانه لرك دیورالزینه
 آصیلان رسم لرك تعریفندن بیله خیالیدر . شو قدر دیلم که
 کبار میاننده عار و ناموس دنیلان شی او یونجاق
 هر تبه سنده قالب ناموس و وقار دعوا سنده بولنانلری
 وهله قیود دینه به رعایت ایدنلری عاتنا استهنرا

ایدی و پرررل ایدی هر زوجتک بر معشوقه سی و هر
زوجتک بر عاشقی اولوب حتی بعض صفا خانه رده
زوج و زوجتک بر برینه تصادفی ایلدکاری دخی اولور
ایدی . معاذالله !

ناموسکاران اهالی بو حالاره باقد فجه اوزوم اوزوم
اوز یلور و هر کسک ایچندن قان کیدرو هله اون دردنجی
لویی زمانده ایدی لان محارباتدن طولابی خزینه به
ضعف کلی کیش اولدیغی حالده شهوت پرستان
عصرک سفاهت و اسرافترینه قان اغلار ایدیسه ده
کیار عنندده به نلرک هیچ بریسنک ذره قدر تأثیر
اولیوب انلر عنندده فرانسه نک کمال شوکئی حالارنده
اولدیغی ادعا ایدی لور ایدی .

۱۷۴۰ تاریخنده المانیا امپراطوری النجی شارل وفات
ایلد کده حق و ورثت باو بر ایله اوستریا میاننده منازع
قید اولوب بو منازعه به المانیانک سائر بر طقم حکومتلری
اشترک ایلدکاری زمان شراب تأثیراتیله اذعانلری
اینجامش بولنان فرانسه و کلاسی بر تبسم عشود کارانه سته
جهانی فدا ایلدکاری قاریلرک سو قیله قرالی باو بر

القتوراسی شارل البرتک لهنه تشویق ایلدکلرندن
اوسترا و منفعلری علیهنه اعلان حرب ایلدی و المانیا
ایمپراطورلغنیك حق و رثتی التجی شارلک قزی
ماری تهزك ایکن بو حقه رعایت ایلدیه رك باویرا
القتوراسی مقام ایمپراطوری به اقعاد ایلدی .

بومسئله ده فرانسه نك ذره قدر منفعتی یوق
ایکن بونجه مصارف اختیاری ذاتاً ~~کار عاقل~~
اولدیفنی حالده برده ۱۷۴۳ سنه سنده تترن نام
مخلده فرانسرل اوستریا و ایله منفعلری بولتان
انکلتره و سائریه اویله بر مغلوب اولدیلر که تعریفه
صیغرن . لیکن بومسئله ده لوئیک معشوقه لردن
شاتورونام قاری مطلقاً باویرا القتوراسنی الترام
ایلدیکندن قرال جنابلری بالذات موقع محاربه به
کیدرک واقعا المانیای شمالی و بلچقا و هولاندا طرفلرند
فداکارلقلر صرفیله فرانسه غالب اولمش و یالکرایتالیا
طرفلرنجه بعض مرتبه مغلوبیتلر یوز کوسترمشیدی .
لیکن ۱۷۴۸ سنه سنده عهد اولتان اقس لاشاپل
معاهدسی حکمنجه فرانسه نك شمالاً قازاندیفنی

غلبتک دخی هیچ بر حکمی قلمدی .

و محاربه بی شوقدر مجنونانه اختیار ایدن فرانسه
 دولتک احوال حاضره معلومه سیله مغلوب اوله جفته
 شبهه اولدیغی کبی (انکلتزه ص ۲۱۹ الی ۲۲۳
 ص) ذتاً بالنسبه قوی بولنان المانیا اوستریا ایتالیا
 و سائره کبی اوروپا تک دول بریبه سنه برده انکلتزه تک
 بر حقوق منافع مطالبه دعواسیله - اشتراک ایش
 اولسی دخی فرانسه تک پریشانلغنی مستوجب اولمشیدی .
 حالبوکه فرانسه زل اوله سفاهت و اسرافدن عبارت
 بر اداره و اخلاقه محاربه ایذبله میه چکنی اکلامیه رقی
 مصداقاً محمدان انتقام المی غیرنندن آیرلیدیله . ایشته
 بو غیرت عامیانه تک سو قیله ۱۷۵۶ سنه سنده مشهور
 محاربه هفت ساله آچلدی که بونده فرانسه زلک نصل
 برضیت عسکریه ایله ایشه باشلادفلرینی اکلامق
 ایچون اولجه المانیا ایمپراطورلغنی حقنک ماری تره زدن
 اندرق باویرا القتوراسنه ویرلسی ایچون بونجه جانلر
 بوخزینسه لر فدا ایدلمش اولدیغی حالده ماری تره زک
 شارل خامس عشر معشوقه لرندن بریسنه یازدیغی

براستحاننامه اوزرینه معشوقه من بوره نك ايراميله
يوكره محاربه نك اوستريا لهنه و باويرا و پروسيا عليهته
دوغمش اولديغنه دقت ايتليدر .

لكن محاربه يالكز برجهته بر ماده يه بر مسئله و مطالبه
منحصراً قالمدي . ايشك ايچنه دول سائره دخي
كيره نك باشلوجه ايكي قوله منقسم اولدي . برنجيسي
پروسيا قرالي ايكنجى فره دريقك انكلتره ايله بالاتفاق
اوستريا و فرانسه و روسيه نك اوچنه بردن ميدان
او قومه سي و ايكنجى سي دخي هند و آمريقا دكر زنده
فرانسه ايله انكلتره نك دو كوشميدر .

پروسيا قرالي فره دريق مهارت عسكريه سي مسلم
جهان بر حكمدار ايديسه ده قارشوسنده بولنان اعداي
متفقه بك قوتلي دوشمك جهتيه هر طرفجه مغلوبيتلره
دوچار اولشيدى . اكر اوزمان روسيه امپراطور چچه سي
بولنان البرات و فات ايدوب يرينه اوچنجى پترو جلوس
ايتامش اولسه ايدى پروسيانى عادتاً بتون بتون مضمحل
اولمقدن منع ايده جك بر قوت قالماشيدى . هله
اوچنجى پترو پروسيالو ايله اتفاق ايلديكندن پروسيه

عالمی ہند بولمان دولتک عمومی مغلوب اولدی هله هند
 و امریقا سولزنده ایدیلان محاربات بحر یه جه فرانسه نك
 زبانی حده حسابہ كلز . الحاصل بو محاربه هفت
 ساله نك نتیجه سنده فرانسه دولتی قوه بحر یه سنی عاداتا
 تمامیلہ و کالیله غیب ایدوب هندده بولمان مستملکاتنی
 و امریقادن قاناده ایاتنی انکلتریه ترکه مجبور اولدی .
 قره جهته کلجه فرانسه نك اوروپا یچنده ایلر طوتاری
 قالیوب عادتاپك جزوی بر مقدار عسکری بیله بسیلہ مکدن
 عاجز قالدی .

واقعا اون بشخی لوئی زمانده محاربه ایدلدی
 لکن بو محاربه ایتمکه قدرت قالدیغنی ایچون ایدلدی .
 انجق داخلی قاریستقلقل ارتدقچه ارتدی . کوریلان
 مغلوبیتلر اوزرینه خلقک دلی اوزاندقچه اوزاندی .
 «عالمده قاریدن ذوقدن بشقه برشی دوشونمیان هیتمک
 پیاجنی ایش بو قدردر ، دبه هر کس بیک لقردی
 سویلر و هر لقردی سویلیانلر ازاله ایدلمک درجه سنده
 عقوبات کورور ایکن ینه سویلر ایدی . بو قدر
 سوزلر کویا جزو بتلر طرفدن نشر ایداریکی روایت

اولیٰ مسئلہ برابر انگری دخی ازالہ یہ باشلا دیلرہ پروتستانلر
 ذاتاً سبیلہ التندہ بوانوب قاتولیکلر دخی شو جزویت
 مسئلہ سندن دایکیر اولنجہ عموم ملت دولتک دشمنی
 اولوق حکمنہ کیردی . اوتہ طرفدن ایسه کیرلی صفا
 خانہ لرایچون برطاقم ارباب ناموسک قزلی دخی بالاغفال
 قاجر لدیغندن بو حال خاقی صوک درجہ یہ قدر ما بوس
 ایدر ایدیسہ ده عرضنه نصاحب ایدن بیچاره نک
 کیده جکی بر باستیل زندانی اولدیغندن ارتق اورتہ نعت
 حالی اغلانہ حق درجہ نی بولدی .

اوزمانلر کو یا فرانسه ده برده پارلامنتو وار ایدی کہ
 برطاقم مبعوثان ملت اورایہ طو بلانوب اقسامہ قدر
 اسنہ مکن بشعہ هیچ برایشه باقرلر ایسی . باقدیر عززلر
 ایدی کہ باقسونلر ! اوزمان فرانسه ده بر آدم عرض
 اہلی اولوز ایسہ حق و بلاعتلہ محکوم اولدیغندن
 فاحشہ لرایلہ بونلرک پرستشکاری وارا یکن پارلامنتویہ
 ہانکی ایش حوالہ اونہ بیلور ایدی ؟ نہایت
 یو پارلامنتو کو یا اصلاح احوالی عزم و جزم ایدرک
 قرلہ بعض شیلر عرضنه منجاسر اولنجہ اعضاسنک

هر بری حقارتله طرد و پارلامنتو دخی لغو ابدادی که
 سنه ۱۷۷۱ اولوب ایشته فرانسه بیوک اختلالنک اصل
 موجبی نومسئله اولمشدر . زیرا پارلامنتودن طرد
 اولنان اعضانک هر بری فرانسه نك بر طرفنه کیدرک
 دولتک نه قدر سوء احوال ایچنده بولندیغنی نشر ایدرک
 افکاره غلبان و بر مکه باشلامسـ لرو بونلرک هر بری
 ملت اراسنده سوزی دیکنور ذواتدن اولغله سوزلرنده
 آتیر دخی کوره شلردر .

اگر لوتی خامس عشر صاغ قالمش اولسه ابدی
 عصرینک بونجه سیئات احوالنک جزای سراسنی
 هم ده بحق کندبسی جکه چکی درکار ایدی . فصل که
 بر کره یعنی ۱۷۵۷ تاریخنده حیثکاران اهـ الیدن
 بریسی قرننه ریچاق صوقش ایدی ایسه ده یاره سی
 التیام یذر اولمشیدی . هله برکت ویرسون که ۱۷۷۴
 تاریخنده بر چیچت علتندن تکراندی کتدی ده
 بوضورتله بنه فورتمش عد اولندی . لیکن چه فایده که
 انک سوء اداره سنک سیئه سنی بیچاره اون التجی لوتی
 چکدی .

بو اون بشجی لوئی حتمندہ تاریخ سو یلیہ جکی
 سوزری وایدہ جکی محاکاتی بزبورایہ قدر ایتدک
 یتوردک . باقی فلان شی ارباب مطالعہ یہ مار کبر
 یومیادور و مادام دوپاری ایله رده دوشس ده شاتورو
 تام اوچ معشوقہ سنک هر بری فرانسنک ناموسلی
 چهره سی ایچون بر بیوک عیب لیکدسی اولدیغنی
 اخطاردن . یوقار یلرک و کرک بونلردن بشقه مار کبرلک
 قوندسلک فلانلق رتبه سنه ایصال ایدلمش بونلرلرک
 الک چوغی اک اردل کارخانه لردن کتورلمش شیملر
 اولوب قرال جنابلرینک بونلرله اولان مصاحبہ سی
 دخی عادتالک سر بست خوارده لک قبول ایدہ میہ جکلری
 بر بولده ایدی .

ایشته فرانسه بویله آجینه جق دکل حسب الانسانیہ
 اعلانه جق بر حال ایچنده ایکن ۱۷۷۴ تاریخندہ بیچاره
 اون النجی لوئی مقام حکومتہ اجلاس ایدلدی .
 بو ذات غایت حلیم اولدقجه فظین مشفق برشی
 اولوب جلوس بله برابر ذوق وسفاہتہ متعلق نہ قدر
 مؤسسات وار ایسه جملہ سنی الغا ایلدی . طرد

ایدیلان پارلامنتوی بی نہ دعوت و اعضا سنی التفات لیلہ
 مطیب ایلدی . هر عیبی اختیار ایدرک و کلالق
 مستدینه چیمش نه قدر بد اصل وار ایسه جله سنی
 طرد ایله یزیرینه ملتک یعنی افکار عمومیه تک عاقل
 و حیثی طایمش اولدیغی مورہ با و تورغو و ماشرب
 کی ذوتی تعیین ایلدی . و اوزمانلر آمریقا حکومت
 متحدہ سی انکلتزہ دولتی علیہنه عصیان ایدرک محاربه
 ایله مشغول اولدولرندن فرانسہ تک انکلتزہ اولان
 انتقامی المی ایچون (انکلتزہ عن ۲۲۳ الی ۲۲۵
 مر) امریقا لوزرہ معاونتله انجام کار آمریقا
 حکومتک نائل استقلال اولهرق انکلتزہ دن آیرلسی کی
 انکلتزہ ایچون بریوک ضروری قازانه ییلدی ایچق اک
 زیاده واک بیوک ہمتہ محتاج اولاشی امور مالیہ تک
 اصلاحی اولوب قرال بونک برچارہ سنہ باقبق اوزرہ
 ۱۷۷۷ سنہ سی شہباطنک یکر می ایکنجی کونی سر
 آمدان کیاردن مرکب بر مجلس عقد ایلدی سہدہ
 مجلس ایشی تا اولندن الہرق مخزنہ تک بومضایقہ سی
 اسلافکرک سفاهت و اسرافندن نشأت ایلدی .

بز بوجا نه چاره بوايد بپورز هداينك ارتق جانني له ميرنيا؟
 ديه هيج برشيئد فرار و پرمدن طاغلدي كيندي .
 سنه مر قومه تشرين ثاني سنك التجي كوني بو مجلس
 بردها عقد انداش ابدى . ينه برشئد قرار و بر ليجه
 قرال ۱۷۸۹ سنه سى مايسنك بشجى كوني ورسايلده
 برعمومى مجلس دها كشاد ايلدى .

حالبو كه ايش بورتبه يي بولجه به يعنى دولت عا- تا
 افلاس مرتبه سنه وار نجه به قدر ديكر طرفلردن
 ولاياتد بيله سوز آياغه دو شمش و هر يره « پارسك
 حد و نهايتى اوليان سفاهتي دولتي مفاس ايتش »
 س-وزلردن ماعدا هيئت حاضر دنك اصلاح احواله
 عدم اقتدارى دخى بحث ايدللكه و با خصوص قرال
 سابق زمانده نه قدر ظلم كورمش وار ايسه جله سى
 تحريك اذهانه چالشمغه باش-لامش اولديغندن افكار
 عموميه فقر فقر قاينامقده بولشمش ابدى .

بناء عليه ورسايل مجلس عمومى سنده دخى اعضائك
 غلبان افكارى قرالى اور كوده رك و بونجه نمايشلر
 فسك نام باش و كيلي اهالينك سومسندن ناشى كويا

مومی الہک القاتلین بیلہ رک تموزک اون برنجی کونی
 مومی الہی عزل ایلہ پارس وورسایل جوارینہ دخی
 بوایکی محلاک عسکر بنی جمع ایلشدر .

حانبو کہ سوء احوال اہلی بی جانلرندن بقمق
 درجہ سندنہ بیزار ایلدکن فضلہ وطن و ملتک
 سلامتی بولاندہ ہر کیم حرف واحد سویلہ مش ایسہ
 یارسدہ کی باستیل نام حبسخانہ کبیرہ آتلمش اولدیغندن
 بوکرہ نسکر دخی عزل ایدیلنجہ پارس خاقی سلاخہ
 صاریلہرق باستیل حبسخانہ سنی باصمشلر ونہ قدر
 محبوس وار ایسہ جملہ سنی صابویرمشلردر .
 خلقک بوحرکتندہ حالا برسوء فکر اولیوب کویا
 مرادلی محبوس بولمان حینتکاران ملتہ برابر احوال
 حاضر بہ برصورت ویرلسنی قرالہ تکلیف ایتمک ایستزل
 ایدی . ینہ بوامل ایلہ وورسایلمدہ بولمان قرالی دعوتہ
 جمعیتلہ ککیدنجہ بیچارہ قرال بتون بتون اورکدرک
 مقابلہ بہ حاضر لمتقلہ خلق دخی تشرین اولک بشنجی
 و التنجی کونی قرالی جبراً الوب پارسہ کتوردیلر .
 ایشتہ بوتار یشدن صکرہ بیچارہ قرال حریت

بوزی کورده مامشدر .

اهالیکن برمنوال محرر باستیلدن قورتارمش اولدقلری
ذواتدن برطاقیله سائر ارباب جیتدن مرکب برملت
مجلسی عقد اولنهرق بوملت مجلسی ایجاب احوالی
بالمذاکره قراله عرض ایدر و قرال دخی معروضات
واقعہ بی تصدیق ایلمر ایدی . انجق بیچاره قرال
بوصورتله اصلاح احوال ممکن اوله جغنی امید
ایده مدیکندن بشقه بویله بر مجلس مخصوصک تحت
نظارت مسؤلینده حکمدارلق ایتمکی دخی شان
حکومتہ موافق بوله میهرق ۱۷۹۱ سنه سی جزیرانک
یکرمنجی کونی ایدی که فاملیاسی خلافنی دخی یاننه
الهرق پارسدن فرار ایلمدی . قرالک بوفراردن نیتی
موغدی طرفنده کندیسنه الک صادق بولنان اردویه
کندیسنی تسلیم ایتمک ایدیسده دروئه نام موقعه
کلنجہ پوسته مدیری طایمش اولدیغندن وارن
موقعنده بولنان عسکر طرفندن تحت توقیفه انهرق
پارسه اعانه واعزام قلندی . ایشته قرال بوساعتدن
صکره دائم کوز حبسندہ قالبوب حکومتی دخی

اوراق بر لفظدن عبارت قالدی .
 بزوقوعاتی مفرداتی وجهله یا زمیوب یا لکن انقلابک
 نتایج عمومیه سی کوسه تر مکه اولدیغی مژدن احتمال که
 قرال لوئی سادس عشرک کوسه تردیکی تلاش ضعفه
 حل اولنور . اوت او زمان فرانسه نیک ایچی برحاله
 کیرمشیدی که لوئی بیچاره اک قوی القلب بر آدم اولسه
 ینه بو تلاشه بی کوسه مکه معذور کور یلور ایدی .
 زیرا اورته ده موسه یو و مادام رولان و با خصوص
 میرابوکی سوزلر بی کرک خلقه و کرک دولته طانتان
 آدملر و بونلرک هم فکری اولان غزته لر ذاتاً حسن
 اداره سوء اداره نه دیک اولدیغی لایقیله ا کلامش
 یولنان خلقی بردن بره بوسبتون ایفاظ ایتش اولغله
 پارس و جوارنده دکل الویه و ولایاتده دخی طرف طرف
 اختلال جمعیتلری تشکل ایدرک قوتلرینی بیواند کجه
 بیولتمکه باشلامش ایدی . هله پارس و ورسایل
 طرفلرنده املت عسکری مبعوثان ملتک قومانده سی
 آلتنده بولندیغی کبی اصل عساکر نظامیه ایچنده دخی
 هر قسم اعظمی حریت ملیه طرفنی التزام ایدرک شو حاله

کوره قرال بوانه جق برذات ایچون اک بیوک تلاشه
دوچار اولق دخی بجا ایدی .

مع هذا هیئت مخالفه نك حالا قرال خاندانی
علیهنده هیچ برسوء فیکری یوق ایدی . انلر دولتک
اصلاح احوالنه کرک قرالک و کرک منسه تورلک
اقتداری اولدیغندن بحثله اورتیه برحسب اداره
و تنظیمات قویهرق بعضاز بن انک موجبجه حرکتله
نائل نعمت سعادت اولق غیرتنده ایدیلر . زیرا هیئت
مخالفه اربانک هر یری دولت و ملت و حکومت و سیاست
ته دیک اولدیغنی بحق بیلور آدملر اولدقلرینه
واو زمان فرانسه نك احوال داخلیه و خارجه سستی
دخی لایقیله اولچوب بچمش بولندقلرینه مبنی داخلده
یوقاریشقلق براز دها دوام ایدر ایسه خارجدن
دول اجنبیه نك فرانسه یه بر بیوک تعرض ایده چکلرینی
بعض علامتندن دخی فهم ایتمشلر ایدی .

ایشته کرک قرال و کرک طرفدارانی شودرجه
تلاش و حشیت و بونلرک خلا فیکیرانی دخی شو بیله برعزم
ونیت ایچنده ایکن ینه بو ۱۷۹۱ سنه سی ایلونک

اوں دردنجی کن معوثان ملت مجلسی اعضای
 یریبوک شرطنامه تنظیم ایدرک امضایمسی ایچون
 قرال جنابلرینه تقدیم ایلدیله . بو شرطنامه ده
 قرال جنابلری مهمام دیوانک هر بریسی نی بر کره ملت
 مجلسیله مجلس قونینده حواله ایدرک اوراجه نه کونه
 قرار پذیر اولور ایسه انی تصدیق ایتمی مندرج
 ایدی که بو شرطی خلا فکیان محضا هر ایش ارباب
 وقوف میانده مذاکره اولنق فیکرله قویمش
 اولدقلری حالده بیچاره قرال کویا کندی اسه نقلانی
 تحته ایچون قونلمش ظن ایدرک قبولنده مخالفت کوستردی .
 حالبو که او قبولده نه قدر مخالفت کوستردیسه ملت
 مجلسی دخی تکلیفده او قدر اصرار ایدرک طشردده
 ایسه اهالی بردوزی به نمایش لر ایتمکده بولند یغندن
 انجام کار بیچاره قرال شرطنامه بی قبول ایلدی که
 شو حال قرالک قوتنی بر قاندها قیرمش و خلق نظرنده کی
 مزیتنی دخی اکیستمش اولدی .

دیرکن ارادن چوق وقت کچمه دن فرانسه تک
 ممالک اجنبیه به فرار ایتمش اولان بعض پرنسلی طرفندن

ایدیلان تشویقات اوزرینه انکلتزه المانیا کبی دول
 منجاوره دخی فرانسه به اعلان حرب ایلدیلر حالوته
 بویله بر تعرضی منع ایچون نه قرالک نه ده خلا فکیرانک
 قوتی کافی اولدیغندن ایش بتون بتون بشقه بر حال
 کسب ایلدی . اورته ده حبه واحده بولنیهرق خلقک
 بیله فقر و ضرورتی بر درجه ده ایدی که چار شوده ات
 اکک کبی ارزاقی پشین پاره اله اله جق آدم اولدیغندن
 وو برهسی به دخی کیمسه و برمدیکندن دکانلر یغما
 اولور ایدی . ایشته شو حال ایچنده عسکر جمعنه
 و دشمنه قارشو محاربه به همان هیچ امکان یوق کبی
 برشی ایکن فرانسه زار عمماً سلاحه صار یلوب مجرد
 بر خدمت ملیه اولوق اوزره حدود بوینه قوشدیلر .

کیم بیلور نصیب فرانسه ایچنده آفه جق اولان
 قانلردن لندمی اله جق ایدی نه ایدی ؟ ایشلر
 شودرجه بی بولاش اولدیغی حالده - بعض جقاتک
 دخی تحریریکله - قرال حالا استقلالنی دعوا و کندیسنه
 کوستریلان حسن توجه و محبتی تحقیره حل ایلدیکندن
 اوسراينده نه قدر دعوا ی استقلال و عظمتده بولور

ایسه ارتق هر قیدی قیرمش وکی دخی آزویه المش
 یولنان خلق دخی سراینک قارشوسنده وحتی ایچنده
 دخی قراله کرچکدن او قدر حقارت کوسترلرایدی .
 یعنی بونلرک ایتدکلری ادب سزلک بدرجه یه واردی که
 بر حکمدار ایچون او کی حرکات هیچ بروقتده تجویز
 اولنه من . ملت عشقنه حریت عشقنه قراله ملا
 ناسنده شراب ایچرمک وباشنه آزغنلرک کیش
 اولدوقلری قیرمزی فسی کبدریمک کی احوال
 طوغریسی ادب سزلکدن بشقه هیچ بر شینه حال
 اولنه من . هله ۱۷۹۲ حز برانک بکر منجی کونی
 ایله اغستوسنک اوننجی کونی زور بار توپلری
 سراینی با صدقلری زمان ایتدکلری رذات قالمدی .
 قهاریت بیچاره لوی مجلس قواینه جان آتهرق حکمدار
 صفتله بونجه عصر لر دنبری فرانسه یه خدمت ایدن
 برخادان حقد، بوقدر حقارت لایق اولدیغندن
 یخله خاندانک محافظه ناموس وحتوقنی او محکمه دن
 استدعا ایلدی .

حالبه وکه ارتق اولان اولمش بتن تمش ایش

ایشدن کچمش اولدیغندن مجلس قوانین دخی قرالک
 شواستدعاسنی اسع ف ایده جک یرده « مادام که بجئی
 خاندانکردن آچدیگز یک اوزاغه کیتک نه لازم ؟ ده
 باباکز وجسد یگز زمانلرنده ای دیلان سوء حالات
 واسرافادن ودواتی بو کونکی حاله کتورمش
 اولمکزدن طولابی محاکمه ایلملیسکز » دیه بیچاره
 قرالی حکومتدن بتون بتون عزل وتامیل دنیلان محله
 حبس وتوقیف ایلدیلر .

۱۷۹۲ سنه سی ایلولونک یگرمی رنجی کونی
 « قونوانسیون » نامیله عقدا دیلان مجلس مخصوص
 عمومی قرال بیچاره سنی محاکمه باشلادی . حالوکه
 بو مجلسک برنجی حکمی موقفاً حکومت قرالیه ننگ
 قسخنی اعلان ایتمک اولدی !..... ارته طرفدن
 ایسه سرای باصیلوب دولتک کافه اسرار و خفایاسنی
 مبین اولان اوراق میدانه چبقارلادی . نتیجه کلام
 بو مجلس بدیبوز یگرمی بر اعضادن مرکب اولوب ملتی
 بودرجه تنی به کتورن یالکز سرای قرالی اولدیغنی
 و بناء علیه بیچاره قرالک اعدامی لازم کله جکی ! اون

بر آيك اكثر بديله حكم اولنه رق ۱۷۹۳ سنه سی كانون
ثانیسك یكرمی برنجی کونی اخلال میدانی نام محله
یوملعت کار حکم اجرا اولندی ! ..

مدینلر بله مفتخر اولان انسانلر کویا زمانه عارض
اولان لوٹ شورشی بر بیچاره نك قابله تمیزیه بیلک
صورتی ایجاد ایتمش اولدوقلری زماندنبری کرک
قرالردن کرک احاد ناسدن پک چوق آدم لک قانی
آقیدلمش و بونلردن بر طاقی واقعا بحق اولدورلمش
ایسه ده اشواون النجی لوی الحق بتون بتون بهوده به
خرجنان بیچارگانک دخی برنجیلرندن بولمشددر .
حالبوکه بو بیچاره نك بالکن کندیبی دکل زوجه سی
اولوب اوستریا خاندان ایمپراطوریسی اعضاسندن
یولتان ماری انتوانت دخی عاداتا هیچ برقباحتی اولدیغی
حالده اولوم کبی الكوحشیانه جزایه دوچار ایدلمشدر .
بووقعه هائله فرانسه تاریخنک باب ثالثک
خاتمه مصیبتی اولوب فرانسه نك بوندن صکره کی
احوالی ایچون دخی بروجه آتی باب رابعک کشادی
لازم کلمشددر .

- باب رابع -

(فرانسه نك احوال اخيره سی)

عن ۱۷۹۳ الی ۰۰۰۰

﴿ برنجی فصل ﴾

اعلان تنظیمات

عن ۱۷۹۳ الی ۱۷۹۵

تفصیل - یوقاروکی اوچنجی بابك صوك فصلی
 یزه فرانسه نك هرج ومرج احوالی تصویره کافی اولوب
 بوراده فضله اوله رق عرض و اشعاره سزا برشی وار
 ایسه اودخی دها ۱۷۹۲ ایلونک یکریمی برنجی کونی
 قونوانسیون نام مجلس تنظیماتك قرالغنی لغویله برینه
 حکومت جمهور به بی اعلان ایدیشندن صکره فرانسه ده
 نه قدر اصلزاده و قرال طرفداری و ارایسه بر ایاکیتمس
 قراره باشلامسندن و ولایاتده دخی اهالی و عسکر
 عصیان ایدرک اسکی زادکانک حصار و قوله و قوناق
 و چفتلك هر نه لری و ارایسه یا قوب بیقیمسندن عبارتدر
 ایددی قرالغنی لغویله حکومت جمهور به اعلان

ایدیلہ رک مجلس تنظیمات دخی حکمدار کی بر صورتہ
 طائند قدن صکرہ مجلس مذکور ذاتاً فرانسہ بی اخافہ
 ایدوب طوران انکلتزہ و هولاندا واسپانیا دولتیرینہ
 اعلان حرب ایلشدر . بریاندن بر ملیون ایکی بوزیک
 عسکر سلاح التہ جمع ایدیلہ رک بونلرک حدود بوینہ
 سو قیلہ اوغراشیلور و دیگر طرفدن دخی ہیئت
 اختلاک محکمہ کبرسی آچیاوب یاقرل طرفداری
 اولق و یاخود سائر برکونہ قصور و قباحتلہ متهم
 بولمندن نائی هرکیم اورایہ کتوریلور ایسه بالکز
 بوینی اورلق ایچون طیشاری یه چیقاریلور ایدی .
 بو یولده دوکولان قائلرہ حدو نہایت ییلہ اولیوب
 حتی ارباب جهسورک دخی یئلزنده نزاعلر و محار بہلر
 اکسیک اولیہرق فرانسہ نک ایچی برحاله کلدی کہ
 کیمسہده نہ جانی نہده مالی ایچون امنیت دکل امید
 ییلہ قالدی .

محاربات خارجیه به کلنجہ چیلدیر مشجہ سنہ
 جنکاورلک پیدا ایتش اولان فرانسہ عسکری دوہور یه
 وسائرہ کئی هربری بریوک ناپولیونہ خواجہ اولان

قوماندانتر النده بولندیغندن بلچیقما اولکاسی کابله
 ضبط و بنه ترک ایملک وانکلبرلز هوغوت محار به سنده
 یریشان اولوق ورن و موزل نهری بوینده المانیا
 و پروسیا اردولی بوزولوق و اینتالییا طرفلرنده فرانسز
 قهر و دمبری طاغیری ییقمق کی فتوحاتلر بتون
 اوروپایی ترز تترمش ایدی .

۱۷۹۴ سنه سنده ایسه هوغلد و فورتراس
 و فلورس محار به لرنده فرانسزلر تصویره صیغمز جنکاورلک
 و غلبه کوسه ترک هولاندا و بلچیقما تکرار ضبط
 اولمش و اوستریا و پروسیا عساکری رن نهرینک
 اوته طرفنه قدر پوسکور تیله رک پیرنه طرفلرنده دخی
 فرانسز جنراللری فرانسه به تعرض ایندن اسپانیوللری
 یالکز طرد ایتمکله قالمیه رق اسپانیا ایچنده دخی
 نرینه اوغرادیلر ایسه آتنی اوستنه کتور مشلردر .
 اکر مجلس تنظیمات بو کیدیشه عاقلانه طور انمش
 اولسه ایدی فرانسه بی هم پک چابوق همده پک
 قولای تمیزلیه بیله جکی درکار ایدیه ده مؤخر اجهورک
 سر آمدان اعضاسی میانه دخی اتفاق سزلق عارضه

اوله رق سلامت عمومیه قومیتیه سی نام مجلس مخصوص
 دانتون وقامیل وسمولن کبی الک صاحب نفوذ رؤسا
 ایله بونلرک کافه طرفدارلرینی تحت توقیفه المش ویراز
 صکره هبرت وسائر رفقاسنی دخی صره سیله کیلوتین
 ماکنه سنه باش اوزامشلردر . هله روبر سه پیدر
 ملتک الک حریت پروری طانور ایکن برکون بفته
 طوتیلوب ایتسی صباح ینه حریت پرورل طرفدن
 اعدام ایدلمشدر که شوخا عموماً تعجبی موجب اولمشدر
 الحاصل ارباب جهورک ژقوبن وژر ووندن وطاقلی
 طاقی دنیلان اوچ بئوک فرقه سی بینده کی اختلاف
 بیویه بیویه بونلر او قدر قانلردو کیشدر کداسکی قرالغت
 طرفداری بولنلر بونلر بر برینی قیروب بتورد کدن
 صکره میدان ینه کندیلرینه قاله جغنی مأموله قدر
 وارمشلردر .

مع ما فیہ بو مجلس تنظیماتک ترقیات مادیه و معنویه یه
 دائر دخی برخیلی خدمتلیری واردر . از جمله پولی
 تقنیق دنیلان مکتب عسکری بی بو مجلس تشکیل
 ایدرک بوندن بشقه شوسه وکوپری و معدن

وجغرافیا و بحریه مهندس لری نامیله بشقه بشقه
 مکتبلر و نورمان و مکاتب صیانیه دخی تشکیل ایلمش
 و پازسک طول دأر هسی و فرانسه ده اصول اعشاری
 و سایر بر طاقم خصوصات نافعده هیپ مجاس تنظیماتک
 اجرا آتندن بولمشدر . حتی تاریخ و آیلرک و کونرک
 اسامیسی دخی دکشدر یله رکه و یورطی کونلرینک
 کافه سی لغو اولنه رق بره سنه بی اوچیوز الشمس بش
 کون والتی ساعت اعتبار یله هر آبی تمام اوتوز کون
 اعتبار ایتمشدر و شو حانده حاصل اولان خمسة مسترقه بی
 میرام عد ایلمشدر .

قونوانسیونک ایلمک سندر نده فرانسه اردولری
 فصل غابینه حر کته باشلامشدر ایسه صوک سنه لری
 دخی بویله غابینه بتور دیلر . بو غابیتلر سایه سنده در که
 فرانسه ایله بلچیقما کایله ضبط و بر برینه قاتیلوب
 توحید ایدیلرک باتاو یا جمهوریتی نامیله بر جمهور
 انشا و بونی دخی فرانسه ده ایدی آریلز بر متفق نصب
 ایلدیلر . ایله ژ ایالتیله اوکسمبورغ دخی بو صورتله
 الحاق ایدلیدی . پروسیا ایله اسپانیا قرالری

فرانسہ دن صلیبی عادتاً استعداً ایلدیبلر . رن
 نهرینک ساحل یسارند، پروسیانک نه قدر ممالکی
 وار ایسه جله سی فرانسہ یه ضم اولمشیدی که
 مقدار نفوسی اوچ میلیون اهالی درجه سنه وارر .
 سن دومنغ دخی اسپانیا دن الندی . ایتالیا
 طرفندن طوسقانه عادتاً فرانسہ یه مالکانه
 اولدی .

ایشته تنظیمات اثناسنده فرانسہ نك داخلی
 اختلالاتنه مقابل خارجی موفقیاتی شودرجه ده اولوب
 فقط بوموفقیتلرک تمللی وسورکلی شیلر اولمدقلری بدیهی
 ایدی . زیرا زور بازو ایله کلان دولت یا او بازونک
 قوته فنور کلدکن و یا خود کندیسندن ده
 قوتلی بر بازو یه تصادف ایلدکن صکره ینه کلدیکی
 یره کیده چکی ادنا ملاحظه ایله معلوم اولور . حال
 یو که اوزمان فرانسہ بو ایشلری جان باشنه صحیرامش
 برچلغینک حرکاتی کپی برحرکنله یا پوب یوقسه ده ها اون
 التبحی لوئی زماننده خزینة دولت عادتاً افلاس ایتمش
 ایکن بویله بیوک تشبثاته مالیه جه هیچ برامکان یوق

ایدی . اوتہ گت بروکینک اموالی یغما اولنہرق
تدارک ایدیلان اچہ دخی بتجہ تنظیماتک بودرجه سی
صفرہ صفر درجه سنہ قدر ایندی .

تمام ایشلر دھا زیانہ دیگر کون اولہ جق ایکن
بوت تنظیمات لغو اولنہرق یرینہ دیرکتوار اصـولی
قونادی کہ انک زمانی دخی فصل آتیدہ کوریلہ جکدر .

﴿ ایکنجی فصل ﴾

دیرکتوار حکومتی

عن ۱۷۹۵ الی ۱۷۹۹

تفصیل - دیرکتوار اداره سنک مقام حکومتہ
ورودی ۱۷۹۵ سنہ سی تشرین اولنک بکر می التنجی
کونی اولوب حکومتجہ بوتبدل دخی ارباب جهورک
اختلافاتیلہ برطاقم قائلر دوکولہرک حاصل اولمش
ایسہدہ بزبورادہ برطاقم وقوعات بجمعی مفرداتیلہ
حکایہ ایدرک تطویل مقال جہتہ صرف فکر ایتمک .
شمدیکی حالده اہمیت ویریلہ جک شـو کہ دیرکتوار

حکومتی فرانسه ده چلغجه سنه غلیبان افکارک ممکن
 مرتبه اعتداله باشلامسنه مبدأ اولمشدر . بو حکومت
 دخی عادتاً بر حکومت جمهوریه در . اسکی مجلس
 کبیر تنظیماته بدل بر بش-پوزل مجلسی عقد اوانه رق
 یوندن ماعدا بش نفر دخی عمومی دیرکتور نصب
 اولدغی ایچون اسمنه دیرکتور یعنی « دیرکتور لاق »
 دیتلشدر .

حکومت مذکوره تأسس ایلدیگی زمان فرانسه
 خزینه سنی نقد دنیلان شیدن تهی بولدی .
 حالبوکه اورتهده مصرفله تسویه اوانه جق بر جوق
 بیوک ایشلر دخی وارایدی . قرال طرفدارزیه
 ارباب جمهورک اخیراً ایتدکلی محاربات و مجادلات
 اورتهلغی آنش ایچنده بر قش اولدیغی کی ایتالیا دولتی
 دخی هولاندا ایله تهدید ایدر و فرانسه عساکری
 ایسه فقر و ضرورتک اک صوک مرتبه سنه واصل اولمش
 ایدی . بودردلک منشی بیوک مأمورلک خیانتلری
 اولدیغی کبی مأمورلک بعضلری دخی طرفدارلق
 بلاسیله حکومت موجوده به عداوت ایلدکلرندن

ایشته شو امنیت سزک دخی بشقه دوشونیه جک
 بلا یادن ایدی . ازان جله رن اردوسنک پلشفرون
 نام قوماندانی مظنه دن بولمغله دیرکتورلر مرقومی
 عزل ایدرک یرینه نورسید کاندن بونا پارطی نصب
 ایلدیلر .

خزیننه نك مضایقه سنی بر طرف ایتک ایچون دخی
 دیرکتورلر ایکی میلیار درتوزیک میلیونلق قوأم
 نقدیه کسدیلر ایسه ده بو پارهنک نصفی مقداری قدر
 ایچم یرینی طومیه جنفی درکاردر .

مع هذا فرانسز عسکرینک شان غالبیتنه ینه سوز
 بولنه من ایدی مورونام جنرال اوستریالور اوزرینه
 رنشن وراستاد و آتلترن وهید نهام وخریه دبرغ
 محاربه لرینی قازانمش و جنزل یوردان دخی التن کیرشن
 محاربه سنی قازانمش ایدی . هله کنج بونا پارطک
 ایتالیا طرفلرنده قازاندیغی غلبات همان عالمده امشالی
 کورلماش وایشید لماش مظفریاتدن معدوددر .
 محارباتی مفرد تیله صایمغنه حاجت اوچنک ییلدیریمی
 یک آز بروقت ظرفنده ایتالیا دنیلان شبه جزیرینی

کاملاً ضبط و استیلا ایدرک سار دنیا قرانی و پاپایی
 و سایر بانچه پرنسپری آمانه دوش و روجه سنه صلحه
 مجبور ایشدر . اندن صکره اوستریا اردوزینی اوکنه
 قاتوب تیبول فلان ایالتلرینی جکنه یرک و یانه یه اوچ
 کونلک مسافه یه قدر اورته اغی هرج و مرج ایلدی .
 ایشته بویله بیلدریم کی برسر عنله قازانیلان غلبات
 سایه سنده فرانسه بی محیط اوله رق عادتاً کاملاً اعلان
 حرب ایتمش اولان دولتلرک جمله سی آمانه دوشور یلوب
 یالکز هنوز حدی بیلدریلدک انیکلتر، دولتی قالمش
 ایدیسده اودخی صلحی طالب و مستدعی اولدی .
 لکن فرانسه نک داخلنده کش مکش امور حالا
 دوام ایتدکده اولوب جمهوریت مفرطه طرفدارلری
 جمهوریت معتدله ارباندن دیرکتوار حکومتی قورمش
 یونسان ذواتی عادتاً قراللق طرفداری کی برلکه ایله
 لکدلیکه چالیشور و جمهوریت معتدله اربانی ایسه
 مفرطه لری عادتاً اشقیبا صفتیله کوسترمک ایسترایدی .
 ینساء علی ذلک دیرکتوار حکومتک ایلمک و ایکنجی
 سده لرده اجرا اولمان انتخاب اعضا ایشلرنده ینف

بیوک بیوک ہیجانوں کو رملش ایدیسہ دہ برکت ویرسون کہ
 قوہ عسکر یہ سایہ سندیہ بو بیوک بیوک ہیجانوں کو اول
 قدر بیوک مضراتی وقوعہ کلامشدر .
 اوزمان فرانسه کی اختلال اچندہ بولنیاں بر ملاکت
 حقندہ اوروپا دولتہرینک کو ستردکاری معاملہ عادتا
 زبونکشاک اولدیغندن بو معاملہ لسان تاریخہ تعیب
 ایدیلہ بیلور ایسہ دہ فرانسر قوہ اسلمہ سی بوتعیبہ
 حاجت بر اقامشدر المانیا و آوستریا و ایتالیا بو قدر
 مغلوبیت کورد کدن صکرہ ارتق سکوت ایتمک لازم
 کاور ایکن برسندہ قدر حال سکوتہ قالہ میوب ایتالیانی
 ینہ قشقرتد قارندن فرانسر اردوسی بر حرکت عسکر یہ
 دہا ایدوب ایتالیانہ دخی پرنسیرک و سائر اصلزادگانک
 قوتلرینی قیارق (روما جهوری) نامیلہ بر جهور
 اعلان و پاپا بولنیاں ذاتی طرد و دفع ایلدیلر .
 اسویچرہ دخی بر نمایشہ قیام ایلشیدی . لیکن او کوچک
 ملت دخی فرانسر اردولری طرفندن بر دیچک بیریمز
 حکومت جهور یہ صورتیلہ تنسیقات اساسیہ سنی
 اعلان ایلدی .

هذه انكلتره نك معامله سي بتون بتون بشقه
 بر صورتده اولوب فرانسه حرب آچرينغي زمان انكليرلز
 صلحي طالب اولدقلرينه وبعده ينه اورو پاي افساد
 و تحريك ايلد نظر ينه ميني ديركتوار حكومتي انكلتره نك ده
 حقتدن كيك ايچون التمش بيك نفر دن مر كب بر جسم
 اردو تدار كنه باشلامشيدى . انجق انكلتره نك اورو پا
 قسمنده بولنان اولكاسنى هرج و مرج ايتمكن ايسه
 آسبانده بولنان ممالكي اوزرينه بر قوتلى هجوم ايتكى
 ديركتوار حكومتي اولى كوره رك عساكر مر قومه دن
 قرق بيك نفر ينى بونا پارطك معينده و بروب مصر
 اوزرينه سوق ايلشدر كه واردو اورادن دخى هنده
 حركت ايله جك ايدى .

اكلاملى انكليرلز بولتيقه سنك مهارتنى كه انكلتره
 دولتي ينه بر مذاكره صلحيه بهانه سيله بو عسكرى
 عصرده توقيف ايدرك صكره ايسه فرانسه ايله هيج
 بر طرفده نه تدافعى ونه ده تجاوزى محاربه ايدمه چكنى
 اكلاينجه بتكرار اورو پا دولتر ينى فرانسه عليه نه
 تحريك ايتكه شتاب كوستردى . بو باده انكلتره

القواته الك اول قابلان دولتیر ناپولی ایله سارونیا
 دولتیری اولوب لیکن بونلر برسیله ده ینه بوله کتورلش
 وفرانسه طرفندن ناپولی قرالغی فسخ ایدیلرک یرینه
 بر « پارتیه نوین » جمهوریتی تشکیل ایدلشبدر .
 ینه بو آراق ایدی که یالکز اسپانیا ایله پروسیادن ماعدل
 بتون اوروپا دولتیری فرانسه علیهنه اتفاق ایلدیلر .
 حتی مقدماتی رومانه بر فرانسه سفیری کافه حقوق
 ملک خلافتیه اوله رق اعدام اولندی که بو حال
 فرانسه لری صوک درجه یه قدر دلکیر ایلدی .

بر فرانسه لری مصرده اولان محارباتی ینه مصر
 تاریخنده ذکر ایدر جکز . بوراده اخطار ایدر جکز
 شی ایسه ۱۷۹۹ سنه سنه مصادف اولان یومحاربه
 شدیدده اولوب فقط بونک طوتیله جق قابیله جق یری
 اولیه رق عادتاعوم اوروپا ایچنده فرانسه جنکاور لریله
 دول متفقه عسکری بر بریله بوغاز بوغاز جنک ایتدیکن
 عبارت بر خونخوارق مدت مدیده دوام ایده کیتدی .
 فقط بونجه اختلالات داخلیه ومحاربات خارجیه ایله
 قوی قنادی قیریلوب ایلمطوتاری قالمش اولان

فرانسه اوروپا نك هيئت عموميدسهيله دهها زياده
 پنجه لشمكه قدرت بوله ميدرق باس قوللر بني صالحو برمكة
 باشلادي . ايتانيا عا دننا كاملاً فرانسه استيلا سندن
 قورتلدي . روسلر ايله اوسه تريا لور اوسو بچره اولرله
 برابر نه اوسو بچره طرفندن تكميل فرانسه بي استيلا
 ايتك عزمي قراراشد برديلر بونكاه برابر قرق بيك
 نقردن عبارت عظيم برانكلير اردوسي هولاندا طرفنه
 سوق اولندي . احتمال كه بو حال ايله برابر ديركتوار
 حكومتي بنه دفع دشمنه چاره بوله بيلور ايدى . لکن
 جمهوريت مفرطه ارباني كويا فرانسه اوزرينه
 ايديلان بومهاجات ديركتورلك اداره سرليكندن
 نشأت ايتمش دعواسيله عصيان ايلدكلري كبي فرانسه نك
 جنوب طرفنده دخي قراللق طرفدارلري ديركتوار
 حكومته قارشو محاربه بي تکرار و نچديد و تشديد ايتشله
 ايدى . ايشته داخلمده دخي كوريلان بوقار يشقلغه
 و ناپوليون بونا پارط كبي فرانسه نك الك كزیده برجنزالي
 دخي اوتوز بيك نفر الك كزیده عسکر ايله مصر طرفنده
 بولنديغنه مبنی ايدى كه اوروپا دول متفقه سي فرانسه

اوزرینہ بوقدر چوللانہ بتلشلر ایلدی .
 استغراب اولنه جق بر شجاعت دکلیدر که بویله
 پردرمانده لک حالنده دخی فرانسزلر صوکه حرکت
 حیاتییه قیلندن اولوق اوزره اولامجه قوتلرینی دوشیروب
 اسویچره طرفنده کی اوستریا وروس قوتلرندن مرکب
 اولان عظیم دشمنه ماسنانام قوماندان تمام اون بش
 کون طرفنده یکریمی قدر غلبه چالوب اوردولرینی
 پریشان ایلدی ؟ استغراب اولنغیمی که هولانما
 طرفلرینہ کلان انکلیرنر دخی فراره مجبور اوله جق قدر
 بوزولدیلر ؟

ناپولیون فرانسه نك شوحوال مغلوبیتنی خیر الور
 المزمصدرن عادتاً فرار کبی بر صورتله فرانسه یه جان
 آتمش وغالبیت اخیره بی فرانسده خیرالهرق متسلی
 اولمشدر . انجق اودخوارتیق دیرکتوار حکومتکده
 فرانسه ایچون کافی اولدیغنی اکلابه قی بش نفر
 دیرکتوردن بریسنی یعنی سیه سی نام ذاتی اله الوپ
 ۱۷۹۹ سنده سنده ایلدی کدیرکتوار حکومتی طرفدارینی
 کرک حرباً کرک صلحاً یعنی خواه ناخواه ارضاً ایدرک

(قونسولا) حكومتى فورمىشدر . بونك ايچون
دخى اشاغىكى اوچنجى فصلى كساد ايمك لازم
هدى .

فصل ثالث

قونسولا حكومتى

عن ۱۷۹۹ الى ۱۸۰۴

تفصيل - قونسولا اداره سنك فرانسه بى نه حالده
بولمش اولديغنى بوراده تكرر اجماله حاجت بوقدر
زيرا يوقاروكى بابت صوك فقره سى بواجالدين منتظر
اولان فائده بى ويره بيلور . شمدى ايشك شوجهته
باقالم كه :

اشبو قونسولا اداره سى اسكى روما جمهورى
اداره سنى تقليد كى برشى اووب ناپويون بونا پارطه
برنجى قونسول تعيين ايدلمش وكنديسى ايچون
ايكنجى و اوچنجى عنوانيله ديكر ايكي قونسولك انتخابى
دخى ينه كنديسنه حواله ايدلمشدر . واقعا بو حكومتك
حركاتنه و حقوق عباده باقى اوزره سنا تو و قوانينه

مجلسی و ارایدیسه ده ناپولیونه بویله قونول صفتیه
 ویریلان حق حکومت عادتاً بر حکمدار مستقلک
 استقلالی قدر و ارایدی . زیرا دیگر ایکی قونسولی
 دخی کنیدیسی انتخاب ایده جک اولدندن صکره
 بوایشک انتخاب و کلا صورتندن همان هیچ بفرقی
 کور یله مز .

ناپولیون یالکز بر عنوان فرقتندن عبارت اولان
 بر صورتله عادتاً مقام حکمداری به جلوس ایلمد کدن
 صکره برنجی مرتبه ده نظر دفته الدیغی شی فرانسه نیک
 حال ضعفنده اطرافنی قوشاتمش اولان دشمنلره بر مر ام
 اکلانق اولدی . بونک ایچون ملنک اولانجه غیرت
 ملیسه و سودای وطنیه سنه هیجان ویریلوب ذاتاً
 چوجقلغندن بری وطنه سلاحه خدمت ایتمش و هر
 خدمتنده موفق دخی اولمش بولسان قوجه ناپولیون
 نامنه هر کس سلاحه صارلقدن کبر و طور مدیغی کی
 عسکر کندنی اوزرلنده ینه بالذات نا بولیونک
 بولمننی استدا ایلمد کلرندن اودخی بالذات محاربه بی
 بعزم ایلمدی . حالبوکه بونجه سنه لردنبری غلبه

سرفراز اولان فرانسه هر طرفجه حالا غالب ایکن
 اوستریا و المانیانک دخی ایته الیا طرفنده متحشد اولان
 قوتی فرانسه بی مغلوب و شرمسار ایش اولدیغندن
 ناپولیون الکول اورابه توجه ایلمدی .

دهاسن برنارطاغنی کچمک خصوصنده فرانسه
 بحسکرینک کوستردیکی غیرت و همت و شجاعت دشمنی
 دخی منجیب ایلمدی . اندن صکره فرانسه زلر
 قودورمش ارسلان کی ایته الیا ایچنه مستولی اولوب
 مونته بللو و مارنغو طرفلرنده ایکی محاربه قازاندیلر که
 دشمن ایله برابر جهانک دخی پارمنی اغزنده قالدی .

نه اوستده نه باشده اولوب چرل چیللق قالمش اولان
 فرانسه بلوکلرینک جبخانه لری دخی بتمش اولدیغی
 حالده کندیلری اوزرینه پوس کورمه پشرف اتان
 طوپ پاتار یازی اوزرینه سونکی ! ایله
 هجوم ایدرک ضبط ایلدکلری بو محاربه لده کورلمش
 یارارلقلرندر . بو آوازه غایت فرانسه نک حیاته
 حیات قاتهرق محزون اولان وطن پرورلری یکسدن
 احیا ایدر ایلمدی .

الحاصل ۱۸۰۱ تاریخ شده اوستریا و المانیا
 امپراطوری رن نهرینک جانب یسارنده بوانان ممالکی
 تانهر مذکورک منصبه قدرهب فرانسه به ترکله
 عقد مصالحه به مجبور اولدی که شو حالده باحققا ایله
 هولاندانک قسم اعظمی دکل عاداتا کافه سی فرانسه نیک
 اولدی . هله ایتلیا طرفی ینه کالیله فرانسه انهم
 دوشدی . ناپولی و باویرا و روسیه و پورتگیز ایله عقد
 مصالحه ایلدی کی مصر مسئله سندن طولانی دولت
 علیه ایله دخی عقد مصالحه اونندی و ایشته اون
 سنه دنبری فانلری صیزوب آقنده بونسان فرانسه
 وجودلر ینه به ازالق برآز یجق راحت کله بیلدی .
 فرانسه به اولان بو قدر خدمته مکافاتاً فرانسه
 ماتی ناپولیونه قید حیات شرطیله قونسولک عنوانی
 نو بردی که حکم اراقدن هیچ فرقی قالمدی . حتی
 او قدر فرقه سز ایدی که فرانسه ایچنده هم قراللق
 اصولنک طرفدارلری اولنلر و هم ده اصول مذکور نیک
 خلاف کیرانی بونانلر ناپولیونک بویله یوما فیوما ارتان
 شعشه شوکت و اقبالندن قورقارق بو حریف برکون

اولوبده قرال اوله جق ، سوزینی وزد زبان ایتمشلر
ایدی . دیرلر که ناپولئونک اکرطوغریدن طوغری به
حکمدار اولقی فکری بوق ایدیسسه بيله خلفک
بولغردی بی لاینقطع تکرار ایتسی حرینی زورله حکمدار
ایتشدیر .

واقعا و بيله اولدی . خلق بوايشدن نه قدر قورقدی
ایسسه ناپولئونک عزم و جزمی اوققدر آرتار ایدی .
دیرکن ناپولئونک جاننه دخی قصد او انغله باشلانیدی .
اما باشنه جهنم کوا ایهسی دنیلان قوجه پنخیره آزلدینی
حالده بر ضرری کورلدیکی کی دغعتله سوء قصد جیلر
دخی ملاحظه جاننه قصد ایتدیله ایسسه ده نه موفق
اوله مدیلر . لیکن ناپولئون بواحوالی کوردیکجه عزمینه
قوت و جرمنه مسانت و بررک اودخی بوقدر کفران
نعمته قاشواستمدادی غدیری ظلی شدتی و الحاصل
برخلق منه و اید جنگ نه اوله بیلور ایسسه هیدینی
اله الدی .

قونسولا زمانک بیر اوجه قید و تحریره شایان
اجرا آتی و قدر سنه لردن بیری وطنه حسن خدمت

آید نلره علامت مقننزه اولوق اوزره (لژیون دونور)
 قشانتک اختماعی وزراعت و تجارت و صناعته یاردم
 ایتمک اوزره فرانسه بانک سنک تأسیسی و بر طقم بیوک
 مکتبلرک یکیدن تأسیس و یا خود اصلاحی و اختلال
 زماننده اوتیه برویه فرار ایدن مهاجرلرک منعیهله
 یونلرک تکرار فرانسه به دعوتی و کافه نظاماتک
 پردستورده جمعیله نظامات و تفسیقانیجه بعض تعدیلات
 قضیه لزندن عبارت ایسه ده وقت و حال ایجابجه
 یونلرک هریری اعظم اموردن عد اولانه بیلور .
 یرنجی قونسول جناب لرننگ کیوک حرکات عداراننه سنک
 نمونه سی دخی دوق دانز به ن نام ذندر که مومی الیه
 قرانسه سنک بور بون خاندانی اعضا سنندن اولوب
 اسویچره طرفنه چکلمش اولدیغی حالده نابولیه ون
 یویچاره بی فرانسه ایچنده قراللق اصولنک ترویجی
 ایچون فساددن خالی قالماسق تهمتیه بالاته نام
 اسویچره کی بی طرف مملکتده بولندیغی حالده جلب
 و کو یا بالحرکه قورشونه دیزدیره رک اعدام ایلشدیر .
 ایشته فرانسه ده قونسول و لا حکومتی بر بیوک

امپراطور ناپولئون اولو ناپولئون بر يانندن
 اعداسنى قهر و بر يانندن طرفه كيراننى تكثير و تقويه ايده
 ايده نهايت سناتور بى دخى كاملا كنديسنه او يد يروب
 ۱۸۰۴ سنه سنه باشته بر تاج امپراطورى قوياق
 حكومت مستقلة امپراطور به سنى اعلان و كنديسى
 ذاتاً فرانسه استى التنده بولان ايتاليه دخى
 قرال نصب ايتدردى كه بوسورتله فرانسه ايچون
 بوجه آتى در دنجى فصلده درج ابديله چك بريكى
 دوردها آچلمش اولدى .

در دنجى فصل

امپراطور اراق

عن ۱۸۰۴ الى ۱۸۱۴

تفصيل - ناپولئونك مبدأ حكومتى ديك اولان
 قونسولا حكومتى زمانيله بتخصيص اشبرا امپراطور اراق
 حكومتى زمانى حننده بوراجده دول سارديه عطفه
 وارجاع اولان معلومات تاريخيه نك عازد اولديغى
 دولتله تاريخه لر زنده دخى كورلسى فائده دن خالى

اولیہ جغندن بونک ایچون انکلترہ تاریخنک (عن صحیفہ ۲۲۶ لی ۲۳۰) وداغبارقہ تاریخنک (عن صحیفہ ۲۲۴ الی ۲۲۶) واسوچ نورج تاریخنک (عن صحیفہ ۲۷۰ الی ۲۷۲) روسیہ تاریخنک (عن صحیفہ ۱۹۷ الی ۲۰۳)
 تومسولی صحیفہ رینہ برکہجک نظر ایلمسفی ارباب مطالعہ بہ اخطار ایدرز .

برده فرانسه ده بیوک اختلالک وقوعیله حکومت
 جمهوریه نک اعلانندن یعنی بودرد بحی بابک کشادنندن
 یری اوروپا دولتری نک فرانسه علیهنه کوستر دکاری
 حرکات حربیه ومعاملات دیپلوماتیقیه نظر محاکمہ ده
 جمع ای دیلور ایسه کوریلور که اوزمانلر اوروپا دولتری
 فرانسه بی عادتا بر مملکت قتح ایدر کبی قتح ویدیلرنده
 تقسیم ایتمک صورتنی البته امید ایده مزرا ای دیسه ده
 فرانسه ده اعلان اولنان بر حریت دعواسنک درحان
 اوروپا نک هر طر فنه سرایتله هر حکمدار خاندانلری
 علیهنده عصیانلر باش قالدیرمسندن قورقولوش
 اولافله ایشته فرانسه علیهنده کی ایلاک خصومت

بوسورتله پيدا اولمشدر . اندن صكره دول متجاوره
فرانسه به آفاق آتد قجه فرانسه زل بالكر بواياغى قيرمق
دكل بللكه مقابله دشمن ممالكنه دخى تجاوزه قدر
وارد قلزندن دول متجاوره قورد قلرى شـبـتـ همـان
باشلرينه كلكده اولديغنى يعنى فرانسه لرك اللرنده
بـمـشـعـله ايله اورو پانك هر طرفنى آتسه ويرمك اوزره
بولند قلرىنى كورنجه ارتق هر فـسـدـا كاراغى كوزه
الديروب تك شو فرانسه نك يا اورته دن وجودى
قاند يرلسنه و يا خود هيج اولمز ايسه مضرتى اطرافه
سرايت ايتديرلماسنه بالاتفاق همته مجبور اولمشلدر .
ناپوليون هر طرفجه قازانديغى عاقبت اوزرينه عالمك
كوزينى بيلديروب بناء عليه فرانسه هر دشمنه غالب
كلش اولديغى كى ناپوليون بو غلبات شرفى حالا
اوزرنده اولديغى حالده مقام ايمپراطورى به كلنجه
اورو پانك سائر حكمدارلى بويله دفعاتله مغلوبى
اولد قلرى برايمپراطورى براز حجابله تبريك ايلديلر .
هله انكلتره دولتى فرانسه ايله همان عصر رجه دوام
ايدن رقابت ماديه و معنويه دن طولابى بوايشه پك

بیوک بر نظر حسدله باقدی . انجیق ناپولینون
 بر صلح پور حکم دار کی بادی امر ده هر دولت ایله
 مصالمانه کوریشوب حتی اوتهدنبی قراللق ایتمش
 پرذاته زیاده حشمت فروش لغه باشلادی . دایره
 و دید به بی بولنه قویه رقی عادتا بر ایمپراطور سربانی کی
 فرانسه سربانی دخی مداهنلرود القاقو قنر الله طولدی .
 ایمپراطور جنابلری مداهنلرک کوسه ترد کلری دلایل
 وسندات اوزرینه بیاغی اوفاجیق طاغتری کنندیسی
 یاراتمش اولدیغنه اینانغی من تبه لرینه قدرده واردی .
 ایشته بو حالدر که اوروپا دولتلرینک نظر دقتلرینی
 بر قاندها آچدی . زیر اناپولینون اوزمانه قدر مغلوبیت
 نه اولدیغنی همان کور مامش اولدیغنسدن کنندیسی
 من طرف الله جهانگیر اولوق اوزره خلق ایندلمش
 کوره رک حاضر فرانسه ملیتی کی خونخوار بر ملتک
 ایمپراطور لوق موقعی کی ال بو کسک مقامنده دخی
 کور نجه یتون اوروپانی قتلجه عمومی بر ایمپراطور لوق
 ایلی ویرمک ایشدن بیله اولدیغنی حساب ایدر
 و بو حسابنک میرانی دخی طوغری بولهرق اوروپانک

سار حکمدار لرینی بیانی کنیدی خرجگذاری کی
بر صورتله طاتور اولدی .

فرانسہ نك داخلند کانیجه :

اگر ناپولیون اختلالدن مقدم کیش بر ایپراطور
اولسه ایدی بیچاره اون التنجی اوئیدن دهها اشنع
بر جزا ایله محو وازاله ایدیله جکندده شبهه ایدیله من .
زیرا یالکز فرعونلری ذلیل بر اقان غروری دکل بلدیله
فعال لما یرید اولق مرتبه سنده عنادی ظلی غدیری
عالی دلکیر ایله بیلور ایدی . انجق او جنکاور ملت
بر کره کنیدیسنی سومش و حقننده کی حسن توجه
تا ایاق طقنه قدر تعمم ایتش اولدیغندن فرانسہ
ایچنده ناپولیون علیهنه فساد چیقارمغه چالتمق
فرانسر زک قهرینه اوغرامق دیمک اولمشیدی .

ایمدی بویله جهانی الت اوست ایتک ایله مقنجر
وتملذذ اوله جق بر ملتک ینه بو حس وهوسده بولنان
ایمپراطور نك طور مغرورانه سی الك اول انکلتیه بی
ایقناظ ایدرک مقدمجه عقد ایلمش بولنان آمیهن
معاهده سنک حکمنه رعایت ایدیله ایدیله براز وقت

اول دوست بولنان ایکی دولت بنه براز وقت صکره
 بحرأ دشمن اولدیلمر . ناپولیون ایسه ایتالیا میتالیا
 طرفلرنده اولدیغی کبی بر کره دخی انکلتره یه بر آقین
 ایدرک انکلتره ده شوکت عسکر یه سنی کوستره که
 اوتهدنبری حرایص وهوس کار اولدیغندن بواملاک
 حصوانه انکلتره ایله دکرجه آچیلان مخصوصه بی
 وقت مناسب عد ایدرک بواونی نام اردو کاهده
 انکلتره هجومی ایچون غایت جسم بر اردو تشکیل
 ایتمکه باشلادی . وایتدی .

انجق هر زمان اولدیغی کبی بوکره دخی انکلتره
 دولتی اولجه اورو پاده اولان سائر متفقلمینی کندی
 طرفنه اویدیره رق فرانسه ایله مخصوصه باشلامش
 اولدیغندن ناپولیون بواونی اردوسنی تشکیل ایدر
 ایتمز بر بیوک اوستریا اردوسنک - فرانسه اتفاقدن
 آیرلما مقده بولنان - باویرا اوزرینه هجوم ایلمدیکنی
 خبر الدیغی کبی اوتهدن طرفدن روسیه دولتک دخی
 ینه فرانسه علیهنه غایت سرعت وشدتله تدارکات
 حریره ده بولندیغی ایشیدنجه انکلتره اوزرینه بوکره

دخی هجوم ایدہ میہ چکنہ مناسفا تبدیل استقامت
 حرکت ایلدی . بوتیدیل حرکنده ناپولیونک اون
 بمش کون ظرفنده کوردیکی غلبات نہایت اوسترایج
 مظفریتنی انتاج ایلشد کہ بو محاربه یانکز فرانسه
 تاریخی ایچون دکل حتی بر تاریخ عمومی ایچون بیله
 بعض ایضاحاتینہ درج اولمنسی واجباتدن اولغله
 وحتی انکلتزه وسائر تاریخنرده دخی محاربه مذکورہ نیک
 اشبو فرانسه تاریخنדה تفصیل ایدیلہ جکی وعد اولمنش
 بولغله اولابادہ بروجه آتی بعض ایضاحات و تفصیلات
 اعطاسنہ مجبوریت او برمشدر .

اوسترایج دنیلان بر اوستریا نیک مور او یا طرفلرنده
 وپروت قصبہ سنہ الی ساعت قدر مسافده کائن
 اوچ بیک نفوسلی بر قصبہ جق اولوب اطراف وانحالی
 اندیشلی چیشلی بایرلی بوقوشلی یعنی فنون و صنایع
 حربیہ اصطلاحنہ عارضہ لی بر پردر . ناپولیون
 بولونبی اردو کاهنده تجمع و تحشد ایدن یمش بیک
 نفر دن مرکب اردوبی بالاستصحاب بورادہ بالنسبہ
 کوچک عد اولنہ جق بعض چرخہ لرله اوسترایج

قصہ سنہ قدر کا کدن صکرہ اورادہ اوس ستریا
 و پروسیانک بوزیکت نفر دن مرکب بر جسم اردوسته
 تصادف ایلدی که روسیه امپراطوری غلکساندر
 ایلہ اوستریا امپراطوری فرانسوا بواردویه بالذات
 قوماند ایدر ایلدی . حالو که فرانسه اردوسی
 اوزرند، دخی بر امپراطور قومانداده بولندیغندن
 بو محاربه تاریخ عسکری نظرندہ « اوچ امپراطور
 محاربه سی » دیه مشهور وز بایزید اولمشدر .

محاربه ۱۸۰۵ سنه سی کانون اولنک ایکنجی
 کونی وقوع بولمشدر که ناپولیسونک صندالی
 امپراطوری به جلوسی دخی ۱۸۰۴ سنه سی کانون اولنک
 ایکنجی کونی اولدیغندن و بوم مذکور اول جنکاور
 امپراطورک بوم جلوسنه تصادف ایلدیکنندن
 کندیسنی سون بالمله افراد ارتق بو کونک عظمتی
 کورکه قدر چیقارمق عزیزله جنکه دیش بیلر
 یاتور ایلدی .

بوم مذکورک صباحیسی روسیه و اوستریا عسکری
 بتون شایان اشغن اولان تپه لری طوتوب اشغال ایتش

اولد قلرندن ناپولئون یاننده بوانان مارشالار ایله ارکان
 حربیه سنه « دشمن بزدن پک زیاده قوتلیدر الک اول
 نه یایوب یایوب شو تپه لر دن دشمنی آیرملری و دوز
 اووه یه دوشورملری ممکن ایسه تپه لری بز کندیمز
 طوعالی بز « دیمش و بوسوزده پک بیوک براهیمت دخی
 کومتزمش اولدیغی حالده برده بر از صکره دشمن کویا
 بشقه بر مانورا چویره جک کبی تپه لر دن اشاغی به
 ایتمجه ناپولئون « ایشته شمدی کندی کندیلرینی
 یوزدیلر « دبه اعلان سرور ایلمشدر .

بوندن بشقه ناپولئون بویله کلیتلی عسکرک البته
 شدتی دخی کلیتی درجه سنده اوله جق اولان آتشنه
 تکمیل اردو ککوکس و برمامک ایچون کندی
 عسکرندن بکرمی بیک نفرینی آبروب کبروده براقش
 و بالکزاللی بیک نفرینی موقع حربیه سورمک اوزره
 تهیه ایدوب حالبوکه انلری دخی بش التی قوله تفریق
 ایلمشیدی . بومانورایه مقابل دشمن موجود قوتی
 اولان یوز بیک نفری بردن قولاره تفریق ایدرک عموم
 قوللری دخی بر دن فرانسه لر اوزرینه سوق ایتمکله

یا شلائینجه ناپولیون « بونلر زور ایله اولمک ایستیورلر »
 دیه کندی فوللرینی عا-تا ایکیشر اوچر بیسک
 درجه سنه قدر ازانتوب هر برینی بر مجرب و شجیع
 مارشال و یا خود جنرال قوما-اسیله جهات متعدد دهن
 دشمن اوزرینه هجوم ایتمک ترتیب ایلدی .

واقعات تاریخ عسکری یازان مورخلردن ناپولیونک
 بوحرکتنی بکیمیانلر دخی کورلمش اولوب انلر صنایع
 حربیه مقتض سنجه عسکری هب بر برده طو پیل
 بولندیرمغنی توصیه ایدرلر ایسه ده ناپولیون دائم
 دشمنک ترتیب ایلدیکی مانورانک ضدی و عکسی اوله رق
 مانورا چو برروا اگر ضدی و عکسی مانورا فنون
 موجودیه حربیه ده یوق ایسه بردانه سنی در عقب
 بالذات ایجاد ایلر ایدی .

ایشته بیان ایلدی که صورتله هر طرفدن قوللر
 کوکس کوکسه و براز صکره بوغاز بوغازه کلوب
 روس ونجه عسکری نه طرفه دیش طابق ایستملر
 ایسه اورایه ناپولیون برامداد یئشمد بره رک دیشلرینی
 قیزمش و بویله هر هجومده دشمنی تلفات کلبه ایله

رجعتہ مجبور ایلش اولدیغندن دشمن بتون بتون
 پراکنده و پریشان فرار ایلدیکی زمان میدانده
 قرق بیکدن زیاده تلفات و یوز بگرمی پاره
 طوپ ایله قرق بش دانه دخی بایراق براقشدر .
 فرانسزلردن ایسه تلفاتک مقصداری ایکی بیک
 درجه سنه انجق واروب فقط بش بیک مجروح
 کورلش ایسه ده یوز بیک نفره قارشو جنک ایدن
 یالکزلالی بیک نفرک ده از زیاده تلفات و برمی
 حساب ایدیلورکنی بالعکس بویله ده از تلفات
 و برمی ناپولیونک بنه بالعکس چو و بردیکی مانورا
 سایه سنده وجوده کلشدر .

بودرجه شدت و سرعت و عظمت غالبیتسه
 اوروپاچه ششمیق عسکر بولنیوب حتی ناپولیونک
 دشمنی بولنان روسیه اوستریا ایمپراطورلی دخی شاشه رق
 یو آفت حربله ملاقات استعدا ایتشله و ناپولیون
 ملاقاتی قبول ایدرک صحرانک اورته برنده اوچ ایمپراطور
 بالملاقات مغلوبلر غالبدن صلح و آمان استعدا سببله
 مشهور پرزبورغ معاهده سنی قرارلشدر مشلدر .

عومعاهده وندیک ودالمایچیا و اوستریا ارناود لغنی
 اوستریادن المش و روسیه دولتی دخی بردها فرانسه
 ایله قطعاً دوست کچنمه که مجبور ایلمشیدی .
 لکن فرانسه نیک بوغالبیتی دخی اعداسنی انجیق
 یوقاچ سنه صلحه مجبور ایده بیابوب ۱۸۷۷ تار یخنده
 یاب مجادله ینه کشاد اولمشدر کدبوکره ناپولی و پروسیه
 دخی میدان مبارزه به آتلمش ایدیه ده ناپولی اولکاسی
 یتون بتون فتح اولنهرق فرانسه به ضم ایدلمش و پروسیا
 ایسه ینه اوسترساد وسائر محاربه زنده فرانسه
 عسکری النده هادتا بتون بتون خرپانوب از یله رک
 « بزی نه یاپار ایسه یابسون حقلیدرتک شو آتسه نهایت
 ویرسون » دیه اوکی آچیق برشرطله پروسیا دولتی
 تسلیم اولمشدر . بودفعه دخی روسیه نی نقص
 عهد ایله میدان مبارزه به کیرمش اولدیغندن ناپولیون
 موسقوف عسکری بی قوالیه قوالیه لهستانه قدر
 کیروب ۱۸۰۷ سنه سی شباطنک طقوزنجی کوفه
 ایله مظفر بتی و براز صکره فریه دلاندغالبیتی روسلری
 دخی فرانسه زنده او یونجاغه چو برمشدر .

ایشته بوغلبه لر ناپولیونی شوکت و اقبالک
 پر درجه سنه چیقار مشدر که اورو پاده قرال عزل ایتک
 قرال نصب ایتک کندیسنتک اکلجه سی مشبه سنده
 اولوب فرندا شلرینه تاج تخت باغشلار و جزالارینه
 دخی قونتلقلر دو قلقلر و سائر مالکانلر تملیک ایدر
 اولدی . حتی « ناپولیون اورو پانک بتون حکمدار
 خاندانلرینی لغو ایله یزلرینه برر فرانسز نصب
 ایدر . چک » سوزی بیله بعض زیاده چه قورقافلرک
 اغزنده زبازرد اولمش ایدی . هله ایکنجه قاریسندن
 طوغان براوغانی طوغندیغی آنده روما قرالی نصب
 ایتشدر که هر کسک استغرابندن کوله جکنی کتورن
 رعانده بودر .

ایشته ناپولیونک بودرجه یاورى طالعند ممکن
 دکل اورو پانک حمل ایدر مدیکنندن بو قاروده ذکر
 اولنان مغلوبیتک اوزرندن چند سنه کچمه دن روسیه
 دواتی نه فرانسه علیه نه تدارکات شدید به مباشرت
 ایلدیکنی ناپولیون خیر النجه بو کره کیدوب روسیه
 ایمپراطورینی کندی مملکتنده و بلکه پای تختی ایچنده

دخی مغلوب ایتمکی قورمش و بونک ایچسون جسم
 براردو تدارکیله روسیه ممالکنه طالب و افعاسم و لاسق
 و موسو و انحر به لرنده ینه روسلری پراکنده و پریشان
 مغلوب ایلشدر . انجق موسق و فلر موسقوه شهرینی
 آتسه و یردرک فرار ایتملریله برابر قیش دخی کال
 شدتیه کلوب چائش و حالبو که نابولیونک فرانسه
 طرفندن منتظر اولدیغی عهدهات ستائیه نصله
 کله مامش اولدیغندن بتون اوروپا دولتلری قوای
 حر بیسنک بوزمدقلری فرانسه عسکرینی برشدت
 شتا بوزوب پریشان ایلشدر . بورجعتده فرانسز
 اردوسنک و یردیکی تنغاته نهایت بوق ایدی .
 یناء علیه اخذلر ایچون دئما فرانسه نک ادنا تزلینی
 فرصت عد ایدن دول منفقه اشبو رجعت کیفیتینی
 دخی برغنیمت عد ایدرک درحال فرانسه یه قارشو برر
 ایکنیشر اعلان حربه باشلا دیلر .
 محاربه یه ک اول المانیا ایچنده وساقسونیاده مبشرت
 اولنوب غلبات ینه اغلی فرانسز لنده قالور ایدی .
 مثلا بوتزن نام قصبه جوارنده پروسیا ایله روسیه

عساکر متفقہ ستہ قارشو ۱۸۱۲ سنہ سی مایسنک ایکٹیجی
 کوئی وقوعبولان محاربه بوراجہ ذکرہ شایان وقایعدن
 اولوب سکسان بشبیک قدر فرانسز عساکری
 کندیلرینک اوچ مثلی دشمنله صباحدن اقشامہ قدر
 جنک ابدرك غلبه ایتمشلر و دشمندن دوشوردکری اون
 بشبیک تلفاتہ متابل کندیلریندن دخی اون ایکی بیک
 تلفات و رمشلردر .

روسیه و پروسیا عساکر متفقہ سی اوتزن مغاوبیتدن
 صکره یوز التمش بیک نفر اولدقلری حالده روسیه
 ایمپراطوری علیکساندر قوماداسیله یوتزن نام قصبه
 اوزر بنه رجعت ایتمشلر ایدی . ناپولون بوناپلری تعقیباً
 یوتزن قصبه سی اوزریننه دخی کلوب واقعا قصبه
 مذکورہ اطرافی کاملاً استحصا کات التمه التمش
 کوردیسه ده فرانسز عساکری اوتزن محاربه سنده
 تجدید جسارت ایتمش اولدقلریندن بلا تردد محاربه یه
 آتلسدی . بو محاربه ده دخی غالبیت همده بحق
 فرانسزرننده قالوب عساکر متفقہ اوچ بیک قدر
 اسیرالیه اون سکر بیک تلفات و ردیلر . فرانسرلرک

تلفاتی دخی بونلردن اشاخی دکل ایدی .
 شوابکی بیوک و سائر برچوق کوچک بوز غونقلو
 اوزرینه دشمن ایزیق شهری طرفنه طوغری
 یورو بوب فقط بوارالق اوستریا دولتی دخی فرانسه
 ایله نقض عهد ایدرک میدانه آتیش اولدیغی کی
 دول منفقه اسوج دولتی دخی بومحاربیه صوقش
 و فرانسه نکلمانیاده بولنان سائرک قوتلی متفعلری
 دخی بوز چویرمش اولدقلرندن ناپولیون برمحاربیه
 دخی کندیسنی ایزبقده بکله مکده اولدیغنی اکلامشیدی
 اوارالق ایزیق جواری فرانسه عساکری النده
 بولمغله ناپولیون سر یعا اورابه مواصلت ودها
 دشمنک و ودندن اول اردوسنی ایکی جبهه له
 بر صورتله بالترتیب - چونکه دشمن عسکر یله کندی
 عسکری اراسنده اصلانیت اولیوب بره اوچ و بلکه
 درت نسبتده بولندیغندن - مدافعه یه حاضر
 و آماده بروضت اخذ ایلشیدی . واقعا ایتسی
 کون دشمن کلدی چاندی . طوی آتشیله محاربیه
 باشلابوب عقبنده هجوملره دخی مباشرت اولندی .

اعدای متفقہ تکمیل قوت لریله بربری ارقہ سی عمره
تمام الی دفعه فرانسزل اوزرینه هج-وم ایدوب
التیسندہ دخی رجعتہ مجبور اولدقلرینی ناپولیون
کورنجه بودفعه برهج-وم دخی کنسدیسی ترتیب
ایلمشیدی . واقعا جناحین اوزرینه ایدیلان هجومده
موفق اولدی . لیکن دوشمنك قلبکاهی مقارومتده
ثبات کوسستمکله ناپولیون دخی رجعتہ مجبوریت
کوردی . محاربهك اش-و ابلك کوننده سلاح
عظمتینی نه فرانسزل محافظه ایتمش ایدیسده لده
ناپولیون ایچون بو قدر نسبتسز بدشمنه قارشو قویق
امیدی کلامك لازم اولدیغی حالده حربجه اولان
یاوری طالعنه مغروراً التزامنه فن حربجه مجبور
اولدیغی رجعتی برکون ده تأخیر ایلدی . بناء علیه
ایکنجی کونی دشمن هر طرفندن شدتلی هجوملر قالدیروب
فرانسزل ایسه بونلرک هجوملرینه ینه هجومله مقابلیه
باشلادقلرندن ارتق اولمش ارمود کبی دوکولورنی
اییدی . ایشته بو کونك تلفات و ضایعاتنی دخی
کوردکدن صکره ناپولیون معیتنده کی اردوبی بتون

یتون محو ایتماک ایچون بقیه عسکر به مغلوباً فرانسه
طرفنه رجعت ایلدی .

ایرتسی ۱۸۱۴ سنه سنده ناپولیونک هر طرفدن
فرانسه به هجوم ایتش اولان اعدای متفقہ به قارشو
کوستردیکی شجاعت ومهارت عسکر به محیر العقول
ایدی . کندبسی هائیکی محاربه ده حاضر بولنور
ایسه غلبه تامه فرانسرز النده قالور ایدی . انجق
یر ناپولیونی بکرمی به آرمق ممکن دکل ایدی که هر
پارچه سی بر طرفه قونلسون ده دشمنه هر طرفه
ایدلسون . بناء علیه دول متفقہ نک پارس اوزرینه
طوغری حرکاتلرینی منع ایده جک هیچ بر چاره
بولنده دی . تا پارسه وصولنده مکاتب عسکر به
شاگردانی وملت عسکرلی او پایتخت جسیی محافظه
ایچون فداکارانه غیرتدن کبرو طور مدیار . انجق
بوتکده بر فائده سی کور یله میوب نهایت فونتن بلو
سراینده ناپولیون فرانسه ایمپراطور اغندن استعفا
واقی دکرک صولری ایچنده غرق اولق درجه سنده
کوک بولنان آلب اطه سنک حکومتی قوجه

بر فرانسہ اےپراطوغنہ تبدیل ایلدی کہ بو وقعهٔ
عظیہ ۱۸۱۴ سنہ سی نیدسانک دردنجی کونی
وقوع بامشور .

تاریخت محکات دیپلوما نیقیہ سنہ کورده اوز ماہلر
دول متفقہ نک کو متردکاری شدت فرانسہ علیہ نہ
اولیوب بلکه یالکز ناپولیون نامنه اولدیغنه مبنی
بو کره ینه اسکی بور بون خاندانندن اون سکرنجی
لوی بی فرانسہ قرالی عنوانیله صندالی حکومت اوزرینه
اوتورتمش لر ایدی . اوزمان فرانسہ ده جمهوریت
افکاری لایقیله تأسس ایتمش اولدیغی کی ناپولیون
دخی کندی تشکیل ایلدیکی خاندن اےپراطوری ایچون
قوتلی طرفدارلر پیدا ایلش اولدیغندن بو ایکی فرقه نک
ایکیسی دخی بور بونلری ایسته مد کلرندن الب
جزیره سی حکمداری ناپولیون بونا پارلی یکی ممالکنده
طوبی بر قاچ آی مدت اوتورته رق بعده جمهور جیلز
ایله بونا پارلیستلر فرانسہ ده تشکیل ایتمش اولدقلری
بر بیوک اردویه قوماندا ایتک ایچون ناپولیونی تکرار
دعوت ایلدی لر . بنه علیہ ۱۸۱۵ سنه میلادیه سی

مارتی ابتدا سنده ناپولیون تکرار فرانسہ بہ ایاق
 یاصوب ہرہانکی مملکتہ اوغرا دی ایسہ القشلا نہرق
 پارسہ واصل اولور اولمز قرانل دخی قراری فرارذ تبدیل
 ایلدی .

انجیق ناپولیونک ذاتنہ خصم اولان دول متفقہ
 بو وقعہ بی خیر الور المز در حال سلاحہ صار یلوب
 ناپولیون دخی بالطبع مقابلہ بہ چیمقلہ اگرچہ حز برانک
 اون التنجی کونی لینی نام محلدہ پروسہ یالوری ینہ
 مغلوب ایلش ایسہ دہ ایکی کون صکرہ وترلوو نام
 محلدہ اطرافی قوشادیلہ رق الحق قهرمانانہ بر محار بہ دن
 صکرہ ناپولیون اوغلی ایکنجی ناپولیونہ تودیع حکومت
 ایدلک اوزرہ بر استعفا دھا ایدرک کندیسسی دخی
 برکی بہ را کبأ انکلترہ دولتنہ عرض تسلیمیت ایلشیدی
 دولت مشارالہا ناپولیونک دخالتنی قبول ایدہ مدی .
 کندیسسی دخی دول متفقہ عدادندہ داخل بولاندیغی جہتلہ
 ناپولیونی دول متفقہ نامنہ اسیر بعدہ دولنلرک اتفاقیلہ
 بوآفت جنک وجدال تا افریقا سواحل جنوبیہ سندنہ
 سنت الن جز پردسنہ نفی ایلدی کہ بش سنہ مدت

بقیہ عمرینی اورادہ امرار ایٹشدر .
 ناپولیہ۔ ونک ایکنجی دفعہ اولہرق نائل مقام
 ایپراطوری اولسی یوز کون دوام ایلدیکندن لسانہ
 تار یخده یوکا حکومت صد روزہ، اطلاق اولنور .

— بشنجی فصل —

اون سکزنجی لوئینک زمان حکومتی

عن ۱۸۱۵ الی ۱۸۲۴

تفصیل — ناپولیونک بودفعہ کی انقراض تامی
 فرانسدی عادتاً روسیہ اوستریا پروسیا وانکلترہ
 دولتیرینک حایہسی السنہ ویرمشیدی . شو حال
 بالعموم فرانسرز ایچون بیوک برداغ درون اولس
 ایڈیسسدہ، فرانسدہ ایچندہ بور بونلر علیہنہ جزئی
 پر غالبیت دول متفقہ بی تکرار پارس ایچندہ دعوت
 ایتمک اولہ جنی جہتلہ هر کس بوندن احترازہ باشلامش
 ایڈی .

ارتق صندالیء حکومت اوژرینہ مستبداً اقعاد

ایدلمش دیمک اولان اون سکرنجی اوبی ایسه فرانسه
ایچون دول اجنبیه دن دها زیاده شدتلی برصدمه
یرینه کچمشدر . زیرا مقنول اون التجی اوبینک
انتقامی دکل منق ناپولیونک ذاتندن اله مدیغی ثارینی
بوکوره اکا طرفدارلق ایدنلردن آلمغه باش-الایوب
ناپولیونک قومانداسی التده اوله رق فرانسه شوکتی
اوغورنده جنک ایدن مارشال وجنراللردن برطاقی
اعدام و برطاقی مؤبدأ درزندان ایدلدی . حتی
اوزمانک نفراتنه بیله حیدود صفتیله باقیلوب تحقیر
ایدلکه باشلانلی . هر زرده حیت ملیه دن دم
اوران سر بست فکری برادم وار ایسه تعذیر
وهر زرده ایکی سطر سر بستانه یازی یازلن برغزته
کورلدی ایسه تکدیر ایدلدی . مطبوعات جدیده
حکیمده غایت شدتلی نظامات قونیلوب بو ایشلرک
جهله سی دخی برسینه ایچنده کورلشیدی . زیرا
۱۸۱۶ سنه سنده فرانسه نک ملک مجلس اعضاسی
دخی دفع ایدلشیدی

حالبوکه اوزمان اوروپا حکمدارلرینک قورقوسی

یائیکز فرانسه دن اولوب ایتالیا واسپانیا طرفلرنجه
دخی فرانسه دن اورنگ المش بولنان خلق سر بسستی
محرابانه قیام اتمش بولنسه. بله ایتالیا طرفلرینی المانیا
واوستریا دولتری تربیه باشلادیغی کبی اسپانیایی
دخی فرانسه دولتی تربیه ایتدیکی درعهده ایدنجه
بو حان دخی سر بسستی فیکرنده اولنلری تماميله دلکیر
ایلدی .

نهایت ایش بر درجه بی بولدی که فرانسز لر
براجنبی پرنسه تبعه اولغی اون سکننجی لوئی به تبعه
اولمقدن دها اهون کورمکه قدر واردیلر . هله
بر ایکنجی حکومت جمهوریه تشکیلی آرزوسی عادتا
اسکی قرال طرفدارلندن بیله پک چوقلرینک سیندلرینی
یا قار ایدی .

بناء علی ذلک بفور و پرتون ودلاروشل طرفلرندن
علیم ناخودش نودی دکل عادتا عصیان واختلال
اماره لری دخی باش کوسترمش. یدی . هله ۱۸۲۴
تاریخنده لوی بی ثامن عشر وفات ایتدیکه فرانسه همان
همان قبتیل ویرمکه حاضر لاش اولدیغی نأره فسادی

براز وقت دهـا تاخیر ایدہ بیلدی .

— ❖ التنجی فصل ❖ —

❖ اوننجی شارلک حکومتی ❖

عن ۱۸۲۴ الی ۱۸۳۰

تفصیل — اون سکرنجی لوینک اولادی اولماق
 حسبیلہ بعد وفانہ قرداشی شارل اوننجیلق عنوانیلہ
 مقام قرالی یه انتخاب و تعیین ایدلدی . بو ذات مقدا
 جمهوریت افکارندہ بولننلری زیادہ سیلہ ازمش
 و تحقیر ایش اولدیغی جهتلہ بر کرہ مقام حکومتہ
 وصولانی سرستی طرفدارلری بک ده بکنہ مامش
 ایدیسہ ده اعلان جلوسیلہ برابر مطبوعات علیهنده
 اولان نظامات شدیدہ بی کلیاً الفاسو محرر و مؤلف
 بولننلری الترام ایش اولدیغندن خلق اوتہ دنبری
 حکومت قرالیسہ دن نفرت کوسـ بترن محررلری بو کرہ
 اوننجی شارل اهنده نشر یاتہ مباشرت ایش کورنجہ
 عموم ملت شارلک محبتنه مسارعت کوسترمشدر .
 اگر اوننجی شارل مقام حکومتہ کلایشی کبی الی آخرہ

دوام ایتمش اولسه ایدی بو عصر اخیر ایچنده فرانسه نك
 الك ابی حکم - داری کندیس اولور ایدی . انجق
 برادری زمانندن قالوب افکار سر بستینك دشمنی
 اولان وملت تحت قهر اسارتمده طومغی نوازش والتفاتله
 حسن توجهنی قازانمقدن دهها زیاده سیاست پرورلکدر
 طنزنده بولنان وکلاشارل عاشرک دخی ذهننی چله رک
 وؤنقلری کرک قرال وکرک کندیلری ایچون ثناخوانلق
 ایتمکه دعوت ایتمش ایدی .

واقعه بونلر ایچنده ایدیلان تکلیفی قبول ایدنلر
 دخی بولندی ایسه ده اجرا آت واقعه نشریات واقعه
 ایله قارش - واشد مدیغندن خلق نشریات واقعه نك
 صرف کذب و دروغ اولدیغنی علناً درمیهان ایدر
 اولدیلر . زیرا حکومت پاپاسلری التزام ایدرک کویا
 ساده دلان اهالی بی بونلرک نصایح ووصایاسیله کندی
 طرفنه جلب ایده جنکنی حساب ایلمش ایدیه ده پاپاسلر
 بو التزامی حتی صویغه مدارع ایتدکلرینه وخلق
 ایسه بوکروهدن تابیکو اختلالدن بری متفر بولندقلرینه
 مینی احوال داخایه - یوهأ فیوما دیگر کون اولغه
 باشلادی .

احوالک تغیری حکومتک دخی وسوسه سنی
 ارتدیرارق مطبوعات حقنیده کی شدت سابقه اعاده
 قلندیغی کبی جزو بجه شبهه ایدیلان آدمیرکلی جرایه
 اوغرادلمقده اولدیغندن یوشدتی کوردکجه خلق
 نفرتنی آرتدیردی وخلقک نفرتنی کوردکجه حکومت
 شدتی آرتدیردی نهایت ۱۸۲۷ تشرین ثانیه سی
 ایچنده ایدی که ارتق نفرتک صوکه درجه سنه وارمش
 اولان خلق پارسده سن دنی سوقاغنده اجتماع ایدرک
 حکومت قرالیه دکل فقط بانذات شارل عاشر نامه
 اعلان عصیان ایلدیلر .

واقعشارل عاشرالنده هنوز قوت برکال اولدیغندن
 عسکر سوق ایدرک وحقی سلاح استعمال ایدیره رک
 ارباب عصیانی تارومار ایلشیدی . لیکن اندن صکره
 بلانک دها بیوکی حاضرلانغه باشلاندیغنی کور بجه
 وکلای حاضره سنی بالتبذیل یرینه کندیسینک هیچ
 سومدیگی و فقط خلقتک بک سودیکی مارتیناق نام ذاتی
 یاش وکیل نصب وانتخاب وکلایمینی اکا حواله
 ایلدی . لیکن چه فائده که برکره چیغرندن چیقارلمش

اولان ایشلری بالذات قرالک امین اوله مدینه برذاتک
 یوله قوبیسی ممکن اوله مدی . حتی مارتیناق مماشات
 صورتنده براداره به باشلامش اولدینی حالده دخی موفق
 اوله مدی .

ارتق کالیله غلیانه باشلامش اولان افکار عمومیه بی
 تسکین ایچون (کیفیت تاریخ خصوصیتسینده
 کوستریله جکی وجهله) جزیره دوئنا وعسکر سوق
 اولنه رق آفریقانک او طرفی دخی فرانسه به الحاق
 ایدلمش ایدسه ده هر کس « کندی مملکتیزک داخلنی
 اصلاح اتمه دن عرب مملکتیرینی ضبط ایتکده نه معنا
 واردر ؟ » دیه بوندن دخی ممنون اوله مدیلر . انجام
 کار ۱۸۳۰ سنه سی تموزنده پارس سلاحه صاریلوب
 اوتنجی شارلی خلع ویرینه اورلیان فامیلیاسندن لونی
 فلیبی اجلاس ایلدی .

❖ یذنجی فصل ❖

❖ لویی فلیب زمان حکومتی ❖

عن ۱۸۳۰ الی ۱۸۴۸

تفصیل - اونچی شارل خلع ایدلد کدن صکره
 تشکل ایدن - حکومت جمهوریه به هر طرفدن محضرت
 کلوب شارلک یرینه بشقه قرال انتخاب اولنامسی
 وملتک حق حکومتی کندی النده اولق اوزره برحکومت
 جمهوریه اعلان قلمسی توصیه ایدلمکده ایدیسده
 لوبی فلیب کنبجلاک زماندنبری ملتته محبت صحیحه
 کوسترمش وحتی افکار سرستی بی دخی تحسین
 وقبول ایلمش برپرنس اولدیغندن بونک قرال کبی عادتا
 برجمهور رئیس مقامنده اولهرق قبول ایدلمسی لزومی
 خلقه بالاعلان بوصورتله یکی قرال صندالیء حکومت
 اوزره اوتورتلشدرد .

واقعا لوبی فلیب مقام حکومتده اوتوره جغی
 ائناده قسم ایتمش اولدیغی وجهله ملتک حریت عمومیه
 سنه اصلا تعرض ایتمیوب مطبوعات ایچون یکی وموافق
 نظاملر قومیش وارباب قلم وصناعتی فوق العاده التزام
 ایدرک یکیدن برطاقم . مکتبلر دهها کشادیله ترقیات
 معارفه دخی خدمت ایلشدرد . هله دول منجاوره
 ایله پولتیقه سنی اویله بر صورتده طومش ایدی که انک

زمانندہ فرانسہ اوستریا و اسپانیا و سائرہ قارشو
 سلاحہ صارلمش ایدیسہ محضادہ اوروپا ایچندہ صلح
 و صلاحی محافظہ ایچون النہ سلاح المش اولوب حتی
 بلچیقہ ایلہ هولاند اولجہ بر مملکت و برقر اللق اولہ رق تشکل
 ایتمش اولدقلری حالہدہ مؤخرأ بوغاز بوغازہ کلککہ
 قرانسز عسکری بلچیقہ کبروب ایہ ژ شہرینی ضبط
 و بلچیقہ فاکت هولاندان آیر بلہ رق باشلو باشنہ برقر اللق
 تشکیل ایتسنہ معاونت ایلشیدی . و بو قدر صلح
 پرورلکدن ناشی ایدی کہ قرال مشار الیہ صلح
 ناپولونی دہ ملقب اولدی و ناپولونک محاربہ
 جواقلہ نہ قدر متلذذ اولمقدہ ایسہ بوقرالک دخی مصالحہ
 جواقلہ او قدر متلذذ اولدیغی اکلاشلدی .

فرانسہ نیک بر زماندن بری طیش دکز زجہ غیب ایتمش
 اولدیغی حیثیت بوقرال زمانندہ پورٹیکز و مکسیقا و چین
 طرفلرینہ سوق اولنان دونمارک مظفریاتی سایہ سندہ
 تجدد ایلش اولدیغی کبی چین صوربتہ کوندردیکی
 دونمارک حرب مقصدیلہ اولیوب مجرد فرانسہ نیک
 اورالزجہ تجدد ایتککہ باشلامش اولان منافع تجاریہ سنک

محافظہ سی ایچون اولسی و بومقصد اوغورندہ چین
ایمپار بلہ بر معاہدہ عقد ایللمسی دخی فرانسه ایچون
تحسین عمومی بی جلب ایلدی .

تاریخ عمومینک بودور ایچون فرانسه بی تعیب
ایلدیکی بر حرکت تجاوز بہ محمد علی پاشانک دولت
علیہ منافی خلافتندہ حرکت ایلدیکی زمان فرانسه نک
مصرہ موافق بوللمسی ایدی . حتی مصر عسکرینک
اناطولی ایچندہ ایلرولمسنی منع ایچون اوروپا دول
مخاربه سی خلافتندہ اولہرق فرانسه ینہ مصر
طرف کیرلکنندہ دوام ایلشدر . واقعا اوارالق لوی
قلیب اوغلارینی جزایر طرفندہ کوندروب افریقانک
بوجہتجہ توسیع حدود ایتدیکدہ بولندیغی جہتئلہ
مصر ایلہ اتفاق ایتسی کندی منافع مخصوصہ سنہ
زیادہ سئلہ موافق دوشمش ایدیسسدہ ذاتاً جزایر
حقندہ کی حرکات طمعکارانہ نک اساسی محق اولدیغی
جہتئلہ بوندن حاصل اولہجق منفعت دخی محق عد
اولندہ مامقدہ در . مسئلہ نک بوجہتتری جودت پاشا
تاریخنندہ یک مدققانہ محاکمہ ایداش اولدیغندن

شومسئله مهمه حقیقه معلومات و محاکمات موضعه
 الذی استیانلری اورایه ارجاع ایدرز . زیر ایزو کا
 دأر ویره جکمز معلومانی تا افریقا اولکار بنگ احوالی
 تاریخیه سنه مخصوص اولان اوچنجی (افریقا
 قسمی) نه تعویق ایتشدر .

الحاصل فرانسه مورخلرند ن بیطرفلق فخریه
 مقتخر اولنلرک بالاتفاق تصدیقلرینه کوره لوی قلیبه
 فرانسه کندی زمانه قدر حکومت ایدن قرالارک
 اک خیرلوسی اولوب انجق بیوک اختلالک وقوعند نبره
 بردرلوتسکین افکار ایده مامش اولان جمهور طرفلوسی
 بردرلو بو غیرتلی اداره لی مرجعنی حکم داری
 بکنه مامش و بونا پار طرفلور بنگ اوته دنبری بور بونلر
 و اورلیانلره کوستر دکلری خصوصتک لوی قلیبه
 حصه سنه صبت ایدن قسمی دخی جمهور جیلرک شدتنه
 منضم اولاش بولمغله مدت اداره سننده کرک لیون
 و کرک پارسده کوستر بلان عصیان نمایشلری بوابی
 قرالی راحتسز ایتشدر .

ایش یالکز بونکله قالسه یتنه نه ايسه نه !

فرانسه ده بونک کبی اداره لی هج برقرال کلمدی کی مثللو
 بونک قدر تهلکه لره دوشمش ده برقرال کلامشدر .
 کندیسنی چکه میان ناخوشنو دل طرفندن اتی دفعه
 جاننه قصد ایداشیددی که جناب حقک صونی
 سایه سنده هج بریسی ایفای مرامه مقتدر
 اوله مامشیدی .

بونکله برابرلوی فلیبک پواتیقه منافی اوزرینه
 قان دوکامش اولسی الحق کندیسنی لسان تار یخله
 مدح وستایشه الیقدر .

لکن علیهنده بغیر حق شدتلندکجه شدتلنمان
 ناخوشنودی عاقبت قرالی دخی مایوس ایلدیکندن
 ۱۸۴۸ سنه سنده کوچک اوغلی نامنه ترک حکومتله
 کندیسنی اورنه دن چکمک ایسته مش
 ایسه ده برکه استعفا سی وقوع بولسی اوزرینه ارتق
 برینه بردیگر قرال انتخابی افکار باغیه اربابی قبول
 ایده میهرک فرانسه نیک ایکنجی جمهوریتنی اعلان
 ایستلردر .

﴿ سکزیجی فصل ﴾

(ایکنجی جهوریتک مدت دوامی)

عن ۱۸۴۸ الی ۱۸۵۲

تفصیل - جهوریتی اعلان ایدن حکومت موقتہ
 اول امر دہ حکومتک حق ریاستی بر اجراقومیسونہ
 حوالہ ایتمک ایستہ مشلرایدیسہ دہ اوارالق جهورجیلر
 ایله متفق بولن۔ ان ناپولیون بوناپارط طرفدارلری
 یرقاچ آی صکرہ میدانہ قوبہ جقلری امل مخصوصلری
 ایجابنجه بوصورت ممکن اولہ میہ جغنه جله بی اقتناع
 ایدرک جنرال قادیناق نام ضابطی قوہ اجرائیہ شخصی
 طانیدلری یعنی عادتاً طوغریدن طوغری به جهور
 رئیسینی نصب ایلدیلر . فقط اصل امیل جنرال
 قادیناقک ریاستی دکل ایدی . اوارالق اوروپا
 وامریقاجہ اولان سیاحتلرینی بتوروب فرانسه به
 کبرمش اولان پرنس لویی ناپولیون بوناپارطی بیوک
 بوناپارطک یرینہ کچورمک سـوداسی بوایشی
 کوردرمشیدی .

واقعا موفق دخی اولدیله . زیرا چند سنه دوام ایدن قراللیق اصول اداره سی فرانسه نك پسیایه اهلینجه ینه بر حکومت مطلقه تابعیتی صورتنه ایستقلق کوسترمش اولدیغندن هیچ اولمز ایسه مقام ریاستده بر پرنس بولنسی لزیمی میدانه ایدی .
 یا خصوص که ناپولیون نامی کرک عسکرک و کرک ملتدن بر بیوک فرقه نك پک سودکاری برنام اولدیغندن مقام ریاسته کچور یله جک پرنسک دخی برلوی ناپولیون بوناپارط اولسنه دهها زیاده مناسبت دوشور ایدی .

ایشته بوقدر مناسباتک اجتماعله ۱۸۴۸ سنه سی کانون اولنک ایکنجی کونی حکومت جمهورییه و ملنک حریت ملیه سنه صداقتدن آیرلیه جخی حقنده علناً قسم ایتدیره رک لوی ناپولیون بوناپارطی دخی قاعد مقعد ریاست ایلدیله .

لوی ناپولیون بر کره بوضورتله ریاست حکومته بول بولدقندن صکره ارتق کندی خاندانک اخص طرف کیرانی فرانسه نك هر طرفنه سؤقله افکار ناسی

گندی اهنه چو بر مکه باشلادی . ناپولئونك مدت ریاستی
 اوچ سنه ایچون تعیین ایدلمش اولدیغی جهتله
 بومدتك ختامی تقرب ایلدکنه ایاتلرک هر برندن
 محضرر کلوب پرنس لوئی ناپولئونك مدت ریاستی
 دها زیاده تمدید ایدلمسی استدا ایدلمشیدی .
 مبعوثان ملت بواسنتمعالدن اور کدرک وعلی الخصوص
 اورتهیه قراللی طرفدارلرینک انترفهلهری دخی
 کیرهک پرنس ناپولئون بر بیوک تهلهکه ایچنه دوشمش
 ایدیسسهده ۱۸۵۱ سنهسی کانون اولنک ایکنجی
 کونی پرنس مشارالیه بر قوجه اعلاننامه ایله مبعوثان
 ملت مجلسی وسأره بی لغو وفسخ ایلدیکندن بختله
 اگر برئیسسه اون سنه مدتله زمام حکومت تسلیم
 ایلدز ایسه فرانسه نك راحت و حضور بوله میه جغنی
 ملتہ بیان ایلدی .

فقط پارس اهلایسی بو بیاننامه بی دیوارلر دیاپشمش
 کوردکلری کون هر گوشه باشنده دخی عسکر اقامه
 ایدلمش کوردیلر . بوندن فضله الک شدلی مفسدردن
 درت بشیوز دانهسی جاندرمدلرک سونکوزی اراسنده

اوله رق حبس خانہ لہ قالدر لدیغی دخی جملہ مشہودات دن
 ایدی . واقعاً خلق اوچ درت کون ناپولیونک
 ادعا سنہ مقاومتلہ عصیان ایتمش لرایسہ دہ ذاتاً الی
 میلیون نفوس ناپولیونی قبول ایتمش اولدقلرندن جملہ بہ
 مرام اکلاتیلہ رق ایستہ دیکی کی وکلا انتخاب ایتک
 ایستہ دیکی یولده اداره امور ایتک صورتیلہ بررئیس
 انتخاب اولمش اولدی کہ بیوک ناپولیونک ایمپراطورلر
 استقلالنہ دخی تفوق ایدن استقلال ریاستینہا ہیسی
 بونک یانندہ هیچ صایبلہ بیلور ایدی .

ایستہ بو حال ناپولیونک ایمپراطورلغنک مبدئی اولدی
 لیکن کندیسای ایمپراطور عنوانی خاڑ اولوبووب حال حکومت
 جمهوریه نامنہ رئیس عنوانیلہ ایمپراطورلق ایدرایدی .
 واقعاً بو اراق ناپولیونک موفقیتلری الحاق سزاوار
 تحسیندر . زیرا حیت ملیہ وناموس وطن کی برطاقم
 مبارک سوزلری کندی غرض و نفسانیتلرینہ سپرایندن
 مفسدلرک یکر می بش اوتوز سنہ دنبری فرانسه پی دوچار
 ابتدکاری احوال فجیعہ بہ ناپولیون ختام ویروب
 هر طرفہ آسایشی تحکیم ایلدی . شو صورتلہ دوام

لیدن ریاست دخی برسنه قدر متمد اولوب ایتسی
 ۱۸۵۴ سنه سی کانون اولنک ایکنجی کونی مبعوثان
 ملت و سائر ارکان دولت تهیه ایتش اولدقلرتاج
 ایمپراطوری بی ناپولیونک سر ریاستنه قویدیلر .

طوقوزنجی فصل

ایکنجی ایمپراطورلق

عن ۱۸۵۲ الی ۱۸۷۱

تفصیل - لوبی ناپولیون ثالث ایمپراطورلغی ایله
 برنجی ناپولیونک ایمپراطورلغی اراسنده بر بیوک مناسبت
 کوریلوب بویولده ناپولیون کی اودخی جمهور ریاستنده
 صورت استبدادی تصور ایلد کدن صکره بردن بره
 ایمپراطورلغی اعلان ایتش ایسه ده بومناسبت لوبی
 خلیب ایله ناپولیون ثالث میاننده آراشدیراسه ده
 زیاده موافق دوشه جکنده شهبه یوقدر . زیرا
 برنجی ناپولیون اورته یه کرچکدن بر جمهوری کی
 چیقوب کندیسنه طرفیکر اتخاذایلدیکی ذوات دخی
 جمهوریلردن ایدی . اوچنجی ناپولیون ایسه

هر نه قدر بر حکومت جمهوریه ریاسته نصب ایدلش
 ایدینه ده بو انتخابه موفق اولئر حکومت جمهوریه
 اریایی اولیوب بر حکومت مستبده ایمپراطوری به
 اریایندن اوله رق جمهور جیلردن بام بشقه برشی
 ایدیلر . برنجی^۴ ناپولیونه فرانسه بی بریوک ته لکه دن
 قور تارمق کبی عظیم بر خدمت مقابلنده ایمپراطورلق
 نامی آز کور یله کور یله و برلش و اوچنجی ناپولیون
 ایسه بش التیوز نفر اریاب نفوذی حبسه طقمینجه
 بو عنوانه نائل اوله مامشدر . بعینه او بی فلیب مثلاو
 ناپولیونی دخی مقام استقلالده کورمک ایسته میانلز
 و فرانسه بی ینه بر حکومت جمهوریه اداره سی الته
 و یرمک غیر تنده اولئر لیک چوق ایدی . واقعا رأی
 و یرمکه حق اولان فرانسه لر دن اونده سگری و بلکه
 طقوزی ناپولیونک ایمپراطور لغنی تصدیق رأی و یردی .
 انجق بر جمهور جینک دیمش اولدیغی وجهله فرانسه نک
 بعض حیوان کبی کویلولری حالا بیوک ناپولیون
 ایچون رأی و یر بیورم ظنیه رأی و برمش اولسنی
 فرانسهز مبالغه سینده حل ایتسه دک بیله بالجمله ایالات

والوبه والیبری ناپولیون طرفندن وضع ایلد کدن
صکره بورای عمومیك طو پلائمش اولدیغی دخی البته
جای دقتدر .

هرنه حال ایسه جهوز اربانك هر اجرا آتی تزییف
ایتمزدن قطع نظر عمومیت اوزره محاکمه ایلدی بکی
صورتده ناپولیون فرانسه ایچون فنبار حکمدار چیقمدی .
روسیه دولتک بعض مطالب غیر محقه و نامشروع
ایله دوات علیه علیه قیام و کافه حقوق امی
چکنه بهرك خبرسزجه کلوب سینوبده عثمانلی دوتناسنی
احراق ایتمش اولسی مسئله سندن طولای، تولد ایدن
قربم مسئله ماضیه سی ناپولیونک بکی ایتمر طورلغی
زمانه مصادق اولغله اولباید انکلتره طرفندن وقوع
بولان تکلیفی قبول ایدرك دوات علیه نك متفقلمی
بولان دول متحابه ایله برابر درس عاده کلیتلی عسکر
کوندردی و ۱۸۵۴ سنه سنده بونلر قریمه سوق
اولنهرق دوستانه و متفقانه عثمانلی وانکلتر و ساردنیا
عسکر یله برابر روسیه علیه جنک ایلدی .
شو محاربه و علی الخصوص ختامنده عقد

ایدیلان معاهده‌نک پارسه انعمادی فرانسه‌نک
 اوروپاچه اولان شایعه شوکتی ارتدیروب هله
 ایتالیا هیئت عمومی ملیه سنی تشکیل ایدن ملنلرک
 فرانسه طرفندن دخی ایدیلان مظاهرت سایه سنده
 اورته به یکپاره براتالیا دولتی چبقارمش اولسی فرانسه
 ایچون کمال مرتبه ده شان قازانغه سبب مستقل
 اولدی .

ایکنجی امپراطورک حرکات مهمه حربه سنندن
 بریسی دخی اوستریا خاندان امپراطور بسندن ماقسیمیلیتک
 مکسیقایه امپراطور نصب ایدلسی اولوب انجق کیفیت
 مکسیقاتار یخنده کوریه جکی وجهله مؤخرأ ناپویون
 مکسیقاده بولنان فرانسر عسکرینی کورویه المسیله
 اریاب جمهور بالعصیان بیچاره ماقسیمیلینی اخذ
 واعدام ایشلردر که شوکیفیت فرانسه امپراطورلغنک
 شاننه برکوچک نقطه شین قوندرمشدر .

ناپولیونک جزایر طرفلرنده وقوعبولان برقاچ عرب
 عصیانلرینی باصدیرمسی وتاچین طرفلرینه دوتما
 وعسکر سوقیله محسار به ایتسی کی بعض حرکات

حربه سی ده‌ها واردر . انجق اسان تاریخده کمال
 تقدیر ایله یاد اولنه جق شی مشار الیهک امور نافعده
 دئر موفق اولدیغی انشآت جسمه در . بر فرانسه
 شاعری دیر که بیوک ناپولئون دیراسه ده شمدیکی پارسی
 کوره جنک اولسه یکنک اجرا ایلدیکی تبدیلاته شاشمامسی
 محالدر . واقعا یکیدن پک چوق ابنیه یاپدی جاده لر
 آجدی و برطاقم تأسیسات سائره ملکیده دخی موفق
 اولدی .

واقعا کندیسندن منون اوله میان گروه کندی
 علمینده انواع نشر یانه موفق اولدیله . حتی علمینده سوء
 قصد دخی ایدمشدر . انجق بونلرک هیچ بریسی موفق
 اوله میوب زرده عصیان و اختلال قوقوسی انمش
 ایسه در حال تطهیرینه حکومت امپراطور به موفق
 اولمشدر . هله اورو یاپاچنده هر مسئله سیاسی فرانسه
 پارمخی اوجیله چوریلوب فرانسه دولتک عموم
 اوروپا و زرنده برحق حاکمیت ادعاسنه قدر وارمسی
 ناپولئونک مهارت سیاسی سنه جل ایذیله بیلور .
 ۱۸۶۶ سنه میلادی سنه قدر ناپولئون فرانسه بی

اوروپا اچھنڈہ عادتاً رقبسز برملت حا کہ حالتدہ
 یشاتہ بیلدی . سنہ ۱۸۰۶ مرقومدہ اوسٹریا ایلہ پروسیا
 میاندہ وقوعبولان صادوا محاربہ سہلہ یتہ
 یومحاربہ نک شعبہ بحریہ سی دیمک اولان وایتالیا ایلہ
 اوسٹریا میاندہ اجرا ایدیلان لیسامحاربہ بحرہ سندہ
 ناپولیون اوسٹریا نک غلبہ سنی زیادہ جہ امل ایلشیدی .
 زیرا فرانسه نک قومشوسی دیمک اولان المانیا اوزرنده
 اوسٹریا نک برنفوز ایلر طور سی بولنسی المانیانی
 فرانسه عالیھندہ براز دھا ضعیف براقہ جنی کی ایتالیا
 اتحادینک مؤخرأ فرانسه اچھون مضر اولدیغنی
 اکلامش اولان ناپولیون بو کرہ دخی ایتالیا نک
 اوسٹریا دن برسی دھا قوبارہ بیلسنی دہ ایستہ من
 ایدی . لیکن مسئلہ ظنی کی چیقمدی . واقعا
 بحرأ اوسٹریا غالب کلدی . انجق صادوا دہ پروسیا نک
 ایکنہ لی تفنگری اوسٹریا نولری مغلوب ایلدیکندن
 المانیانک شمل طرفتری کاملاً پروسیا شدی التندہ
 طوپلانہرق بو صورتہ فرانسه یہ قیوبرقومشو برقوتلی
 دولت تشکل ایلدیکی کی ایتالیا دخی اوسٹریا دن

وندیک ایالتی المسیله فرانسه منافعی خلافتنه اوله رق
برقاندھا وسعت بولدی .

شومسائل اوزرینه فرانسه نك پروسیا ایله
برمحاربه ایدرك اكا حدینی بیلدیرد کدن صکره اوروپا
ایچنده حاکمتینی ینه طامق لزومی باش کوسترمشیدی .
بولزومی پروسیا دخی طانیدیفندن ارایه لوکسنبورغ
منازعاتی کبی برطاقم منازعاتک کیرمسی بو کون یارین
طرفیندن سلاح پاطلایه جغنی خوفنی عالمه تعیم ایلمش
ایسه ده محاربه درت بش سنه دھا ضروری تأخر
ایلمشدر . نهایت اسپانیا صندالی قرالیسندن
مخلوع قرالیه ایزابلانک برینه پروسیانک هوهنزولرن
خاندانندن برپرنسک انتخابی مسئله سی فرانسه نك
غنا حالدہ منافعه و عاداتا عظمتنه طوقونسیله
۱۸۷۰ سنه سنده فرانسه پروسیا ایله المانیاراسنده
محاربه اعلان ایدلدی .

اوزمانلر المانیای جنوبی فرانسه ایله متفق اولسیله
المانیای حکومات جنوبیه سنک بی طرف بولنمسی صورتیله
هرکس فرانسه نك غلبه سنی بکرایدی . لکن

محاربه نك اعلانی متعاقب المانیای جنو بی دخی
 پروسیا ایله اولان انفاق خفیسینی اظهار ایتمکله
 عموم المانیا بر بارقه بالاکبی فرانسه اوزرینه هجوم
 ایدنیجه احوال در عقب دیگر کون اولدی . بر قاج
 برده وقوعبولان محاربه لرده فرانسز اردووزی تسلیم
 سلاحه مجبور اولدقلرندن ناپولیون ایشک انجامتی
 امین کورمیدرک اودخی سدانده پروسیا قرالی کیلیوم
 جنابلرینه تسلیم سلاح ایله اسارتی قبول ایلمدی .
 بعض فرانسز محرر لری پروسیا ایله ایدیلان
 شو محاربه یه اصلا لزوم اولدیغندن بختله ناپولیونک
 بو محاربه ده کی پولتیقه سنی شو صورتله محاکمه ایدرر که
 ناپولیون مقام ایمپراطوریده اسکیدکجه فرانسزله
 پادشاه اولغه عدم لیاقتنی بعض وقوعات ظاهره
 و یاطنه کندیسنه دخی طامش و حتی بعد وفاته
 اوغلنک ایمپراطورلغی قبول ایدیلوب ایدلیه چکی دخی
 بین العوام مجوٹ عننه اولمش ایدی . پروسیا
 محاربه سندن براز اول اوغلنک ولی عهدلیکی حفته
 ماتک عمومندن طو پلادیغی رأی عمومیده اگر چه

جزوی برفرق ایله اکثریت ارا اوغلانک لهنده حاصل
اولش ایدی ایسه ده ناپولیون بونپلکه دخی قناعت
کتوره میهرک کندیسی فرانسزله لایقوله سودیرمک
ایچون ارتق کبر و عظمتی اوروپاچه چکلز درجه به
ککش اولان پروسیا دولتیک حقندن کلسنی
قرارش-دیرمش وایشته بوامل اوزرینه جنکی
آچشدر . انجق آچدیغی جنکی دخی اغزینه
یوزینه بولاشدیرنجه بو حال مغلوبتله پارسه عودت
ایلدیکی زمان ملت طرفندن کوره جکی حقارت
وبلکه مصیبت کوزینه پک بیولک کورندیکندن بو یله
یرتهلکله به دوشمکدن ایسه دشمنه تسلیم سلاح ایتمکی
اولا کورمشدر .

هرنه حال ایسه ناپولیون بودرجه اسارتدن
قور تلدقدن صکره فرانسه بی المانیایکی قوتلی
یرمستو اینک انده وبر حال شورش واختلال ایچنده
پراقوب کندیسی چند سنه دن عبارت قالمش اولان
بقیه عمرینی امرارایتمک ایچون انکلتزه طرفته فرار
ایلدی .

— اونیچی فصل —

﴿ فرانسه ده اوچنجی وشمذیکی جمهوریت ﴾

عن ۱۸۷۰ و ۷۱ الی ۰۰۰

تفصیل - ناپولیون سدانده پروسیا قرالنه
 قلیجینی تسلیم ایلدیکی خبری پارسه واصل اولور اولمز
 ارباب جمهور ارتق هم میدان هم همت کندیلرینه
 قالمش اولدیغنی کروروب بر حکومت موقته تشکیایله
 جنرال تروشوی قوه ملییه قوماندانی نصب
 و پروسیا اولره قارشو محاربه ده دوام ایلدیله .

بو حکومت موقته نك محافظه وطن اوغورنده
 کوسه تریکی فداکارانه همت الحق محیر العقولدر .
 انجق چه فائده که عسا کر نظامیه نك ال برکزیده سی
 قرقر الیشر بیک اوله رق پروسیا به تسلیم سلاح ایله
 تحت اسارته کیرمش اولدیغندن حکومت موقته نك
 تشکیل ایلدیکی عسکر پک درمه چانه طاقندن
 قالدی . دشمن ایسه عادتاً هر محاربه ده فرانسز لک
 قارشوسنه براییکی مثلی عسکر بیغهرق یاقه بیقه پارس

اوزرینه یورو مکده ایدی . تمام پارس مقابلته
 کلدیکی زمان عموم پارس خلقی سـ لاجه صاریله رق
 مقابلته اعدایه مسارعت کوستردیله . پارس مدافعه سی
 دخی فرانسرلک غیرت ملیه سنی تحسینه مدار
 اوله بیله جک صورتده ایدی . لکن پروسـ یالورک
 تضییقه برشی قارشـ و طوره میوب هر بری مانده کی
 طوپلرک کوی کورایه رک هر صدمه سی اوکوزل
 پای تختک بر طرفنی خراب ایتمکدن ده قطع نظر
 دره ننده یبه جک و ایچه جک دخی تو کند کدن بصره
 تسلیمندن بشقه چاره سی قالدی .

ایشته او قوجه پای تخت بو صورتله پروسـیا
 استیلاسی اتنه کیرد کده موسـیو ژولفاور و غامبتا
 کی رؤسای جمهور الزاس ولورن ایالتـ لرینی
 وبش ملیار فرنق دخی تضمینات حریبه
 اوله رق پروسـییه عطا اتمک شرطیله کوچ حاله
 عقد مصـ لحه به چاشـ دفری صرده پارسده دایر
 بلدیله طرفدارانی ورسایل شـهرنده موسـیو تیرک
 ریاستیله تشـکل ایتمش اولان جمهوریت معتدله نی

قبول ایتھہرک مطلقاً قومون اصولیہ بر قزل جهور
 تشکیاتی طلب و اصرار و بواصرار اوزر ینہ رفع لوای
 عصیان ایتھسار و پاری کنڈی ضبطلری التہ الوب
 ورسایل طرفندن کلان عسکرہ قارشو قویمشسار
 ایلی .

بودفعہ پاری فرانسرزک کنڈیلری ینہ کنڈی
 ہمشہر یلری لندن المی ایچون بتکرار محاصرہ التہ
 الدی . لکن بو محاصرہ چوق وقت دوام ایتھوب
 قزل جهور اربابی مغلوب اولدقلرینی کورنجہ
 تو یلری ولوور کبی الکنام سرا یلری وسار برچوق
 ایندی بی وعادتاً سوزک قصہ سی ہمان تکمیل پاری
 آتہ و یردیلر .

ورسایل عسکری بریاندن پارسہ کیردیکی صرہ
 قومونیسستلر دخی بریاندن سسوقاقلر اورتہ سسنتہ
 یازیقادیعی اسسحکاملر یاپوب سسوقاقلر ایچندہ دخی
 کواکس کواکسہ شدتلی محاربہلر ایملشیدی .
 انجق ہر حالده شرزہ باغیہ بتون بتون مغلوب
 اولملریلہ ورسایل جهور بتی بونک اربابی طوتوب

طوتوب قورشونه دیزمکه باشلادی . واقعا اورسایله
 جمهوریتک اشبو قزل جمهور اربابی علمیه
 کوشتمش اولدیغی شدت دخی اورویا ارباب انصافی
 تنغیر ایله جگ درجه ده ایلی . انجق دائرة بلدیله
 طرفدارانی دخی بو درجه شدتی کندیلری دعوت
 ایتمش ایلی . زیرا پارسیله آنتی کوکله چیقان
 حربی اطفا ایچون هر کس صو طاشیمقه بولندیغی
 ائنده دائرة بلدیله طرفدارانی اولان قویلر
 کویا صو طاشیمی بهانه سیله یه پترول یاغی
 طاشیه رق آنتی برقاندها پارلامق درجه سنه قدر
 جسارت آلمشدر .

دائرة بلدیله طرفدارانین برچوغی اعدام و برچوغی
 دخی اک اوزاق مستعمراته قدر نفی واعزام ایلدکن
 صکره فرانسه تک هر طرفی جمهوریت معتدله به اطاعت
 ایلمشدر . الحاقه ده فرانسه ددوام ایلی حکومت
 اشبو حکومت جمهوریه در که موسیو تیرک مؤخرأ
 وقوع استعفا سنه مبنی بر سنه دنبری مارشال راقاهوق
 رئیس انتخاب و تعیین قلمشدر .

واقعاً بوجہ بریتش دوامی ارباب جمہور عندیدہ
 امید ایڈلکدہ ایسہدہ ناپولیونک انکترده وقوع
 وفاتیلہ ترک ایلدیکی اوغلی دردیچی ناپولیونی بو ناپارط
 خاندانی طرفکیرانی مطلقاً مقام حکومتہ یکورمکہ
 چالشدقلربنہ و بور ہون و اورلیان خاندانتری ایسہ
 مطلقاً فرانسدہ صندالی قرالیسنی تکرار قوروب
 ٹوزرینہ کندیلری اوتورمقی ایچون لدن کلان ہمتی
 در ایغ ایلدکلرینہ مبنی یقیندہ فرانسدہ جہ برقراریشقلق
 دھا ظہورینہ ارباب دقت منتظر درلر .

﴿ افادہ عمومیہ ﴾

فرانسدہ تاریخی نظر محاکدہ خلاصہ ایڈلہ جک
 اولسدہ کوریلور کہ بوملت اوائل حاندہ سائر ملنلر
 کبی وحشی اولقدن قطع نظر نوعاً سہ یار بریناق
 اولوب تاروما لولر غول ممالکنی قح ایلدکلری زماندن
 برخیلی صکرہ قہ قدر دخی وحشت حاللرینی محافظہ
 ایلش لردر . اصل اسانلری جرمن اسانی اولاق لازم
 کلور ایسہدہ فرانق توونک کندیسندہ مخصوص

اوله رق دخی ینه جرمن آزمانی برلسانی اولوب بعدده
لسان مذکور غول ممالیکی ایچنده تصادق ایدیلان سائر
اقوامک لسانیه ده بالامتزاج جرمن لساندن بتون
بتون بشقه برلسان صورتنه کیرمشدن .

فرانسزلی ایلاک دفعه اوله رق مدینه صوقانلر
رومالور اولغله انلرک لاتین لساننده اولان مابه لری
فرانسز لساننه دخی انتقال ایلدی و یونان قدیم
علوم و فنونی اوروپانک هر طرفنه انتشار ایلدی
صمرده اولسانک پک چوق اصطلاحاتی دخی فرانسز
لساننه قبول اولندی . شمدیکی حالده فرانسز
لسانندن لاتین و یونان سرمایه سنی چیقارمش اولسه لری
بزم استعمال ایلدی کمز - ترک دکل - عثمانلی لسانندن
عربی و فارسی الفاظنی چیقاردقلری زمان باقی قاله جق
بقیه درجه سسنده قالور .

فرانسز لریک رومالوز دن الدقلری مدینت کتدی لری
تمامیه رومالو ایدمدی . یالکز ایسه - یی فرانسز لریک
وحشتنی براز تعدیل ایدرک اصل رومالوز دن ده
تند و بد خوی و خوز بز و اصل اهل شمالدن ایسه

بالعکس دها این ونازک و خاطر شناس بر ملت اولق
اوزره بشقه جه تشکیل ایلدی .

اندلسی استیلا ایدن اهل اسلامک فرانسه نیک
جنوب غریب سینه طوغری مستولی اولمیری بومملکت
ایچون پک بیوک بر تهلیکه عد اولانه بیلور ایدی .
زیرا ملت معظمه اسلامیه نیک عدالت و رأفت مسلمه سی
فرانسز ریک مزاجلرینه زیاده سیه موافق کله ریک
فوج فوج کلوب اردوی اسلامه عرض دخالتله
کندیلمیری دها ایلروریتک دخی قحنه دعوت
ایتمیری و بومناسبتله مسلمان صار یقلمیریک تاپارس
نواحیسینده دخی یوز آغارتمیری فرانسه بی بتون بتون
استیلابی بیله تأمین ایده بیله چک مواد دن ایدی .
واقعا فرانسر محررری مملکتلرینی عربلر لندن
قورتاران ذاتی شارل مارتل اولق اوزره تعیین ایلرور
ایسه ده بونک ایچون اندلس اسلامی میانته دوشن
تفرقه بی حسابه قانسدر موازنه لرینی دها درست
بولدیله بیلورور .

رومای غربی زواله واصل اولدق دن صکره اوروپا



(په يې بايعنى . بايقايله فلنك تاريخنك فهرستى)

صيفه

په يې با اولكاسنك انجال احوال جغرافيه سى ۳

په يې با تاريخنك تقسيمات اساسيه سى ۹

✽ برنجى باب ✽

تاريخنك اطلاعى يتديكى زماندن بدأ ايله ۱۲

په يې بانك نائل استقلال اولديغى

(برنجى فصل)

په يې بانك الزاس خاندانه مالكانه اولديغى ۱۲

(ايكنجى فصل)

په يې بانك هه نو خاندانى ملكيتى الشه كيرديكى ۱۹

زمانه قدركى احوال تاريخيه سى

(اوچنجى فصل)

په يې بانك بورغونيا خاندانى ملكيته داخل ۲۱

اولديغى زمانه قدر .

(دردنجى فصل)

اوستريا خاندانى طرفندن تملك ايدلديكى ۲۳

زمانه قدر

(بشجی فصل)

۴۶ کیلیوم دورا نژک ظهور ینہ قدر در

✽ ایکنجی باب ✽

۳۱ کیلیوم دورا نژک ظهور یله په پی بانک باشلی

باشنه برقراللق تشکیل ایلدیکی زمانه قدر

کوردیکی انقلابات

(برنجی فصل)

۳۱ کیلیوم دورا نژک قورداغی ستاتودر حکومتک

دوخرأ جمهوریتہ تحول ایلدیکی زمانه قدر

(ایکنجی فصل)

۴۲ ایلاک ستاتودر حکومتی لغو ایدن حکومت

جمهوریه

(اوچنجی فصل)

۴۹ ستاتودر حکومتک تبددی

(دردنجی فصل)

۵۲ پانسیونر حکومتک مدتی

(بشجی فصل)

۵۶ ستاتودر حکومتک تکرار عودتی

(التنجي فصل)

- باتاويا جهور يدنك تشكلي ٥٩
- * او چنجي باب *
- په بي بانك احوال اخيره بي ٦٥
- (برنجي فصل)
- ايلاک هولاندا قرالغی ٦٥
- (ايکنجی فصل)
- په بي بانک فرانسز ايالتی اولديغی ٧٠
- (او چنجی فصل)
- اصل په بي با قرالغنک تشکلی حاویدر ٧٤
- (دردنجی فصل)
- بلچيما استقلالی ٩٨
- افاده عموميہ ١٠٩

﴿ قرق انبار علاوہ سی تاریخ کوزی ﴾

﴿ ذیل کائنات ﴾

برنجی قسم

اورویا

برنجی قسمک التنجی جلدی

﴿ پہ پی با ﴾

یعنی

بلچچقا ایله فلنک

صاحبی

محمد جودت

ایلاک دفعہ

اولہرق قرق انبار مطبعہ سندھ طبع اولنشد

استانبول

۱۲۹۲

په پی با

یعنی

بلچیکا { ایله } فلمنک

جمهور جغرافیون اوروپا نك و سطنده یدی
دولت صایه رق بونلرک برنجیسی فرانسه اولدیغنی
میان ایلد کدن صکره ایکنجیسی « بلچیکا » اوچنجیسی
« فلمنک » نام دیگر « هولاندا » دیه بلچیکا ایله فلمنکی
آیری آیری برر دولت اوله رق ذکر ایدرلر . واقعا
بونلر آیری آیری برر دولت ایسه لده بو آیریلیش دها
یک یکی برشی اولوب انلری بر برندن آیران دخی
جغرافیای جدید اولدیغنه و حالبو که جغرافیایک
براز قدمنه باقیلور ایسه بو ایکی مملکتک ایکیسی
برطانسه جغنی کبی تاریخ دخی بونلری یکدیگرندن
آرمدیغنه منی بو جلدیمزی اشبو ایکی دولتی حکم
توحید ایدن « په پی با » اسمی التندده ترتیب ایلدک

شونی ده در میان ایده لم که بلچیقانک فلنکه نسبتی
 اسوجک نوروجه نسبتی کبی دکدر . الیوم اسوج
 ایله نوروجک ایکسی یکپاره بر دولت اولوب بلچیق
 ایله فلنک ایسه یوقاروده دخی دنیلدیکی وجهله
 بر برندن بتون آیری ومستقل دولتردر . بز
 یو افتراق نه زمان وعبولش ایسه اوزماند نبرو . نك
 تاریخلرینی دخی آیرارق ایکی ایشی بر برینه قاتمق
 یولسزلغنی منع ایده جکر . نصل که اشاغیده
 په پی بانک تقسیمات تاریخیسه سی بو کیفیتی ایضاح
 ایده جکدر .

﴿ په پی با اولکانسک اجمال احوال جغرافیه سی ﴾

بو اولکانک یرلی اهالیسی عندنده اصل اسمی
 « ندرلاندا » در . « په پی با » دیمک فرانسیزجه
 « الیحق مملکت » دیمک اولوب بو اسم ایسه اشاغیده
 کوریه جکی وجهله بو مملکتک زمینی سطح بگردن
 یک آز یوکسک و حتی بعض یرلری سطح بگردن

دخی انجق اونسندن نشأت ایشدر . « ندرلاندا »
 دخی بومعنایه در .

بو اولکا بحر شمالک منتهای ساحل جنوبیسنده
 اولوب ۴۹ درجه ۳۱ دقیقه عرض شمالیدن
 ۵۳ درجه ۲۰ دقیقه عرض شمالییه قدر متمد
 اولدیغنه کوره هواسی باردجه ممالکدن عدا ونورلر .
 لکن شو طول یعنی اوزونلق عند المساحه انجق
 سگسان ساعتک بر مسافه ایلدیکندن و پارس
 مبدأ طول اولق اوزره همان نقطه مبدأ
 طولندن بدأ ایله ۴ درجه ۵۰ دقیقه طول شرقییه
 قدر امتداد ایدوب بو ایسه یوز ساعتک قدر
 بر مسافه تشکیل ایده بیلدیکندن بو ایکی اولکانک
 ایکیسی برارایه کاسه بزم طونه ولایتنه انجق مساوی
 اوله بیله جکلری بدیهیدر .

شو جسامتمده بولنان په پی با اولکاسنی شرق
 طرفندن پروسیا و شمال و غرب جهتلرندن بحر شمال
 و جنوب سمتدن دخی فرانسه احاطه ایشدر .
 شمال غربیدن جنوب شرقییه طوغری بر خط مختلط
 په پی با اولکاسنی ایکییه تقسیم ایدرک شو حالدیه جنوب

طرفنده قالانی « بلچیکا » و شمال جهنده قالانی
دخی « هولاندا » اسم خصوصیسنی آلورلر .
الیوم استعمالده په پی با و ندرلاندا عنوانلری
دخی اکثریتله فلنک اولکاسنه ویریاور . هولاندانک
بلچیتادن جسامتجه فرقی پک آز اولدیغندن اولکلرک
یکدیگرینه مساوی اولدیغنی حکم ایتک ممکندر .
توقدر وارکه ایدیلان تقسیم اقتضاسنجه بلچیقانک
شمال دکزی اوزرنده ساحلی پک آز یعنی اون بش
ساعتک قدر بر مسافه دن عبارت قالمش اولوب
بونک اوزرنده دخی (نوپور) ایماندن بشقه ایمان
انضادینه صالح محل یوقدر . هولاندا ایسه
سواحلک اکثر جهاتنی ضبط ایتش اولدیغنی
حالده بونکده مسافه سی بوزاللی ساعتده قدر پک
کوچ وارا بیلور ایسه ده بر چوق نهرزک دکزه
قارشدیغنی یرلر عظیم وجسیم ایمانلر تشکیل ایدرلر .
از جمله قرانسه طرفلرندن باشلا یوب بر چوق
انهارله برلشه برلشه بلچیقادن کچرک « اسقو »
نامیله هولاندانک جنوب غریبسنندن بحر شماله

قاریشان قوجه بر نهر - ذاتاً مجراسنک دخی
 الجقلغنی مناسبتیله - دكرك صولری ده مجراسته
 کیره رك منصبده اوچ بیوک و بر چوق کوچوک
 لیمانلر تشکیل ایدر . بوندن صکره تافرانسه
 ایچندن کلوب کذلک بر چوق نهرلره برلشان موزنهرلریله
 المانیا ایچندن کله رك ینه بر چوق انهاردن ماعدا
 موزله دخی التصاق کسب ایدن مشهور دن نهری
 اسقونک تشکیل ایلدیکی لیمانلرک اوست طرفنده تی
 منصبلرنده بر چوق لیمانلر ده تشکیل ایدرلر .
 بونلردن ماعدا اولکانک شمال غربیسنده زویبی درزه
 نامیله بر بیوک کورفز اولوب دروننده متعدد
 لیمانلر واردر . ولوورج و دوللار کورفزلی
 دخی ایکنجی درجه ده کوچک شیلدر . خلاصه
 فلنک اولکانسی لیمان جهتنجه یالکز بلچیقادن دکل
 بالنسبه سائر دول بحر یه دن ده زنکیندر .
 لیمانلری تعداد ایدر ایکن یه بی بانک ال بیوک
 نهرلرینی ده خبر و یرنک . بونلره منصب اولان
 کوچک نهرلرک یالکز اسامیسنی ذکر ایتکه

عاشقش اولسه ق بوراده استفاده ایدلمیه جک اوزون
 بریحی دشمک دیمک اولور .

بلچقانک جنوب و شرق جهتلرنده بعض اېک
 جزوی ارتفاع لردن - که انلره تپه جکر دیمک
 دخی خطادر - ماعدابو اولکاده طاغ دنیلان
 شیدن اثر اولیوب هر طرف منحطدر . حتی اراضینک
 شو انحطاطی جهتیله او متعدد قوجه نهرلر
 جزوی فیضانله کلدگری زمان اطراف صوباصفده
 اولدیغندن شو محاطره دن مملکتی قورتارمق
 و ذاتاً کول و بطاق اولان یرلی قوروتوب
 زراعته صالح برحاله قویق ایچون کلی همتلره
 یوک حرقلر و حندقلر وجدوللر آچلمش اولدیغی
 کبی هولاندانک غرونینگ و فریزیسیا ایالتلری کبی
 بعض یرلی سطح بخردن دخی الحق اولدیغندن
 دکر صولرینک اورالره هجوم ایتامستی ایچون
 نهایتسز کلفتلر عظیم سدلر بنده ایدلمشدر . حتی
 زوی درزه کورفرزی وقتیه قره ایکن میاه بحر
 طرفندن استیلا ایدلمش اولدیغی بعض علایمندن
 استدلال ایدلمکده در :

بلچیقایه تابع اطه یوقدر . یالکز شمال طرفندن
تغسل و ولیه لاند و شلیغ و انیه لاند اطه لری هولاندایه
تابع ایسه لرده بونلر دخی اطه دیه ذکره شایان شیلر
دکلردر .

بلچیقاده اولکاسنک اودرجه کوچکلکیله برابر
دوت مایوندن متجاوز اهالی واردر که اوروپاده
هیج بر مملکت بوقدر غابه لک دکلدر . هولاندانک
اهالیسی دخی ایکی بچق ملیونی تجاوز ایدر .

بو خلق المانلق ملیتیه فرانسرلغی جامع برشیدر .
هولاندزلرک لسانی جرمنی الاصل اولان فلامان اولوب
یولسانک از چوق قبایی بلچیقاده دخی سویلنور
ایسده بلچیقایلرک اکثریتی یالکز براز قباچه بر
فرانسرجه تکلم ایدرلر . بلچیقا خلقنک مذهبی
قتولک اولوب هولانداده ایسه باشلیجه مذهب
قالوینیزم دنیلان مساکدر . پروتستانلق و قاتولکلک
اوراچه اوچنجی درجه ده قالورلر .

ایکی مملکتک ایکیسی دخی قراللق صورتیه
اداره اولوب پروکسل شهری بلچیقانک و لاهای شهری

دخی هولاندانك پای تختلیدر • بونلردن ماعدا
 آنوره‌سی ولیه‌ژ بلچیقانك اك مهم شهرلری اولدیغی
 كبی آمستردام ایله روتردام دخی هولاندانك
 ایکنجی پای تختلری عداولتمق مرتبه‌سنده اهمیت‌المش
 مملکتلردر •

ممالك سائرده بلچیقانك مستلکاتی یوغیسه‌ده
 هولاندانك آسیا و آمریکا و افریقا و اوسترالیا کبی
 اوزاق مملکتلرده دخی مهاجرلری و مستلکاتی واردر
 که بونلرصره‌سی کلدکجه محللارنده ذکر اولنده جقدر •

﴿ په‌ی با تاریخنك تقسیمات اساسیه‌سی ﴾

په‌ی با تاریخنك تقسیمات اساسیه‌سی فرانسه‌ تاریخنی
 قدر محرری یورمز • بز بو اولکانك احوال
 تاریخیه‌سنی اساساً اوچ بابیه تقسیم ایلدك • برنجی
 باب تاریخنك اطلاعی یتدیکی زماندن بدأ ایله میلادك
 ۱۵۵۹ سنه‌سنده کیایوم دورا اثر همتیله نائل استقلال
 اولدیغی زمانه قدر کوردیکی انقلاباتی حاویدر •
 ایکنجی باب تاریخ مذکوردن بدأ ایله ۱۸۰۶

سنہ ۱۰۰۰ ہولاندانک قراللق صورتیہ تشکلنہ قدر
 وقوعبولان حالاتی جامعدر . اوچنجی باب تاریخ
 مذکوردن بو کونہ قدر کوردیکی انقلاباتی حکایہ
 ایدر .

وقوعاتک ایکنجی انقسامنہ تبعیتلہ اشبو بابلری
 دخی لزومی قدر فصللرہ تقسیم ایلدک . باب اول
 بش فصلہ منقسم اولوب برنجی فصل بو مملکتک
 ۸۶۳ سنہ سنہ الزاس خاندانک طوغریدن
 طوغرییہ مالکانہسی اولدیغی زمانہ قدر تاریخک
 اطلاع کسب ایلدیکی احوال اولیہ سنی وفصل ثانی
 تاریخ مذکوردن بدأ ایله ۱۲۹۹ سنہ میلادیہ سنہ
 هه نو خاندانک ملکیتنہ ونصل ثالث ۱۴۳۶ سنہ سنہ
 بورغونیا خاندانی تصرفنہ وفصل رابع ۱۴۸۲
 سنہ سنہ اوستریا خاندانی تملکی التہ کوردیکی وفصل
 خامس دخی ۱۵۵۹ سنہ سنہ کیلیوم دورانرک
 ظهور ایتدیکی زمانہ قدر کوردیکی احوالی خلاصہ
 ایدر .

ایکنجی باب التی فصلہ تقسیم اولمشدر که بونک

دخي برنجي فصلي ۱۵۵۹ سنه سنده كيليوم دورا نرك
 ظهور يله انك قورديغي ستاتودر حكومتك ۱۶۵۰
 سنه سنده جمهوريته تحوانه دكين صورت دوامني
 و ايكنجي فصلي مذكور ۱۶۵۰ سنه سنده اعلان
 اولنان جمهوريتك ۱۶۷۲ تاريخنه قدر كيفيت
 دوامني و اوچنجي فصلي ۱۶۷۲ سنه سنده ستاتودر
 حكومتك عودتيله ۱۷۰۲ سنه سنده ينه لغو
 اولنجيه قدر دوام ايديشني و درديجي فصلي ۱۷۰۲
 سنه سنده وضع اولنان پانسيونر حكومتك احوالي
 و بشنجي فصلي ۱۷۴۷ سنه سنده تكرار تجدد
 ايدن ستاتودر حكومتي و التنجي فصلي دخي ۱۷۹۵
 سنه سنده قوريلان باتا و يا جمهوريتي احوالي حكايه
 ايدر .

اوچنجي باب درت فصله تقسيم اولنوب بونك
 برنجي فصلنده ۱۸۰۶ سنه سنده ايلاك دفعه اوله رق
 قوريلان هولاندا قرالغني و ايكنجي فصلنده هولاندا نك
 ۱۸۱۰ تاريخنده فرانسويه ربط ايديشني اوچنجي
 فصلنده ۱۸۱۴ سنه سنده په بي با قرالغنيك تشكلي

و در دنجی فصلنده دخی بلچیقانک ۱۸۳۱ سنه سنده
 هولاندادن ایربله رق باشلی باشنه برقرائق تشکیل
 ایلدیکنی حکایه ایده جکرز .

هر اولسکا تار یخنده اولدیغی کبی اشبوپه بی یا
 تار یخنک دخی برافاده عمومیه سی اولوب بوتار یخدن
 خلاصهً ایذیله جک استفاده بی ار باب مطالعه نظرنده
 اجمال ایده جک و مملکتک احوال حاضر دسنی دخی
 کوستره جکدر .

برنجی باب

تاریخنک اطلاعی تبدیکی زماندن بدآیله په بی بانک
 نائل استقلال اولدیغی زمانه قدردر .
 عن ۰۰۰۰ الی ۱۵۵۹

برنجی فصل

په بی بانک الزاس خاندانه مالکانه اولدیغی زمانه
 قدر اوائل حالی جامعدر .
 عن ۰۰۰۰ الی ۸۶۳

قیصر روم عصر زنده طوغریدن طوغری به
 په بی بانک نامی التنده اجتماع ایدن آردن وهونده سروق
 و سینه ن ژه بیژ روس پاسار و اودن والد و هارز نام
 اورمانردن تا ققلردن عبارت بولنان اولکا غول
 ممالکندن عدا اولنور و بو اولکانک شمال طرفی
 یعنی موزایله رین نهرینک اراسنده باطاق اطهری
 تامیله بر چوق انهار و غدا یر ایله منقسم بولنان قطعده
 دخی فریزی دینلان ایالت ایله برابر اسکی جرمانیا
 تابعیتی التنده بوانور ایدی . دیمک اولیور که غول ممالکی
 حقنده بوندن مقدمکی فرانسه خلدنده اعطا اولنان
 معلومات بو اولکادن غول قسمنده بولنان پارچه حقنده
 ایضاحات و یره بیله جکی کبی المانیا تابعیتنده بولنان قسم
 حقنده دخی ایلروده المانیا جلدی برخیلی ایضاحات
 و یره بیله جکدر .

بوراده په بی با تاریخنی سزار زمانندن بدأ ایتمس
 اولمقلغمز ممالک مذکورده حقنده اندن اولیسی ایچون
 و یره بیلان معلوماتک صحتته اعتماد ایدیله مامکدن
 قشأت ایدر . نصل که بو حال غول ممالکی حقنده

ویریلان معلومات تاریخیه ده دخی کورلمشدر .
 بزبوراجه مطلوب اولان ایضاحاتی شو صورتله
 اعطا ایده جکر که :

سزار واسطه سیله تاریخ په بی بایه اطلاع کسب
 ایتدیکی زمان بو مملکتده باشلجه ایکی خلق طائمشدر که
 برنجیسی فزیزون وایکنجیسی باتاو خلقیدر .
 یوایکی خلق عن اصل جرمانیای قدیم اقوامندن اولوب
 کندیلرینک درجه ثانیه ده منقسم اولدقلری قبائل
 بعینه غول ممالکنه منتشر اولان جرمانی الاصل
 اقوام مثللو کندی رئیس لرینک سوق واداره سنه
 تابع وینه غول اقوامی اخلاق و عاداتنه یقین اخلاق
 و عاداتله مألوف ایدیلر . کندیلرینی تاریخه اک
 اول طانتدیران وقعه میلادک ۷۰ سنه سنده قلودیوس
 سیویلس نام بر رئیس الرؤسانک سوق و قومانداسیلد
 رومالیر علیه نه مدافعه کارانه ایتدکلری محاربه در .
 اندن صکره تاریخ بونلری برده ممالک متمدنه بی هرج
 و مزج ایدرک اغتنام ایتدکلری اموالی مملکتلرینه
 طاشیان شمال اقوام و حشیه سی میاننده کورمش اولوب

نهایت غول و سائرہ مثل او بونلرک دخی روما محکومیتی
التہ کیردیکنی قید ایلر .

غول ممالکنه مستولی اولوب ممالک مذکورہ یه
(فرانسہ) اسمنی یاد کار ایدی براقش اولان
فرانقلر حقنہ بوندن مقدمکی فرانسہ جلدنہ
ویریلان معلومات تمامیلہ اشبو په بی با تاریخی
حقنہ دخی واقعدر . فرانقلرک محاربات واقعہ سنہ
اشبو اقوام شمالیہ دخی کندیلریلہ یک وجود اوله رق
بیوک برمزیت عسکر یه کوسترکلری و بونلر میاننہ
الیوم یاد کارلری بلچیقاً دولتک نامنہ قلان بلر
قبیلہ سنک سائر امثالہ دخی تفوق و تقدم ایلدیکی
مشویله طورسون فرانقلرک منشی دخی بومملکت
اولوب لاجل الاستیلا غول ممالکنہ منتشر اولق اوزرہ
ینہ بورادن صدور و ظهور ایتمشلردر .

واقعا فرانقلر غول ممالکنی بعد الاستیلا اوراده
کندی قرالقلرینی تأسیس ایتدکندن صکرہ شمال
طرفلرندن برمدت ال چکمش و بومناسبتلہ په بی با
اقوامی اسکی استقلال حائلریلہ باقی قالمش ایدیلر

انجق مؤخرأ یعنی میلادک بشنجی عصرنده فرانقر
باتاو اقوامنی اطاعتلری آلتنه الدقلری کبی النجی
عصرنده بلژ ویدنجی عصرنده دخی فریزون قبائلنی
تحت محکومیتہ صوقشلردر .

دها میلادک دردنجی عصرنده بلچیقاً طرفندن
کیدوب شماله طوغری یورو مکه باشلامش اولان
خرستیانلق آیینی ظهوریه برابر تصادف ایلدیکی
پک بیوک موانعدن طولایی ترقیدن بتون بتون محروم
قالمش و مملکتک اسکی آیین پت پرستانه سی خرستیانلقه
اختلاط ایدرک ایکیسی دخی چیغرنندن چقمش
ایدی . صکره عن ۷۷۱ الی ۸۱۴ فرانسه یی
کرک معنویات و کرک مادیات جهتیه اصلاح ایدن
مشهور شارلمان (فرانسه ص ۱۰۶ مر) ینه
فرانسه نک برقسیم ممالکی دیمک اولان په یی باده دخی
خلفک و حشت قدیمه سنی انتشار دین مسیح ایله اصلاحه
وسعادت مادیه سنی دخی بعض صنایع نفیسه
ولازمه ایله تأمینه باشلامغله په یی با بوسایه ده براز
یوله کیرمشدر . شارلماندن صکره فرانسه قرالی

اولان لوی بی لو دبونرک مشهور اولان ضعف حالی
 مناسبه شمال طرفدن په بی با ایچنه طالان وهر طرفی
 یاقوب یقان نورماندیالورک شرلی چوغالمش واکرچه
 مؤخرأ بونلرک کو کسنه سلاح مقاومت طیادلمشه ده
 یانکر بلچیکا طرفلری ممکن مرتبه محافظه ایدیه
 یله رک شمال جهتی یعنی فلنک حوالیسی بونلرک قوه
 بحر به سی آلتنده از یلش قالمشیدی . اشبو اقوام
 شمالیه نک غایت ضعیف برنوع قایقلمری اوموزلرینه
 یوکلنوب نهر دن نهره آشیرارق بعده اورو پانک
 وسطلرینه وحتی جنوبلرینه قدر ایندکلی یعنی
 تا اوراره قدر تعمیم شرور ایلدکلی بوندن مقدم
 انکله ودا نیما رقه تاریخلرنده ایضاحات لازمه سیله
 رابر ذکر ایدلمشدر .

(انکله ص ۴۰ و ۶۵ و ۷۶ ودا نیما رقه

۱۱ مر) نورماندیالورک په بی بایه اولان تسلطلی
 دفعه قطع ایدیه مدی . اون اوچنجی عصر
 میلادی په قدر بونلرک موجب اولدقلمری خرابانک
 آثاری باقی قالدی .

فرانسه قرالی لویی لوده بونر زمانه قدر ممالک
 مذکورہ فرانسه انده قالوب مومی الیهک وقاتیلہ
 اوغلاری او واسع فرانق ممالکنی بینلرنده تقسیم
 ایلدکری اثناده (فرانسه ص ۱۱۷ مر) باتاویا
 ایله فیریزیا ممالکی او اثناده تجدیداً تشکل ایدن
 المانیا امپراطورانی حصه سنه اصابت ایش
 ایدی . بو کیفیت میلادک ۸۴۳ سنه سنده وقوع
 بولوب تاریخ مذکوردن ۸۶۳ سنه سنه قدر یکریمی
 سنه مدتی المانیا امپراطورلی طرفندن کوندریلان
 قائم مقاملر ذاتاً بر دولت منتظمه قائم مقامی اولیبوب
 کیفر نیجه اداره ملک ایتمک اوزره کوندریش آدملر
 بولمسیله بونلر استقلال اداره بی آر تدره آر تدره
 یتون بتون مستقلانه حرکت ایتمک باشلادقلری
 مثلاو ۸۶۳ سنه میلادیه سنده دخی شارل لوشوف
 الزاس فامیلیاسندن باتاویا دوقه سی بولنان تیدری یه
 برنجی تیمه ری عنوانیله باتاویا قونتلغنی توجیه ایش
 وشو حالده باتاویا مذکور الزاس خانداننک
 مالکانه سی اولمش قالشدر .

﴿ فصل ثانی ﴾

به بی بانك هه نو خاندانی ملكیتی التسه كیردیكى
 زمانه و سر اولان احوال تاریخیه سنی حاویدر
 عن ۸۶۳ الى ۱۴۹۹

— تفصیل — باتاویا طرفی بر منوال محرز
 بر الزاس قونتلخی صورتیله مالکانه حکمنه كیرد کدن
 صکره لوردن ولو کسمبورغ و ایمبورغ کبی الیوم
 به بی بانك باشلیجه ایالتلرینی تشکیل ایدن بر لر دخی
 بر راوفه جق دوقه لق و فیلاندر وزه لاند و هه نو
 و آرتواس و ناموروز و تفه ن ایالتلری دخی قونتلق
 صورتیله هر بریسی بر خاندانه مالکانه اولمشیدی .
 به خاندانلرک احوال خصوصیه سنی آیری آیری درج ایتمک
 امکانی دخی المزده ایسه ده کائناتمز کبی هم شمواالی
 وهم مجمل و مختصر بر اثر ده بویله ذاتاً بیوجک بردوانه
 انجق ببق بر ایالت اوله بیله جک قدر کوچک دولتلك از منه
 قدیمه ده منقسم اولدقلری دها کوچک و متعدد پارچه لری
 ایچون ویر یله جک تفصیلاتدن اولبابده ایدیلان
 تکثیر سواد درجه سنده استفاده مأمول دکلدن .

بورادہ شو قدر دیہلم کہ بزم ایچون ایلرودہ
 پہ یی بانک شمدیکی منقسم اولدیغی ایکی قسمدن
 بریسی اولان و دیگرینک دخی والدی بولنان فلنک
 دولتی تشکیل ایدہ جکی جهتله نظر دن اوزاق
 طوتلماسی لازم کلان باتاویا یعنی هولاندا قونتلعنہ
 یگرمی برنفر قونت ۱۲۹۲ سنہ میلادیہ سنہ قدر
 مقام حکومتہ کچوب بونلرداخل مملکتدہ مستقلانہ
 اجرای حکومت ایتکلہ برابر خارجاً المانیانک بر ممتاز
 والیسی کبی بر حالده اولدقلرندن ایلرودہ المانیہ
 تاریخنده مذکور ایمپراطورلغک کوسستریہ جک
 اولان انقلابات جسمہ سی تأثیراتیلہ دائماً متأثر
 اولہ کتشلردر .

دیگر قونتقلر و دوقه لقلر میانده کرک انتقالات
 ارثیہ دن و کرک پیدا اولان مناسبات صہریہ دن
 طولایی بریسی دیگرینسہ منقلب اولق مثلاً و بر خیلی
 انقلابات و قوعہ کلش اولوب ازان جملہ فلاندر
 قونتلغی بو اخذ و اعطاده سائرلرندن کارلی چیقمش
 و حدودینی بر خیلی توسیع ایلشیدی . اون ایکنجی

عصر میلادیده دخی هه‌نو قونتی بودوئین ایله ایقاع
ایدیلان بر از شواج فلاندر و هه‌نو یی بر لشدیروب
هولاندا قونتلغنه مقابل وبالنسبه بیوک بر اتحاد وجوده
کتوردی و ۱۲۹۹ تاریخنده تحدث ایدن کرک حقوق
ارثیه و کرک مناسبت صهریه دن طولایی ایمپراطور لنگ
دخی انضمام مداخله سیله هولاندا قونتلخی ده هه‌نو
وفلاندری یه التحاق ایدرک واقعا نام و عنوان هه‌نو
اسمنه تبدیل ایلدیسسه ده ذاتاً هر بری بر قیاج کوچک
امارتی حاوی اولان شواوچ بیوک قونتلغ اتحادی
په‌یی با حکومت مستقله سنه بیانی بر اتحاد عمومی
صورتی و یردی .

﴿ فصل ثالث ﴾

په‌یی بانگ بو رغونیا خاندانی مدکیتنه داخل اولدیغی
زمانه قدر

عن ۱۲۹۹ الی ۱۴۳۶

— تفصیل — هه‌نو خاندانندن طوبی طوبی
اوچ نفر قونت او توز سکز سنه مقداری حکومت

سوره رك ذاتاً خلفنندن هیچ بریسنك په بی با
 نامنه بر اهمیتلی اجر آتی کور لمدیکی کبی بونلرك
 دخی بویله بر مجمل کابده تفصیله شایان حر کتلی
 وقوعه کلامشدر . ۱۳۴۵ سنه سنده فلاندر
 بر نسلرندن اولوب خاندانك وارث مستقلى بولنان
 مارکریتك باویرا خاندانندن لوئی ایله وقوع ازدواجی
 فلاندر قونتلقنی باویرا ما کانه سی حائمه قلب ایتمش
 ایدی . حالبو که باویرا خاندانی المانیانك قونلی
 خاندانلرندن اولوب لوئی دخی بجر کلی وخریص
 بر برنس اولدیغندن زوجه سنك په بی با اقسامندن
 بولنان اوفاق تفك بر طاقم قونتقلرودوقه لقلرده کی
 حصه ارثیه سنی وسیله ایدینه رك بونلری بر بر بر
 اولامغه باشلادی . حتی لوئینك شرنندن احتراماً
 بعض خاندانلر ظاهر حالده کویا کندی رضالیله ترك
 حکومت ایدر لر ایدی . كرك لوئینك و كرك
 زوجه سنك بعض اقرباوخویشانی طرفندن تقسیمات
 صغیره مذ کوره اصحابیله عقد ایدیلان ازدواجلر
 دخی بر قایح دانه سنی ربط ایتمشدر .

باقلسه شواتحاد په‌بی با ایچون اک مسعود بر اتحاد
 عد اولنه بیلور . لکن مار کریت ولو بی دن صکره
 تام یالکز باویرا نامندن عبارت قانغله شو حالده په‌بی با
 مستقل مملکت اوله رق قبول اولنه میوب عادتاً بر اجنبی
 حالگاهه سی حکمیده قلمش دیمک ایدی .
 مع هذا باویرا خاندان دن دخی لوئی ومار کریت دن
 ماعدا یالکز درت پرنس اجرای حکومت ایلمش
 واندن صکره په‌بی با بورغونیا خاندانک تحت تملکنه
 کیر مشدر .

﴿ فصل رابع ﴾

اوستریا خاندانی طرفدن تملک ایدلدیکی زمانه

قدر

عن ۱۴۳۶ الی ۱۴۸۲

— تفصیل — بورغونیا دوقه سی فلیب له یون

پدری ژان سان پوری اعدام ایدرک یرینه کچدیکی
 زمان جبلتنده اولان خرچنلق سائقه سیله وطنک
 دوشمنی بولنان انکلیرز ایله بالاتفاق پارس اوزرینه

یور یوب کندی همشهر یئرینک قهر و تنکیاته
 خدمت ایلدکن صکره (فرانسه ص ۰۰ مر)
 فرانسه قرالی شارل سابعی کندیسیله مصالحه
 و معاهده یه مجبور ایدرک علی الاطلاق استقلالنی
 چارناچار قبول ایتدیرمشیدی . بو وقعه میلادک ۱۷۲۵
 سنه سنده واقع اولوب اندن صکره فلیب په بی با حقوق
 ایشیه سندن کندیسنه صحرا یان بر شراره بی وسیله
 ایدینه رک باویرا خاندانندن اولوب په بی باده بولنان
 راقه لین اوزرینه یورو مکه باشلادی و ایتدیکی
 محارباتده غایه یه نائلیتله ممالکتی فتح ایدوب بورغونیا
 مالکانه سی ایلدی .

اوزمان فلیب له بون فصول سابقه ده کوسترلدیکی
 وجهله په بی بایه اکثر ایاتلری متحد اولدیغی حالده
 مالک اولوب کندیسنک دخی بورغونیا مالکانه سی
 یوممالکه منضم اولنجیه قوجه بر اولکاتشکیل
 ایلدیکندن اوزمان ایسته مش اولسه ایدی اودخی
 باشنه بر قرال تاجی قوندورر و بو صورتله په بی بایه
 بر قراللق امتیازی دخی ویره ییلور ایدی . لکن

مر قوم ایشک بو جهتلرینه انتفات ایتوب دؤ خراً
فرانسه یعنی وطنی ایله اوزلاشه رق اکا خدمت
ایتمی اوزرینه اشبو په بی با فتوحاتی طوغریدن
طوغری په بر فرانسه فتوحاتی دیمک اولدی و بناء
علیه مملکت دخی معناً و مائة فرانسه به التحاق
ایتمش عد اولندی .

شوحالده په بی بانک غانتوا ولو کسمبورغ کبی بعض
محلاری فلیب علیهنه سلاحه صار لمشر ایدیسده
فلیب ارباب عصیان کنیل ایدرک بو نلری تیزه سی
الیزابتک اطاعتی التنه قهرراً و جبراً صوقشیدی .
ممالک عاصیه دن دینان قصبه سی اها ایسنی
مغلوب ایلدیکی زمان بو نلردن سکزیوز نفرینی
ایکینسی بر یرده باغلی اولدقلری حالده جمله سنی موز
نهرینه اتدیرمش اولسی مر قومک درجه شده تنه
بر مثال اوله بیلور . فلیبک وفاتندن صکره یرینه
کچن اوغلی بورغونیا دوقه سی شارل تهره ر
اوزمان فرانسه قرالی بولسان اون برنجی اوئی
علیهنه سائر متفقین ایله برابر محاربه به قیام ایلدکده

پہی باخلفی چنکہ سوق ایتش ایسیسده عنوان
 پہی باعنوانی اولیوب ینہ بورغونیا نامنه قان
 دوکولمشیدی . مرقومک غایت ظالم بر آدم
 اولسنندن طولانی لیه ژ وغانتوا اھالیسی عصیان
 ایشلرایدی . لکن بر شینہ موفق اولہ میہ رق
 سیلہ تأدیب التندہ ازلدیلر و مرقومک خاطری
 ایچون فرانسہ قرالی علیھنہ ایتدکلری محاربه ده
 قانلرینی امساک ایده مدیلر .

مرقومک دخی وفاتندن صکرہ حقوق ارثیہ سی
 کاملاً قزی ماری بہ انتقال ایدرک مزبورہ نک مؤخرأ
 اوستریا خاندانندن المانیا ایمپراطوری بولنان او چنجی
 فرہدریفک اوغلی ماقسیمین ایلہ وقوع ازدواجنہ
 مبنی بو دفعہ دخی پہی باممالکی اوستریا خاندانی
 مالکانہ سی اولدی .

﴿ فصل خامس ﴾

کیلیوم دوراثرک ظہورینہ قدر در
 عن ۱۴۸۲ الی ۱۰۵۹

— تفصیل — بو رغونیا پرنسی مارینک
 قوجه سی ماقسیمین حین ازدواجنده آرشید و قلق
 عنوانندن بشعه بر شیئه مالک اولیوب حتی فاعلیاسی نرنندن
 په بی بایه قدر یول مصارفنی دخی ماری ویرمش
 ایسه ده بو ازدواج سایه سنده مالک اولدیغنی په بی با
 از دیادی قوتند کوزل خدمت ایلشدر .

مؤخرأ ۱۵۱۲ تاریخنده برنجی ماقسیمین
 ناعیله المانیایه ایمر اطور اولدوقده کرک ارثا و کرک
 صهریه کندیسنه انتقال ایدن ممالکی طوغریندن
 طوغری به المانیا ایمر اطور لغند ربطایتمک ایسته به رک
 شو قدر وار که بو املاک حصولنده زوجه سنک
 خاندانی عنواننی یا کز بر یاد کار اولمق اوزر بالانقا
 ممالک مذکوریه « بو رغونیا دائره سی » نای
 ویر مشیدی کده بی بانک اغلب ممالکی بو دائره داخلنده
 ایدیلر . بالکز فریسیا ایالتک شرق طرفلری
 « وستغالی دائره سی » نامیله سائر بعض ممالک
 مجاوره ایله برابر برداره مخصوصه شکلنه کیروب
 کندی مستقل پرنسپلری طرفندن اداره
 اولتورایندی .

دھاسکرہ شارل کن تورہ بوبدہ المانیہ
 ایمر اطور لغنی وایتالیا و اسپانیا قرالرینی کنندی
 نام جھانگیرانہ سی التندہ جمع ایلد کدن صکرہ کلدر
 دو قہ لغنی ایله سار بعض مالک متجاورہ بی مجدد
 قح و ۱۵۴۸ تاریخندہ بو نلری دخی بورغونیا
 دار سنہ الحاق ایدرک پہی بانک اون سکر ایانتک
 اوز سکر زینی دخی اوستریا خاندانندن ایرمش و اسپانیا
 خاندانہ مالکانہ ایش اولدی .

اسپانیا دولتک مشهور و متعارف اولان شدت
 مضامی و عالی الخصوص شارل کنک خرچناغی
 جہتیلہ پہی بانک کاجینہ جبق زمانی یوزمان
 اولدیغی حساب ایدیلور و اوروپانک بو کی ظالم
 پرنسلی مظالمہ انضمام ایدن پروتستانلق بلیمہ سی
 دخی موازنہ یہ قاتیلور ایسہ پہی بانک حالی خراب
 اوله جغی حکم ایدیلور ایدیسہ ده حسابک برعکس
 ظہوری شایان استغرابدر . شویله کہ :

پروتستانلق آیین جدیدی بو سندلر ده باحقیقہ
 کالیله مستولی اولوب یوقارولرہ طوغری یاییلور

ایندی . شارل کن ایسه مذهب جدیدك عدو
 کبری اولوب زرده برپر وستان کور رایسه همان
 قغاسنی کسر که زیر اماره سنده بو لنان ممالکدن
 بو زیك قدر آدمی بو بوانه قربان ایتش بو لشمسینه
 قاتونک پاپاسلری مر قومی په‌نی‌با علیه‌نه دخی
 تحریکدن خالی قالمش لر ایندی . شارل کنک
 بو مملکتده ایلمشامسی محضاً بعض امتیازات قدیمه‌سی
 محافظه ایده جکنه دائر و یرمش اولدیغی وعددن
 نشأت ایلمشدر . ایشته بو وعد کندیسنگ ختام
 هدته قدر په‌نی‌با ی قاتولکلر شرندن محافظه ایتش
 اولدیغی کبی ممالک مذکوره حفظه شور عایتده
 دوام ایتسی شارلک خلفی بو لنان ایکنجی قلیبه‌دخی
 اخطار ایدلمشسه ده مر قوم بو بایده شارله تبعیتی
 قبول ایتمشدر .

کندیسی اسپانیاده طوغوب قاتولک تربیه‌سی
 ایچند، پرورش بولمش اولدیغندن په‌نی‌با ممالکینه
 کوندردیکی قائم مقامک پر وستانلرک نه صورتله
 ازلسی لازم کلور ایسه اول صورتله تنکیلیانی امن

ایدرایدی . حتی پروتستانر علیهنده کی شدتیه
مشهور اولان غرونول نام قار دینال په بی باده
انگریسیون جمعیتی تأسیسه دخی قیام ایلمشیدی .
یو جمعیت قاتولک مذہبجه رافضیلک عد اولمان
مذہب سائرہ اربابنی بولدیغی یرده کوزلرینی اویمق
آتش لره یا قق دیری دیری دفن ایتمک مثلوانواع
تعذیب ایله استیصال ایدر بر جور و غدر و ظلم جمعیتی
دیتمک اولدیغندن په بی با خلقی بردن بره خلیجانہ کلوب
المشهور صنعتکارلر و الکیوک تجارت اربابی ترک
وطنله اوتہ یه برویه و بالخصوص انکسترہ
وساقسونیایه هجرت ایتمک مسارعت کوستر دیلر .
مملکتک اصلزادکانی ایسه شو اسپانیا ظلمی
علیهنه اتفاق ایدرک خروج ایلمشرایدی . ایسته
موققیات واقعه سی په بی بالچون بر استقلال مخصوص
قراندیر مقدن ناشی باب اول ایله باب ثانی اراسنده
حدفاصل اعتبار اولمان کیلیوم دور اثر بو اشناده
ظهور ایتمشدر که کرک انک و کرک سائر لرینک
بازوی ذوی الاقدار یله میدان وقوعه چیقان

انقلابات بروجد آتی ایکنجی بایده کوربله جکدر .

ایکنجی باب

کیلیوم دور اثرک ظهوربله په بی بانک باشلی
باشنه برقراللق تشکیل ایلدیکی زمانه قدر کوردیکی
انقلاباتی حاویدر .

عن ۱۵۵۹ الی ۱۸۰۶

برنجی فصل

کیلیوم دور اثرک قوردیغی ستاتو در حکومتک
مؤخرأ جمهوریتہ نحول ایلدیکی زمانه قدر .
عن ۱۵۵۹ الی ۱۶۵۰

— تفصیل — ایکنجی فلیبک مضالمی یالکز
پروتسنانلق مذهب جدیدی اربابینی رافضی
طانیهرق قلع وقع ایتمکدن عبارت اولوب
کندیسنه برنوع روحانیت سوسی دخی
ویروب هرکیم اوامر سفیهانه سنه اطاعت
ایتمزایسه انلری دخی رفضله متهم و حقارنده اوصورتله
معامله ایدر ایدی .

اشبو مظالم علیہنہ اتفاق ایدن اصلزادگان
 کندیلرینہ « کو » نامی ویردیله واسپانیول
 ظلمدن شکایتی اولان نہ قدر جنکاور واریسه
 اتفاقری آلتہ آلدیلر بونلر اول امرده کندیلرینی
 قاتولیک مذهبہ قہراً و جبراً ادخال ایتکمه مأموراً
 اسپانیادن کلمش اولان طقوز نفر انکیزیسون
 مأمور زینی طانییوب انلری تازیانه تأینسه
 میانداہ انقیاد اوله جقلرینی فلیب ثانینک اقر باسندن
 اولوب یه بی با ممالکی کندیسنه توجیه ایدلمش اولان
 پرنسس مارگریته بالایحه عرض ایلدیله .

مارگریته بویله مجترانه بریولده ایدیلان حرکتہ
 اہمیت ویرمسی لازم کلور ایدیسه ده اوزمان مالیه
 مجلسی رئیس بولسان قونت دوبارلہ مون « بویله
 کوردن قورقاملیسکز » یوللو وصایاہ بولنسیلہ
 مارگریته جرأت کلدیکی مثللو لایحه مذکورہ
 اربانہ دخی کولقبی یادکار قالمشدر . یولفظ
 چنکانلر مقولہ سی حشرات مقہورہ حقنہ استعمال
 اولنور برتعبیر تحقیر آمیزدن عبارتدر .

اشته کولک بوضورتله بالاتفاق سلاحه
 صارمسی فلیب ثانینک دخی غضبنی موجب اولوب
 دوق دالب نام ظالمی په بی با عاصیلرینک اصلاحتنه
 مأموراً رقومه کافیه ایله کوندردی و مرقوم یلدیرم
 کبی برسرعت وقوتله کولر جمعیتی تشکیل ایدن اصل
 زادکاندن برطاقنی بقاله یوب همان قفالرینی کسیدردی .
 اصل زادکان مرقومه ایچنده قونتده اقون وقونتده
 هورن وطننی تخلیص اغورنده جله به تقدم ایدن ارباب
 حیتدند لر . اورا اثر پرنسی کیلیوم دخی دردست
 ایدلدیکی آنده باشی کسینه جک غیر تکشردن ایدسه ده
 فصلسه یقایی قورتاروب فرار ایده یلدی . لکن
 فراری جانی قورتارمق ایچون دکل ایدی . بلکه
 قوتنی طویلایه رق کلوب رفیقلرینک انتقامنی آلمق
 ایچون ایدی . دوق دالب نه قدر شدت کوستر
 ایدسه کولر دخی ثباتی اول قدر ارتدیرمش
 اولدقلرندن هر ایکی طرف اللرینه کچی درحال
 اولدوررلر و بر برینک تکالیف و مواعیدینه اصلا
 قولاق ویرمیه رک کور کورینه جنک ایدرلر ایدی .

بناء علیه مؤخر آزون تقابلی دیکه سهن نامنده عاقل و مدبر
 و حلیم بر مأمور کلوب ده دوق دالبک کو ستر دیکی
 شدت غدیره مقابل بر حلم معتدل ارانه ایلدیکی
 زمان دخی افکاره سکونت کلیوب هر کس کیلیوم
 دور اثره تابع اولمش وانک قومانداسی التنده محافظه
 وجدان و وطن یولنده جنک ایتکدن یوز
 چویر مامشدر .

دون ژوان دو تریش و علیکساند رفارنه زکی
 جنکا و ر قوماندانلر امری التنده بولنان اسپانیول
 قوه حریمه سی بر قاج دفعه کیلیوم دور اثری
 مغلوب ایلشیدی . لکن معیتی خلیقنک جنکدن یوز
 چویر مامسنه مقابل کیلیوم دخی یلیقنلق کو ستر میه رک
 بو طرفده مغلوب اولدقجه دیگر طرفده غلبه یه
 نائلتله نهایت غلبه کایه دخی کندی طرفنده
 قالدی . شونی دوقید ایتلیدر که کیلیومک اشبو
 غلبه کایه سی پک بهالی قز ایلشیدی . زیر ابر یاندن
 مملکتک حریت مدینه و دینیه سنه تعرض ایدن
 اسپانیول متعصب لریله جنک ایتک و دیگر طرفدن دخی

قازان دیغی غایبته حسد ایدن و کندی رفقا سندن
بولنان زادگانک انتریغه لر یله اوغراشمق لازم کلور
ایدی .

کیلیوم دورا ترک بو صورتله ظهوری ۱۵۵۹
سنه سنده واقع اولوب اون یدی سنه مدن قلیج
سالادقدن صکره ۱۵۷۶ تاریخنده بتون په یی با
ایالتیری اسپانیول اسارتندن قورتاغی قطعاً عزم
ایدرک کیلیومه اوزمان برابان اسمی التنده جمع ایدیلان
په یی با ایالتک رأساً قوماندانلغنی و ریاستنی توجیه
ایدیلر .

اگر اسپانیولر بو توجیهه سلاح ایله مقاومت
قالشمش اولسه ایدیلر برشینیه موفق اولیه جقلری
درکار ایدی . انجق اوزمان اسپانیا طرفندن په یی با
قائمقامی بولنان فارنه زایالات جنوبیه دن یعنی
یاجیقا قسملرندن برقچنی انواع مواعید صلح پرورانه
ایله اله دیغی کبی مؤخرأ جبروشدته دخی بالمراجعه
شماله طوغری ده حدودونفوذینی توسیعه باشلادی .
قارنه زک نفوذی زهله قدر منتشر اولدیه اورالک

کوری یعنی استقلال وطن غیر تکشتری دها قایورولہ
 چکیلورل ایدی . انجیق فارنہزک بو تدبیری ثمرہ
 کاملہ سنی کوسترہ میوب ۱۵۷۹ تاریخندہ ایالات
 شمالیہ دن بشی بالاتفاق اوترہش اتحادی نامیلہ بر اتحاد
 تشکیل واسپانیا تابعیتنی طامیدقلرینی اعلان ایلدیلر .
 بو ایالتلرہ ولاندا وزہ لاندا واوترہش و کہ لدر
 وفریزیا ایالتلری اولوب ممالک جنوبیہ دہ اسپانیول
 مظالمندن قاچان و بورالزہ کلان کولرایلہ قوتلری ارتمش
 ایدی . ۱۵۸۰ تاریخندہ اووہ ریسئل و ۱۵۹۴
 تاریخندہ غرونینگ دخی بو اتحادہ کیرمشلردر .
 ایستہ ایلک دفعہ اولہرق شو بش ایالتک اجتماعیلہ
 ۱۵۸۱ تاریخندہ اوترش اتحادی نامی پھی با جمهوری
 عنوانہ مبدل اولدی و کیلیوم دور اثر بش سنہ
 اول عہدہ سنہ توجیہ اولنان ریاست ملیہ بی اشبو
 جمهوریت ریاستنہ تحویل ایلدی . جمهوریت
 مذکورہ ریاستنہ « ستاتودر » دینلشیدی کہ
 وظائف مأمورہ سی سائر مملکتلر دہ کوریلان
 جمهوریتلرہ مقیس اولیوب عادتا برنوع مستقل

بالحر که حکمدارلق ایدرایدی . حتی ۱۵۸۴ سنه سی جزیرانده کیلیوم دورا نرسوؤ قصد ایله اعدام ایدلد کدن صکره ستاودر لک ارثا اوغلی مور یسه دخی انتقال ایلشدر .

اشبو مور یس پدیری قدر جنکاور واندن زیاده دور اندیش و خلقک امنیت و اعتمادینه مظهر بر ذات اولدیغندن اسپانیا قرالی فلیب ثانینک حالا دوام ایدن شدتنه مقابل بر آ و بحرأ قوه حریه ترتیب ایدرک الحقی غایاته دخی مظهر و بو ارالق فرانسه ایله انکله تنک اسپانیاه قارشو اعلان حرب ایتمش و فلیب ثانیدن صکره اسپانیا قرالی اولان فلیب ثانینک کوشکلکی په بی بابی مصون برا خوب اون اوچ سنه مدتله بر متار که عقدینه اسپانیا قرال جدیدی مجبور اولمشدر . بو متار کدن صکره اور و پا دولتلی مدت متار ککه نك انقضاسنی دخی بکله میهرک په بی بانک استقلال تامنی طانیدیلر . یالکز اسپانیا سواتی اشبو استقلاللی باطنیع طانیه مدیغندن دائماً جنک کیلیری ار سالیله هولاندز لری تجمیز ایدرود کز

اوز زندہ بر پہی با کمینہ تصادف ای دن اسپانیول
 دو تمانی انی احراق و یا خود اغراقہ چانشور
 ایدی . بناء علیہ هولاندزل اسپانیول تعرض
 بحر یسندن قور تلمق ایچون مہارت بحر یلہ
 برابر شجاعت و بسالتی دخی ارتدیر مغہ محتاج
 اولہ رقی بو صورتلہ اسپانیول تعرضندن تدافع
 ایلدکاری مثللو کتدیکجہ چونغالان کیلری کتدیکجہ
 مہارتلرینی آرتدیران قپودانلرک سوقیلہ تہندستان
 وچین وحتی ژاپونیا صورینہ قدر واروب حوائی
 مذکورہ حقندہ اورویانک سار یرلری قپودانلرنجہ
 ہنوز معلومات لایقہ یوغیکن بونلر اطہلر اولکلر
 کشف ایدرک وکیلر طولوسی ثروت کتورہ رک امتعہ
 تجاریہلرینی دخی دیگر طرفدن اورویانک ہرجانبہ
 ایصال یتشلر و بویلہ لکلہ ثروت ملیہلرینی درجہ
 کمالہ واردیر مشلر ایدی . حتی مؤخر آہندستانک
 ققنہ موفق اولان انکلز ہند قومپانیاسنہ فلنکلیر
 مثال کوستروب آلتی بچق میایون فیلورین سرمایہ ایلہ
 تشکیل ایلدکاری ہند قومپانیاسی دنیانک اوقطعہ سنجہ

شهر لقاچه لر دکل قرالقلرا و لکار قمع ایتمشدر . هولاندانک
 بو درجه شوکت و قدرتنک برسبی دخی او عصر لرده
 اورویانک هر طرفنی قاصوب قاووران دین غوغا لرندن
 قاچانلرک هولاندایه هجرت ایتملریله نفوسک همده اک
 ایلرویه کلان نفوس برکزیده نک چوغالمسی ایدی .

هولاندانک بو تجارت و شوکت بحریه سنه یالکز
 اسپانیولر حسد ایتمکله قالمشدر . انکلیر دخی
 هندستان وسائر حوالی بحار محیطه منافعه
 هولاندازره رقیب چیقدیغندن هولاندانک ترومپ
 ورویتر کبی مشاهیر بحریونی اسپانیانک اوقاندو
 انکلتره نک بلاق ومونق وده آر کبی موفقیات بحریه
 ایله شهرت شعار اولان امیرالدرینه قارشو اول قدر
 شدتلی محاربه لر ایتمشدر که غالبیت ویامغلو بیت
 هر هانکی طرفده جلوه کر اولسه طرفینک کوستر دکری
 مآثر قهرمانی هر حالده سزاوار تحسین کوریلور
 ایدی .

حتی ترومپ انکلیر لره ایتدیکی بر محاربه ده
 محروماً جان تسلیم ایدر ایکن صوک لقر دیسی

« غیرت ! ارقداشلر غیرت ! بنم اولدیکمه باقیکنز .
 اولیورم اما شان ایله اولیورم » کلماتی اولدیغندن
 او عصرک محاربات بحر یه سی تفصیلات و ایضاحات
 لازمه سیله صحایف و قوعاته اوزون اوزادی یه قید
 ایدلدیکی صروده بو کله لر دخی یازلمشدر .

شوذکر ایلدیکمز ترقیات اورانر خاندانندن
 هوریس و هازی فره دریق و کیلیوم نام درت نفر
 مستاتودر زمانده میسر اولمش بر نعمت ایدیسده
 بعض ملترده بوکبی ترقیاتک و حتی راحت و حضور
 و ثروت و سعادت داخله نک دخی موجب فتنه و فساد
 اولدیغندن بر مثالی ده هولانداده کورلمشدر .

هولاندا جمهوریتی تشکیل ایدن یدی ایلتک
 شو انقلاباتی حکایه ایتمزدن اول ایالات سبعة
 مذکوره خارچنده قالان و فقط کائناتمزدن بو جلدک
 شمول و احاطه سی خارچنده قلمیان ایالات جنوبیه یه
 دخی بر نظر عطف ایدهلم :

بو قاروده دیمش ایدک که قائم مقام فارنه ز جنوبدن
 یعنی بلجیقا سمتدن بر قایح ایالتی اسپانیول حکمی

آلته صوقد قدن صکره شماله طوغری دخی خلیجه
 ترفی ایلمشدر . ایالات مذکورہ فی الواقع اسپانیا
 ملکیتی التندہ تقررا یدرکینہ والیلر وقائمقاملر طرفندن
 اداره اولمش ایسه ده اسپانیا ایله اوستریا خاندانی
 اراسنده ایکی عصر قدر دوام ایدن وراثت
 منازعاتک باشلیجه اسبابندن بریسی دخی بو ایالتلر
 اولمشدر .

۱۶۵۹ سنه سنده عقد اولنان پیره نه ۱۶۶۸ ده
 تنظیم ایدیلان اقس لاشاپل معاهده سی ووجنجه
 اسپانیا دواتی برارالق اشبو ایالت جنویبه بی فرانسه یه
 ترک ایتمش واوزمان ممالک مذکورہ یه فرانسه یه بی باسی
 نامی ویریشیدی . آندن صکره ینه اوستریا خاندانه
 انتقال ایدرک بعده تا عصر اخیر کلنجه یه قدر
 خاندان مذکورک مالکانه سی اولمش قالمشدر .

شوحاله کوره په بی با احوالی یالکز هولاندا
 ایالات متحده سبعة سی احوالندن عبارت قالوب او
 ایسه بالاده کوسترل دیکی وجهله شوکت بحریه جه
 اسپانیا وانکلتره کبی اک بیوک دولتله اوموز

او پوشمک دخی بروقت فرانسہ قرالی اون دردنجی
 نوئی کبی فلکھ بویون ا کیمک غیرتندہ بولانان بریوک
 حکمداری دخی بالغلوبیہ صلح التاسنہ تنزل ایتدیرمک
 درجه سنہ واردیغنی حالده بو شوکتی بو قوتی کندیسنه
 غیب ایتدیرمش اولدیغندن منازعات دا خلیه بی حکایه
 ایچون فصول آتیه بی کشاده مسارعت ایدلم :

﴿ فصل ثانی ﴾

(ایلك ستاتودر حکومتی لغو ایدن حکومت

جمهوریه بیاننده در)

عن ۱۶۵۰ الی ۱۶۷۲

— تفصیل — کیلیوم دورانترک به بی با ایچون

قراندیغنی استقلال اوزرینه قورمش اولدیغنی ستاتودر

حکومتی برنوع جمهوریت ریاستی ایسه ده

بوریاست سائر ریاستلره مقیمس اولمیوب عادتاً

بالاستقلال حکومت کبی ارثاً اولاده دخی انتقال

ایدر برشی اولدیغنی یوقاروی فیصلده بیان

ایلشیدک :

کرا، کیلیوم و کرک کنديسنه خلف اولان اوغلی
 موريس رياست حکومته تفرع وتعلق ايدن وظائفی
 حسن ایفا ایتمش اولملری ثمره سیله یوقاروکی فصلده
 یازمیش ولدیغی وجهله هولاندانک شوکت وقوتی
 آرتدیجه آتمش ایسه ده موريسک طور مستقلانه
 ووضع مستبدانه سی خلقه آغر کله رک سستاتودرک
 مقابله بولنه جق برذاتک خلقه حاکم دکل خادم
 اولقله موظف بولندیغی قضیه سی اوتته ده بروده ورد
 زبان ایدلمکه باشلامشیدی .

بو مثالو کفت و کوزلی باصدیرمق ایچون
 حکومت نه قدر شدت کوستر ایسه کفت و کوی
 چوغا تمقدن بشقه برفانده سی اولیه جغی پک چوق
 یرلده پک چوق امثالیه مجرب بولندیغی مثالو بو حال
 عینیه په بی باده دخی واقع اولشدر . شویله که :

ژان اولدن بارنه وه اد نام ذات هولاندانک درلو
 درلو مأوریتلرنده بونوب حتی اسپانیا وانکلتره
 ایله سبقت ایدن معاملات حریبه و دیپلوماتیکه ده
 پک بیوک یرارقلر کوسترمش اولسنه مبنی خلق عندنده

قدری و حیثیتی آرتقوله اودخی املی بیولتمش وستاتودر
 بولنان موریسک استبداد واستقلال علیهنده
 سوز سویلکه باشلامش ایدی . بو حال موریسک
 سامعه خراش اطلاعی اولدوقده بارنه وه لیدی یالکز
 خلق نظرنده چوروتتمک دکل حتی دنیادن دخی
 وجودینی قالدیرمق غیرتنه دوشهرک اگرچه مومی
 الیهی ایکی دفعه مأموریتندن استعفایه و گوشه
 عزاتی ترجیحجه مجبور ایتمش ایسه ده توجه عامه دن
 طولانی ملت و کلاسی بواعتزالی قبول ایدهمیوب
 بارنه وه لیدی ینه ابقا ایلدکارندن بوریس دخی پاپاسلر
 ایله او یوشوب مومی الیهی رافضیلک تمثیله اتهام
 ایتدیردی .

اوزمان خلقک تعصبی کاندہ اولسایله بوتتمت
 برآدمی نظر ناسده چورتمکه کفایت ایدر ایدیسده
 خلق بارنه وه لیدک عصیت دینیه سنی بیلدیکندن بونک
 برفأئده سی اولمجنجه موریس بو کره دخی خصمنک
 اسپانیولر ایله بیلک اولدیغنی ومملکتی اسپانیولره
 تسلیم ایدہ جکنی اعلان ایدوب حالبو که بارنه وه لیدک

اسپانیوللره خصومتی واستقلال وحریت وطن ایچون
اشتیاق وغیرتی دخی معلوم عالم اولدیغندن بوده پاره
ایتماش ایدی . نه فائده که بوشهت رسمی برتهت
عدا اولمغله وموریسک کندی انتخاب کرده سی بولنان
حاکم لر بیچاره بارنه وه لدک اعدامنه حکم ایتملریله
یتش یاشنه وارمش اولان بیچاره اد مجکز بغیرحق
شواغریزه دوچار ایددی .

بارنه وه لدک ره نه و کیلیوم نامنده ایکی اوغلی
قالوب بونلردن کیلیوم پدیری انتقامی اولوق اوزره
موریسک جاننه قصد ایتمکی قورمش وحتی بویتی
یرادرینه دخی عرض ایلمش ایدی . لکن نصلسه
کیفیت خبرانه رق اصل سوء قصدی تصمیم ایدن
کیلیوم فرار ایله قورتلدی ایسه ده بیچاره ره نه بوسبتون
قباحتسز اولدیغی حالده جزای اعدامه دوچار
اولدی .

بو کیفیت ۱۶۲۳ سنه سنده یعنی دهها ایلیک ستاتودر
هدت حکومتک اواسطنده وقوعبولمش ایدیسه ده
یز حکومت جمهوریه نك منشائی کوسترمک ایچون

کیفیتی بو فصلده ذکر ایلدک واقعا حکومت جمهوریه نك
 منشائی بو اولدی . زیرا هر نه قدر ایلك ستاتودر
 حکومتك او اخر حکومتنه قدر هولاندزلك خارجاً
 شوکتلری ترقی ایده کتدیسه ده داخلا ستاتودرلك
 طور مستقلانه لری ارتدقجه بونلره مخالف اولان
 طرفك نفرتی ده ارتمش و نفرت ارتدقجه حکومت
 شدتی چوغالتمش هانری فره در یق و کیلیوم ثانی
 نام ستاتودرلك زماننده پك چوق او یغونسزلقلر
 ظهور ایلمش ایدی . لکن بو ایکی ستاتودرلر دخی
 غایت جنکاور اولدقلرندن خصمسی نزهده باش قالدیرر
 ایدیسه همان باشلرینی از لر ایدی . نهایت
 ۱۶۵۳ تاریخنده کیلیوم ثانی وفات ایلدیکی زمان
 بو ستاتودرلك طور حکمرانلرندن کالیله بیزار اولان
 خلافکیران اوته دنبری ستاتودرلك باش و کالتی
 منصبنده بولنوب وطن و ملتته کوزل خدمت ایتمش
 اولان ژانده ویتک ریاستیله سلاحه صاریله رق
 بعدما اورا نثر پرنسلینک نه ستاتودرونه ده نام آخراه
 حکو متلرینی طایه میه جقلرینی قطعاً در میان

ایلدیلر و مومی الیه ژانده ویتی تشکیل ایلدکاری
 جمهوریتہ پانسیونر نامیلہ رئیس نصب ایتدیلر .
 ایشته بوتبدل اوزرینہ اورا اثر خاندانی حکومتدن
 ارتق ال چککه رک طوغریدن طوغری بہ حکومت
 جمهوریه صورتیلہ اداره اموره باقیلور اولدی .
 بو عصر انکلتره ده دخی قرونوہک بر حکومت جمهوریه
 اداره ایتکده اولدیغی زمانہ مصادف اولغله
 (انکلتره ص ۲۰۲ مر) ژانده ویت مر قوم
 قرونوہل الہ بالاتفاق اوزمانہ قدر هولاندانک انکلتره
 الہ سبقت ایدن محاربات بحر یه سنہ ختام و یردکن
 ماعدا هولاندا جمهوریتی دخی نوعا انکلتره جمهوریتی
 جایه سی التہ و یردی . و بعدما اورا اثر پرنس لرندن
 هیچ برینک هولاندا نہ جمهور رئیسہ نہ ده بیوک
 امیرال و سائر هیچ بر مأموریتده یولنامسینی بامعاہده
 تأیید ایلدی .

ژانده ویت غایت مقدم بر آدم اولغله اورا اثر
 پرنس لرنک په بی بادن بتون بتون علاقہ لرنی قطع ایتک
 ایچون هر نہ لازم ایسه یا عقدن کیرو طور مادمش ایدی .

ہولاندایی اورو پا دول معظمہ سلیہ محاربہ دن
 دخی منع ایلدی . لکن بومسلکہ دوام ایده مدی .
 زیرا انکلترہ ده جهوریت انجق برسنه قدر دوام
 ایدوب اندن صکرہ تکرار تسکل ایدن حکومت قرالیہ
 ایله بوزوشه رق اسکی محاربات بحریہ بی تکرار
 (انکلترہ ص ۲۰۹ مر) ایدرک ۱۶۶۴ دن
 ۱۶۶۶ سنہ سنہ قدر ایکی سنہ دوام ایلدی کی
 ۱۶۷۰ ده دخی جهاز اوله رق فرانسیہ ویرلسی
 لازم کلان فرانش قونته بی ویرمک ایسته مامسندن
 طولایی فرانسه ایله محاربه آجان المانیایمپراطور لغیلہ
 اتفاق ایلمش ایسه ده بو محاربه ده طالع هولاندایہ
 اصلا یاورلک ایتدیکندن اون دردیجی لوئینک
 عسکری فلاندر و سائر پھ بی بانک اکوزلیرلرینی
 اوچ آی ایچنده ضبط ایلمشدر . (فرانسه ص .
 ۲۲۰ مر)

ایستہ شو مغلوبیت ژانده ویتک خیانت وطنی
 خلق نظرندہ اثبات ایتکلہ واریہ اوراثر خاندانک
 اغواسی دخی کیرمکلہ ۱۶۷۲ تاریخندہ عموم

هولاندزلر سلاحه صارل دیلر و ژان ده ویتی وقرنداشی
 قورینلی پارچه پارچه ایدوب لاشه لرینی اوتته یه برویه
 اتدیله . لکن بو حال ژان ده ویت ایچون برغدر
 ایدی . زیرا اشاغیکی فصلده کوریه چکی وجهله
 اندن صکره ستاتودر حکومتی عودت ایدنبجه بووطن
 پرور آدمی ینه ارادیلر اوزمان قدری بیلنه رک کندیسته
 وقرنداشنه پک زیاده اجیدیلر .

﴿ فصل ثالث ﴾

— ستاتودر حکومتک تجدیدی —

عن ۱۶۷۲ الی ۱۷۱۲

— تفصیل — یوقارویکی فصلک نهایتده په بی با
 خنقنک ژان ده ویت عالیهنه قیام ایلدکلرینی وانی
 بعدالازاله حکومتجه پوره بی اعلان ایتدکلرینی
 بیان ایتمشیدک . بو حکومت ایچون انکلره قرالی
 بولنان کیلیوم دوراثر ستاتودر انتخاب اولمشدر
 (انکلتره ص ۲۱۳ مر)

مومی الیه کیلیوم دوراثر نامندن دخی معلوم

اولہ جنی و جہلہ ایلاک ستاتودر زمانک دردنجی
 یرنسی بوانان ایکنجی کیلیومک اوغلی اولوب ماری
 ستوارت ایله بالازدواج انکلترہ قرالغنی قرانمش
 ایدی . بوکرہ اعلان اولنان جهوریتک تأسسنہ
 سبب هولاندانک فرانسه محاربه سنده کوردیکی مضرت
 اولغله مضرتی کوریلان برایشده دوام کار عائل
 صایلدیغندن کیلیومک بو محاربه بی همان برطرف
 ایتمسی لازم کلور ایکن کیلیوم بالعکس بو محاربه ده
 دوام ایله به بی با ایچون دها بر چوق ضایعاته سببیت
 کوستردی . باخصوص سف محاربه سند فرانسرزه
 فنا حالده مغلوب اولدی . واقعا کنديسنک
 محاربات واقعه ده کوسترمش اولدیغی شجاعته
 و حسن اداره به سوز یوقدر . لیکن بو شجاعت
 و بو حسن اداره نک بر ثمره سی کوریله منجده هولاندزلک
 ممنون قالما مقده معذوریتری دخی تسلیم ایدلدی .
 نهایت (نی مهق) ده عقد اولنان بر معاهده بو
 محاربه به نهایت و یردیسده هولاند الیر کنديسندن
 یوز چو یردکاری جهتله ستاتودر حکومتی عادتا
 حکمسز کی بر حالده قالمش ایدی .

کيليوم دورا نړک ستاتو در لکنی جمهوريت
 طرفدار لری همان اصلا طانيمش لر ایدی . انلر
 انتوان هه ين سيوس نام منليسترو يي ينه اسکی جمهوريت
 رئيسنک عنوانی بونان پانسيونر عنوانيله باش وکالت
 مقامند. پايدار ايتديره رک کيليوم دورا نړی عادتا بر
 انکلتره قرالی و انتوانی دخی په پي با جمهوريتی رئيسی
 اولق اوزره طانور لر ایدی . انتوانک کيليوم
 دورا نړه محبتی بر کمال اولغله ارالزنده هيچ بر منازعه
 ظهور ايتدن ۱۷۰۲ تاريخنه قدر بر لکده اجرای
 حکومت ايتدي لر . تاريخ مذکورده کيليومک
 وقوع وفاتی اوزرينه جمهوريت طرفدار لری ارتق
 بر قرال انتخاب ايتکدن و حتی ستاتو در حکومتی
 عنوانک دخی ادامه سندن خلقي منع ايد رک ينه جمهور
 نامی اعلان ايله رياستنی دخی مومی اليه انتوان
 عهده سنده ايتسا ايتش لر در .

بز بوراده کيليوم ثانی يالکز بر په پي با ستاتو دری
 کبی تلقی و اوصورتله قيد و تحریر ايلدک . مومی
 اليهی بر انکلتره قرالی کبی کورمک لازم کلورسه

برمنوال مسبق مراجعتی توصیه ایلدیکن من صحیفه یه
مراجعت بیورلملیدر .

﴿ فصل رابع ﴾

— پانسیونر حکومتک مدتی —

عن ۱۷۰۲ الی ۱۷۴۷

— تفصیل — بوکره جمهور رئیس انتخاب
اولندیغنی بو قاروکی فصلده خبر و یردیکنز انتوان
ههین سیوس وقتیه کیلیوم دورا اثر زماننده بر
مأموریت فوق العاده ایله فرانسه یه کتمش و اوراده
فرانسز سرای قرالیسنک پک زیاده حقارتنه دوچار
اولمش ایدو کندن فرانسه دولت و ملتی علیهنده
بر بیوک خصومت محافظه ایتمکده بولمشیدی .
وقتا که فرانسه ایله اسپانیا و المانیا و اوستریا اراسنده
اسپانیا تحتنه وراثت دعوالری آچیله رق محاربه یه قیام
اولندی . (فرانسه ص ۲۲۲ مر) انتوان
دخی فرانسه دن انتقام المق زماننک کلدیکنی کوره رک
ینه فرانسه علیهنده اولق اوزره انکلتره قرالیجه سی

(آن) طرفندن تدارك وارسال اولنان اردونك
 (انكلتره ص ۲۱۵ مر) قوماندانی مايبورغ
 و المانيا امپراطورلغنگ فرانسسه عليهنه تشكيل
 ایلدیکی اردونك قوماندانی بوانان پرنس اوژن ایله
 بالاتفاق فرانسسه به قارشو و محاربه یه قیام ایلدی .
 انكلتره تاریخنده اشواسپانیا وراثتی محاربه سنك
 بوجلدده تفصیلاتی اعطایا اولنه جنی و عدا ایلدیکندن
 و واقعا فرانسسه تاریخنده برخیلی ایضاحات و یرلمش
 ایسه ده و عدا مدكورك بوراجه ایفای پی پی با تاریخی
 ایچون دخی اهمیتدن خالی قانیه جفندن مذکور و عداك
 بروجده آتی ایفاسنده شروع اولنور .

فرانسسه ده اون دردنجی لوی کبی بر شوکتلی
 حکمدارک زمان شوکت و قوتنده اسپانیا قرالی اولوب
 بعددوقته یرینه قائم اوله جق برولی عهدی بوانمیان
 ایکنجی شارل ۱۷۰۰ تاریخنده اولوم یتاغنه
 یاتدیغی زمان اسپانیا تاج و تختنی اون دردنجی لوی به
 برجیله اوانق اوزره لوینگ حفسیدی قلیب داترویه
 وصیت و ترک ایلشیدی . انجق شارل ثانینگ وفاتندن

صکراہ اوستریا خاندان قرالیسندن مؤخرأً النجی شارل نامیلہ مقام حکومتہ چیقان ارشدوق شارل بوتاج وتحتہ قلیب داترودن زیادہ استحقاق کوستوب استقامی حقوق دعواسنہ دخی قیام ایتمکله اون دردنجی لوئی بو تعرضدن فوق العادہ دلکیر اولہرق سلاحہ مراجعت ایلشیدی . اوستریا انکلترہ بروسیا پورتقال وصادوا دولتلی بالاتفاق فرانسه علیہنہ سلاحہ صارشلرایدی . هولاندانک دخی بو محاربه یہ قارشیمی یالکزانتوان ہہین سیوسک فرانسه یہ اولان خصومتندن ده نشأت ایتماشدر . اوزمانلر پہی بانک ایالات جنوبیہ سی اسپانیامستملکتندن عد اولنوب بوکرہ فرانسر طرفندن ضبطایدلمش بولمشیہ بوایانلرک استردادی اہلی دخی محاربه یی ایجاب ایدن اسپابدن ایدی . انتوان و پرنس اوژن ومابورع شمال طرفندن فرانسه یہ با تعرض ۱۷۰۲ دن ۱۷۱۳ سنہ سنہ قدر فرانسه یی اورمقدن خالی قالدیلر . بزبورادہ محاربات مذکورددن یالکز پہی بایہ کرک طوغریدن طوغری بہ و کرک من جہتہ تعلق ایدنلری

نظر دقته - چونکه محاربه نك شكلي عمومینسندن
 فرانسه نك كوردیكی نتیجی اوراده حكایه ایلمشیدك
 - اله جغزیدن بوراده ذكر ایده جگمز خصوصات
 حربیه مالبورغك اسپانیول مالكانه سی حکمنده بولنان
 وفرانسزل طرفندن ضبط اولنان كلدر ایالتی تخایص
 و (شیلانبرغ) ده فرانسه متفقلمی بولنان باو بر ایلمی
 یوزارق اوچیوز قدر قرا و قصباتی احراق ایلدیكنی
 و پرنس اوژنك اسقونهری اوزرنده اوده نارد و مالپلاق
 محاربه لرینی فرانسزل علیهنه قزاندیغنی و علی الخصوص
 اوژن ایله مالبورغك بالاتفاق هوشت غلبه عظیمه سنه
 مظهر اولدقلرینی اخطار ایله اکتفا ایدرز هولاندا
 عسکر یله انتوان هه یز سیوس بو محاریاتك جمله سنه
 اشتراك ایدرك هولاندانك بر خلی منافع مادیه سنه
 سبب اولمش ایدیسه ده هولاندا کی مملکتك
 تحمل ایده میه جکی بار کران مصارف ثروت ملیه یی
 یون بتون محو ایتمك درجه سنه واردش ایدی .
 هولاندا کی چند سنه مقدم ثروت و سامانی قویه جق
 بر بوله میان مملکت اهلنسی بو کره خزینه املیه لرینی

فلوس اجره محتاج کورنجهز یاده سیله مایوس اولدیئر
 حالبو که انتوان هه یین سیوس موج او لدیغی بونجه
 فناقلره چاره بولدن ۱۷۲۰ تار یخنده وفات ایدنجه
 واسپانیا محارباتند، ایسه غایبه نتیجه فرانسه اولنده
 ا قلوب ایالات جنوبیه دن دخی بر فائده حاصل اوله میجه
 انتوانک یرینه پرست تودرمی انتخاب اولنسی یوقسه
 برجهور رئیس می بولنسی لازم کله جکی مجادله سیله
 حیتیمندان وطن سلاحه صارلدی . نتیجی بوده
 حال ضعفه دوچار اولان مملکتی رقائدها صارصمدن
 یسقه فائده ویرمدی .

﴿ فصل خامس ﴾

— ستاتودر حکومتک تکرار عودتی —

عن ۱۷۴۳ الی ۱۷۹۵

— تفصیل — یوقاروکی فصلاک نهایتنده ستاتودر
 حکومتی طرفدارانیه جهوریت طرفدارانک هانکی
 صورت حکومتی ترجیح ایده جکلرینه برقرار ویره میدرک
 آچمش اولدقلرینی بیان ایلدیگمز باب مجادله سنه

سنه لجه دوام ایده کتمش ایسه ده ذاتا ک اولکی اسپانیا
مخارباتندن بدأ ایله مؤخرأ انکلتره واک صکره فرانسه
مخارباتی کبی حدندن خارج مخارباتله قواوقنادی
قیلمش اولان بر مملکتک بویله سنه لجه دوام ایدن
مخاربهء داخلیه سی ارتق اربانه فتور کتورمش
اولدیغندن ای دیلان مجادلات قومشو قاریلرینک
مخله غوغالی کبی بر صورته منجر اولمشیدی .

اوته طرفدن ینه اثر و پرنسازندن دردننجی کیلیوم
اول امر ده په بی با ایالات متحده سندن فریزیا ایالتنه
کندیسی ستاتودر انتخاب ایتدیروب بعده ایالات
مذکورده ده تقرر ایدن اساس داخلی بی
ایالات ساره دخی کورنجه ۱۷۵۷ تاریخنده جمله سی
کیلیوم رابعی قبول ایدرک شو صورتله ستاتودر
حکومتی ینه تجدد ایتمش اولدی . فقط ارتق اوروپا
امورینه مداخله به اقتداری قالمیان بوک کوچک
وقدرتسز حکومتک امور خارجیه جه هیچ بر تأثیری
قالمامش اولدیغی کبی داخلاً دخی انجق کندی
یاغیله قاور یله یلمک درجه سنه تزل ایلدیکنندن

عادتا تاریخک نظر اطلاعہ جار پاجق ہیج بروقعہ
مہمہ سی ظہورہ کلدی .

حتی ۱۷۵۱ تاریخندہ کیلیوم رابعک وقوع
وفاتیلہ یرینہ کیلیوم خامسک ستاتودر اولسی لازم
کلد کدہ جمہور طرفدارلی برازمر لداغغہ قالمششر
ایدیسہ دہ فتور ایچندہ بولنان اہالی بوکی القآاتہ
قولاق بیلہ ویرمامششر وذاتاً بر بوسستان قورقولغندین
عبارت قالان حکومت ریاستنہ کیم انتخاب ایدیلور
ایدیسہ ایدلون بر بآس اولدیغنی اورتایہ قویہ رق
کیلیوم خامسی قبولدہ بولنشلردر .

کیلیوم رابعک حین جاوسندہ وقوعبولان
مرلدیلر سنہ ہر کچدکجہ بیویہ بیویہ خارجدن
ایدیلان القآاتک دخی تأثیریلہ ۱۷۸۱ تاریخندہ
پہی بی با سرعسکری اوئی دہ برون سولین ریاستیلہ
بریوک عصیان ظہور ایشیدی . انجق کیلیوم
زوجہ سی پروسیا قرالی ایکنجی فرہ دربق کیلیومک
ہمشیرہ سی بولنغغہ مز بورہ نک استدعاسی اوزرینہ
یکرمی بش بیک نفر دن مرکب پروسیا اردوسی

بی با ایچنه کیرمش و مقابله به قانتیشان جمهور جیلری
 زاروق ۱۷۸۷ تاریخده امستردام شهری دخی
 و سیالیر الینه دوشمش اولدیغندن بشنجی کیلومک
 حکومتی بو صورتله محافظه ایدلمش و اندن صکره
 خر حکومته یعنی ۱۷۹۵ سنه سنه قدر کندیستی
 احتسز ایده جک هیچ بروقه ظهور ایتما شدر.

فصل سادس

(باتاویا جمهوریتک تشکلی)

عن ۱۷۹۵ الی ۱۷۰۶

- تفصیل - فرانسه تاریخک با - رابعنده
 کوس - ترمش اولدیغی وجهله فرانسه ده حکومت
 جمهوریه زمانده تنظیمات اعلان اولنوبده بتون
 وروپاده بو تنظیماتک علیهنه فرانسه یه قارشو محاربه
 چوقلری و فرانسه زارک دخی اشیو بتون اوروپایه
 ارشو مقابله یه مسارعت کوس - ترکلری اثناده
 وته دنبری حکومت جمهوریه هوسیله قینایوب
 لمور مقده بوانسان هولاندا جمهور جیلری فرانسه یه

بريوك ميل وتوجه کوسستمکه باشلامشار ایدی .
 بناء عليه فرانسه عساكر جمهوریه سی اوچ رنکلی
 بایراقلیله شمال طرفنه توجه ایتدکاری زمان (فرانسه
 ص ۲۵۲ مر) په پی با جمهوریت طرفدارلری
 کاملاً ایاقلانوب فرانسز اردوسنی استیلامه مسارعت
 کوستردیتر .

جنرال پیشه غرو قومانداسیاه کان فرانسز اردوسی
 کرک پروسیا و کرک ستاتودر طرفدارلری بولسان
 هولاندا عساكریله محاربه په طوتشدقلری زمان
 بوجهورجیلر دخی سلاحه صارلدیلر ۱۷۹۵
 تاریخنده کیلیوم خامسی انکلتزیه قاچیروب سنه
 مذکورهمایسنک اون الشجی کونی باتاویا جمهوریتی
 نامیله یکی برجمهوریت اعلان ایلدیله که شو صورتله
 کرک ستاتودر و کرک پانسینور حکومتلری نامنی
 محو ایتمش اولدیله . حتی (ایالات متحده جمهوریتی)
 عنواننده کوردکاری اک بیوک مضرت په پی بایی
 یکپاره برمملکت اوله رق تشهیر ایتوبده حدذاتنده
 متمسم و متفرق ویالکز سیاسته متحد و یک وجود

کوسترسی قضیه سی اولدیغندن بوجهوریتک اساسی
تفسیقاتنده بعدازین په بی بانک باتاویا نامی التنده معناً
وماده یکپاره بر مملکت اولدیغنی اعلان ایلدیلر
نظاماتی ایسه عینله ناپولیونک فرانسه جهوریتی
ایچون قویدیغنی نظامات ایدی . حتی تفسیقات
اساسیه موجبجه بعدما په بی بانک بردها آیرلماق
اوزره فرانسه متفق اولدیغنی اعلان قلمدی .

جهور جیلر شو عوقیتدن ممنون اولشلر ایدی .
فقط اوزمان فرانسه په بی بانک سلامتته خدمت
ایتموب کندی منفعتنه خدمت ایلدیکندن هولاندانک
مایسترج ووانلو وستات لیمورغ وستات فلاندرن
نام سنجاقلری فرانسه یه تملیک ایلدیکی کبی نقداً
دخی بوز ملیون فلورین تأدیه ایتش و بوندن ماعدا
په بی بانک قاعدلرینه فرانسز عسکری اقامه سنه رضا
کوسترلس اولدیغندن حقیقت اراشدیرلدیغنی کبی
اشبو باتاویا جهوریتنک طوغریدن طوغری به
پرفرانسه جهوریتی ایالتی دیمک اولدیغنی حکم ایلدیلر
ایندی .

فرانسه ایله اتفاقك شو مضرات مادیه سندن
 ماعدا برده مضرات معنویه بی کوراندی که معنوی
 دیدیکمز بومضرات دخی ثمرات مضره مادیه سنی
 اورته قویقمن کیروقاندی . شویله که :

اوزمان انکلتزه دولتی فرانسه نك عد وجانی
 بولمغله دشمنی ایله اولان یکو وجود لغندن ناشی
 هولاندایه دخی ابراز حصومت ایدرك فرانسه ایله
 ایتدیکی محارباتده هولاندانك الله بولنان بقیه
 دو تناسنی دخی دو تنما کوندره رك شو و نابدید ایتسیله
 ۱۸۰۲ تاریخنده آمیان شهرنده عقد اولنان معاهده
 موجبنجه هندستان طرفلرنده واقع وهولاندا استملکاتندن
 معدود (سـیلان) جزیره جسمیه سی انکلتزه یه ترك
 اولندی .

حالبو که انکلتزه نك غضبی بونکله ده سکونت
 بولدی . چونکه باتاویا جمهورجیلر نك بو قدر
 ضایعاتله دخی عقلاری باشلرینه کلامش ایدی . انکلتزه
 ایله فرانسه تجدید خصومت ایلدکلی زمان

هولاندز لینه فرانسه په متفق چیدق لرندن بو کره
دخی سورتیان و امید پرونی مستملکاتی انکلیر لره
ترک ایلدیلر و شو صورتله مستملکات شو کتی بتون
بتون الدن کیدر مش بر حاله کلدیله .

۱۸۵۰ تار یخنده یعنی ناپولیون ارتق حیت ملیه بی
یا لکز غیرت منفعت صورتته تحویل ایدوبده
فرانسه بی کندیسنه مالکانه ایتمک تشبثانه باشلادیغی
زمان په بی بانک دخی اصول جمهوریتی فرانسه
اصول جمهورینه تطبیق ایتمش ایدی . بو اصول
جمهور فرانسه تار یخنده کورلدیگی و جمله بر نوع
حکومت مستبده و مستقله دیمک ایدی .

بو حکومت جمهوریه نیک ریاستنی مدت میدیده
هولاندا مهمام اموزنده و حتی فرانسه وانکلتره دولتری
نزدنده خدمت سفارته بولنوب کرک کندی ملتک
و کرک دول اجنبیه نیک بیوک امنیت و اعتمادینی
قازانمش اولان روتر رژان شیمیل ینغ عهده سنه
توجیهنی ناپولیون جسنابلری حال و مصلحته موافق
بولشیدی . زیرا کندیسی بوذاته پک زیاده حرست

ایدرایدی . واقعا روتھر دخی ناپولیونک کندی
 حقنہ اولان اعتمادینی بوزمدی . مع مافیہ فرانسز
 انتریفہلرینہ الت او بده وطنہ خیانت ایتک دخی
 ایستز ایدی . انجق بوجهوریتک تشکلی ذاتاً
 بر نتیجہ اولیوب بلکہ یقینده کوریلہ جک بر نتیجہ نک
 مقدمہ سی ایدی . او نتیجہ ایسه برسنه صکره
 یعنی ۱۸۰۶ تاریخندہ میدانہ چیقوب کورلدی .
 چونکہ اوتہ دنبری استقلال وطن دعواسیلہ
 شیشمکده بولنان هولاندز جهور جیلزی بوکره وطنلرینک
 استقلالنی ناپولیون جنابلرینک خاکپاینہ عرض
 ایتمش اولدقلرندن اودخی قزنداشی لوی بوناپارت
 ناپولیونک باشنہ برتاچ کیدیروب واننہ دخی هولاندا
 قرالغی توجیہنہ دائر برات کوندردی وشو صورتلہ
 هولاندا قراللق عنواننی دخی الدی .

بوندن صکره باب ثائتده هولاندایی بر قراللق کبی

کوره جکرز .

— اوچنجی باب —

په پی بانک احوال اخیرہ سی بیانندہ در
عن ۱۸۰۶ الی ...

﴿ برنجی فصل ﴾

ایک هولاندا قرالغی احوالی میندر
عن ۱۸۰۶ الی ۱۸۱۰

— تفصیل — او پی ناپولیونک هولاندا قرالغی
۱۸۰۶ سندسی حزرانک بشنجی سکونی اعلان
اولنوب بو خبر شیمل ینغہ واصل اولنجہ مومی الیہ
طبعیتیلہ ایشدن ال چکهرک بر کوشہ انزوایہ
چکلادی . واقعا قرال او پی جنابلری مومی الیہہ
الغاتمہ قصور ایچوب حتی مہام دولتہ دائر
کندیسندن بعض رأیلر دخی صورمش ایسده
شیمل ینغ ویردیکی رأیلری مملکتک فائده سنندن
قطع نظر مجرد بونا پارط - لرك شرنندن کنديسنی

ذیل کائنات

قورومق ایچون ویرمشیدی . زیرا انک نظرندہ
 یوناپارطکر النہ دوشن بروطنک ارتق محافظہ
 ایدیلہ جک منافعی دخی قالمش دیمک ایدی .

اوروپا جہ جنک ییلدیریمی دیہ شہرت المش
 یولنان یوناپارطک قرنڈاشی هولاندایی مسعود
 ایدہ ییلدیمی ظن ایدرسکز ؟ اصل جنک ییلدیریمی
 قرانسه بی مسعود ایدہ ییلدیمی کہ قرنڈاشی دخی براجنہی
 مملکتی مسعود ایدہ بیلسون ؟ بر کرہ اسکی محاربانک
 مصارفی اوزرینہ یوفرانسز یولتہ قہلرینک آپدیغی
 مصارف دخی بالانضمام دیون عمومہ بر میلیار ایکوز
 میلیون فیاورینہ یعنی اوزن فیلورین بر لیرا حسابیلہ
 یوز یکرمی ایکی میلیون لیرایہ بالغ اولمشیدی کہ
 نسبت ایدیلہ جک اولسہ بہر هولاندز اوتوز لیرادن
 زیادہ دیون ملی التندہ از یاسکدہ بولمشیدی . بوکا
 مقابل هولاندانک باری اسکی تجارتی الہہ قالمش اولسہ
 ایدی نہ نہ ایسہ نہ ایدی . حالبو کہ اوتجارتی
 دخی انکلیز محو ایتمش اولدق لرندن بوکرہ انلرک

الرنده قالان اخذوا عطا انكلمه دكزلنجبه اجرا
ايلدكلى قچاقلقدن عبارت ايدى .

١٨٠٧ سنه ميلاديه سى تشرين ثانيه سنك اون
يدى تاريخيله ناپوليونك اعلان ايلديكى برامره موجبجه
كوي انكلمه جزيه لر ينى عموداً بر محاصره الته
الهرق اوروپا اسكله لرندن اورايه هيچ بر سفينه هيچ
بر كونه اخذوا عطا ايچون كتمه جكي قطعياً اعلان
اولمسي و بوامر حكيمك محافظه سى ايچون برأ و بحراً
تداركات لازمه يه دخى فرانسه دولتى طرفندن تشبث
قلمسى اوزرينه هولاندزلك الرنده اولان قاچاقلىق
دخى رواجدن قالب اقشامه اكك پاره سنى قازانه
يدله نلرمسعود عداو لنمغه باشلاديلر .

ناپوليونك املى هولاندايى بتون بتون فرانسه يه
قاتمق ايدى . لكن كيم بيلورنه مطالعه به دينى
بواملى رنن بره موقع اجرايه قويمق ايسته مديكندن بر
اراق ١٨٠٧ سنه سنده طوغرىدن طوغرى يه فرانسه
اداره سى التنده بولنان فريزيا ايلتك قسم شرفيسندن
وايوه را ايلتندن بر پارچه يرلى هولاندايه ترك ايدرك

بوکا مقابل هولاندان موزنهریله فرانسه حدودی
 اراسنده کائن اراضی ایله برغوب زووم و بره راو بواله
 ذوق و کر ترویدم برغ و قله سنیغ سنجاقلرینی اخذ
 و ضبط ایلدی و بومباده نك اسمنه دخی تعدیل حدود
 نامی و یرلدی .

بو قدر معاملاته قارشو هولاندالورک سس چیقاره
 مدقلرینه تعجب ایدیله مز . زیرا بر کره فرانسه
 پولتیقه سنه قابلد قدن و علی الخصوص و طنلرینی بر
 یوناپارط پرئسنه تسلیم ایلد کدن صکره انلرک بوکی
 جلو دزینه قاتلامق دخی ضروری اولور . لکن
 ۱۸۰۹ سنه سنه ناپولیون انکلتره ایله محاربه بی تجدید
 ایلدیکی زمان هولاندا فرانسه منسوینتک برسینه سنی
 دهها چکدی . زیرا انکلیرلز والشه رن اطه سی
 اوزرینه شدیداً تسلط ایدرک هولاندلری بردها
 هم ده آجیسی تیز بری اونه دلمیه جق مرتبه ده خرپالامش
 ایدیلر . ینه بوسنه اویس و دوردرسنه و روتردولی
 اراسنده واقع و سطح بحر دن الحق اراضی بی صو
 باصوب اوتوز بش میامترو مربع اراضی صواتنده

قالغله بودخی هولاندا ایچون اشته بر مصیبت یرینه
کیدی .

واقعالوی ناپولیون جنابلی بواحوال ومله یه
قارشو بر تدبیر بولغله چایشیور کبی کورینور ایدی .
لکن اوستریا و روسیا و فرانسه وانگلتر کبی درت بیوک
دولت لک محاربانه انتر یقه لری اراسنده قالمش و بورج
بوغازینی آشوب الده دخی مدار ثروت اولور برشی
قالمش اولان بر منگکته نصل چاره بولنه بیلور ؟
علی الخصوص بر ناپولن طه نصل چاره بولور ؟
حابو کبر اراالق ناپولیون ایله قرنداشی لوی اراسنده
برده بوزوشق قچاقوب ناپولیون قرنداشنه و یرمش
اولدیغی منگی لندن المق صورتیله تربیده
قالشمشیدی . اگرچه قرنداشنه و یرمش اولدیغی
ملک ذتابا سندن قالمش بر مالکانه اولدیغندن بو صورت
قرنداشی ایچون بر جزا بر تربیده یرینه قائم اولمیه جغی
درکار ایدیه ده او عصر ده هنوز زنجیر قو پارتانک
اولدیغندن بر اردو فرانسه عسکری هولاندا
حسودندن کیددیکی کبی لوی دخی بیوک اوغلنه

تقویض ملک و فراغ حکومت ایدرک قاچدی اوستریا طرفنه قپاغی آتدی .

ایشک دقت اولنه جق بریری ده بو بیوک اوغلیک اوزمان هنوز صبی بولنسی ایدی . بویله بر صبی یه فراغ ملک ایتمک اولیدجغنی - کنسی قونداقده کی اوغلی روما قرالی نصب ایدن - ناپولئون جنابلری نظر اهیته الهرق قوجه بر اولکایی بر جینک انده بر ایدن ایسه بونک طوغریدن طوغری یه بر فرانسه ایالتی حالنه قوناسنی هولاندانک منافعهدها زیاده موافق کوروب ! مو جنبه بر اعلاناه نشر ایدرک هولاند اقرالغینت فسیخ ایدلیدیکی وممالک موجوده سننک فرانسه ملکنه قاتلیدیغی اعلان اولندی .

﴿ ایکنجی فصل ﴾

- په بی بانک فرانسز ایالتی اولدیغی بیانده در -

عن ۱۸۲۰ الی ۱۸۱۴

- تفصیل - ایمپراطور نابولئون جنابلری

کندی اصدقا سندن په ژانس دوقه سی لبرونی
 هولاندا په ایپراطور قائم مقامی عنوانه کوندره شیدی
 مومی الیهه عادتا والی نامی ویرلیوب ده ایپراطور
 قائم مقامی نامی ویرلسی امستردام شهرینک فرانسه پای
 مختلرینک او چنجیمی اعتبار اولم سندن نشأت ایلمش
 اولوب لبرون ایسه هولاندا اصول اداره ملکیه
 وعسکر یه سنی فرانسه اصوانه تحویل ایچون ۱۸۱۱
 سنه سی ابتدا سنه قدر مأموریت ایلمک اوزره اعزام
 قلمشیدی .

قائم مقام مومی الیه بو مأموریتی حسن ایفا ایلدی .
 حتی مؤخر امت مأموریتی تندید دخی ایدیلوب
 ۱۸۱۳ سنه سنه قدر اوراده ایاق سورومش
 قلمشیدی . اجرا ایدیلان تنسیقات هولاندایی ایکی
 دائره عسکر یه یه تقسیمین و فرانسه نیک یکی قرعه
 اصوانک دخی کمال شدتیه برابر هولاندایه دخی
 قطب یقین عبارت ایلدی .

مملکت لرینک بو صورتله فرانسه لر طرفندن ضبط
 وایلا ایلمش اولدیغی هولاندازک یک زیاده

جانلرینی صیقوب حتی قونت هوژوندورپ و سارہ
 مثلواصا زادکان وطنلرینی بواسارت صحیحہ دن
 قورتارمق املنہ ده دوشہ رک او بابدہ بر بر یله اتفاق
 و استشارہ ایدرلر ایدیسہ ده ناپولیونک شدتدن
 قورقدقلری جہتلہ املرینی میدانہ قویہ مز ایدیلر
 بردہ ناپولیون اوستلیج محاربہ سندنہ مغلوب
 اولوبده (فرانسہ ص ۲۸۲ مر) دول
 متفقہ فرانسنک اوزرینہ عمومی بر هجوم دہا ترتیب
 ایلدکلری زمان روسیہ و پروسیانک شمال اردوسندن
 بر قول اردو آیریلوب هولاندا ایچنہ سوق اولمغله
 و بو اردو فرانسنک هولاندایہ دوست اولدیغنی
 ایشته ان نہایت مملکتلرینی ضبط دخی ایلدیکنی و اگر
 هولاندزلر مملکتلرینک حریت و استقلال و سعادتلرینی
 سوویورلر ایسہ فرانسنہ علیہندہ جنک ایدن دولتلر
 ایله برلشملری لازم کله چکنی اعلان ایتکله ذاتاً
 فرصت بکله مکده بولنان اصا زادکان کیندن چیقوب
 بو اعلان حکمنی قبول ایتلرینی ملتہ آچیقدن آچیقہ
 توصیه و بویله وطنک و حریت و استقلالنہ کوز دیکن

بر طمع کار دولته اسیر اولق کار عاقل اولدیغنی و بو
دفعه دول متفقه ایله برابر فرانسه لر علیه نه قیام ایدرک
وطنک استقلال قدیمنی استرداد ایتمکجه چاشمق وطن
یورولک اوله جغنی جمله یه تفهیم ایلدیلر .

غاردناسیونال یعنی محافظ ملت دنیلان عسکر
اصلزاد کانتک بو توصیه سنی قبول ایدرک انلرک امری
الته کیرمشیدی . بناء علیه اصلزاد کان بو عسکره
لاهای ایچینده بولنان جزوی فرانسه مستحفظلرینی
طرد ایلده بیلرک کرچه امسرتداده دخینه بو صورتله
قیام ایلدی ایسه ده فرانسه اردوسی اورایه جوار
اولان او ترشد بولمغله فداکاران ملت قورقارقینه
فرانسه اطاعتنه کیرمشلر ایدی . حالبوکه اوته
طرفده هولاندانک اوته دنبری ستاودرلک خدمتده
بولمش اولان اورانتر خاندانندن کیلیوم لاهای
شهرینه کیرمش و خلقک کمال آلقشلا ایله استقبالنه
مظهر اوله رق اصل هولاندز ملتته مخصوص اوله رق
تشکیل ایدیلان قراللق مقامنه برنجیلک عنوانیله
اقعاد بیله ایدمشیدی . قران مومی ایله براز صکره

امستداده دخی کیدوب اوراسنی ده بعد التخلیص
 مملکتک ایله کلان طاقتدن التیوزنفر کبارک اجتماعیه
 عمد اولنان بر مجلسده هولاندا قرالغنگک تنسیقات
 اساسیه سنی بالمذاکره یالکزیکرمی التی رأیک خلافتنه
 اوله رق اغلیت آرا ایله قبول اولندی .

﴿ اوچنجی فصل ﴾

— اصل یه بی باقرالغنگک تشکلی حاویدر —

عن ۱۸۱۴ الی ۰۰۰

یوقاروکی فصلک نه پاینده خبرویرمش اولدیغمن
 قرالغنگک تشکلی خصوصنده بادی مسئله ده فرانسه
 دولتی معترض وانک اداسی اولان انکلتیره
 وپروسیا و روسیه کبی متفقلموافق اولوب
 ناپولیونک اوج اعلائی اقبالدن اسفل سافلین ادباره
 ایندیرلدکن صکره ایسه هولاندا قرالغنگک تشکله
 اعتراض ایده جک کیمسه قالماش اولدیسسه ده
 بودولت جدیده نک ادامه سنه بریوکوقوتلی
 معترض ظهور ایلدی . او ایسه انکلتیره دولتیدر .
 انکلتیره دولتک هولاندا ایله متفقاً حرکتی

یالکز شو صوك محاربه ده كوراش اولوب بوقسه
 بو محاربه یه كلنجه یه قدر دولت عشارالبها هر نه زمان
 فرانسه ایله جنت آچمش ایسه قارشو سنده
 هولاندایی دخی سلاح بدست اوله رق حاضر
 بولمشیدی . اکر ده اسی کی زمانلره ارجاع نظر
 ایده جك اولسه قیالکز اسپانیا ورثتی دعواسنده
 هولاندایی انكلتره دولتیه متفق كوروب بولندن
 ماعدا ایکی دولتی بربر یله پك یوك بر رقابت و محاربات
 بحریه اوزرنده كورورز . بنه اعلی ذك اورویا
 اوزرندن ناپولیسون غانله سی بر طرف اولدق سن
 صكره تالیسك اولیاتندن بری عیانلر نده جریان
 ایتمش اولان مناسبات حریبه و دیپلوماتیکه نك
 بر نتیجه قطعیه سنی میدانه چیقارمق ایچون انكلتره
 ایله هولاندا دیپلوماتلری مذاکره یه باشلا دیلر
 و بو مذاکراتك ثمره نتیجه سی اوانق اوزره
 ۱۸۱۴ سنه سی تشرین ثانیسنك یکر می طقوزی
 تاریخلی بر صلحنامه قطعی بی امضا و تعاطی ایلدیلر
 اشبو صلحنامه مفادینجه هولاندا دولتی محاربات

متعدده و متنوعه ایله شمعی به قدر انکتره دولته
 قایدیر مش اولدیغی مستملکات خارجه دن افریقہ نك
 منتهای جنوبیسنده، کائن امید برونی ایله ینه
 افریقا قطع سنك شرق جهته دن کائن و مراری
 واسقیو ایالتربی و بریس طرفلربی کاملاً
 انکتره به ترك و تملیک ایلدی . بو کامقابل ایسه
 انکتره دولتی هولاندانك ۱۷۹۴ سنده سنده آسیا
 و آفریقا و آمریقا بقاءه مالک اولدیغی نه قدر مستملکات
 خارجه سی و ارایدیسه جمله سنی ینه هولاندایه
 ترك ایلدکن ماعدا اوروپا جه تبحر اصل کندی
 اولکاسنك حدودینی توسیع ایده جکی حقنه دخی
 بر قوی و عدل و یر مشدر .

ناپولیونك از الة دغدغه سنندن صکره بالجمله
 اوروپا دول معظمه سنك ویانده ده عهد ایلمش
 اولدقیری قونفره نام مجلس کیمر مذاکره سنده انکتره
 دولتی هولاندایه و یر مش اولدیغی و عسکی موقع
 مذاکره به عرض ایلدکن، په بی باقرالی بولسان
 یرنجی کیلیومک منسوب اولدیغی ناصو خاندانك

المانیانه مالک اولدقلری ناصو ممالکندن دخی
 واز یکمسی شرطیله ینه په بی با ایالاتندن معدود
 اولدقلری حالد شمدی به قدر اسپانیا و اوستریا
 و فرانسه دولتلی بو نیجه سویلجیلر د شلمسنه سبب
 اولان چند قطعہ ایالتی و شمدی بلجیقا داخلنده
 یولسان لیه ژ شهرینی په بی با به الحاق ایلدیلر
 و قرانک ذاته مخصوص اولق اوزره دخی
 لوکسنبورغ و ووه لغنی توجیه ایدوب شو و قدر
 وار که بود و ووه لغک اوزمان تشکل ایلان حکومات
 متحدین جرمانیا هیئت عمومیه سنه تابع اولسنی دخی
 شرط قویدیلر .

واقعا ایالات جنوبیه دن بو کره په بی با به الحاق
 ایدن محکم خلق یعنی بلژوسا ر ه اقوامی عن اصل
 هب اهالی شم الیه ایله قومیت و ملیتجه متحد
 ایدیسند ده نیجه زماندنبری بو نلرک اسپانیول
 و المان دولتلی کی حاک و طورلی مختلف دولتلی
 اداره سی التده قالملی اخلاقیه یک یوک انقلابرینه
 حسب اولدیغی کی اورالده پروستانلک دهااز

انتشار ایتش بونمسیله قاتولکلک دیانتنک دخی اهالی
 شمالیه دیانتنه برازمغایرتی قرالیت جدیده طرفندن
 نظر اهمیتده النوب شو مختلف الطبايع و متغایر
 الادیان اهالی بی جمع و توحید ایده بیله جک صورتده
 تعدیل نظاماته لزوم کورلیدی . بونک ایچون کرک
 شمال و کرک جنوب خلقندن مرکب بر مجلس عقد
 اولاندیرق ایجاب کیفیت بالندا کره ۱۸۱۵ سنه
 میلادیه سنده پارسده عقد اولنان ایکنجی مصالحه
 عمومیه ده اوته دنبری اوستریا ماسکانه سی ایکن
 فرانسزلر طرفندن ضبط اولنوب هنوز اعاده ایدلماش
 بولنان هه نو و نامور کی بعض ایالتلر دخی بو کره ترک
 ایدلماش اولدیغندن و بویلون نام کوجو جک
 بردوقه لاق حکمدارلغی ده قرال کیلیومه ویرلدیکندن
 نظامات جدیده بونلرک جمله سنی توحید ایده جک
 بر صورتده تحویل قلندی .

مع مافیله اهالی مذکورهنک اختلاف امرجه سی
 یا ایکنز بویله بر قانون ایله اتحاده منقلب اوله بیلمک
 مأمول دکل ایدی . انجق قرال کیلیومک نهایت

درجہ دہ دخی حقیقت شناسلغی و طبعندہ اولان حلم
 و تواضع و ثبات و متانت بو یوزدن واقع اوله جق
 فتنه و فسادہ قارشو و طور مغه باشلا مشیہی .
 باخصوص بلچیقاده بولنان قاتولک پاپاسلری برنجی
 کیلیومک تابع اولدیغی مذهب جدید کبی قاتولک
 کلیسایی نظرندہ رفض و الهادعد اولنان بر مذهبہ تابع
 اولان حکمداره اطاعت ایتامک لزومنی خلقه نشر
 و تفهیمدن خالی قالاملری پک زیاده اهمیت ویریله جک
 بر ماده ایدی .

بو بولده کی افسادات هولاندزله دخی ایدیاور
 ایدی . حتی قرال کیایوم باچینا طرفلری
 اهلینسی کندیسنه ایصندیرمق ایچون سنه نك الك بیوک
 قسمنی برو کسلده کچورمکی اعتیاء ایلدیکندن
 هولاندزله بو ترجیحی قصقانه رق او یوزدن مر لدانمغه
 باشلا دیلر . اورانترخاندا ننگ طرف کیران و بندکانی
 یله ایکی فرقه یه انقسام ایدرک بر قسمی اسکی تنظیمات
 طرفداری عنوانیله ستاودرلک زماننی ترجیح ویاکنز

دیگر قسم تنظیمات جدیدہ طرفداری عنوانیہ
شہدیکہی حالی قبول ایدرلر ایدی .

ایشته کرک بلچیقاولرک و کرک هولاندزلرک یکی
حکومت قرالیہ حقنہدہ بیان ایتد کاری مطانعات
کیدہ کیدہ بریوک مشغولیت داخلہ برنکنی انقده
اولوب آثار فعلیہ سی دخی کچماشدر . خصوصات
خارجیہ یہ کلنجہ : برنجی کیلیوم حکومت
جدیدہ سنک دوام وشوکتی انکلتر نفوذیہ میسر
اولہ جغنی ایلدیکندن او طرفک عربہ سنہ بینر او طرفک
شرقیسنی چاغرا ایدیسہ ده ولی عہدی اولان
پرنسک روسیہ غراندوشسلرندن پرنسس آن ایله وقوع
ازدواجی دیگر طرفدن روسیہ ایله دخی برمناسبت پیدا
ایتمش اولدیسہ ده بواش بواش انکلترہ مناسبتی
ضعیفلندیروب ونهایت بتون بتون قرمق درجہ سنہ
کلدی . فرانسه یہ کلنجہ اک صکرہ اورادہ تشکل
ایتمش اولان حکومت قرالیہ نک پنجه انتقامندن قاچان
بوناپارت وشر بستی طرفدارانی بلچیقما وهولاندایہ
فرار ایتدکلی ایچون تو یلری قابنہ توسی برنجی

کیلومک حکومت جدیده سندن پک ده خوشنود
دکل ایدیه ده هر ایکی طرف ینه محافظه صلحه همت
ایدلر ایدی .

برنجی کیلوم داخنده اولان کفت وشنیده
اصلا حواله سمع اعتبار ایتوب شوارالق مملکتلی
اصلاحاتدن بشقه برشینیه احتیاجی اولدیغنی
کورمکله کرک صنایعی و کرک علمی پک چوق ترقیاته
خدمت ایلشدر . لکن داخنده افکارک غلیانی
دخی آرتدقبجه آرتوب مفسدک افسادی و مشوقلرک
قشویقیله هر ایکی طرف بدرجه یه کلشیدی که بربر یله
متمد و یک وجود برملت اولغله دکل حتی مجاورته
دخی راضی اولما مقده بولمیشلر ایدی . کندی
مملکتلرینه دولتینه په بی با دنیلمسی هر ایکی طرف
عندنده ذل عد اولنور و بالکن بلچیقما وهولاندا نامی
کندی صاحباری عندنده تقدیس ایدیلور ایدی . برارالق
یونلرک اصلاح یینی دوشونیلوب روماده بعض مذاکرات
اجراسیله اولبا بده بر لایحه قبدانندیه ده حکمسنر قالدی .
الحاصل طرفینک نفاق و اختلافی بیویه بیویه

۱۸۲۵ تاریخندہ اوون مکتب حکمتی کشاد
ایدیلہ جکی زمانہ بلچیقاولر ارباب شہابک تعلیمی
پاپاسلرہ حوالہ ایتمک دعواسنہ قیام ایتمکله و حکومت
ایسہ ارباب شہابی احرارانه و سرستانہ بریولده
تعلیم و تربیہ یتمک آرزوسننده بولمسیله شوتمنازعہ
بیویہ رک بروکسل خلقی عدلیہ ناظری واقانہن
علیہ نہ غایت ہیجان ایله عصیان غایسری کوسترمکہ قیام
ایلدیلر .

بودفتهک هیجان عمومی تسکین ایدیلہ بیلمش
ایدیسہده قرال کیلیومک ایلمک سہوی اولوق اوزرہ
بلچیقاولرہ فرانسز لسانی ترک ایتدیرمک و اہور
حکومتہ یالکز هولاندز لسانی سوبلتمک و یازدیرمغہ
قالقشمسی بلچیقاولری دہا زیادہ دلکیر ایدرک
۱۸۲۹ سنہ میلادیہ سنده ظہور ایدن ایکنجی و دہا
قوتلی برہیجان اوزرینہ قرال جنابلری فرانسز
لسانی حقنہده اولکی و یردیکی امری تخفیفہ مجبور
اولشدر . لکن ہیجان یالکز شولسان مادہ سنندنده
عبارت دکل ایدی . ایشک ایچنہده پاپاسلرک

پارمخی بونوب آنی قرمدقن صکره اصلاح احوال
ممکن دکل ایدی . فصل که ۱۸۳۰ سنه میلادیه سی
جزیرانک دردیجی کونی طرف قرالیدن طهور
ایدن امرنامه فرانسز لسانی دخی یرلی ورسمی لسان
اولوق اوزره طانندیغی حانده ینه هیجانی تسکین ممکن
اوله مدی .

بوتارینه قدر بلچیق ایله هولاندایی یکدیگرندن
بیمار ایدن مسائلدن بریسی دخی تکالیف میریه نک
صورت و کیفیت طرص ایدی که بوسبب معانده اسباب
ساره دن دها مهم ودها قوتلی اولدیغی بدیهیدر .
بلچیق طرفی صنایع و باخصوص زراعتله مشغول
برخلق النده اولدیغدن بونلر تکالیف میریه بارکرانی
تخفیف ایچون تکالیف میریه بی ادخالات و اخراجات
نسبتنده قویمق طرفی التزام ایدرلر ایدی . زیرا
ادخالات و اخراجات ایله کندیلری پکده مشغول
اولدق لرندن بو حالده یوکلک آغر طرفی هولاندایه
اغنایه جغنی حساب ایدرلر ایدی . هولاندالولر
ایسه بالعکس تکالیف میریه بی املاک اوزرینه
قویمغی ایستلر ایدی .

چونکہ انلرا کثرت تجارت بحریہ ایلہ مشغول
اولدقلرندن صنعت و ذراعت ایشلرنجه اول قدر
مشغولتلی یوق ایدی . بو مجادله مجالس و محافلده
پک بیوک منازعاتی ایجاب ایدرک هر ایکی طرف تکالیف
میر یه نیک یالکز کندیلرینه تمهیل ایدلدیکنی موقع
شکایتده اتیان ایدرلر و دولت ایسه هانکی طرفی
معدور کورجکینی تعیینده صعوبت چکر ایدی .

برده شو ۱۸۳۰ سنه سنده فرانسزلر حکومت
قرالیه علیهنه بر عصیان دها چیقاروبده پارس
ایچی هر ج و مرج اولنجه ناره قتنه در حال بلچیقایه
دخی بالانتقال سنه مذ کوره اغستوس سنک یکر می
بشنجی کونی برو کسل شهرنده خلق سلاحه صارلدی .
در حال ایدیلان مقاومت اوزرینه بر اراق هولاندزلر
بلچیقاولوری بوله کتور مشلر ایدی . فقط ایاولک
یکر منجی کونی ایکنجی دفعه اوله رق وقوعبولان
عصیانده کرک او کون او کرک ماه مذ کورک یکر می
او چنجی و یکر می التنجی کونلری المانیوا بتخصیص
فرانسه طرفندن کلش اولان ضابطلرک قومانداسی

التنده بولنان ارباب اختلال التي بيك نفر دن عبارت
بولنان هولاندا عسکرینی رجعت مجبور ایدیلر .
قرال کیلیوم دهها سلاح پاطلامه دن اول خلقه
براعلانامه نشریله مادام که ایکی مملکتک متحداً
یشامسی ممکن اولیور باری ادارهٔ ملکیه سنک
تفریقیه انکلتزه و بلچیقاده اولدیغی کبی آیری آیری
ایکی دولتک برقرال تابعیتی التنده بولمنسی خلقه تکلیف
ایتمشیدی . منت و کیلاری بوتکلیفی قبول ایتمک
اوزره ایکن سلاح پاطلا یوبقان دو کولسی اوزرینه
ارتق بویه صلح ایله تسویهٔ مصلحتک چاره سی
قالدیغی کورنجه انکلتزه و فرانسه و اوستریا
وروسیه و پروسیا دولتلی قرال کیلیوم طرفندن
ایدیلان سراجعت اوزرینه مصلح و متوسط صورتیه
یکدیگرینک قاننه صوصامش اولان ایکی مملکت
اراسنه کیروب بلچیقانک استقلال مخصوصنی
طایه رق مسئله ختام و بردیلر . بوقرار اوزرینه
بلچیقادواتی اشاغی ده فصل مخصوصند، کور یله جکی
وجهله بالاسه استقلال شکل ایدی .

اشبو بلچیتقا حکومت جدیدہ سبیلہ فلنک
 حکومت قرالیہ سی اراسنندہ نوام ایده جک
 مناسبک تعیینی ایچون اوندره ده تنظیم اولنان
 بر معاهده بلچیتقا طرفندن کلوب هولاندا ایچنندن کچن
 وبیجر شماله منصب اولان اسقونهری اوزرنده
 بلچیتقالورک سربست سربست کمی ایشتمتری
 مندرج اولسی کرک لیلیومک و کرک هولاندز منتک
 حقوق واستقلالنه مغایر اولدیغی جهتله هولاندا اولر
 سالاجه صارلدیلر و ۱۸۴۱ سنه سی اغستوسنک
 ایکنجی کونی یتیش بیک هولاندالی قرالرینی دخی
 کندیارینه قوماندار نصب ایتیش اولدقلری حالده
 بلچیتقا حدودینی تجاوز ایتدیلر . بوندن ماعدا
 هولاندانک تکمیل قورق بخریه سی دخی اسقونهری
 مجراسندن ایلرواهمش ایدی . اغستوسنک سکرنجی
 کونی هاسدلت نام محلده وبرکون صکره یعنی اونجی
 کونی دخی اووهن ده بلچیتقالوری فنا حالده بوزدیله .
 هله فرانسزاردوسی علی جناح الاستبحال بلچیتقانک
 امدادینه قوشوب انکلتره وفرانسده پولتیقه

عامور لری دخی بروکسله کله رک هولاندا قرانی
 متار که به دعوت ایتلریله اول امرده هولاندا
 عسکری بلچقاندن چیقارلدقدن صکره یکر می درت
 مانه اوزرینه بر یکی معاهده نامه تنظیم ایلدی لر .
 بلچقالولر بومعاهده نامدی کندی فائده لرینه موافق
 بودقلری ایچون قبول ایتمش لر ایدی . هولاندزلر
 ایسه بالعکس رد ایلدی لر و روسیه و پروسیا و آوستریا
 دولتلری دخی هولاندا منافعه مغبار اولان بئدرک
 قعدیلنسه اصرار کوسمردیلر . انکلتره ایله فرانسه
 هولاندزلر طرفندن ضبط ایدیلان آنورس قلعه سنک
 تخلیه سنی دعوا ایدرل ایدی . نهایت ایش قوه
 جبرییه بئره رک بو ایکی دولتک دو تناسی هولاندا
 سواحلنی آپلوقه الدن و ۱۸۲۲ سنه سی کانون
 تیسنک یکر می در دنده بر فرانسزاردومی آیورهس
 اوزرینه بوریوب ضبط ایلدی .

۱۸۳۳ سنه سی دایسنک یکر می برنجی کونی
 فرانسه وانکلتره و هولاندا بر معاهده موقته ایله
 حرکات حربیهیه نهایت ویدیلر ایسه ده بلچیقما ایله

ذیل کائنات

هولاندا ارا سنده صلح عقد ایدیله مدی . بناء علی
 ذلك قونفر اسلرینه آچیلوب بو کره دخی بلچیقایه
 تو جهلرا اولان دولتلر او کسمبورغک هولاندا دن
 تفریقیه بلچیقایه ویرنسنی رأی ایتکه قالقشمشیر
 ایدی . هولاندا قرالی او کسمبورغک المانیا حکومات
 متحده سندن معدود اولدیغی بیانیه بوبابده
 المانیانک رأینی الموق لازم کله جکنی بیانله مدافعه
 کوستردی و متحدین مرقومیه مراجعت اولندوقده
 لو کسمبورغک برپارچه سننی ایلمورغ ایاتندن یته
 ول مقدارک مقابله ترکی شرطیله بلچیقایه اعط سنه
 مساعده ایلدی .

بر یاندن شو مذاکرات وقوعبولور ایکن دیگر
 طرفدن هولاندزلرایله بلچیقالور بر درلو ضبط
 اولنه میهرق آراق آراق حدودی تجاوزله اوافق
 تفک محاربه لرایدرلر ایدی قرال کیلیوم دول معظمه نک
 توجهی بلچیقایه اولدیغنی کورنجه صلح مذاکراتنی
 اوزاتمق وقرار معاهده بی تأخیر ایتک ایچون الدن
 کلنی دریغ ایتز ایدی .

نهایت ۱۸۳۶ مارتنک اون دردنجی کونی
 قرال کیلیوم ارتق تعدیلات متعدده دنصکره ایستدیکی
 برصورتہ افراغ ایتدیرمش اولدیغی معاهدہ قطعیه بی
 قبول ایلدی فقط بوحوالده دخی معاهدہ مذکورہ
 بلچیقالیلرک منافعه اویمیه جق بر صورتہ کیرمش
 اولدیغندن شمیدخی انلرک اعتراضه دوچار اولدی
 بناء علیه ۱۸۳۸ تاریخنده هرایکی طرف ینہ
 سلاحه صار یلوب مواقع حربیه بی طوتدیلر اوندره
 قونفرانسی بو منازعه بی دخی بر طرف ایتک ایچون
 وار قوتی بازویه ویرمکه ۱۸۳۹ سنه سی شباطنده
 کیلیومی معاهدہ بی قبوله مجبور ایده بیلدیلر لکن
 معاهدہ نک هولاند، طرفنه موجب اولدیغی منافع
 بلچیقا طرفنه اولان منافعندن آزایدی .

بلچیقا مسئله سی شو صورتله بر طرف ایداد کدن
 صکره کندی باشنه قالان هولانده دولتک موازنه
 مالیه سی پک زیاده بوزلمش و خزینده سی عادتاً افلاس
 درجه سنه وارمش اولدیغندن مبعوثان مات دولتی
 اصلاحات مالیه جهته تشویقده وار قوتی بازویه

و یرمش اولدقلری حالده دولت باعکس الی الی الی
 میلیون فیلورینک بر استقراض عقدینی مبعوثانندن
 استیدانه قالمشمله مبعوثان بوقراری شدیداً رد
 ایلدی ویاالکز الی مایون فیلورینک بر استقراض
 عقدی تکلیف اولندی . مبعوثانک شوااعتراضی
 اوزرینه ۱۸۵۰ تاریخنده بر مجلس عمومی ملی عقد
 اوانه رق اوراده اصلاحات و تعدیلات و تفسیقاته دایر
 بر خیلی قوانین نافعه لایحه لری تنظیم اولندی .
 حتی قرالک سرای مصارفی بر بیچق ملیون فیلورینه
 قدر تزیل ایدلش ایدی فقط هولانده نک تکمیل
 وارداتی عند الحساب فأنضنه مقابل کله میه جک اولان
 بر بورج اورته ده ایکن ایدیلان تشبثاتدن هیچ
 بر یسنک فائده سی کوریلد منجه خلقک کرک قرال
 و کرک و کلاسی علیهنده سوء نظر لری بیودیکه
 بیودی هله برنجی کیلیومک قوندس هانری دول
 طیرمون نام برقاری به ارتباطی و علی الخصوص
 بوقارینک قولک اولسی خلق یئنده شیوع بوانجه
 نفرت عامه درجه غایتی بوالدی و قرال علیهنده

ایدیلان نمایشرا اولقدر شدتندی که ۱۸۴۰ سنه سی
 مارتنگ یکرمی بشنجی کونی قرال کیلیوم مز بوره
 ایله عقد نکاح کبی بر امانه اولدیغنی اعلان نامه
 مخصوص ایله تبعه سنه نشر ایتمکه لزیم و مجبوریت
 کوردی نه فائده که خلتک شدتی بونکله
 دخی قیرلیوب سنه مذ کوره تشرین اونک یدنجی
 کونی برنجی کیلیوم اوغلی ایکنجی کیلیومه تسلیم
 زمام حکومته ایشدن ال چکمه مجبوریت کور شدن
 بو استعفادن صکره قرال کیلیوم ناصو قونتی
 عنوانی آکوب خدمت حساب من ثروت ذاتیه سیله
 راحت راحت یشامق ایچون برلینه کیتدی و سائف
 الذکر فینتس دول طیرمون ایله اوراده ازدواج
 ایدرا ۱۸۴۳ سنه قدر عمرینی راحتجه بکوره
 ایلدی .

کیلیوم ثانی مقام حکومته چیتار چیتمز و کلانک
 امور مأموریت سنه ن طوغر یدن طوغری به مسؤل
 اولدق لرینی اعلانه هر ایشک محور لایقنده جریانی
 مطوبی اولدیغنی بیان ایددیسه ده اصل مطوب

اولان شودیون ملیه یه برچاره بولوق اولوب اوچار نی
بولوق ایسه محال درجه سنده مشکل اولدیغندن
خلقک یأسنی دفعه بو اعلانامه نك هیچ برمداری
اوله مدی بو آراق آسیا مستملکاتندن آچه اهالیسی
هولانده حکومتی علیهنه جنک ایتمکه بولمیر یله
خرینه نك مضایقه حاضره سی اوزرینه بودخی
بر بلا اندر بلا اولمشیدی شو قدر وار که هولاندزلر
وطنلر نك اعمار یچون شمد فرانشا ایتک و بتاقلقلر
قوروتوق مثللو مواد نافعده صارفندن چکمدیلر .
۱۸۴۲ تاریخنده بلجیقا ایله ینه بعض مرتبه منازعات
ومجادلات ظاهر ایلشیدی . بونی دوستانه حل
ایده یلدیله و مشکلات مالیه نك دفعیچون دخی ایکنجی
کیلیومک تکالیف میریه بی ضم و یوزاللی ملیون
فیلورنلک بر استقراض جدید عقد ایتک خصوصنی
میین عرض ایلدیکی بیاننامه یه پک چوق معترضلرک
اعتراضندن قطع نظر مبعوثان ملک اغلیبتی مساعده
کوستردیلر .

کیلیوم ثانینک بو بیاننامه سنده اعتراض ایدن

طرف حریت ملیہ بی محافظہ بہ جالیشان ارباب حریت
اولوب تصدیق ایدنلرایسہ قرالک ذاته یار اعمق
ایچون ملتک منافعی ایاقرالتنہ الان کروہ مداہین
ایدی . حتی بو نلریو اش یو اش قرالک استقلال
تاضنہ دخی خدمت ایدرک تنظیمات مملکت اقضا سنجہ
ہر طرفی کنسی نظارتی التنہ بولنان ایشلردن
مسؤل اولق اوزرہ مستقل ایکن بو مسؤلایت
وبو استقلال یو اش یو اش گوشہ دلمکہ وایشلر
یالکن قرالک قرارنامہ لریلہ کورلمکہ باشلادی .
استقلال و حریت ملیہ طرفدار لری شو حالی کورنجه
برقائدها دلکیر اولدی لر . وبونلرک افکار حریت
پرورانہ سنہ تابع اولان مطبوعاتی دخی باغرباغر
باغرتغہ باشلادی لر . برارالق حکومت مطبوعاتک
لسانی یالکن قوپاروب آتمقلہ صوصدیر معنی
مناسب کورہ رک اربابی قہر و تنکیلہ مجاسرت
ایشیدی . بو شدت ایسہ نفرت عامہ بی ارتدیر مقدن
وعادتا امنیت حاضر بی تہلکہ بہ دوشور مکن
یشقہ برقائده بی منتج اولدی . نہایت ۱۸۴۷
سنہ سی تشرین اولنک اون سکنی تاریخیلہ نشر

ایلدیکی بر بیاننامه ده کیلیوم ثانی جنابلری اهلینک
افکار عمومی سه سنه رعایتله یقینده یریکی تنسیقات
و تنظیمات وضع ایله جگنی اعلانه تنزل ایلدی .

بعض کره حکومتلرک بو مثلوا ایشلرده کوسر دکاری
جسارت پک زیاده در . کیلیوم ثانی دخی شو
بیاننامه بی نشر ایلد کدن صکره بر چوق مشوفلرک
تشویقیله خلق نظرند تنزل دیمک اولان بو وعدی و یرنلر
هیئت و کلا ایچند، بولنان بر طاقم سر بستی طرفدارلری
اولدیغندن بختله انلری عزل ایتمکی تکلیف ایدن
مفسدلرک سوزینه قایلوب جمله سنی مأموریتلرندن
اخراج ایلمش اولدیغنی کبی و یردیکی وعدی بتون
بتون خاطر دن بیله چیقارمش ایلدی .

بونک اوزرینه ملت طرفندن بر رایکیشر دیرکن
بومیه بشرالتیشر اوز عرضحال تقدیمله و یردیکی
وعد قرال جنابلرینه اخطار اولمغه باشلا بجه
ویا خصوص عرضحال ده اداره اولنان لسان شدت
عادتا مملکت ایچنده بر بویوک فرقه اختلال اولدیغنی
دخی اشراب ایله بجه قرالک عقلی باشندن کیتوب

بالعکس عقلی باشنه که رک همان و کلایی تبدیل
 ویرلینه نصفی حریت پروران ملندن و نصف دیگری
 دخی کندی اصدقا سندن اولوق اوزره بر یکی هیئت
 و کلا تشکیل ایشیدی . بوندن ماعدا او آراق
 افکار عمومی سه سفینه سنک دومن طوتان ذات
 معلم تور یق اولغله هر قومک نه قدر رفقای واریسه
 پراریه طویل امش و بر مجلس صورتنه قویوب
 ریاستی دخی تور یقه تهجیه ایدرک بکنمکاری شو
 دولت ایچون فصل بر اصول اداره و تنظیمات جدیده
 قویق لازم ایسه بالتنظیم تقدیمی امر ایشدر که
 بویله هیجان ایچنده بولنان بر مملکتده عقلاری بر شینه
 ایریور مشججه سنه اورته یه چیقان آدماری بحق یوله
 کنورمک ایچون سلوک ایدیله جک بوندن بشقه طریق
 اوله مرز . چونکه زمان و حالک احتیاجنه کافی برشی
 عرض ایدرلر ایسه موجنبجه حرکتله استفاده ایتک
 و عرض ایده مرزلر ایسه انظار و افکار عمومی ده
 ماهیتاری کورلمش اوله رفقازانمش اولدقلری اهمیتتی
 بر طرف ایلک کبی ایکی فائده لی یول آچیقدر .

توریتک قومیتہ سی مذاکرات عمیقہ ودقیقہ ایلہ
 تنظیم ایلدیکی برمدفصل لایحہ بی قرالہ عرض ایلدکنہ
 طرف قرالیدن بعض موادک تعدیلی یولنہ کیدلمش
 ایسہدہ ایش یونکلہ بتیوب کرک مخافلین و کرک
 مصدقیندن مرکب بر مجلس عمومی عقد اولنہ ررق
 قرار قلعیدسک اعطاسیچون اورایہ حوالہ اولنمشیدی .
 یولایحہ مجلس مذکورده آسایش مملکتی تہلکہدہ
 براقہ حق منازعات و مجادلات ایلہ بعدالتدقیق نتیجہ سی
 نہ قبولہ ونہدہ رده منجر اولہ مدی .

بناء علیہ مملکتک انتخاب قانون قدیمہ توفیقاً
 عموم ملتدن انتخاب اولنقی اوزرہ برصوک مجلس دہا
 تشکیل ایدرک مسئلہ بی اورایہ دخی عرض ایتمکہ
 قرار ویرمشلر اییدی . ایستہ بو قرار دخی احرا اولنور
 ایکن یعنی ۱۸۴۹ سنہ سی مارتنسک اون یدنجی
 کونی قرال ایکنجی کیلیومک وفاتی وقوع عبولغله مسائل
 مشکہ علی حالہم قالمشدر .

بوارالق هولاندا مسائلتک اہمیتنی اک زیادہ
 آرتدیران شی اشبو ۱۸۴۸ سنہ سنہ فرانسہک ینہ ہرج

ومرج اولسی قضیه سی ایدی (فرانسه ص ۳۰۱
 هر) زیرا هر نه زمان فرانسه ده جمهور جیلر
 قودوروب ده سلاحه صاریله جق اولسه باطلایان
 طوپلرک عکس صداری هولاندا و بلجیه تادن دخی
 عالمه منتر اولمقده بولنسیله بو کره پارسده اعلان
 اولنان حکومت جمهوریه نکه ده هولاندا اریاب
 جمهورینی تشویق ایتسنندن پک زیاده قورقلش
 ایدی .

بناء علیه قرال اوچنجی کیلیوم معترضین طرفدارانک
 اغلب رأیلری قبول ایدمک اوزره در حال تنسیقات
 مطلوبه بی وضع ایتدیره رک موجب بجه حرکتدن زنهار
 آریله جفی حقیقده عموم مواجهه سنده یمین ویره رک
 هیجان داخلی بی یا تشدیددی .

واقعا شو علی العجله یایلان تنظیمات بیاغی
 مطلوبه موافق ظهور ایلشدر . تعدیلی لازم کلان
 بعض جهتلرینی دخی مؤخر اوضع ایلدیکی قوانین نافع
 اکیال ایدرک نظامات مذ کوره سایه سنده تیمور یولی
 الشاسی و تاغرافلر تعدیدی و بطا قتلر قورودلمسی

کبی پک چوق مواد نافعہ یہ موفقیت حاصل اواش
وحتی موازنہء مالہ سی دخی یوانہ قونیلہ رق اعتباری
آرتغہ باشلامشدر .

ایشته الیوم مسند نشین حکومت اولان ذات
حالا اشبو کیلیم ثالث اولوب هولاندانک احوال
حاضرہ سنہ دائر ایلر وده افادہ عموہ یدمزده
بعض معلومات دها انہ جفندن احوال تاریخیہ سنہ
بورادہ خاتمہ چکہ ک شمدی بلچیقانک هولاندان
آیرادقدن صکرہ احوال تاریخیہ سنی حکایہ ایچون
دردیجی فصلک کشادی لازم ککشدر .

﴿ فصل رابع ﴾

(بلچیقا استقلالی)

عن ۱۸۳۱ الی ۰۰۰

- تفصیل - بلچیقانک هولاندان انفکازیلہ
باشلی باشته برقراللق تشکیلی امر نده بینہمادہ وقوعہ کلان
مخایرات واولبابادہ دول معظمہ متوسطہ مداخلہ سیلہ
سیمت ایدن مذاکرات وویریلان قرارلر یوقاروکی

فصل نائده اجمالاً ذکر ایداش اولدیغندن کیفیتک
بوراده تکرارینه حاجت یوقدر . بوراده اعطاسنه
لوزم کوریلان ایضاحات شودرکه :

په بی بانک ایلات شمالیه سی یعنی هولاندا جهتی
برخلی وقتدنبی هر نه نام و عنوان ایله اولورسه
اوسون استقلالنی محافظه ایده کلمش بولمغه مقابل
بالچقا جهتی دخی بالعکس متعدد خاندانلرک ملکیتی
التده مملوک و محکوم قاش اولدیغندن اخیراً ایکی
مذکت بر اش دیر یانوب ده په بی با قرالغی تشکیل
ایدلیکی زمان دخی هولاندزلر حاکم و بالچققالیلر
محکوم صورتنده قاش ایدیلر .

هولاندزلر کمیچی و شوکت خارجیه اریابی
آدملر اولوب بالچققالیلر ایسه چقچی و صنعتکار
وقرانسه طرفندن ایدیلان تشویقات اوزرینه
افکار سربستییه دهها زیاده میال اولدقلرندن
هولاندزلر محکومیتی التده قالمق کندیلری ایچون
یوجک بر عار اولقدن ماعدا هولاندزلرک برچوق
محبرات یهوده دن طولایی دوچار اولدقلری کلیتلی

د بوندن موازنهء مالیه به عارض اولان خلل دخی بلچیقالیلری بیرار ایلمشیدی . دیمک ایسترزکه یوقاروی فیصله و قوعنی حکایه ایلدیکمن اختلال و محارباتده هولاندزلر برملتی زور ایله تحت محکومیتده طومتغه چالیشور جبار و بلچیقالیلر دخی کندیلرینی بر جبار ملنک محکومیتدن قورتارارق حریت طبعیه لرینی استحصاله چالیشور غیرتکار صورتیله میدانه چیقمشلر ایدی .

حتی اختلالک عبادیء ظهورنده بلچیقالولر باشلی باشلرینه برقراللق تشکیلی سودا سنده بولمق شو یله طوسون جمهوریت اصولنی دخی امل ایتمیوب یالکز کندی مملکتلرینک ادارهء ملکیه و مالیه سنی هولاندزلردن آیرمق دعواسیله قیام ایتمشلر ایدی . بومحق دعواده هولاندانک اورا اثر خاندانی حتی تسلیم ایتمه رک بلچیقالیلرک آواز اشکاسنی طوب و تفنک صداسیله منع واسکات ایتمکه قالمشده قلزندن بلچیقالیلر دخی مقابله ده قصور ایتمدیلر .

وقوع بولان محارباتہ ہولاندا عسکری دائرہ
 بلجیقا بی ضبط و تسخیر و بلجیقا عسا کر مایہ سی
 ایسہ و طنہ ہجوم ایدن بردشمنی طرد و تدمیر
 صورتیلہ جنک ایندیلر . بو اراق کندیلرینی میدانہ
 قویان جهوریت طرفدارلری بر حکومت جهور بہ
 تشکیلی و فرانسز مشوقلری ایسہ بلجیقا نیک
 فرانسہ بہ الحاقنی توصیہ ایتکہ باشلادیلر .

انجق انکار عمومی استقلال وطن جہتہ میل ایمش
 اولدیغدن فرانسہ بہ الحاق فکری پک چابوق اورتہ دن
 قانقوب جهور صورتیلہ می او اور ؟ و یا خود سائر
 بر طریقہ می بوانور ؟ ہر حالہ مملکتک صورت مستقلہ دہ
 ادارہ سی فکری میدان الدی .

ہولاندا قرالی بلجیقادہ بو فکری کورنجہ و مملکت
 مذکورہ بی سلاح قوتیلہ اطاعت التندہ طوتمقدن
 ما بوس اولنجہ ایکی طرفک ادارہ سی ابریلہ رق ینہ
 کندی خاندانی تابعیتندہ بولنق اوزرہ ایکینسک دخی
 بر مستقل قراللق کبی ادارہ سنہ راضی اولمش
 ایدیسہ دہ بلجیقا بیلرک فکر استقلالی بونی دخی رد

ایلدی و ۱۸۳۰ سنه سنده روسای عسا کر ایله
و کلائی ملتن و مأمورین روحانیه دن مرکب و ملتنک
حق حکومتی حاز اولان مجلس کبیر مملکتک قراللق
صورتیله اداره سنی تصویب و تنسیفات اساسیه سنی
تنظیم ایدرک کیفیتی لوندود. دول معظمه نك تشکیل
ایلدکاری قونعریه عرض ایله بلجیقا قراللقی ایچون
برقرال انتخابی صورتی دخی اورایه حواله ایدیلر .
انکله دواتی بو یکی قراللقه المانیانک ساقس قوبورغ
خاندانن دن پرنس اوپولنک اجلاسنی رأی ایتمکله
قبول اولنورق ۱۸۳۱ سنه سی تموز نك داقوزنجی
کونی پرنس مومی الیهک قراللقی اعلان اولندی .
بو حکومت اعلان اولنقدن صکر، بلجیقا اله
هولاندا اراسنده جریان ایدجک مناسباتی تعیین
ایچون تنظیم ایدیلان معاهده نامدره نه کونه
اعتراضلر ایددیکی ونه بات ایشک نه بی انتاج ایلدیکی
فصل ثالثه، ذکر ایدلشدر بوراده ایشک شو جهتی
تکرارن صرف نظرله شو ایضاحاتی ویرهم که قرال
لوه اید اساس تنسیقات ایجابنجه تشکیلی لازم کلان

مجلسی با تشکیل نظامات موجوده بی تعدیل ایدرک
 بلجیقالیبری سر بست بر ملت کبی اداره نک یولنی آچدی .
 واقعا ملت طرفندن ینه سر بستیه و حسن اداره یه
 دأر بعض مسائل اوزرینه ۱۸۳۴ سنه سنده
 پرو کسل اهالیسی بر طاقم نمایشلره قیام ایلمش ایدیه ده
 ایدیلان نمایشلر قرال او پوند علیهنده اولمیوب اصلاحات
 و استقلال ملینک تأییدی کبی مطالب مشر وعه دن
 نشأت ایلدیکی جهته خلق طرفندن ایسته نیلیان و کلانک
 تبدیلی و بعض متعصب قوا کلاک منع فسایله یرلرینه
 وسعت افکاره میال اولان پاپاسلرک تنفیذی کبی
 مصالحانه صورتلر غلیبان افکاری تسکین ایده ییلدی .
 بو صورتله حاصل اولان اسایش و استراحت بر
 قاچ سنه دوام ایدرک بلجیقالیبر معارف و صنایعک
 ترقیسنه راحت راحت چانیسه ییلدیله ۱۸۳۷
 سنه سنده هولاندا دولتی لو کسمبورغ اوزرنده حق
 حکومتک تارینی کوسترمک ایچون غرونه والداورماننی
 ضبعا تیش و بلجیقالیبر بو تعرضی پرو تست و ایدرک سلاحه
 صالمش ایدیه لرده ارایه فرانسه وانکلتره نک

توسطی کیرہ رکھو لانداعسکری مدکور اورماندن
چیقار ایدیگی کی بلچیقالیلرک تشکیل ایتدکاری خط
حرب دخی فسخ ایدلشدن .

حالبو که دول متوسطه نك بو دفعه کی توسطی
ایکی مملکت ار اسنده کی نفاق کلیامع ایدم ماش
ایدی . دیون عمومیہ ولو کسمبورغک بیطر فلغی
مسائل اوزرینه مؤخر آ بلچیقالیلرینه سلاح قوتنه
مراجعت ایتلریله دول معظمه بتکرار توسط ایدرک
۱۸۴۲ تاریخنده عقداوانان معاهده ایله ایکی طرفک
دخی ارزوسی او قشادیلر ق تسویہ مصلحتہ همت
ایتشلر در .

بلچیقالیلر مملکتلرینی هولاندادن بتون بتون
ایروب استقلال تام استحصالی خصوصندہ نه قدر
متفق ایسه لر کندی خصوصات داخله لر نجه دخی
اختلاف لری اونستنده ارتقده ایدی . قولک
پاپاسلرینک ارزوسی خلقی برتریه عامیانه ایچنده
پرورده ایتک اولوب افکار سربستی اربابی ایسه
ایشک ایچندن شومتعصبانه ارزویی چیقار معده

چاشدولرندن بو نلرک یکدیگری علیهنده اولان
شدنلری ارته ارته عادتا داخلی بر هیجان صورته
کیرمشیدی . قتلکر بو مسئله ده فارماصون
لو جیلرینک بر بیوک فساد ی اولدیغنی ظن ایدرک
وارقوتلرینی انلر علیهنه صرف ایتمکه باشلادیلر
ایسه ده بر شینه موفق اولدمدیلر . طرفیندن
بر یسنی التزامده متانت وجسارت کوسترن و کلا
ومأمورین یاعزلویا خود استعفايه مجبور ایدیلور
ایدی . حتی بو اختلاف افکار بعضی اختلال
نمایشارینه بيله سبب اولدی . نهایت ینه اشپو
۱۸۶۴ سنه سننده ایدی که جنرال واندرمر و جنرال
واندرس میسرن ریاستی آلتنده متشکل بر بیوک
فساد جمعیتی میدانه چیقاریله رق اربانک حین
استنطاقنده حریت افکار سوداسی سائقه سیله
بونلرک پک بیوک و مذهشاملاری میدانه چیقمش
اولدیغندن رؤسا و سر آمدانی علیهنه اولوم جزاسی
ترتیب ایدلک یوانته کیداش ایدیسه ده قرال لؤپولد
یوقراره قولاق ویرمیوب یکر میشر سنه مدت حبس

جراحی قبول ایلدی و فقط براز وقت محبوسیتدن
صکره جنزل و اندر می ایله اعظم رفقا سنک اسر یقابه
فرار لر یچون زندان قپوسی هرور لرینه کشاده
ایدادی .

قرال او پولدک حریت افکار و سر بستت
وجدان طرف لرینه اولان میلی کندی استتلال تامنک
دخی بونلر یوزندن حاصل اوله جنجی امیدندن نشأت
ایتمکده ایدی . زیرا قتل کلک نفوذی جاری اولان
یرلده حکمدارانک استقلالی دخی انلرک تجبر و تسلطی
آئنده از لیکده اولوب سر بستت افکار اربابی ایسه
قرالمرینی ملتک ریئسی باباسی حامیسی و الحاصل قبله
کاهی اولق اوزره قبول ایده جکلرینی او پولد یقیناً
آکلامشیدی . بناء علیه سر بستت طرفدار لری
حقننده کی توجهنی آرتدیرد فجه نفوذینی دخی
ارتدیروب به کامقابل پاپاس کر وهنک تسلطی
کسر ایده ایده تربیه اطفال قضیه مهمه سنی ملتک
یداختیارینه ترک و هر کسک ایسته دیکی ایین و عذبه
بولغسنه مساعده ایتمک درجه سنه واروب قرالک

يو عنايتنه مقابل ارتق اغلب اعضاسي سهر بستی
 طرفدار لړندن اولان ملت مجلسي دخی ۱۸۴۷ سنه سنده
 قرانك استقلالني بر قاندها اتمام ایتدیلر .
 ۱۸۴۸ سنه سنده فرانسه بڼه جمهوریت
 سوداسیله سلاحه صارلدیغی زمان قران لو پولد
 یو آتش عصیانك قیغلمچملری بلچیقایه دخی سرایت
 ایدیه جگنی اکلاینجه هنور بر ملت مستقله اوله رق
 تشکل ایتکه باشلامش اولان خلقی بویله بر قانلی
 او یون ایله یوزه چیقار ماعق ایچون ماته « ای
 ناس مملکت و حکومت وتاج و تخت سز کدر .
 سز بکا بو تاجی رضا کزله ویردیکز . شندی
 کیر وید، المق ایستر سکز عصیان اختلاله نه حاجت
 بن کلدیکم یره چیقار کیدرم . بوق اختلالدن
 جمهوریتدن منافع وطنه دأر بر املکز وارده او ملک
 حصوانه ممانعت ایدی برشی بو انور ایسه انک علیهنه بالاتفاق
 عصیان ایدم . بنی کندیکز دن خارج صایمیکز .
 چونکد بنی بو وطنك اوغلی ایدن سز سکز » طرزنده
 غایت شجیه نه وبسالنکارانه اعلان ایلدیکی مقاله
 اوزرینه بلچیقالیلر « ایشاسون همشهری عن قرانیم

بابامن « او ازینی کو کلره چیقارارق ملت ومملکت
 ایچون هیج بر حسن املاری اولدیغنی حالده مجرد
 شورش وفترت ائناسنده یغما کرلک صورتیله کندی
 منفعتلرینه چالشمق اوزره تحشد ایدن کرک بلچیقالی
 و کرک فرانسز برطاقم ارازی ملتک قوهء قاهره سی درحال
 قهر وتدمیر ایلمش واندن صکره یکیدن تنظیم وتعدیل
 ایدیلان یالکز بلچیقاستقلالنی دکل ساقس قوبورغ
 خاندانک بلچیقاده حق قرالیتی دخی بر قاندها ناید
 وتحکم ایلمشدر .

بلچیقایتاریختک اوزماندن بری ذکر ایلدیکی
 وقوعات یالکز نظامات مملکتک تعدیلنه لزوم
 کورلدیجه عاقلانه ومدرانه مذاکرات عمیقہ ایله
 تعدیلنه وتلغراف وشمدوفر وقنال وسائرہ مثلوا عملیات
 تافعه یه ایدیلان خدمتدن وباخصوص صنایع ومعارفک
 ترقیسی ایچون صرف اولمان همتدن عبارتدر که
 خصوصات مذکورہ بلچیقانک حال حاضرینی تولید
 ایلدیکنه واو ایسه اشغیکی افادهء عمومیه ده
 کوریله جکنه مبنی تفصیلات مذکوریه بوراده
 ساجت اوقدر .

قرال او پواده ۱۸۶۵ سننه میلادیا سنده وفات
ایدرك اوغلی او پوادی تانی صندالی قرالی په قعود
ایتمش والحاله هذه قرال مشارالیه حکومت ایتمکده
بولمشدر .

افاده عمومیه

په بی با تاریخی نظر تدقیقه اجمال ایدیلور
ایسه کوریلور که بوملت مبادی تشکلنده یک چوق
زمانلرملل متجاورایله مختلط برحالده یشایوب تمام تاریخ
نظرنده طانندیغی زماندن صکره دخی الزاس وهنو
و بورغونیا و اوسه یا خاندانلری کبی پرچوق خاندانلرک
مالکانه سی اولمش قالشدر . شو حاله کوره ممالک
مذ کوره ده تاریخک نظر اطلاعنه چار یا جق وقوعاتک
یک آزاولسی طبیعیدر .

۱۵۵۹ تاریخنده کیلیوم دورا اثر هولاندا طرفنده
ستاتودر حکومتی قورمقله په بی بانک او طرفلرینی بر
استقلاله نائل ایلدیه ده باحققا طرفنده کی یالات
جنوبیه اوستریا و اسپانیا و فرانسه دوانلری میاننده
یوک یوک مجادله ره سبب اولق اوزره کالاول
مالکانه اولدی قالدی .

بواھالینک شجاعتمہ غیر تنہ چاشقانلغنه سوز
 اولیوب درون تارینتہ کوستراش اولدیغی و جھله
 هولاندزلک اسپانیا وانکلترہ و پورتوغال و فرانسه
 دولتاری کبی دول بحر یه نیک اعاضہ مندن بولنان دولتہ
 رقابہ افریقا و امریقا و اوستریا و اسیا دکرزندہ پیدا
 ایتش اولدقاری شوکت بحر یه الحق محیرالعقول اولوب
 یوسایہ دہ اورو پا تجارتہ دخی اوقدر کیرشمشلر
 ایدی کہ زمانیلہ هولاندا ممالکی تجارت خصوصندہ
 شمدی انکلترہ نیک خیر تبخش عقول اولان بندر کاهلری
 اہمیتی حاز اولمشیدی . انجق قوتک جسامتہ
 متناسب اولسی قوتک بقاسنی موجب اولوب عکسی
 حالندہ ایسہ تا جسمک یا خود قوتک محو اولہ جغی ینہ
 بدبھیاتدن بولندیغنه کورہ هولاندانک شو حددن
 افزون شو کتی دخی جسامتیلہ متناسب اولہ میہ رق هر
 حالندہ سریع الزوال اولمشدر .

انکلترہ و اسپانیا و فرانسه یه قارشو بیہودہ اصرار
 وثبات کوستردیکی محاربات سیاحت بحر یه یوزندن
 قزانیلان قوتی محو ایلد کدن صکرہ فرانسه کبی اون

سکرنجی عصر کئہایتیلہ اون طقوزنجی عصرہ قدماتندہ
 چلغنجہ سنہ فرلایوب میدانہ چیمش اولان بردواتلہ
 بر من غیر حدایتدیکی رفاقت دخی قوتنک - بوب
 بقیہ سنی دہ محو ایش واو بیچارہ هولاندا بردہا
 عقلانی باشنہ الہمیہ جق صورتہ کلش ایدی .
 الکصرہ فرانسنہ نک دیزکینلرینی طویلامق امرندہ
 دول متفقہ ایلہ ، وافق بولنسنہ مکافاة بلچیقانک دخی
 ضم والحاقیلہ ایچجہ بردوات مستقلہ اولدرق میدانہ
 چیمسی هولاندا ایچون بر محبت عظمی ایدیسدہ
 اصلی متحد اولان ایکی ملنک بکدیگریلہ قایناشامامسی
 نعمت اتشادی بر نفرت عظیہ تحویل ایلدی .

انجارم کار پہنی بادولتی بلچیقما و هولاندا نامیلہ
 ایکی دولت مستقلہ یه ایرادقندن وارالزندہ کی بقیہ مناسباتک
 قطععی ایچون دخی بر خیلی قلیج صالادقندن صکرہ
 اوتہ دنبری محروم اولہ کلدکاری اصلاحات دا خلیہ یه
 چالیشہ رق الحق موفق دخی اولدیلر .

الیوم صنایع جسمیہ خصوصندہ بلچیقما اورو پانک
 هر طرفه فائقدر دنیلہ من ایسہ بیلہ فرانسه وانکلترہ

کبی یرله بیله مساویدر . آنورس ولییه ژ شهرلی
 کبی نهر اوزرنده بولمان مملکتلرک ترسانه لرنده
 یاپیلان کیلر انکیلز مهندس لرینه دخی نمونه امتثال
 اوله بیلورلر . تیمور جیلکک و صنایع نسجیه نک ترقیسی
 دخی بونستیده در . مملکتک وسعتنه کوره نفوس
 خصوصنجه بلچیقما اوروپانک اک غلبه لک یری
 اولغله باغ و باغچه و منتظم ترلا وصرعی اوله رق طرح
 و تزیین ایدلماش برقاریش یر یوقدر هولاندانک
 ترقیسی زراعت و صناعتن زیاده تجارت بحریه
 خصوصنجه اولوب کره ارضک اک اوزاق قطعده لرنده
 بولمان مستملکات و مهاجرلی اراسنده کی روابط
 تجاریه بی حسن محافظه ایله کلی تمتع ایتمکده در .
 « یعنی سز نیچون اکوب بیچمکه چوق هوس
 ایتمز سکر » دیه و قوعبولان سوآله جواباً
 یر هولاندالینک بزقرده حنطه و شعیرا کوب بیچمیز
 زیرا دکر اوزرنده آلتون و کوش اکوب بیچمکه
 مشغولز » یولو و یردیکی جواب مبالغه یه حل
 اولته مز . و یرمکه بتوب توکتمیه جک اولان

دیون عمومیہ حالا فلنکک بونجه وارداتی بلع
ایتمکده در .

معارف جہتندہ دخی بلجیقا هولاندایہ تفوق
ایمشدر . بلجیقادہ تحصیل جبری کبی بر صورتہ
اولوب ہر طرف درجات متنوعہ اوزرینہ مرتب
مکتبلرہ طولدیرمشدر .

فرانسز اخلاقنک خفتی بلجیقایہ وانکلز
اخلاقنک آغرانی هولاندایہ تجلی ایتمش ایسہدہ ہر
ایکی طرف نہ فرانسہ قدر خفین ونہدہ انکترہ
قدر آغر اولیوب اخلاق واطوارلری ہر عاقلک
پسند ایده جکی بر درجہ اعتدالده در . مبالات
عرضیہ جہتیلہ هولاندا بلجیقایہ دخی فائق اولوب
با خصوص قنولک آینی بلجیقا طرفنی حالا صیقہمقدہ
اولدیغنی حالده پروتستانلق سر بستیبی هولاندا
جہتہ وجداناً بروسع و فسحت ویرہشدر .

ایکی طرف دخی حکومتی حکومت مشروطہ
قرالیہ در . شو قدر وارکہ بلجیقا قرالنک شرائط
حکومتی یک سر بست اولدیغنی حالده خلقک رضاسندن

متولد اولان استقلالی زیادہ جہدر • ہولاندادہ
 افکار ناس قرالہ اول قدر استقلال وبرہ مامکدہ
 اولادینی حالده تنظیماتک قویدینی شرایط حکومت
 بلجیقا قدر سربست دکادر • بلجیقاہ قرال
 برشییء امر ایلیدیکی زمان ملت مجلسی وسائر مخالف
 دولت منوناً قبول آیدر • ہولاندادہ ایسہ مجالس
 ومخافک قرار ویردیکی برشییء قرال عادتاً متغراً
 تصدیق آیدر •

بودولتک قوہ عسکریہ لری کندیلرینہ کورہ
 مکمل ایسہدہ اورویانک سائر دول معظمہ سنہ
 نسبتہ اہمیت ویریلہ جک درجہ دکادرہ

(انتہی)





﴿ قرق انبار علاوہ سی تاریخ کوزی ﴾

﴿ ذیل کائنات ﴾

برنجی قسم

اوروپا

برنجی قسمک یدنجی جلدی

﴿ المانیا ﴾

صاحبی

محمد جوہت

ایک دفعہ اولہرق

قرق انبار مطبعہ سند طبع اولہرق

سند

۱۶۹۳

المانيا

« المانيا » لفظى بر اسم عمومىدر كه بيوك كوچك قرق قدر اولكارى جامعدر . كائنا تمزده هر اولكا ايچون بر تاريخ خصوصى يازهرق بونلرك هيئت عموميه سندن مكمل بر تاريخ عمومى چيقار مق مسلكنى اتخاذ ايتمش اولديغيمزه كوره بو « المانيا » اسمى بزم ايشمزه يار امامق و المانيا هيئت عموميه سنى تشكيل ايندن هر مستقل اولكا ايچون مثلا « باويرا » و « ورتبرغ » مثلا اولكارك كندى اسامى خصوصيه سى التنده بر تاريخ يازمق لازم كى تصور ايدباورايسه ده بو اولكارك عمومك سلسله و قوعات تاريخيه سى هب (المانيا) اسمى اوزرينه كلوب قرار قلديغنه مبنى بو اسم التنده بر جلد ترتيب اولنور ايسه انك ايچنه عموم المانيا نك تاريخى

يراشد یر مک ممکن اوله جنی قضیه سی اولکی تصویره
 حکمجه غایه ایدر . مع هذا المانیا نام عمومیسی
 التنده بو اولکانک وقوعات مشترکه عمومیسه سنی
 مبین بر جلد مخصوص ترتیب ایلد کدن صکره مستقل
 اولان الیوک اولکار ایچون دخی برر شعبه حیقار مق
 امکانی هر زمان ایچون بافیدر .

✽ المانیا اولکانسک احوال جغرافیه سی ✽

المانیا اولکانسنه المان ملتی « دایجلاند » اسمنی
 ویرلر . قدیمده « جرمانیا » نامی دخی بو اولکانک
 اکثر لرینی محیطاً علمی اولشیدی . بو اولکا
 اوروپانک تا اورته یرنده بر جسیم وعظیم یردر کد شمال
 طرفندن بحر بالطق ودانیمارقه وبحر شمال وغرب
 طرفندن هولاندا و بلجیقا وفرانسه واسویچره
 وجنوب طرفندن دخی ایتالیا وآق دکزک ویدیک
 کور فزی وشرق طرفندن دولت علیه ومجارستان
 وروسیه ایله محاطدر .

کور یلیور که شو حدود ایچنه اوستریادخی
 ادخال ایدیور . چونکه اوستریا دخی المانیا

مانکنیدن معدود در . كذلك کوریل یور که
 مجارستان بو حدودك خارجنده بر اقلشدر . زیرا
 مجار اولکاسی طبیعت جغرافیه اقتضاسنجه دخی
 المانیادن خارجدر . بو اولکانک اوستریا ایله جهت
 و کیفیت التصاقی ایلروده اوستریا جلدنده
 کوریله جکدر . بوراده تعیین ایلدیکمز حدود ایسه
 اهالیسی المان لسانی تکلم ایدن یرلک همان جمله سی
 محیط اولق اوزره تعیین ایلدشدر .

اشبو ممالک وسیعه دن اوستریا قسمی بعدالتفریق
 قصوری قرق بر میلیوز نفوسی حاوی اولوب بونفوس
 متفین جرمانیا هیئت بقی اولدیغی زمان کوچک
 بیوک اوتوز طقوز حکومت مستقله به منقسم
 ای دیسه ده درون تاریخده کور یله جک انقلابات
 اخیره اوزرینه ایوم اوستریادن ماعدا المانیا
 ایمپراطور لغنی تشکیل ایدن حکومت مستقله یکر می بش
 راده سنه اینمشدر که احوال جغرافیه دن کاول
 بیله جک اولان شی حکومت مذ کوره نک اسامیسیله
 مقدار نفوس لریدر :

مقدار نفوس	اسامى حكومات
٢٤,٦٥٦,٠٧٣	١ پروسيا قراللى
٠٤,٨٥٢,٠٢٦	٢ باويرا قراللى
٠٢,٥٥٦,٢٤٤	٣ ساقس قراللى
٠١,٨١٨,٥٣٩	٤ ورتمبرغ قراللى
٠١,٤٦١,٥٦٣	٥ باد غراندوقه لى
٨٥٢,١٩٤	٦ هس غراندوقه لى
٥٥٧,٨٩٧	٧ مكلنبورغ شيوهرين غراندوقه لى
٢٨٦,١٨٣	٨ ساقس ويمرغراندوقه لى
٠٩٦,٩٨٢	٩ مكلنبورغ ستره ليج غراندوقه لى
٣١٢,٥٩٦	١٠ اولدنبورغ غراندوقه لى
٣١١,٧٦٤	١١ پرونزويق دوقه لى
١٨٧,٩٥٧	١٢ ساقس ميننزن دوقه لى
١٤٢,١٢٢	١٣ ساقس التنبورغ دوقه لى
١٧٤,٣٣٩	١٤ ساقس قوبورغ و غوتا
٢٠٣,٤٢٧	١٥ آنحالت دوقه لى
٠٧٥,٥٢٣	١٦ شوارزب رودولستان امارتى
٠٦٧,١٩١	١٧ شوارزب سوندرش امارتى

۰۵۶,۲۲۴	۱۸ والدق امارتی
۰۴۵,۰۹۴	۱۹ روس کبیر امارتی
۰۸۹,۰۳۲	۲۰ روس صغیر امارتی
۰۳۲,۰۵۹	۲۱ شامبورغ لیب امارتی
۱۱۱,۱۳۵	۲۲ لیب امارتی
۰۵۲,۱۵۸	۲۳ ووبق شهر مستقلی
۱۲۲,۴۰۲	۲۴ برم شهر مستقلی
۲۳۸,۹۷۴	۲۵ هامبورغ شهر مستقلی
<hr/>	
۴۱,۱۱,۹۱۹	یکون

بو حکومتلرک لما نیا اولکاسی ایچینده واقع
معینه سی بوجه آتیدر :

- شمالده : اولدنبورغ • پرونزویق • برم •
- هامبورغ • اویق • مکلمبورغ • پروسیا •
- وسطده : لیب • والدق • هس • روس
- کبیر و صغیر • آنجالت • ساقس قرالغی •
- وساقس دوقة لقلری • ایکی شوارزبلر •
- جنوبده : باد • ورتمبرغ • باویرا •
- حکومتلردن بعضلرینک اولکاسی متفرق اولوب

بر پارچه سی شمالده بر پارچه سی وسط و جنوبده
بولنور .

ایشته شو بر الای حکومت مستقله نك استیلا
ایلمش اولدیغی محل یانکز اورو پانك تا اورته یرنده
بولنق حسینله الكهمم بر اولکا اولیوب بلکه طبیعت
زمین اقتضا سنجه دخی غایت منبت و برکتیسیدر .
از جمله هر طرفی غایت کوزل طاغلیری بین ایدر که
بو نلردن برنجیسی اب طاغلیری اولوب جنوب
طرفنده ایتالیا ایله المانیا راسنده واقع اوله رق برطاقم
کوزل شعبه لری المانیا ایچنه طوغری تسلسل ایدر
کیدر . ایکنجیسی قاریات طاغلیریک مسله
غربیه سی او اوب المانیاک شرق طرفندن ایچر ویه
کیرر . او چنجیسی هارز طاغلیری اولوب اولکانک
وسطنده بولنور . دردیجیسی معدنلر طاغی اولوب
جهت شرقیه سنه دوشر . بشنجیسی تورنرر واند
طاغلیری اولوب ینه وسطده در . التنجیسی ووشر
طاغلیری اولوب اولکانک غرب طرفنده درلر .
فقط المانیا اولکاسنک زینتی یالکز بو طاغلیردنه

عبارت دکادر . بر طاقم فیضلی نہر لدخی بو اولکابی
 اروا واسقا ایدرلر . بو نلرک برنجیسی رین نہری
 اولوب اولکانک جنوب غربیسنده واقع اسویچره
 طرفلرندن چیقہ رق المانیانک غرب طرفنی بو یلی
 بوینہ قطع ایلد کدن صکرہ پہنی بامالکنہ کیرر
 واورادن بحر شمالہ منصب اولور . ایکنجیسی امس
 نہری اولوب المانیانک وسط شمال غربیسندن چیقہ رق
 ینہ بحر شمالہ دو کولور . اوچنجیسی وسر نہری
 اولوب کڈنک اولکانک اورتہاق یرندن چیقہ رق
 بحر شمالہ دو کولور . دردننجیسی آلب نہر یدر کہ
 اوستریا طرفلرندن چیقوب تکمیل المانیایی
 آقیر یلادقندن صکرہ بحر شمالہ قاریشور . بشنجیسی
 اودرقہری اولوب اوستریا طرفندن کلہ رک بحر
 بالطیفہ آقار . ائنجیسی طونہ نہر یدر کہ المانیانک
 جنوب غربیسندن وقرہ اورمان طاغلرندن چیتوب
 یرچوق کوچک صولر قاریشہ رق بیویہ بیویہ اوستریا
 ممالکنہ طالار واورا دن دوات علیہ اولکاسنہ
 کیروب قرہ دکزہ قاریشور . یدنجیسی ویستول

نہری اولوب اولکانک شرق طرفندن چیقہ رق
 شمالہ طوغری تبدیل جریانلہ بالطبق دکزینہ آقار .
 ایعدی المانیانک طاغلی تیمور باقر قالای قورشون
 ییز موت کو موش و جیوه کی انواع معادنی حاوی
 اولدیغی سٹالو بر چوق نہرلر ودره لر سایه سنده
 اولتافلری دخی پک اعلا اولدیغندن انواع حیوانات
 اورالده زیاده سیله فیض آلور . هله المانیانک
 آت جنسی زیاده سیله مقبولدر . زمینک بو فیضی
 اھالیسنک همتیه اتفاق ایدرک المانیانک زراعتی
 دخی اوروپانک هر طرفندن اعلادر .

المانیانک دکزلی هب شمال طرفنده بولنوب
 بونلرک برنجیسی بحر شمالدرکه اکرچه المانیانک
 آرسوا حلی استیلا ایش ایسنده اولدنبورغده
 بر کوزل کورفز جک ایله و سر نہرینک منصبی
 و هاه بورغده آپ نہرینک دکزه قارشیدیغی یریک
 اعلا لیمانلردر .

ایکنجیسی بالطق دکزی اولوب بونک دخی حاصل
 ایلدیکی بر قاج کورفز جک و بالخصوص اودر

نهرينك منصبي ودانس-يق كور فزی پك امنيتلى پك
كوزل ليمانلر يدر .

شمديكى حانده المانياك معين پاي تختى پروس-يا
قرالغنگ دخى پاي تختى ديمك اولان برلين ش-هري
اولوب كرك جسامت و كرك زينجه لوندره و پارس
ويترس-بورغ كبي برنجى درجه ده بولنان پاي تختلر
صره سنه كچه مز . باويرانك پاي تختى اولان مونيخ
وورتمبرغك پاي تختى اولان ستوتغراد و ساقسك
پاي تختى اولان درسد شهرلى المانياك ك مشهور
پاي تختلرندن اولوب فرانقغورت ايله برده اخيراً
فرانسه دن ضبط اولنان استراز بورغ شهرى بو اولكانك
ممالك مشهوره سنندر لر .

المانيا ده اغميتله حكم سورن مذهب پروتستانق
اولوب قاتوليك آيدنى اربابى پك آزدر . هله يهودى
غایت آزدر . ايديلان حسابدن اكلاشلدیغنه كوره
بيك نفوسده التیوز بكرمى اوچ نفوسى پروتستان
واوچيوز التمش ايكيسى قاتوليك و بالكن بيكده اون
ايكيسى يهوديدر .

هيئت متحدہ حكومتك جلد سى كندى دائرہ
 حكومتلىرى دا خلدہ مستقل اولوب فقط المانياك
 هيئت عموميه سنه تعلق ايده جك اولان حرب و صلح
 و جمع و تنظيم عسكر كى مهام امورده برلينده
 منعقد عموم المانيا ايمپراطور لى پارلامنتوسى طرفندن
 و يريلان رأى موجبجه طرف ايمپراطور بدن صدور
 ايده جك اوامر مرعى الاجرادر .

﴿ المانيا نارينخك تقسيمات اساسيه سى ﴾

المانيا تاريخك تقسيمات اساسيه سى سائر بعض
 محللر تاريخك تقسيماتى و در مطلق اولديغندن مورخى
 يورميه جنى كى ارباب مطالعدي دى اورمز .
 بو تاريخى باشلوجه درت بابہ تقسيم ايتك
 كافى در كه باب اول المانياك تاريخ نظرندہ طائغہ
 باشلا دىغى بر زماندن بدأ يه ميلادك ۹۱۱ تاريخندہ
 قارلوونيرثين خاندانك خاتمه قدر كرك رومانوزك
 عصر لجه دوام ايدن تا اعظمى و كرك فرانكلرك
 كذلك عصر لجه دوام ايدن تحكمنى خير وير .

ایکنجی باب مذکور ۹۱۱ سنه سندن باشلایوب
 ۱۲۵۴ سنه میلادی سنه قدر یعنی المانیا ایپراطور اغنک
 قطعاً تشکیله فترت جسمیه به دکن صورت دوامی
 حکایه ایدر . باب ثالث فترت جسمیه تاریخندن بدأ
 ایله ۱۴۳۷ سنه سنده اوکسمبورغ و باویرا
 خاندانلرینک حکومت مشترککاری ختامنه قدر اولان
 وقوعاتی ذکر ایدر . باب رابع دخی اوستریا
 خاندان ایپراطور یسنک ابتدای تاریخلرندن بوزمانه
 قدر سلسلهٔ وقوعاتی چکر کوتورر .

اشبو ابواب اربعه نیک تقسیمات ثانیه سنه کلجه :
 بونلر دن برنجی باب درت فصله آیراش اولوب
 فصل اولده المانلرک بدایت حالی و فصل ثانیده
 رومالورنک اول طرفلره طوغری وقوعه کلان
 تسلطلری و فصل ثالثده اقوام شمالیه نیک روماتسلطنه
 صورت مقابله سببه رومانک انقراضی و فصل رابعده
 دخی فرانقلرک تسلطیه قارلر و نیرشیه ن خانداننک
 مدت تحکملری ذکر ایدیله چکدر .

باب ثانی دخی درت فصله منقسم اولوب برنجی

فصلی فرانقونی خاندانیه ساقس خاندانك المانيا
 ايمپراطور لغنيك قطعياً تأسيسه قدر اولان زمانی
 وایکنجی فصل ساقس خاندانك بتیه مدت
 ايمپراطور یسنی و اوچنجی فصل فرانقونی خاندانی
 مدتی و دردیجی فصل دخی صواب نام دیگر
 هوهنستوفن خاندانك زمانی متضمن اوله جعفر .
 باب ثالث اوچ فصله منقسمه که برنجیسنده
 یوک فترک مدتی وایکنجیسنده هابسبورغ
 خاندانك زمانی و اوچنجیسنده دخی اوکسمبورغ
 و باویرا خاندانلرینك مناوبه حکومت ايمپراطور یسنی
 ذکر اید، جکز .

دردیجی بابك بش فصله انقسامی لازم کلوب
 یونك برنجیسنده اصل اوستریا خاندانك بر دوزییه
 مدت حکومتی وایکنجی فصلنده اوستریا و اورن
 خاندانك ايمپراطور لغنی و اوچنجی فصلنده رین
 هیئت اجتماعیه سنی و دردیجی فصلنده جرمانیا
 هیئت اجتماعیه سنی و بشنجی فصلنده دخی شمديکی
 المانيا ايمپراطور لغنی ذکر و حکایه اید، جکز .

ہوندن مقدم کی جلدلرده المانیاتار یخنہ عطف
 اولان مثلاً محاربه سی سالہ کی برقاچ دولتہ بردن تعلق
 ولان بعض وقوعات عمومیہ بی اوتہ د نبری یایدیغمز
 وجهله برر بند مخصوص اوله رق ذکر ایدہ جکز .

— باب اول —

﴿ المانیانک بدایت احوالندن قار اوونیرثیہ ن
 خانداننک ختام حکومتلرینہ قدر ﴾

عن ۰۰۰ الی ۹۱۱

— برنجی فصل —

﴿ المانیانک بدایت احوالی ﴾

عن ۰۰۰ الی ۵۸ مقدم میلاد

— تفصیل — المانی اولکابی فرانسه کی
 انکلترہ کی فلنک و بلجیقا و دانیمارقه و سائرہ کی
 الیوم اور و پاملتترین تشکیل ایدن برچوق خلقک
 اصل محل انقسام و انتشاری اولدیغندن کرک شمدی یہ
 قدر چیقان و کرک انشا اللہ تعالی ہوندن صکرہ چیقہ جق

اولان جلدلرمزده اسامیسی ذکر اونمش واوننه جق
 مال قدیمه دن ك چوغنك اسملری بوراده کوريله جکدر .
 عالم مدنیت یعنی آق دکز سواحلی المانیای
 قدیمی براز کچه طانیشلر ایسه ده طانیغه باشلار باشلامز
 ملل شمه نیه کندیلرینی بونلره پک اعلا طانیشلردر .
 فصل طانتدقلرینی مراق ایدنلر انکلتره ودانیمارقه
 واسوج وفرانسه تارینخلرینک برنجی بابلرینک برنجی
 فصلارینه مراجعت ایتملیدرلر .

ایندی المانیانک ایجروسی ایلك طانیغه باشلادیغی
 زمانده یعنی میلاد عیسا اثناسنده المانیایچنده .
 باشاوجه اوچ بیوک خلق کورنمشدر . بونلردن
 برنجیسی (هرمینوس) دینلان خلق اولوب بونلره
 «تتون» و «سوئهو» دخی دینلورایدی . قوم
 مذکور برطاق اقسامه منقسم اولوب بر فسمنه
 «سمنون» تسمیه اولنورایدی که المانیانک شمال
 طرفلرنده والب نهریله اودرنهری اراسنده پراکنده
 ایدیلر . ایکنجیسنه دخی «وارینی» دینسوب
 دانیمارقه شبهه جزیره سنه طوغری اوزانور کیدر

ایدی • اوچنجیسنه «سیدینی» تسمیه اولوب اولدر
 نهری بوینده ایدیلر • دردنجیسنه «روژی»
 دینلوب شمدیکی پومرانی اولکاسی ایچنده ایدیلر •
 بشنجیسنه «غوتون» والتنجیسنه «هرولی» دینلور
 ایدی که باطیق دکزی ساحلنده ایدیلر • دیننجیسنه
 «واندال» وسکرنجیسنه «سینتری» دینلور ایدی که
 المانیای وسطی طاغلری ایچنده ایدیلر • طنوننجیسی
 «پورکندیون» واوننجیسی «لیتری» قبیللری
 ایدی که وانداللرک ارقه سنده سلیزیا ایالتی طرفلرنده
 پراکنده ایدیلر •

«لانفو باردی» نام دیگر «لومبارد» دینلان
 قوم ایله «آنغلی» دلقفه سی دخی بنه بوبرنجی
 قومدن اولوب فقط بونلرهم جنسلریله برابر
 قالیرق لوبباردی اولر اشغیده ذکر اولنه جبق
 «استارون» و آنغلیلر دخی بنه اشغیده ذکر
 اولنه جبق «اینغاون» قوملری نزدینه هجرت
 ایسلادر •

المانیایچنده کوریلان اوچ بیوک خلقدن

ایکنجیسی (اینغاوون) خلقی اولوب بودخی
 کندیلکنجه برچوق قبائل واقوام جسیده منقسم
 اولدیغی حالده رین نهرندن بدأ ایله تاجربالطیغک
 سواحل غربیه سنه یعنی دایمارقه شبه جزیره سنه
 طوغری یا یلسلرایدی . هولاندا ایله دایمارقه ایچنه
 منتشر اولان و محللرنده ذکر ایدیلان فریزی نام جرمن
 قومی ایشته بو اینغاوون اقوامندندر . المانیانک
 اولدنبورغ و برم طرفلرینه یا ییلان «شوس» ولونبورغ
 طرفلرینه کیدن «آغریواری» و بر قسمی انکلتره
 قدر کیدن (انکلتره ص عن ۳۸ الی ۴۴ ص)
 و باقیسی حالا اسملریله یاد اونان «ساقسون» قوملری
 دخی هب بو ایکنجی خلقک اقسامندندرلر . بعض
 تاریخلرده ایشبو هر مینوس ایله اینغاوون خلقنی بر
 جسدن اولق اوزره ذکر ایدرک جرمنلرک اصانی بالکر
 ایکی به حصر ایدرلر .

اوچینجی خلق (استاوون) دینلان جنس
 اولوب ککذک برچوق اقوام و قبائله منقسم
 اولدقلری حالده و سر ایله رین نهری اراسنه

یابیشلر و بر طقم قبیله لری دخی غول ممالکی
 ایچنه کوندرمشلردر که فرانقلر بوقبیله دن اولوق
 اوزره مرویدر . انجق بونلردن ماعداینه جرمنلر
 کبی بر طقم قبائل و حشیه دها غول ممالکنی مسکن
 اتخاذا ایش اولدقلری دخی محنده ذکر اولمشیدی
 (فرانسه ص ۱۴ مر)

اهالی مذکورہ نك جله سی عن اصل آسیای
 وسطی اها ایستدن بولندقلری و بدویت و وحشیده
 مشترك اولدقلری جهته احوال خصوصیه
 بدویه لری هب بر رینک عینی کبی برشیدر . یعنی
 بوراده اسامیسی ذکر ایلدیگمز اقوام دخی غول
 ممالکنه انتشار ایلدکلرینی فرانسه تاریخنده خبر
 و یرمش اولدیگمز اهالی کبی غایت جری و جسور
 وقوی البیه و اوزی سوزی طوغری آدملا اولوب
 مسافر پرورلک وعهده وفا ایله مشهورایدیلر .
 یونلرده دخی امور بیتیه قاریلره محول اولوب فقط
 کندیلاری سائر اقوام و حشیه کبی یالکز صید و شکار
 و حوبانلق ایله اشتغال ایتیه رک بر درجه به قدر

زراعتله دخی مشغول اولورلرایدی .

جرمانیانک شو اقوام بدو به سنی سائر و حشیلردن
 آران برشی دها وارایسه اوده بونلرک سائرلی کبی
 دائماً کشت و کذارایتموب بر محلهده متمکن بولنملریدر .
 ذاتاً زراعتله مشغول اولمزی دخی بونی ایجاب ایلمر .
 اتیحق هیئت اجتماعیدلری بر شهر و یا قصبه وجوده
 کتوررجک قدر بیوک اوایوب اریچ اش خانهک
 بر کوزل وادی بی کندیلرینه مقر اتخازی صورتیله
 ساکن و متمکن اولورلرایدی .

بو اقوامدن بر طاقی خاق طرفندن انتخاب
 اولنان بر نوع قرالیرک و بر طاقی دخی قبیلله ریسلرینک
 حکومتی التنده بوانورلرایدیهده بو حکومتلرملته
 یعنی قاری و چوجق و اختیار گروهی ایله محاربهیه
 کیمیان و مسکنلرند ، متمکن اولان طاقیه حکومت
 ایدرلرایدی . جنشکاورطاقی ایسه (باند) دینلان
 هیئت مسلحه و حربیه بی تشکیل ایدرلرایدی کد بونلر
 جسارت و شجاعتده و بر اردویه قوماندا ایتمکده
 نام قرانمش اولان بهادرلرک قومانداسی التنده بوانور

ولز و نه کوره الك اوزاق ممالکه قدر کیدوب جنک
و جدال ایدرک برچوق یغمایی حامله ینه طوپرافلرینه
کلورل ایدی .

بواهالی دین و اعتقاد خصوصنده درو بیدرلر
آینک دها بشقه بر دراو سنه تابع ایدیلر . الك بیوک
معبودلری (ترتا) یعنی زمین اولوب کندیلرینه
هر نعمت یردن کلدیکی و حتی بالنفس کندیلری نخ
زمینک خلاصه فیضی دیمک اولان منیدن حاصل
اولدقلری جهتله یره طاپرل ایدی . هاتفه طالعه
اینا مقده پک ایلرویه واروب باخصوص قاریلرک
غیبدن و یردکلری خبرله حقیقت محضه نظر یله باقارلر
ایدی . بناء علیه ایچلرنده بعض قاریلر توره مشیدی که
غیبدن خبر و یرمک خصوصند کی شهر تلریله
عادتا پیغمبرل درجه سنه چیقمشلر ایدی .

بعض مورخلر شور و ایتدن بالانتقال اسکی
جرمنلرک قاریلرله پک زیاده حرمت و رعایت ایاش
اولدقلرینی یازمشلر ایسه ده بواجتهادلرنده خطاری
ظاهر در . زیر امظهر حرمت اولان قاریلر برهنوال

محرر غیبدن خبر ویرمکله مشهور اولان چمندفری
 اولوب ساآنوع اناث ایسه اولدقجه حقارتله خریالنه رق
 استخدا م اولندقلری هر کسک بیلدیکی برشیدر .
 هله چوجقلرینی صاتمق دخی بونلر عنندنه جائز ایدی که
 چوجقنی صاتان بر ملتده قاری به رعایت دخی آزاوله جغنی
 تاریخجه پک چوق امثالیه اثبات اولنه بیاور .

قیم المان ار ککلرینک - حصر فیکر ایلدکلری
 شی یانکز جنک و بونک تفرعاتی عدا اولنان صید
 وشکار و تعایم اولوب بوندن بشقه هیچ بر شینه
 اهمیت ویرمز لر وهر ایثی قاریلره - وواله ایدوب
 کندیلری ذوق و صفادن بشقه هیچ بر شینه باقزلر
 ایدی . همده ذوت و صفا و سفاهتده عادتا افراطه
 واروب بر محاربه دن عودت ایتش اولان آلمانک
 ایکنجی بر جنکه دعوت ایدیلنجه به قدر آیلرجه
 آیلماق اوزره بیر ایلله سرخوش اولدیغی مرویدر .
 المانیای قدیم خلقی حقمده بورایه قدر ویرهش
 اولدیغمز معلومات صکره دن یعنی روم اولر اورالره
 طوغری ید تسلطلرینی اوزاتدقن صکره استحصال

اولنان معلومات اولوب بوقسه روما دواتی غون
 ممالکنی ضبط ایدنجه یه یعنی میلادک اللی سنه مقدمه
 کلنجه یه ودر المانیای قدیم حقهده انلرک دخی برکونه
 معلومات صحیحه فطعیله لری یوق ایدی . واقعا
 (فی ته آس) نام سیاح میلادک ۳۲۰ سنه مقدمه
 اورویانک شمال طرفلرینه طوغری بر سیاحت
 ویرمش و بحر باطیق ساحلی اوزرنده بر از کشفیاتده
 بولنش اولدیغی معلومدر . انجق مر قومک
 کتوردیکی معلوماتک نه دن عبارت اولدیغی (دانیمارقه)
 (ص ۱۱ مر) ده کوسترلشدر . معلومات عتقه دن
 اولق اوزره میلادک ۵۸۷ سنه مقدمه غول
 طائفه سنده سیغووه ز نام رئیسک المانیا ایچنه بر آقین
 ایتش اولدیغی دخی وار ایسه ده بو معلومات اسکی
 غوللرک کندیلر نجه دخی اسکی اولان فخریه
 ملیه لرن دن انمش اولوب تفصیلاتی معلوم دکلدور .
 بوندن صکره میلادک ۱۱۳ سنه مقدمه دخی
 روما لولر جرمنلره ایلک دفعه اولق اوزره قارشو
 قارشویه کلش لرایدی . فقط بو تقابل تون و سیمبر

قبیله لارینک اپ طاغلی جوارنده پاییریوس نام
 روما قونسولنی یعنی حکمدارینی یرباد ایلدکلی
 تقابلدرکه بویله بوقعه هائله نک رومالوره درد
 محجوبیدن بشقه برکونه معلومات او کرماش
 اولدیغی بدیهیدر . برکت ویرسون که هر قوم
 پاییریوسدن صکره قوزول انتخاب اولنان ماریوس
 میلادک ۱۰۲ سنه مقدمنده تونو ۱۰۱ سنه
 مقدمنده سیمبر قو لری اوزرینه قوتلجه برغلبه
 چالیدی ده رومایی استخلاص ایلدی . زیراعر قومک
 شوغلبه سی اولسه ایدی اوزمان جرمانیا لورک
 رومایی یغما ایده جکلری شبهه سزایدی .

ایشته جرمانیای قدیم اقوامک بویله شقایه کلز
 ادملر اولملری سببیه رومالور بو نلره قطعاً مناسبات
 حربیه و دیپلوماتیقیه بیداسندن زنه ارتوقی ایتشلر
 و تاغول ممالکی تمامیه رومالور فندن قح اولندقدن
 وقیصر روم کی بخت و طالعه اعتمادتای اولان
 یرصاحبقران میدانه چیققدن صکره ینه کندی
 حدودلری اوزرندن یعنی اپ طاغلی طرفندن

دکل بالعکس تا المانیانک شمال غربی سندن یعنی شمیدیکی
 فرانسه نک شمال شرقی سنده واقع آراس و اورن
 طرفلرندن یواش یواش مناسبت حربیه پیداسنه
 باشلامشالردر . نصل که کیفیت اشاغیکی فصلده
 کوربله جکدر .

- ایکنجهی فصل -

﴿ رومالورک المانیایه تسلطلری ﴾

عن ۵۸ مقدم الی ۳۶۰ مؤخر میلاد

- تفصیل - کیفیت انکلتزه و فرانسه

تاریخچیلرنده دخی بیان اولندیغی وجهله قیصر روم
 یریتانیا و غول ایچنه تجاوز و هر آباق آتدیغی یرلری
 استیلا ایلدیکی صرده ایلک دفعه اواق اوزره
 سونه و خلقنک باش جنزالی و قرالی بولنان آریووویستی
 ۵۸ سنه مقدم میلادیه سنده مغلوب و منهزم ایلشدر .
 تواریخک محاکات واقعه سندن اکلاشایدیغنه
 کوره قیصر رومک بو حرکتی جرمانیایی قح
 ایچون تجاوزی بر حرکت دکل ایش . مرقوم

آريوويست قيصر رومك يك سرعت و سهولتله
 غول ممالكني ضبط ايتكده اولديغني كورنجه
 ايلروده بوجنكاورك كندى مملكتلريني دخي قح
 ايتسي احتمالي دكل محضا غوللر مياننده پيدا ايلديكي
 بعض طرفكيزينك دخي ياردميله قيصرى مغلوب
 ورجعتله مجبور ايلد كدن صكره غول ممالكني
 كنديسى ضبط ايتك ايچون ميدان محاربه به اول
 كنديسى آتلىش و قيصر دخي فتوحاتنه مانع اولان
 بو حركتي ر طرف ايتك ايچون مر قوسك اوزرينه
 عسكر سوق ايتشدر .

سوئته وارك ايلك تعرضنى بو صورتله منع
 ايلد كدن صكره قيصر روم رين نهرينك وصول
 طرفنده بولنان بعض اوفاق تفك جرمن قوملريني
 نهرك اوتله طرفنه رجعتده مختار براقوب اوراده
 قالانلك نه جرمنلكنى نه سوئته وولكنى طانيه ميه رق
 حقلرنده عاتاغوللر كبي معامله ايتكده باشلاش
 يعنى (فرانسه ص ۲۵ مر) عصيان كبي
 يرتريده سزلكله سلاحه ال اورانلك اللريني كسمك

صورتندہ کی حرکتندہ بونلری سائر مغلوبلردن
 آیر مامشدر • بناء علیہ اوس بیہن وتو کتر دنیلان
 جر منلر قیصر رومہ رعمأ (اوزمان غول ایله برابر
 قیصرک ضبطی انتہ کیرمش اولان) بلچیقاقمالیکی
 اوزرینہ هجوم وهر طرفنی استیلا ویغما ایلسلر
 ایسه ده قیصر بونلرک اوزرینہ دخی بورویوب
 کندیلرینی مغلوباً ومنهزمأ رین نهرینک اوتہ طرفنه
 توسکورتدیکی کبی نهر مذکورک صول طرفندہ
 جرمن قومیتنه منسوب دهانه قدر قبیلہ واریسه
 بجله سنی دخی برابر سورمش چیقارمشدر •

رین نهرینک غول ممالیکی ایله جرمن ممالیکی
 اراسنده بوصورتله حدفاصل اولسی غولی جرمنلر
 تسلطندن محافظه ایده جک ایدیسه ده قیصر جرمنلر
 ایله بر حرب غائله سی آچق رومیایی زیروزبر
 ایده جکی حقند کی اعتقاد قدیمک بوش اولد بغنی
 کندیسنک ایکی دفعه نائل اولد بغنی غایبه دلالتیله
 اکلایوب عاداتا غول کبی جرمانیایی دخی ضبط
 ایچون میلادک ۵۵ سنه مقدمنده رین نهرینی

اوتة طرفه كچمكه جسارت الدى • بومرور نده
 همان هيچ بر شينه مقدر وموفق اوله ماشييدي •
 انجق ايكي سنه صكره يعنى ميلادك ٥٣ سنه مقدمنده
 برده امرور ايدرك ج منلري مغوب اياش واويين
 دنيلان جرمن خلقنك ممانكني استيلا وكنديلريني
 اسير ايتدر • وؤ حراً آغريباً زماننده يعنى ميلادك
 ٣٩ سنه مقدمنده اشبواويين خلقى كاملاً نهرك
 صول طرفنه كچيريلوب غول طويراغنده اسكان
 ايدلشدر •

رومانك غول اياتى طرفندن جرمانيا حدودى
 يعنى رين نهرى بويي قيصر ك ثمره غابيتى اوله رق
 بر مدت جرمن تسلطندن امين قالمشييدي • انجق
 ميلادك ١٦ سنه مقدمنده جرمنلردن سيقامبر
 ووسى يين و تانسرت دنيلان اقوام بغته نهرى كچوب
 غول ممانكنه كيرديلر وروما طرفندن غول واليسى
 بولنان اولايوسى مغلوب ومنهزم ايلديلر • جرمنلرك
 بوسدمه سى اول قدر شدتلى ايدى كه رومادواتى
 بو قدر شده قارشوينه شدتله مقاومت كوسترمكى

موافق حکمت حکومت بولیه رق ایشی صلحاً تسویه به
مجبور اولدی .

تانه دن صکره او کوست سکز آلی عسکری رین
نهری اوزرینه سوق ایلدی ایسه ده حرب ایچون
اولدقدن بشقه نهره یناشمغه دخی مأذون اولوب
نهرک دها پرو طرفنده پوسته قورمغه و شاید
جرمنلر هجوم ایدرلر ایسه انلره ممانعت کوستر مکه
عأمور ایدیلر .

بو احتیاط اوچ درت سنه دوام ایاد کدن
صکره طونه نهرینک منبجی جهندن جنوب طرفلرنده
بولانان بعض اقوام جرمانیایی روما تابعیتی الته
صوقش اولان دروسوس میلادک ۱۲ سنه
مقدمنده کمال حزم و احتیاطله یواش یواش شماله
طوغری دخی ایلرو له مکه باشلادی و رین نهری
طرفندن دخی فرقه فرقه روما عسکری نهری کچوب
ایلرویه حرکت امرینی الدی .

کرك مومی الیهك و كرك بو ایشده کندیسنه
یرو اولان سائر جنراللرک اقتداری سایه سنده

بو حرکت پک کوزل نتیجه لر کوستر مشیدی . زیرا
 ایدیلان حرکتلر گاه رین نهرندن سلنلر اوزرینه و گاه
 امس نهرینک ساحل یساری اوزرنده بولنان سائر
 جرمنلر علیهنه ایدیلوب قناللر واسطه سیله کمی
 کیده بیله جک یرله دخی کیلر کوندرلدیکندن و بویله
 سفاین واسطه سیله و سر نهری ساحلارنده بولنان
 اهلای اوزرینه دخی عسکر سوق اولندیغندن غلبه
 و ظفر هر طرفجه بر برینی ولی ایتمک باشلامشدر .
 دروسوس الک مهم نقطه لر برقلعه انشا ایدر ایدی که
 بولنریالکز روما سرحدلرینک نشانه دائمه و سعته
 اولیوب مراسلات حریده بی دخی تأمین ایلر ایدی .
 دروسوس آلپ نهرینه قدر بو صورتله جولانلر
 ایلدکن صکره میلاددن ۹ سنه مقدم وفات
 ایدوب اندن صکره تیبردخی مومی الیهک اثرینه اقتفا
 ایدرک قرق بیک خانه سیقا مبر جرمنلرینی غول ممانکنه
 کتوروب یرنشدرمش و دو میتیوس آها نوبار بوس
 دخی کذلک آلپ نهرینه قدر ممالکی جولان ایدرک
 برچوق یرله ده قلعهلر بنا ایلشدر .

الحاصل میلاددن بش سنه صکره به قدر دوام
 ایدن حرکات عسکریه سایه سنده رین نهرندن
 و سر نهرینه قدر ممالک کاملاً روما اطاعتی التسه
 کیره بومحکک دها شمال طرفنده ساکن اولان
 فریزون و شوس و شهر و سق نام جرمن قبائل
 جسی سیله مصالحه نامدر عقد ایلدیلر . روما اولرک
 بو مصالحه دن مراد لری براز نفس آلوب تجدید
 قوت ایلد کدن صکره توسیع حدوده ینه قیام ایتمک
 ایدی . انجیق برحال وقوع بوادی که کنسیدیلرینی
 بو ادلک استحصالنندن تأخیر ایدی . شویله که :
 او زمانلر المانیانک جنوب شرقی طرفلرنده
 مار قومان مار بود نامنده بر آدم توره یوب بتون قبائل
 واقوامی کنندی اطاعتی انتسده جمع و بر حکومت
 جدیده جسیمه تأسیس ایلمش اولدیغندن روما اولر
 بو حکومتک کنندی حدود استیلارینی پک قیصه
 کسه جکینی حساب ایدرک بر فرقه سی رین طرفندن
 و بر فرقه سی دخی طونه جهندن کوندرنک اوزره
 ایکی فرقه عسکری مر قوم صاحب خروج اوزرینه

سوق ايشلار ايدى . كوندريلان فرقه لك جسامته
 نظراً روما لور يكي ظهـور ايدن حكومتك برباد
 ايديله چكنه هيچ شـبهه ايتز ايدسه ده مار قومان
 مار بودك تسويق واغواسيله رومايه مطيع بولنان
 توينه ن و ايلابريه ن نام قوملر عصين ايتكله ايشته
 محضاً بولرك شو عصيانلرى سـببيله روما لورك فنا
 حالده مغلوب اولدیلر . هيچ اولمز ايسه روما
 استيلاسي الته كيرمش اولان محللرى طابق بر روما
 ايلتى كبي تنظيم ايتك اچون واروس نام سردار
 تعيين ايندش اولديغي حالده جرمانلردن هرمان
 نام ديكر بر صاحب خروج كندى همـشهر يلر يني
 روما اسارتندن قورتارمق اچون توتو اورمانده
 واروس اوزرينه بغته هجوم و اوچ آلاى عسكر يني
 كنديسيله برابر محو و معدوم ايلديكندن بو وقعه
 دخى روما لور ي بتون بتون مأبوس براقشدر .
 بناء عليه روما اردولرى تاقلمه لراه محافظه ايتش
 اولدقلى حدود عتيقه لرى اوزرينه قدر چكديلر
 و اولجه تحت اطاعتلرينه كيرمش اولان جرمنلرك

استرداد استقلال لرینہ ممانعت ایدہ مدیلر .

روما جنرال لرندن شان غالبیت لہ شہر تشعار اولان
 جرمانیکوس میلادک ۱۴ سنہ مؤخرندہ روما
 ایپراطوری طرفدن جرمنلر اوزرینہ مأمور اولوب
 درت سنہ قدر محارباتدن صکرہ اسکی ممالک
 مستولیہ بی یعنی رین نہریلہ و سر نہری اراسندہ می
 یرلی تکرار جرمنلردن استرداد ایلمش ایدیسہ ده
 مقدماتا موفقیت سزلیکی کوریلان تیرک حسدینہ
 اوغرایہ رق تام اصل اقتدارینی کویستہ جکی زمان
 کیرویہ چاغراشد . یرینہ نصب اولنان مر قوم تیر
 جرمنلرایلہ دها زیادہ محاربه ایتمک کار عاقل اولدیغنی
 (مجرد مغلوب اولورم خوفیلہ) ایپراطورہ عرض
 ایدرک صلح و مسالمت اوزرہ حرکتہ باشلامش ایسہ ده
 اندن صکرہ یعنی میلاد ۱۷ سنہ سنندہ جرمنلرک
 کندیلری میانندہ ظهور ایدن برطاقم اختلافات
 داخلہ اضمحلاللرینی موجب اولغیلہ روما اولر
 هر طرفدن جرمانیا ایچنہ طوغری توسیع حدودہ
 موفق اولدیلر .

جرمانیاك جنوب و غرب طرفلرندن و وسطلرینه
 طوغری همان تشدن زیاده سی و بلکه ده نصقنه
 قریب یرلی رومالور طرفندن استیلا ایدلسی روما
 کبارینی پک ممنون ایدر ایدیسه ده ده اوته طرفده
 ینه جرمنلردن لونغو بارد یعنی لومباردیالور ایله سلت
 اقوامنك انتظام و قوتلری کوندن کونه آرتغنه
 باشلامسی روما ایچون یکیدن بر مانع حاضر لامقده
 اولدیغی دخی کوریلور ایدی . بر آرائق فریزون
 وشوس خلقی روما ولر علیهنه قیام دخی ایلدیلر .
 واقعا رومالور بونلری تریه و تأدیبه موفق اولدیلر
 ایسه ده اندن صکره آياقننان جرمانلری تأدیبه
 روما دواتی قدرت بوله میه رق رینك اوته طرفنده
 بولنان ممالکی کاملاً آلمانلره ترك ایتمکه مجبور و نهر
 رین حدودینی ایسه محضا مقما بویلی بوینه انشا
 ایدلش بولنان قلعلر و استحکاملر سایه سنده محافظه
 ایتمکه انبجق موفق اولدیلر .

ایشته میلانك ایلک عصری نهایتلرنده باشلامش
 اولان بو محاربات متقابله ایکنجی عصر نهایتنه قدر

دوام ایلمشدر که یو مدت ظرفنده رومالور کندی
 سرحدلرینی محافظه و تقویه دن بشقه بر شینه اهمیت
 و یرمیوب اکر المانیا ایچنه تعرض ایتمش ایسه لریله
 محضا کندیلری اوزرینه تعرض ایده جک اولان
 دشمنک قوتنی قیرمق ایچون تعرض ایدوب بوقسه
 قح بلاد ایچون برکونه تشبده بوانه مامش لردر .
 زیرا بویله برامل مجنونانه یه قیام ایدوب سرحدلرندن
 اوز اقلمش اولسه ای دیلر رومانک کاملاً جرمنلر
 طرفندن زیروزیرایدیله جکنه شبهه ای دیله مزایدی .
 حتی محافظه حدوده بوقدر همت ای دایش اولدیغی
 حالده باربارلرک تا آکیله به قدر یورویوب کلدگری
 واقع اولمشدر . نهایت جرمنلر اولانجه قوتلرینی
 صرف ایدوب بتور دکگری حالده رومالورده
 محاربه دن بوز چورمک علایمنی کوره منجه ایکنجی
 عصر میلادینک آخرنده بر معاهده صلحیه عقد ایدرک
 ترک جدال ایتدیلر و بومعاهده اوزرینه رومالور
 جرمانیا ایچنده یر نفوذ حکمکارانه قراندیلر .
 یومصالحه نک حکمی دخی پک آزدوام ایده ییلدی .

پر ملت بدويه و وحشيه محاربه يور غونقلريني ملل
 متمدنه دن دها قولاي و دها تيز دفع ايده بيله جگندن
 جرمنلر دخی پک آز برز ماندن صکره تجديد قوتله
 بو کره غول ممالکي اوزرينه اويله برصالدبرش
 صالديرديلر که اکراوزمانلر روما ايمپراطولغي تختنه
 ماقسيمين و اوره ليه ن و پرو بوس کبی هر شينه مقتدر
 آدملر کلامش اولسه ايدي بو بار بارلرک رومانک کوانی
 هوايه صاوره جقلرينه شبهه بيله بوق ايدي . فصل شبهه
 ايديله ييلور که اک صکره ايمپراطور ژوليه ن کنديسنه پک ده
 لزومي اولميان برقاچ ادعاسيله شرق طرفند کتمک
 ايچون يرندن قلدا نجه شبهه ايديله جک اولان شيلرک
 جله سي کلدی چيقدی . ايشته بو کيفيتک ذکری
 ايچون اساغیکی اوچنجی فصلي کشاد ايديبورز .

— اوچنجی فصل —

﴿ رومانلورک اضمحلالي ﴾

عن ۳۶۰ الی ۴۸۱

— تفصيل — رومانلورک اضمحلاننه مبدأ

اولق اوزره بوفصلاک سرلو حه سی التنه قویمش
اولدیغمز ۳۶۰ سنه سی کرچکدن اضمه لالاک ببدئی
اولوب یوقسه رومالورک ضعهفه دوچار اولمیرینک
باشلانغجی دکلدر . جرمن اقوامنک البته ایشی
یرانجامه ایصال ایتک عزم قویسیله باشلامش اولدقلری
مهساجاتک تاریخ مبدئی ۲۴۴ سنه میلادیه سی
اولوب بوتاریخدن ۳۶۰ سنه سنه کلنجه یه قدر
گذران ایدن یوز اون التی سنه ظرفنده رومالور
اولانجه قوتلرینی صرف ایشلرایدی . بناء علیه
ایمپراطور ژولیهن تاج دعواسیله شرق طرفنه
کیتدیکی زمان رومایی برضعف تام حالنده بر ایش
اولدیغنی حکم ایدن مورخلرک البته حقلری مسلدره
ایمدی ژولیهن شرق طرفنه کیتدکن صکره
رومالور بر منتظم قوماندادن دخی محروم اولنجه
ارتق بتون بتون پریشانلق الویروب قلعه لری
وسرحلری محافظه یه مأمور اولان مستحفظلر محل
مأموریتلرینی ترک ایتکه باشلادیلر .
برده نیجه زماندنبروقره دکر ایله بحر بالطق

میاننده و شمیدیکی روسیه ایله اوسستریا و پروسیا
اولکاری اراسنده قوجه بردوات تشکیلیه قوتنی
آرتدیردقجه آرتدیرمقده بوانان غوت خلقی دخی
روماوزرینه بوکلنهرک میلادک ۴۱۰ سنه سنده
اوپای تخت جسیمی ضبط ویغما ایدنبجه رومای
غربی ایپراطورلغنگ ذوال طوبی پاتلامش صاییلدی .
واقعاً غرب ایپراطورلغنگ کلیاً انقراضی تاریخی بودکلدر .
غوتلر رومایی اوروب اوتته طرفه کچد کدن صکره
شمیدیکی فرانسدنک جنوب طرفلریله اسپانیانک شمال
طرفلرنده ویزیغوت یعنی (غربی غوت) دولتی
قوردیلر . انجق غول ممالکی ایچنده بورکوند
وسونه و خاقی دخی روما تابعیتی ترک وکندی
استقلاللرینی اعلان ایلمش اولدقلری کبی بودرجه
ظفرک اصل صاحبی عد اولنان جرمنلر دخی اعلان
استقلال خصوصاً سنده انلردن کیرو قالمامشدر .

تاریخک روایت غومیه سندن و بورو ابیتی صورت
حماکه سندن اکلاشلدیغنه کوره اوزمانلر جرمن
اقوامنک رومالور اوزرینه بودرجه بوکلنهرینک

بر بیوک و ج-هی شرق طرفه-د، تأسیس و دائره
تأسس لرینی کوندن کونه توسیع ایدن سلاو قومنگ
دائما جرمنلری غربه طوغری سورملرندن نشأت
ایلاشدر . حتی جرمنلر لرینک طارلخی مناسبتیله
ریس نهرینی تکرار غرب طرفنه هرورایدنک غول
ممالکنندن اولجه رومالوره ترك ایتمش اولدقلری
یرلردن ماعدابرطاقم ممالکی دهاضب طوتمکدن ایلاشلردر .
رومای غربی قسمنگ بوصورتله رهین اضمهلال
اولدیغی و سائر برطاقم اقوام بدویه ایله برابر
جرمنلرک دخی میدانله چیمغه باشلادیغی اثناده
شم-دیگی فرانسه لرلی تشکیل ایدن فرانق قومنگ
رومالور طرفنی طوتهرق جرمنلره نه صورتله ممانعت
کوسترمک ایستدکلری و حتی دهاسکر دلری یینه
اقوام و حشیه مستولیه دن هونلرک ریسی آیلانک
بشیوزیک عسکرله تاغول ایچنه قدر هجوم ایلدیگی
زمان فرانقلرک رومالور بقیه سیله بالاتفاق مستولی
هر قومی نه صورتله مغلوب ایلدکلری و فقط نهایت
امرده رومالک تکرار احیاسی ممکن اوله میه جغی

بداخت صورتیله عیدانه چیتجه فراتقلرك دخی
نه وجهله کندی باشله نيك چاره سنی ارامغه قیام
ایتدکاری هب فرانسه تاریخنده تفصیلات و ایضاحات
لازمه سبله کوستر اشدر .

ایشته بو قدر صدمات اراسنده یعنی دنیاده
کرچکدن شان غالبیت جهانگیرانه سنی آفاقه چیقارمش
اولان روما دولتی الکصره ۵۶۸ سنه میلادیه سنده
مقدمکی باربارله انضمام ایدن لو مبار دیا اولر طرفندن
پالدير کول دورهدم اولنوبده انقاصندن برچوق
حکومات جدیدنک تشکل ایتمکه باشلادیغی ائنده
تاریخ خصوصیسینی یازمغه باشلادیغمز المانیادخی
تشکل ایلمشدر .

اوزمان تشکل ایدن المانیایی شمیدیکی المانیابه
قیاس ایتک خطادر . اوزمانکی المانیای فریزون
وتورنیرتیهن و فرانق و آله مان و باویرالی اولوق اوزره
باشلوجه بش قومدن متشکل اولوب اولکاری دخی
شمیدیکی المانیانک قسم غریبسیله ینه شمیدیکی فرانسه نک
قسم شمال شرقیسی اوزرنده ایدی .

بو فصلک سر او چه سنده کو ستراش اولدیغی
 وجهله المانیانک بودوری کندی تمامی استقلالی
 دوری اولیوب بلکه بر قاچ عصر د نبری اولکانک
 نصغه قریب مقدارینی ضبط و کندیلرینی بیزار
 ایدن رومالورک انقراضی دوری اولدیغندن بو کره
 تشکل ایدن المانیاهیتنه قطعاً متشکل بر هیئت
 نظریله باقغه دخی محل بو قدر . چونکه تفصیل
 کیفیت فرانسه تاریخنده کو ستراش اولدیغی وجهله
 رومالوردن صکره دخی سالیهن فرانقلری المانیایی
 استیلاری الته المشلردر .

واقعا اشبو سالیهن فرانقلری دیدیکمز جماعت
 ینه فر انق قومندن و بناء علیه جرمن ملتیندن
 بر خلقدر . انجق بو خلق شمدیکی المانیانک اساسنی
 قورهش اولیوب بلکه شمدیکی فرانسه نک اساسنی
 قورهش بر جماعت اولدیغندن بونلرک تمام رومادن
 صکره تشکل ایتکه باشلامش اولان المانیایی ضبط
 ایدیشلرینی ینه بر جرمن و المان استیلایی نظریله
 محاکمه ایتکه امکان بو قدر . بنا برین المانیانک

اشبور فر انقلرایله متحد بولندقلری مدتی دخی المان
تاریخنک مقدمه سی مقامنده بولنان برنجی بابه
بر فصل مخصوص ایچنده ذکر ایتک لازم کیشدر .

- در دنجی فصل -

﴿ فر انقلرک تساطیله قار لوونیرثیه نلر زمانی ﴾

عن ۴۸۱ الی ۹۱۱

- تفصیل - بو بابه خبرویره جگمز خصوصات
فر انسه تاریخنک شو مدت ظرفنده کی احوالنه
المانیا طرفندن ایدامش بر نظر دیمک اوله جغندن
بو فصلاک مطالعه سی اشناسنده فر انسه تاریخنه دخی
(عن ص ۴۳ الی ۱۲۹) بر نظر عطف ایتک
بوراده مختصراً ویر یله جک معلوماتک تفصیلاتنی
اتمام ایدر .

المانلرک سالیهن فر انقلری طرفندن ایلاک
مغلوب اید یایشلری مروونیرثیهن بر نسلرندن
قلوونیک ۴۹۶ سنه سننده توالیان محاربه سی
قازاندیغی زمان وقوع بولمشدر . انجق بوزمانکی

مغلوبیت یا لکز آلمان دنیلان قومک مغلوبیتی اولوب
 یوقسه جرمنلرک سائر اقوامی هنوز کنسیدیلرینه
 مخصوص اولان ایلك اجتماعی تشکیل ایتکده ایدیلر.
 فرانسه اولکاسی بر کره قلووینک و بر کره دخی
 قلو ترک اوغلاری میانده تقسیمه قوندیغی اثناده
 آلمانلر دخی وارثلرک حصه لرینه اصابت ایتکده
 فرانسه نک سائر خلقیله برابر اولوب جرمانیانک سائر
 اقوامی بو هم جنسلرینی قور تارمق و کندی دایره
 استقلالرینی توسیع ایتک دکل حتی کنسیدیلرینی
 دخی فرانسه نک ید استیلا سندن قور تارمغه موفق
 اوله مز ل ایدی .

مر و ونیریه ن پرنسلری چوجق او یونجیغی
 مثابه سنده قابوب ده قار او ونیریه ن خاندانی کرک
 رسماً قرالقرینی طائمه دن مقدم و کرک طائمه دن
 صکره فرانسه المانیا ایچنه طوغری توسیع حدوده
 باشلا قدده ا کرچه جرمنلر مدافعه لازمه ده
 قصور ایتما مشلروهله فریزون قومی ۷۷۲
 سنه سندن ۸۰۴ سنه سنه قدر شارلمان کبی بر جهانگیره

في مقاومته ثبات كوستروب حتى فرانقري صده٦
 يد، ايله صار صمشلر ايسه ده ياني باشلرنده استعداد
 عيسى قدر بيويه جك اولان بويله عظيم بر ملت
 ز دور استيلاسنده ايكن كندی استقلاللريني ميدانه
 سارمغه بر درلو موفق اوله ميه رق انجام كار
 لمانك اداره سي التنه كير مشلردر .

مع هذا المانيا الولك بوصورتله شارلمان استيلاسي
 يرمش اوللرنده اوچ وجهله كارلري اولدى كه
 بوصور تشه تمتع اولسه ايدى مؤخرأ المانيا
 پراطورلغتك اول قدر شـ عشه ايله تشكلي تمتع
 ز ايدسه بيله مطلقا زياده سيله تأخر ايدرايدى .
 بوصور تشـ دن بريسي شارلمانك عالمه قارشو
 ما ايمپراطورلغندن ماعددا بر غرب ايمپراطورلغنى
 قورمق ممكن اوله جغنى كوستر مسيدر . زيرا
 زمان روما يلردن ماعددا هر قومه بار بار نظريه
 لوب جهله سي بونام التندـ ذكر ايدلديكندن اكر
 دن روما ايمپراطورلغنى قانقار ايسه مدنيت قالمش
 جغنى كبي اوزمانلر مدنيتك منعمى اولق اوزره

هنوز تشکل ایتمکده بولنان خرسیتیانلغک دخی انتشاردن
 قاله جنجی ظن اولنور ایدی . شارلمان ایسه کندیبی
 بر بار بار قومدن کلش اولدیغی حالده هم مدنیتی
 همده خرسیتیانلغی اقوام و حشیه مذکوریه
 طانتدیروب بو صورتله رومانک انقراضندن هیچ بر
 ضرر کورلمد کدن فضله بلکه انلرک سفاهت رذیلانه .
 سنک منعی کبی فائده دخی کورلمش اولدی .

صور ثبته نک ایکنجیبی فرانکلرک المانیایه
 کتوردکاری اصالت ودره بکیلیکی صورتیدر .
 واقعا جرمنلرک اوتهدنبری کندی بینلرنده دخی اصالت
 وریاست حیثیتلری وار ایدی . انجق شارلمان
 اراضی بی بو اصلزاده لره تفویض وتوجیه و امر
 اعمارینی کندیلرینه احاله ایلدیکندن اصل ملک
 صاحبی بونلر اولوب خلق بونلرک قومانداسی التده
 چیققیلاک ایدر اولدیلر . اک صکره یعنی اعصار
 اخیره ایچنده بو صورتده کی مال صاحبلاکنک پک بیوک
 ضرر لری کورلمش ایسه ده بو ضرر لر صکره دن
 ظهور ایدن سوء استعماللردن نشأت ایدوب یوقسه

ابتدای تأسیسده هنوز پراکنده‌لک فکری قفالزندن
 چیقمامش اولان خلقی کنسدی بکلرینه ربط ایتمک
 خصوصند، بیوک فائده‌سی کورلمشدر . حتی ده
 صکره‌لی قوتدن دو شمش اولان المانیا امپراطورلغنه
 دستگیر اولانلر ایشته بو ملک صاحبی بکلر اولدیغی
 دخی محارندن، کور یله جکدر .

صورتلر ننگ اوچنجیسی المانیا ممالکنده
 خرسیتیانلغک تأسیسدر . واقعاً ایلك صورتک ایچنه
 دخی اشبو خرسیتیانلق مسئله‌سی قالمش ای دیسه ده
 قاتیلان قسم یالکز خرسیتیانلغک علی العاده محافظه سندن
 عبارت اولوب المانیا ایچنده، یکیدن تأسیس ای دیلان
 خرسیتیانلق ایسه اولکای مذکور ایچون بشقه بر
 صورت منفعتی مستلزم اولمشدر . زیرا شارلمان
 یالکز المانیا خلقنی دینسز ایکن دینه کتورمکله
 قالمشدر . بلکه اوراده تأسیس ایلدیکی برچوق
 کلیسازه برچوق ده اراضی وقف ایدرک شو صورتله
 کلیسار هیئت مجتمعه‌سی و دین نصارایی دخی المانیانک
 توحید قوتنه اورتاق ایتمش صایلمشدر .

شارلماندن صکره اوغلی اوینی له دیونر برمدتجک
 اشو عظیم و جسم غرب ایمراتورانغی هیئت عمومی
 مجتعه سیله محافظه یده بیتمش ای دیسده مومی الیه
 ۸۱۷ سنه میلادی سنده ملکنی په پین ولوینی ولوتر
 نامنده او پچ نفر اولادی میاننده تقسیم ایدوب صکره
 شارل نامنده بر اوغلی دها دنیا یه کلنجه بونی ده حصه
 دارایتمک ایچون تکرار تقسیمه قالمشش و بوا یسه بابا ایله
 اوغللار اسنده شدید و مدید محار بهار وقوعه سمیت
 کوستر شدن .

ایندی بو تفرقه میاننده اوینی له دیونر قهرندن
 وفات ایتمکله او پچ نفر اوغلی ۸۴۳ سنه میلادی سنده
 وردون شهرنده بر معاهده عقد ایدرک او معاهده
 موجبجه غرب ایمراتورانغی لوترک عهده سنده قالمش
 ایسه ده قراللق عنوانیله اصل جرمانیا قرالغی دیگر
 قرنداشی ایکنجی لوتی به انتقال ایدرک ۸۷۶ تاریخنه
 قدر مومی الیه المانیانک استقلالنه بیانغی بر صورت
 ویرمشیدی .

مومی الیه ایکنجی لوتی به المانیا اولکانی اواق

اوزره و یریلان یررین نهرینه ک وصول ساحلی
 اوزرنده کائن محارایله فرانسه ایچنده مایانس وورم
 و سیر شهرلی و رینک اوتله طرفندن الب نهرینه قدر
 امتداد ایدن ممانک اولوب کندیسه سی دخی حدود
 شرقیه سنی اوستریا و مجارستان ایچنه قدر توسیع ایلمش
 واکرچه مؤخرأ مجارلر شرق طرفندن کلوب شمدی
 کندی ناملرینه منسوب اولان اولکایی ضبط ایلمش
 ایسه ده اوستریایی تشکیل ایدن یرلر المانیا حدودی
 ایچنده قالمش .

ایکنجی اوئی وفات ایلدیکی زمان برارلق
 المانیا مالکی لوی و قارومان و شارل نامنده اوچ
 نفر اولادی میانده تقسیمه قونیه رق ساقس و المانیا
 و باویرا نامیله اوچ حکومت مستقله میدانه کلسیدی .
 فقط ۸۸۲ سنه میلادیه سنده غرو لقبیله ملقب اولان
 شارل دیگر قرنداش لرینک وفاتیله المانیایی ینه بر
 اداره مستقله تنه المغه موفیق اولدقدن ماعدا
 فرانسه یی دخی ضم و الحاق ایدرک شارلمانک قورهش
 اولدیغی غرب ایمپراطور لغنی تکرار ایلمشیدی .

۸۸۷ سنه سنده المانیا بکری مومی ایله شارل غروبی
 خلع ایدرک و شمیدیکی اسو یچره نک المان قسمنی المانیانک
 هیئت عمومیہ سندن بانتفریق اورایه کنندی ایچلرندن
 قونت رودولفی حکمدار نصب ایلیه ریک اصل المانیا
 ایچون دخی قارلومانک ولد زناسی بولانان آرنولی
 قرال نصب و تعیین ایلش لردر .

واقعا المانیا سنیورلرینک شو حرکتی المان استقلالنک
 استحصال و اعلامی دیمک ایدی . لکن انتخاب
 ایلدکری قرالینه قارلو و نیرتیهن پرنس لرندن اولمغله
 تاریخ بوکا استقلال تام نظر یله باقه مز . المانیا اصل
 استقلالنی هر قوم ارنولک ۸۹۹ سنه سنده و قوع
 وفاتندن صکره یرینه کلان لوینک دخی هنوز صبی
 ایکن ۹۱۱ سنه سنده بلا و لدوفات ایتسنده استحصال
 ایلش و بو کیفیت بر وجه آتی ایکنجی بابی کشاده
 لزوم کوسترمشدر .

انجق مقدمه مقامنده اولان اش-بو برنجی بابک
 خلاصه الخلاصه سی میدانه چیقاریلور ایسه کوریلور
 که المانلر میلاددن بری کذران ایدن طقویوز سنه

و مانك نصفنى بقاى نوعيتلرينى كرك رو مالوزه و كرك
 فرانكلره قارشو مدافعه ده كچوروب نهايت فرانكلره
 مغلوب اولدوقدن صكره نصف ديكرينى دخى فرانسه
 مليتنگ بدایت تمكلمده دوچار اولديغى انقلابات
 جسميه سريعه اثناسنده اورادن اورايه آتلىق و قپانك
 النده قالمق ككى برصورت غير مستقرده امرار
 ايلشردر .

❖ باب ثانى ❖

❖ المانياك حصول استقلال ناميله ايمپراطورلك ❖

❖ بيوك فترته دوچار اولديغى زمانه قدر ❖

عن ۹۱۱ الى ۱۲۵۴

فصل اول

❖ فرانقونى خاندانيله ساقس خاندانك ايمپراطور ❖

❖ نيك قواعياً تأسسه قدر مندى ❖

عن ۹۱۱ الى ۹۶۲

- تفصيل - قونت و ساره عنوانيله المانياده

بیوک بیوک مانکاتلره مانک اولان سنیورلر قاراو
 ونیرثین خانداننک قوتلری ضعفه مبدل اولمش بوانان
 صوک پرنسلی آوان حکومتده نفوذلرینی وقوتلرینی
 آرتدیرمشلر و بیاغی المانیایی کندی الارینه آلمشلرایدی .
 بناء علیه چوجق لوتی وفات ایتد کدن صکره المانیایی
 فرانسه خاندانندن بسبتون آیرمق امر نده بوسنیورلر
 اتفاق ایدوب ایچلرندن بریسنی عموم المانیا قرالی
 وحتی ایمپراطوری نصب ایتمکه قالدیلر . بوبابده
 جریان ایدن مذاکره لر برچوق اختلافات ایچنده
 قالب اکثریت آراساقس دو قه سی اوتوننی انتخاب ایتمش
 ایدیه ده مومی الیا اختیارلغنی وسیله ایدینه رک تکلیف
 اولان حکمدارلغنی قبول ایتمامسیله و کندی تبعه سی دیمک
 اولان ساقسونلره فرانقونی دو قه سی قوزادی توصیه
 ایتسیله ذاتاً فرانقو خلقی دخی بواملده بولندیغندن
 ۹۱۱ سنه سنده برنجیلاک عنوانیله مومی الیه قوزاد
 المانیا قرالغنه انتخاب اولمشدر .

ایشته المانیانک اصل استقلال تامی بوتار یخدن
 یاشلامش ایسه ده بعض سنیورلر قوزادک انتخابنه

اعتراضه از جمله ساقس دوقه سی اوتونک اوغلی
 هازی قوزاده اطاعت ایتمامکه قالمش و اوزرینه
 عسکر چکایکی زمان مقابله و مقاومه دخی جسارت
 ایلمشدر . قوزاد غرونا نام حصاره تحصن ایتمش
 اولان هازی بی محاصره و تضییقه باشلادوقده محوینه
 قدر وارمغه رفق قالمش ای دیسه ده مومی الیه هازی
 ذاتاً المانیایه پارمق صوقغه تشنه اولان فرانسه
 ایله اتفاق ایلمش اولدیغندن قوزاد بر طرفدن ساقسون
 و دیگر طرفدن فرانسز عسکری کبی ایکی بیوک
 اردویه بردن مقاومت ایده میدرک محاصره بی فسخ
 ایلدی و بو محاربه نك نتیجه سی ساقسونلرک کندیلرینی
 المانیادن آیرملرینه منجر اولدی .

حالبوکه صوآب سنیورلری دخی ساقسونلردن
 مشال الهرق بر طرفدن قوزادک قرالغنی طایماغه
 قالمش اولملریله بونلر اوزرینه آچدیغی محاربه ده
 قوزاد موفق اولهرق ارقانجر و برتواد نام ایکی
 سنیوری در دست ایتمش و ۹۱۷ تاریخنده بونلرک
 عبرة للسائرین قفالرینی کسمشدر . آندن صکره

هر قوم ایکی مقتولک غیرتنی کودمش اولان باویرا
 دو قه سی آرنول اوزرینه دخی واروب بوز مسیله
 آرنول مجارستانه قاچدیغندن و مؤخرأ برچوق مجار
 عسکر یله المانیا اوزرینه هجوم ایلدیکندن قونراد
 یوکره دخی غالب چیقمش و فقط ایکنجی دفعه سنده
 مجارلر غایت غلبه لک کله رک باویرایی صو آبی فلانی
 کچوب تا الزاس و لورنه قدر راست کلدکری بلادی
 اورمش و یغما ایتش کچمش اولسیله قونراد بونلرک
 اوزرینه دخی مقدار کافی عسکرله یتشمکن کیرو
 قالمش ایسه ده ۹۱۸ کانون اولنک یکر می اوچنجی
 کونی جنکده مجروحاً وفات ایتکله غلبه یه وقت
 بوله مامشدر .

اگر قونرادک قرالغنی عموم دو قله قونتلر سنیورلر
 قبول ایتش اولسه ایدی المانیانک شو ایلاک استقلالنده
 برطاق بیهوده ایشلرایله اسراف قوت ایتیه جکی درکار
 ایدی زیرا قونرادک درایت و کفایتندن هر کونه خدمت
 مأمول و منتظر ایدی . ینه بودرایت و کفایتی ثمره سی
 دکلیدر که مجروحاً وفات ایدر ایکن ساقس دو قه سی

اوتونك اوغلى هازى « دشمنمدر اما بندين صكره
المانيايه قرال اوله بيله جك انجق او اولديغنى اعتراف
ايدرم . مجارلك شو آقيلرى اثناسنده انلره مقاومت
ايده جك هازيدن بشقه كيمسه مز يوقدر . وفاتمدن
صكره آنى قرال انتخاب ايديكز » ديه وصيت
ايلشدر .

مومى اليهك وصيتى يرينه كتورلدى . ۹۱۹ ده
هازى برنجيلاك عنوانيله قرال انتخاب اولندى وبوصورتله
المانيا ايچون ساقس خاندان قرالى و ايمپراطوريسى
تشكيل ايداش اولدى .

مجارلك بارقه بلا كى بغته المانيايى هرج و مرج
ايتسى و جنكاور قوزادك دخى مجروحاً وفات ايلسى
هر طرفده فرصت ادا مقده بولنان طمع اربابى المانيا
اوزرينه جراً تلنديرمش و بناء عليه و اندال و دانوواز
و مجار و سائر قوملر اللرنده يالين قليج المانيا ايچنه
كيرمش ايدى . مكر مقتول جنكاور قوزادك هازى بي
انتخابى پك بجا ايمش . زيرا مومى اليه شجاعت
وفيره اصحابندن اولوب قرالغه انتخاب اولندقدن

وعموم المانیا قوهٔ حریدہ سنہ ایستدیکی کبی بر نظام
ویرد کردن صکره اولاً برانده بورغ اوزرینہ
یوریبوب واندال قومنه قیش اورتہ سندنہ بر اعلا
قلیح آتیش و پک چوق چنکچینرینی بحر بالطفہ
دو کشدن .

بو موفقیتی تعقیباً الپ نہری سواحلنی یغماہ
ککش اولان دانووازلر اوزرینہ دخی اویله بر هجوم
ایلدی کہ حریفلری چیل یاورسی کبی طاغندی .
متوفاقونزاددن انتقامنی الہمامش اولان باویرا
دوقہسی آرنول حالا المانیا ایله اوغراشمقدہ بولمسیله
اوچنجی درجہ ده اولہرق ہانری انک اوزرینہ دخی
چوالانوب اردوسنی تار ومار ایلدی . بر طرفدن
دالماج واسقلاوون و بوہم قوملری دخی المانیا علیہنہ
یلتنکہ اولمسیله درنجی درجہ ده اولہرق انلرک
اوزرینہ ده یوریبوب جملہ سنی آمانہ دوشوردی
بشجی درجہ ده اولمق اوزرہ فرانسه اوزرینہ
صالدیرارق و فرانسه قرالی شارل لوسپلی آمانہ
دوشورہ رک لورن ایالتنی ضبط ایلدی . انی متعاقباً

المانيانك اصل خصم قويسى بولنان مجارلر اوزرينه
 دخی او يله بر هجوم کوستردی که مر سبورغ جوارنده
 سکسان بيک مجارک برر برر قفاسنی کسمشدر . اصل
 شایان دوت و تسمین اولان جهت بو قدر غلبه اتک
 بر بچق سنه قدر زمان ایچنده - صوله کلسيدر .
 زير اجمارلر اوزرينه قزانيلان بو غايبیت عظيمه ميلادک
 ۹۲۰ سنه سنده وقوع بولوق اوزره مقيددر .

ایشته المانيانک کافه خصماسنی بو صورتله قهر
 و تشکیل ایلد کدن صکره برنجی هازی بقیه مدت
 حیاتی هنوز لایقيله تمدن ایتماش اولان المانلرک
 تنظیم احواله صرف ایدوب بوجک شهرلردن
 محروم اولان المانیا به بيوک بيوک شهرلر و قصبه لر یايدی .
 بر چوقلرينک اطرافنه قلعه لر انشا ایلدی . بر نوع
 ملت عسکری تشکيليله قومانداسنی عموم المانیا قرالی
 یاخون ایمپراطوری اوله جق بذواته احاله ایلدی .
 سینورلر حقنده بر قاتون قو یوب بونلرک وظیفه لرینی
 درجه استقلاللرینی تعیین ایتدی . الحاصل جمهور
 مورخينک بالاتفاق حکم ایدیشلرینه کوره موعی

الیہ اوروپانک الکیسوک حکمدارلندن اولدیغنی
 تاریخه دخی طانتدی وایشته شو خدمتی ثمره سیله
 عموم المانیا سنیورلری ساقس خاندانی قرال وایمپرتور
 خاندانی اولق اوزره قبول ایدوب دها کندی
 صاغاننده ایکن اوغلنی ولی عهد طانیدیلرو ۹۱۹
 تاریخنده برنجی هازینک وفاتی و قوعبولدیغنی
 زمان اوغلی اوتونی برنجیلک عنوانیله مقام قرالی یه
 دعوت ایلدیله .

حالبو که مومی الیه اوتون یالکن برنجیلک عنوانیله
 قالیوب بیوکک عنوانی دخی المق ولمان ملتی بردها
 غیب اولماق اوزره میدانه چیقارمغه موفق اولق
 طالع ونصیبیله مقام حکومته کاشیدی . بناء علیه
 مدت حکومتده داخل و خارجانه قدر مشاغل حریبه
 یاش کوسترمش ایدیسه جمله سنده موفق چیقمشدر .
 شویله که :

الک اول آچیلان محاربه بوهمیا دوقه سی اولوب
 هنوز خرسستیانلغی قبول ایتماش بولنان پواسلاس
 علیهنه درکه تمام اون درت سنه دوام ایاش وانجام

کار مر قومی آمانه دوشوره رك آیین جدید نصاری
دخی قبول ایتدیر عشدر . بونی متعاقب باویرا
دوقه سی معهود ارنولک اوغلی دخی بابایی کبی المانیا
قرالغنی طانیامغه قیام ایلش و بو بولده فرانسونی
دوقه سی ابر هاردی دخی کندیسنه اویدیرمش
اولدیغندن بیوک اوتون بونلره حدینی ییلدیروب ابر
هارد بعد انغلوبیه فرانسه نك تشویق و اعانه سیله
ینه عصیان ایلدیکی جهتله بو کره میدان محاربه ده
ققاسی کسلشدر . کذلک کندی ریاست قرالیه سنی
طانیامغه قالمش اولان اورن و صواب دوقه لری دخی
تربیه لازمه لرینی کورمشلر ایدی . بوندن صکره قلیجینی
المانیا نك خارجی دشمنلری اوزرینه چکوب اولان انیمارقه
قرالی هارالدی مغلوب و خرسنیان آیینی قبوله مجبور
ایلدی و اندن صکره اودر و سپره نهرلری بوینه
یرلشمش و المانیا حکومتی طانیامغه بولنش اولان
سلاو قبیله لری اوزرینه واروب جمله سنی مغلوب
ایدرك مملکتلرینی ساقسونیای شرقی نامیله باشلوجه
یردوقه لق صورتنه افراغ و دوقه لغی دخی خدمت

مہرورہ سنی کورمیش اولدیغی جنرال ہرمان بیلونف
عہدہ سنہ تفویض ایتدی .

اوتونک المانیا نامنی اعلاہیہ اک زیادہ یاردم ایدن
خدمتی ۹۵۱ سنہ میلادیہ سنہ آلب طاغلیرینی
آشوب ایتالیا ایجنہ کیرمسیدر . چونکہ اورلرہ
برانجہ نام برسنیور خروج ایدرک خلقی بیزار ایلمکہ
باشلادیغی جہتلہ ایتالیا نلر مومی الیہ اوتوندن
استمداد ایلمش ایتدی . ایتدی اوتون ایتالیا طرفلرندہ
لومبار دیا لولری کاملا پریشان ایدرک صوک لومبار دیا
قرالی بوانان اوترک زوجہ سی آدہ لایدی تزوج
ویاوی شہرندہ لومبار دیا قرالغی تاجنی توج
ایلمشدر .

بوصورتلہ آدہ لایدی تزوج ایتسی اوتونک
اوغلی لودولفی دلکیر ایلمسیلہ مر قوم برطاقم سنیلری
دخی کندینہ اویدیرارق رفع لوای عصیان ایلمش
ایسہدہ تأدیب و تربیلری اوتونہ ہیج برکونہ
مشکلات کوسترہ مامشدر . حتی انلری تأدیب
ایتمکله برابرینہ المانیایی تعجیزہ باشلایان مجارلر اوزرینہ

دخی شدیداً بر هجوم کوسستروب ۹۵۵ تاریخندہ
 اوغسبورغ طرفلرنده مجارلری عموماً قتل عام ایتک
 درجه سنده مغلوب ایلمش و بعدما المانیا ایمپراطورلغنه
 اصلاً تعرض ایتیه جکارینه دائریمین ایتک صورتیله
 مجارملتی بقای ملیتلرینی کوچ حال ایله محافظه
 ایده بیلشدر .

ایتالیا صاحب خروجی سالف الذکر برانجه
 اوتونک المانیا ایچلرنده کی مشاغل حریره سنی وسیله
 آنخاذا ایدک تکرار عصیان ایتسیله اوتون ۹۶۱
 سند سنده تکرار آپ طاغیرینی آشه رق برانجه یی
 تدمیر ایلدکن ماعدایته اوسنه میلان شهرنده عموم
 ایتالیا قرالمغی تاجنی دخی سرابتهاجنه قویمش وهله
 ۹۶۲ سنه سی بباطنک ایکنجی کونی روماده
 پاپا بونسان اون ایکنجی ژان غرب ایمپراطورلغی
 تاجنی دخی وتونک باشنه کیدر مشدرکه اوزمانه
 قدر بو تاج ایتالیا وفرانسه والمانیا قراللری میاننده
 منازع فیه ایکن بعد ازان یالکز المانیا یه مخصوص
 قالش وغرب ایمپراطورلغنک اسمی دخی « المانیا

ملتنک رومای غربی ایپراطورلغی « او ایشدر .
 ایسته بوشرف المانیا ایچون اوتونک نامنی ابدی
 قله جق شرفلردن اولمش وحتی اغلب تاریخیلمرده
 شو تجدد المانیا ایچون بر دور جدید، فاصله اتخاذ
 اولنمش ایدوکنندن یزدخی المانیانک کندی استقلانی
 استحصالی ایلدیکی زماندن بوعظیم ایپراطورلغی
 قوردیغی زمانه قدر کدران ایدن وقتی بر دور اعتبار یله
 بوفصلده درج ایدرک ایپراطورلق عصری ایچون
 دخی بروجه آتی ادوار سائره بی کشاد ایلدک .

- ایکنجی فصل -

﴿ المانیا ایپراطورلغنیک قطعیا تشکیلیله ﴾

﴿ ساقسونیا خانداننک بقیه مدتی ﴾

عن ۹۶۳ الی ۱۰۲۴

- تفصیل - عموم ایتالیا و المانیانک اتحادیله
 عادتاشارلمانک غرب ایپراطورلغنه مانند برعظیم
 ایپراطورلق وجوده کتوردکن صکره بیوک
 اوتون اون برسنه قدر دها معمر اولوب اگرچه

بومدت طرفنده دخي محاربات متواليدن باش
 قالديره مامش واز جمله سالف الذکر پاپا اون ايکنجی
 ژان ايله ارالری بوزوله رق انی خلع ويرينه انتخاب
 اولنان سکرنجی اون دخي وفات ایلد کدن صکره
 اون اوچنجی ژانی انتخاب ایلدیکی مناسبيله پاپاس
 کروهی متفر اوامش و بناء عليه اوتون پاپایی محافظه
 ایچون تکرار ایپ طاغیرینی کچهرک ایتالیاده برخیلی
 محاربه لر ایتدیکی کبی استانبول روم ایمپراطورلغی
 پرنسسلرندن توفانی بی اوغلنه المق ایستدیکی حالده
 رد ایلدلسندن طولایی شرق روملریله دخي منازعه
 و مجادله یه طوتشمش ایسه ده بومسائلک کافه سنده
 معظمریت کندیسنده قابوب ۹۷۳ سنه سنده وفات
 ایلدیکی زمان شرف جههانگیرانه ايله وفات ایتدکده
 بولندیغنه کندیسی دخي قانع اولمشدر .

اوتونک وفاتندن صکره یرینه ایمپراطور اولان
 اوغلی ایکنجی اوتون باویر الور و دانیمارقه اولر
 و بوهمیالور و لهلول ايله محاربه ایدرک بونلرک
 جمله سنه حدینی ییلدیرمیجه و المانیا ایمپراطورلغنک

شوکت حکمکارانه سنی طانتدیر منبجه راحت
 یوله ما شیدی . حالبو که اندن صکره دخی زمانی
 حر بسز کچمدی . فرانسه قرالی اوتراوتونک
 شو مشغول تلرینی غنیمت بیله رک اولجه فرانسه دن
 ضبط ایداش بولنان اورن ایاتنی استردادده قیام
 ایلدی . لکن اوتون وار قوتیله فرانسه ایچنه
 طالب تاپارس جوارینه قدر یورویه رک حتی
 بر محله سنی ده احراق ایتمکله فرانسه اورندن قطعاً
 کف ید ایتمکله مجبور اولمشدر .

بر طرفدن دخی قره سانس نام کیسه نک اثر
 القاتی اولق اوزره ایتالیا طرفلی قارشتمده
 اولوب شرق ایمپراطورلغنه تابع اولان روملرایسه
 ایتالیا جهتدن المانیا ایمپراطورلغنه التحاق ایدن
 بعض محلاری استردا دایدرلرایدی . ایکنجی
 اوتون آپ طاغلرینی آشه رق ایتالیا یه کیردی وکافه
 دشمنلرینه حدینی بیلدیردی ایسه ده روملر اوزمان
 سچلیا جزیره سنده بولنان اهل اسلامه بالاتفاق

بر هجوم دها کوسترمش اولدقلرندن بوهجوم المانی
ایمپراطورینی رجعتیه مجبور ایلمشدر .

المانی - نیورلری رومله عر بلردن بو انتقامی
چیقارمق ایچون ایکنجی اوتونه برعظیم اردو تدارک
ایتمکد. ایدیلر . فقط بو اراق ۹۸۳ سنه سنده
اوتون وفات ایتمکله برابر شمال و شرق طرفلرنده
بولنان سلاوردخی شد. تلی برعصیان کوسترمش
اولدقلرندن ایکنجی اوتونک وفاتنده المانی
ایمپراطورلغی بر صلح و آسایش ایچنده دکل ایدی .
یا خصوص یرینه ایمیرا غور اولان اوغلی اوچنجی
اوتون هنوز صبی بولندیغی کبی وصیسی بولنان
باویرا دوقه سی هاری دخی مملکتک محافظه سی
اسبابنی دوشونه جت ایکن صبینک تاج ایمپراطور یسنی
کندیسی قامغه قالمغله بعض حیت کاران و کلا
مر قومی وصیلر کدن عزل و برقاچ کشی بردن بو خدمتی
در عهده ایلمشدر .

ایشته ایمپراطور نوزاد تا اون بش یاشنه قدم
نهاد اولنجیه قدر بو هیئت وصایه دائما صلح پرورانه

حرکت لرایه خصمی آو تمشل در که امپراطور سن
 بلوغه ایردیکی زمان ایتالیا ده سالف الذکر صاحب
 خروج قره سانس قوتنی درجه نهاییه یه قدر
 ارتدیر مشیدی . واقعا کنج امپراطور ایتالیا به
 مرور ایلمد کده صاحب خروج مر قومی مغلوب
 وقفاسنی کسه رك قاریسنی استفراش ایلمشدر .
 مکر اول آشفته بی رحم کنج عاشقنه انتقامنی
 باغشلامیوب ۱۰۰۲ تاریخنده بیچاره چوجنی تسمیم
 ایتدی که بوغدارلق عموم المانیا ایچون تأسفی موجب
 اولدی .

من بوره نك شو حرکت غدارانه سی یالکز
 او چنجی او تونك و صیسی و عمیسی اولوب باویرا
 دوقه سی بولنان هانری یه بر خدمت دیمك اولدی .
 زیر اساقس خاندانك ارتق وارث ذ کوری قالماشن
 بولمق حسبیله حق وراثت مر قومه انتقال ایدرك
 املی وجهله امپراطور اولمشیدی . واقعا كرك
 المانیا و كرك ایتالیا سننیورلی کنندیسنی اصلا
 سومد کلرندن هر بری کنندی باشلرینه مستقل قالمق

ايچون طرف طرف عصيانلره قيام ايتمش ايسه ده هازري پاپالي مقاميله غايت كوزل كچنديكنه وپك زياده ديندارلق كوستروب هر طرفه انشا ايتديديكي مناسترلره وكليساره وقف ايلديكي اراضى و اوقاف سائر ايله افكار عموميه بي كندى لهنده قزاقش اولديغنه ميني هر هانكي طرفد بردشمني ظهور ايتش ايسه باشنى ازمكه موفق اولمشدر .
 حتى قاتوليك كليساسى قرال مومى الپى اوليالر هنرله سنه نه چيقتار مشدر . ميلادك ١٠٢٤ سنه سنده وفات ايلديكي زمان ارتق ساقس خاندانندن وارث ذكور قالممغه ايمپراطورلق ينه فراتقونى خانداننه انتقال ايلش و كيفيت بوجه آتى او چنجى فصلده ايضاح و تفصيل قلمشدر .

- او چنجى فصل -

﴿ فراتقونى خاندانك مدت حكومتى ﴾

عن ١٠٢٤ الى ١١٢٥

- تفصيل - هازرينك وفاتندن صكره المانيا

و غرب امپراطور لغنه دعوت ایداش اولان ایکنجی
 قوزاد ذاتاً فرانقونی دوقه سی اولدیغی و حالبوکه
 ساقس خاندانک بر از اوز و نجه مدت مقام حکمرانیده
 بولمسی بو خاندانه منسوب اولان پرنس لر نظر نده
 المانیانک کندی ملک موروثلری اولق کبی بر حکم
 پیدا ایلدیکی جهتله بو کره بر فرانقونی دوقه سی یعنی
 کندی خاندانلرینک منسوبی دیمک اولان ذاتک عموم
 المانیا و ایالتیادن مرکب قوجه بر اولکایه حکمدار
 انتخابنی ساقس پرنس لری پک غریب کورمش و عادتاً
 قوزادی مقام حکومتدن طرد ایتمک ایچون سلاحه
 دخی صاراش ایدیلر . قوزاد قوه عمومیه دولته
 بونلری تربیه یه مقتدر اولدقدن بشته بو فرصتی
 غنیمت آنقادیلر . معتاد المانیا علیه قیام ایدر مجازوله
 خلقنی دخی دائره اطاعته ادخال ایده بیلشدر .

میلادک ۱۰۳۲ سنه سنده فرانسه ایچنده کائن

بورغونیا دوقه سی اوچنجی رودونف بلا ولد بوانق
 حسیله ملکنی قوزاده ترک ایش اولدیغندن قوزاد

يوراسنى دخى المائيا ايمپراطور لغنه الحاق ايلش
 ايديسه ده اوزمانلر كرك نفس المائيا و كرك ايتاليا
 و بورغونيا سنيورلى نفوذلى بى آرتديروب ايمپراطورك
 رياست عمومى سنى بيانغى طائىماق در جهل بى بولش
 اولد قلندن و قوزاد ثانى بونلرى وظيفه لى داخلى
 ارجاع ايتمكه نه قدر چالشمش ايسه ده لايقيه موفق
 اوله مديغندن كرك بورغونيا جه و كرك ايتاليا جه كندى
 نفوذ ايمپراطورانه سى يك ضعيف بر حالده دوام
 ايلشدر .

مومى اليهك ١٠٣٩ سنه سنده وقوع و فائيله
 يرينه كچن او غلى او چنجى هازرى غايت جرى
 و جنكاور بر آدم اولوب ١٠٤٢ سنه سنده بو هميا اولز
 و ١٠٤٣ سنه سنده دخى مجارلر اوزرينه نائل اولديغى
 غلباتده اوله هر تجدد حكومتده ايا قلنان بورذيلاره
 حدلر بى ييلد يرمش اولديغى كچى بر حال شورش
 ايجنده بولنان ايتاليايه مرور ايلديكى زمان دخى پاپا
 التججى غره غواري عزل و يرينه صره سيله او چ نفر
 المان پاپا نصب ايتك منلاو هر كسك يابه ميه جنى

ایشلری یامش ایسه ده بودرجه تیمور پنجه لیکله برابر
نفوذلی آرتد قجه ارتمقده بولنان سنورلرک نفوذینه
بر حد چکمهکه موفق اوله مامشدر .

۱۰۵۶ سنه سنده بونکده او قوع وفاتيله یرینه
کچن اوغلی دردنجی هازی هنوز التی یاشنده بر صبی
اوندیغی حالده مقعد حکمرانی اوزرینه اوتورمش
و عیجه لری بولنان ساقس دوقه سیله باویرادوقه سی
حق و صایتی والده سنه بر اقیوب کندیلری ضبط
ایلمش ایدی . بوایکی وصینک کندیلرنجه چویرمهکه
چاشدقلری بر چوق انتریغهلر در بکلرینک نفوذلرینی
ارتدیرمقدن بشقه بر شیئه یاردم-یوب هله هازی رابع
سن بلوغه تقرب ایلدیکی زمان ایلروده دخی مومی
الیهی کندی تحکمرندن قورتارمغه چاشدیلر ایسه ده
هازی اثبات رشد ایتمکی متعاقب بونلری طرد و حتی
هر قوملر طرفندن کوستریلان سببیه مبنی اوزرینه
عسکر سو قیله محار به یه ده قیام ایلمشدر . بو محار به ده
نائل ظفر اولدیغی کبی ۱۰۷۳ سنه سنده عصیان
ایدن ساقسونلری دخی تربیه یه مقتدر اولمشدر .

بوکنج حکمدار پک سفیه مشرب بر آدم چيقوب
 پاپا طرفيله دخي خوش کچنه ميه رك دائما کليسابي
 دلکير ايدہ جک احوال و حرکاتده بولنديغندن پاپاسلرک
 اغواسيله ساقسونيا اولر بر دها عصيانہ جرأت ايلشدر
 ايسه ده هانزي بوکره دخي غالب کاش و بعده رومايه
 کيدرک پاپا يدنجي غره غواری محقرأ عزل و خلع
 ايلشدر . (١٠٧٦) هانزينک پاپا ايله خوش
 کچنه مامسي يالکز بر مناسبت ذاتيه دن عبارت اوليوب
 ايشک ايچنده برده غرض مادي وار ايدى که بوراده
 مسکوت عنه کچامسي جائز دکلدر .
 شويله که :

تا شارلمان زمانندن بدأ ايله تسنين اخيره يه
 کلنجه يه قدر بر طاقم پرنسـلر بر چوق اراضى بي
 کليساـره وقف ايدرک حال بوکه اوزمانلر المناسياده
 بر رچفتلاک قدر دکل بر قضا ولوا و بلکه ايالت قدر
 مالکانه لرى انجق دره بکيلکي اصوليله تفويض
 ايتمکدن بشقه بر اصول احاله اولنديغندن بر محلت
 آرشه وقى و يا خود او هق و يا عادي دسپوتى او محلتک

دره بکی دخی صاییلورایدی . روماده سن پطرسک
تحتنده اوتوران پاپاز جنابلری قوتلرینی درجه کلاه
قدرارتدیردقدن صکره پاپاس کروهنک برده دره بکی
صفتیله المانیا ایمپراطورلرینه تابع اولسنی کندی
منفعتلرینه موافق کوره میهرک بونلره ایمپراطورلرک
اصلا مداخله ایتماسنی و کلیسا اوقافی اوله رق نه قدر
مالکانه وارایسه جمله سنک حاصلاتندن مصارف
محلیه بی بعدالتنزیل قصورینک خرسستیانلق عالمنجه
عمومی برپای تخت معنوی اتخاذاولنسان رومایه
(یعنی پاپارک خزینه سنه) کلمی لازم کله جکی
ادعا ایلدیله . بو ادعانک ایسه ایمپراطورله خوش
کورنیه جکی درکار اولدیغندن و باخصوص دردنجی
هانری پاپانک بوتکلیفی شدیداً رد ایدیکنندن پاپا
دخی ذاتاً ایمپراطورلقدن نا خوشنود اوله رق کندی
استقلال تاملرینی آرامقده بولنان قونت کبی دوق کبی
بیوک دره بکیلرینی بالتشویق یوقاروده خبروریلان
عصیانی میدانه چیقارمشدر .

واقعا هانری عصیان مذکورى باصـدیر مغه

وپایا یدنجی غره غواری دخی خلع ایتمکه موفق
 اوئش ایسه ده ایشی اساسندن قطع ایتمکه مقتدر
 اوله ماعتدر . چونکه ایمپراطورک بو اعتراضندن
 دره بکیلی « ایمپراطور یوآش مالکانه
 اصوائی الغا ایده جک ده بتون المانیایی کندیسنه
 ملک ایدینه جک » فکرینه دوشمش اولسیله ارقسی
 سنه عمو ماسنیورلر سلاحه صاریله رق قوجه هانری بی
 رومایه کتوروب غره غوارک ایاقلرینی اوپدیرمکه
 موفق اولدیله . ایمپراطورک بو ذلتی اوزرینه
 المانیایر نسلری ارتق کندیسنه مخلوع نظریله
 باقرق یرینه زودولف نامنده بشقه پر ایمپراطور
 نصب ایتمشرا یسه ده او مباردیانولر هانرییه اطاعتدن
 کیر و چکلدی کلری جهتله هانری بو نلرک انضمام
 معاونتیه کرک پاییه و کرک المانیاسنیورلرینه قارشو
 جنک ایدرک کیرت نامنده بر عادی پاپاسی دخی او چنجی
 قله مان عنوانیه پاپا اوزرینه پاپا نصب ایلمشدر .
 واقعا نورماندیای طرفندن پک کلیتی پاپا طرفدارلرینک
 عظیم براردو تشکیل ایدرک ایتالیا ایچنه کیردکلرینی

کورنجه ایتالیایی ترک ایتکه مجبور اولمشیدیسسه ده
 المانیایه وازدیغی زمان ساقسونلری وسائر ارباب
 عصیان برر اوروب اطاعت الته الدقندن صکره
 تزید ایلدیگی قوتیله تکرار کلوب ایتالیایی یته
 پنجه سی ایچنه الدی (۱۰۹۱) .

غریبدرکه کندی اوغلی قونز اددخی بو قاریشقی
 وقانلی محارباتده باباسنک خصم سیه بر لشوب باباسنه
 قارشو جنک ایدرایدی . بناء علیه هانری رابع
 حر قوم قونزادی قرالی اولدیغی رومانن عزل ایله
 رومایی ایکنجی اوغلی هانری به احاله ایلدیگی حالده
 اوده پدری علیهنه عصیان ایدنجه ارتق بیچاره
 امپراطور شاشیروب قالدی ویتاسی بر کره هانرینک
 اننه کنججه بردها قورتیله میوب ۱۱۰۶ سنه سنده
 هایانسنده قوریلان بر مجلس عمومی بیچاره بی خلع
 وحبس ایدوب برارالق محبسندن فراره موفق
 اولدیسسه یته اوسنه لیه زده وفات ایلشدر .

هانری رابعدن صکره برینه کچن اوغلی هانری
 ستاس مقام حکومت کور کلز یعنی دها پاپالق مقامی

طرفندن ايپراطور انغي تصديق اولتمسزین وادیء
 عصيانه صاپان له و مجاریاد کارلری و بونله انضمام
 ایدن فلامان سرکشلری اوزرینه جنکه مجبور اولمشیدی .
 زیرا تکرار تفصیلنه حاجت اولدیغی وجهله
 ایپراطور لایله سنیورلر اراسنده دوام ایدن منازعات
 هر قومه استقلال آرزوسنی ویردکن ماعدا سنه دن
 سنه یه تقویه دخی ایتمکده بولمشیدی . حتی شمدی یه
 قدر وقوع بولان بو کبی شورشلرده مظفریتلر همان
 علی الدوام ایپراطور لر طرفنده قالمده ایکن بو کره
 بشنجی هانری عادتاً ادبسنزلی تربیه دن دخی عاجز
 قالدی . بناء علیه رومایه کلوبده ایپراطور لوق
 تقدیسنی پایا ایکنجی پاسقالدن التماس ایلدکده پایا
 جنابلری بو عاجز ایپراطوری بیلدیکی کبی اویناتمق
 ایچون کلیسایه مربوط مالکانه له اصلا قارشیمه جغنی
 وعد و تأمین ایدر ایسه ایپراطور لغنی تقدیس
 ایلله جکی حقنده متکبرانله و متعظمانه بر شرط قویغله
 بشنجی هانری ذاتاً بو فکره سالک ایکن بو کره
 پایانه رغماً شرط مذکور ی قبول ایتمدی . بونک

اوزرینه طرفین بربرینه قارشوعسکر چکدرک غایت
خونریزانه جنکر ایلدیلرو ۱۱۱۲ تاریخنده پاسقال
اخذو گرفت اولنه رقی ایمرات-ورلغی زورایله
تقدیسه دعوت اولندیسه ده پاسقال بعض مواعید
ابلهفریبانه ایله یقاسنی قور تارمش وبعده هازی
غامسی آفوروزلیه رقی عموم المانیایی مومی الیه علیهنه
چنکه دعوت ایلش اولدیغندن المانیا سنیورلری
عموماً سلاحه صارادیلر .

بوصورتله باشلایان محاربه سنه لرحه دوام
ایدوب جدال اوزادقجه هازی دخی عننادینی
آرتدیر ایدی . نهایت رومایه غالبانه دخولیه
پاسقالی دفعه ثانیه ده عزل و خلع ایلش ویرینه کچن
ایکینجی ژولاس نام پایادخی کلیسنتک ادعاسنده اصرار
کوسترمکله هازی سکننجی قره غوآری پایالق
مقامنه اوتورتمشدر . الحاصل میلادک ۱۱۲۲
سنه سنده ایدی که ایمراطور ایله پایالق مقامی
مصالحه یه یاتیشه رقی کلیسارک امور روحانیه سنه
ویپاسلره ایمراطور قاریشه مامق و کلیسا املاکنک

دخی املاک ساثره کبی اداره سنه پاپالوق مقامی مداخله
ایده مامک صورتیله و وورم شهرنده بر معااهده
ایدلدی و معااهده مذ کوره بونجه سنه لک منازعاته
نهایت ویردی .

و وورم معااهده سنندن صکره هازری اوچ سنه ده
عمر اولوب ۱۱۲۵ تاریخنده وفاتی وقوع بولدوقده
حق حکومت صواب دوقه سی فره دربق اولمز ایسه
فرانقونی دوقه سی قونزاده انتقال ایتمک لازم کلور
ایکن سنیرلر بالعکس ساقس دوقه سی او تری ایکنجی
لوتر عنوانیله ایبراطوراق تختنه دعوت ایتملیله
ساف الذ کرایکی نفر محقر لوتر اوزرینه جنک
آچهرق شدید و مدید محاربه راه بر چوق قانلردو کش
و واقعا پاپانک و برده باویرا دوقه سنک معاوندیله لوتر
دائما مظفر چیقمش ایسه ده المانیایی اصلاحه مقتدر
اوله مدیغی کبی عمری دخی و فایتمیه رک ۱۱۳۷
تاریخنده اوده آخرته انتقال ایتمشدر . بناء علیه
یومدت فرانقونی خاندانک مدت حکومتته علاوه
اوانه میه جفی کبی اشاغیده دردنجی فصلده صورت

حکومتلری ذکر اولنه جق صواب یا خود هوهنستوفن
 خاندانی مدتدن دخی عد اولنه میوب بونک المانیایا
 تاریخچه بر کوچک فاصله عدی لازمه دندر .
 - در دنجی فصل -

﴿ صواب یا خود هوهنستوفن خاندانی ﴾

عن ۱۱۳۸ الی ۱۲۵۴

- تفصیل - هر بری بر ایالت قدر محله و ایچمه
 پر اردویه مالک اولمرندن ط-ولایی ذاتاً قوی عد
 اولنغه سزاوار ایکن بوقاروندن بری ذکر ایدیلان
 محاربات داخلیه ده قوتلرینی درجه کاله قدر
 آرتدیرمش اولان المانیایا سنورلری بر کره فرانقونی
 خاندانی یقادن آتدقدن صکره ارتق المانیانک حق
 حکومتی کنندی یذرنده ضبط ایله بعد ما ایمر اطورانغی
 انتخاب صورته بکندکاری آدمه تفویض ایتمکه
 یا شلامش لردر . ایشته بونلرک بوسور تله ایلاک
 دفعه اوله رق انتخاب ایلدکاری ذات صواب یا خود
 هوهنستوفن دیلان خانداندن اوچنجی قونراد

اولوب اگر چه بو انتخابه ساقس و باویرا دو قه سی
اعتراض ایلمش ایسه ده قوزاد بو اعتراضه سیفی
ایله مقابله لازمه دن کیروطور مامشدر .

اگر قوزاد مدت حکومتی المانیا ایچنده کچورمش
اولسه ایدی مملکته تنظیمات جدیده وضع ایده جکی
درایت و کفایتندن امید ایدیله بیلور ایدی . فقط
اوزمان قدس شریف طرفلرینه اسلام ایله
مچاربه یه کیدن اهل صلیب اردوسیه برابر کیلدوب
عودتند، دخی وفاتی و قوعبولدیغندن المانیا ایچون
یک بیوک بر خدمته موفق اوله مامشدر .

اندن صکره ایمپراطور انتخاب اولنان و ۱۱۵۲ دن
۱۱۹۰ سنه سنه قدر او توز سکن سنه
مدت بو عنوان عظمت نشانی طاشیان برنجی
فره دریق باربروس دخی مدت حکومتی همان دانما
المانیا نیک خارچنده کچورمشدر . زیر انیجه سنه لردنبرو
المانیا یه الحاق ایله برملت مغلوبه مثلاً اداره ایدیله
ککش اولان ایتالیا ممالکی ارتق استقلال تامنه نائلیت
عزم قویسیله سلاحه صاریلوب میدانه چیقمش

ایدی . برنجی فرہ دریق بو عاصیلرہ قارشوشدیده
مقاومده ثبات کوسترمش وحتی بر درجه یه قدر
خصمانی ازمکه دخی موفق اولمش ایسه ده ۱۱۶۰
تاریخنده پاپا اوچنجی الکساندر ایمپراطور مومی
الیهی نظر عمومیده چوروتوب قوتنی بو صورتله
قرمق ایچون آفوروز لامش و فی الحقیقه بو آفوروز
اوزینه اکثر متفقلمی کندیسندن یوزچویر مشدر .
هله ۱۱۷۶ تاریخنده پاپا جنابلی اکر ایمپراطور
کندی ایاغنه کلوبده اوپه رک طالب عفو و آمان
اولور ایسه آفوروزی قاندر اجغنی بیان ایتمسلیله
فرہ دریق بورذالتی قبوله مجبور اولمش و ۱۱۸۳
تاریخنده عقد ایدیلان قونستانس معاهده سی ایتالیایی
المانیادن آیرارق مستقلاً بر اداره قرالیه التنه
قومشدر . ۱۱۸۸ سنه سنه فرہ دریق بار بروس
مقدما دوچار اولدیغی آفوروزه مقابل خلقه بر حسن
خدمت کوسترمک ایچون یوزبیک نفر دن مرتب
براردو ایله اهل صلیب محاربه سنه کیتمش ایسه ده
اردوسی بر طاقم امراض مهلکه یه اوغرادینغندن

هیچ بر شئی موفقی اوله میه رق اناطولی ایچنده همان
کلیاً و فره در بق دخی معاهلاک او اشدر .

بو خاندانک او چنجی حکمداری بو نمان هاری
سادس المانیایه هیچ برایش کورمامکده ایکن اولکی
حکمدارلر درجه سنده ده قالیوب بونک بانعکس مضرتی
دخی کورلشدر . بر کره حکومتک او ائلی زوجه سی
قونستانسک سجلیاتین اوزرنده ارثاً قز اندیغی حق
حکومتی مدافعه یه صرف ایدوب اندن صکره دخی
المانیا ایمر اطور لغنی سنیورلرک انتخابی اصولندن
قورتاروب کندی فامیلیاسنه ارثاً انتقال ایتک اوزره
یکیدن تنظیمه قیام ایتکله بو امل خلق نظر نده یک
یوک نفر تله تلتی ایدلش و ۱۱۹۷ تاریخنده مرقوم
مسموما اعدام اولمشدر . بر بری آردی صره
انتخاب اولنان اوچ ایمر اطورک هپ المانیا ایچون
بر خدمتی کورلیان آدلردن ظهور ایتسی المانیا
سنیورلرینی صواب خاندانندن صوغوتغنه
باشلامش ایدبسه ده بو کره دخی بر قاچ سنیورلر
مسموم هازینک بر اداری ایللی انتخاب ایشلردر .

انجق سائر پر نسلر بو انتخابه اعتراض ایتمکله
ینه بر عظیم محاربهء داخلیه باش کوستروب فلیبه
۱۲۰۸ تاریخنده سوء قصد ایله مقتولاً وفات ایلش
و بناء علیه هم کندیسسی دردو بلادن قورتیلوب
همده المانیایی قورتارمشدر .

فلیب خلافکیرانک انتخاب عمومیسسه مقام
ایمپراطوری بده کلان اوتون واقعا درایت و کفایتی
یرنده و علوهمتی دکرنده بر آدم ایدیسسه ده فرانسه
ایله ایتدیکی بر محاربه ده یوزیکرمی بیک عسکر دن
مرتب اردوسنی بوزدیرمش اولدیغی کبی سائر
هر مسئلهء حربیه ده دخی بوزاش و ۱۲۱۸ سنه سنده
هارزبورغ حصارنده مسکینانه بر اولوم ایله وفات
ایلشدر .

بعد وفاته یرینه انتخاب اولنان ایکنجی فره در بق
اوائل حکومتده کندی انتخابنه اعتراض ایدن
بعض خصم انمدن اوزمان پایا بولنان اوچجی
اینوسانه التجا ایله اکر کندیسسی المانیاصندالی
ایمپراطور یسنده تأیید ایدر ایسه بقیه عمرینی

اراضی مقدسه ده اسلام علیه نه محاربه لاله امرار
ایده جگنی وعد ایلدیکندن اینوسان التماسی و املنی
اجرا ایتش ایسه ده فره در یق و عدنده خلف ایتسیله
پاپا طرفندن شدتلی بر آفوروزه دوچار اولمشیدی .
اگرچه ۱۲۲۸ سنه میلانیه سننده محاربه اهل
صلیبه کیدرک آفوروزک حکمندن قور تلمشدر .
شو قدر وار که ایمپراطور مومی الیه اسلامه سلاح
ایله غلبه ایده جگنه عادتا آلتون خزینه لریله غلبه
ایتمک صورتنه قانیشوب بعضی جزویات اموره موفق
اولمش ایسه ده بو دنائت خلقجه کندیسندن نفرتی
موجب اوله رق اورو پایه عودت ایلدکه حقوق
ارثیه سنندن طولایی حکمداری صایلدیغی بتون ایتالیا
کندیسنی سلاح ایله استقبال ایلش لر در . ۱۲۴۰
تاریخنده اومباردیانی مومی الیه اوزرینه قیام
ایتمکله فره در یق میلان شهرینی ضبط و کلیسارینی
یغما ایلدیکندن پایا بر ایکنجی آفوروزدها فرلامش
وعومی الهک اینپراطورنندن انخلاعی دخی اعلان
ایلش ایسه ده فره در یق محافظه حقوق امرنده

آیاق دیره بوب ۱۲۵۰ تاریخچنده کندی اولاد
زنانسندن منقرو آیدیله زهر ممانی نوش ایلدیکی زمان
حالاتاجنی باشندن چیقارماهشیدی .

پاپالقی مقامک اعلاتی اوزرینه فره دریق هنوز
بر حیات ایکن توریتق سنپوری هاری لوراسپون پاپا
واو طرفک غیرتکشلری اتخیایله ایمراطورالقی مقامنه
دعوت ایدلش ایسه ده بو دعوتدن ماده بر منفعت
حاصل اوله هامشدر . چونکه ایکنجی فره دریق
مقام ایمراطوریده بر منوال محرر ثابت قدم اولدقدن
بسته اوغلی دردنجی قوزراد دخی پاپانک و طرف
کیرانک خلاف سر ضیلری اوله رق مقام ایمراطورییه
کلوب حتی پاپا دردنجی اینوسان « مسلمانلره محاربه
صلیبه کیتک لازم دکادر . کلیسانک اک بیوک دشمنی
صوآب خاندانیدر . اولا بو دشمنی اورته دن
قالدیرام » دیه دردنجی قوزراد اوزرینه بر اهل
صلیب اردوسی سوق ایلدیکی حالده، دخی قوزراد
ایتالیایه هجوم وناپولی وقاپو واکینوشهرلرینی ضبط
واغتمام ایلمش و فقط بو غلباتنک انجیامنه وارمغه

عمری کافی او له میه رقی ۱۲۵۴ سنه میلادیه سنه
 بر روایته کوره مسموه مار از بقایه کیمشدر .
 ایسته مفردات وجهله ویریلان شو معلوماتدن
 مستبان اولدیغی اوزره صواب خاندانی المانییه
 مضرتدن بشقه بر خدمته موفق اوله میوب بناء علیه
 عمر قوم دردنجی قوزاده خاندان مذکورک انقراضی
 المانیا ایچون بر عید ا کبرعد ایدلسه بجادر .

— باب ثالث —

﴿ بیوک فترک ابتدا سندن لو کسمبورغ و باویرا ﴾

﴿ خاندانلرینک نهایتنه قدر ﴾

عن ۱۲۵۴ الی ۱۴۳۷

— برنجی فصل —

بیوک فترک مدتی

عن ۱۲۵۴ الی ۱۲۷۳

— تفصیل — المانیاده سنیورلرک او ته دبری

محافظه ایلدکلی نفوذک و باخصوص یوقاروکی

بابك صوك فصلند، كوسترلديكى وجـهله بو نفوذه
اخيراً دوام ایدن محاربات داخلیه ايله و یردكلى
قوتك نتیجه سى بو فصلده حكایه سنه باشلامش

اولدیغیر بيوك فترت ايمش كه كلدی چيقدی .

تاریخ فترت مذکور نك ابتداسنی ۱۲۵۴ سنه

میلادیه سنندن اعتبار ایدرایسه ده باقلسه بو فترت ده

ایکنجی فرهدریقك اوخر حكومتندن بدأ ایشدر .

چونكه كندی صاعلمنده ایكن القورلر یعنی حکمدار

انتخابی كندی اللاینده اولان مقبران كبارك بر قسى

هولاندا خاندانندن کیلیومی انتخاب و دعوت ایشلر

ایدی . انجق ایکنجی فرهدریق صوك نفسنه کلنجه یه

قدر حکمدارغنی محافظه ده اصرار ایتكله و المانیانك

سائر القور و سنیورلری کیلیومی قبول ایتامكله کیلیوم

مایوساً مملکتی جانبه کیدوب حکمدارلق چار ناچار

فرهدریقده قانش اولدیغندن تاریخ دخی دور فترتک

ابتداسنی مومی الیهك وفاتندن اعتبار ایشدر .

فردریقك وفاتندن صکره دخی القورلرک بر طاقی

انگلتره خاندان قرالیسندن ریشاردی قورنوئلی بر
 طاقی دخی قاستیل قرالی الفونسی انتخاب ایشلر
 ایدی . بوا یکی پرنس کرک بربری علیهنده و کرک
 کندیلرینی قبول ایتیماز خلا فکیرانه قارشو معانده
 ایله حکومتلرینی تأییده همتدن کبرو طور مامشدر
 ایسه ده ارتق المانیاسنیورلر بنک هربری بر حکمدار
 مستقل طرزنده کنددی ملکترینی کندیلری ادارهیه
 اقتدار کسب ایش اولدقلرندن کیمسه یه مرام
 اکلاته مامشدر .

واقعا صکره لری نمونه سی کورلدیکی وجهله اوزمان
 المانیاسنیورلری بر حکومت متحده تشکیل ایش اولسه
 ایدیلرک چوق منفعتنی کوررلر ایدی . شو قدر
 وار که سنیورلرک املی مملکتک ترقیات مدنیه سی
 اولمیوب بونلریالکز کنددی ذوق وهوسلرینه خدمت
 ایلدکلرندن و بناء علیه حقوق هم جواری بی طانیق
 شویله طورسون حتی کنددی تبعه لرینک حقوق
 ملیه و ملکیدلرینه ده رعایت ایتدکلرندن المانیایچنده
 اول قدر مظالم باش کوسسردی که عقلائی زمان

« اگر اورتہ دہ و او سلم بوستان قورقو اغی قدر
 اولسون بر ایمپراطور بولنسه ایدی سنیورلر هیچ اولمز
 ایسه انکله اوغراشه رق بو درجه تحکیمه وقت
 بوله منزل ایدی » دیمکه باشلادیلر . چونکه ایکی
 ایمپراطورک ایکیسی دخی المانیادن امیدلرینی کسدکلری
 جهتله مملکتلرینه چکلمشلر ایدی .

المانیانک بو دورده کی حالی بحق تصویر ایچون
 بر چوق طبقه کاغذکاری طولدیرمق لازم کلور .
 هیچ اولمز ایسه شو قدرینی اولسون سو یلیه لم که
 اوزمانلر چوغا دقجه چوغالان اشقیانک کیدومضرتندن
 بر محلدن دیگر محله سلامتله کیمت ممکن اولدیغی کبی
 بو اشقیایی دفع و تنکیله همت ایده جنک یرده حکومت
 دخی زورلی بر اشقییا کسیماش و بناء علیه او قوجه
 اولکاده هیچ بر کیمسه نک نه مانندن نه جانندن امنیتی
 قالماشیدی . بو فساد احوال ایچنده پاپاس طاقنک
 درجه تأثیراتی ده خاطر دن چیقارما ملیدر .

ایمدی بو قدر فنالق ایچون بر چاره صحیح اولق
 اوزره المانیاده تشکل ایدن « و ح م » جمعیت

خفیه سبله « هانس » اتفاقاً تاریخچه نظر اهمیت بدن
دو شورنامسی لازم کلان احوال دن اولسیله بونلره
دائر راز معلومات اعطاسی مناسب کورلدی .
شویله که :

« وحم » جمعیتی اولا وستغالی ده تشکل ایتیش
پر جمعیت خفیه ایدی که هر طرفده و هر صنف آدملر
ایچنده الی و تدقیقات و تحریات لازمه بی اجرا ایده جک
دایلی بولندیغندن زده بر ظلم بر فئالق کوزر ایسه
آنک جزای سزاسنی تعیین ایتکی کندیسنه وظیفه
ایدنمشیدی . چونکه آلمانیا ایچنده هر کسک
اشقی کسلیسی ارباب شقاوتک جزا کورمامسندن
نشأت ایلدیکی بوجعیت اربابنک نظر اهمیتلرینه
چارچمش ایدی ده انک ایچون بو ترتیبی قورمشلر
ایدی .

واقعا عصر لجه مدت بوجعیت اجرای حکم
ایلدیکی حالده حکومتلر بونلرک علیهنه اصلا بر شینه
مقدر اوله مدیلر . انلر ایسه هانکی آدمک پر
شقاوتی جزاسز قالدیغی خبر التیجه در حال انی

سرا مجازاتہ موفق و مقتدر او اور لر ایدی . تاریخ
 دیر کہ وحی جمعیتی بر آدمی جزا ایتکی بر کره
 قرالشدیردیمی آرتق او جزا دن قور تلیق متصور دکلدیر .
 انک خنچری هر طرفه پکیرر . انک توصیه و امر ینه
 سنور لر دخی اطاعته مجبور لر .

جمعیت مذکورہ نك بودر چه اهمیت پیدا ایتسنه
 سنیت ویرن شی ینه حکومتلر اوله جنی ادنا ملاحظه
 ایله معلوم اولور . چونکه حکمت حکومته واقف
 او انلر چه مسلدیر که جله دن اول خلقی بویله بر تشبثی
 کوزه آلدیره جق قدر بیزار ایتاملیدر . بر کره خلق
 بویله برایشی کوزه آلدیرد قدن صکره حکومتلر ایچون
 تصحیح حرکتدن بشقه بر تدبیردن فائده اوله مز .
 زیرا خلقی کندی اولچیسنه کتوره بیله جک زمان
 آرتق کچمش اوله جغندن شدتی نه قدر آرتدیرر ایسه
 اریاب مخالفتک دخی او قدر آرتدیرمغه سببیت
 کوستومش اولور . ایشته وحی جمعیتک حالی دخی
 عینله بویله اولمشدر . یعنی حکومت بوجعیت
 خفیه نك رأیی خلافتنه حرکتده نه قدر عناد ایتمش

وانلر عليهنده نه درجه شدت کوسترمش ايسه جمعيت
دخی شدتني آرتدیرمش اولديغندن هر صباح چارشولرده
بوکجه فلانک و فلانک يتاغنده ايکن اخناق و يا خود
جرح و اعدام ايدلديکنه دائر بشر اوزر وقعه سوء
قصد حکايه ايدلک درجه سني بولمشدر .

هانس اتفاقنه کلنجه :

بو اتفاق و جم جمعيتي کي سياسي و خفي برشي
اوليوب صرف امنيت تجار يه منفعتي اوزرينه فورولمش
علني بر جمعيت ايدی . اک اول هامبورغ ايله لوبق
شهرلرينک حسب الزمان بتون بتون امنيتسز برحالده
قالان مر اسلات و امور تجار يه بي بر امنيت آلتنه آلمق
ايچون عقد ابلديکي اتفاقدن باش کوستروب بونک
پک بيوک منافع و محسناتي کورلمکله پک آز بر زمان ايچنده
يالکر المانيا دن دکل روسيه و فرانسه و تاناکلتره دن دخی
برچوق شهر بو اتفاقه کيرمشلرو انلر دخی تعاون و تناصر
سايه سنده حاصل اولان امنيت تجار يه دن دخی پک چوق
استفاده ايلمشلردر . حتی الحاله هذده بر سر بست شهر
اولق اوزره المانيا هيئت مجتمعه سني تشکيل ايدن حکومتات

مستقله صرہ سنہ قاریشان لوبق و ہابہ بورغ و برم
شہر لرنک امتیاز و استقلال بوزماندن و بوہانس
اتفاقندن قالدہ در .

ایشته اورتہ انک راحت و خضورینی همان کلیاً
سلب ایدن شو زمان فترت ۱۲۷۳ سنہ میلادیہ سنہ
قدر دوام ایدوب اسکیدکجه فناقلر دخی اسکیدہ رک
قوتنی آرتدیردیغی جہتله سنہ مذکورہده (آرتق
بتون بتون حکمدار لشمس دیمک اولان) سنیورلی
المانیایی ینہ بر حکمدار عمومینک تحت ریاستہ
و یرمکہ قائل اویشلر و بونقطہ اورزندہ اتفاق ایتشلر
و شو صورتله فترت کبیرہ نتیجہ و یرمشلردر .

- ایکنجی فص -

- ہابہ بورغ خاندانی -

عن ۱۷۲۳ الی ۱۳۰۸

- تفصیل - بودفعہ ہابہ بورغ خاندانندن
مقام ایمپراطوریہ دعوت اولنان یرنجی رودولف
المانیادہ آرتق برایمپراطورک اولکی صورتله حکومت

سوره بيلسي امكاني كچمش اولديغنى نظر دقته آله رق
 يالكر المانياك ايكنجى درجه ده حكمدارانى ديمك
 اولان سنيورله رياست ايتمكك، بقا ممكن اوله بيله جكنى
 كوردرك اول صورتله حر كته باشلامش ايديسه ده
 بو صورت يالكر احوالك ايچ يوزينه واقف اولانلرى
 ممنون ايديه بيلوب برايمپراطورك نامنى بيله كندى شوكت
 خصوصيه لرى ايچون مضر كورن مستبدلى اصلا
 ممنون ايديه ماعشيدى.

بوسبيله مبنيدر كه اصل آوستريا وستيرى وقار نيول
 طرفلرينك سنيورى اولوب بياغى بيوجك برقراللق
 صورتنده اداره امور ايدن اوتوقارك اول ايمپراطورلق
 اصولنك خلافته قيام ايدرك ايمپراطورى ايستر
 ايسته مز محاربيله دعوت ايلش فقط ۱۲۷۶
 و ۱۲۷۸ سنه لنده وقوعه - ولان ايكي محاربيله ده
 اوتوقار مغلوب اولوب حتى ايكنجيسنده قفاسى ده
 كسيه رك ملاكى رودولف طرفندن كندى اوغلى
 آلبر، ترك و تملك ايدمكك شوانتقال هابس - بورغ

خاندانی توسیع و اوسـتـریا خاندانی دخی یکیدن کی
 بر صورتله تشکیله سبب اولمشدر .
 شو ایلاک مشغولیتی بو صورتله بر طرف ایلد کدن
 صکره رودولف المانیا سنیورلرینک نفوذ استقلا -
 لکارانه لرینی محافظه ایله برابر هیچ اولز ایسه
 کندیلرینی حیدودلق کی حکمدار نقله بریره صیغیه جق
 اولان لکدن تمیزله سک ایچون عموم المانیایی دوره
 چیقدی و سنیورلردن کیمسـنی تلطیف و کیمسـنی
 تکدیر کبی بر صورتله یوله کتوروب با خصوص
 هر ایکی صورتله دخی بونلرک ملاذو ملجأری بولنان
 حصارلردن برچوغنی هدم و خراب ایلدی که حصارلر
 الدن کیتد کدن صکره متغلبه مر قومه نک قوتلری
 یوزده ساکسان نسبتنده تنزل ایده جکی درکاردر .
 زیرا حصار دیدیکمز شیلر صعب المرور طاغلرک
 تپه سنه یا پلش کوچورک قلعه لر اولوب ایمپراطورلق
 طرفندن تضییق کورد کجه و یا خود کندی تبعه لرینک
 آرتق مظالم جانلرینه کار ایدوب ده جانلرینی دیشلرینه
 طاقه رق عصیانه جسارتلری وقوعبو لد قجه سنیورلر

بو حصارزہ تحصن ایدرلر و موقعک متانقیله دستمنه
حسن مقابله به موفق اولورلر ایدی .

ایمپراطور مومی الیهک کرک بو حرکتی و کرک
المائینا ک امنیت داخله سی اسبابنی اکل ایده جت
سائر اجرا آتی ارباب ناموس و حیثیتن بولنان بالجمله
اهالی بی ممنون ایلمش ایسه ده منافع مخصوصه لری
مدت فترتک دو امیله حاصل اولان مونبلیار و بورغون
وصاووا قونتلری بواجرا آتک علیهنه قیام ایلدکلرندن
رودولف قوه کافیه ایه بونلری ده بانتربیه هر حالده
آلمانیایی برخیلی وقتدنبرو محروم اولدیغی سعادت
آسایشه نائل ایده بیلدی . مومی الیهک حاصل اولیوب
قالان یالکیز براملی کوراشدر که او ده کندی وفاتندن
صکره اوغلی البرک ایمپراطورلغه انتخاب اولنسی
مسئله سی او اوب بونی القورلر قبول ایده میه رک بعد
وفاته (۱۲۹۱) ناصو خاندانندن آدولفی ایمپراطور
انتخاب ایتمش لر ایسه ده رودولفک اوغلی البر
آلمانیاجه کندیسنه یک چوق طرفدارلر بوله رق
آدولف اوزرینه محاربه به قیام و پرقاچ سنه جنک

و جدال دن صکره مر قومی (۱۲۹۸) سنه سنده
 ژلمه یم نام محاده مغلوب و اعدام ایلدیکندن ایمپراطور لاق
 متوفی پدرینک آرزوسی وجهله ینه کندیسنده
 قالمشدر .

واقعا بو غایبه دن صکره دخی کندی انتخابنه
 اعتراض ایدنلر اعتراضلرنده ثبات ایشلر و با خصوص
 اوزمان پاپا بولنان سکرنجی بونیفاج البرک ایمپراطور لغنی
 تقدیس ایتما مکه اصرار کوسترمش ایدی . انجق
 البرک طرفکیرانی پک قوتلی اولمسيله خلا فکیرانک
 جمله سی طوعاً و کرهاً قبوله اجبار ایدلدیکی کبی
 پاپا جنابلری دخی لطفاً و تنزلاً تقدیسسه مروت
 بیورمشدر .

تاریخ اشبو البری ظالمکاران حکمداران صرده سنده
 ذکر ایدوب احوال و حرکاتی ایچنده مدحه شایان
 برشی کوره مز . هله بعض احوالی وارد در که زیاده -
 سیه موجب استغراب اولقله برابر کندی
 ملکجه دخی مضرت کلیه سی کورلمشدر . از جمله
 اسویچره اختلالی :

ايمپراطور مومی اليه ژسار نامنده بر آدمی اوزمان
 المانیانک بر ایالتی اولان اسویچره یه والی نصب
 ایتش اولوب بوکا ویردیکی تعلیمات موجبنجه خلاقه
 اول قدر مضالم ایتدیرمش ایدی که بتون مملکت
 داده فریاد چاغر مشیدی . مضالم واقعہ دن بریسی
 آلتورف نام بر عمومی میدانک اورته برینه وضع
 اولنان شابقه یه هر کلوب کچنلرک تنظیماً و تکریماً
 سلام ویرمکه مجبوریتلری اولوب اهالی قوب
 قوری بر شابقه یه سلام ویرمکدن غضبناک اولدقلری
 حالده ینه ویررلر ایدی . الك اول اسویچره
 متحیرانندن کیلیوم تل بو حرکت مجنونانه بی قبول
 ایتبوب سلام ویرمامکده اصرار ایلدیکندن والی
 اژسار ايمپراطوره کیفیتی بالاشعارنه یولده حرکت
 ایتسی لازم کله جکنی استفسار ایلدکده هر قوم
 کیلیوم تلک اعدامی لازم کله جکی واکر کندی اوغلنک
 باشنه برالما قویوب ده مسافه معینه دن اوالمانی اوق
 ایله دلمکه موفق اولور ایسه جانی کندیسنه
 باغشلانوب فقط برقلعه دروننده قلعه بند ایدلسی

حقتہ جواد کلمکله کیلیوم غایت مشہور تیر انداز
 اولدیغندن اوغلتک باشنه قویدیغی المایی اور مغله
 لوسرن کولی ایچنده کوسناح حصار بنه قلعه بنه
 ایلمسی قرارلشدر لمشیدی . ایمدی بالذات والی
 جنابلری اللری باغلی بوانان کیلیوم تلی صنداله
 قویه رق حصار مذ کوره کیدر ایکن بر شمدتلی
 فورطنه ظهور ایتمش و کیلیومک یلکن قولانمده
 وصندال اداره ایتمکده مهارتی مسلم اولدیغی جهتله
 غرقدن خلاص ایچون اللری چوزیله رک اودخی
 کمال مهارتله صندالی ساحله قدر یاقشلا ردقندن صکره
 همان قره یه آتلا یوب بعسه بر اوق ضریبله ژساری
 هلاک ایلمشدر .

ایشته عقلاره صیغیمیان بو وقعه اوزرینه عموم
 اسویچر لیلر سلاحه صاریله رق المانیا ایمراطوری
 علیهنه قیام ایتمکله وحالبوکه ایمراطورک سائر بوکا
 ممثال چلمغلقلرندن طولایی سائر طرفلر دخی آیاقلنمش
 بولمغله اسویچر لولر نائل ظفر واستقلال اولمشلر
 و دیگر ارباب عصیان دخی ۱۳۰۸ تاریخده

ایمپراطوری سوء قصد ایله اعدام ایملشدردر .
 ایشته مجرد بو البرتک شودرجه مجنوناته مظالمی
 سبب اولمشدر که بالجمله المانیا پرنسلی هابسبورغ
 خاندانی ارتق قبول ایتوب لوکسمبورغ ایله باویرا
 خاندانه مراجعته مجبور اولدیله که کیفیت بروجه
 آتی اوچنچی فصلده ذکر اوانه بقدر .

اوچنچی فصل

لوکسمبورغ و باویرا خاندانی

عن ۱۳۰۸ الی ۱۴۳۸

- تفصیل - اوزرلنده بررئیس بولمدیغی
 زمان بر برینی یوب بتورن ورئیس اتخاننده اتفاق
 تام حاصل اوله ماسندن طولایی هرکیم ایمپراطور
 اولور ایسه نه اکا راحت ویروب نه ده کندیلری
 راحت بولان المانیا پرنسلی بو کره دخی بر ایمپراطور
 اتخاننه قیام ایلدیلر . بونلرک اطوار و افکارندن
 هر بری کندیلری بر ایمپراطور اولق ایستدکلی
 اکلاشیلور ای دیسه ده اکاده احتمال اولدیغندن

نصلسه بو کره لو کسمبورغ دوقه سی هانری بی یدنجی
هانری عنوانسه انتخاب امرنده اتفاق آرا حاصل
اولدی .

بوذات غایت هم ملی جیتی برشی اولوب کندیسنه
مخصوص اولان توجه عمومی سایه سنده المانیا آسایش
داخلیسنگ بوزایه جفته اعتماد حاصل اتمکله برابر
المانیاک ایتالیا اوزرنده کی اسکی حقوق تحکیمکارانه سی
استردا ده قالمشغله همان بر اردو تدارک ایله
ایتالیا یه کیردی ایسه ده آچدیغی مسئله حربه نیک
نتیجه سی استنتاجه وقتی قالدیرق هنکام مجادله ده
(۱۳۱۳) وفات ایتدی کیتدی .

بعد وفاته ده ایرینه کیمک انتخاب اولنه جنجی
قضیه سی المانیا ایچسده برینوک فسادى موجب
اولشدر . القورلردن بر طاقى باویرا دوقه سی
لوئی بی و برطاقى دخی اوستریا دوقه سی فره دربی
الترام ایملر ایدی . نهایت لوئی بی الترام ایدنلر
نیجه خوزیرانه محاربه لاله تفوق قازانه رق فره دربی
اخذ و حبس ایلدیله و تا ایمرطورلقدن رضاسیله

قطع ید ایلدیکنه دائر سندن ویرمینجه سبیلنی تخلیه
ایتمبلر . اوزمان پاپا بولسان یکر می ایکنجی ژان
یو معاصله یه اعتراض ایدرک لوئی به دخی حکومتدن
فراغت ایتمنی آمر بر فرمان کوندرمش و اوئی
یو فرمانی پارچه پارچه پاره لدیکی جهتهله پاپا جنابلری
ایمپراطور مومی الیهی آفوروز لاهمش ایدی . لوئی
دخی پیدرده قور بیه ر نام پاپاسی پاپا اوزرینه پاپانصب
ایدرک کندی ایمپراطور اغنی اکا تقدیس ایتدیردی .
لیکن بو قدر محاربات و مجادلات ایله اله کتوردیکی
ایمپراطور لعدن المانیایه هیچ بر فائده اولقمزین
۱۳۴۶ تاریخنده دنیا وما فیهای بوراده براقه رق
اسفل السافلینه یقلدی کیتدی .

لوکسمبورغ خاندانندن او اوب بر سنه مقدم
بوهمیایه قرال اولان دردنجی شارل بوهمیا ایچون
پک اعلا بر حکمدار چیقمسبیله لوئیک و فانتدن صکره
مومی الیه المانیایه دخی ایمپراطور انتخاب قلمشدر .
واقعا بو شارل رابع یالکیز کندی خاندانی و برده
بوهمیا قرالغنی ایچون پک اعلا بر حکمدار چیقوب

برای یکی طرفت کرک منافع مادیه و کرک معنویه سنه
وفاتنه قدر خدمتدن کیرو طور مامشدر . انجق
المانیا ایچون ایتدیکی حکمدار انک درجه سی محتاج
محاکمه و ایضا حدر .

ایمپراطور مومی الیه المانیا صندالیء ایمپراطور یسنه
نزاع سزجه قعود ایدن نردن بریسی اولوب همان قاله
الهی جق قدرده اهمیتتی اولیان بعض «عترضله یك
قولای مقابله ایده بیلمش ایسه ده المانیا ایمپراطور انک
شمدی به قدر مخالفین کروهندن کوردیکی صدماتی
دریش ایلد کده بونک باشلوجه اسبابی اولق
اوزره ارتق کرچکدن برر حکمدار صورتی المش
بولنان پرنس لک عموم المانیا اوزرنده بولنان نفوذینی
وثانیا پاپالق مقامنک اعتراضنی کورمش اولدیغندن
پاپالق مقامیله بالمخبره و باندا کره تاریخده کمال اهمیتته
یاد اولنان (بول دور) یعنی «کره زرین» نام فرمان
مقدسی نشر ایلشدر .

بو کا کره زرین دینلمسی پاپالق مقامندن
ویریلان سائر فرمانلره مهر مقاننده برر قورشون

کرد تعليق ايدالديكى حالده بوكا التوندين معمول بر
 كره جك ط قلمش اولسندن نشأت ايدوب بو فرمان
 حكمنجه المانياك هر حكمدارى ككندى حدود
 وسنورى داخلمنده مستقل بالاداره براقلمش و يالكر
 المانياك هيئت عموميه سنه تعلق ايدن خصوصاتده
 ايمراطورلق مقامنده تابع اولرى قطعياً امر ايدلمش
 اولديغى مثللو پايانلق مقامى اچون دخى المانيا اوزرنده
 بريوك نفوذ ايجاد اولنده رق ازجمله كليسالره مربوط
 اولان اراضى واملاك كافه مداخلات رسميه و تكاليف
 ميريه دن مستثنا طوتيلوب پاپاسلر رهبانلر و اخاصل
 كليسايه متعلق اولان هر كس پاپانك هم مادي هم
 روحانى حمايه سى الته ويرلمشدر .

اوزمانلر تعصب نصرانيه نك الك قر تلى اولديغى
 بر دور بولمغله اول امرده اهالى پاپانلق مقامنده
 كوستر بلان بودرجه مساعداته سسس چيقارميبوب
 يالكر حكمدار و پرنسلر كندى نفوذ قديملىرینه خنل
 كلديكندن طولايى معانده و سر كشي يه قيام ايتشلىر
 ايديسه ده صكره هرايش پاپاسلر اليه بتديكى و كليسايه

متعلق اولان لرعاتا برامتیا از مخصوصه ممتاز ایتشلرجه -
 سنه نفوذ یورتمکده اولدوقلرینی وهر کسک قازاندیغی
 کلیسیایه ویراندیکنی وهر سنه برچوق اراضی واملاکک
 یکین کلیسیایه وقف اولندیغنی کورنلر « کره زرین
 فرمانی بزنی پایاق اسارتی التنه ویردی! »
 دعواسنه قیام ایتشلر وحتی سلاحه دخی طور ایتشلر
 ایسه ده شارل رابع پایانک رضای غرضکارانه سندن
 اصلا آیرلیوب انک مظاهرتیله دشمنلرک جمله سنه
 حرام اکلاته بیلسدر .

شارل رابع ۱۳۷۸ سنه سنده وفات ایلس
 ایدیه ده کره زرین فرمانک حکمی وفات ایتلیوب
 رازسکره ظهوره کلان پروتستانلق مسائینک
 شدتلمسنه یار دیم ایدن اسبابک یرسی بو فرمان
 اولدیغی کبی اندن سکره دخی فرمان مذکور المانیانک
 تندیقات اساسیه سی اولوق اوزره تابو صوک عصر مزه
 کلنجه یه قدر دوام ایلسدر .

الحاصل مذکور فرمان پایاق مقامی ایچون
 اول قدر فائده لی برشی ایدی که حتی شارل رابعک

انتخابندن صکره پاپا اولانجه نفوذینی صرف ایدرک
 هر قومک اوغلی اولان و باباسی کی بوهمیا قرالی
 بولنان و انسستقلاس مقام امپراطوری یه انتخاب
 ایدیشیدر .

اگر و انسستقلاس عقلی باشنده برآدم اولسه
 و پاپالق مقامی دخی او یغونسز برحاله دوچار اولمامش
 بولسه ایدی کره زرین فرمانی سایه سنده پک راحت
 و حضورله حکومت ایده جکی درکار ایدی . انجق
 کندسی غایت عیاش و غایت شهوت پرست برآدم
 اولوب عادت پک بیاغی روسبیلرله طلومباجی واری
 اور پاطلاسون چال اویناسون عالنده بولمقله برابر
 خوزریلکی دخی درجه افراطده بولمقله و اوزمان
 پاپالق تختی دردنجی اور بن ایله یدنجی قله مان
 اراسنده منازع فیه اولوب و انسستقلاس اور بن طرفنی
 التزام ایلدیکی حالده برشینده موفق اولامیه رق خصمی
 بولنان قله مان غلبه ایتکلله هر طرفدن اهالی کندی
 علیهنه قیام ایشلر ایدی . حتی قرالی بولندیغی
 بوهمیا و اوراده قزداشلیری واقربا و خویشانی

بولنان پرنسار دخی عصیان و مر قومی اخذ و گرفته
 در زندان ایلدیلر . بر آراق المانیان کندیسنه یار
 ایکی اوچ پرنسک تو سطله زنداندن قورتارلدی
 ایسه ده ینه عقلمی باشنه المیوب دوستلری دخی
 کوجندیر دیکندن ۱۴۰۰ سنه میلادی سنه
 ایمپراطور قدن خلع اولنوب یالکز بوهمیا قرالغیله
 قالدی .

تاریخک روایتنه کوره مر قومک مدت حکومتده
 المانیا اول قدر انضباطسز برحالده قلمش و بناء علیه
 حیدودلق او درجه توسع و تکثر ایدرک هر درلو
 قتالک دخی اول مرتبه میدان آلمش ایدی که عادتاً
 اهل عرض و ارباب ناموس طاقندن اولق معایبدن
 عد او نغفه باشلامشیدی . صکره ایمپراطور جنابلری
 بو حالک منعه قیام ایلدیسده کندیسبی ذاتاً اصلاح
 نفس ایتماش بر آدم اولدیغندن خلیا ایلدیکی اصلاحات
 دخی یالکز خیالده قالدی .

مر قومدن صکره ایمپراطور لغه انتخاب اولنان
 یاورا خانلاندندن رو بروا قعک عاقل حلیم و عالم

برآدم اوله رق المانیاده انتظام داخلی یی یوانه قویغنه
 چالشمش ایسه ده اوده پاپانک خلافکیری اولان
 اون ایکنجی غره غوارک طرفنی التزام ایلدیکی جهته
 موفق اوله مامشدر . المانیا ایچون کوردیکی کیویک
 خدمت هیدلبرغ دارالمعارفی انشا ایتمکدن عبارت
 قالدی و ۱۶۱۰ سنه سنده وفات ایلدیکی زمان یرینه
 لو کسمبورغ خاندانندن یوس ایمپراطور انتخاب
 اولمشیدیسه ده اوچ آی صکره وفات ایلدیکنندن
 یرینه ینه لو کسمبورغ خاندانندن سیر سموند انتخاب
 اولمشدر .

یوزات نیکبولی محاربه سنده اردوی همایون
 طرفندن مغلوب و مؤخرأ بوسنه محارباتنده دخی
 منهزم ویالکز بر دفعه بلغرادی ضبطه موفق اولان
 و بناء علیه عثمانلی تاریخننده دخی اسمی مسبق بولنان
 سیر سموند او لوب اوائل حالده افلاق و بغداد
 و بوسنه و مجارستانی زیر اداره سنده برلشدرمش
 اولدیغی کبی مؤخرأ المانیایه دخی ایمپراطور انتخاب
 اولمشدر . الحق غایت عاقل و حکیم برآدم اولدیغندن

شارل رابع (که باباسی ایدی) زماندن قلمه
 داخلی او یغوانسز لقلرک طوپنه فقط یواش یواش
 چاره لر بوله رق المانیانک امنیت داخلیه سنی یکیدن
 قازانورجه سنه اعاده ایلدیکی کبی برچوق قوانین
 نافعہ سبیلہ ملتک ترقیات مدنیہ سنه دخی خدمت
 ایلمشدر . واقعا اوتہ دنبرو خرسستیانلق علیهنه
 ظهور ایدن معزله ورافضی کروهنک رئیس بولنان
 ژان هوس نام فیلسوفی پاپاسلر مجلس عمومسی
 بالمحا ککه دیری دیری آتشد یا ققله محکوم ایتدکلرندن
 طولایی فیلسوف مشارالیهک هم افکاری بولنان
 برچوق بوهمیالی طابہ خلقی عصیانہ تشویق ایلمشدر
 وایمپراطوری عاجز براقه جق غلباته دخی نائل
 اولمشدر ایسه ده ایمپراطور بونلره قارشو سلاخله
 مقاومت ایده جکینه عفو و صفحله معامله کوستردیکی
 جهتله عکس حالنده المانیایی بتون بتون پریشان
 ایده بیله جک اولان شوته لکه لی وقعه نکده اوکنی
 بو صورتله المشدر . ۱۴۳۷ تاریخنده وفاتی
 وقوع بولدیغی زمان وارث ذکوری اولدیغی جهتله

القتور ز دخی مومی اليهك خدمته مكافأتا قزی
 او اوب اوستريا خاندانندن البره وارمش بولنان
 اليزابتي مقام ايمراطوري به دعوت ايلشار واودخی
 قوجه سنی ایلرویه سوردیکی جهته شو معامله دن
 اوستريا خاندانی میدانه چیقارمشلردر . بزایسه
 مذکور اوستريا خاندانندن بوزمانه قدر اولان
 احوالك حکایه سنی دردنجی بائمه تعلق ایلش
 بولندیغمز جهته بوجه آتی باب مذکورک کشادی
 لازم کیشدر .

در دنجی باب

اوستريا خاندانك بدایتندن زمانزه قدر

عن ۱۴۳۷ الى ۰۰۰۰

برنجی فصل

صرف اوستريا خاندانك مدت حكومتی

عن ۱۴۳۷ الى ۱۷۴۵

— تفصیل — المائياك ابتدا سندن تابالاده کی

اوچنجی بابك نهایتنه یعنی ۱۴۳۷ سنه میلادیه سنه

کلنجہ یہ قدر کڈران ایدن احوالی ہر پری کندی
 کبرو غورینہ قاپلمش اولان برچہ - وق حکمدار لر
 اراسندہ منقسم بولسان اشبو اولکانک بر مکابرہ
 ومعاندہ محاربه سی ایچندہ قاوریلوب کیتسندن
 عبارت اولوب واقعہ تاریخ مذکور دن صکرہ
 دخی المانیا ایچندہ محاربات داخلہ بالکلیہ منقطع
 اولماش ایسہ دہ بودورده المانیا اورویانک
 تمامی نصف غریبسنی کندی پوتیقہ سی حدودی
 ایچنہ المق ولوتر کبی دیانت نصارانک بر مجددی
 ظہوریلہ خرسیتیانلق عالمی ایچنہ بر انقلاب کلی
 ویرمک مثلوا احوال ہب المانیانک اہمیت معنویہ
 ومادیہ سنی همان اوروپا ایچندہ ہیج بر ملتک
 واردماش اولدیغی بر مرتبہ یہ واردیر مشدر • بناء
 علیہ المانیا تاریخندن بو بابی تاریخ مذکور دن منتظر
 اولان مقصد اصلی اولق اوزرہ تلقی ایده بیلورز •
 اوستریا خاندانندن ایلاک حکمدار اولق اوزرہ
 صندالیء ایمپراطوریہ اوتوران ایکنجی البرطوچی
 ایکی سنہ قدر حکومت سورہ رک ۱۴۳۹ تاریخندہ

وفاتی وقوعه کلمش اولدیغندن واقعا المانيا ايمپراطور
 لغنجه پک بيوک اجر آته وقت بوله مامش ايديسه ده
 کنديسي عن اصل اوستريا دوقه می اولدیغی حالده
 مؤخر آماجار و بوهه میاه دنخی قرال انتخاب اولمش
 بولدیغندن بو اوچ مملکتک المانیاه التحاقی المانیای
 ایچونینه بر بیوک کار عد اولنه بیلمشدر .

مومی الیه سلطان مراد ثانی پنجه غالیته مغلوب
 اولان البر اولوب بو مغلوبیت وهزیمتک کیفیت
 و درجاتی انشاالله تعالی عثمانلی تاریخنده ذکر
 ایديله جک برشیدر .

البر خلف اولق اوزره المانیای ايمپراطور لغنه
 انتخاب اولسان اوچنجی فره دریق بو عظیم
 ايمپراطورلغک بیوک احتیاجی المانیای حکمدار لرینک
 داخل بربری علیهنه ایتدکری محاربات متمادیه
 بر نتیجه قطعیه ویرلسندن عبارت اولدیغی
 کورمکه تا ۱۴۹۵ سنه سنه قدر یاریم عصر دن
 عتجاوز امتداد ایدن مدت حکومتی هپ بو محاربات
 داخلیه نک منعيله المانیایانک ترقیات مدنیه سنک

توسیحی ایشنه صرف ایلمشدر . واقعا خرسیتیانلقلمنده
 برازتعبص کوسترین مور خلم اوزمان عثمانلی
 اردولری مجارستانه آقینلر ایتکده اولدیغی
 جهتله مجار قرالی ماتیاس قورونک کندیسنندن
 وقوعبولان استمدادینه موافقت بولنده
 معامله سی لازم کلورکن بالعکس امداده
 همت ایتماش اولدیغندن طولایی فره دریق ثالی
 تعیب ایدرلر ایشه ده تاریخک محاکمات عمیقہ سنندن
 اکلاشا دیغنه کوره ماتیاس قورونک یالکز مجارستانی
 عثمانلورک صولتندن محافظه ومدافعه ایتک املنده
 بولمیب بالعکس بلغارلره بر عظمت کوسترمک ایچون
 تا ادرنه اوزرینه قندر یور یوب کلمک عز مننده
 بولندیغندن واکر مقصد بالکز مجارستانی محافظه ایشه
 مجارستانک کندی قوتی بوکا کافی ایدو کندن ایشه
 کندی نظر نده نعمت صلح وصلاحدن بشقه هیچ
 بر شیک اہمیتی اولیان فره دریق محضاً بومطالعہ
 اوزرینه ماتیاسه موافقت ایتمشدر حتی ماتیاس
 عثمانلورہ مغلوب اولدقن صکرہ امیر اطوری علناً

مؤاخذيه باشلايوبده «ايشته سن بكا معاونت
 ايتديكك ايجون بن ملكمك بر بيوك قسمني عثمانلوره
 قاپديرم» ديه عادتايامپراطوري خلع ايتمه قيام
 ايلديكي زمان فر. دريق «تلاش ايمه سنك مغلوبيتك
 محضا اصول وصنایع حربيه ده تر كلر قدر مھارتك
 اولما سندن نشأت ايلشدر بوقسه سن تر كلردن دھا
 زياده قوته مالك ايدك فقط مادام كه سني بيزار
 ايدن شي سلككدن بر قسم اعظمني غيب ايتكلككدر
 ايشته اشاغی آوستريايي ويانه شهري ايله برابرالده
 اوراده قراللق ايت «جوا بيله برابر ممالك
 مذكور بي دخي كنديسنه ترك ايلشدر .

مومی اليه فره دريق زماننده كندی اوغلی
 ماقسیميليهك بورغونيا خاندانندن ماری ايله ازدواجی
 مناسبيله بورغونيا دائره مالكانه سی ديمك اولان
 په يويامالكي دخي المانييايه انتقال ايلشدر . كه
 بو انضمام المانيا ايجون غرب طرفنه طوغری بيوجك
 پروسعت حدود حاصل ايتشدر .

المانيانك المققدر ايمپراطورلندن بریسی هنوز

فرہ در یقنک حال حیانتندہ مقام حکومتہ مشترک
 ایلدیکی اوغلی ماقسیمین عد اولنسه سزادر .
 مومی الیه ایلک مزیت عسکر یہ سنی ہنوز ایمپراطور
 اولہ دن زوجہ سی ماری دہ بورغو نیانک ملکی بولنان
 یہ بی با ممالکنی فرانسه دن قور تارمق مسئلہ سندہ
 کوستردی . زیر مزبورہ فرانسه قرالی شارل
 لوتہ مہررک قزی اولوب پدینک وفاتندن صکرہ
 فرانسه دواتی پہ بی با ممالکنی مزبورہ دن نزع ایتکی
 قورمش ایدی . (پہ بی با ص ۲۶ مر)

۱۶۹۵ سنہ سندہ مومی الیہ بالاستقلال ایمپراطورلق
 مقامنہ کلد کدہ پدینک ایدینگی کی المانیا حکمدار لرینی
 بر برینہ قارشو و محاربه داخلہ ایلہ اشتغالدن منع
 ایچون مجالس متعدده عقدیله جہلہ سنی بو نقطہ
 اوزرنده اتفاقی دعوتدن خالی قالمش و حتی موفق
 دخی اولمشدر . اوزمانلر فرانسه قرالی سکرنجی
 شارل بروسیلہ غیر محققہ ایلہ ناپولی و ایتالیا طرفلرینی
 قح ایتش اولدینندن علیہنہ قیام ایدن اسپانیا
 و سائرہ یہ ماقسیمین دخی اشتراک ایدرک فرانسه یہ

اعلان حرب ايلش و ممالك مذكوره بوضوئله
 فرانسه دن نزع (فرانسه ص ۱۹۳ مر)
 اولمسنی متعاقب چونکه ممالك مذكوره
 اوته دنبری المانيا ايمپراطور لغنه مر بوط بولنديغندن
 بنه اورايه ارتباطی دخی ماقسیمیه نك موقعیاتی
 جمله نندن عد اولمشدر .

وندیک جمهوریتك بائسبه کوچکلکیله برابر
 نحرأ ویرأ کرک تجارت و کرک پواتیقه جهتیه
 قازانديغی اهمیت اورو پانك نظر دقتنی باطلا توب
 قامبرای شهرنده فرانسه قرالی اون ایکنجی لویی
 واسپانیا قرالی فردیناند و پاپا ایکنجی ژول ۱۵۰۸
 تاریخده دخی اول امرده المانیانك منافعی بو اتفاقه
 دخاتده اوله جغنی حسابنه کیرمش و بلکه ده اتفاقك
 انعقادینه بیجی مرتبه ده کندیسى غیرت ایلش
 انسه بو اتفاقك المانيا ایچون مضرا اوله جغنی و بلکه
 المانیانك وندیکه اتفاق اتمسى کار عاقل ایدوی
 حقیقه کندیسند ویریلان رأیک اصابتنی قبول ایدرک
 اتفاقدن آیرلدوقدن ماعدا انکلتره بی دخی فرانسه

علیهنه تشویق ایلمش و بو زدن انکلتره نك فرانسه
 علیهنه آچدیغی محاربه ده کوکلی صورتیله انکلتره
 اردولرنده خدمت ایلمشدر . بناء علیه ۱۵۱۳ سنه سنده
 انکلتره رایله فرانسزلر اراسنده وقوعه کلان کنه غات
 نام دیگر مهمزلر کونی محاربه سنده غالبیت و مغلوبیت
 یالکز ماقسیمیلیه نك پارمنی او جنده دونمش اولدیغی
 مرویدر . (انکلتره ص ۱۷۵ مر)

ایمپراطور ماقسیمیلیه نك فرانسه زره ایتدیگی
 خصومت یالکز بوندن عبارت اولیب برنجی
 فرانسوانك ایتالیا جه وقوعه کلان محارباتنه کرک اسپانیا
 و کرک المانیا طرفندن ممانعتله میلان شهرینی فرانسوانك
 محاصره سندن قورتارمش ایسه ده بو محاربه ده
 او مدیغی قدر غلباته مظهر اوله مامشدر .

نتیجه کلام غایت موافق بر صورتده عقدا یلدیگی
 آزدواجارله بورغونیا و المانیا و آوستریا و مجارستان
 و بوهیمیا و اسپانیا و ایتالیا تاجلرینی هب کندگی
 قامایاسنه حصر ایتمش و بناء علیه ۱۵۱۹ تاریخنده
 وفاتی وقوعه بولدیغی زمان حقیقی مشهور شارل کنه

بوعظیم و جسیم ممالک ایچنده یند عظیم و جسیم ایملر
کورمک قدرتی بر اقوب کیمشدر .

اشبو شارل کن باباسی طرفدن اوستریا
ووالده سی جهندن اسپانیا خاندانلرینه منسوب
اولدیغی جهته دهها ۱۵۱۶ تاریخده اسپانیا تاجی
ارثاً کندی باشنه کپوراش اولدیغی کبی ۱۵۱۹
تاریخده دخی المانیا، پراطوراغنه انتخاب اولمشدر .
واقعا بو انتخابده وراثتک هیچ بر دخلی اولیوب
التورلرک اتفاقله وقونبواش اولدیغی معلوم
ایسه ده اوزمان عثمانلورک حجارستان و المانیا ایچلرینه
طوغری کیتدکجه آرتان استیلاری بتون اورو پای
اندیشناک ایلدیکی کبی ایمپراطور ماقسیمایدنک آلمانیا
ایله فرانسه اراسنده پیدا ایلمش اولدیغی بوزوشقلاق
اوزرینه المانیا بر طرفدن دولت علیه و دیگر طرفدن
فرانسه نک تضیقی التنده قالمغله بو ایکی قوته المانیا
و اسپانیا و ایتالیا طرفلرندن حسن مقابله کوسته بئک
ایچون شارل کنک انتخابنه عادتاً بر مجبوریت صحیحه
وارایدی .

بناء علیه شارل کن ایپراطور لغه عقیب انتخابنده
 اورو پانک نصف غربیسی تمامیه النده دیمک اولان
 بر ایپراطورک ترک و فرانسوز کبی ایکی بیوک دشمنه
 غلبه ایتسی ایشدن بیله دکل ایسه ده المانیا پرنسلی
 شمدی به قدر کوریه کلدیکی مثالو ایپراطورلرینک
 قوتنی کندی محاربهء داخلیه لریله صرف واستهلاک
 ایدرلر ایسه هیچ بر شینه موفق اوله میه جتمزلندن
 محمله بونلره بر انقیاد تام وظیفه سی تعیین ایدوب
 پرنسلی دخی قبول ایلش و جله سی بوندقلری یزک
 عادتاوالیسی مقامنده قاهره اصل حکمدار علی الاطلاق
 اولان ایپراطور طرفندن و بریله جک امره تمامیه
 مطاوعت ایده جکلرینه دائر بر بیوک عهد نامه امضا
 ایتش اولدقلندن شارل کن شو صورتیه بالکزلغظاً دکل
 حکماً و حقیقه المانیا و ملحقانک حکمداری اولشدرکه
 بو درجه قوت واستقلال ایله هنوز هیچ بر کیمسه
 المانیایه حکمدار اولامشیدی .

شارل کنک غرب طرفندن فرانسوزلریله ایتدیکی
 محارباتک تفصیلاتی فرانسسه تاریخنده کوسستراس

اولوب اول وجهله فرانسه قرالی برنجی فرانسوایی
 اسیرایدرك والده سنی دولت علیه عثمانیه دن استمداده
 مجبور ایتمسی و بو حالده فرانسوایه امضا ایتدیردیکی
 معاهده نك حکمی مؤخرأطو تمامسندن طولانی
 تکرار آتش حربك اشغالی و تا ۱۵۵۲ سنه سنده
 پاساو معاهده قطعیه سنك انعقادینه قدر قامبرای
 معاهده سنی وینس متارکدسنی موجب اولان جنککلر
 شارل کن ایچون پک بیوک مشغولیتلر اوله بیله جکی
 درکار ایکن برده تفصیلاتی دولت علیه تاریخنده
 کوستریله جکی وجهله شرق طرفندن عثمانیلرک
 لاینقطع هجوملرینه ککوکس و یرمش اولسی
 بوایمراطورک الحق جنکاورلکده نادر الامثال برآدم
 اولسنی اثباته کافیدر . مع هذا شارل کنک ایتدیکی
 اشبو محارباتک اهمیتنه معادل اولمق اوزره زماننده
 ظهوره کلان بروقه مهمه تاریخیه دخی پروتستانلغک
 ظهوریدر که بوسئله یالکن المانیایه دکل بتون
 اورو پایه تعاقی اولان مسائلدن بوانغله بونک بروجه
 آتی بریند مخصوصله ذکریم لازم کیشدر .

- بند مخصوص -

﴿ پروتستانتانگك ظهوری ﴾

شمعی (حاشا) الوهیت مرتبه سنی بولش
اولان پابالق مقامی عن اصل علی العاده بر روما
دس پوطلغی مقامدن عبارت ایکن پاپاسلرک مجرد
کندی انتقاملری ایچون بیولته بیولته خرس تیانلق
عالمک پای تخت روحانیسی اولوق درجه سته
واردیرلدقن صکره برده المانیا ایمرطورلری کندی
ایمپراطورلقلرینی پایاید تصدیق ای تدرمه دن ایمپراطور
اوله مانعه باشلادقن و بناء علیه کلیساره کلی
اوقاف ر بطیله بونلری ماده زنگین ایلد کدن صکره
ارتق پاپالق مقامی یالکز پای تخت روحانی دکل
بر مرکز سیاسی جسمانی دخی اولشی سی.

اکر ایش یالکز بوندن عبارت قالسه ایدی
مؤخر آظهوره کلان انقلابات عظیمه نک ظهوری بلکه
براز تاخر ایده بیلور ایدی. انجق یواش یواش اصل آیت
نصارانک خلافتنه اوله رق مثلا کاه چیقار مق و بر آدمی

کفر و رفضله اتهام و یا خود دجنت و جمال ایله بکام ایتمک
 کبی ایشاره ب پایا جنابلرینک قدرتی دا خلنده اولسی
 کبی مسأله رواج و یرلمکه باشلا نیجه و بوندن مقصد
 عموم او رو یاخر سستیانلرینی بر قوت قاهره دینه آلتنه
 آلق و بوصورتله قوجه بر قطعه نک منافع ماده
 و عنویه سی پاپاسلره منحصر قالمق صورتی اولدیغی
 میدانله چیقماق ایچون آزا جق عقلی سیوریلوب
 میدانله چیقانلر کفر و رفضله بالاتهام انواع عقوباتله
 اولدورلمک قبومی دخی آچیلنجه ایمپراطور ماقسیملیه نک
 او اخر حکومتنه طوغری هم متعصب و هم ده عالم لوتر
 تامنده بر پاپاس کندیسینی میدانله آتوب « اینجیلده
 فیصره عائد اولان یعنی حکمدارلره تعلق ایدن حکومت
 دنیویه بی ینه قیصره و یریکز دیه امر اولمش ایکن
 پاپالق مقامنک قیصرده اولانی دخی کندیسی ضبط
 ایتمک قالقشمسی و کفارت ذنوب و توبه و تکفیر و سائر
 کافه احکام اساسیه نصرانیتک چیغرندن چیقارلمش
 اولسی اللهم رضاسنه و شریعت عیسویه به مغایردر
 دعواسنه قیام ایلمشیدی

علمای نصارا میانده مومی الیه اوترک بود عواسنده
 حقلی اولدیغنی تسلیم ایدر بر خبلی آدم بواندیغنی کبی
 بعض پرنسلار دخی کندیسنی تصدیق ایتسی اوزرینه
 عومی الیهک ماهیت اجتهادی نه دن عبارت اولدیغنی
 کورلک ایچون پایانک امر وفرمانیه بر مجلس عقد
 اولندقدہ اگرچه لوترک دعواسنه مقاومت ممکن
 اولدماش ایسه ده خرس تیانلغنی بویوله دو کر لر
 ایسه قاتولک کلیسائی سعادت دنیویه دن بتون
 یتون محروم قاله جغنی واوحالده کرک حضرت مسیح
 و کرک حواریلری کبی فقر اختیار ایچنده یاشامق
 لازم کله جکی کور یلنجه طالب دنیا اولان پاپار ایله
 آنلرک طرفدارلری بوکا بر درلو راضی اوله میهرق
 لوترک عادتاً قتلی واجب بر کافر اولدیغنی اولو اورتہ
 حکم ایلدیله . فقط بو زمانه قدر لوتر کرک پرنسلاردن
 و کرک علما و اهلیدن پک چوق طرفدار پیدا ایلش
 اولدیغنی جهته مذهب جدیدک منادیلری المانیانک
 هانکی طرفنه کیرر ایسه مظهر حسن قبول اولورلر
 ایسی :

بر اراق قاتولیک پاپاسلری ینه قاتولیک قالان
 پرنس لک قوتیله پروتستانلری قهر و تنکیل ایتکه
 قانقشدیلر . حتی شرق طرفجه عثمانلورله و غرب
 طرفجه فرانسیزلر ایله مشغول اولان ایپراطور
 شارل کن دخی بوباده قاتولیکلر ایله فکر و نیتده
 مشترک ایدی . فقط پروتستانلر آرتق قوتلرینی
 کرکی کبی یرینه کتورمش اولدقلرندن و (شمالقاد
 اتقاقی) نامیله بر اتفاق تشکیل ایدرک عموم قوتلرینی
 بوصورتلر بر نقطه اوزرنده جمع ایلمش اولدقلرندن
 کندیلری اوزرینه موفقیت قاتولیکلر ایچون
 زیاده سیله کوچلشمش ایدی . حتی اوشدتی جلا دتلی
 شارل کن کندی تبعه سی دیمک اولان المانیا پروتستانلری
 ایله سانکه اجنبی بردشمنه قارشو جنک ایدیورمش
 کبی محارباته دخی قیام ایدرک بالخصوص ۱۵۴۶
 و ۱۵۴۷ سنه سنده ایکی دفعه پروتستانلری مغلوب
 دخی ایلمش ایدیسه ده ساقس حکمداری موریس ایله
 متفقلری بولنان سائر پروتستان پرنسلری اوتهدنبری
 آرازنده جنک وجدال اکسیک اولمیان فرانسه یی

دخی شارل کن علیهمندہ کندی اتفاقلری داخلنه الہرق
 زہدہ شارل کنٹ اردوسنی راست کتور مشلر ایسہ
 ازہرک مغلوب ایدرک ۱۵۵۲ تاریخندہ پاساوقصبہ -
 سندہ شارل کنی امضایہ مجبور ایلد کوری معاهدہ ایلہ
 فرانسه محارباتہ قطعاً بر نتیجہ ویر مکلہ برابر المانیا
 ایچندہ مذهب جدیدک انتشاریندہ ممانعت ایدہ مامکہ
 ومذهب مذکورى حر بر اقعده مضطر ایشلردر .
 ایشته مذهب جدید بر کرہ بوصورتلہ میدانہ
 چیققدن صکرہ ارتق هر طرفہ کوندر یلان مسیونرلر
 عمومی بومذہبہ دعوتدن چکنک! مشلر و پروتستانلرک
 بانسبہ قانولیکل کدن سادہ وقولای و صافی اولدیغنی
 کورنلر دخی قبولدن کیرو طور مامشلردر کہ بوصورتلہ
 ایتالیا والمانیا وفرانسه ودانیمارقه وتا اسوجہ
 ودر انتشار ایدن مذهب جدید پک چوق طرفدارلر
 بولسنہ وقانولیک کلیساسنک یعنی پاپالک مقامیلہ
 طرفدارلرینک اغراض ومنافع جسمانیہ سنہ مانع
 اولسنہ مبنی انجام کار اوتوز سنہ امتداد ایتمسندن
 طولای محاربه سی سالہ دیہ شہرت بولان محاربه

جسمه میدانہ چیمشدر • پروتستانلغک کلیاً تقرر
 و تأییدینہ سبب اولان بو محاربه بی دخی - برچوق
 ملتره تعلق ایتمش وقایع عمومیه بین الامدن بولنمسی
 جهتیلہ - اشاغیده بر بند مخصوص اوله رق ذکر
 ایده جکز •

(اتمای بند مخصوص)

ش رل کنک عثمانلی و فرانسز کبی ایکی بیوک
 قومشویہ قارشو آچدیغی محاربه لردن وداخلاً
 مشغول اولدیغی دین غوغارندن ماعدا برده اسقار
 بعیده خارجه سی اولوب از جله ۱۵۳۵ سنه سنده
 بار باره س خیرالدین پاشا ایله تونسنده ایتمش اولدیغی
 عظیم بر محاربه بی قازانمش ای دیسه دهانی متعاقب جزا برده
 ینہ مشارالیه خیرالدین پاشا النده مقهور و مغلوب
 اوله رق آق دکرده کی نفوذ بحر یسنی همان کلیاً
 غیب ای شد ر •

الحاصل مدت عمرینی محاربه ایله کچورن و جهانن
 بیوک بیوک کرم و سودینه کوکس و یرن بو خرچین
 و جلادتلی ایمراتور آخر ایامنده آرتق بونجه سنه لک

مشاغل و متاعیدن بیزار قالمغله ۱۵۵۶ سنه سنده
 ایمپراطور لقدن استعفا ایلمش و اوز زمانه قدر المانیای
 ایمپراطور لغنی اداره ایدن قزنداشی فردیناندی کلیاً
 و قطعياً ایمپراطور انصب ایلدیکی کبی اسپانیایا قرال لغنی
 دخی کندی اوغلی فابیه ترك و کندیسی بر مناسرتده
 انزوایی اختیار ایدرک ۱۵۵۸ تاریخنده منزوی اولدیغی
 حالده وفات ایشدر .

برنجی فردیناند خلق نظرنده پروتستان طائفا مش
 ایسهده پروتستانلغه توجهله شهرت بولمش
 و باخصوص هر ایکی طرف خرسیتیان اولدقلری
 حالده جزوی بر مابینت سببیله بونجه قانلر دو کواسنه
 بر معنا ویره مبه جکئی اوتتهده بریده علناً سویله مش
 اولدیغندن شارل کن استعفا و کندیسنی المانیای
 ایمپراطور مستقلی اولق اوزره تأیید وابقا ایلدیکی
 زمان پایا به لئان دردنجی پول «پاپالقی مقامی شارل کن
 کبی خرسیتیانلغک بر طاقم رافضی و ملحد لرینه قارشو
 جهاد و غزالله عمر پکوره مش اولان بر حکمدارک بلا
 عیب صحیح استعفا سننی قبول ایدمیز . هله

فردينانك ايمپراطور لغني اصلا ايسته هنر • شارل كن
 محضا خرس تيانك منافعي عاينده پاساو معاھده سي
 عقد اولنديغني ايجون استعفا ايلدي • بز معاھده
 مذكور هبي كا ان لم يكن حكيمه قويه بيلورز « ديه
 بر دعوايه قيام ايلمش و بز روايتيه كوره شارل كنك
 يتديكي استعفادن همان در حال ندامت كتورد يكي
 دخی اكلشاش ايسه ده بو دعوايه پايق مقامك
 دين محار به سنی ادامه دن بشقه بزيتي اولديغني
 ميداند بو لغله فرديناند « بنم ايمپراطور لغني تقدیس
 ایتك ایتامك پاپانك النده در • فقط ايمپراطور
 اولمغلم ايجون انك رضا و تقدیسی شرط دكلدر •
 شمدي يه قدر بر حقسن دعوا اوزرنده پايق مقامك
 سفكنه سببیت كوسترد يكي قانلر ارتق الويردي برزده
 عالم راحت ايدون » جوابيله پاپانك ياغره سنه
 قولاق بيله و یرمديكي مشاهو ۱۵۶۴ سنه سنه قدر
 دوام ایدن مدت حكومتنده في الواقع محار به آچلامق
 وقان دو كولمامك ايجون دن كلانی دريغ ایتدی •
 بعسوفاته یرينه ايمپراطور اولان اوغلی ماقسيمينه

ثانی دخی پروتستاناق مذهبنی علناً قبول ایتماش
ایسه بیله خفياً قبول ایتمش و هیچ اولز ایسه
بومذهبه زیاده سیه منمک بولنش اولدیغندن
اعاظمدن کندیسنی پروتستانلر علیهنه تحریک
وتشویق ایدنلره «سز نه عقلسز ملاحظه سز
آدملر ایتمش سکز! شرق طرفندن عثمانیلر بزی محو
ایده جگر حالا انلره مدافعیه کوسه تمکی
دوشونبورس کزده جزوی بره باینت غرضکارانه دن
طولایی کندی ملتکز ایله جنک ایتمکی دوشونبورسکز
المانیایی داخلی سز اشغال ایدر ایسه کز خارجاً
ترکرله اوغراشمغه و قتمز می قالور؟» دیه تکدیر ایلمش
و ۱۵۷۶ سنه سنه قدر دوام ایدن مدت حکومه تنده
المانیایا ایچنده نه دین و سیه سی ونه ده اسباب ساره
ایله داخلی محاربه آپلامغه غیرت ایلمشدر .

ایمپراطور مومی الیهک عقل و حکمتنه کوره
خارجاً دخی محارباتله مشغول اولیه جغی درکار
ایسه ده سلطان سایماز ثانی و سلیم ثانی حضراتی کبی
جهانه میدان او قویان جهانگیر پادشاه لرله هم

جواريتي صلحاً محافظه ايده ميهرک بر قاچ محاربه
 آچوب الحق شمدی يه قدر المانيا حکمدار لزندن پک
 آزينک کوسترمش اولدقلمرى حسن مقابله بي اش-بو
 ايکنجى ماقسيميليدن کوسترمشدرکه تفصيل کيفيت
 عثمانلى تاريخنده کوريله جکدر . بوندن بشقه
 اولجه لهستان قرالغنه انتخاب ايدلمش اولديغى
 حالد مؤخرأ حق ورثت کنديسنه انتقال ايتسندن
 طولابى اوچنجى هازرى ناميله فرانسه قرالغنه
 انتقال ايدن حکمدار دن صکر لهلول ماقسيميليدنى
 قرالغه دعوت ايلدکارنده اتيهن باتورى نام صاحب
 خروج کنديسنه ميدان و يرمامسى جهتيله ايمپراطور
 مومى اليه بوکاقارشو دخی جنکه حاضر لاش ايسه ده
 او اراق و فاتی و قوعيله موفق اوله مامشدر .

هله کنديسنک فنون و معارف ميل و رغبتى
 حسبيله المانيا يه بو يوزدن کوردیكى خدمت منکر
 دکادر . پدريله کندى زماننده پروتستانلرک
 کوردکلرى راحت و نائل اولدقلمرى ترقى و وسعت
 قاتولیکلر طرفنى خرسلزندن چاتلاته جق مرتبه ده در .

نه فائده که کند یسندن صکره ایمر اطورلق مقامنه
 کلان اوغلی ایکنجی رودولف علم کیمیا ایله هیئتدن
 بشقه بر شیء ا کلامز بر فن بدلاسی او اوب مشهور
 کپلر و تیشو براهه ایله بو ایکی فنه دائر مذاکرات
 و تألیفاتله امرار ایلدیکی اوقاتک بقیه سیله اوبالوجوه
 نازک اولان المانیایی حسن اداریه موفق اوله مدیغندن
 هر طرفجه فته و فساد قبولی آپلمش و اشاعیده
 ذکر اولنه جق محار بهءسی ساله نك اسباب موجب به سی
 تهیه ایدلمش اولدیغی کبی عثمانلیلره قارشو ایدیلان
 محار به لرده دخی هزیمت کلمیه یه دوچار اولمش
 بولندیغندن فرنداشی مانیاس در حال ارتق ایمر اطورک
 رضاسنی ارشد بر مقسزین عثمانلیلره بر معاهده
 صلحیه امضا و بعده آوستریا و مجارستان و حور او یا
 طرفلرینی کندی انقیادی التنه ادخال ایدوب نهایت
 ۱۶۱۱ سنه سنمه رودولفی بالکلیه خلع و عزل ایش
 و کندیسینی بالاستقلال ایمر اطور قالمشدر .

مقدمات حرکاتندن کورلدیکی وجهنه اشبو
 مانیاس صلحی سور بر آدم اولغله عثمانلیلر ایله

مخاربه بی بر طرف ایلمش اولدیغی کبی المایا ایچنده
 دخی صلح و آسایشی محافظه یه الدن کلدیکی قدر
 چاشمش ایسه ده سلفی زمانده باش کوسترن
 او یغونسز لقلری کلیاً اورتهدن قالدیرمغه موفق
 اوله مدیغی مثلاًو کندیسى بلا ولد بولمق حسبيله ده
 حال حیاتنده و ۱۶۱۷ سنه سنده ایکنجی فر دیناندا
 ناميله ایمر اط و رلق مقام نه اقعاد ایلدیکی یکنی
 فر دیناندا پک خوشونتلی و پروتستانلره قارشو شدتلی
 پرپرنس چیقدیغندن ارتق هر طرفجه تعصب دینه
 کوکله چیقمش و بر وجه آتی بر بند مخصوص
 ایله مجملاً حکایه اید، حکم مخاربه سی ساله بونک
 زمانده باش کوستر مشدرن بر ایسی که مایاس ۱۶۱۹
 سنه سنده وفات ایتمکله المایانک هرج و مرج اولدیغی
 زمانی کورمه دن قورتلدی کیتدی .

- بند مخصوص -

﴿ مخاربه سی ساله ﴾

یو مخاربه مشهوره ۱۶۱۸ سنه سنلن ۱۶۲۸

سندس نہ قدر محمد اولشدر کہ ظهورینہ سبب دخی
 یوقارود پروتستانفک ظهورینہ دائر درج ایلدیگمز
 یربتد مخصوصده و نندن صکره بورایه قدر اجمال
 ایلدیگمز معلومات سائرده کوستراش اولدیغی وجهله
 پروتستان مذهبیک هر کسی ایقاظ ایدرک و بر سرعت
 عاجله ایله ترقی ایلیدرک اورو پا خلقی عا تا مقام
 الوهیت کی بر اهمیت مخصوصه ایله تلقی ایلدکلی
 پابالق مقامنه بر نظری قیدی ایله باقغ دعوت
 ایلسندن و بناء علیه اول مقامک حساب و کابه صیغیان
 منافع روحانیه و جسمانیه منافع اولسندن ناشی
 قانونیکارک دخی بونرک محوینہ بوروعسندن عبارت
 بولمشدر . اک صکره محار بهنک بادلانغجی ایسه
 امیراطور ماتیاسک کندی یریند انتخاب ایلدیکی
 ایکنجی فردیتاندک خوشونتی و پروتستانلره کوستردیکی
 بی نهاید شدتی اولمشدر . چونکه القتور پالاتن دنیلان
 و بر این پراطور انتخابی خصوصنده رأیی سائر
 القتورلردن یعنی متخیلرین زیاد نفوذ کوسترن
 بیشجی فرهدر اقی پروتستان مذهبنی قبول ایتمش بولمق

جسبيله ايکنجی فردیناندک کوستردیکی بودرجه شدندن حسب اوقع پروتستانلری کندیسى محافظه وحمایه ایتک لازم کلدیکی مثللو ذاتاً ایپراطورلق تاجنى تروج دعواسنده دخى بولمغله ارتق هر اسباب موجوده سی حاضر لائمش بولنسان بر محاربهء دینهک مومی الیه بشنجی فره در یق طرفندن اعلان ایدلسی لازم کلش ایدی .

تاریخ محاربهء سی ساله بی باشلوجه درت دوره تقسیم ایدر . بونلردن برنجیسی پالانن دورى اولوب محاربهک مبدئندن ۱۶۲۳ سنه سنه قدر بشنجی فردر یقک ایتدیکی محارباتی حاویدر . المانیا مشاهیر شعراستندن شبلارک اشبو محاربهء سی ساله ایچون مخصوصاً ترتیب ایلدیکی نادرالامثال بر تاریخ خصوصیده بیان ایدایشنه کوره بو محاربهده قاتولیکلر پروتستانلره قارشو اول قدر شدت کوسترلر ایش که بر پروتستان مقتولنک قانی ایچمکله بیله حرارت عداوتلرینی تسکین ایدمزلر ایش . طوتیلان اسیرلری حرب اسیری طانییوب انواع اذنا

و جفا را له اولدورمک دخی بو محاربه ده کورلمش
 بار بار لقلردندر . چونکه طرفین بر مطلب عادی
 ایچون جنک ایتمه وورل ایدی که حتی بالکز او مطلبک
 استحصالنه چالشونلر . محضاً بر برینی محوایتمک
 و دنیا دن کوکنی قالدیر مق ایچون جنک ایلدکلری
 جهتله ایکی دشمن بر برینی اولدورمینه تشبی
 ایدمز ل ایدی . نتیجه کلام بو محاربه ده طرفینک
 بر برینه کوستردیکی شدت خونریزانه نه اهل صلیب
 محاربه لرنده کورلمشدر نه ده سنیلر ایله ایران
 رافضیلری محارباتنده . طو تکلری اسیرلک لحنی اکل
 ایدن وانجق بو صورتله تسکین شدت ایده بیلان اقوام
 وحشیه عنندنه دخی بودرجه بر برینک قاننه
 صوصا مشجه سنه جنک ایدلدیکی یوقدر دنیلسه
 بهالغه یه حمل اولنه مز . ایشته قاتولیکلرک بودرجه
 شدتنه دوچار اولان پروتستانلر بشنجی فرهدریتمک
 ایکنجی فردینادیدیله ۱۶۲۰ سنه سنده پراغا
 طرفلرنده دوچار اولدیغی مغلوبیت اوزرینه ارتق
 بر درجه شدت جو رو جتایه دوچار اولشلردر که

المانیا جه پر اغا و حوالیسی پروتستانلغک تکثرتوسع
ایتمش اولدیغی یرلر دن معدود ایکن بر ایکی سنه
ظرفنده اورالده همان بر نفر پروتستان قالیوب
اکثریسی هلاک ایدلمش و یک جزو یسی تبدیل مذهبله
یقایی قورتاره بیلشدیر .

ادوار اربعه نیک ایکنجیسی ۱۶۲۵ سنه سندن
۱۶۲۹ سنه سنه قدر دوام ایدن دانوواز دوری
اولوب دانیمارقه قرالی دردیجی قرستیان (دانیمارقه
ص ۱۰۷ مر) دانیمارقه نیک المانیا اوزرنده حصوه
کله جک بر چوق منافعنی اشبو محاربه سی ساله ده
کندیسنک دخی قبول ایتمش اولدیغی مذهب جدید
طرفدارلرینک غلبه سنده بولمغله بویابده پروتستانلره
حرباً معاونته چیقمش ایسه ده اودخی ده سو طرفلرنده
جنرال والانسته یین ولویته ر طرفلرنده دخی جنرال
تیلی یدیله مغلوب اولدیغندن لوبق شهرنده عقد اولنان
و کندی علیهنده صرف حقارت و مسکنتله مملوبولنان
معاهده یی امضایه مجبور ایدلمشدر . مغلوبیتک دخی
پروتستانلرک محوینه نه قدر سرعت ویره جکی

بشقہ جہ ملاحظہ ایدلیلی . او چنجی دورہ اسوچا و
 دوری دینلور کہ ۱۶۳۰ سنہ سندن ۱۶۳۵ سنہ سنہ
 قدر دوام ایدوب بو دورہ اسوچ قرالی مشہور
 کوسا و آولف (اسوچ ص ۱۰۳ مر) یلدرم کی
 بر شدت و سرعتہ المانیا ایچنہ کیرمش و ایمپراطور
 ایکنجی فردیناندک قاتولیک اردولری اولاپسیقده
 و ثانیاً لوتسن نام محلدہ مغلوب و پریشان ایتشد .
 مومی الہ کوسا و فرط شجاعت و وفرت بسالت
 ایلہ تفر د ایتش جنک آفحانی بر آدم اولد اغندن
 محاربہ سی سالہ نیک ایکی اولکی دورندہ پروتستانلرک
 دوچار اولد قلمی ہزیمت و منکوبیتک انتقامنی تمامیلہ
 الہ جنی شہیدہ سزایدیسه دہ شوا یلاک غالبیت واقعہ سنک
 دخی نتیجہ سنی استنتاج ایدہ مکسزین لوتسن
 محاربہ سی ایچندہ وفات ایتکلہ پروتستانلرینہ بیکس
 و بیچارہ قالمش اولدیلم .

محاربہ سی سالہ نیک دور ربعی فرانسه دوریدر کہ
 ۱۶۳۵ : سنہ سندنہ باشلامش و مسئلہ بی انجامنہ قدر
 ایصال ایتشد . فرانسن ملتی دہا ایمپراطور

مافسیلیه ن زمانده المانیا ایله بیدا اولان منافستی
 محافظه ایتمکده اولدیغی شهلواندن صکره شارل کنک
 پرنجی فرانسوا ایله ایتمکی ایشلر اوزرینه خصوصت لرینی
 بر قاندها تقویه ایتمکده بولمسیله و اوزمان فرانسه
 بولتیتمه سنی پارمعی او جنده چورمکده بولنان
 منهور قارینیل ریشه لو (فرانسه ص ۲۱۴ مر)
 آوستریا خاندانک نفوذینی قرقق محضار پروتستانلرک
 غلبه سیه حاصل اوله جغی کورمسبله بومحار به بی
 آخغه قرار ویرمشدر :

فرانسه نك محار به می ساله یه مداخله سنی
 پروتستانلق مذهبی ایچون بر کونه طرف کیر لکه حل
 ایتم خطا در . زیرا سن بارت ته لیمی قتل عامنده
 آلتمش بیک پروتستانک بر کجه ده باشنی کسان و بوندن
 حاءا پروتستان وقانولیک محاربات دینه سند، دره ل
 کپی قانلر آفتان والحاصل بولتیتمه سنک الاینجه
 جهنلرینی پروتستانلعت محوی وقانولیکلرک بنامی
 صورتلریله حصول پذیر اولان بر فرانسه دن بویله
 بر غیرت بکله مکه محل یوقدر . بالکز قار دیناله

ریشه لیو المانیا علیهند شو او زدن بر فر اداق چو یر مک
ایچون بو محار به نی آچدر .

مع هذا محار به ده بازو قونده وتوررن نام
فرانسز جنرال لرینگ قوه قاهره غالبیتلرینه قارشو
ایمپراطور و یاپایالق اردولری عاجز قالدقلمری کی
۱۶۳۷ تار منحنده ایکنجی فر دیناندخی وفات ایدرک
یرینه اوغلی اوچنجی فر دیناند ایمپراطورا و امش
و چند سنه دهها مهاجه و مخصوصه دوام ایلدکن
صکره فرانسز لره غایبه ممکن اولدیغی قطعاً کورنجه
و سفالی قصبه سنده بر معاهده عقدینه و بو معاهده
موجبجه المانیاده مذهب جدید اربانک حر مطلق
بر اقلرینه موفقیت حاصل اولمشدر .

شیلار دیر که او توز سنه محار به سنده ککرک
پروتستانلردن و ککرک قاتولیکلردن وقو عبولان
وفیانک مقداری المانیا نفوسنی نصفندن اشاغی به
ایندیره جک درجه ده ایدی . ایشته یالکز مدت
امتدادی جهتیه دکل بلکه قوجه بر اقلیم یاریدن
زیاده نفوسنی هلاک ایده جک مرتبه ده تلفاتلی

بولنتى حسبيله تاريخك الكمهم اوراق اوزر و طانيديغى
مخارباتك ده الكمهم نندن بريسي بو مخاربه سى ساله
عد ايداسه بالوجوه بجا وسزادر .

(انتهى بى بند مخصوص)

مخاربه سى ساله نك توجه سنده المانيا ايچون
كوريلان ضايعات پك بيوك ايدى . زير ابر كره
تكميل پومراني ايلتى اسوجه ترك ايدلديكى كبي آراس
ايلتيله تول ووج ووردون دخى فرانسه يه ويرلمش
ويوندى بشقه داخل المانيا بى تقسيم ايدن حكمدارلك
جمله سى كر چكدن ومسئول حكمدار اوراق اوزره
طانبوب هله پر وتستان پر نسلرى ايمپراطورلك هيئت
عموميه سندن همان بالكايه آيراش اوغله بوزمانه
قدر هر حالده يكمپاره كبي پر صورته اداره اولنان
المانيا بعد ازان كر چكدن منقسم و متفرق پر حاله
كير مشدر .

ايمپراطور اوچنجى فرديناد دها حال حياتنده
ايكن اوغلى دردينجى فرديناد عنوانيله اوزمانه
كوره ايمپراطورلك نامزدلك مقامى عد اولنان

رو ماقر اللغه نصب بلمش و بعد وفاته المانیا ایمر اطوری
 اوله جغی دخی در کار بولمش ایکن اوغلی کندیسندن
 اول وفات ایلیسیله ۱۶۵۷ سنه سنده کندیسی وفات
 ایلدیکی زمان یرینه دیگر اوغلی لئو پولد برنجیلاک
 عنوانیله ایمر اطور نصب اولمشدر .

اشبو لئو پولد مشهور جنرال مونته کوکولینک
 متبوعی اولان ایمر اطور در که دولت علیه عثمانیه
 ایله ایتمیکی مشهور سن غوتار محاربه سی انشاء الله
 ایلر وده عثمانلی تاریخنده ذکر اولانه جقدر .
 بوندن ماعددا ایمر اطور دومی ایله فرانسه قرالی
 اوز دردنجی لوبی ایله دخی هم عصر اولوب لوبی
 المانیا ایچنه اقین ایلدیکی زمان لئو پولد مقابله سنه
 چیقمش ایسه ده مغلوب اولدوغندن بیخ نام محله ده
 قرال غایبک تکلیف ایلدیکی معاهده صلحیه بی
 امضایه مجبور اولدی .

واقعا لئو پولد فرانسه دن بو ایتماق ایچون
 ۱۶۴۸ سنه سنده اسپانیا و باویرا و ساقس ایله
 متفقاً (چونکه باویرا ایله ساقس ارتق المانیا دن

تمامیله آیلش اولدقلری جهتله ایمپراطور بومشاور
 امور معظمه داندلر امر ویره میوب غایتی اتفاهه
 دعوتله دعوتله اجابت ایتملرینی التماس ایده بیلور
 ایدی) فرانسه اوزرینه حرکت ایلمش ایسه ده
 یو سفرده امیدی قدر موفق اوله مدقن ماعدا
 بر قاج یرده مغلوبیت کلیه یه دوچار اولغله ۱۶۶۹
 سنه سنده رسوایق معاهده مغلوبانه سنی امضا
 ایلمش و یومعهده موجهجه آنزاس المانیان آریلوب
 عادتاً بر فرانسز ایاتی اولشدر .

فرانسه ایله شو محاربه نك كوستردیکی فرصت
 اوزرینه ذتاً ایمپراطورك اداره سندن ناخشنود
 یونان محار خلیق عصیان ایلمکلی و بناء علیه او
 ازالق المائیا ایچلرینه طوغری ایلمک ایستیان
 عثمانلی اردوسنه اصلا مقاومت کوستردکلی
 جهتله ۱۶۸۳ تاریخده اردوی همایون و یانه یه
 قدر ایرواه شدرد ۱۰ کر اردوی همایونجه و یانه
 قنعه سنک فحکی امرنده بعضی لزوم و یولاسز
 تأجرات وقوعبولماش اولسه ایدی قلعه نك تسلیم

اولنه جغتہ شہدہ یوق ایدی . انجق تأخرات واقعہ
 سببیلہ اہستان قرالی ژان سو بیہ سکینک ویانہ
 امدادینہ یتشمسنہ فرصت بر اقلدیغنی جہتله مر قوم
 کلی عسکر ایله کلوب وزیر اعظم قرہ مصطفی پاشایی
 آوستریا . طور اغندن چیمغہ مجبور ایلشدر .
 بو اراق المانیانک سائر طرفلرینہ انتشار ایلش اولان
 عثمانلی قول اردو لرینی دخی اورن دوقہ سی اوئی و پرنس
 اورن رجعتہ مجبور ایلش ایدی . قار او یج معاہدہ سی
 بو محارباتہ ختام و یردی . اشبو مشاغل حربیہ
 بر طرف اولدقدن صکرہ ایمپراطور لئوپولد مجارستان
 اوزرینہ عسکر سوق ایدرک باغبرلی تأدیب
 ایلشدر .

اسپانیا قرالی ایکنجی شارل بلا وارث وفات
 ایلدکده لئوپولد کندی اوغلی شارلی اسپانیایہ
 قرال نصب ایتک ایستہ دیسه ده بودعوا فرانسه
 قرالی اون دردنجی لوئیدہ دخی بولندیغنه یعنی اوده
 حفیدی فلیپی اسپانیا صندالی قرالیسنہ اوتورنق
 ایستدیکنه مینی بر محاربه دخی بو یوزدن باش

کوستروب ذاتاً فرانسه ايله جنکه وسيله ارامقده
بولسان انکلتره وهولاندا المانيا ايله بالاتفاق فرانسه يه
غلبه چانديلر وباخصوص هوهشتادغلبه عظيمه سنی
قرانديلر ايسه ده ينه بوارلق يعنی ۱۷۰۵ تاريخنده
شوپولدك وفاتی وقوعه تکمله محاربه نك ارقه سنی
لمغه وقتي قالدی .

بو محاربه تاريخ لساننده « تورات محاربه سی »
یه شهرت بولان برفاچ محاربه نك بریدی اووب
نشاننده فرانسه دولتی حقلی والمانيا حقسنز ایدی .
یر اسپانیا قرالی ایکنجی شارل اون دردنجی لویینک
حقیدی کنديسنه وارث اولسنی وصیت ایلمش اولدیغی
طالبده المانيا بو وصیتک خلافته اوله رق اوزاقدن
وزاغه بعض وسائل ایزاديله برمنوال محرر شارلی شارله
وارث ایتمک ایسترایدی . بناء علیه کیفیت فرانسه
تاریخنده دخی ذکر ایلمش اولدیغی وجهله هر نه قدر
محاربه نك مبادیسی فرانسزلر ایچون بیوک بیوک مغلوبتی
نتیج اولدیسه ده اسپانیاده آلمانزا وویلا و یچوزا
وفلاندرده واقع ده ن محاربه مشهورلری کبی

غالبه لڑ فرانسرزردہ قائدینفندن و آلمانیانک مفتلری
 دخی لئوپولده خلف اولان ایمپراطور ژوزفہ صلح
 تکلیفنه قانقسدقلرندن اکرچه ژوزف تکلیف اولنان
 صلحی قبول ایتیموب قرنداشی شارلک حصول املی
 ضمتده محاربده دوام کوسترمش ایسهده ۱۷۱۱
 سنه سنده اودخی وفات ایدرک ایمپراطورلق تاجی
 محاربہنک سبب مستقلی اولان شارلہ انتقال ایدنجہ
 شارل یانکز آلمانیایمپراطور اغیلہ اکتفا واسپانیایی
 اون دردنجی اوئینک حقیدی قلیبه ترک ایتمکه راضی
 اولهرق بونک اوزرینه اوترسن و راستاد معاهدہ لری
 عقد اولنوب ۱۷۱۴ تاریخنده بو محاربہ یه دخی
 نہایت و برلشدر .

انجق شارلک اسپانیادن واز کچمسنه آلمانیای
 ایچون بر ضرر و ز بان عناسی و یرمک جائز دکلدیر .
 زیرا بر اسپانیایه مقابل ایتالیادن ناپولی و میلان
 و مانتو و ساردنیایله شمال طرفندن پھی بایی دخی
 کندی ادارہ سی آلتنه آلمشدر . (پھی با ص

اش-بو ایمپراطور شارل زماننده . رکه محاربات
 سابقه ده عابیتله شهرت آلمش بولنسان پرنس اوژن پتر
 واردین و بلغراد دین عثمانلی اردوسنه غایه ایتمکله
 دولت عیبه عثمانیله پارسارو ویح معاهده سنی امضا
 ایتدیره بیلمشدر . اش-بو عثمانلی محاربه سی بتر بتمز
 اسپانیا قرالی و اون دردنجی لوئیک حقیدی معهود
 فلیک کوستردیکی سبیت اوزرینه ایمپراطور شارل
 تکرار اسپانیا به قارشو جنک آچوب حتی بودفعه
 آلمانیک متفقلمری بولنسان انکلتزه وهولانده ایله برابر
 فرانسه دخی آلمانیا ایله متفق چیقمش ایدیسسه ده
 محاربه نیک بر اهمیت فوق العاده کسب ایتمسنه میدان
 قالمسزین ۱۷۲۵ سنه سننده عقد اولنسان ویانه
 معاهده سی دول محاربه بی بارشدیر ایلمشدر .

بودور فرانسه تار یخنک دور شهوانیسی اولوب
 یانکز فرانسه دولتک دکل بلکه بتون آورو یانک
 پولتیقه سی برطاق فاحشه لک کیفی اوزرنده دوغمکده
 اولسایله وینه بودورده نهستان آرتق اسکی انتظامی
 غیب ایدرک آزعین لهاولر هر قرال وفات ایتدیکه

و یاخوند خلع اولند قجه اوروپا خاندانلرینک بربر بر
 قپولرینی چالوب کندیلری ایچون بر پرنس طلبنده
 بولمسینه ۱۷۳۳ سنه سنده دخی محل قالان لهستان
 قرالانی ایچون ایمپراطور شارل المانیایا پرنس لرندن
 فره در یق او کوستی نصب ایتمکه قالقشمش و فرانسه
 ایسه بر حوق قاری انتریغله لرینک ایجابیله لهستانک
 یرلی پرنس لرندن ستانسیلاس نام پرنسی اجلاس ایتمک
 دعواسنه قیام ایلمش اولدیغندن بر محاربه دخی
 بو یوزدن باش کوسته مشیدی . هله ۱۷۳۵ سنه
 سنده عقد اولتان بر معاهده موجبنجه لورن ایالتی
 ستانسیلاسه و یرلمک و فره در یق او کوست لهستانه
 قرال نصب اولنق اوزره ایکی طرفت دخی رضاسی
 داخلنده بر تالیف ایله جنکه ختام و یر یله بیتلشد .
 المانیانک عادتتا بهوسه یره اسراف قوت ایتمسندن
 عبارت بولتان شو محاربه لر دولت علیه عثمانیه به او جبه
 کوردیکی مغلوبیتلرک انتقامنی آلتق ایچون فرصت
 و یردیکندن در حال اعلان حرب ایله ۱۷۳۹ تاریخنده
 شارل افلاق و صریه پی و بلغراد و زاباش شهرلرینی

عثمانلى دولتته ترك ايتمه مجبور ايدلمش و بومغلوبت
اوززينه شارل دخى معمر اوله ميه رق برسنه صكره وفات
ايشدر .

ايمپراطور شارل دها حال حياتنده ايكن بيوك
وزى مشهور ماري ته رزى كنديسنه وارث ايتك
املنه دوشمش و بوبابده نشر ايلديكى اعلا ننامه يي
اوستريا و المانيا و ساڤره دن برچوق حكمدارلره و سنيورلره
قبول و تصديق ايتديرمش ايسه ده وفاتندن صكره
ماري ته رز دن ماعدا قزلي نك قوجه لري و باخصوص
ياويرا القتورى شارل براسكى وصيتنامه يي و سيله
ايدينه رك ماري ته رزك اوسترياده كي حق وراثتى
انكاره چاشديغندن و نصلسه بريوانى بولوب فرانسه نك
مشاهير زماننه كنديسنى القرام ايتديره رك بر فرانسز
اردوسنى ارقه سنه طاقديغندن قهراً و جبراً كلوب
كنديسنى ايمپراطور نصب ايتديرمشيدى . لكن
بي وفاتر يوزندن ككلان حيايه نك حكيمى دوام
ايدمه چكى جهتله فرانسه تاريغندن دخى كوستاش
اولديغى و جهله ماري ته رز فرانسه دولتى يارمغى

و جنہ طالعش اولان آسفته لہ پرنسسلرہ لایق لسان ایله
 پرر عربضہ تقدیم ایدرتجه بونلرک نیاز والتماسی اوزرینه
 فرانسه دوتی شارله اولان حمایه سندن واز کچدی .
 بناء علی ذلک اشاعیده ایکجی فصلاک ابتدا سندن
 ایضاحاتی و بیر یله جکی وجهنه شارل بغیر حق ضبط
 ایلدیکی تاجلری بردن بره ترکه مجبور اولوب اکر
 ۱۷۴۴ سنه سنده پروسیا دولتتک بوهمیا قاریشقلقاری
 یاش کوستمش اولسه ایدی اصل پدردن موروث
 باویراتاجنی یله تکرار آله میدرق باشی آچیق قاله جق
 ایدی .

ایشته شارلک بو صورتله اندفاعندن صکره المانیا
 ایمپراطورلغی ماری تهرزک قوجه سی بولنان برنجی
 فرانسوا یه انتقال ایدوب واقعا مومی ایها ماری تهرز
 اصل حق صاحبی ایسه ده قوجه سی اولان ولورن
 خاندانه منسوب بولنان فرانسوا دخی . وخر آ انتخاب
 قزانمش اولسیله بونلرک ایکی خاندانن مرکب
 اوله رق تشکیل ایلدکلری یکی خاندانه « اوستریایا
 لورن » خاندانی دینلمش و بو خاندانک مدت حکومتی

دخی بروجہ آتی آبروجہ بر فصلده کوسترلشدر .

- ایکنجی فصل -

﴿ اوستریالورن خاندانک مدتی ﴾

عن ۱۷۴۵ الی ۱۸۰۶

- تفصیل - ماری تهرزک پدری بونان
 ایپراطورالتنجی شارل مومی البہانی کنڈیسنه ورث
 اولہرق ترک ایلدیکی حاندہ بو وراثتک طاننامسہیلہ
 المانیا ایپراطورلغنه ہوس و بونک ایجابیلہ آوستریا
 خاندانی علیہنہ قیام ایدنریالکر باویرالی شارن
 اولیوب ساقس دوقہسی اوکوست ثانی و (کیفیت
 پروسیا بچندہ کوستریلہ جکی و جہلہ) پروسیاقرالی
 ایکنجی فرہ دربق دخی آوستریا علیہنہ قیام ایملشر
 ایدی . شو اوج خصما کافی ووافی اولدقلمری حالده
 ارایہ فرانسه دخی کیرہ رک باویرالی شارلی الترام
 ایدنجہ تک باشلرینہ یالکر قالان ماری تهرزایلہ
 قوجہسی مقاومدن بتون بتون عاجز قالدیلمر .

شارلده باویر ایمر اطورا ولد قدن ماعدا پروسیا قرالی
 فره در یق ثانی دخی آوستریا خاندانک ملک موروثی
 پولنان سیلیزیا ایالتنی ضبط ایلدی . ساقس دو قه سی
 ایسه کندیسنی ایمر اطوره اطاعتدن بوسبتون مستغنی
 کوروب المانیانک سائر پرنسلی دخی بویولده اکاپی رو
 اولدی لر .

الحاصل بو قدر خصمیه قارشو عاجز قالان
 هاری تهرز مجارستاندن بشقه صغنه جق یر بوله میه رق
 ویانه بی ترک ایله اورایه التجا ایلد کده مجار اصل زاد کانی
 جلب و جمع ایله هنوز بشیکده بولنان اوغلنی بونلره
 کوستروب کندیسنک مسلم اولان طلاقتی حسیله
 اجدادینک المانیایه اولان خدمتلیرینی برر بر ریادو
 « خاندانم قدر اسکی و شرفلی بر خاندانی شو اراق
 ظههور ابدن درت بش نفر صاحب خروجلر انده
 بیچاره براق سزه یا قیشورمی ای مجاز اصل زاد کانی؟ »
 خطابنی ایراد ایدنجه زادکان مومی الیهیمک جمله سی
 یر آغز دن « حکمدار من ماری تهرزک شوکتی اوغورنده
 جمله مزک ترک حیات ایدرز » دیه مومی الیهایی
 القشلامغه باشلار لر .

بونك اوزرينه انكلتره دولتي دخي ماري ته رزه
 مظاهرت ايدوب مومي اليها مجار عسكريله ۱۷۴۳
 سنه سنده باويرالي شارل اوزرينه يوريبوب ده تن
 ژهن نام محمله آني مغلوب ايلديكي وايكي سنه
 صكره شارل وفات دخي ايتديكي جهته ابويرا
 مالكانه سي ماري ته رزه انتقال ايتدكدن ماعدا
 قوجه سي فرنسوا دخي ايمپراطور انتخاب اولمشدر .
 واقعا مسئله يالكر بونكله بتدي . خصمائي سار ه
 مخصوصه بر زمان دهادوام ايدرك ۱۷۴۸ سنه سنده
 عقد اولنان اقسلا شاپل معاهده سي مسئله يي ولو كه
 موقه اولسون تيجه پذير ايتشيدى . اندن صكره
 ماري ته رز وقوجه سي محاربه نك موجب اولديغي
 مصائبي تعميره باشلا ديلر و بر حال تدني يه ايتش اولان
 تجارت و صنايعي و بالخصوص معارف احيا ايچون
 بك چوق همتر صرف ايلديلر . انجق اسكي
 المانيا ايچنده يكيدن توره مكده بولنان پروسيا دولتنك
 افكار استيلاكارانه سني صلح ايله يككم ممكن اوله مديغي
 جهته محاربه هفت سالا ديو شهرت بولان و ۱۷۵۶

دن ۱۷۶۳ سنه سنه قدر تمتد اولان محاربه شدیده باش ککوستر مکه اورته لوقینه آل قانله غرق اولدی . بو دفعه یینه ماری تهرزک فرانسه ده ورسای سرایلرنده عشوه بازلق ایدن نازند لری حسن تلطیف ایتمی سایه سنده اولجه کندیسسی حقوق حکمرانیدن محروم ایتمک ایچون جنک ایدن فرانسز عسکری شمسی مومی الیهایی تأیید ایچون جنکه کلشدر . مع هذا سیز یا ایالتی پروسیا قرالی فره در یقه تملیک ایتمک کن صکره هو بر تسبورغ معاهد سسی عقده امکان بولنه مدی . فقط ماری تهرزیدرینک وفاتندن بری کندی حکومتی تم دید ایدن بویجه مصائبه قارشو یالکز بر سیز یایی صدقه ایدرک قورتلش اولدیغنه متشکر قالدی .

۱۷۷۲ سنه سنده روسیه ایمپراطور یچه سی ایکنجی

قارتینا لهستان مقاسمه سی ترتیب ایلدیکی زمان (روسیه ص ۱۶۴ مر) پروسیا ایله برابر ماری تهرز دخی بو ترتیبه اشترک ایدوب اصل کندی ملک موروثی دیمک اولان آوستریانک لهستان ایچنه طوغری

توسیع حدودینہ خدمت ایدہ پیش اولدی . ایشته قاریلغیله برابر اداره سی مر دانه و معامله حریده سی دلیرانه اولان بو حکمدار ۱۷۸۰ تاریخنده وفات ایلدیکی زمان ملک موروثی اوغلی ایکنجی ژوزفه ترک ایلشدر .

حاجابوکه ایکنجی ژوزف دها پدیری برنجی فرانسوانک ۱۷۶۵ سنه سنده وفاتی وقوعبولدیگی زمان المانیایه ایمپراطور انتخاب اولمشیدی . فقط والده سی کی مقتدر بر ایمپراطور یچه بر حیات ایکن کندیسنه حکم و حکومت ایتک دوشمدیکندن اصل بافعال ایمپراطور لغی ینه والده سنک وفاتندن اعتباراً بدأ ایلشدر . والده سی افکار عالیه سنه مطابق بر بولده تربیه ایلدیکی جهنتله مومی الیه ایکنجی ژوزف افکار جدیدیه زیاده سیله منهنک اولوب پاپاس کروهنک بر طاقم بییهوده و بی لزوم مراسم و تشریفاتنه وریاکارانه ادعیه خیره سنه اصلاً قولاق ویرمدکن ماعددا ره بانلرک بر و تبلیخانه صورتته قویمش اولدقلری مناسبتر لدن دخی بر

چو غنی هدم و تعطیل ایلمشدر . پایا بق مقامی برس
 کبی اجر آتک علیهنه قیام ایلمدی ایسه ده اول مقامک
 المانیا اوز زنده کی نفوذ و تحکمی قلنامش اولدیغندن
 عنف و جبره مقتدر اوله . بوب پایا بولمان انتجی بی
 مخصوصاً و یانه نه کیتدی و حرکات واقعه سنندن واز
 یکمسی رجا بوللو عرض ایلمدی . ژوزف ایسه
 بو کی رحاله قولاق بیله ویرمیوب اصلاحات واقعه دن
 واز یکما مشدر .

۱۷۸۷ تاریخنده روسیه ایمپراطور پچه سی
 قاترینا روسیه تاریخنده (ص ۱۸۴ مر) کوسترا دیکی
 وایلروده عثمانلی تاریخنده دخی بیان اولنه جنی وجهله
 دولت علیه یه اعلان حرب ایتدکلی زمان ژوزف
 متفقاً اعلان حرب ایلمشیدی . اردوی همایون
 بلغراد بیش کاهنده آوستریا اردوسنه غلبه ایدرک
 وزیر اعظم بوسف پاشا مجارستانک ایچنه طوغری
 ایلروله مکه باشلا دقه آوستریا تاریخلرینک مدحنی
 کوکاره چیقاردقلری فلد ماره شال اودون فراردن
 ششقه یرشیده مهارتنی کوستره مامش ایدیسه ده

اوارالق ارتق کرکی کبی انتظامندن چیقمش اولان
 یکی چری عسکرینک سرکشکی سیئله سیله اودون
 غلبا ته باشلا یوب اردوی همایونی مجارستاندن
 چیقاردقن ماعدا بلغراد دی دخی تسلیمه مجبور ایتشد.
 شو قدر وار که په بی با طرفلرنده ظهور ایدن بر اختلال
 (په بی با ص ۵۸ مر) عثمانلی محارباتیله اوغراشمغه
 میدان بر اقدیغی کبی فرانسه ده بیوک اختلالک
 ظهور یله ژوزفک همشیره سی اولوب فرانسه قرالی
 اون آلتنجی لوئینک زوجه سی بولنان بیچاره ماری
 آنتوانتک فلاکت احوالی دخی کندیسنی برقتور کلی
 ایچنه آتغله ارتق مهمام اموره باقدجق اقتداری
 قلامشدر .

۱۷۹۰ تاریخنده مومی الیه ژوزف ثانینک وفاتیله
 قرنداشی ایکنجی لئوپولد ایمپراطور اوق مقامنه قعود
 ایلدیکی زمان المانیا ایمپراطور لغنی پک بیوک برتهلکه
 ایچنده بولشیدی . زیرا وولتر کبی ژان ژاق روسو کبی
 فرانسه ارباب قلمنک نیجه سنه لردنبری نشر ایلدکاری
 افکار جدیده حریت اوروپانک هر طرفنی او یاندیرهش

او اقدن ماعدایوک اختلال اربانک ظهور یله
 کوستر دکاری نمونه موفقیتم دخی جمله نک جرأتی
 آرتدیرمش بواندیغندن اولامجارستان خلقی کندی
 ملیتارینه، مخصوص برطقم امتیازات طلبنده، ایدیلر .
 ثانیاً اشاغی آوستریا ایله بوهمیا اھالیسی یکی طرح
 اولنان ویر کولر علیھنہ غابت شدتلی نمایشلرده
 بولنولر ایدی . ثانیاً آوستریانک پھنی با ماسکانه سی
 خلقی عادتاً سلاح بدست ایدیلر . فقط شو بولد
 علوم فلسفیہ ایچنדה پرورش بولمش عالم و حکمت
 شناس بر آدم بولندیغی جهتله ناخشنود بولنان
 اھالیء مر قومہ نک کافہ سنی عقل و حکمت سایہ سنده
 بولہ کتوروب قوہء جبریہ استعمالی حالنده فرانسه دن
 بش بدتر برحان شورش وانقلابہ دوچار اولہ جنی
 شبھہ سز بولنان ممالکنده انقیاد و آسایشی محافظہ یه
 موفق اولدقدن ماعدای فرانسه نہ زور بار النده زبون
 قالان اور انجی اوینک بیله امدادینہ یتشمک ایچون
 پروسیا دولتی ایله مذاکراتہ کیریشمش ایدیسہ نہ
 ۱۷۹۲ - نده سنہ، وفاتی وقوعیلہ بوکا موفق
 اولہ مامشدر .

برينه کين اوغلى ايکنجى فرانسوا جلوسيله
 برابر تمام فرانسه نك چيلغجه سنه برعزم جهانگيرانه
 ايله اوروپ نك هر طرفنه صالديرديغي دوره
 تصادق ايلديکندن ايضاحاتي فرانسه تاريخنده،
 و برلش اولديغي وجهله فرانسوز ايله زرده
 قارشولشدي ايسه مغلوب اولديغندن ۱۷۹۷ سنه سنده
 عقد اولنان قامپوفورميو معاهده سي موجنجيه يه بي با
 انه او بار ديا اوزرديكي حقوقندن قصريد ايتمه
 مجبور اولديغي کي مؤخرأ تکرار بحاربه به قيام
 ايلد کسه دخي مر انقوده هزيمت کليديه دوچار اولش
 و ۱۸۰۱ تاريخنده عقد اولنان اونه ويل معاهده سي
 موجنجيه رين نهرينك اوته طرفنده بولنان المان
 ممالکيندن ال چکمشدر .

۱۸۵۰ تاريخنده ايکنجى لئوپولد اوچنجي دفعه
 اوله رق سائر مفتلر يله برابر ناپوليون بوناپارط
 عليه نه لى التيام شن زن و اولم وبالخصوص
 اوستريچ (فرانسه ص ۲۷۵ مر) هزيمت لريني
 کورم سيله عقد اولنان پرزبورغ معاهده سي همان

آوستریا دن ماعدا بتون المانیایی کندی حکم
ایمپراطور یسندن چیقارمش و بناء علیه لئوپولد دخی
المانیایی ایمپراطور لغی ارتق معناسز قالدیغنی کوره رک
بو عنواندن و بونک مقتضاسی بولسان ایکنجیلکدن
بالاستعفا برنجیلاک صرہ سبلہ آوستریا ایمپراطور لغی
عنواننی المشر .

ایشته قدیم المانیایی ایمپراطور لغنک حکمی بوتاریخده
ختامہ ایروب فرانسوانک بوندن صکرہ کی صورت
حکومتی آوستریا بختندہ کوریلہ جک و المانیانک احوال
آتیہ می ایسہ اشاغیدہ کی اوچنجی فصلده ذکر
اولنہ جقدر .

— اوچنجی فصل —

﴿ رین ہیئت اجتماعیه سی ﴾

عن ۱۸۰۶ الی ۱۸۱۵

— تفصیل — ایکنجی فرانسوانک برمنوال
محرر ایمپراطور لق عنواندن استعفا یتسی اوزرینہ
المانیایی چون بر ایمپراطور دها بولنسی و باخصوص

فتوحات جهانگیرانه سبله اوروپائی تتره تان ناپولیون
 بونا پارٹک انتخاب قلمسی صورتلری وارد خاطر
 اولمش ایسه ده المانیاده قرال عنوانی حاز اولان
 حکمدارلر وینه قرالار قدر مستقل بولنان دوقه لر
 وسائر پرنسار ناپولیونک نه قدر فکر استبدادده اولدیغنی
 بیلدکلری ومومی الیه طور رایکن بشقه بریسنی
 ایمپراطورلغه چاغرمق ممکن اولدیغنی دخی کوردکلری
 جهتله آوستریا وپروسبیان ماعدا تکمیل المانیا
 حکومتلری رین هیئت اجتماعیه سی نامیله برحکومت
 متحدہ تشکیل ایلدیلر و بونک حایه لفظیه سنی ناپولیونه
 تودیع ایتدیلر .

اشبو هیئت اجتماعیه المانیانک کره زرین فرمانی کبی
 نه قدر قوانین وتنسیقات قدیمه سی وار ایسه جله سنی
 مفسوح عداید رک یکیدن برقانون اساسی قویمشیدی .
 بواساس موجبنجه شمدی به قدر داخله علی الاطلاق
 مستقل عد اولنان و حالبو که دائماً برایمپراطورک تسلط
 و تحکمی التندن چیتقه میان حکومتلر داخله یکان یکان
 مستقل اولدقلری کبی دول متجاوره الیه اولان معاملات
 سیاسیہ و حربیه ده جله سنک هیئت مجتمعه سی بردولت

طمانش و عموم المانیا پارلامنتوسی دخی بو دولتک
حکمداری اولوق اوزره قبول ایدلمشدر .

- در دنجی فصل -

جرمانیا هیئت اجتماعی سی

عن ۱۸۱۵ الی ۱۸۷۱

- تفصیل - ۱۸۱۵ سنه سنده بتون اوروپا
دول معظمه سی ناپولئون بونا پارطک علیهنه قیام ایله
اول آفت جنک وجدالی خلع واسیر آسنت الی جزیره سنه
نفی ایلدکری زمان المانیجه کوریلان انقلاب یالکز
« رین هیئت اجتماعی سی » عنوانک « جرمانیا
هیئت اجتماعی سی » عنواننه تحواندن و برده
بو اجتماعک آوستریا خاندان ایمراتورسی حایه سی
الته ویرلمسندن عبارت قالدی .

شو قدر و ارکه و ستغالی و ایلاهی کی المانیان
آریابوب فرانسه ضبطنه النار و یاخود من القدم
حکومت ایدن پرنسلی ناپویولک بازوی قهری ایله
طرد اولسه رق یرطاقم یکی توره هس پرنسلره

تمليك ايديلان يرلر بويديكي هيئت اجتماعيه
 طرفندن استرداد وينه اسكي پرنسارينه احاله
 قلنديغى مثالو پو مرانى وره نان ايله ساقسونيا دن
 ير خيلى يرلرير وسيايه ولونن برغ دانيمارقه به
 ولو كسمبورغ په بي بابه ربط ايدلك كى بعض
 تعديلات اجر اقلمشدر . بوقسه تنظيمات وتنسيقايجه
 رين هيئت اجتماعيه سى مودلى بوزلما مشيدى .
 بوتار يخن دن صكره المانيا ايچنده محبت وطن وسوداى
 استقلال سائقه سيله افكار عموميه نك بعض مرتبه
 غلبانلرى كوراش ايسه ده بونلر هر حالده وقوعات
 خصوصيه دن عبارت اولوب انشاالله تعالى ايلروده
 المانيا نك بعض حكومات منفرد، سنه دائر ويره جگمز
 معلومات خصوصيه صره سنده ذكر ايديله جكندن
 خصوصيات مذ كوره نك بوراده المانيا احوال
 عموميه سى صره سنده ذكرى مناسب كورنما مشدر .
 المانيا هيئت عموميه سنه تعلق ايدن وقايع جسميه
 ومهمه نك صره سى قوللاشدير يلور ايسه تا ۱۸۶۶
 سنه سنه قدر طر ايق تحرى اوزرنده بروقه جسميه

تصادف اوله من . بو اوزون مدت ایچنده پروسیا
 دولتی غایت عاقلانه و ترقی جویانه حرکتله قوتنک
 دائرة وسعتنی بر قاندها توسیع ایلد کدن صکره
 اوستریا خانداننک المانیا اوزرنده یالکیز بر لفظدن
 عبارت قالان حمایه ایمپراطورانه سنی دخی چکه مامکه
 باشلابوب بو نقطه اوزرنده بیودکجه بیویان اغراض
 سائر بر طاقم آمال ایله بر لشه رک ۱۸۶۶ سنه
 میلادیه سنه صادوا محاربه سنک وقوعه سببیت
 کوستر مشهور .

بو محاربه ده ایتالیا دولتی پروسیا ایله متفقاً
 اوستریا اوزرینه حرکت ایدرک المانیا هیئت عمومی سی
 همان بالکلیه بی طرف کبی بر حالده بولمشیدی . واقعا
 اوستریا دولتی بر ا پروسیا وهم بر اهم بحر ا ایتالیا
 اوزرینه مهاجده دن چکفامش ایسه ده پروسیا
 عسکرینک استعمال ایلد کیری دقیقه ده اون سکر
 یکر می قورشون آتار ایکندی تفنگلر قارشو طور لاق
 ممکن اولدیغی جهته مغلوبیت اوستریا طرفنده
 قالجه اوستریا خانداننک جرمانیا هیئت مجتمعه سی

اوزرنده کی حایه لفظیه سی بتمش وحتی هیئت
اجتماعیه دخی ختامه ایرمشدر . بوندن صکره
شمدیکی المانیا ایمر اطور اغنک صورت تشکلی اشاغیکی
فصلده کور یلوز .

- بشنجی فصل -

﴿ المانیانک شمدیکی ایمر اطولنی ﴾

عن ۱۸۶۶ الی ۰۰۰۰

- تفصیل - اورویا تشریفات دولیه سی
صره سنده هنوز چو جق دنیله جک مرتبه ده یکی
اولان پر ووسیا دولتک صادواده آوستریا علیه نه
وقوعبولان غلبه سی وخاندان مشار الیهک المانیا
اوزرنده کی حایه لفظیه سنک دخی انفساخی اوزمان
ایچون اورویاچه نه قدر اهمیت قرانمش ایسه
المانیاچه او اهمیتک نسبت مرتبه سنی قرانمش
اولدیغندن ور ووسیا دولتک بو درجه غالیتی موئتیق
کی صنایع حربیه اربانک تنظیمات عسکریه چه
مسلم اولان همتلرندن قطع نظر پر انس بسمارقک مهارت

دیپلوماتیکہ سنہ جل اولند یغندن صادوا محار بہ سنک
 عقیندہ ام دنیا پروسیا دولت جدیدہ سنک بوغابیتدن
 نہ یولدہ استفادہ یہ چایشہ جغنہ منتظر قالمشیدی .
 بعد المحار بہ پروسیا دواتی المانیایی کنندی
 نظارتی تحتندہ بر اتفاق عمومی السنہ المقدن بشقہ
 بر شینہ نصب نظر اہمیت ایتدیکی کورلنجہ اورویا
 دیپلوماتلری بر درجہ یہ قدر مستریح اولمشلر ایسہ دہ
 صوک اتحاد لرینی دخی غیب ایدن المانیا حکومتلری
 پروسیانک بواملی اوزرینہ خلیجہ تلاش کوسترمشلر
 ایدی . لکن پرنس بسمارق المانیایی بردن برہ تو حیش
 ایتماک ایچون ذاتاً بر قاچ حکومتی پروسیایہ التحاق
 ایتمش اولان المانیایی شمالی قسمنی کرک طوعاً و کرک
 کرہاً اتحاد شمالی نامندہ بر اتفاق شمالی یہ ادخال
 ایلش و بوکا مقابل باویرا و وورتمبرغ کبی المانیانک
 حکومت جنویہ سسی دخی بر اتفاق جنوی عقد
 ایلشلر ایدی . المانیانک بو صورتلہ ایکی ہیئت
 متفقہ حالتہ کیرمسی اوروپادن پک آز کیسہ لک نظر
 دقت و اہمیت لرینی قرانہ بیلش ایدیسہ دہ پروسیالورک

کبجه و کوندوز دوام ایلدگری تدارک و تنظیمات
 عسکریه یالکز فرانسه دولتک نظر اهمیتنی آچمده
 ایدی . زیرا لوکسمبورغک اتحاد بهانه سیله پروسیا
 استیلاسی التنه ادخال ایلمسنه فرانسه دواتی قطعاً
 اعتراض ایلدیکی مثلاً دوات مشار ایها دن کلان
 همتی دریغ ایتمک اوزره المانیای شمالی ایله جنوبینک
 برلشلمرینه دخی اعتراض و ممانعت ایلر ایدی .
 چند سنه صکره اسپانیه ده غایت اهمیتنی براختلال
 ظهوری ایله قرالچیه ایزابلا مقام حکومتدن طرد
 اولنوب اسپانیاده بر حکومت . وقته تشکل ایتمسی
 و بر زمان اسپانیایی نصلسه اداره ایده بیلدکن
 صکره برقرال انتخابنه لزوم کوره رک پروسیانک
 هو هنرولرن خانداندن بر پرئسی اسپانیای تحتنه دعوت
 ایتمسی ذاتاً حدود شرقیه سنجه پروسیانک کوندن کونه
 آرتان نفوذ و قوتندن اندیشناک اولان فرانسه دولتک
 منافعه طوقنه رق بر منوال محرر انتخاب خصوصنه
 اعتراض ایتمکله ۱۸۷۰ سنه سنده پروسیایه اعلان
 حرب ایلمش و ابتدای اعلان حربده یالکز پروسیا

ایله فرانسه نك جنك ایده جکی حسابیله هر کس
 یومسئله ده پروسیا دولت جدیده سنك صادوا منظریتی
 شاننی دخی غیب ایده جکننه منتظر قالش ایدی .
 هر اتحاد شمالی ایله اتحاد جنوبی اراسنده براتفاق
 خفی موجود ایمش که محاربه آتشی پارلار پارلامن
 المانیای جنوبی دخی پروسیانك سوق و اداره سی
 التنده اوله رق میدان حرب به یورودیکي جهتله فرانسه
 دولتی هزیمت کلایه یه دوچار اولش و ایشته بو
 محاربه نك عقینده تکمیل المانیا حکمدارلی پروسیا
 قرالی ویلهلمی عموم المانیا ایمپراطوری طانیه رق
 المانیانك اسکی حکومت ایمپراطور یسنی تجدید
 ایلمشدر .

المانیاده الحاله هذه موجود اولان حکومت ایشته
 شو ایکنجی حکومت ایمپراطوریه اولوب بونك ایسه
 منافع و محسناتی هنوز افکار عمومی طرفندن اتفاق
 ایله حکم اولمامشدر . فقط پرنس بسمارق کبی
 حکومت مذکوریه بی التزام ایدنلر بو منافع و محسناتی
 حکم ایله بعد ازین المانیانك بیودکجه بیومسنی استنتاج

ایدیورلر • واقعا بو کون المانیانک صورت حرکتیه
برابر کوستردیکی نمونه موفقیات دخی بو نتیجه بی
تأید ایدیور •

﴿ افاده عمومیہ ﴾

المانیانک هیئت عمومیہ سنه دائر بوجلمده ذاتاً مجمل
اوله رق و یردیگمز معلومات برده نظر موازنه و محاکمه ده
خلاصه ایدیور ایسه کوریلور که بومات کندی
نعمت استقلالنه پک کچ و کوچ دسترس اوله بیلدیکی
کبی تا صوک زمانلره کلنجه یه قدر هب بر ایترا طورک
تحکم و تسلطندن یقایی قور تاراماش ایسه ده ایسه
برده ایج یوزندن باقلنجه المانیانک هیچ بر وقتده
استقلانی غیب ایتماش اولدیغی دخی کوریلور •
زیرا روما اولور کبی جهانکی بربر دولت عصر زجه
مخار بهلر ایتش اولدقلری حانده المانیانک جنوب و غرب
طرفلرینی کوچ حال ایله هم دهه موقه اله کچور مشلدر •
بو مدت تسلطنده شمال طرفلری بنه کندی اسکی
حریت بدویهلرینی محافظه ایتکله برابر روما اسارتی

التہ کیرن ہمشہر یلرینی قورتارمق ہمتدن دخی
کیروطورمامشدر • یعنی فرانسزلر کبی روما رعایاسی
اولوب قلاماشلردر •

واقعا شارلمان بو قطعہ بی تمامیلہ ضبط ایدرک
تشکیل ایلابیکی غرب ایمپراطور لغنه قائمش وشو صورت
المانیایچون بر محکومیت عد اولنہ بیلہ جکی درکار
بولمش اولوب انجق شارلمان المانلرک استقلال و حریت
اصلیہ سنہ اصلا مداخلہ ایتدکن ماعد ملت
مذکورہ نک اسکی بکارینہ مملکتی بالتقسیم دیانت ومدنیت
دخی تعلیم ایشدر • بناء علیہ شارلماندن صکرہ حکومتلری
دوام ایدن قارلو ونیرثین پرنسلرینک ده المانلری رعایا
کبی قوللانہ جق بر ادارہلری کوریلہ مامشدر •

مؤخرأ برر حکومت مستقلہ صور تیلہ تشکل
ایدن المانیای حکومتلری هنوز بر درہ بکنندن عبارت
ایکن انتخاب اولنان ایمپراطورلر بر زمانہ فدر المانیای
ایچندہ مستقلانہ فرمان فرما اولمشلر ایسہ ده بونلر
هر حالده برر جرمن حکمداری اولدقلری جهتلہ
المانیای ہیئت عمومیه سنک استقلال ملیسی مغلوب

و منغصوب ايدامش اولديغى مثللو بو هيئت عموميه بي
 تشكيل ايدن قوملك استقلال خصوصيلىرى دخی
 كندی سنبورلى طرفندن محافظه اولنه بيلشدر .
 شو تفصيلاتی و یرمكدن غرض المان ملتلك سائر
 ملتلمثللو نجابت اصلیه سنی غیب ایتامش اولديغی
 آكلا تمقدر . زیرا بر ملتلك نجابت اصلیه سی ایکی
 شيله مبدل اوله بیلوب بونك برنجیسی ملت هر قومه نك
 یر ملت دیگر رعیتی الله کیرمی و ایکنجیسی ملل سائر
 ایله آخر صورتله اختلاط ایتسیدر . المانیلك ملل سائر رعیتی
 الله کیرمامش اولديغی موازنه سابقه دن اكلا شيله
 بیلوب اختلاط بختنه كلنجه واقعا اورو پانك بيوك بيوك بر
 قاج ملتيله المانلرا اختلاط ایتشله ايسه ده بو اختلاط ملل
 هر قومه نك المانیایه كله رك قار شملى صورتيله وقوع
 بولوب بانعكس المانلرك مثلا انكلتره و فرانسه یه
 كیدرك اورالر خلیله اختلاط ایتسندن بو صورتله
 المانلقدن چیقمش اولسندن عبارتدر . سلاو
 خلقنك شرق طرفندن المانیایه کیرمش اولسی برامتراج
 حصوله ككتوره میوب بونلر اليوم دخی سلاو
 قالمشدر .

ایسته اصلارینی شو صورتله محافظه ایدن المانلر
لسانلرینی و اخلاقلرینی دخی محافظه ایدوب واقعا بونلر
دخی لاتین و یونان لسانندن برطاقم اصطلاحات ایله
کندی لسانلرینی تزین ایتشلر ایسه ده اکر بو کون
المان لسانندن اصطلاحات اجنبیه بی چیقاراجق اولسه لر
المانجه نك ینه برالمانجه اوله رق باقی قاله جغنی تسلیم
ایتملیدر . هله وقار و ناموس و صدق و خلوص و صبر
و تحمل و سائر خصائل مقبوله جهتیه المانلر ملل
متمدنه نك همان هیچ بر بسنه قیاس ایدیله عز . زیرا
مانلر بو خصائل جلیله بی تا عالم بدویتدن کتورمش
و صکره مدنیتک نیجه زائلی ایله مبادله ایتش اولدقلری
اتوغرافی قنجه مواد مسیله دن اولدیغنه کوره المانلر
شو ایلاک خصائل مقبوله بدویه بی اول قدر محافظه
ایلمش لدر که الیوم مدنیتله بدویتی یان یانه قویوبده
المانلغی هر برینه آیری آیری تطبیق ایده جک
اولسه لر بدویته اولان مناسبلری دها بیوک کوریلور
ایندی .

یته یومئاسبتدن نشئت ایلمشدر که المانلر بو عالم

وجودده يالكز كندی موجوديتلىرى ايچون ياشامشلىرى
 وهرنه ياپدیلر ایسه محضا المانلق ایچون ياپوب
 یوقسه مدنیت و سعادت عمومیه یه فرانسزلر قدر
 نه همت ایده بیلمشلىر نه ده مضرتده بولمشلردر .

المانيا ایچون تاریخك تعین ایلدیكى تذلذلك يالكز
 پروتستانلق مسئله سندن ماعداسی عادتا تمامیه
 بی اساس شیلردر . فقط بو پروتستانلق مسئله سی
 اول قدر بیوك و تهلكلی بر مسئله ایدی که المانیایی
 بالکلیه محو ایده بیلمسی دخی حسابیه قونللی ایدی .
 مع مافیه بو بلیه المانیانك نفوسنی یاریدن اشاغی یه
 ایندیرمکله ختام بولدقدن و پروتستانلق لایقوله
 میدان الدقدن صکره المانلری خریستیانلق نامیه
 دوچار اولمش بولندقلری پاللق اسارت مادیه
 ومعنویه سندن قوزتارمش و حریت افکاره نائل
 ایلش اولدیغندن بلاحد ذاتنده بلا ایکن من جهة
 نعمت یرینه کچمشدر .

واقعا عثمانلورک بلغارستان اوزرندن المانیایه
 تجاوزلری المانیا ایچون بریوك تهلكه ایدی . فقط

اصل المانیا ایچنه طوغری بوهمیایه قدر کیدوب
 حزرارق سیلکن یالکنز آقجیلرمن ایدیلر . یوقسه
 اصل اردوی همایونک صدمات قهرمانیسی مجارستان
 ایچنده کوریلوب ایکی دفعه ویانه محاصره سنده ده
 اشاغی اوستریایی اوله یه ویرمش وهر حالده المانیانک
 ایچروری صوات عثمانیه دن محفوظ قالمشدر .

بیوک اختلالدن صکره واقعا ناپولیون بونا پارط
 المانیایی هرج و مرج ایدرجه سنه بر چاقایش چالقدی
 ایسه ده بونجه مجادلانک نتیجه سی المانیایی بر المانیا
 ایمپراطورلغی نقطه سنده اجتماع و اتحاددن آیروب
 بر رین هیئت مجتمعه سی اتفاقنه صوققدن و برده
 کنارندن کوشه سندن بعض یرلری قرقوب بر طاقم
 یکی تورودی پر نسلره ویر مسندن عبارت قالدی .
 یعنی ناپولیونک شدتی و سرعتی بر ششخانه قورشونی
 کبی ایدی . انجق المانیانک متانتی دخی بر قلعه دیواری
 کبی اولدیغندن قورشون کمال شدتیه برابر دیواردن
 انجق طرناق قدر یر قوپاره بیلمشیدی . هله ده
 صکره دول متفقه فرانسه یی کرچکدن هرج و مرج

ايتدكلى زمان فرانسه مليتك رضاسى خلافته
دوچار اولديغى انقلاب كى بر بليه يه الماتيا عارتا
هيچ بروقده دوچار اولدى .

اوروپا ايچنده فنون و معارفك ترقياتى ايچون
احتياج كوريلان معلوماتى هولاندىز وانكليز
و پورتگيز كميچىلى عالمك اقطار بعيدده سندن
طوپلايوب كتورمش اولدقلى منكر دكلدر . فقط
بو يابده المانلر دخى آنلره بي رو اولمندن كيرو قالدقلى
مثلاو مباحث فنونى تأليف و تصنيف همتى دخى آنلرده
كورلمشدر . هله اخلاق و عقايد و شعر و انشاجه
الحق يد طولاريني كيمسه انكار ايده مز . شيللر
وشيلنغ و كوت و بوفون و الكساندر هومبولد
وسار بونلر كى قرقى اللى بي تجاوز ايدين اعظمك
اساميسى فنون حكيمه واديه و طبيعيه تاريخلرنده پارل
پارل پارلامقده در . انجق المانلر معارفجه اولان
بو ترقى به كندى حدودلى داخلىنده بروسعت ويره بيلوب
فرانسزلر ايسه فرانسزلر كى يابدقلى هب تقليد و المانلر كى
وانكليزلك يابدقلى هب تحقيق اولسنى دعوا ايدينلر كى

ادعائزندن قطع نظر - حکمت و معرفت لرینی بتون
دنیایه نشر ایتک غیرتندن هیچ بر زمان کبرو
قالماش لدر .

حب وطن فرانسز لده انکلیر لده و الحاصل
عصبت و ناموس صاحبی اولان هر ملتده بولندیغی
قدر المانیاده دخی وارد و ملت غیرتی دخی ینه
بونسبتده در . انجق « ملتیم نوع بشر در وطنم
روی زمین » فکری عالمده همان فرانسز لده مخصوص
کبی برشی اولوب جهان بر مصیبتله مبتلا اولسه المانلر
واقعا اول مصیبتله آغلار لر ایسه ده کندی حدود لر ی
اوزرینه کلوب اورادن آغلار لر وانکلیر لر اورایه
خزینه لرینی دو کر لر فرانسز لر ایسه قانلرینی !
المانلرده تجارت انکلتریه فرانسده ینه نسبتله اوچنجی
درجه ده بیله قالز . جناب حق بر ملت مسعود ایتک
ایچون لازم اولان شیرک اغلبنی المانیایه و یرمش
اولدیغی جهتله بوملتک ملل متجاورهیه احتیاجی پک
آزدر . ملل متجاوره نک المانیایه احتیاجی اوله یلسه
دخی اولکا ایشلک اسکله لر دن محروم اولدیغی جهتله

اوطرفدن حوایج جلی صبا دوشر • البته آوستریانک
تجارتی المانیادن دها رواجلیدر • مملکت مذ کوره نک
صنایعی دخی بونستده در •

المانریالکز بوصول محار به لریله ده دکل اوتهد نبرو
عسکر لکده نام و شهرت قزانمشرا یسه ده بو شهرت
یالکز انتظام و صنایع حریره به مخصوص بر شهرت اولوب
یوقسه شجاعت فطریه جه فرانسز افرادی المان افرادندن
مقدمدر • شویله تعبیر ایدملم که جنکه کیتک المانلرایچون
بر مذبحه کیتک قدر دهشتلی اولوب فرانسزلرایچون
ایسه دو کونه کیتک قدر ذوقدر • فقط المانلر
شجاعت خصوصنده انکلیرزه مر جحد رلر •
(انتهای)

(المانیاتاریخک فہرستی)	صفحہ
۰۰ مقدمہ ۰۰ المانیاتک خلاصہ احوال	۳
جغرافیہ سی	
۰ المانیاتاریخک تقسیمات اساسیہ سی	۱۱
* برنجی باب *	
تاریخک اطلاعی تبدیکی برزماندن بدآیلہ	۱۴
۰ قاراوونیریہن خاندانک انقراضنہ قدر	
(برنجی فصل)	
۰ المانیاتک بدایت احوالی	۱۴
(ایکنجی فصل)	
۰ رومالورک تسلطی	۲۴
(اوچنجی فصل)	
۰ رومانک اضمحلالی	۳۵
(دردنجی فصل)	
۰ شارلمان وقاراوونیریہ نلر	۴۱
* باب ثانی *	
۰ قاراونیریہ نلردن فترت جسمیہ قدر	۴۹

- (برنجی فصل)
- ۴۹ فرانتونی خاندانیه ساقس خاندانن
ایمپراطور انک تأسسنه قدر .
- (ایکنجی فصل)
- ۶۰ ساقس خانداننک بقیه سی .
- (اوچنجی فصل)
- ۶۵ فرانتونی خاندانی .
- (دردنجی فصل)
- ۷۶ صوآب نام دیگر هوهنستوفن خاندانی .
* باب ثالث *
- ۸۳ بیوک فترتن او کسمبورغ و باویرا خاندانلری
ختمانن قدر .
- (برنجی فصل)
- ۸۳ مدت انقلاب .
- (ایکنجی فصل)
- ۹۰ هایسبورغ خاندانی .
- (اوچنجی فصل)
- ۹۷ لوکسمبورغ و باویرا خاندانی .

✽ بابر ابع ✽

- ۱۰۷ اوستریا خاندانك ابتدا سندن بوزمانه قدر
(برنجی فصل)
- ۱۰۷ اوستریا خاندانی
(ایکنجی فصل)
- ۱۴۷ اوستریا لورن خاندانی
(اوچنجی فصل)
- ۱۵۶ رین هیئت اجتماعیه سی
(دردنجی فصل)
- ۱۵۸ جرمانیا هیئت اجتماعیه سی
(بستنجی فصل)
- ۱۶۱ شمدریکی امپراطورلق . افاده عمومیه
-

کائنات

کتبخانہ

تاریخ

—oo—

« برنجی قسم »

✽ اوروپا ✽

« برنجی قسمک سکرنجی جلدی »

حکومات جرمانیہ

(محرری)

احمد مدحت

« ترجمان حقیقتہ » تفرقہ اولہرق درج ونشر

اولندقدن صکرہ آریجہ کتاب اولہرق طبع

اولمشدر

استانبول

۱۲۹۷

« حكومات جرمانيه »

« كائنات » سرلوحه سى التنده اوله رتي جمع
ايمكده بولنديغمز اشبو كستخانهء تاريخك بوندن اول
« المانيا » ايمپراطور لغنه مخصوص اوله رق چيقا -
رلمش اولان يدنجي جزؤنده بيان ايلمش اولديغمز وجهله
المانيا لفظى بر اسم عمومى اولوب بيوك كوچك بر
چوق اولكلارى جامع اولديغندن مذكور يدنجي
جلده اصل « المانيا ايمپراطور لغى » سرلوحه سى
التنده اجتماع ايده بيله چك اولان بر المانيا تاريخ عموم -
ميسنى خلاصه ايلدكن صكره حكومات مستقلةء
متشكليه دخی بشقه جه بر شعبه اوله رق تشعب
ايتدirmek ممكندر .

ایشته بو سکزنجی جلدده دخی المانیا ایمپراطور -
 لغنی تشکیل ایلیان حکومت مستقله نك توارنج خصوص -
 صیه سنی برر برر خلاصه ایده جکر . زیرا بونلر
 میانده عادتاً جسمجه دولتلر دخی بولنوب عموم
 المانیا ایمپراطور لغنه هر زمان ارتباطلری پك جزوی
 اولدیغی و حتی بر چوغنی مدت مدیده ایمپراطورلق
 ایله محاربه لر ایدرک غلبه لر بيله ایتش اولدقلری منا -
 سبتیه اکر بونلری المانیانك برر ایالتی حکمنده عد
 ایدر ایسه ك تاریخجه بیوجك بر نقصان ایتش
 اولورز .

بوراده حکومت مستقله یه « حکومت جرمانیه »
 تسمیه ایتش اولقلغمزك سببی قدیمدنبری بونلر « اقوام
 جرمانیه » نامیه تسمیه ایندلمکده اولسندن ناشیدر .
 بوندن ماعدا حکومت مذکورهنك « متفقین جرمانیا »
 نام عمومی التنده اتحاد ایلدکلری دخی واقع اولغله
 (المانیا تاریخی . صحیفه ۱۵۸ مراجعت بیوریه)
 بونلرک هر بری حقنده بشقه بشقه معلومات ویریه -
 جك اولان شو جلدده حکومت مذکورهنك ینه
 « جرمانیا » نامی التنده توحیدی مناسب کورلمشدر

(حکومت جرمانیدنگ صورت تقسیمی)

جرمانیا حکومتلری اوله رق بوجلدده تاریخلرینی خلاصه ایده جگمز حکومتلر بیوک کوچک یکرهی بش حکومت اولوب بونلردن سکرز دانهسی قطعدهنگ شمال طرفنده واقعدرلر که انلر دخی شونلردر : پروسیاه اولدنبورغ . برونزویق . برم . هامبورغ . لوبق . ایکی مکلنبورغ .

اون درت دانهسی دخی المانیای وسطیده بولنوب انلر دخی شونلردر : ایکی قطعده لیب . والدق . هس غراندهوقه لغی . بیوک راوس امارتی . کوچک راوس امارتی . آنحالت . ساقس قرالغی . درت قطعده ساقس دوقه لقلری . ایکی شوارزبلر .

حکومات مذ کوره دن اوچ قطعدهسی دخی الما . تیای جنوبیده بولنور که شونلردر : باد غراندهوقه . لغی ورتمبرغ قرالغی . باویرا قرالغی .

ایمدی بوراده شو اقسام ثلشهنگ هر برینی بر باب و اقسام مذ کوره داخل بولنان حکومتلری دخی بر فصل اعتبار ایدرک تاریخلرینی اکا کوره خلاصه ایله

✽ برنجی باب ✽

« جرمانیا حکومت شمالیہ سی »

برنجی فصل

(پروسیا)

جغرافیہ - اصل « پروسیا » نیلان اولکا
المانیا قطعہ سنک شمال شرقی جہتندہ واقع اولوب
شمالاً بحر بالطیق و شرقاً روسیہ و جنوباً اوسٹریا
وساقس و غرباً دخی مکامبورغ ایلہ محدود ایندہ
شمیدیکی المانیا قطعہ سنک غرب طرفندہ و بلچیقاقو ہو۔
لاندا ایلہ ہم حدود اولہرق « پروسیا » یعنی
رین پروسیاسی نیلان ایالتی دخی پروسیایہ تابع
اولدقلمی کبی مقدما قراللق صورتیلہ اداره اولنان
هانورا ایلہ بردہ شلزویغ هولشتاین ایالتی پروسیایہ
التحاق ایلدیکندن ایوم المانیانک قسم شمالیہ سنندہ
اولدنبورغ و بروزویق و برمو و هامبورغ و لوبوق و مکلمبو
رغلردن ماعداتون قطعہ نفس پروسیادن معدودندہ
بو دولت بر حکومت قرالیہ صورتیلہ اداره
اولندرق مرکز اداره قرالیت بر این شہر یدرکہ
عموم المانیا امپراطورلغناک پای تختی دخی اوراسیدرہ

بو قطعہ داخلندہ ۰۷۳، ۶۵۶، ۲۴ نفوس موجود
 اولوب بونک اون التي ميليونى پروتستان و سکرز ميليونى
 قاتولىك مذهبنه ذاهبدرلر . المانيانك بوقسمنده يهو-
 دى دينه تابع نفوس پك آذر . حكومتك ديانت
 رسميه سى پروتستان مذهبى اولوب پروسيا قرالى
 بولنان ذات عموم پروتستانلر ك حاميسى عد اولنور .
 زيرا قاتولىكلرك مرجع روحانىسى روماده واقع يپاللق
 مقاميدر .

تاريخ - اصل پروسيا اسمى ازمنه قديمه ده يالكرز
 شمديكى پروسيانك روسيه حدودى جوارنده وويستول
 نهرينك ايكي ساحلنده دوزلك وغير منبت بر قطعده
 ويريلور ايدى كه شمديكى كونيغسبرغ شهرى بوقطعه -
 نك مركزى عد اولنور ايدى . مذكور پروسيا
 نامنك شمديكى قراللق حدودى داخلنده بولنان
 ممالكه شيوخ وشمولى اون بشججى عصر ميلاديدن
 صكره وقوعبولشدر .

ايمدى اصل پروسيادنيلان ولايت صغيره ده
 ازمنه متقدمه جه كوتون واسيدن ووينديل وسائر
 بعض اقوام وحشيه طائمش اولوب مؤخرأ غوت

طائفه سی کندی نام لرینه منسوب اولان حکومت
 جسمیه بی تشکیل ایلد کبری زمان ولایت مذ کوره
 دخی بودولتک حدودی داخلنده قالمشدر . اشبو
 اقوام وحشیه نک وحشیلک زمان لرینه مخصوص اولان
 صورت معیشت وجهیت لرینی بوندن اول چیقان المانیا
 و په بی با و فرانسه تاریخ لرنده ذکر ایلدی کمزردن
 تفصیلات لازمه انلره مراجعتله معلوم اوله جغی کبی
 غوت قوم نک بورالرینی استیلا ایتسی و غوتلردن
 صکره اسلاو اقوام نک دخی کلوب منتشر اولمسی
 المانیا تاریخنده (صحیفه ۳۶) اخبار ایلدیکندن
 کفیتک بوراده تکرارینه حاجت یوقدر .

ایمدی المانیانک شمال شرقیسی طرف لرینه انتشار
 ایلیان اسلاو قوملری میانده « بوروسی » اسمنده بر
 چاعت وار ایدی که لتون و سائره مثللو اسلاو اقوا -
 مندن دها غلبه لک اولدیغی کبی ویستول نهری سا -
 حلنده تمکن دخی ایلمش اولدیغندن اسمی اورالر
 ایچون ابدیت پیدا ایلمشدر . اشبو « بوروسی »
 اسمی مرور زمانله تلفظک تبدلی مقتضاسنه تابع اوله رق
 « پروسیا » صورتنه تحول ایلمش اولدیغی کبی میلا -

دک اونجی عصرندن صکره شماله طوغری انتشاره
 باشلایان خرسیانلق آیینی اون اوچنجی عصر میلادیه
 دیده مازوویا دوقهسی قونراد پروسیایه دخی ادخال
 ایتکه چالشمش ایسه ده المانیانک جنوب قسمی روما
 لولرک همتیه خرسیانلغه آلسدقیری و غرب طرفنده
 بولنان اقوامی دخی فرانسه ایمپراطوری بولک شار-
 لمانک همتیه خرسیانانغی نصلسه قبول ایلدکاری
 حالده (فرانسه ص ۱۰۵ المانیا ۴۵ مراجعت)
 پروسیانولر دیانت نصارایی قبولده پک زیاده کوچک
 کوستره رک ۱۲۰۷ سنه میلادیه سنده قونراد اوزرینه
 شدیداً هجوم و ممالکنی هرج و مرج ایلش لر در .
 مع هذا قونراد دخی ذکر اولنان اقوام وحشیه بی
 دین عیسایه ادخال غیرتنه فتور کتورمدی .
 پروسیا مثلاً هنوز خرسیان دیننه کیرماش و بودینی
 قبول ایتدک امرنده سلاح بدست اوله رق عناد
 ایلدکه بولنش اولان اقوام وحشیه بی قهراً و جبراً
 دینه کتورمک ایچون بر طاقم مجاهدین جمعیتلری
 تشکله باشلامغه و بو جمعیتلردن « پورت غله و »
 دنیلان شوالیهلر دهاییکی تشکل ایدرک یارارلق

کوستره جنگ ایشتر ارامقده بولمغغه قونراد پروسیا -
 لولر علیهنه بونلری دعوت ایش و ۱۲۱۵ سنه میلادیه
 سننده یورت غلهولر پروسیا ممالکنه هجوم ایش،
 ایدی . لکن پروسیا لولرک مقاومتی بونلری دخی
 عاجز براقدیغندن ینه جبراً نشر دین مقصدی اوزرینه
 تشکل ایمن جمعیتلردن « شوالیه توتونیق » جمعیتک
 رئیس بولنان و یک چوق اقوام وحشیه بی مقهور
 وخرستیانیلغی قبوله مجبور ایتکله مشهور بولنان
 هارتمان میدان معاونه کلش وایشته مؤخرأ ایکینسی
 برلشوب توتونیق جمعیتک بر دولت قدر تأید
 و تأمیننه سبب اولان بو ایکی جمعیت الی سنه قهر
 محاربه دن صکره انجق پروسیا لیلری تحت مغلوبیتنه
 اله بیلشدر .

مذکور توتونیق جمعیتی قدس شریف طرفلرنده
 اهل اسلام اوزرینه محاربه یه کیدوب عودتلرنده پرو -
 سیا داخلنده واقع ماریانبورخ شهرینی کندیلرینه
 مرکز اتحاد ایش وقرالری مقامنده بولنان غران متر -
 لرینی اورایه اقتصاد انلش اولدقلرندن پروسیا ممالکی
 طاداتا توتونیق شوالیه لرینک مالکانه بی اولش قالمشدر

شوالیه‌ک دورینک ابتدالرنده بوآدملرک لوازم عفت
 واستقامته و خصوصات دینیه رعایت فوق العاده -
 فری خلق اوزرینه مرحت و شفقتہ کندیلرینی مجبور
 ایلدیکندن پروسیا قطعہ سی بونلرک زیر اداره سنده
 بولندیغی زمانک ابتدالرنده پک زیاده معموریت کسب
 ایش و حتی اطراف و جواردن برطاقم یرلر دخی فتح
 اولنه رق حدودیده توسیع اولمش ایسه ده شوالیه لر
 لیتوانیه و لهستان و برانده بورغ طرفلرینی ده حکملری
 التہ الوب پروسیایی دها زیاده بیولتمک ایچون ایتدار
 ایلدکلری محارباتده یئکدی کیرینی متعاقب مغلوبیتره دو -
 چار اوله رق کویا بونلرک اجیسنی چیقارمق ایچون
 اهالی بی بار تکالیف التنده از مکہ باشلادقلری کبی دها
 صکره لری خلقی صویمق لذتی بونلرک دماغلرنده
 قالمغه اهالینک یالکز مالنه دکل عرضنه قدر تسلطه
 باشلاینجہ هر کس بونلردن نفرت ایش و ۱۴۵۴ سنه
 میلادیه سنده لویی در میشهوسن نام غران مترنک علیهنه
 پروسیالولر عظیم بر عصیان چیقاروب هر شهر و قصبه
 اورالرده موجود اولان شوالیه لری خارجه طرد
 ایدرک قپولرینی بونلر اوزرینه قپامشدر •

واقعا جمعیتك قوتی اهالی مذکورہی تارومار
 ایتمکہ کفایت ایدہجک درجہ لردہ ایدیسہدہ شو
 عصیان و ہلاہ پروسیانک ہر طرفنہ سرایت ایلدیکی
 کبی مؤخرأ پروسیالور توتونیق جمعیتك قوت و قدرتنہ
 مقابل کندی عجز لرینی اکلاہرق اوزمانہ قدر ذاتاً
 مذکور شوالیلہر ایلہ محاربہ دن خالی قلاماش اولان
 لهستان حکومتنہ دخالت ایتمکہ شوالیلہر یدی سکر
 سنہ قدر محاربہدہ دوام ایلدکن صکرہ نہایت تورن
 معاہدہسی (۱۴۶۶) بو محاربہ مدیدہ یہ ختام ویرمشدر
 معاہدہ مذکورہ حکمنجہ پروسیا قطعہسی ایکی پارچہ
 یہ تقسیم ایلدہرک غرب جہتندہ قالان پارچہسی
 لهستانہ ارتباط والتحاق ایش و شرق جہتندہ قالان
 قسمنہ «پروس توتونیق» دنیلہرک ینہ مذکور شوا
 لیہر جمعیتنہ ویرلمش ایسہدہ بونلر اولکی کبی
 مملکت داخلندہ فعال لما یرید دنیلہجک درجہ لردہ
 مستقل اولہ میوب ینہ لهستانک نظارت حکمرانیسی
 التندہ قالمشدر لر .

شو حال توتونیق شوالیلہری ایچون عادتاً برنوع
 اضمحلال دیمک اولمشدر . زیرا اندن صکرہ ہیچ بر

کیمسه اوزرنده تسلطری ونفوذری قالمیوب یلانجی
 پهلوانلر کبی سواقلرده قلیج سورومکله قالمشدردر .
 انجق بقیه موجودیتلری دخی ۱۵۲۵ سنه سنده غران
 متر یعنی رئیسلی بولنان البرت ده برانده بورغک
 پروتستان مذهبینی قبول ایلدیکی زمان بیوک بر پریشا-
 نلغه دوچار اولمشدر . زیرا اشبو شوالیهلر قاتولیک
 مذهبینه و بناء علیه پایالق مقامنک ریاست روحانیه سنه
 تابع اولدقلرندن والبرت ایسه برشوالیه جمعیتنه رئیس
 اولمقدن زیاده بر حکومت سیاسییه په حاکم اولمغی ترجیح
 ایلدیکنندن لوتر مذهبیک ترقیاتنه حیران اوله رق
 مذهب مذکورلی بالقبول اوزمانه قدر شوالیهلک
 قانوننک مساعده ویردیکی تأهل قضیه سینی دخی اجرا
 ایدنجه زیر حکمنده بولنان ممالکک بر بیوک قسمنی دخی
 بو صورتله توتونیق شوالیهلرندن آیرمش ایدی شوالیهلر
 ذاتاً مو می الیهی کویا لهستان حکومتنه اولان محکو-
 میتلرندن قورتلیق ایچون کندیلرینه ریاست ایده جک
 قیاسیله غران متر انتخاب ایتمشر ایکن البرت طرفندن
 شو معاملیهی کوره رک زیاده دلکیر اولمشر ووالترده
 قروم مرغی کندیلرینه رئیس انتخاب ایدرک آلبرتن

اخذتار سوداسنه دوشمشلر ايسه ده آلبرت اوزمان
لهستان قرالی بولنان سیرٲ سيموند ايله بر معاهده عقد
ايدرك ارثي بردوقه لوق حالنه قويمش اولديغی پروسيایي
ينه لهستان حمایه سنه ويرمش اولديغندن توتونيق شوا-
ليه لری هيچ بر شسيئنه مقتدر اوله ميد جقيريني اكلاینجه
مرکز لرينی فرانقونی ایالتنده واقع ماریانتال قصبه سنه
نقل وارتيق پروسيادن يد تسلط لرينی قطع ايتش لردر .
ايشته بوندن صكره توتونيك جمعيتنك پروسيا
جهتنده يالكز بر طاقم متفرق مالكانه لری قالبو حالبوكد
مقدما كنديلر يله اتحاد ايتمش بولنان پورت غله وشواليه-
لری دخی بودفعد آيرلش اولدق لردن زمانيله بردولت
قدر حكيم سيورمش اولان توتونيق شواليه لری
بعدهما ساده جه بر جمعيت عسكريه حالنده قالبو هانكي
حكومته عسكرك لازم ايسه جزؤی بر اجرتله خدمت
ايدر اولش لردر . بونلك شو اهميتسزلك حالنده دوام
وبقارلری تايوك ناپوليون زمانه قدر كمش لردر . فقط
ارتق هيچ بر طرفك ايشنه ياره مدقدن بشقه كندی
كنديلرينه دخی خير لری قالميان و بر نوع ره بان صور-
تنده كوييلان توتونيق جمعيتنك بالكليه الغامبي

ایچون ناپولیون طرفندن ویریلان امر بونلرک تاریخ و چو-
دینه خاتمه قطعیه چکمشدر .

بز کلهلم پروسیایه :

اصل پروسیا قطعده سنی ایلك دفعه اوله رق دوقه لقی
صورتنه افراغ ایلدیکی یوقاروده خبر ویریلان البرتک
منسوب اولدیغی برانده بورغ خاندانی المانیاجه الك
قدیم خاندانلردن عد اولنان وحالا دخی المانیایا خاندان
امپراطور یسنک منسوب الیهی بولنان هو هنرولرن
خاندانندن بر شعبه اولمغله بو طرفده ایسه توتونیق
شوالیه لرینک مالکانه سی اولان پروسیایی لهستانک نظا
رت حکمرانیسنه تابع بر دوقه لقی صورتنه افراغ
وکندی عنواننی دخی «توتونیق شوالیه لرینک رئیس»
صورتندن « پروسیا دوقه سی » صورتنه تحویل ایلسنه
مقابل دیگر طرفدن برانده بورغ پرنس لری دخی بر طاقم
محاملری کندی حکومتلری التنه الهرق نفوذ لرینی تقویه
ایلمش و مؤخرأ بو اقسامک کافه سی بریره کله رک پروسیا
قرالغنی تشکیل ایتمش اولدیغندن البرتک پروسیا دوقه -
لغنی یوقاروده کوردیکمز حال و صورتده براقه رق هو -
هنرولرن پرنس لرینک سائر موفقیاتنی دخی کورمک لازم
کلمشدر »

اشبو پرنسردن مؤخرأ « برانده بورغ » خاندانی
 عنوانی الانلرك برنجیسی اولان قونراد دها ۱۱۶۴
 سنه میلادیه سنده تورامبرغ مالکانه سنی مبیعه ایلش
 وخاندانک تملنی اوراده قورمش ایدی . کندیسندن
 صکره اولاد و اخفادی گاه مبیعه و گاه مناکحه وارثاً
 انتقال صورتیله ۱۳۳۱ سنه میلادیه سنه قدر اطرا -
 فدن آنسپاح و بایروت و سائر ممالکی دخی ضمیمه
 ملکاری ایدرک فراتقونی ولایتک همان کافه سی
 بونلرک مالی اولمشیدی . فقط اون بشنجی عصرک
 ابتدالرنده بشنجی فرهدریق ده هوهنزولرنک اوچنجی
 ژان والتنجی فرهدریق نامنده کی اوغلاری بو املاکی
 بیلرنده تقسیم ایدرک اندن صکره اصل « برانده بورغ »
 تسمیه اولنان مالکانه یی دخی اوزمانه قدر صاحبلی
 بولنان لوکسنبورغ خاندانندن سالف الذکر التنجی
 فرهدریق مبیعه ایتکله واشبو برانده بورغ مالکانه -
 نه سنه برده القورلک عنوانی مربوط بولمغله ایشته
 بومناسبتله مومی الیه فرهدریق کندیسنه برنجیلک
 عنوانیله برابر « فرهدریق ده برانده بورغ » عنوانی
 ویرمشدر . « القور » دیمک مستنخب دیمک اولوب

المائیا تار یخنده ذکر و بیان ایلدلیکی اوزره عموم
 المائیه ایمراطور انتخاب اولندجق ذاتک امر انتخابی
 بونلر واسطه سیله اجرا اولندیغی وحتی کندیلرندن
 بریسی ایمراطور انتخاب اولنق دخی ممکناتدن بولند.
 یغی جهته مو می الیه فره دریقک بودفعه برانده بورغ
 مالکانه سنی مبیعه ایتدیکی صروده مالکانه ایله برابر
 صساتون الیدیغی شو القتورلك عنسوانک اهیتی ده
 زیاده تفصیله احتیاج برانقز .

حتی پروسیا قرالغنگ اصل واضع اساسی دخی
 مو می الیه برنجی فره دریق اولسی پروسیا خاندان
 قرالیسنک شجره حکمداراننی تنظیم ایلیان مورخلرک
 بالاتفاق قبول ایلدکاری برشیدر . انجق کندیسنده
 قرال عنوانی بولنمیوب بو عنوان پروسیایه مؤخرأ
 ویرلشیدر . مو می الیهک وفاتی وقوعنده املاکی
 ورثه سی میانده تکرار تقسیم اولمش ومؤخرأ البرت
 آشیل طرفندن تکرار توخید ایلدش اولوب اراده بر
 طاق صبرکی کلزمنازعات ارتیه حاصل اولدقدن وسنه .
 لرجه دوام ایلدکن صکره نهایت ۱۶۲۴ سنه میلاد .
 دیه سنده عقد اولنان دو سالدورف معاهده سی اشبو

برانده بورغ مالکانه سنک نصفنی لهستان قرالی ژان سیر شموندک استملاک حکمرانیسنه ترک ایلشدرکه بوژان سیر شموند ذاتاً یوقاروده البرت ده برانده بورغک تشکیل ایلدیکی پروسیا دوقه لغنه موچی الیه البرتک اوغلی اولوب خلقة معتوه بولنان ایکنجی البرتک وفا-تدن صکره (چونکه البرتک بر اوغلنه کندی قزینی ویرمش بولمق حسبیله) طوغریدن طوغری به ال قومش بولندیغدن شو ایکی مناسبت البرتک پروسیا دوقه لغی الیه برانده بورغ مالکانه سنک نصفنی برلشد. یررک هر حالده لهستانک نفوذ حکمرانیسی التنده او-له رق بر « برانده بورغ القتورلغی » وجوده کتور-مشر .

انجق اسوج نوروج تاریخک ۲۰۳ نومرولی صحیفه سندن بدأ الیه صحایف آیه سنده مطالعه ایدیه . جکی اوزره بو عصر لر اسوج قرالی کوستاو آدولفک لهستان اوزرینه اولانجه حشمیله هجوم و المانیا ایچلر-ینه طوغری ممالک واسعه نك کافه سنی هرج و مرج ایدرک همان بیوک ناپولیونک بیله مظهر اوله مدیغی غلباته نائل اولدیغی زمان اولسیله لهستان دولتی کاه

گندی وار لغنی محافظه دن عاجز و گاه هر کون بریسی
 دیگرینی نقض ایدر صورتده عقد ایدیلان معاهدات
 نتیجه سندن اوله رقی برطاقم محللر اوزرنده حقوق و نفوذ
 حکمداری پیدا ایلر ایدی . بناء علیه اسوج و لهستان
 و دانیمارقه ارسنده تجدد ایدن ینه بر محاربه مغلغه نك
 (اسوج ص ۱۲۱ دانیمارقه ص ۱۱۱ مراجعت اولنه)
 ایقاع ایلدیکی متارکات و معاهدات دن ایکیسی یعنی ۱۶۵۶
 سنده سنده عقد اولنان لاپیو معاهده سیله ۱۶۵۷ سنه -
 سنده عقد اولنان و هلو معاهده سی پروسیا دوقه لغنك
 لهستان ایله اولان رابطه تابعیتی بتون بتون قطع
 ایلیرك پروسیا مستقل بر حکومت اولمق اوزره تأسس
 ایشدر .

اشبو ایکی معاهده نك بویله پروسیایی هر طرفجه
 ارتباطدن قور تاره جق بر صورت مظفرانده عقد
 اولنسی « بیوک القنور » عنوانیله حقیقه بیوکا کنی هر کسه
 تسلیم ایتدیرمش اولان ایکنجی فره دیق کیلیومك
 مهاشناسلغی سایه سنده وجوده کلشدر . زیرا
 مومی ایله گندی قومانداسی التنده جمع ایش اولد -
 یعنی غایه ، غنیم براردو ایله دائماً فرصت کوزره تهرند

پروسیا نك استقلاله مانع اولان طرفلك محاربه مغلته -
 ده دوچار ضعف اولسندن استفاده ايچون اصلا فر -
 صتي فوت ايتز ایدی . ايشته لهستان دولتنك دوچار
 اولديغي ضعف كلی یی دخی برفرصت و او فرصتی بر
 عتیت اتخاذ ایدرك لهستان اوزرینه هجوم و لهلو -
 فری مغلوب ایلدیکی ایچون سالف الذکر و هلو معا -
 هده سنی ایستدیکی کبی املا ایتمش ایدی . برطاق مو -
 رخر اصل پروسیا قرالغنگ واضع اساسی مومی الیه
 قره دریق کیلیوم اولق اوزره حکم ایدرلر ایسه ده
 کندیسسی قرال عنوانی المیوب یالکز بیوک القتور عنوا -
 تیه اکتفا ایشدر .

۱۶۷۴ سنه سننده اسپانیا الیه هولانده دولتری
 بالاتفاق فرانسه علیه اعلان حرب ایلدکری زمان
 قره دریق کیلیوم دخی بونلره التحاق ایدرك الزاس
 لوزرینه هجوم ایتمش و بونکله برابر دیگر جهتن
 ملکنه هجوم ایلان اسوجلولری دخی بوزهرق انلره
 عایت مغلوبانه بر معاهده امضا ایتدیرمش ایدی . ايشته
 بویجه مظفرياتك ثمره متمه سی اولق اوزره پروسیانك
 ایشعالی اکلن ایلدیکی کبی زراعت و تجزرت و نئون

و معرفت ترقیات بجه دخی کلی خدمتی کورلمشدر .
 ۱۶۸۸ سنه سنده فرهدریق کیلیومک وقوع وفاتیه
 یرینه او چنجیلک عنوانیه یکمیش اولان دیگر فرهدریق
 دخی یک زیاده ترقی پرور بر القمور ظهور ایدرک ترقیات
 مدنییه و بالخاصه صنایع نفیسه نک ترقیاتنه زیاده سیله
 خدمت ایش و میلادک ۱۷۰۲ سنه سنده المانیا ایمپراطور
 ری لئوپولد دولت علیه عثمانیه ایله محاربه ایلدیکی
 صروده موچی ایله فرهدریق بر قوه کلیه ایله ایمپراطور
 ره معاوننده بولمغله شو خدمتنه مکافاة ایمپراطور دخی
 پروسیایه «قراللق» عنواننی ویرمش و ایشته فرهدریق
 پروسیانک ایلك قرالی اولمق اوزره او چنجیلک عنوان
 نتی برنجیلکه بالتبديل پروسیا حکومت قرالیه سنک واضح
 اساسی اولمشدر . المانیا ایمپراطوری قرال موچی ایله
 اراضی جهتیله دخی برچوق مالکانه لر ویرمکه شو
 حال پروسیانک توسیع حدودینه دخی خدمت ایشدر .
 برنجی فرهدریقک وفاتندن صکره مقامه ینه برنجیلک
 عنوانیه فرهدریق کیلیوم ۱۷۱۳ تاریخنده قرال
 اولمشدر . باباسی نه قدر جوهر ایدیسسه بو ذات او
 قدر خسیس و باباسنی صنایع نفیسه و نفایس اشیایه

نه قدر محب ایدیسه بوذات او قدر متنفر اولوب اولانجه
 حس و هوسنی عسکر لکه ویرمش و المانیانک هر طرف
 فندن و حتی ممالک اجنیه دن بيله کلوب کندی اردو-
 لرینه عسکر قید اولنان نفراته بالذات تعلیم و مانوره
 اجرا ایتدیره رک شو عسکر لک معیشتی ایچنده یوار لقمدن
 بشقه هیچ بر شیدن ذوق الهامقده بولنمشیدی .

انجق قرال مومی الیهک بو حالی هنوز یکی تشکل
 ایتمکه باشلامش اولان پروسیا ایچون پک نافع اولدی
 زیرا ۱۷۱۵ سنه سنده دانیمارقه قرالی دردنجی فرده
 ریق ایله اسوج اراسنده آچیلان محاربه یه پروسیا دخی
 اشتراک و دانیمارقه اتفاقنه دخالت ایدرک (دانیمارقه
 ص ۱۱۶ و ۱۱۷ مر) بو محاربه ده میدان قویدینگی
 قوه عسکریه چند سنه مقدم تیمور باش شارل نام اسوج
 قرالنک هرج و مرج ایلدیکي دانیمارقه بی بتکرار اوله
 برورطه یه دوچار اولمقدن قورتارمغه بیوک یاردم
 ایش و شو خدمتک مکافاتنی اوله رق حین معاهده ده
 پومرانی ولایتنک بر بیوک قسمی دخی پروسیا یه الحاق
 ایدلشدیر .

بوندن صکره ده ایلکرمی سنه قدر دوام ایلین

مدت حکومتنده فرهدریق کیلیوم یالکز جمع خزیته
ایله تعلیم عسکره حصر همت ایلیه رک ۱۷۴۰ سنه میلاد
دیه سنده وفات ایلیدیکی زمان پروسیانک اردو و خزینه
لری حقیقه پک چوق دولتره قیاس قبول ایده میه جک
درجه ده ایلیدی .

دوشونم لیدر که قرال موھی الیهک یرینه کلان
ایکنجی فرهدریق « بیوک فرهدریق » عنوانیله بنام
اولان قرال اولدیغندن صانکه باباسی اوغلنک نصل
بر محمد دولت اوله جغنی تخمین ایش ده انک ایچوق
بو اردو بی بو عسکری تدارک ایتش کبی بر حکم واقع
اولمشیدی . هرملتک بر سلطان عبدالمجیدی بر بیوک
ناپولیونی بر پتروسی اولدیغنی کبی پروسیانک دخی اشبو
بیوک فرهدریق واردر که بین الدول و الملل پروسیانک
موجودیتنی کمال شان و شرفله تأیید ایلیان بودات
اولمشدر .

بیوک فرهدریق ثانی کندی پدرینک پروسیا تحت
قعودندن برسنه اول یعنی ۱۷۱۲ سنه سنده دنیا
کلوب قرال اولدیغنی زمان یکر می سکز یاشنده ایلی
مشار الیهک ترجه حالی قلمه الان بر چوق محرر

بالاتفاق دیرلرکه پدرینک اولانجه حشمی کنج پرنسی برآن ترک ایتیموب فقط بوندن مرامی اوغلنی «عسکر» نامنه بحق سزاوار اوله جق برعسکر ایتک اولدیغنی خواص ندماسنه سویلر ایش . کنج پرنس «مماحتده ونفایسه محبتده بیوک باباسنک اخلاقنه وارث اولوب کندی باباسی ایسه شدت بطش عسکر یه بی دخی تعلیماً اوغلنک یورکنه یرلشدیرمش اولمغله بیوک فره دربقک حقیقه «بیوک» عنوانه الیز یاده لایق اولان حکمدار۔ لردن اولدیغنی اچنی مورخلری و کندی خصمسی دخی اعتراف وتسلیم ایشلردر .

۱۷۴۰ سنه سنده مقام حکومتده کچدیکی صروده

المایا ایمپراطوری التنجی شارل وفات ایدهرک بتون ملکی اوستریا ایمپراطور یچه سی بولنان قزی ماری ته۔ رهزه انتقال ایدنجه بیوک فره در بق مشار الیهانک اواره لق بولندیغنی موقعک مشکلاتنی نظر دقته الهرق وشو فرصتی الدن قاچر ماق ایچون سیلیر یا ایالتی حقهنده کی مطالب قدیمه بی بهانه ایدینه رک همان اوستریا یه اعلان حرب ایشدر . واقعا ماری ته ره ز دخی عظیم اردولر چیقاره۔ رق برسندن ز یاده بیوک فره در بقی اشغال و دوچار

اشکال ایش ایسه ده پروسیانک او منتظم اردولریه
 خزان مدخره سنه غلبه ممکن اوله میهرق سیلیریا
 ایالتی پروسیا عسکری خطوه بخطوه فتح واستیلا ایش
 و ۱۷۴۲ سنه سنه برسلوده عقد اولنان معاهده
 ایالات مذکورہ نیک پروسیا به التحاقی تأمین ایشدر .
 یکی قرالک شوایلیک موفقیتی کندی حقیقده کی
 توجه عامه بی آر تدر مغله ارتق بوندن صکره دخی بیوک
 فره در یقک دائمًا مظفر اوله جغی اعتقادی کرک عسکرک
 کرک عموم تبعه سنک یورکارنده یرلشمشدر . واقعا او
 زمانر فرانسه دخی اوستریا ایله محار به اوزرنده
 بولندیغی و بناء علیه فرانسه ایله پروسیا ارسنده اتفاتی
 کبی برشی اولدیغی مناسبتیله فره در یقک شو معاهده بی
 عقد ایلسندن طولانی فرانسه مؤلفری بیان حدت
 ایدرلر ایسه ده هر دولت کندی منافعی محافظه خصمی
 صنده حر و مختار بولنه جغنه نظراً بونده حققری اولیه
 جغی درکاردر .

سیلیر یلیک اول صورتله الدن کیتسی ماری به ره -
 زری دخی زیاده سیله دلکیر ایدرک ایکی سنه صکره
 مشار الیها بتکرار پروسیا اوزرینه اعلان حرب ایله

سیلیر یایی استردادده قیام ایتمش ایسه ده اوستریا اردو
 لری نه قوماندا ایدن پرنس شارلده لورنی بیوک فره-
 دریق فریدبرغ نام محلده اویله بر مغلو بیت شنیعه یه
 دوچار ایتمشدر که بومغلو بیت ارتق ماری تهره زک
 سیز یا حقنده کی امیداستردادینی محو ایتمکله درساده
 عقد اولنان ایکنجی معاهده سیز یانک قطعاً پروسیایه
 ارتباطنی تأیید ایتمشدر .

المانیا امپراطوری التجی شارلک ماری تره زه
 فراغ ملک ایتمش اولسندن طولایی ظهوره کلان محار-
 به یالکز شو سیلیریا ایالتندن طولایی پروسیایه اید-
 یلان ایکی محاربه اولیوب بووراثت دعوالری اوزمان
 عادتا بتون اورویایی محاربه یه سوجه سبب اولمش بو-
 لندیغندن بو باده اخذ ایضاحات ایچون المانیا تاریخنک
 ۱۴۵ نومرولی صحیفه سیله صحایف متابعه سنی و فر-
 نسه تاریخنک دخی بوسنده لره تصادف ایدن فصلنی
 کوزدن پچیرمک لازم کلور .

سیلیریا ایالتی ایچون ایتدیکی ایکی محاربه دن صکره
 بیوک فره دریق سائر محاربات ایله اردوسنی وعسکر-
 بنی اتلاف ایتیوب بلکه اون سنه قدر صلح و مسالته .

رعایت تامه ایله یالکز اصلاحات و ترقیات داخلیه
 حصر همت ایلدی . کندیسی ذاتاً کنجلیکننده
 ادبیات و فنون و حکمیات تحصیلنه پدری طرفندن پک
 زیاده تشویق ایدیلهرک حتی فرانسز لسانی المانلسا-
 نندن دهها اعلا او کرشمش و المانجه یازدیغی زمان بر
 چوق املا و کتابت خطالری ایتدیکی حالده فرانسز-
 جه سی الکوزل فرانسز کاتلرینی دخی تصدیقه مجبور
 ایده جک قدر کوزل کورلمش اولدیغندن سالف الذکر
 اون سنه ک مدت صلح و اسایشده ملک و ملتی ایچون
 فرانسه دن وولتر و دالامبر و دیده رو ایله موپر تویس
 مثللو الک مشهور ارباب قلمی تشویق و برلینه جلب
 ایدرک بونلر واسطه سیله ترقیات علمیه و ادبیه اول
 قدر خدمت ایتمشدرکه قرال مشارالیه اصل پیوکلک
 نامنی قازاندران شی دخی بو اولدیغنه شبهه ایدیله مز
 مع هذا همتی یالکز فنون و ادبیاتک ترقیسنه حصر
 ایتکله دخی قالماشدر . تجارت و زراعتی ده جایه سی
 البته الهرق اربابی تشویقات کلیه ایله تشویقه
 بولنمشدر . انجق، بالذات اشتغال ایلدیکی و کندیسنک
 انتساب و اختصاصی بولندیغی شی فنون و حکمیات

اولمغله بالطبع بونلر دهها زیاده میدان المشدر .
 بوهمتلر ثمره سیله پروسیانک اوروپا اورته سندم
 پارل پارل پارلامغه باشلامسی سائر دولتری غبطه
 وحسده دوچار ایلر ای دیسه ده فره دریق ایله احبابی
 (زبر ا مشار الیه ارباب قدر و حیثیتدن بولنان ذواتی
 بند کاندن دکلی احباسندن عد ایلر ایدی . و حکمدار لر
 ایچون هر کس بندکان اوله بیلور ایسه ده حکمدار لره
 الکی زیاده لازم اولان شی بندکان دکلی دوستر اولد .
 یعنی سویلر ایدی) بویله خارجی غبطه لره حسد لره
 فلانلره باقیوب اولانجه قوتلریله چالیشهرق فنون
 وادیاتجه هر کون بر کونه اثر جدید پروسیانک شان
 و شرفنی تزید ایلر ایدی .

نهایت محاربه هفت ساله باش کوستردی که بو
 محاربه اوستریا دولتنک فرانسه و روسیه و ساقس
 واسوج دولترینی بیوک فره دریق علیهنده اوله رق
 کندی اتقاقی دائره سنه المسندن عبارت ایدی . هر
 دولت تاریخلرندن عائد اولدقلمی بحثلرده یرینه ولزو-
 منه کوره ایضاح ایلدیکی اوزره اشبو محاربه هفت
 ساله ده پروسیا دولتی یالکز بر انکلتره دولتیله اتفاق

ایدرك حالبوکه بیوک فره دریق انکله تره نک اتفاقده کی
 ثباته ده امنیت کامله ایله اعتماد ایده مزایدی .
 اشبو محاربه هفت ساله ده وقوعه بولان اوفاق تفک
 چار پشمق لردن ماعدا اغلبنده بالذات حاضر بولمقی
 اوزره اون الی بیوک محاربه ایتمشدر که بونلرده پرو-
 سیالولرک کوستردکاری شجاعت ذاتیه وبا خصوص
 فنون حربیه نقطه نظرندن باقدقجه حیران قالماق
 محال اولان مهارت عسکریه اوزمانه قدر امثالی کو-
 رلماش شیر ایدیسسه ده چوقلغه قارشو بونلرک هیچ
 بریسی کفایت ایده میهرک بیوک فره دریقک ملکندن
 برچوغنی لندن التمشیدی . دنیه بیلور که کوستردیکی
 مهارت عسکریه نک ال بیوک ثمره سی پروسیانک بالکلیه
 ازاله وجودینه اعدای متفقهنک موفق اوله ماملری
 صورتیه کورلمشدر . مع هذا بیوک ادملرک ال زیاده
 صحیر عقول اولان بیوک کلکری هر کسی عاجز براقان
 مشکلات نقطه لرنده دخی ثبات وغیرتی الدن براقامق
 قضیه سی اوله جغنه کوره ایشته بیوک فره دریق شو
 بیوک کی دخی کوسترمشدر . هر مغلوبیته دوچار او-
 لدقجه ندماسی ارتق محاربه دن واز کچمکی وایشته هر

جنرالک ماهیت عسکریه سی کوریلوب بونلرک بو .
 زلمقدن بشقه بر شیئه یار امدقلری تحقق ایتکله انتقاهی
 صکره یه تعلیق ایدرک بجمه حال مصالحه عقد ایتکی
 توصیه ده بولنورلر ایدسه ده بیوک فره دریق « بوزلمخی
 او کرنمیان بوزمغی ده او کرنه مز » دیه هر کسه ثبات
 و متانت توصیه ایلر و محاربه غیب ایلیمان جنراللره
 « مغلوبیتسکزدن عبرت الکز انتباه ایدیکزده بودفعه
 سزی مغلوب ایتدیرن خطالره بر دها دوچار اولمیکز »
 دیه نصیحت و عفو ایله معامله ده بولنور ایدی .

نهایت جنرال صوبیرک قومانداسی اتنده بولنان
 فرانسز و اوستریا عسا کر کثیره سنه ۱۷۵۷ سنه
 میلادیه سنده روز باح نام محله غایت پارلاق بر غلبه
 چالجه هر کسک چشم امید ییرلرندن فرلارجه سنه
 آچیلهرق ارتق طرف طرف سوت ایلدیکی اردولر
 اولجه دشمن انه دوشمش اولان کافه ممالکنی استرداد
 ایش و ۱۷۶۳ سنه سنده هو برتسبورغ شهرنده
 عقد اولنان مصالحه سیلیریا ایالتنی تکرار پروسیایه
 ترک و تأمین ایشدر .

ایمدی بو محاربه دن دخی غالباً عودت ایلدکن

صکره بیوک فرہ دریق اصلا وقت غیب ایتکسزین
 محار به نک موجب اولدیغی بوزغونلغی مملکت وملت
 اوزرندن چیقارمق ایچون اصلاحات داخلیه حصر
 همت ایلدی . اوزمانه قدر مذهب و دین غوغاری
 اورویانک هر طرفنی آل قائلر ایچنده براقش ایکنز
 پروسیاده هر دین و مذهب ایچون مساوات و حریت
 کامله اعلان اولنوب ویرکولر تعدیل و تنظیم قلنه ،
 وزراعت و تجارت اولکیدن زیاده جایه ایدیله رکاز
 وقت ظرفنده پروسیا اولکاسی متاعب حربیه بی اونو-
 تدقن ماعدا یکیدن پیدا ایلدیکی قوت ایله شوکتلی
 بر دولت اولدی .

۱۷۷۲ سنه سنده لهستان اوستریا و روسیه و پرو-
 سیا اره سنده مقامه یه قونلدیغی صره ده « پروسیای
 غربی » نامیله یاد اولنه رق اوزمانه قدر لهستانه
 تابع عد اولنان ایالتلر فرہ دریقک حصه سنه اصالت
 ایلدیکی کبی ۱۷۷۲ سنه سنده ایمپراطور ایکنجی
 ژوزف باویرایه براردو کوندروب اشغال ایتدیرمک
 ایستدیکی زمان فرہ دریق بوکا مخالفت ایدرک ۱۷۷۹
 سنه سنده عقد اولنان دشن معاهده سیاه ایمپراطوری

دخی کندی رضاسنه توفیق معامله یه مجبور ایلدی .
 ۱۷۸۶ سنه سنه قدر دوام ایلان قزق التی سنه -
 لك مدت حكومتی ظرفنده اولجه اوروپا اوزرنده
 هم ان اسمی بيله ياد ایدلما مکه اولان پروسیا دولتی بر
 دولت معظمه صورتنه قویه رق هله المانیا ایمراطو -
 ربه دخی بالاده بیان اولندیغی اوزره مرام اکلان قدن
 صکره ارتق اوروپانك اکثر مهمام دولیسنده کندیسی
 حاکم اولمشیدی . بو پرنس اننه قلمی الدیغی زمان الك
 بیوک بر مؤلف والنه قلمجنی الدیغی زمان الك بیوک بر
 عسکر اولوب مهارت سیاسییه سی و اداره ملکیه سی
 دخی قلیج و قلمی قدر قوتلی ایدی .

کندی اثارندن اولق اوزره جمله سی فرانسزجه
 قلمه النمش خیلی اثرلی واردر که «آنتی ماکیاول» سر
 لوحه سیله مشهور اولان اثر سیاسی دهها جلوسندن
 اول تألیف اولمشدر . «قساوتسنر فیلسوفک اشعا -
 ری» دیه برچوق حکمیاتی اولوب بونامی کافه محا -
 کات فیلسوفانه سنده کندیسنه امضا اتخاذا لمشدر .
 «صنایع جریبه» و «خاطره تاریخیه» نام اثرلی
 نهایت مقبول اولوب «مخبرات» مجموعده سنده دخی

او قدر کوزل اورا قی وارد در که هر بری بر اثر نفیس عد
اولمغه لایقدر .

مشار الیهک کافه اثناری اوتوز اوچ جلد تشکیل
ایدرك الك بیوک حکیمانک بیله کتبخانه لرنده کال حرمت
ایله حفظ ایدیلور . ایشته اصل پروسیایی پروسیا
ایدن بوذاتدر که قواعد عسکریه و ملکیه سنه توفیق
معامله ایلیان دول سائره بیله مستفید اولمشدر .

بیوک فره در یقندن صکره پروسیا قرالی اولان یکنی
ایکنجی فره در یق کیلیومک عمرندن قرق ایکی سنه یی
اوله بیوکاکنی کرچکدن بتون جهانه طسانتدیرمش
اولان برذاتک تحت تربیه سنده کچیردیکی حالده مشار
الیه خیر خلف اوله ماش بولمسنه نه قدر استغراب
ایدلسه بجادر . قرال مومی الیه قادینلره غایت مائل
ومنهمک برادم اولوب واقعا بنی آدمک بنات حوایه میل
وانهما کلرینه هیچ بر کیسه نک دیه جکی اوله مز ایسه
ده ایکنجی فره در یق کیلیومک سودیکی قادینلره مغلو
ییتی بر درجه لرده ایدی که بیوک فره در یق زماننده هر
بری عقل و اذعانلری و یا خود سیف و قوماندالری ایله
دولت و ملتیه بیوک بیوک خدمتله کورمش اولان منیسرتو .

لری و جنرالری پیدرپی نظر التفاتدن مهجور و تبعید
ایلیه رک یرلرینه برطاقم مداهن وریا کارلری نصب ایلمش
و بونلر قرالده هر نه خطا کورسه لر عین کرامت اولمق
اوزره حکم ایلمد کجه خوشلانمغه باشلاشدرد .

بوندن ماعدا قرال موخی ایله کوپیا جن طاقده .

سیله تعلق و مناسبتی اولان برطاقم ادملرک الیه یاقده سنی
قایدیروب انلرک سوقیله او قدر غریب حالده بولنور
ایدی که یک آز بر زمان ایچنده اورویانک انظار استغرا .
بی و خنده معنیداری هب پروسیا جهتنه انعطاف
ایدرک بیوک فره دریق زمانده برلین شهری عموم او .
روپانک پولتیقه جه پای تختی اولمش ایکن ایکنجی فره .
دریق کیلیوم بونفوذی تمامیله غیب ایتدیرمشیدی .
۱۷۸۷ سنه سنده دولت علیه ایله روسیه اره سنده

آچیلوب قریم شبه جزیره سنک بزدن روسیه یه انتقالی
موجب اولان محاربه ده المانیا ایمپراطوری ایکنجی
ژوزف روسیه ایله اتفاق ایتمش اولوب بو اتفاق اک
زیاده ترویج ایدن دخی پروسیا قرالی ایکنجی فره دریق
کیلیوم اولمشدر که بیوک فره دریق ایمپراطور مشار
الیهک باویرایی اشغال ایتمسه اعتراض ایلدیکی و بو .

ننگه شان و عظمتی عیوقه چیقار دیغی حالده خلفنک
شوعکسی حرکتی ایکیسی ارهسنده کی فرقی تعیننه مدار
اوله بیلکده بولمشدر .

۱۷۹۱ سنه سنده دخی اوروپا جه فرانسه
علیهنه تشکیل اولنان اتفاقه داخل اولوب (فرانسه
۲۲۳ مر) دوق ده برونزوبقک قومانداسی التنده بو -
لنان پروسیا اردوسی مجرد موسی الیهک بیوک فره دریقدن
المش اولدیغی مهارت عسکریه ثمره سیله بیوک
بیوک یارارلقلر کوستره بیلش و تاشامپانیا
ولایتنه قدر کیده جکنی تخمین ایتمکده لر ایکن ایکنجی
فره دریق کیلیوم بردن بره تحویل حرکت ایدرک
اردویی رین نهری بوینه المش ودول متفقه دن آریله رق
۱۷۹۵ سنه سنده کنلینسی خصوصیه برصورتله
فرانسه ایله عقد معاهده ایلشدر .

زمانک ان مهم وقعه سی لهستانک ایکنجی مقا -
مه سی دخی کندی مدت حکومتنه تصادف ایش
بولمشدن عبارت اولوب بومقاسیده دخی پروسیانک
جنیب جهنندن حدودی برخیلی توسع ایلشدر .

قرال موسی الیهک ۱۷۹۷ سنه میلادی سنده وقوع

وغانی اوزرینہ یرینہ کلان اوغلی اوچنجی فرہ دریق
 کیلیوم ہرنہ قدر یکرھی یدی یاشندہ ایکن قرال اولمش
 برکنج پرنس ای دیسہ دہ حقیقہ عاقل و عادتاً بیوک فرہ د
 ریقہ خلف اولغہ لایق و سزاوار بر پرنس اولوب
 قرانسدہ دہ بیوک ناپولیونک مظفریات متابعہ سی کافہ
 قوانین عسکریہ و اصول حربیہ نک فوقندہ معجز کارا۔
 نہ برشی اولغہ فرانسه ایلہ بوی اولچمکہ قاشمقی
 کوز کورہ کنڈیسی تہلکہ یہ آتمق دیمک اولدیغنی
 اکلامش و بناء علیہ عموم اورویانک فرانسه علیہندہ
 ترتیب ایلدیکی اتفاقرہ اصلاً اشتراک ایتیموب تمامیلہ
 بیطرفلغہ رعایت ایشیدی • اوزمان پروسیانک شو
 بیطرفلغی یدی سکز سنہ دوام ایدرک ناپولیون ہر طرفی
 شرح و مرجع ایلدیکی حالده پروسیا اولکاسنک بونجہ
 صدماتدن بری و ازادہ قالمسی یک بیوک بر نعمت ای دیسہ
 دہ ناپولیونک ترقی شوکتنی بردرلو چکہ میان دول
 معظمہ پروسیایی دخی کندی دائرہ اتفاقرینہ المق
 خصوصندہ اصرار ایلہ عادتاً قرالی تہدید و اخافہ یہ قدر
 وارمغہ فرہ دریق کیلیوم ہاجز تہرق بونڈلہ بر اتفاق
 عقد ایشیدی •

بیچاره نك مكر حسابی پك طوغری ایمش . زیرا
 قورقدیغی شیرتتامیله باشنه کادی . فرانسه نك ۱۸۰۶
 ده « ایه نا » مظفریات عظیمه سیله نهایت بولان محار-
 باتی (فرانسه ص ۲۷۶ و صحایف آتیه یه مراجعت)
 دول متفقه اردولرینی چیل یاورسی کبی طاغتمغه
 منجر اولنجه ارتق فرانسز الیلری فوج فوج برلین
 اوزرینه یورومکه باشلامش وزواللی قرال فرهدریق
 کیلیوم پای تختنده دیکیش طوتدیره میهرق قاچوب
 انجق ۱۸۰۹ سنه سنده برلینه تکرار عودت ایده
 بیلشدر .

شومغلوبیت وتلسیت نام محلمده عقد اولنان مصا-
 حله موجنبجه اولکاسنک نصفندن زیاده سی الدن
 چیقماق کبی عظیم بر فلاکت اوزرینه بعض مورخلر
 اوچنبجی فرهدریق مؤاخذه ایتک ایسترلر ایسه ده محار-
 به ذاتاً قرالک رأی ورضاسی خلافتده اوله رق دول
 معظمه نك جبر واصراریله باشلامش اولسندن طولایی
 مووی الیهک برائت ذمتی هر اهل انصاف نزدنده تسلیم
 اولنماق قابل دکلدن . پای تختنه عودت ایلدکن
 صکره اوچنبجی فرهدریقک نصب نفس اهتتام ایلدیکی

شی بوفلا کتیرک آجینسی اہالی یہ اونوتدیرمق ایچون
اصلاحات داخلہ یہ غیرتدن عبارت قالدی ایسہ دہ
۱۸۰۲ سنہ سندن ۱۸۱۴ سنہ سنہ قدر فرانسہ ودون
سارہ میانده دوام ایدن محاربه لردن پروسیا اولکامی
دخی هب حصہ مصیبه سنی الہرق تاواترلو محاربه سندہ
ناپولیونک جہانگیر لکنہ ختام ویرلینجہ پروسیا دخی
راحت و حضور بولہ مدی .

ایشته اندن صکرہ ارچنجی فرہ درریق کیلیوم
بردها اورویادہ صلح عمومی اخلال ایدہ جک ترتیب
تہ اصلا اشتراک ایتیمہ رک بناءً علیہ مملکتانک عمرانہ
حصر اہمیت ایتکلہ پروسیانک شوقطعیاً بیطرفلق
پولتیقہ سی دول سارہ بی دخی یکدیگریلہ جنک وجداً
لدن منع ایتش و بناءً علیہ عموم اورویانک محافظہ
صلح واسایشی ایچون بوپولتیقہ نک یک بیوک حسن
تأثیری اولشد .

۱۸۴۰ سنہ سنہ قدر دوام ایدن مدت حکومتدہ
اوچنجی فرہ درریق کیلیومک انتظامات و ترقیات داخلہ
بی تمام ایچون صرف ایلدیکی تقدینہ ہمت وغیرتدن
فی الحقیقہ یک کوزل ثمرات اقطاف اولمشیدی انجق

تاریخ مذکورده وقوع و فایله یرینه یکن اوغلی در دنجی
 زره در یق کیلیوم ضعیف الذهن بر آدم اولوب کویا
 پدرینک باشلادیغی اصلاحاتی اکمال و اتمام ایدیم دیر
 ایکن داخله عظیم بر اختلال و عصیان یول آچشدر
 شویله که :

قرال مومی الیه اهالی به بر قانون اساسی اعطاسنی
 وعد ایلدیکی حالده بونک نثرینی سنه لرحه مدت
 تأخیر ایلدیکندن شو حال صبرلی المانلرک دنجی صبر -
 لرینی توکتهرک اورتهلرک صوکی غلیانه کلدکن
 صکره روش احوالدن قورقارق و فرانسه طرفنده
 ظهوره کلان و حاله دنجی کلکده بولنان انقلابادن اور -
 کهرک ۱۸۴۷ سنه سنده سرآمدان دولت و ملتی طویلا
 مش و قانون اساسی می مذاکره یه باشلامش ایدیمده
 اهالی بویله و یردیکی وعدی طوتمیان بر ذاتک بوکره
 دنجی برشی پایه بیله جکنه اینانه میدرق ۱۸۴۸ سنه سنده
 برلینده عظیم بر عصیان ظهوره کلش ایدی
 قرالک یدینده عاصیلری تربیه ایدیه جک قدر قوت
 بولمادیغی جهتله کندی حیاتنک بیله بقاسی تهلمکه یه
 دوچار اولمش ایدیمده برکت ویرسونکه المانراویله

سائر ملتز کبی شقاوت جهتنه منهمک اولدیغندن بو -
 نلرک صبر و متانتی و خاندان حکمداریلرینه قدیمدنبیری
 درکار اولان محبت و اطاعتی بوکره دردنجی فره دربیقی
 قورنارمشدر . شو قدرکه قراله صداقتی الترام ایدن
 بعض عسکری طاقنک اولدیر دکلی ادملرک جنازه لری
 سرای او کندن پکیرملک و قرال بو باده تأسف و ندامت
 علنیده سنی اظهار ایچون جنازه لر اوزرینه شایقه چیقلا
 روب سلامتی ارباب عصیانک قوید قتری شرائط
 صلحیده دن اولوب فی الواقع مقتولین سرای یانندن پکیر -
 یلور ایکن قرال دخی بالقون اوزرینه چیقوب وظیفه
 مشروطه بی ایفا ایشدر .

سنه مذکوره کانون اولنک بشنجی کونی واقعا
 دردنجی فره دربیق کیلیوم برقانون اساسی ویرمشیدی
 لکن اهالینک عصیان بر طرف اولور اولمز بوقانونی
 تعدیه قالیشه رق خلقی بتکرار کوجندیرمشیدی .
 هله ۱۸۵۷ سنه سنده ذهنی بتون بتون ضعفه دوچار
 اوله رق اطبا مومی الیهک اداره امور دولتدن عجزینی
 رأی ایتلریله کندیسنک دخی انضمام رضاسیله زمام
 حکومت برادری بشنجی فره دربیق کیلیومه تسلیم او -

لندی که الیوم بر حیات اولان پروسیا قرالی حشمتلو
 کیلیوم حضرتلری اولوب ۱۸۶۱ سنه میلادیه سنده
 برادرینک وفاتی اوزرینه قطعاً پروسیا قرالی اولمش
 و بوندن اول المانیا جلدنده دردنجی بابک بشنجی فصلنده
 ایضاحات لازمه سی ویرلدیکی اوزره پروسیا قرالغنه
 عموم المانیا امپراطور لغنی دخی ضم و احاق ایتشدیر •
 فصل مذکور اشبو پروسیا فقره تاریخیه سنک متممی
 اولقی اوزره تکرار کوزدن پکیریه بیلور •

(ایکنجی فصل)

« اولدنبورغ غراندوقه لغنی »

جغرافیا - الیوم المانیا امپراطور لغنی تشکیل
 ایلین یکریمی بش قطعه حکومتلردن بریسی دخی او -
 لدنبورغ غراندوقه لغنی اولوب المانیای شمالیده واقع
 حکومتلرک ایکنجیسی اولقی اوزره بوراده معلومات
 جغرافییه و تاریخیه سی بوجه آتی اجمال اولنور •

اولدنبورغ غراندوقه لغنی پروسیا دولتک هانورا
 ایالتی ایچنه صوقولمش یعنی شرق و جنوب و غرب
 طرفندن ایالت مذکوره ایله محدود اولوب یالکز شمال
 جهتندن بحر شمال ایله احاطه ایدلش برو لایتدرکه

سکسان بیک قدری قاتولیک اولق اوزره اوچ یوز
اون ایکی بیک بو قدر نفوس اهالیسی واردر . ولایت
مذکوره و سرنهری اوزرنده بولنوب نهر مذکورک
مرور ایلدیکی یرلرک ایکی ساحلی خلیجه منبت
و محصولداردر . انجق ایچرو طرفلری دهها آزنبت
اولمغله اولدنبورغ اهالیسی اکثریا صنایع و برده
حیوان یتشدیرمکله اشتغال ایدرلر . ولایت مذکوره -
دن چیقان بارکیرلر المانیانک هر طرفنده رغبتله فرو -
خت اولنورلر . غراندوقه لق مرکزی نفس اولدنبورغ
شهریدر که هونت نهری اوزرنده واقع اولوب اون بر
بیک قدر نفوس اهالی بی جامع کوزل بر شهردر .

تاریخ - اولدنبورغ خاندانک پروسیا تاریخنه
اولان دخلی بوندن اولکی فصلده بیان ایدلش اولوب
قطعه مذکوره نک وسعت ملکیه جه اهمیتسز لکنه
مقابل پروسیا تاریخنه تعلق کندیسنه بر اهمیت مخصوص -
صه تاریخیه ویرمک ایچون کافی کوریلور ایسه ده
خاندان مذکورک سائر بعض بیوک کوچوک دولتره
دخی قرالروا ایمراطورلر یتشدیردیکی واقع اولمغله بو

دخی اولدنبورغک اهمیت تاریخیه سنی برقات دهسا
کارتدیرمغه کفایت ایلر .

بوراده الک اول طانمش اولان اهالی اقوام جرما-
نیه دن فریسون و ساقسون قوملری اولوب بونلر المانیای
شمالی اقوامنک کرک شرائط اجتماعیه و کرک عقاید دینه
خصوصنده کوردکاری انقلاباته کاملا اشتراک ایلمشله-
در . تامیلادک اون ایکنجی عصرینه کأنجده قدر
اولدنبورغ ولایتی کندینی جغرافیا و تاریخه طانمیره-
جق صورتده بریکپاره لک کوستر مامش اولدیغی حالده
۱۱۵۵ سنه میلادیه سنده ویتیکین دیه شهرت بولان بر
اسکی اصلزاده نکلنسلندن کلش قرستیان نامنده برسنیور
ساقس دو قده لغی طرفندن برنجی قرستیان نامیه
بو ولایتیه قونت نصب اولمشدر . اوزمان قونت
دینلان سنیور لر عادتاً بر درجه یه قدر ممتاز ولایت
والیلری عد اولنوب بونلر اگرچه ولایات متجاوره
ایله حرب و صلح عقدی کبی حرکاتده بر درجه یه قدر
مستقل بولنور لر ای دیسه ده هر حالده تابع اولدقلمری
دوق و یا خود قرال کندیلمرینی بر حربه دعوت ایده جک
اولورسه عادتاً بر سردار کبی عسکرینی طوپلایوب

متبوعی معاونه شتاب ایتمکه مکلف ایدیلر . ایمدی
 موخی الیه قرستیان و کرک اخفاد و اخلاقی دخی
 ایشته بو صورتله قونتلوق وظیفه سنی ایفا ایدرک بونئر-
 دن بختیار تیه ری دیه شهرت الان بریسی ۱۴۳۵ سنه
 میلادیه سننده دلمانهورست قونتلغنی دخی اولدنبورغ
 قونتلغنه الحاق ایتمش و دائره حکومتنی همان ایکی
 مثلی قدر توسیعه موفق اولمش ایسه ده کندی و قا-
 تدن صکره ایکی اوغلی قالمشیدی که بریسی سکرنجی
 قرستیان نامیله دائیمارقه یه قرال اولمش (دائیمارقه ص
 ۸۹ مراجعت اولنه) و حالا دائیمارقه خاندان قرالیسی
 بو ذاتک اولاد و اخفادندن عبارت اولان اولدنبورغ
 خاندانی اولوق اوزره باقی قالمشدر . قرستیانک بو صو-
 رته دائیمارقه یه قرال نصب اولمشی اوزمانه قدر او-
 لدنبورغ قونتلغنه تابع اولان شلزویق و هولشتاین ارا
 ضیمینی دخی دائیمارقه یه الحاق ایتشیدی . تیه رینک
 ایکنجی اوغلی ایسه ژرار نامنده برقونت اولوب قر-
 نداشک دائیمارقه خاندان قرالیسی تشکیل ایتسندن
 طولایی براره لوق اولدنبورغ قونتلغنی خاندانی منحصرأ
 کندی اولادینه قالمش ایدسه ده بو خاندان ۱۶۶۷ ده

وارث ذکور دن محروم قله رق سونديکندن بناء عليه
 اولدنبورغ ابله دلمانهورست قونتلغى ينه دائمارقه
 خاندان قراليسى اولان اولدنبورغ خاندانه انتقال ايتمک
 لازم کيشدر .

دائمارقه اولدنبورغ خاندانى دخى براره لق ايکى
 شعبه يه تقسيم اولنوب برنجيسى اولان بيوک قولى خاندان
 قرالى اولمق اوزره هب دائمارقه يه نسبت اولنمش
 ايسه ده کوچك قولى هولشتاين غوتوروب ناميله
 بشقه جه تشعب ايدرك ۱۶۹۴ سنه سنده بوقول دخى
 کنديلکجه ايکى سلسله يه آيرلش و بريسى دو قه لق
 سلسله سى عنوانيله اولدنبورغه نسبت ايديله رک ديكري
 دخى « ايسقوپال » ناميله سويد شهرينه نسبت اولنمشدر
 مذکور شهرده پروتستان دسپوطلغى ايدن قرستيان
 اوکوست اشبو ايکنجى سلسله نك رکنى اولوب بو
 عنوانى مؤخرأ برچوق اولادينه ارثاً انتقال ايتمشدر .
 هولشتاين غوتوروب قسمى مؤخرأ کوريلان تواب
 رث حسييله روسيه ده ايمراطورلق ايدن خاندانى دخى
 تشکيل ايتمشدر که (روسيه ص ۱۵۴ مر) حالا دخى
 بو خاندان مقام ايمراطور يده فرمان فرمادر . ايسقوپال

دینلان سلسله نك دخی بر شعبه سی ۱۷۵۱ الی ۱۸۱۸
اسوج دولت نك خاندان قرالیسی تشکیل ایشلردر
(اسوج نوروچ ص ۱۶۰ مر)

ایشته بویله اوچ درت دولتده خاندان حکمدا -
رینك «هولتشان غوتوروب» اولسی اشبو اولد -
نبورغ خاندانی ایچون حقیقه پك بیوك بر اهمیت تار -
نیجه بی موجب اولوب حالا دخی بو حکومتك المانیا
جه ارکان داخلیه دن عد اولنمی خصو صنده شو
اهمیتك ده بر بیوك دخلی انكار اولنه مز .

۱۷۷۳ سنه میلادیه سنده اولدنبورغ سلسله سنك
رئیس اولان و مؤخرأ روسنیه ایمپراطور لغی ارتأ
عهدده سنه انتقال ایدن پول ایله دانیمارقه قرالی یدنجی
قرستیان اره سنده ویریلان قرار مقتضاسنجه هولشتاین
ایالتی دانیمارقه یه و یرمش و اولدنبورغ ایله دلنهو -
رست قونتلقری پول عهدده سنده قالمش و المانیا ایمپرا -
طوری ایکنجی ژوزف او مناسبتله اولدنبورغه دووقه -
لق عنوانی دخی ویرمش ایسه ده پول روسیه ایمپرا -
طوری اولدیغی زمان بودوقه لغی اولدنبورغ خاندان -
نك ایسقوپال شعبه سنه ترك ایدرك ۱۸۲۲ سنه سنده و یانه

قونفره سی اولدنبورغ دووقه لغنه «غراندوق» عنوانی
ویروب استقلال تامنی دخی تأیید ایشدر .

ناپولیون پونپارت اورویایی هرج ومرج ایلد -
یکی صروده برارهلق اولدنبورغ ولایتی فتح واستیلا
و «وسرمنصبی» نامیله بر ولایت اولق اوزره طو -
غریدن طوغرییه فرانسهیه ربط والحاق انلش ایسه -
ده بوخان ناپولیونک فروغ شمس شوکتی منخسف
اولدیغنی متعاقب ینه تغیر ایدرک اسکی استقلال عو -
دت ایلدیکندن بونی مورخلر اکثریا کأن لم یکن
حکمنده عد ایدرلر . فرانسهده کوریلان نمونه
اوزرینه اولدنبورغ اهاالیسی دخی قانون اساسی دعوا -
لرینه قیام ایدرک ۱۸۴۹ سنه سنده غراندوق طرفندن
بقانون اساسی ویرلش ومؤخرأ ۱۸۵۲ تاریخنده بران
تعدیل واکمال اولمشدرکه الحاله هده بقانون مو -
جببنجه اداره اولنوب فقط المانیا حکومتلرینک عمومی
توحید ایلان معاهده مقتضاسنجه اولدنبورغ غراندو -
قه لغی شو استقلال وشوقانون اساسی داخل سیله برابر
ینه المانیانک برولایتی حکمنه کیرمشدر .

(اوچنجی فصل)

« برونزویق دوقه لغی »

جغرافیا - اشبورونزویق دوقه لغی المانیای شمالی
 حکومتندن اولوب پروسیا و آنحالته و هس اولکاری
 ارسنده واقعدر . اوچیوز اون بر بیک قدر اها لیبی
 بولسوب او کر نهری اوزرنده واقع نفس برونزویق
 شهری بونک مرکزیدر که شهر مذکورک نفوسی همان
 قرق بیکی تجاوز ایدر . قطعه ناک اراضیسی هر نه قدر
 قومصال ایسه ده پک منبت و محصولدار اولوب صنایع
 یع محلیه میانده نسج اشته پک ایلرویه کیش و معد -
 نر کوزل ایشلدیلوب اولدنبورغده اولدیغی کبی بو -
 راده دخی کوزل حیوانلر یئشدرنمکنده بولمشدر . اها -
 لینگ قسم اغلبی پروستاندر .

تاریخ - برونزویق اراضیسی عن اصل ساقس
 دوقه لغنه تابع ایکن طقوزنجی عصر میلادیده ساقس
 دوقه سی اوتون کندی یکنی بولنان بره نویه ممالک مند -
 کوره نی و بردرک بره نو دخی کندی نامنه منسوب ابرو -
 زویق شهرینی بنا و دوقه لغی تشکیل ایششدر . بو

ایلیک خاندان ۱۰۹۰ سنهٔ میلادیه سنده منقرض او -
 لمشدر . زیرا اوزمان دوقه بولنان ایکنجی البرتک
 وارث مستحق یوق ایدی .

اندن صکره برونزویق دوقه لغی بر چوق ازدوا -
 جلر چوق توارثلر ایله نورد هایم وسوپلان بورغ و کلف
 خاندانلرینه کچوب بو صوک خاندانن ساقس و باویرا
 دوقه سی اولان هانری له سو پر ب یدینه کچمشیدی . بر
 اره لقی دخی ساقس دوقه سی اولدیغی حالده المانیا امپرا
 طور ی طرفندن اخذ و حبس ایدیلان ارسلان هانری
 ۱۱۹۴ سنهٔ میلادیه سنده عفو اولدوقده اشبو برونزویق
 دوقه لغی کندیسنه احسان اولمشیدی . بو ایکی هانری
 هب کلف خاندانه منسوب اولدقلری جهته له بونلر اره -
 سنده کی تبدل برونزویق دن کافلرک انقطاعی کبی بر صو -
 رتله تلیقی اولمادی . بر اره لقی دخی کافلر هر طرفدن
 سنیورلرک مهاجه سیله بالکلیه مغلوب و ملکری
 مغضوب اولدوقده چوجق اوتون دیمکله معروف اولان
 اولان صوک وارثلری برونزویق اراضی سنندن مقدار
 شی قورتاره بیلمش ایسه ده بونلری المانیا امپراطوری
 ایکنجی فره در یقه عرض و تقدیم و کندیسینی دخی امپرا

طور مشارالیهک حمایه سنی رجا ایتمکله امپراطور املاک
مذکورہ بی بتکرار اوتونہ ترک و دو قہ لقی عنوانی دخی
تجدیداً احسان و توجیہ ایشدر .

بو توجیہ جدید ۱۲۳۵ سنہ میلادیہ سنده وقوعه
کلوب ۱۲۵۲ سنہ میلادیہ سنه قدر احوال بو صورتده
جریان ایشیدی . سنہ مذکورده بروزویق خاندانی
ایکی شعبه یه منقسم اوله رق بریسی اصل بروزویق
و دیگر دخی لونه بورغ خاندانتری اولمق اوزره آیر-
لدیلر . اصل بروزویق خاندانی اولان برنجیسی
۱۲۷۹ سنه سنده بتکرار ایکی قوله انقسامله بریسی
غروب هارن نامنی المش ایسه ده اون التنجی عصر
میلادیده بو خاندان محو اولمشدر . ایکنجیسی غوتینگ
خاندانی اولوب ۱۳۴۷ سنه سنده بوده ایکی قوله آیر-
یله رق بروزویق عنوانی برنجی قوله انتقال ایش
و ایکنجی قول دخی یالکز غوتینگ عنوانی محافظه
ایشدر .

برقاج سنه ده بر کره ایکیشر قوله انقسام ایتمک
بروزویق خاندانی ایچون همان کورهنک کبی برشی
اولوب نهایت برادر لقی بونلرک بر شعبه سنه دخی «هانورا

خاندانی « دینکس و بو خاندان دن برنجی ژورژ
انکلتره یه دخی قرال اولمشدر (انکلتره ۰ ص ۲۱۷
مراجعت اولنه) که حالا انکلتره ده مسند نشین قرالی
اولان خاندان بو خاندان اولوب « برونزویق هانورا »
دیه یاد اولنور .

نهایت برونزویق خاندانی بر قاج دفعه دها بعض
شعباته اتقسام ایلدکن صکره چله سی برونزویق
وولفن بوتل اسمنده بر خاندانده اتحاد ایلش قالمشدر .
۱۸۰۷ سنه سنده فرانسه ایمپراطوری بیوک ناپو-
لیون برونزویق دوقه لغنی ضبط و اوزمان موقه تشکیل
قلنان و ستغالی قرالغنه الحاق ایلش ایسه ده ۱۸۱۴
سنه سنده بودوقه لغک استقلالی استرداد اولنهرق ۱۸۲۰
سنه میلادیه سنده دوقه لقی ایچون برده قانون اساسی
وضع ایلدشدر که تمامیه اصول مشروطیه مطابقدر
واقعا شارل اسمنده اولان دوقه بویه اداره قانونیه نک
محسناتی طانور آدمردن اولدیغی جهته ۱۸۳۰ سنه -
سنده قانون مذکوری فسخه قیام ایلش ایدیسه ده
غایت مدهش بر عصیان اوغرایه رق کندیسی برونز-
ویقدن فراره مجبور اولمشدر . بناء علیه ۱۸۳۱ - ن -

سندھ مومی الیہک قرنہاشی کیلیوم اہالی طرفندن
دوقہ انتخاب اولنہرق او زماندن بری قطعہ مذکو -
وہ حضور و آسایش ایلہ امرار اوقات ایدرک نہایت
المانیا ایمپراطور لغی تشکل ایلدیکی زمان بودہ ہیئت
عمومیہ التحاق ایشدر *

(دردیجی فصل)

« برہم شہر مستقلی »

جغرافیا - برہم شہری و سر نہری اوزرنده وھا -
مبورغک جنوب طرفندہ واقع بیوک برشہر در کہ اھا -
لیسی یوزیکرمی بیک نفوسہ بالغ اولور * شہر مذکور
غایت معمور اولوب عظیم بر کلیسائی و مکمل بر بور -
سہ و موزہ خانہ سی و اعلا بر ترسانہ سی واردر * بر
طاقم جمعیات علمیه مرکز اولوب از جملہ پروتستانلرک
جمعیت جسمیہ سی اورادہ مرکز اتخاذا ایشدر کہ جمعیت
مذکورہ دنیانک ہر طرفنہ انجیل شریف نسخہ لرینی
ارسال و نشر ایتکہ مأموردر * برطاقم صنایع شہر
مذکورہ رواج بولمش اولدیغی کبی ایی شرابی و بغدادی
تجارتی دخی پک رواجلیدر *

تاریخ - المانبادہ « سر » ست مملکت « ویاخوذ

شهر مستقل نامیله اویچ شهر بولنوب بولنردن بریسی
 ایشته بوبره شهریدر . بولنرک سربستی واستقلال من
 القدیم المانیا امپراطورلری طرفندن اعطاسا ومحافظه
 ایدلش اولوب حکومت محلیه اهالیء مملکتک النده
 بولنور . عموم مملکت اهالیسنک مبعوثلری طرفندن
 قوانین بلدیله وضع اولنوب قوهء اجرائیه دخی اعیان
 مملکتک الارنده بولنهرق اول صورته ادارهء امور
 ایدیلور . بومملکتک هر دولت ایچون بی طرف او -
 لمری معاهدات قدیمه احکامی اقتضاسندن اولوب
 ناپولیون بوناپارت المانیای شمالی طرفلرینی فتح واستیلا
 ایدرک امتیازات ومعاهدات قدیمه یی هب پایمال ایلد -
 یکی زمانلر برهه شهرینی دخی ضبط و اولدنبورغ غراندو -
 قه لغنی « و سرنصیبی » عنوانیله بر فرانسه ولایتی
 ایتدیکی زمان ولایت مذکورنک مرکز ولایتی اولمق
 اوزره دخی برهه شهرینی تعیین وتخصیص ایشیدی انجق
 ناپولیونک سقوطندن صکره شهر مذکور امتیازات قد -
 یمه سنی استرداد ایدرک الیوم دخی بر شهر مستقل اولد -
 یخی حالده المانیا هیئت عمومیه سنه ملحقدر .

(بشنجی فصل)

« هامبورغ شهر مستقلى »

جغرافيا - هامبورغ شهرى الب نهر جسيمنك بحر
شماله قارشديغى محلدن يوزاون ايكي كيلومتروا يچروده
ونهر مذكورك ساحل يمينى اوزرنده واقع جسيم برشهر
اولوب ليمانى اوجوارلرده امثالنه فائق برليماندر . هم
ده « پورتو فرانكو » ديلان سربست ليمانلردندر .
شهر مذكورك اوچيوز قرق بيكه قريب اهاليسى اولوب
بوندن نصف مقدارى پروتستان ويهودى و باقىسى قاتو-
ليكدر . الب نهرينك درت بيوك جدولى شهر دن چكه-
رك شهرى اروا واسقا ايدر و برچوت شمندو فرلر بورايه
منتهى اوله رق تجارت بحريه سى ايچون تا قره لك ايجرو
طرفلردن ذخاير و امتعه جلب ايدرلر . بانقه و بورسسه
وهيئت رصد خانه سى و بحريه نظارتى و كتبخانه
عمومى و موزه خانه و برچوق جمعيات علميه ايله غايت
بيوك كليسالر شهر مذكورك جمله اسباب اشهارندندرلر
تجارت بحريه سنك الك بيوك قسمى انكلتره ايله اجرا
اولنديغندن اوراده پك كليتلى انكاير . تاجرلى و انكاير
كيلرى بولنور . شمال دكزلرينه بيوك بيوك سفينه لر ايله

بالق صید و شکارینه کیدن بالقجی قومپانیه لرینک مرکزی
دخی هامبورغدر . شهرک و لیمانک محافظه سی ایچون
ایکی طابور قدر عسکری ده واردر که شهرک کندیسنه
مخصوص اولوب افرادی کو کلی صورتیله قید او .
لنورلر .

تاریخ - بو شهرک اس اساسنی قدیم فرانسه ایمپرا -
طوری مشهور شارلمان وضع و تأسیس ایشدر . او -
زاق محللر ایچون تجارته بورانک موقعی اول قدر
مهمدر که دهها میلادک اون ایکنجی عصرنده هامبورغ
شهری بر بندر عظیم اولق ایله شهرت ایشیدی . کرک
هامبورغ و کرک یوقاروده سبقت ایدن بره ایله برده
اشاغیده کله جک اولان لوبق شهرینک بر سر بست
شهر اولمرینه لزوم کوسترنشی اطراف وجوارده بولنان
پرنس و سنیورلرک ازمنه متوسطه ده لاینقطع یکدیگر -
لریله وقوعه کلان محاربه لرندن بونلرک تجارترینه کلی
ضرر طاری اولسی قضیه سیدر . ایمدی کندی تجا -
رتلرینی خلادن محافظه ایچون برأ المانیا پرنسلینه مدا -
فعه و بحرأ دخی بالطق وسائر دکزلرده کزن قورسا -
نلر دن تحافظ خصوصنده بو شهرلر اتفاق ایشلدر .

واقعا بر اردلق سائر شهر لر دخی بونلرک شو اتفاقدن حاصل ایلدک لری منافع ی کوره رک اتفاقه جان آتمش لر ایسه ده انقلابات زمان انلرک طالعی بشقه صورتلر ایله یوروتوب بو اوچ شهر ایسه استقلاللرینی محافظه ایده بیلش لر در .

امتیاز واستقلال مذکور اون اوچنجی عصر میلادیدن باشلایوب هامبورغ شهری تا ۱۶۱۸ سنه - سنه کلنجه یه قدر هولشتاین دوقه لرینک جایه مخصوصه لری التنده بولنور ایدی . تاریخ مذکورده هولشتاین دوقه لرینک جایه سی هامبورغ ایچون اغر کله رک بو جایه یی اوز لرندن آتمش لر ایلیسه ده ینه هولشتاین دوقه سنه بر نوع تعظیم وتکریمده بولمق مجبوریتی التنده قالمش لر ایدی . نهایت ۱۷۷۰ سنه - سنه ارتق بوتعظیم وتکریمدن دخی کندی لرینی قور - تاروب هیچ بر کیمسه یه تابع اولمق سزین مستقلا کندی کندینی اداره یه باشلامش لر .

ناپولیون بوناپارت کویا انکلتره یی اوروپا سوا - حملدن محاصره ایچون بلوکوس قونتیان تال دنیلان محاصره بریه یی وضع ایلدی کی زمان هامبورغ شهرینک

تجارت ته کلی خلل طاری اوامش و اهالی شهر بوندن
 طولایی پک زیاده مایوس قالمش ایسه ده فرانسه عسکری
 شهری استیلا ایلدیکی جهته له بالطبع سس چیقارهما -
 مقده بولنمش ایدیلر . فرانسرلر ۱۸۱۰ سنه سنده بو
 شهری طوغریدن طوغری یه فرانسه یه الحاق دخی
 ایلدیله که الب منحصبری ولایتک مرکز ولایتی اولمش
 ایدی ۱۸۱۳ سنه سنده هر طرفدن ناپولیونک اوزر -
 ینه هجوم اولندقه دول متفقہ اشبو هامبورغ شهر -
 ینی ده فرانسرلردن نزع ایچون تحت محاصره یه المشر
 ایسه ده دروننده منصور اولان مارشال داووت بردرلو
 تسلیم اولیوب برسنه محاصره یه طیانمش و نهایت ناپو -
 لیون بالکیه مغلوب و فرانسه دن طرد اولندیخی زمان
 عرض تسلیمت ایلشدر .

اندن صکره هامبورغ شهری ینه اسکی امتیاز
 و استقلالنی اله الوب ۱۸۴۲ سنه سنده عظیم برحریق
 شهرک نصفنی احراق انلش ایسه ده ثروت محلیه
 حسینیه در حال ینه تعمیر اولنمشدر .

بوراده دخی امور حکومت بر ملت مجلسی ایله
 برده اعیان هیئتئ النده اولوب شهر ایکی والیلکه وبر

قاچ قضايه منقسماً اداره اولنور .

(التجی فصل)

« لوبق شهر مستقلى »

جغرافيا - لوبق شهرى المانيا انهارندن بالطق
 دكزیه منصب اولان تراو نهرينك ساحل يسارنده
 ودكزه اون بش كيلومتر و مسافه ده واقعدر . نفس
 لوبق ليمان اعتبار اولميوب اصل ليمانى تراو موند دنيلان
 ليماندر كه بحر بالطغك برنجى تجارتكاهلرندن عداو -
 لنور . لوبق شهرى هامبورغ شهر مستقلنك اوتوز
 ساعت قدر شمال شرقيسنده بولنوب الك بيوك مراسله
 تجاريه سى بو شهر ايله اولديغى كى دايمارقه واسوج
 وروسيه و المانيا ساحلارينك مركز عمومى تجارت بحر -
 يه سى عدا اولنور . اوراده يوكلنمان كيلر فرانسه
 وانكلتره و پورتكيز ليمانلرينه كيدوب شمديلرده ايسه
 امريكا و جزاير بحر اوقيانوس ايله دخى مراسله سى
 واردر . شهر مذكور كنديسنى مدافعه يه مجبور اولد
 يعنى زمانلر سور و طابيه لر ايله محاط ايمش ايسه ده
 شمدي بونلر عمومك كز مك محلى وسيرانكاهى اتخاز
 اولمشلردر . ازمنه متوسطه دن قائله بك چوق عالى

بناری بولنوب برچوق جعیات علیہ دخی مرکز در
 اوپرا تیا روسی مشهور و صنایع داخلہ سی معروف
 اولوب صابون اعمالی و دری دباغتی ویلکن بزی
 و قطفہ و منسوجات حریرہ سی ممالک بعیدہ یہ نقل
 و فروخت اولنور . الی ایکی بیکدن متجاوز اہالیسی
 بولنوب قسم اغلبی قاتولیک مذہبہ ذاہبدر . اورا -
 دہ بردیوان عمومی استیناف واردر کہ برہم و ہامبورغ
 محکمہ لرنہ رؤیت اولنان دعوارک استینافی لازم کلور
 ایسہ بورایہ مراجعت اولنور .

تاریخ - لوبق شہری پک قدیم زمانہ دن بری
 معلوم و معروف اولوب رومالولر بوکا « لوبکوم »
 تسمیہ ایدر لر ایدی . مؤخرأ انقلابات دہرہ اوغرایوب
 عادتا بالکایہ خراب اولمش بولندیغی حالہ ۱۱۴۴
 سنہ میلادیہ سندہ الفونس دہ هولشتاین شہر مذکور
 یکیدن تأسیس و بناالیش وینہ نام قدیمہ نسبت ایشدر
 پک آز برزمان بوراسی هولشتاینہ تابع اولوب ۱۱۴۸
 سنہ سندہ ساقس دو قہ لغنہ التحاق ایلدی . اولامؤا -
 خذہ و حبس ایدلدیکی حالہ مؤخرأ بروزویق دو قہ -
 لغی کندی عہدہ سنہ حالہ ایدلدیکنی بوندن مقدم

بروزویق فصلنده بیان ایتش اولدیغمز ارسلان هانری
هنوز ساقس دوقه سی اولدیغی و بناء علیه لوبق شهری
کندیسنه تابع بولدیغی زمان بوشهری برقاندها توسیع
ایدرك « لوبق قانوننامه سی » نامیله اورایه مخصوص
برده قانون وضع ایلشدرکه مذکور قانون لوبقك نيك
امتیازی عد اولور . زیرا شهر مذکورك تجارت بحر-
یه جه اهمیت فوق العاده سنی کوره رك اكا کوره تر
قیاتنی تأمین ایچون ویرلمشیدی انجق لوبق شهرینك
بو تمیزی مؤخرأ قزاندیغی استقلال مثالو هر طرفجه
تصدیق ایدلمش برشی اولدیغندن ارسلان هانری المانیا
ایمراطوری طرفندن اخذ و حبس ایدلدیکی زمان هو-
لشتاین دوقه سی الفونس موبو ذاتاً هولشتاینه
تابع اولق مناسبتیله بفرقه عسکر الوب کلدی شهری
ضبط واستیلا ایلدی . بو استیلا ۱۱۹۲ سنه سنده
وقوع بولمشیدی . انجق لوبق هولشتاینده قاله میوب
اون سنه صکره شزویق دوقه سی دولدمار بوراسنی
هولشتایندن نزع ایدرك المانیا ایمراطورینك تحت جا-
یه سنه ویردی که برچوق زمانلر بو جایه التنده آسوده
نشین اولدقدن صکره ۱۲۲۶ سنه میلادی سنده ایمرا-

طور ایکنجی دفعه اوله رق لوبق شهرینی سربست
ومستقل بر مملکت اولق اوزره اعلان ایلدی .

اهمیت تجاریه حسینیه هامبورغک دخی انباری
بوراسی عد اولندیغندن بو کره مستقل شهر صورتنه
تحویل ایدیلنجه چابقی ترقی ایدرک «ممالک مستقله ممتازه»
نامیله هامبورغ وبره شهرلری وسائر بعض ممالک
بالاتحاد برجهوریت تشکیل ایلدک لری زمان مرکز
جهوریت بوراسی اولمشیدی . حالا دیوان عمومی
استینافک بوراده بولنسی دخی شو مرکزیتدن نشأت
ایتمشدر .

دایمارقه لولر بوراسنی اله کچیرمک ایچون پک
چوق محاربه لر ایتدک لری کبی محاربه مشهوره سی سا -
له ده دخی لوبق شهری پک چوق مهاجاته هدف او -
لدیغندن براره لق عادتاً خرابه یوز طوتمشیدی . اندن
صکره ازوقت ظرفنده ینه کندیسنی طوپلایه رق
امتیاز واستقلانه هر طرفدن رعایت اولندیغی جهتله
کمال اسایش ایچنده ترقیات تجاریه سنده دوام ایلر ایدی
انجق بیوک ناپولیون زماننده فرانسزلر امتیازات قد -
یمه نك جمع بریسنه رعایت ایتیه رک هر طرفی هرج

ومرج ایسداکاری صروده بر قول اردو دخی لوبق
اوزرینه یورو مگله بونلره مقابل بر قول اردو پروسیا
عسکری کلوب شهری مدافعه یه چالشمش ایسه ده مو-
فق اوله مدقلرندن ۱۸۰۶ سنه میلادیه سنده فرانسرلر
اوراده پروسیا لیره بر غلبه تامه چالهرق شهری استیلا
ایتمش و بتون قلعه واستحکاماتی یرایله یکسان ایلمش در
بناء علیه لوبق شهری ۱۸۱۴ سنه میلادیه سنه قدر
فرانسه مستملکاتندن معدود اولوب «الب منصبری»
ولایتک بر سنجاغنه مرکز اتخاذا ایلمشیدی . ناپولیو-
نک ذوالندن صکره بوراسی دخی فرانسه دن تخلیص
ایدیلهرک امتیازات قدیمه سی اعاده اولمشدر .
لوبق شهری دخی سائر مستقل شهرلر مثللو طرف اهلیدن
منتخب بر مجلس مبعوثان ایله برده هیئت اعیان طر-
فندن جمهوریت اصولیله اداره اولنور . و بو حکو-
مت مستقله سی باقی اولدیغی حالده اخیراً المانیایه
التحاق المشر .

(یدنجی فصل)

« مکه بورغ فرانکوفه لقری »

جغرافیا - مکه بورغ دو قه لقری المانیا ایمپراطور-

لغنی تشکیل ایمن حکومت جرمانیه دن ایکی غراندو-
 قه لق ایسه ده بونلرک ایکیسی دخی بر نامه تابع اوله رق
 یان یکا بولندقلری جهته له اکثریا جغرافیا کتابلرنده
 ایکیسی برابر اوله رق ذکر اولنور . بونلردن مکلمبورغ
 شیوه رین دنیلان غراندوقه لق غرب طرفنده واقع
 اوله رق دیکرندن دها بیوکدر . زیرا بشیوز الی سکز
 بیک نفوس اهالیسی واردر . دیکری ایسه شرق
 طرفنده اولان و شیوه ریندن پک کوچک بولنان مکلمبورغ
 ستره لیج غراندوقه لغیدر که طقسان یدی بیک قدر نفو-
 سی واردر . بوایکی دوقه لق شمالاً بحر بالطق ایله
 محاط اولوب شرق طرفندن پروسیا و جنوب طرفندن
 لونه بورغ و غرب طرفندن لوآنبورغ دوقه لقلر یله هم
 حدوددر .

مکلمبورغ شیوه رین غراندوقه لغنک اصل پای تختی
 شیوه رین شهری اولوب فقط ایکنجی پای تختی دخی
 لودویغسو است شهری عد اولنور . زیرا اوتهدنبری
 غراندوقلر بوشهری کندیلرینه مسکن اتخاذا ایتشلردر .
 دیکرینک پای تختی دخی بینی تره یج شهریدر . روستود
 شهرنده واقع بر دار الفنون ایله یاردیوان استینافی بیج ش

ایکی دو قه لغک ایکسی ایچون ده مشترک وعمو میدر •
 بو قطع لرك اراضیسی قوملق وبرچوق یرلی دخی
 کولر ایله مشغول اولدیغدن زراعتجه ترقیسی یوق
 ایسه ده حیوان یتشدر مک خصوصنده پک مشهوردر •
 اوراده یتشمش آتلا و او کوزلر و اینکلا خارجه کلیت
 اوزره نقل و کمال رواج ایله فروخت اولنور • اها -
 لیسنگ اغلیت عظیمه سی پروتستاندر •

تاریخ - اشبو مکلمبورغ قطع سندده ال اول
 اقوام جرمانیه دن هروله قومیه برده و اندال قومنگ
 بعض مفرزه لری طائمش اولوب مؤخرأ اسلاول شرق
 طرفندن کله رك المانیانک برچوق یرلینی استیلا ایلد
 کاری صرهدده بورالره دخی منتشر اولمشدر • مؤخرأ
 المانیا سنورلری هر طرفده برچوق حکومتلر تشکیل
 ایلد کاری صرهدده بوراسی دخی مکلمبورغ نامیه بنام
 اولان خاندانه تابع اولمشدر که بو خاندان المانیانک ال
 اسکی خاندانلرندن اوله رق بو اسم میلادک دردنجی
 عصرندن بری معلوم و معروف اولدیغی هر مورخ
 طرفندن تصدیق قلمشدر • بو تقدیرجه مکلمبورغ
 قلملیاسی و اندال زیمانندن بری مشهور اولوب حتی

واندال قرالردن اوله رق اورویانک جنوب طرفلینه
 قدر ایتش اولان ژه زسه ریس بوقاملیادن عد اولنور .
 شارلمان نام فرانسه ایمپراطوری المانیایی استیلایه قیام
 ایلدیکی زمان بوراسنی فتح ایتکله برابر مکمبورغ
 خاندانک استقلال قدیملینه تعرض ایتماش ایدی .
 بوندن اول ایکی فصلده ایمی کذران ایدن ارسلان
 هازی ۱۱۶۱ سنه میلادیه سنده بورایه تسلط واستیلا
 ایلدیکی زمان هر طرفی خراب ایتش و کندی دامادی
 بولنان بریسلان و نام برپرنسی اورایه والی نصب ایدرک
 مکمبورغی طوغریدن طوغری به ساقس ممالکنندن عد
 ایشدر . مؤخرأ ارسلان هازی المانیا ایمپراطوری
 طرفندن اخذ و حبس ایدلده مکمبورغینه حال اولنه
 اعاده و ارجاع اولنمش و اون دردنجی عصر میلاده
 قدر او حالده دوام ایتشدر .

میلادک اون دردنجی عصرنده مکمبورغ خاندا
 نی میانده ظهوره کلان بروراثت دعواسی قطعاً مذ
 کوره نیک ایکی به انقسامنی موجب اولمش ایدیسده
 ۱۲۷۲ سنه سنده قوجه هازی دنیلان حکمداری بو
 ایکی قسمی تکرار توحیده موفق اولمشدر . نهایت

مکملبورغک ایکى قسمه انقسامى ١٥٩٢ سنه سنده وقو-
 عه کله رک تاريخ مذکورده قسم کبيره مکملبورغ شيوه-
 رين دينلش وقسم صغيره دخى مکملبورغ کوستروو
 نامى ويرلمش ايدى . مؤخرأ ١٦٩٠ سنه سنده کوستروو
 شعبه خاندانى منقرض اولغله او قسم ينه مکملبورغ
 شيوه رينه التحاق ايلش ايسه ده براز صکره شيوه رين
 خاندانى دخى اوچ قوله آيرلديغندن ممالک موجوده
 اوچ قول ارسنده بتکرار تقسيمه قونلشيدى .

اشبو اوچ قولدن برنجيسى اصل مکملبورغ شيوه-
 رين اولوب بوکا « شيوه رين شيوه رين » تسميه ايدلمش
 وایکنجيسى شمديكى مکملبورغ ستره ليح اولوب بوکا دخى
 « شيوه رين ستره ليح » عنوانى ويرلمشيدى . اوچنجيسى
 ايسه شيوه رين غرابوو دنيلان شعبه اولوب ١٦٩٢
 سنه سنده بودخى منقرض اولغله انک حصه املاکى
 ديگر ايکى خاندان مياننده اوزون اوزادى يه منازعه -
 لره محاربه لره ميدان انچديغى حالده نهايت ١٧٠١ سنه
 ميلاديه سنده بر صلحنامه قطعى عقد ايدرک حالابو کون
 موجود و دائم اولان تقسيمى اجرا ايتشدردر . مکملبورغ
 دو قه لرينه يالکز دو قه عنوانى ويرلديكى حالده ويانه

قونغرہ سی ۱۸۱۵ سنہ میلادیہ سنندہ بونلرک عنوانی
 غراندوقہ لغہ ترفیع ایتشدر . خاندان مذکورک تالما -
 نیانک ایلک اہالیسندن اولان واندالر زمانندن قلمہ
 قدیم بر خاندان اولسنہ حرمتہ حالا عمدہ لرنده « واندال
 پرنساری » عنوانی دخی باقیدر .

✽ ایکنجی باب ✽

المانیای وسطیدہ کائن حکومت

برنجی فصل

« لیب امارتلی »

جغرافیا - « لیب » نامیلہ المانیادہ ایکی امارت
 بولنوب بونلردن بریسی پروسیا ایلہ ہس ارہ سنندہ
 واقع کوچک بر امارتدرکہ دتمولد شہری بونک مرکز
 امارتی اولقی حسییلہ بوامارتک اسمنہ دخی « لیب
 دتمولد » دنیلور . ورا نہری بوامارتی سقی واروا
 ایدر ایسہ دہ زراعتجہ مترقی بر مملکت اولیوب حیوان
 یتشدر مک و بعض معدنلری ایشلمک ایلہ یوز اون بر
 بیک قدر اہالیسی تعیش ایدر . اغلیت عظیمہ سی قاتو -
 لیکدر . ایکنجیسی شومبوزغ لیب امارتی اولوب

بودخی اولکینک جوارنده واقع اوتوز ایکی بیک نفو-
صلی بر تاحیه دن عبارتدر .

تاریخ - لیب خاندان امارتی المانیانک پک اسکی
خاندانلرندن اولوب ال اول یالکز « سنور » عنوا -
تیه بو کوچک ولایتی اداره ایدر لر ایدی . بر قاچ فصلده
اسمی کذران ایدن ارسلان هانری بر ارهلق اطرافی
استیلا ایلدیکی زمان لیب امارتی دخی ضبط ایتش
ایسه ده لیب سنور لرینه ایلشیموب انلری کندی طر -
قتلن والی اولق اوزره یرلرنده ابقا ایتش و بناء علیه
لیب امارتی ساقس غراندوقه لغنک بر ایالتی اولمش
ایلی .

المانیا ایمپراطوری ارسلان هانری پی اخذ و حبس
ایلدیکی زمان بو مثللو استیلا کرده سی اولان ممالکی
یولی یرینه اعاده ایلدیکی صر هده لیب امارتی دخی
خاندان قدیمی اداره سنده بر اقوب حتی اوزمانه قدر بونلره
پالکز سنور دنیلور ایکن قونت عنوانی دخی و یرمش
و چوتکه لیب قونترلی کندی لرینی اطراف و جوارده
بولننک مستولیلردن مدافعه ایده جک اقتداری حاز
اولدقنرندن المانیا ایمپراطور لغی بوراسنی طوغریدن طو-

غریبہ کنیدی جایہ سنہ الہرق بناء علیہ لیب المانیا امپرا۔
 طور لغنک مالکانہ لرندن بریسی اولق اوزره بعدما
 تعرض اعدادن بیانی امین اولمشدر .

بوخاندانہ منسوب اولان قونتر قونتر فامیلیا۔

لرینک قدمندن ماعدا صلاح حال ایله دخی مشهور
 اولدق لرندن خارجاً بونترله قز السوب قز ویرمکه بر
 چوق خاندانر هوس ایلدک لری جهتله بونترک شعبه -
 لری چوغالدقجه چوغالمش ایسه ده امارت اولال ۱۶۱۳

سنه سنده لیب براق دینلان شعبه ده اولوب بوشعبه
 ۱۷۰۹ سنه سنده وارث ذکور سزجه قالهرق بناء علیہ

المانیا امپراطور لغی لیب امارتنی لیب دتمولد دینلان
 شمدیکی خاندانہ توجیه ایلمش و ۱۷۲۰ سنه سنده دخی
 قونترلق عنوانی پرنسک عنوانه ترفیع قلمشدر .

ناپولیون فرانسه امپراطور لغی تأسیس ایلدیکی
 زمان بو امارتنی دخی فرانسه یه التحاق ایلمش ای دیسه ده
 باشلی باشنه برو لایت تشکیل ایده جک قدر وسعتی او -
 لمدیغندن مونستر شهر یله برلشدر یله رک بر سنجاق عد
 اولمش و ناپولیونک سقوطندن صکره دول متفقہ امارت
 مذکورہ نک استقلالنی ینه اسکی خاندانہ اعاده ایلمشدر

شومبورغ لیب امارتنه کلنجه : واقعا اسکی الما -
 نیاده شومبورغ نامیله بر قونتلق اولوب ۱۰۳۳ سنه
 میلادیه سنده تشکل ایتمش ایسه ده بو حکومت ذاتاً
 کوچوجک برشی اولدیغی حالده مؤخرأ چوق کره لر
 برطاق حصه لره منقسم اولدیغی کبی بر ارهلق بالکلیه
 انقساخ دخی ایش ایدی . ایمدی ۱۶۴۸ سنه میلادیه -
 سنده عقد و امضا اولنان وستفالی معاهده سی اقتضاسنجه بو
 اسکی شومبورغ قونتلیغی اجزاسندن بوکه بورغ ناحیه سی
 اسکی شومبورغ قونترینک خاتمه سی اوله رق بلا ولد
 وفات ایش بولنان التنجی اوتونک والده سی اولوب
 لیب فامیلیاسنه منسوب بولنان الیرابته انتقال ایتمش و او
 دخی بومالکانه یی قرنداشی قلبه ویرمش اولمغله ایشته
 اوزماندنبری « شومبورغ لیب » دیه هم اسکی وهم یکی
 نامنی جمع ایله دوام ایده کلمشدر .

(ایکنجی فصل)

« والدق امارتی »

جغرافیا - المانیای وسطی حکومتندن معدود
 اولان اشبو والدق امارتی هس ایله پروسیا ره سنه
 صقشمش کوچوجک بر امارتدرکه مجموع نفوسی الی

التي بيك اولوب مرکز امارتی اولان اصل والدق تام
 محل طقوز یوز نفوسلی برکویدن عبارتدر . قوریاخ
 اسمنده دیگر برکوی دخی مرکز امارت عد اولتویبه
 فقط پرنس بولنان ذات اشبو ایکی مرکز امارتمه دخی
 اوتورمیدرق اورولسن اسمنده دیگر برقریه ده اوتورور
 امارت مذکوره اراضیسنگ زراعته قابلیت اولماظه
 اهالیسی تیمور و قورشون و باقر معدنلرینی ایشلته رکوبا
 خصوص تیمورجیلک ایدرک تعیش ایلرلر .

تاریخ - المانیانک اصلزاده لری اکثریا کندی
 جدلرینی ازمنه قدیمه مجهوله ده خلقل پرستش ایله
 کاری برطاقم ذوات مخیله یه قدر واردیدق لری کی
 اشبو والدق خاندانی دخی کندی اصلرینه بو قدر
 قدم ویررلر . اعصار اخیریه کلنجیه قدر قوتت
 عنوانیله بوراده حکومت سورن ذاتلر قوتلرینک آز
 لغندن طولایی باشلی باشلرینه برایش کوره میوب هانکی
 سنورلر دها قوتلی ایسه انلر ایله اتفاق ایشلر وانلرک
 قوتیله کندیلرینی سائر مستولیلردن محافظه ایشلرلر .
 بوفامیلیادن اک زیاده شهرتشعار اولان و ۱۶۸۲
 تاریخنده المانیا امپراطوری طرفندن پرنس عنوانتی دخی

المش بولنان آدم ژور فره دریق اسمنده بر عسکر در که
 اولاً هولاندا خدمت عسکر یه سنده استخدام اولنور
 ایکن کوستردیکی یارار لقلر اوزرینه المانیا ایمپراطو -
 ری برنجی لئوپولد کندیسنی جلب ورتبه سنی جنرا -
 للغه و عنوانی دخی پرنسلکه ترفیع ایلیه رک اوزمان
 ویانه یی محاصره ایتمکده بولنان عثمانلی اردوسی او -
 زرینه بر قول اردو ایله سوق ایلشیدی • صوییه سکی
 ویانه یی استیلای عثمانیاندن قورتار مغله اوروپا تاریخ
 عسکر یسنده شهر تشعار ایسه ده مرقومک بوشهرتی
 قزانغه سبب اصلی اولانلردن بریسی اشبو ژور ژ فرده -
 ریق ده و الدق اولدیغی تفصیلات تاریخیه دن تحقیق ایله •
 بو محاربه دن صکره جنرال مومی ایله ینه هولاندا -
 یه عودت ایدوب اوراده مارشاللق پایه سیله سر عسکر
 اولمشدر •

كذلك والدق خاندانك نامنی اعلايه خدمت ایدن
 ذواتدن بری ده قره تیهن او کوست واردر که اوستریا
 خدمت عسکر یه سنده جنراللق رتبه سنی احراز ایدرک
 اولکی کبی بودخی عسا کر عثمانیه ایله بر قاج محاربه
 ایتمشدر • مؤخرأ اوستریا دولتی ۱۷۹۲ سنه سنده

او کوستی فرانسه اوزرینه صالویرب تیونو ویل شهرینی
 محاصره ایدر ایکن بر قولنی ضایع ایشدر . فرانسه
 محاربه لرنده کوستردیکی یارارلق پورتهغال دولتنک نظر
 دقتنی جلب ایدرک ۱۷۹۲ سنه سنده دولت مشارالیه
 طرفندن دعوت و سرعسکرلک مقامنه نصب ایدلمش
 ایسه ده عمری وفا ایتیموب برسنه صکره وفات ایتمشدر .
 ایشته صحایف تواریخده والدق نامنه اهمیت
 ویردیرن شی شو ایکی جنرالک مزیات عسکریه سی
 اولوب حتی انجق بر قضا عداولنه بیله جک یره پرنسلاک
 عنوانیه برامازت ویرلمسی و اوامارته بو دفعه المانیا
 ایمپراطورلغنک تشکلی اثناسنده دخی رعایت اولنهرق
 مستقل برامارت اولق اوزره بقا ایدلمسی بو آدملرک
 قازانمش اولدقلری شان و شرفدن منبعث اولان قدر
 و حیثیتدن عبارتدر .

(اوچنجی فصل)

« هس فرانقه لنی »

جغرافیا - رین و ماین و ووسر نهرلری اره سننده
 بولنان ممالکده اک اول « هاسی یی » اسمنده بر جرمان
 قوم قدیمی شهرت المش اولدیغندن بونلرک مؤخرأ

« هس » صورتنه تحول ایدن اسملری ممالک مذ کوره یه
 علم اولوب قالدیغی کبی ممالک مذ کورده ده حکومت
 سورمکه باشلایان خاندانه دخی « هس » دنیلشدر .
 ممالک مذ کورهنک هم جوارلری شمال طرفندن پروسیا
 وشرق طرفندن ینه پروسیا ایله باویرا و جنوب شرقی
 جهتندن بادغراندوقه لغی و غرب طرفندن دخی کذلک
 پروسیانک ولایات غربیه سیدر * بر ربعی قدری
 قاتولیک و قصوری پروتستان مذهبنه سالک اولقی
 اوزره سکزیوز اللی ایکی بیک نفوس اهالیسی اولوب
 دارمستاد شهر جسمی بورانک مرکز اداره سیدر .
 رین ماین نهرلرینک اروا و استقا ایلدیکی یرلر هم دوزلک
 وهم ده پک منبت و محصورلدار اولدیغندن هس غراندو-
 قه لغی المانیانک الک مشهور چغنجی ممالکنندن عدا اولنور .
 بعض بیاغی منسوجانندن عبارت صنایعی دخی و ارایسه ده
 مملکتک باشلوجه مورد ثروتی زراعتدر .

تاریخ - فرانسه ایمپراطوری مشهور شارلمان
 زماندنبری هس قطعده سننده سنیور و یاخود قونت
 عنوانیله برطاقم ذوات حکومت سورمکیشدر که بونلرک
 عمومی یا ورنر و یاخود ژیسون اسمنی الورلر ایدی .

۱۱۳۰ سنه ميلاديه سنده در دنجی ژيسونك وارثی
بولنان بر پرنس تورنر خاندانندن بر ذاتله عقد ازدواج
ايدرك بو حالده ايكي خاندانك املاكي بر شمش اولديسه ده
۱۲۶۳ سنه سنده المانيا امپراطوری بو ايكي قطعده يي
يکديکرندن تفریق ايدرك والده سي تورنر خاندانندن
اولديغي حالده پدري بر ايان دنيلان دوق خاندانندن
اولان و چوجق هانری ديه شهرت بولان برنجی
هانری يه اعطا وموی اليه پرنسلك عنوانی دخی
ويرمش ایدی .

موی اليه هانرينك اولاد واحفادی قاسل شهرنده
اختيار اقامتله ۱۵۶۷ سنه ميلاديه سنه کلنجيه قدر
بتون هس ممالکی اوزرنده حکم سورمشلر ایدی .
تاریخ مذکورده حکمدار اولان ومانيايم ديه مشهور
بولنان فلیب حین وفاتنده ممالکنی درت نفر اوغلاری
اره سنده تقسیم ایلدی . بيوك اوغلی اولوب «عاقل»
ديه شهرت بولان در دنجی کيلیومه ممالکنک نصفنی
ويره رك قاسل شهری دخی انک مرکز حکومتی اولمشیدی که
بو حالده موی اليه در دنجی کيلیوم حکومتی زمانمه
قدر دوام ايدرك ۱۸۶۶ سنه ميلاديه سنده پروسیالورک

اوستریالوره غلبه سی اثنا سنده پروسیالی طرفندن ملکی
 نزع واستملاک اولنان « هس » قاسل خاندانک واضع
 اساسی عد اولمشدر . مانیانیم فلیک دردنجی اوغلی
 بولنان ژورژ ایسه پدرندن انجق ملکک سکزده
 بریسی اولق اوزه دارمستاد شهر یله اطرافنده بولنان
 برمقدار اراضی یه نائل اولمش ای دیسه ده فلیک سکزده
 دردینی الک بیوک وسکزده برینی الک کوچک اوغلنه
 ویردیکی ممالکنک سکزده اوچنی عهده لرینه احاله
 ایلمش اولدیغی فلیب ولوی نام اوغلاری تیر وقتده
 وفات ایدرک بونلرک ملکی دخی ژورژه انتقال ایتمله
 دیگر قرنداشی اولان دردنجی کیلیوم ایله همان مساوی
 بر نصف حصه یه مالک اولمش دیمک ایدی .

ایشته بوصورتله تقسیمه المانیا تاریخنده کوستریلان
 وقوعات جسمیه و انقلابات متعدده پک آز برخلل ویره-
 بیله رک اون سکزنجی عصر نهایتنه کلنجه یه قدر حال
 بومنوال اوزره دوام ایلمش ایکن اون سکزنجی عصرک
 نهایتله اون طقوزنجی عصرک ابتدالرنده ناپولیونک
 فتوحاتی بتون حدود قدیمه یی بوزوب قارمه قاریشق
 ایتدیکی کبی هس غراندوقه لغنک دخی رین نهرینک

ساحل یسارنده واقع ممالکنی نزع ایدرک انلره بدل
 وستغالی و مایانس طز فلرندن بر چوق اراضی بی هسه
 ربط ایلیشیدی . ینه ناپولیونک تحت نفوذنده اوله رق
 « رین حکومت متحده سی » نامیله تشکیل اولنان بر
 هیئت حکومت متحده یه اشو هس غراندوقه لغی دخی
 داخل اولوب (المانیا . ص ۱۵۶ مر) انجق
 ۱۸۱۳ سنه سنده ناپولیون علیهنه اتفاق ایدن دولتره
 هس غراندوقه لغی دخی التحاق ایدرک ناپولیونی دوچار
 انقراض ایلدکن صکره احوال ینه صورت اولایه
 عودت و تحول ایلیشدر .

۱۸۲۰ تاریخنده هس غراندوقه سی بولنان واو
 زمانه قدر هس حکمدارلری لاند غراو عنوانیله یاد
 اولنورلر ایکن ایلاک دفعه اولمق اوزره غراندوق
 عنوانی الوب اولجه اونجی عد اولنور ایکن بعدما
 برنجی عد اولنان لویی کندی تبعه سنه احرارانه بر
 قانون اساسی ویرمش ایکن اخلافی اولان ایکنجی
 واو چنجی لوئیلر بو قانون موجبجه خلقک نائل اولدیغی
 حقوق و حریتدن برر مقدارینی کسمکه قیام ایلدکلری
 جهتله اهالی دخی مخالفت و عصیان و ادیلرینه صاپه رق

داخل ممالکده خیلی شور شر و وجوده کلمش و مؤخرأ
نصلسه تابع ایله متبوعدن هر ایکی طرف فدا کار لقلر
اختیار یله عقد مصالحه اینلشدر .

جسامتده هس غران دولغنه مساوی ایکن مؤخرأ
یعنی ۱۸۶۶ سنه سنده پروسیا طرفدن ضمیمه ممالک
قلند یعنی یوقاروده خبر ویردیکمز هس قاسل حکومتک
مانایم فلییدن پروسیایه التحاقی زمانه قدر کچیردیکی
وقوعات خلاصه سنه کلمجه : بو حکومتک ایلیک
حکمداری اولان دردنچی کیلیوم اطراف و جواردن
اله کچیردیکی ممالک ایله اولکاسنی بیاغی بیولتمش ایکن
اوغلی و خلمفی بولنان موریس پدرینک قازاندیغی
ممالکی محافظه دن عاجز قالدرق بر مقصدارینی غیب
ایتمکله انک اوغلی بولنان بشنجی کیلیوم پدری علیهنه
قیام و بیچاره یی حکومتدن استغفایه اجبار ایلیه رک
ملکک زمام اداره سنی کندی انه المشدر . بو ذات
محاربه سی ساله ده فرانسه ایله اسوج اتفاقنه داخل
اولمشیدی . حین وفاتنده وارثی صغیر ایمش ایلیسه .
ده زوجه سنی اکاوصی نصب ایدرک مومی الیه ایسه
غایت عاقل برقادین اولغله ملکجه تدنی شویله طور .

سون ترقی و توسعه بیلہ موفق اولدی .

مومی الیهک احفادنن فره دریق اسمنده برپرنس
اسوج قرالی اون ایکنجی تیمور باش شارک همشیره .
سی ورارثی بولسان اولریق الهونور ایله ازدواج
ایتمش بولمغله شارک وفاتنده اسوج قرالی اولمشدر .
(اسوج ص ۱۵۹ مر)

۱۸۰۳ سنه میلادیه سنده هس قاسل غراندوقی
طقوزنجی کیلیوم المانیا ایمپراطورینک منتخبری عنوا .
نی اولان القتور عنوانی المش واو مناسبتله طقوزنجیلق
عنوانی برنجیلکه تحویل ایتمش ایسه ده ۱۸۰۶ سنه .
سنده یعنی ناپولیون غائله سی اثناسنده ملکی لندن
النهرق وستفالی و فرانقفورته تقسیم قلمشیدی ۱۸۱۰
و ۱۸۱۴ تاریخلرنده ممالک مذکوره تکرار قور تاریلوب
کندیسنه ویرلمش و مومی الیه فضلہ اولهرق القتورلک
عنوانی دخی تکرار المش ایدیسه ده بو عنوان حقیقه
یک فضلہ قلمشیدی . زیر المانیا حکومتلی ارتق بر
حکومت متحده اصولی التنه کیره رک ایمپراطورلغک
وجودی میدانده قالمدیغی حالده القتور بولنسی بسبتون
عبث ایدی . انجق بوندن صکره کلان غراندوقلرک

هربری اهالی به بر قانون اساسی ویره جکنی وعد ویا -
 خود حقیقه اعطا ایلدیکی حالده بالاخره استرداد
 ایلدکرندن هر دفعه بویله بر حال وقوعه کلد کجه
 اهالی دخی عصیان به باشلامش و بناء علیه اوراسی علی
 الدوام محاربه داخلیه ایله مشغول اوله کلمش ایدی .
 هله ۱۸۶۶ سنه سنده پروسیالورک اوستریا علیه قازا -
 ندقری صادووا غالبیتی اثناسنده بوراسنک پروسیا به
 الحاقی یولی بولنه رق غراندوقه لر اهالینک عصیانندن
 واهالی دخی انلرک استبدادنن قورتلشدر .

(در دنجی فصل)

« راوس کبیر و صغیر امارتلی »

جغرافیا - راوس دینلان بری بیوک دیکری دها
 کوچک و فقط ایکسی یکدیگره متصل و اغلب شعبات
 اداره جه ایکسی دخی متحد اولان امارتلساقسونیا
 ایله باویرانک اره سنه صقشمش بر کوچک قضادن عبا -
 رت اولوب استروساآل نهرلری بوقضانک ایچندن کچر -
 لر ایسه ده پک طاغلق بزیر اولدیغی جهتله زراعته
 قابلیت یوق حکمنده در .
 بناء علیه بونلرک اهالیسی اغلیت اوزره معد -

نجیلك ایله تعیش ایدر لر • بو امارتلك بیوك و كوچك
 دیه معین اولان صفتلری کرچكدن اراضی و نفوس
 جهتیله فائق اولاننه « بیوك » و اراضی و نفوس
 جهتیله انك مادوننده بولنانه « كوچك » دینلك صو-
 رتیله تعیین اولنماشدر • بالعكس كوچوكنه « بیوك »
 و بیوكنه « كوچك » دینماشدر كه بوده عن اصل بونلر
 بر عرقدن تشعب ایلدكاری زمان بیوك قزندانك كو-
 چك قسمه و كوچك قزندانك بیوك قسم ممالكه مالك
 اولمردن نشأت ایلشدر • بناء علیه بیوك راوس
 امارتنك قرق بش بیک نفوسی اولدیغی حالده كوچك
 راوس امارتنك سكسان طقوز بیک نفوسی واردر •
 شلویج و غرایج و ژه را قصبه و یا دها طوغریسی كو-
 یلری بونلرک پای تختلری عد اولنور • ایکی امارتك بر
 حكومت مشروطه سی اولوب ایکی طرفه دخی عائد
 اولان امور مهمه بر هیئت مختلطه ده رؤیت ومذاكره
 اولنور •

تاریخ - راوس خاندان امارتی میلادك اونجی
 عصرنده اوسترود قونتی اولان البرتك اوغلی هازی
 زمانده تأسس ایلشدر • بو عنوان مومی ایله هازییه

المانیا امپراطوری در دنجی هازی طرفندن ویرلمش
 ایدی • بوشللو کوچک امارتلك انقلابات جسمیه تا -
 ریخیه اره سنده همان هیچ اسامیلری او قونمیه جغی
 در کاردر • واقعا خاندان مذکورک کنديسنه مخصوص
 اولان تاریخده مؤخرأ بونک بر قاچ شعبه یه اتقسامی
 وشعبه لردن یالکز ایکیدن ماعداسنک انقراضی کو -
 ریلور ایسه ده بزم بو تاریخده نظر دقت واستغرابمه
 اصابت ایلان شی یالکز امارت مذکوریه کلانلرک
 کافه سی « هازی » اسمنی الدیغی و بناء علیه الیوم مقام
 امارتده بولنان ذواتک الی طقوزنجی هازی اولسی
 قضیه سیدر •

(بشنجی فصل)

« انحالت دو قدانی »

جغرافیا - انحالت اسمی اسکی زمانلرده « هارژ
 ژه رود » نام اوزمان ایچنده واقع « شاتو » دینلان بر
 مستحکم کوشکک اسمی اولوب الیوم بوشاتونک خرا -
 به سی کوریلور • مذکور اسم شاتونک صاحب لری اولان
 بر خاندانه علم اولدیغی کبی بو خاندانک تحت استملاکنه
 کیرن بر چوق اراضی به دخی علم اولمشدرکه اراضی

مذکورہ جسم واحد صورتندہ اولیوب ارہلینہ برطا۔
 قم سائر خاندانلر املاکی کیرمکله اجزای متفرقه دن
 عبارتدر • دسو شهری الیوم بودوقه لغک مرکز ادا۔
 رهسی اولوب ایکیسوز بیک قدرده نفوس واردرکه
 التیده بر قسمی انجق قاتولیک ارلهرق قصوری کاملاء
 پروتستاندر •

تاریخ - انحالت خاندانی المانیانک هم اک اسکی
 وهم ده اک متخیر و حیثیتی خاندانلرندن عد اولنور •
 بو خاندانک مالک اولدقلمری ممالک اک اول ساقس دو -
 قه لغنه تابع اولدیغندن اعضای خاندان قونت عنوا -
 نیله ساقس خاندانک تابعلرندن عد اولنور لر ایدی •
 اون اوچنجی عصر میلادیده سساقسک برطاقم یرلری
 آریلهرق بعضلری سائر ممالکه الحاق اولندیغی و دیگر
 بعضلری دخی مستقلا برر حکومت تشکیل ایلدیکی
 صرده انحالت خاندانک یرلری دخی آریلهرق دوقه -
 لق صورتندہ تجویل قلمشیدی •

بو هنکامده انحالت خاندانک املاکی درت قطعہ
 دوقه لق تشکیل ایلش ایدی که بونلر برنبورغ وقوتن
 وزربست و دسو دوقه لرلی اولوب مرور زمانله بونلر

بلا وارث منحل قالد قجه یکدیگره التحاق ایده ایده ایوم
یالکز انحالت دسو دو قالغی قالمش و دیکر او چنک ممالکی
بوکا التحاق ایتشدرد .

انحالت امارتنه مخصوص اولان تاریخ حاوی او -
لدیغی وقوعات جزویه دن زیاده بو خاندانک یتشدیر -
مش اولدیغی بعض ذوات مشهوره نك شهرتلیله مشهوردر
بوراسی طوغریدن طوغرییه المانیا ایمپراطورلغنک
حایه سی السنده بولندیغندن ایمپراطورلغک کچیردیکی
وقوعاته انحالت دخی اشترک ایتمش دیمکدر . فقط خاندان
مذکور دن نشأت ایلین مشاهیر المانیا ایمپراطورلغنه
منسوب اولدقلری حالده نائل شهرت تامه اولمشدر .
بولردن اکدهم و مشهوری روسیه ایمپراطورلیچه -
سی ایکنجی قاترینه در که روسیه دولتی یکیدن تأسیس
وتوسیع ایتک مرتبه سنده کی وقوعاتی و بزیم علیه مزه
اولان غلباتی ایله شهرت شعار عالمدر . بو ایمپراطورلیچه
انحالت دسو خاندانندن اولوب نه صورتله روسیه
صندالیء حکومتنه یول بولدیغی روسیه تاریخنده مذ -

کوردر .
انحالت دسو خاندانندن شهرت شعار اولان ذواتک

بررسی دخی پرنس لئوپولد اولوب پروسیا دولت-ک سرعسکری عنوانيله نيجه محارباتده بولنمش و اول قدر مظفرياته نائل اولمشدر که اون سکرزنجی عصر ميلادی نصف اولنده پروسیا شوکت عسکریه سنی عیوقه چيقاران هب بودات عد اولمشدر . حتی پروسیا- نك انتظام ومهارتله مشهور اولان پياده صنف عسکر- ینی عاداتا مجدداً کبی بر صورتله اشبو پرنس لئوپولد تشکیل وتأسيس وكافه قوانینی کنديسی وضع وتنظیم ایلشدر . تمام قرق سنه مدت پروسیا دولته فلدمار- شال عنوانيله خدمت ایلدی .

بو ایکی ذاتدن ماعدا انحالته پرنستسلرندن بریسی دخی فیلسوفیده غایت مشهور اولوب حاصلی بوخاندانک شهرت تاریخیه سی المانیاتاریخی ایچون حقیقه الپارلاق برفصل تشکیل ایتمکه کافی اولدیغندن هر زمان هر نوع حکومت انحالتره حرمت ورعایتده قصور ایتماشدر .

(التنجی فصل)

« ساقس قرالانی ودوقه لقری »

جغرافیا - ساقس نامی المانیاده ایلك جمعیت بشریه نك تمدنندن بری طانمش برنامدر که امس و اودر

و طونه نهرلریه بحر بالطق اره سنده واقع ممالک وسیعه
 ده توره یان بر بیوک جرمان قومنک اسمی اولدیغی
 حالده مؤخرأ کرک یکی کرک اسکی بر طاقم حکوماته
 دخی علم اولمشدر . الیوم بونام ایله برقرالقی و برقاچ دوقه
 بولندیغدن و بوندن ماعدا اسکی ساقس حکومتلرینک
 حدودی دخی تغیر ایش اولدیغدن بوراده عمومی
 ایچون بردن معلومات جغرافیسه خلاصه سی و یرلک
 قابل دکلدیر . بناء علیه ساقسک اجزای مهمه سی
 حقنده بروجه آتی فقره بفقره معلومات و یرلد کجه
 اقتضا ایلیان معلومات جغرافیادخی اعطا اولنه جقدر .
 ساقس قدیم - مه رووینزیه نلر زمانده ساقس
 حکومت قدیمه سی غرب طرفندن رن و امس ولیپ
 نهرلرندن باشلایه رق شمالا بحر بالطیغه و دانمارقه یه
 و شرق طرفندن پروسیا ممالکنه و جنوباً دخی متغیر
 حدودیه المانیای جنوبییه قدر امتداد ایدر ایدی .
 اشبو قدیم ساقس اهالیسی اولان ساقسونلر کندی
 قومشولری اولان دانوازلر کبی دکز و قره حیدود .
 لغنده غایت ماهر آدملر اولوب دهها دردیجی عصر
 میلادیه غول و بریتانیا ساحلرینی الت اوست ایشلر

و تفصیلی انکثره تاریخندہ کو سترل دیکی اوزرہ اورایہ
سوق ایلد کیری مهاجر لر انکثره قطعہ سندنہ حکومت لر
تأسیس ایلشردر .

المانیاده قالان ساقسون لر براره لق فرانسز ایمپرا -
طوری شارلمانک قهرینه مغلوباً فرانسیه خراج ویر -
مکہ راضی اولمشر ایسده کندیلری طوائف قدیمه
جرمانیه نك طاقدق لری اودر نام معبود مخیلہ پرستش
ایلد کیرندن خرستیانلغی بردرلو قبول ایده میهرک
دفعاتله فرانسه علیهنه عصیانلرده بولمشردر . نہایت
شارلمان طقوز دفعه بونلرک اوزرینه اردو چکہرک
قہراً و جبراً کندیلرینی خرستیانلغه ادخال ایلشدر کہ
بوموقیت ۷۹۵ سنه میلادیہ سندنہ وقوعه کلشدر او
زمان شارلمانک « ساقسون قانونی » نامیلہ بونلرہ جبراً
قبول ایتدیردیکی برقانون ۸۴۳ سنه میلادیہ سنہ قدر
مرعی الاجرا اولوب سنه مذکورده ایلک ساقس
دوقه لغی تشکل ایتکلہ بوقانون حکمدن ساقط اولدی
برنجی ساقس دوقه لغی - ساقس دوقه لغی المانیانک
سائر برچوق ممالکی ایله برابر شارلمانک قورمش اولدیغی
غرب ایمپراطورلغی ایچنده داخل ایکن فرانسه و المانیا

تاریخلمرندهدخی ایضاح ایدلدیکی اوزره (فرانسه ص ۱۱۳ و صحایف متابعه . المانیا ص ۴۶ و صحایف متابعه) شارلمانک و فانتدن صکره اوغلی لویی له دبوزر بوایمپرا . طور لغی یکپاره اوله رق محافظه ایده مدیکندن کندیسنگ اوچ نفر اوغلری میانده ملکی تقسیمه مجبور اولدیغی زمان المانیا جهتی ینه لوئی نامنده کی اوغلنه اصابت ایلش ایدی که اشلولوئی « جرمانیق » لقبیه ملقب اولمشدر . لویی له جرمانیق کندی حصه سنه اصابت ایدن ملکی بر قاندها توسیع ایدوبده بونی تنظیمه دخی باشلادیغی زمان یعنی ۸۴۳ سنه میلادیه سنده ساقس قطعده سنی مستقلا بر دوقه لق صورته تحویل ایدرک جرمانیانک اک مشهور رؤ ساسندن اولان ویتکیندک یکنی بولنان لودولفه توجیه ایلشیدی . زیرا لویی له جرمانیق کرک پدری لویی له دبوزر و کرک سائر خصمائی علیه آچدیغی شدتلی محاربه لرده خدمت عسکریه . سنده قوللاندیغی رؤ سایه هب بویله برر وعد ویره رک لودولف ایسه لوئینگ صاغ قولی مثابه سنده اولغله انک ایچون بویله جسیم و شیرفلی بر دوقه لق وجوده کتورمک پکده استکشار اولنه مز ایدی .

دیمک اولیور که ساقسک مستقل اوله رق دوقه لق
صورتیله ایلك تشکلی بوتاریخده وقوعبولدیغی کبی
ساقس خاندان قدیمک ایلك تأسیسی دخی بوتاریخده
وقوعبولشد.

ایمدی بو برنجی دوقه لق بریاندن توسیع ممالک
ایلدیکی کبی خاندانی دخی شهرت و حیثیتجه ترقی
ایدرك عموم المانیا ایچون بر طاقم ایمپراطور لر دخی
یتشدیرمشدر که المانیا تاریخنده بونلر ایچون بر فصل
وارددر (المانیا ۰ ص ۶۰ مر) اراضیجه پیدا ایلد -
یکی وسعتته کلنجه : بو اتساعه خدمت ایدنلر برنجی
اوتون وهانری لوسوبرب و باخصوص بوندن اول بر
چوق فصلارده اسمی سبقت ایدن ارسلان هانری او -
لوب بونلر عادتاً المانیانک قسم شمال غربیسنی تمامیله
ساقس دوقه لغی داخلنه المشر و حتی باویرا قطعده سنه
دخی کندی نفوذ لرینی مسلط قلمشر ایدی . بونلر کشو
صورتله آرتدقجه آرتان نفوذ و حیثیتلری و قدرت وقو -
تلی المانیا ایمپراطور لرینک نظر دهشتنی آچهرق بر
زمان کندیلرینی مدارا ایله قوللانمشلر ایسه ده نهایت
ایمپراطور فرهدریق ۱۱۸۰ سنه میلادیه سنده ارسلان

هانری بی اخذ وزندانہ القا ایدرک بالاخرہ مرقومک
ویا خود خاندانندن بریسنک ایمپراطورلق علیہندہ
بر بلا ایقاع ایدہ مامسی ایچون ملکنی برچوق سنیور -
لرہ قونترہ وسائرہ یہ مالکانہر اولق اوزرہ پارچہ
پارچہ تقسیم ایلشدرد . اوزمان ساقس دوقہ لغندن
آریلان اجزانک نہ قدر حکومات مستقلہ تشکیل ایلد -
یکی کوریلور ایسہ اشبو ایلک دوقہ لغک اتساعی
حقنہدہ بر فکر حاصل ایدمش اولور . مذکور دوقہ -
لقدن ماغدہ بورغ دسپوطلغی وبرہم شہر مستقلی ومندن
ووردن ویادریون ومونستروہیلدسہایم وہالبرستادومر
سبورغ وهدمبورغ حکومات مستقلہ سی ومیسنی وتورنر
مکلمبورغ وبومرانی ووستغالی وایش سفلدولوبق حکو -
متری تفریق ایدلد کدن صکرہ بقیہ سندن ینہ قوجہ بر
ساقس دوقہ لغی تشکیل اولمشیدی کہ ممالک مذکورہ نک
تفریقندن صکرہ اولان اشبو دوقہ لق ساقسک ایکنجی
مستقل دوقہ لغی عد اولنور .
ایکنجی ساقس دوقہ لغی - ارسلان ہانرینک
سقوطندن صکرہ تشکل ایدن ساقس دوقہ لغی ویتبرغ
ولوا نبورغ ولایتلرینہ طوغریدن طوغری یہ مالکیتلہ

هولشتاین ولایت دخی اجرای نفوذ صورتیله متشکل اولوب طرف ایمراتوریدن بودوقه لغک امارتی اسقانی یاخود آنحالت خاندانه منسوب اولان برناره توجیه اولمشیدی که بوخاندانلرک دخی هر حالده ساقس خاندان قدیمه مناسبته تعلقری درکار اولمغله عادتا ساقس خاندانک بر شعبه سی عد اولنور ۰ اولکی ساقس دو- قه لغنه نسبتله بوایکنجی ساقس دو قه لغی انجق بشته بر نسبتنده قاله بیلور ایکن ۱۴۱۲ سنه میلادی سنده خاندان مذکور اصل ساقس وانحالت دیه ایکی شعبه یه تقسیم اولندیغی کبی ۱۴۶۰ سنه سنده اصل ساقس خاندانی دخی ساقس لوآنبورغ و ساقس ویتبرغ دیه بشقه جه ایکی قوله آیرلدیغندن برقات دها کوچولوش دیمک اولدی .

المانیایه ایمراتور اوله جق ذاتک انتخابی حقوقنی حاوی اولق اوزره القتور عنوانه ساقس خاندانی دخی نائل اولوب ۱۳۵۵ تاریخنده ایمراتور دردنجی شارل بو عنوانی ساقس ویتبرغ خاندانه بخش ایلد- یسه ده ۱۴۲۲ ده القتور لک عنوانی ده ساقس دو قه لغی ده میسینی خاندانه نقل ایلدیکندن شو حال ایکنجی

دوقه لغه دخی نهایت ویرمش اولدی .

اوچنجی ساقس دوقه لغی - میسنی خاندانی که بوکا و تن خاندانی دخی دیندور بودخی ینه ساقس خاندان قدیمندن برشعبه در . جنکاور دیه شهرت بولمش اولان فره دریق برنجی ساقس خاندانی مثللو طوغر - یدن طوغری ویتیکنندسلاله سندن کله برپرنس اولوب ساقس دوقه لغندن اول میسنی وتورنژ ولایتلی او - زرینه حکومت ایدر وقوبورغ سنجاغی دخی والده - سندن کندیسنه ارتا انتقال ایش اولدیغی جهتله او - رانکده حکمداری عد اولنور ایدی . میلادک ۱۴۲۲ سنه سنده ایمپراطور سیر شموند ساقس دوقه لغنی والتورلاک عنوانی دخی فره دریقه ویرنجه اولکی مالکانه لریله ساقس برلشهرک بیوجک بردوقه لقی تشکیل ایشدرکه واقعا ایلك دوقه لقی قدر بیوک دکل ایسه ده ایکنجی دوقه لقی قدرده کوچک دکل ایدی . بو دو - قه لقی شمدیکی ساقس قرالغنیک اساسی عد اولندیغی کبی مومی الیه جنکاور فره دریق دخی شمدیکی ساقس قرالغنیک ایلك واضع اساسی عد و اعتبار قلنور . اشبو اوچ دوقه لقدن ماعدا ساقس نامنه اوله رق

برایکی حکومت دهاتشکل انلش ایسه ده بونلر هپ
 خاندان شعبه لری میانده ظهوره کلان وقوعات ارثیه
 قبیلندن اولوب مؤخرأ هپ یکدیگرینه قلب اولمشلر
 در . بناء علیه نوبت ساقس حکومتلرنک الهممی اولمق
 اوزره دردنجیسی عد اولنان و حالبوکه حقیقت حالده
 اوچنجی دوقه لغک تمه دوام تاریخیسی دیمک اولان
 ساقس قرالغنه کلکده در .

شمدیکی ساقس قرالغی - شمدیکی ساقس قرا -
 للخی المانیانک وسطنه دوشمش بر بیوجک قراللق او -
 لوب شمال و شمال شرقی و شرق طرفندن پروسیا
 و جنوب طرفندن باویر او غرب طرفندن دخی ساقس
 التنبورغ دوقه لغی ایله محدوددر . ایکی میلیون بشیوز
 الی بیک نفوس اهالیسی اولوب درسده شهری بو حکو -
 متک مرکز قرالیسی و لایسیق شهری ممالک مشهوره -
 سندن بریسیدر . الب و سآل و الستر و سائر نهرلر بو
 قطعده بی اسقا ایتمکله اراضیسی منبت و محصولدار او -
 لوب بوندن ماعدا غایت زنکین تیمور و باقر و قورشون
 و کوش معدنلری واردر که یک منتظم بر صورتده ایشلد -
 یلورلر . منسوجات حریره فابریقه لری غایت مشهور

اولدیغی کبی طباق و بللور فابریقه لری دنیانک هر طر -
 فنده شهر تشعارد در . کاغد اعمالجه ساقس ممالکی او -
 رویانک برنجیلرندن اولوب لایسیق مطبعه لری بتون
 اورویاپه تفوق ایتمش و اوراده هرلسان اوزره باصیلان
 آثار دنیانک هر طرفنه نقل و فروخت اولنمقده بولمشدر
 معارف خصوصنده دخی ترقیسی برکال اولوب المان
 لساننک اک ظریف و تمیزی بوراده تکلم اولنسان
 شیوه در .

یوقاروده اوچنجی دوقه لغک تشکلی فقره سنده
 بیان اولدیغی وجهله ایمپراطور سیر شموندک جنکا -
 ور فره دریقه القسورلک و دوقه لاق عنوانیه ساقس
 ممالکنی توجیه ایتسی بو قرالغک مبدأ تشکلی اولمشدر
 مومی الیه جنکاور فره دریق حقیقه بو عنوانه لایق
 اوله جق جری وجسور بر پرنس اولوب قوت بازو -
 سی اوراده اساس حکومتنی پک کوزل تأیید و ممالکنی
 جسم واحد صورتنده توحید ایتشیدی . کندی وفا -
 تندن صکره اوغلی ابی فره دریق دخی ملک و حد -
 تنی محافظه ایده بیلش ایسه ده انک وفاتنده البرت وار
 نست نامنده اولان ایکی اوغلی ساقس اولکاسنی بیلرنده

تقسیم ایتلریله ایکسی دخی ضعیف قالمش ایدی . بو
تقسیم میلادک ۱۴۸۵ سنه سنده اجرا اولوب یوک
قرنداش اولان ارنست القتور عنوانله برابر بو عنوانه
مخصوص اولان اراضی بی و تورنر و ساقسک شرق
قسمی الدی . کوچک قرنداشی ایسه سائر اقسام
ممالکده حکمران اولوب فقط اصل ساقس دو قه لغی
نامنه اوله رق قرنداشنه مخصوص اولان نفوذو حیثیه
مداخله ایده مدی .

ارنستک اوغلی فره دریق « عاقل » دیه لقبلمش
پرپنس اولوب حقیقه عقل و فطانتی بدرجه لرده
ایدی که بتون المانیا بونک رأینه متابعت ایدر لر ایدی .
المانیا ایمپراطوری بر مصلحت ایچون پای تختدن دور
اوله جق اولسه عاقل فره دریق ایمپراطور قائم مقامی
نصب ایلر ایدی . بناء علیه مومی الیهک زمانده سا -
قسک انتظامات داخلیه سی پک زیاده یولنه کیردی
اندن صکره مقام حکومته کلان ژان قولشتان ایله بان
فره دریق دخی فنا حکمدار لر دکل ایدیسه لرده المانیا
ایمپراطوری واسپانیا وسائر برقاچ ممالکده قرالی
اولان مشهور شارل کن ۱۵۴۷ سنه سنده المانیا و فرا -

نسه طرفلرینی هرج و مرج ایدرک کندی خلا فکیرانی
 تشکیل ایلدیکی زمانلر ارنستین دینلان بر بیوک شعبه
 خاندانک اغلب ممالکنی نزع والقصورلق عنوانیه برابر
 بونلری البرتین دینلان کوچک قول پرنس لرینه توجیه
 واحسان ایلدی که اوزمان البرتین سلاک سندن موریس
 اسمنده بر پرنس بولمغله بتون ساقس حکمدار لغی اکا
 انتقال ایتمش اولدی .

محاربه سی ساله دوام ایلدیکی مدت ساقس
 حکمدار لری گاه اسوج و گاه اوستریا طرفنی الترام
 ایدرک ۱۶۹۷ سنه سنده فره دریق او کوست لهستانه
 دخی قرال انتخاب اولندیکه بو انتخاب کندیسنی اسوج
 قرالی اون ایکنجی تیمور باش شارل علینه لاینقطع
 محاربه ایتکه مجبور ایلدی . مومی الیهک اوغلی اولان
 ایکنجی فره دریق او کوست دخی هم دانیمارقه دوقه .
 سی هم ده لهستان قرالی انتخاب اولنهرق بو ایسه
 لاینقطع پروسیا قرالی ایله محاربه بی ایجاب ایلدی و ایکی
 دفعه مغلوب اوله رق ملکی لندن الدیغی حالده ایکی
 دفعه دخی غلبه ایتدی . انک ده وفاتندن صکره اوغلی
 او چنجی فره دریق او کوست پدر وجدی مثل اولهستان

قرالغنده انتخاب اولنديسه ده بولهستان قرالغی بر -
طاقم محاربات دورادوری ایجاب ایلدیکندن استعفا.
سنی ویردی .

فرانسه نك جمهوریت زمانده المانیا و ساثره ایله ایتد -
یکی محاربه لرده اوچنجی فره دریق قطعاً بیطر فلغه
رعایت ایدوب بوصورته محاربات مذکور نك موجب
اولدیغی خرابیدن ملکنی محافظه ایده بیلدی ایله نا
محاربه سندن صکره ناپولیونك تشکیل ایتش اولدیغی
رین هیئت اتحادیه سنه اودخی داخل اوله رق برطاقم
افرادی فرانسه زاردولر نده خدمت ایتکه سوق و تشویق
ایلدیکی ایچون ناپولیون کرک اوزمانه قدرکی بیطر -
فلغه و کرک بودفعه کی شو معاوتنه مکافاة ساقسونیا
قراللق عنوانی ویردی .

ایشته ساقسونیا ده کی قراللق عنوانی بیوک ناپو -
لیونك ۱۸۰۶ سنه سنده ویرمش اولدیغی بر عنوان اولوب
اوزمان فره دریق او کوست اوچنجیلک عنواننی برنجیلک
عنواننه تبدیل ایلشیدی . انجق ناپولیونه صداقتده
کوستردیکی ثبانه نظراً بومکافات کندیسنه چوق کو -
رلماشدر . حتی ناپولیونك ساقسوندن صکره المانیا

حکومتی مومی الیهدن انتقام ایچون ملکندن بعض اقسامی اخذ و غصب ایتمشدر . فرانسه ده کور - یلان مثاله بتون اوروپا امثال ایدرک قانون اساسی دعوالرینه قیام ایلدکری صروده ساقس اهالیسی دخی ۱۸۳۱ سنه سنده بر عصیان چیقاروب اوزمان قرال بولنسان برنجی اتواندن بر قانون اساسی اتخاد ایتمش ایدیه لرده بوقانونی کافی کوره میهرک ۱۸۴۸ سنه سنده بردها ایاقلانوب بعده حکومت ایله بالمصالحه قانونک نقصانی اکمال ایتمشدر . بناء علیه الیوم ساقس قرالغی کندی قانون اساسیسی ایله مستقلا ادا - ره اولنور بر قراللق اولدیغی حالده المانیای عمومی ایمپراطورلغنه التحاق ایلمشدر .

بو کونکی ساقس قرالغندن بشقه ینه بو کون المانیا ایمپراطورلغنی تشکیل ایدن حکومت مستقلة جرمانیه میانده « ساقس » نامیله درت قطعه دخی دو قهلق واردر که بروجه آتی بونلر حقنده ده برر خلا - صه تنظیمی لازم کلمشدر .

ساقس مه نیزن دو قهلغی - اشبو دو قهلق سا - قس التنبورغ و باویرا و ساقس قوبورغ و راوس و سا -

قس و بیمار حکومتلری ارسندده واقع بر حکومتدر که
 منیترن شهری بورانک مرکزی اولوب عموم دوقه لغک
 یوز سکسان سکزیبک قدر نفوسی واردر . اشبو دو -
 قهلق ساقس حکمداری دیندار ارنست وفات
 ایدوبده ملکیدی نصر اوغللری میانده تقسیمه قوندلده -
 یعنی زمان ۱۶۹۰ سنه میلادی سنده تشکل ایتشیدی .
 اوزمان مذکور دوقهلق شالقو و صونه برغ ونو هواس
 نام اوچ ناحیه دن عبارت اولدیغی حالده مؤخر ایدی
 قریبداشدن بریسسنگ ملکیدی اولان هیلد بورغ هوسن
 قسیمی دخی منیترن دوقه لغنه التحاق ایدرک بوایسه التی
 ناحیه یی حاوی اولغله دوقهلق ایکی مثلی قدر یو -
 مشدر . بودوقه لغک تاریخده بلالی باشلی برکونه وقو -
 عاتی اولیوب ساقس اقلیمک وقوعات تاریخیه سنندن
 یک آزینه اشتراک ایده بیلمشدر . ۱۸۶۵ سنه میلادیه -
 سنده ساقس غوته دوقه سی فرهدریق وفات ایدوب
 ده ملکیدی ساقس قوبورغ و ساقس منیترن دوقه لری
 ارسندده تقسیم ایدلدیکی صره ده انک دخی اوچ نا -
 حیه سی منیترنه انتقال اتمکله شو حال مذکور دوقه -
 لغک شمدیکی وسعتنی وجوده کتورمشدر . ایددی

دوقه لقی بوضورتله وسعت بولوبده فرانسه دن النان
 نمونه اوزرینه اوروپانک هر طرفنده اعلالی حکومت
 متبوعه لرندن برر قانون اساسی اخذینه قیام ایلدکاری
 زمان ساقس منیترن اهالیسی دخی بودعوایه قیام
 ایلدکارندن ۱۸۴۹ سنه سنده حکومت مذکوره دو -
 قهسی اهالییه احرارانه برقانون اساسی ویره رک
 مملکت مذکوره دائمی بر صلح و اسایش ایچنده امرار
 اوقات ایده کلمشدر .

ساقس ویمار غران دوقه لغی - ویمار شهری مرکز
 حکومت اولیق اوزره اشبو غران دوقه لقی ایکیوز
 سکسان التی بیک نفوسی حاوی بیوجک بر حکومتدر که
 الک مشهور بر مملکتی دخی ایه نا شهری اولوب اوراده
 بولنان دیوان عمومی استینافه عموم ساقس ممالکننده
 استیناف اولنه جق دعاوی اربابی مراجعت ایدر لر .
 اوچنجی ساقس دوقه لغی و ساقس قرالغی فقره تاریخیه
 لرنده بیان اولندیغی اوزره ای فرهدریقک ایکی اوغلی
 ارنست ایله البرت پدر لرینک ملکنی بینلرنده تقسیم
 ایلدکاری زمان یعنی ۱۴۸۴ سنه میلادی سنده بو دو -
 قه لقی تشکل ایلشدر . ارنستک اولاد و احفادی بو

دوقه لغت مالکی اوله رق مؤخرأ ساقس قر اللغی البر۔
 تك اولادینه انتقال ایلدیکی زمان دخی ارنستینر سا۔
 قس ویمار دوقه لغتنده دوام ایشلدر در • خاندان مذ۔
 کور برقاچ دفعه وقومات ارثیه مقتضاسنجده برقاچ
 شعبه یه منقسم اولمش ایسه ده بوانقساملر یالکز خاندان۔
 نك نام وعنواننه بعض اسامی خصوصیه نك دهأ
 انضمامندن عبارت بر تاثیر کوستروب یوقسه دوقه لق
 علی حاله دوام ایشدر •

۱۸۰۶ سنه میلادیه سننده ناپولیونك غلباتی او۔
 زرینه تشکل ایدن رین حکومت متحده سی میاننه سا۔
 قس وایمار دوقه لغی دخی داخل اولمشیدی • انجق
 ۱۸۱۳ سنه میلادیه سننده ویمار دوقه سی فرانسه
 علیهنه اتفاق ایدن دول و حکومت طرفنه دونه رك
 ۱۸۱۵ سنه سننده ناپولیونی اسقاطه موفق اولدقلى
 زمان مكافات اولمق اوزره اطراف وجواردن برخیلی
 ممالك ویماره الحاق اولندیغی کبی عنوانی دخی «غرا۔
 ندوق» عنواننه ترفیع قلمشدر • ویمار دوقه سی دهأ
 ۱۸۰۹ تاریخنده کنبدی تبعه سنه بر قانون اساسی ویر۔
 مشیدی • اندن صکره ۱۸۱۶ و ۱۸۵۰ و ۱۸۵۵ سنه

میلادیه لرنده بوقانون تکرار کوزدن کچیریلهرک تعدیل
واکمال قلمش و حالاً دخی قانون مذکورک حکمی جاری
اولمقده بولمشدر .

ساقس التنبورغ دوقه لغی - اشبو دوقه لوق پرو -
سیا وساقس قرالمقاری ارهسنده واقع اولوب انجق
راوس امارتی اورتهیه کیره رک بوراسنی ایکی پارچه -
یه تقسیم اولمشدر که بر قسمی شرقی و دیگر غریب التنبو -
رغ عد و اعتبار اولنور . یوز قرق ایکی بیس قدر
تقوسنی اولوب نفس التنبورغ شهری بو حکومتک
مرکزیدر . ساقسک بو قسمی اوتهدن بری ساقس مما -
لکندن معدود اولدیغی حالده ایی فرددریقک و فاتیله
ملکی ارنت و البرت نام اوغلاری ارهسنده تقسیمه
قونلدیغی زمان بوراسنی دخی ارنتک حصه سنه دو -
شن یرلردن ایدی . مؤخرأ بو قطعه ساقسک
سائر بعض قطعه لریله برابر دیندار ارنتک انه کچهرک
مومی الیهک وفاتی وقوعنده ملکی یدی نفر اولادی
میاننده تقسیم ایدلدیکی صره ده اشبو التنبورغ دوقه -
لغی بونلردن بری سنک حصه سنه دوشوب باشلی باشنه
بردوقه لوق اولمشدر . اندن صکره اشبو دوقه لوقه

کوریلان تحولات بعض و قوعات ارثیه دن عبارت اولوب فقط و قوعات مذکوره دوقه لغک صورت قدیمه سنی تغییر ایده مامشدر .

ساقس قوبورغ و غوتا - اشبو دوقه لقی ایکی پارچه دن مرکب اولوب بریسی باویرا ایله ساقس منینژن اره سنده واقع اولان قسمدر که « قوبورغ » تسمیه اولنور . دیکری ایسه پروسیا و ساقس و یمار منینژن اره سنده بولنور که اکا دخی « غوتا » تسمیه اولنور . بو ایکی امارتک یوزیتش درت بیک نفوسی اولوب ایکسینک مرکز مشترکی قوبورغ شهریدر . اک اول سالفلد مالکانه سنه صاحب اولان ذاتلر قوبورغ قسمنه دخی مالک اولمغله بو حکومته سالفلد قوبورغ دوقه لغی دینلور ایدی . حکومت مذکوره دخی دیکر ساقس دوقه لقلری کبی دیندار فره دریقک و فائندن صکره ملکینک یدی نفر اولادی اره سنده تقسیم اید . لدیکی زمان یعنی ۱۶۸۰ سنه میلادیه سنده تشکل ایش اولوب ۱۸۰۶ سنه میلادیه سنده تشکل ایلان رین حکومت مجتمعه سنه بو حکومت دخی التحاق ایش وبعده ۱۸۱۴ سنه میلادیه سنده ناپولیون علیه قیام

ایدرک ناپولیونک زوالندن صکرہ مکافاة مذکور دوقہ۔

لغہ لیشتانبرغ امارتی دخی الحاق اولمشدر •

غوتا قسمی دخی عینیلہ قوبورغ قسمی کبی تشکل

ودوام ایدرک اشبو غوتا قسمک صوک دوقہ سی اولان

ایکنجی فرہ دریق ۱۸۲۵ سنہ سنہ وفات ایلدیکی

زمان سالقلد اراضیسی ساقس منیترن دوقہ لغنہ ترک

اولنہرق غوتا اراضیسی قوبورغہ الحاق ایلماش

وایشته اندن صکرہ حکومت مذکورہ یہ ساقس قو۔

بورغ غوتا نامی ویرمشدر • ۱۸۵۲ سنہ میلادیہ سنہ

اشبو ایکی دوقہ لغک ایکیسی ایچون برقانون اساسی

وضع اولنہرق فقط هربرینک بشقہ بشقہ بر ملت

مجلسلری وار ایدی کہ بریسی قوبورغ و دیگری غوتا۔

ده اجتماع ایلر ایدی • بونلرک قطعياً اتحادی ۱۸۵۷

سنہ سنہ وقوعبولمشدر •

اشبو ساقس قوبورغ غوتا خاندانہ منسوب

اولان دوقہ لر اخیراً انکلترہ و بلجیقا وسائر بعض او۔

روپا خاندان قرالیرلیہ مناسبت صهریہ پیدا ایلیہرک

اوروپا جہ نفوذو حیثیترینی آرتدیرد قجہ آرتدیرمشدر •

(یدنجی فصل)

« ایچی شوارزبورغ امارتلی »

جغرافیا - اشبو ایچی امارتن بریسنه شوارز-
 بورغ رودولستاد و دیگرینه شوارزبورغ سوندرسن
 هوسن دینلورکه پروسیا ایله ساقس ارسنده واقع او-
 لوب برنجیسی یتش بش بیک ایکنجیسی یتش یدی
 بیک نفوسی شامل بولنورلر . رودولستاد و شوارز-
 بورغ و فرانکن هوسن قصبه لری برنجیسنک سوندرسن
 هوسن و آرنستاد براینه باق قصبه لری دخی ایکنجیسنک
 باشلوجه قصباتنددر . اهالیسی کاملا پروتستان او-
 لوب زراعت و تجارتلی پک یولنده در . مملکت دا-
 خلندن متعدد انهار جریان ایدرک اراضینک قوت انبا-
 تیه سنی تزید ایدرلر .

تاریخ - شوارزبورغ خاندانی المانیانک ال قدیم
 خاندانلرندن اولوب ابتدالی اونجی عصر میلاده
 قدر وارر . انجق بو کونکی کونده امارت مذکوره
 داخلنده واقع اولان ممالکدن یالکز شوارزبورغدن
 ماعداسی ابتدای حالد ه ساقس ممالکندن معدود
 ایدی . اشبو شوارزبورغ خاندانندن غوثیه اسمنده

برذات ۱۳۴۹ سنه میلادیه سنده المانیا امپراطوری دز -
 دنجی شارله مخالف اولان فرقه طرفندن امپراطور
 انتخاب اولمشیدی . زیرا اوزمانلر المانیا پرنس و سائر
 حکمدارلرندن برچوغنی دردنجی شارلک پاپالق مقا -
 مندین یازدیرتدیغی « کره زرین » نام فرمانک علیهنه
 قیام ایتیش اولمیرله (المانیا . ص ۱۰۰) بونلر بالا -
 خره شارل ایله اوغراشمق خصوصه سنده کندیلرینه
 ریاست ایده بیلکه یالکزموی الیه غونتییه یی بوله -
 بیلشیر ایدی .

واقعا غونتییه دردنجی شارل حتمنده برشی یاپه -
 مدی ایسه ده کندی شوارزب حکومتنه خیلی املاک
 ضم ایدرک توسیعه مقتدر اوله بیلدی . میلادک ۱۵۵۲
 سنه سنده شوارزبورغ خاندانی ایکی قوله انقسام ایدرک
 بعض وقوعات ارثیه نک دخی یاردمیه رودولستاد
 نامنده اولان برقولی شمدیکی شوارزبورغ رودولستاد
 امارتنه متعلق اولان یرلردن برچوغنی ضمیمه ممالکی
 ایلدیکی کبی سوندرسن هوسن دینلان دیکر قولی دخی
 کندی دائره سنجه کسب وسعت ایتکه باشلادی . بو
 ایکی امارته « امارت » و حکمدارلرینه دخی « پرنس »

عنوانك ویرلمسی اون یدنجی عصرک نهایتله اون
سکزنجی عصرک ابدالرنده وقوعبولمشدر . یعنی
سوندرسن هوسنه ۱۶۹۷ ورودولستاده دخی ۱۷۱۰
سنه میلادیه لرنده بو عنوانر ویرلمشدر . بونلرک کندی
باشلرینه ایقاع ایلدکاری هیج بروقه مهمه تاریخیه
اولیوب ساقس ممالکنک وقوعات مهمه تاریخیه سنه
بردرجه یه قدر اشتراک ایله دوام ایده کیشدر .

✽ اوچنجی باب ✽

« المانیای جنوبیده کاز حکومتات »

(برنجی فصل)

« بادغراندوقه لغی »

جغرافیا - بادغراندوقه لغی المانیای جنوبی حکوم-
ماتی تشکیل ایدن اوچ حکومتک بریسیدر که غرب
جهتندن فرانسه و شمال جهتندن هس و شرق جهتندن
ورتمبرغ و جنوب طرفندن دخی اسویجره ایله محدود-
در . بر میلیون درت یوز التمش بریک نفوس اهاالیسنک
نصفندن زیاده سی قاتولیکدر . مرکز حکومت قارلسرو-
هه شهری ایسه ده بادک اک مشهور مملکتی « بادن
بادن » دینلان قصبه در که نامی عموم غراندوقه لغه

دخی شامل اولمشدر . بوقصبه دده معدن صولری بولنوب
 حتی المان لسانده « جام » معناسنه اولمق اوزره او .
 رایه « بادن » تسمیه اولنمسی دخی بوندن نشأت ایلمشدر .
 فرانسه وانکلتره و المانیا کباری استحمام موسملرنده اورایه .
 طویلانه رق او قدر قومار اوینار لر که دنیانک هر طرفنده
 قومار اوینلرنجه اوراسی قدر ایلرویه کتمش هیچ بر
 مملکت یوقدر . باد غراندوقه لغی المانیانک الک کوزل
 واک زنکین بر مملکتی اولوب شمال طرفلری غایت منبت
 اراضی بسیطه یی و جنوب جهتلری غایت کوزل
 اورمانلری و معدنلری حاوی طاغلقلری محتویدر .
 تجارت و صنایع بو مملکتده پک ایلرویه کتورلمشدر .
 تاریخ - باد غراندوقه سنه اوللری « مارغراویا »
 عنوانی ویریلوب حکمدار لرینه دخی « مارغراو » دیرلر
 ایدی که حد ودلری مدافعه یه مأمور اولان بکلره
 بو عنوان ویریلور ایدی . غراندوقی عنوانی اشاغیده
 کوریه جکی اوزره بیوک ناپولسون طرفندن ویرلمش
 یکی بر عنواندر .

بوراده ایلک مارغراو اولان ذات برنجی بر تولدک
 حفیدی هرماندر که بیوک پدری مومی الیه بر تولد

زاهر نیرن وقارینتی ممالکنک دوقه سی ایدی هرمانک
 ابتدای مأموریتی ۱۰۷۴ سنه میلادیه سی اولوب
 کندیسندن صکره اخلافی مملکت مذکورہ یی کندی
 ارہ لرنده برقاچ دفعه تقسیمه قویہ رقی بناء علیہ خاندانجه
 بر چوق شعبہ لر و ملکجه بر چوق قطعہ لر وجوده
 کلش ایسه ده او چنجی هرمانک هانزی و هرمان نامنده
 اولان ایکی اوغلی بوشعبات کثیرہ یی بر طرف ایدرک
 ۱۱۹۰ سنه میلادیه سنده یکیدن ایکی شعبه وجو-
 ده کتور مشلدر که بریسنه بادن بادن و دیگرینه هو-
 شبرغ شعبه سی دینلهرک بو ایکی شعبه بر خیلی زمانلر
 دوام ایده بیلشدر .

۱۵۰۳ سنه میلادیه سندن ۱۵۲۷ سنه سنه قدر
 هوشبرغ قسمنده حکومت ایدن برنجی قرستوف
 باد ممالکنک اعظم قطعاتی کندی اداره و واحده سی
 التنده جمع ایشیدی . انجق مر قومک وفاتندن صکره
 ینه ایکی شعبه وجوده کلوب بریسی قرستوفک بیوک
 اوغلی برنارک تجدید ایلدیکی بادن بادن شعبه سی و دیگری
 دخی ایکنجی اوغلی ارنستک تشکیل ایتدیکی باد دورلاح
 قولی ایدی . اشبو باد دورلاح شعبه سنندن شارل

کیلیوم ۱۷۱۵ سنه میلادیه سنده شمذیکی قارل مروه شهر-
ینی بنا ایشدر . مومی الیه شارل کیلیومک وفاتندن
صکره یرینه کلان شارل فره دریق دخی قطعه مذکو-
ره بی توسیعه چالیشور ایکن بادن بادن شعبه سنک
صوک مارغراوی بلا وارث وفات ایتسیله شو حال عموم
باد ممالکنک مومی الیه شارل کیلیومک اداره واحده-
سی اتنده جمع اولسنی استزام ایلدی .

بوصورتله اتحاد و توسع ایلیان باد ممالکی المانیا-
نک بیوجک حکومتلرندن عد اولنمغله ۱۸۰۳ سنه میلا-
دیه سنده مومی الیه شارل کیلیومه الکتورلک عنوانی
دخی ویرلمشدر . فرانسه بیوک اختلالی اوروپانک هر
طرفنه ولوله صالدیغی اثنا ده شارل کیلیوم دخی وقو-
عات اختلالکارانه یه اشتراک ایدرک ناپولیون ایله اتفاق
ایلدی و باد غراندوقه لغنی دخی ناپولیونک نفوذیله
تشکل ایدن رین هیئت اجتماعیه سنه الحاق ایتدی . بو
هرج و مر جلك زماننده واقعا رین نهرینک صول طرفنده
واقع ممالکی لندن النمسا ایسه ده ناپولیون او ممالکک بدل
کندیسنه دیگر جهتلردن دها واسع اراضی ایله برده
غراندوقه لوق عنوانی ویرمشدر . شارل کیلیوم ۱۸۱۱

سنهٔ میلادیه سنده وفات ایتسیله یرینه حفیدی شارل لویی فرهدریق غراندوق اولمش ولایسیق محاربه سنده ناپولیون پریشان اولسی اوزرینه (فرانسه ۰ ص ۴۸۴ هر) ارتق فرانسه اتفاقدن باد غراندوقه لغی ایچون هیچ برامیدقالمغله برابر بومغلوبیتی اوزرینه ناپولیونی برقاندهما ازماک، ایچون عقد اتقاق ایدن حکومتلر باد غراندوقه لغنی دخی اتفাকে دعوت ایدنجه منفعت و سلامت بو اتفাকে کوریلهرک قبول اولمشدر .

۱۸۱۸ سنهٔ میلادیه سنده هر طرفده اولدیغی کبی باد غراندوقه لغنده دخی اهالی برقانون اساسی ایچون قیام وعصیان ایتکله غراندوق بونلره برقانون اساسی ویرمش ایسه ده بادلیلر بو قانون ایله اکتفا ایدهمیهرک ۱۸۴۸ و ۱۸۴۹ سنه لرده عظیم عصیانلر ظهوره کلمش وبادده برحکومت جمهوریه اعلان ایدلمسنه رمق قلمش ایدی . برکت ویرسونکه پروسیا دولتی ایشه سلاح ایله مداخله ایدرک ارباب عصیانی تشکیل وباد غراندو-قه لغنی خلاص ایتمشدر .

۱۸۶۶ سنهٔ میلادیه سنده پروسیا دولتی صادووا غالبیتی اوزرینه المانیای شمالی اتقاقی دیه بر اتفاق تشکیل

ایلدیکی زمان (المانیا . ص ۱۶۲ مر) بوکا مقابل
 حکومات جنوبیه نك تشکیل ایلدکری اتفاق جنوبییه
 باد غراندوقه لغنی دخول ایضوب ایتمامسی بحشی اها -
 لیجه بیوجک برهیجانی موجب اولمشیدی . اراسی
 چوقق کیمیه رك المانیانك فرانسه اوزرینه عالیستی وقو -
 عیایه عموم المانیا بر ایمراتورلق اداره سنده کیرنجه
 باد غراندوقه لغنی دخی بوهیئت عمومییه انحقاقه را -
 حت و حضورینی قطعياً بولشدر .
 (ایکنجیمی فصل)

« ورتمبرغ قرالغی »

جغرافیا - المانیای جنوبینک اوج بیوجک حکو -
 مترندن ایکنجیمی اولان ورتمبرغ قرالغی غرب طر -
 فندن باد غراندوقه لغنی و شمال و شرق و جنوب طر -
 فندن باویرا قرالغی ایله محدود اولوب بر میلیون سکز
 یوز بیک نفوس اهالیسی واردر . ستودنار د شهری
 بو قرالغک پای تختیدر . ممالک مذکوره کوهستان ایسه -
 ده اراضیسی غایت منبت و محصولدار اولوب زرا
 عتجه پک زیاده ترقی الملش اولدیغی کبی حیوان یتشدر -
 من خصوصنده دخی ایلرویه کیتشدر . بو اولکانک

تیجور معدنلری پک مشهور اولوب مرمر جیلاک دخی
برنجی درجه لره وارمشدر . دری دباغتی و کودری
اعمالی و چوقه وسائر اقسسه نسجی تجارت حملیه یه
زیاده وسعت ویردیکندن ورتمبرغ ثروتلی ممالکدن عد
اولنور . ورتمبرغک قیومجیلغی وچاقی و بیچاقی اعمالی
صورتده تیمور جیلکی و طباق و بللور اعمالی صنایع
سائره سی میانده تفوق و تمیز ایتش اولنلرندندر .

تاریخ - ورتمبرغ اسمی عن اصل قانستار نام
محلده انشا اولمش برشاتونک اسمی اولوب اوشاتویه
مالک اولان خاندان دخی بونام ایله بنام اولمشدر . اک
اول اسمنی دفتر حکمدارانہ قید ایتدیرن ذات برنجی
اولریقدرکه « عواطف الهمیدن ورتمبرغ قونتی » دیه
امضا ایلر ایدی . بوذاتک ابتدای حکومتی قطعاً معلوم
دکل ایسه ده ۱۶۵۰ سنه میلادی سنه طوغری اولد-
یعنی تخمین قلمقمده در . اولریقک قونتلغی مدتده ور-
تمبرغ املاکی پک جزوی اولوب همان شاتوسی ایله
اطراف و جوارنده کی بر مقدار اراضیدن عبارت ایدی .
اولریقدن صکره مقام حکومته کلان اوغلی ابرهارد
۱۶۶۵ سنه میلادی سنندن ۱۶۲۵ سنه میلادی سنه قدر

بر مدت طولیه ایله حکومت سورهرک المانیا حکمدار -
 برندن پک چوغی ایله محاربه لره کیر شمش و ایلك محار-
 به لری الك آز قوتلر ایله الك ضعیف برنسلر اوزرینه
 همنصر ایکن مملکتی توسیع و قدرتی تزید ایلد کجه
 جرأتی دخی آرتهرق صکره لری المانیا ایمپراطور لغنی
 بیله کوزینه کسیدر مش و بناء علیه هابسبورغ خاندانندن
 رودولف نام المانیا ایمپراطوری ایله اخلافندن بر قاجی
 علیه محاربه لر آچشدر . بناء علیه حکمدار مومی
 ایله « مشهور » عنوانی ویرلش و فی الواقع بونک ثمره
 همتی اولمق اوزره ورتمبرغ قوتلغی خیلی وسعت
 بولمشدر .

مومی ایله ک وفاتندن صکره یرینه قونت اولان
 ایکنجی اولریق دخی اطراف ممالکدن برخیلی یرلر
 فتح ایدرک ورتمبرغی بر قاتدها توسیع ایلش ایسه ده
 اندن صکره یعنی ۱۳۲۴ سنه میلادیه سنده آبرهارد
 و اوچنجی اولریق نام اوغلاری ایکیسی بردن حکمو -
 مته اشتراک ایدرک بو ایسه بر زمان منازعه لری و براره -
 لق دخی قوتلغک ایکی به انقسامی موجب اولمشیدی
 ایکی به انقسام ایدن قوتلقلرک بریسی « اوراح »

و دیگری «نوخه» یا خود «ستودغارد» نامنی آلوب بر -
 نجیسنده برنجی و ایکنجی لویئر ایله بشنجی آبرهارد
 و ایکنجیسنده دخی دردنجی، اولریق ایله التنجی آبرهارد
 قونتلق ایبلشر ایسه ده ۱۴۹۵ سنه میلادیه سنده بشنجی
 آبرهارد ایکی قونتلغی برلشدره رک بعد ماخلاف وور -
 نه نک ممالکی تقسیمه مقتدر اوله ماملری امرنده برشرطنامه
 وضع ایتمکله ایشته اندن صکره وور تمبرغ بردها انقسام بلا -
 سنه اوغراماشدر .

برده بشنجی آبرهارد وور تمبرغ حکومتک قونتلق
 عنوانی دوقه لوق عنوانه تحویل ایتمکله بشنجیلکی
 دخی برنجیلکه تبدیل ایتمش ایلی . بناء علیه کندیسی
 « وور تمبرغ دوقال » یعنی وور تمبرغ دوقه خاندانک مؤ -
 سسی عدا و لشمشدر . موی الیه حقیقه پک عاقل بر
 آدم اولوب کرک ایکی قونتلغی توحید و کرک قونت
 نامنی دوق عنوانه تحویل خصوصنده برکونه صعو -
 بت چکهمامک ایچون المانیا ایمپراطوری ماقسیمیله نه
 فوق الحد حرمت و تعظیم ایتمکله بوموقفیه ایمپراطور
 مشار الیهک رضاو تصدیقیله نائل اولمشدر . ممالکنک
 تنظیم و ترقیسنده دخی خدمت ایدرک قونبکو شهرنده

کوزل بردار المعارف تأسیسنه موفق اولدی .
 ۱۲۹۶ سنه سنده بوذات بلا وارث وفات ایتکله
 اقرباسندن دیکر بر آبرهارد دوقه لوق مقامنی اله کجیر-
 مش ایسه ده ادارهٔ اموره مقتدر بر آدم اولدیغندن
 ایکی سنه صکره خلع ایدیلهرک اولریق اسمنده دیکر
 بر پرنس مقام حکومته کتورلمشدرکه هنوز اون بر
 یاشنده ایدیه ده ورتمبرغ اعیانی امور حکومته نظا-
 رتی درعهده ایلهرک سن رشده وصولنه قدر پک کو-
 زل ادارهٔ اموره مقتدر اولشر ایدی . بوذات سن
 رشده واصل اولدیغی زمان المانیا ایمپراطوری
 ماقسیمیلین کندی یکنی بولنان وسایه ده باویه ر تسمیه
 قلنان بر پرنسی اولریقه تزویج ایدرک کنج دوقه ده
 کوردیکی قابلیت مخصوصهٔ عسکریه یی بالتقدیر بر
 قاج دفعه اردولرینک سردار لغنی دخی اکا احاله
 اولشر .

انجق براره لوق هوتن اسمنده بر آدمی حسب
 التهور بغیر حق قتل و اعدام ایتکله و مقتوم
 لک طایسی اولوب هوتن تسمیه قلنان فایت بلیغ بر
 شاعر مفصل و منظوم بر اتهامنامه قلمه الهرق یکنک قاننی

عموم المانیانک عدالتندن طلب ایتمکله مومی الیه اولر-
 یق اول امرده المانیا ایمپراطورلغی طرفندن قاتلک جنمدا
 یقیله اتهام اولنهرق زندانه آتلمش وبعده ورتمبرغ اها-
 لیسى ایاقلنهرق بویله برقاتل و ظالمی هیچده مقام حکو-
 متده قبول ایدهمیه جکرندن بختله بالکلیه حکومتدن
 طردینه قدر وارمشدرلر .

بوفلاکت اوزرینه اولریق اون بش سنه قدر ساقس
 و پرو نزویق طرفرنده سور کون کبی بر صورتله سر-
 سری اولهرق کزوب طولاشدقدن صکره پروتستان
 مذهبنک شیوعندن طولایی المانیاده ظهوره کلان
 عظیم قاریشقلقلر اوزرینه تکرار ورتمبرغه کله رک
 زمام حکومتی اله المش واکرچه المانیا ایمپراطوری
 مومی الیهک بو عودتنه اعتراض ایتمک ایستمش ایسه -
 ده ۱۵۳۴ سنه میلادیه سنده اولریق ایمپراطور عسکر-
 ینی لوفن نام مخلده اویله بر صورت فاجعه ده مغلوب
 ایلشدرکه ارتق ممالک موروثه سنه تکرار نائلیتی
 حقوقه ایمپراطور دخی اعتراض ایده مامشدر .
 شو قدرکه بو غالبیتله برابر عقد اولنان مصالحه ده
 ورتمبرغک استقلال اداره سنه ایشمامک صورتیله هر

حالده اوستریا خاندان ایمپراطور یسنک حقوق حکمرا -
 بیسی التنده بولنسی دخی احکام معاهده میاننه ادخال
 قلمشیدی .

ایمپراطور ایله عقد اولنان شو معاهده دن ماعدا
 اولریق اعیان مملکت ایله دخی بر معاهده عقد ایدرک
 اعیان مملکت اولریق سور کونلکی مدتده و مؤخرأ
 محاربه تدارکاتی اتناسنده کرفتار اولدیغی دیون کثیره
 سنی در عهده ایتمزیننه مقابل اولریق دخی انلره اول
 قدر حقوق و صلاحیت ویردی که مملکت ایچنده اصل
 فرمان فرما اولق امتیازی همان هیئت اعیانه منحصر
 قالمش کبی برشی اولمشیدی . ینه بو اولریق مدت
 حکومتنده پروستانلق مذهبیک ورتمبرغ ایچنده شیو -
 عبوله رق عادتاً تملشمسی دخی وقوعات عظیمه و مهمه -
 دن عد اولمشدر .

اولریق ک کرک اوستریا خاندان ایمپراطور بیسی
 و کرک اعیان مملکت ایله عقد ایلدیکی مقاوله لرتا ۱۸۰۶ سنه
 میلادیه سنه قدر مرعی الاجرا اولوب بو ایسه ورتمبر -
 غک صحایف ، تواریخده بللی باشلی بر کونه وقوعات
 ایقاع ایده ماسنه سبب اولمشیدی . زیرا وقوعات تا -

ریخیه همان منحصرأً فکر جهانگیرانه ایله آمال
 مستبدانه دن نشأت ایدرک حالبوکه ورتمبرغک برجهتدن
 اوستریا خاندان ایمپراطور یسنه مربوطیتی و دیگر
 جهتدن اعیانه محکومیتی بو فکر جهانگیرانه و آمال
 مستبدانه یه اصلا میدان ویر مامشدر . بوسببه مبنیدر که
 ۱۸۰۶ سنه میلادیه سنه قدر ورتمبرغده اولریقدن
 صکره اوندن متجاوز دوقه لر حکومت سوردکاری
 حالده ورتمبرغ تاریخک بللی باشلی برکونه وقوعاتی
 اولیوب بعض دوقه لر سائر کونه خدمات مهمه ایله
 تاریخه کندیلرینی طانتدیرمشدر . از جمله آبرهارد
 لویی نام دوقه بر یاشنده ایکن مقام حکومته کله رک
 اعیان مملکتک نظارت تقید کاریسی سایه سنده هیچ
 برکونه او یغونسزلق کورلمکسزین سن رشدینه قدر
 امور مملکت رؤیت و تسویه اولندیغی حالده کنج پرنس
 پیویوب میدان الدیغی زمان قابلیت عسکریه سنی ایمپرا-
 طور لغک نظر استفاده سنه عرض ایتمش و اسپانیا و دو-
 لت علیه وایتالیا علیه آچیلان محاربه لرده المانیاعسا-
 کر متفقہ ایمپراطوریه سنه سردارلق و قوماندانلق
 . امشدر

فرانسه ده ناپولیونک ظهوریله اوروپا ایچنده
تغیرات و تحولات کلیه وقوعه کلامه باشلامسی ورتمبرغ
تاریخی دخی تجدید ایدرک بوکا یکیدن برطاق صحایف
همه علاوه سنه سبب اولمشدر، زیرا او ائشاده ورتمبرغ
دوقه سی بولنان ایکنجی فره دریق ورتمبرغ اعیاننه
ویرلمش اولان امتیازلر موجبجه دوقه بولنان ذاتک
بونره عادتاً محکوم قالمسنی تجویز ایده میهرک واقعا
۱۸۰۳ سنه سنده المانیا امپراطوری کندیسنه برده ایتتور
لک عوانی ویرمش ای دیسه ده بو عنوان دخی کندی
ارزو ایلدیکی استبدادی حاصل ایده مامکله و اعیانک
امتیازاتی تعدیل ایچون برقاچ دفعه ایتدیک تشبثک
مئر اوله مدیغنی دخی کورمکله ۱۸۰۵ تاریخنده بیوک
ناپولیون ایله اتفاق ایتش و ایرتسی سنه مشار الیهدن
قرال عنوانی الهرق رین هیئت اجتماعیه سنک دخی
اک هم ارکاندن عد اولنجه ورتمبرغ اعیانک امتیا-
زات موجوده سنی کاملاً محو وانکار ایدرک کندی
حکومت مستقله سنی اعلانن چکنما مشدر .
ورتمبرغ اهالیسی یکی قرالرینک بوجراتی اوزر -
ینه عظیم برعصیانه حاضرلندیله ایسه ده چونکه نا-

پولیون بنویارط ذاتاً مستبد و جبار بر حکمدار اولد۔
 یغی کبی متفق خاصی بولنان ورتمبرغ قرالی اکر اعیان
 النده محکوم قالورسه کندیسنه دها کوزل خدمت
 ایده میه جکنی کوردیکنندن مومی الیهک استبدادینی
 التراماً و محافظه ورتمبرغلیله بر اگشی صورت کو۔
 سترنجه کیسه یرندن قلدانه میوب هر حاله کردنداده
 رضا اولغه مجبور اولشردر ۰

قرال اولدقن صکره ایکنجیلک عنوانی برنجیلکه
 تحویل ایدن اشبو فره دریق ۱۸۰۹ سنه میلادیه سنده
 ناپولیونک اوستریا علیهنه اچدیغی محاربه لرده ناپولیونک
 پک بیوک خدمت و معاوتنده بولنه رق اوستریا فرقه لر۔
 ینی طرف طرف مغلوب ایلدیکی و بناء علیه ورتمبر۔
 غی لوفن معاهده سی موجبجه اوستریا به تابعیتدن دخی
 قورتاردیغی کبی ۱۸۱۲ سنه میلادیه سنده فرانسه نک
 روسیه علیهنه اچدیغی محاربه یه دخی اشتراک ایدرک
 برخیلی برارلقر کوسترمشدر ۰ انجق ناپولیون کبی
 بردن بره پارلایان بر اقبال ییلدیزینه قاپیلهرق بر قاج
 دول معظمه یی بردن ابدیاً دشمن ایتک کار عاقل اولیه۔
 جغنی حساب ایلدیکنندن واوروپاده ناپولیون علیهنه

تشکله باشلایان عظیم ومدهش براتفاقدن دخی قور -
 قه رق ۱۸۱۳ سنه میلادیه سنده یواش یواش کنديسني
 فرانسه دن آیروب اوستریا ایله مصالحه ائلمشدر واقعا
 اوستریانک طارغنلغی ۱۸۱۴ سنه سنده تشکیل اولنان
 ویانه قونغرهنده ورتمبرغ ایچون کوستریلان صو -
 غوقلقدن اکلاشلغله فره دریق بردن بره اوستریادن
 یوزی چو یروب همان مملکتنه عودت ایتمش و ذاتاً
 امتیازات قدیمه سنک محو ولغوندن دلگیر اولان اها -
 لیسنک کنديسنه عدم توجهی اوستریانک تحکم طو -
 رینی پیداسنه اک زیاده یاردم ایدن احوالین اولدیغنی
 کورمکه همان اوسنه غایت احرارانه برقانون اساسی
 نشریله تبعه سنی بردن بره کنديسنه منتدار ایلشدر .
 ایکی سنه صکره وقوع وفاتیه یرینه یکن اوغلی کیلیوم
 دول مخصوصه ایله اوزلاشهرق ورتمبرغی قورتارمش
 واوراده حکومت قرالییه بی پک کوزل تأییده موفق
 اولمشدر .

(اوچنجی فصل)

« باویرا قرالغی »

جغرافیا - اشبو باویرا قرالغی المانیای جنوبی -

بی تشکیل ایدن اوچ حکومتک الک بیوکی اولدیغی
 کبی پروسیا قرالغندن صکره عموم المانیا حکوماتنک
 دخی الک جسمیدر . ورتمبرغ قرالغی ایله باد غراندو -
 قه لغنک آره یره کیر شمش اولمرندن طولای اولکا ایکی
 پارچه یه منقسم اولوب بریسی شرق طرفنده و طونه
 نهری اوزرنده و دیکری ایسه غرب جهتنده ورین نهری
 اوزرنده کائندر . انجق قسم اعظم برنجی قطعه اولوب
 شمال جهتندن راوس امارتلی و ساقس قرالغی و دوقه -
 لقنری ایله محدود و غرب طرفندن هس و ورتمبرغ و جنوب
 و شرق طرفلرندن دخی بوهمیا و سائر ایله هم حدود -
 در . دیگر قطعه پک کوچک برشی اولوب بونک هم
 جوارلری دخی شرق طرفندن باد غراندو قه لغی و وور -
 تمبرغ و شمال شرقی جهتندن دارمستاد و غرب طرفندن
 بارین و جنوب جهتندن دخی فرانسه در . بش میلیون
 اهالیسی واردر که اوچ میلیونن زیاده سی قاتولیک
 و باقیسی پروتستاندر . مونیخ شهری بو قرالغک پای
 تختیدر . باویرا اولکاسی غایت طاغلق بر محل ایسه ده
 پک چوق انهار ایله اروا و اسقا اولنهرق اراضیسی
 پک منبت و محصولدار و هواسی غایت لطیف اولد -

حکومات جرمانیہ ۱۲۳

یغندن ہر نوع زراعتہ قابلیت در کاردر . ہلہ اورما -
نلقری پک مشہور اولوب اورادہ بولنان صیدوشکار
اوروپانک ہیج بر طرفہ قیاس قبول ایدہ مز . بسی حیوا -
ناتی دخی کثرت اوزرہ در . صنایع و تجارتی پک زیادہ
ترقیدہ اولوب علوم و معارف دخی زیادہ سیلہ انتشار
ایشدر . باویرانک باشلوجہ شہرلرندہ اوچ بیوک
دارالمعارف واردرکہ برنجی درجہ دہ مؤسسات علیہ -
دندرلر .

تاریخ - قیصر روم زمانندہ باویرا قطعہ سی
حال وحشتدہ بولنوب رومالولرک ہمان معلومی دکی
ایدی . اندن صکرہ رومالولر پیدرپی اشبوممالکہ طو -
غری ایرولیہرک امپراطور اوکوست زمانندہ اورا -
سی رومانک بر ولایتی حکمنہ کیرمشدر . میلادک
بشنخی عصرندہ شمیدیکی باویرا اہالیسنک اجدادی
بولنان « بوآوری » اقوامی بوہمیا طرفرندن ظہور
ایدرک باویرا ایچنہ آقین ایتمکہ باشلامشدر ایسہ دہ باویرا
طرفہ انتشار ایلیان فرانق اقوامی بولنری ییلدیروب
تحت محکومیتلرینہ المشدردر . میلادک ۶۶۰ سنہ سنہ
قدر بولنر فرانقلرہ مغلوب قالدقدن صکرہ بر زماندنبری

بو ائوریلردن دو قه ناميله و فقط ينه فراتقلر طرفندن بالو-
کاله حکومت ايدن حکمدارلر يواش يواش قوت
واقتمدارلر يني آرتديره رق بونلردن اوريلون ۷۴۳ سنه
ميلاديه سنده باويرا قرالی عنواننى المشر .

انجق بو عنوان کنديسنده يالکيز برقورى نامدن
عبارت قالمشدر . زيرا فراتقلرک نفوذ حکمرانلردن
کنديسنى قورتارمق ايچون فرانسه قرالی شارل مار-
تل عليهنه وقوعبولان عصيانى هيچ برثمه حاصل
ايدمه ماش اولديغى کبي کنديسندن صکره ينه قرال
عنواننى الهرق مقام حکومتده کلان ناسييليون دخي
لومبارد واکيتن و آوارلر ايله بالاتفاق برقاچ دفعه
شارلمان عليهنه عصيان ايتمش ايسه ده کنديسنى قور-
تاره يم ديدىکى شارلمانک الله ياقه سنى تسليم ايدرک
شارلمان انى برمناستره حبس ايتمش و وفاتنه قدر اورا-
ده قالمشدر .

باويرا قطعده سى بو صورتله طوغريدن طوغرى يه
شارلمانک غرب ايمپراطورلغنه برولايت اولديغى زمان
ايمپراطور مشار ايله اورايه دو قه لى عنوانى ويره رک
صوآب قونتى زهرولدى اورايه دو قه نصب ايتشيدى

شارلمانک و فاتیه ملکی اوغلاری میانده تقسیمه قو -
 نیله رق بوندن بر قاج قراللق وجوده کلدیکی زمان لو -
 بی نه ده دبوز باویرایی بر قراللق حالنه افراغ ایدوب ۸۱۴
 سنه میلادیه سنده کندی اوغلی لوتری بورایه قرال
 نصب ایش و او دخی ۸۱۷ سنه سنده باویرا قرالغنی
 لویی له جرمانیقه حواله و ترک ایشیدی . بو صورتله
 باویراده تشکل ایش اولان قارلو وینرتهن خاندانی
 ۹۱۲ سنه میلادیه سنه قدر دوام ایدرک خاندان مذ -
 کوردن لویی له جرمانیقدن ماعدا قارلومان و اوچنجی
 لویی و شارل له غرو و آرنولد و دردیجی لویی صره -
 سیله باویرا قرالغنی ایش و بونلرک فرانسه و المانیا تا -
 ریخلرنده حکایه ایدیلان وقوعات تاریخیه لرینه باویرا
 دخی مشترک اولمشدر . بوزمانلر باویرا دولتی یالکز
 شمیدیکی حدود داخلنده واقع ممالکدن عبارت دکل
 ایدی . قارلو وینرته نلرک باویرا اطرافنده واقع دهها بر
 چوق مالکانه لری دخی هب باویرایه ملحق اوله رق
 اوراسی بریوک دولت حالنده ایدی .
 قارلو وینرته نلرک صوک حکمداری اولان چو -
 جق لویی بریاندن هون طائفه سنک المانیایه هجوم

واستیلانسه و دیگر طرفدن المانیا پرنسیرینک عصیان
 و مخالفتلرینه قارشو مدافعه دن اظهار عجز ایدرک تاجی
 تختی ترکله فرار ایلدیکی زمان یعنی ۹۱۲ سنه میلادیه.
 سنده باویرا اهاالیسی کندیلرینه کندی جنس لرندن بر
 حکمدار اولمق اوزره ارنول اسمنده بر ذاتی انتخاب
 ایلدیله که مو می الیه دوقه عنوانیه باویرایی اداره یه
 باشلادی . میلادک ۹۳۷ سنه سنده مو می الیه ارنولک
 دخی وقوع و فاتنده باویرا دوقه لغی کندی خاندانی
 اداره سنده قاله میوب اوزمانلر المانیا حکوماتجه بجز تو کمنز
 انتقالنه سبیت ویرن وقوعات ارثیه و منازعات طمعکله
 رانه اک بیوک اهمیتنی باویرا اوزرنده کوستر مکه باشلا.
 دی . زیرا باویرا دوقه لغی ایکیوز سنه قدر بر زمان
 ظرفنده بر چوق خاندانلرک انه کیرمش چیقمشدر .
 شویله که :

۹۳۷ سنه میلادیه سندن ۱۰۰۴ سنه میلادیه سنه

قدر باویرا اولکاسی ساقس خاندانه منسوب برنجی
 و ایکنجی هانریلرک ید اداره سنده بولنوب حالبوکه
 صواب خاندانندن اوتون ایکنجی هانری یه اشتراک
 دعواسنه قیام ایتکله بر ارهلق هانری یی حکومتدن

تبدیل و برار هلق هانری ینه حکومتی استحصال ایلیه -
 رك شو منازعه لر باویر الوری بیرار ایلدی . ۱۰۰۴
 سنه میلادیه سندن ۱۰۷۰ سنه میلادیه سنه قدر دخی
 فراتقونی خاندانه منسوب برطاقم پرنسرك ید اداره -
 سنه یکمیش و بونلر بالنسبه متطرداً و متسلسلاً اجرای
 حکومت ایده بیلش ایسه ده ۱۰۷۰ سنه سنده کلف
 و یاخود ولف دینلان خاندانک پرنسری باویرا حکو -
 متنه کچهرک ۱۱۳۹ سنه میلادیه سنه قدرده بونلرک
 حکومتی دوام ایتشدر . کلفلردن باویراده حکومت
 ایدن آدملر درت نفر اولوب انلردن صکره اوستریا
 خاندانه منسوب دو قه لر باویرایی زیر اداره لرینه المشلر
 و ۱۱۸۰ سنه سنه قدر دوام ایتشدر . ایمدی ایکی
 بیچق عصر قدر امتداد ایلیمان برمدت ظرفنده باویرا -
 نك بویه ساقس فراتقونی و صوآب و کلف و اوستریا
 خاندانلری مثل و بوش خاندانک اللرینه کیروب چیقمسی
 بعضلرینک باویرایه کندی مالکانه لرینی ده الحاق ایتلری
 صورتیه کویا من جهت بر از نافع کبی اولدیه سه ده
 دیگر جهتدن بر چوق یرلرک الدن چیقمسیله باویرانک
 خیلی کوچولوسنی ایجاب ایتشدر .

بو انقلابات باویر الوری دخی اوصاندیردیغندن
 ۱۱۸۰ سنه میلادیه سنده ویتلسباح خاندانندن اوتونی
 برنجیک عنوانیه بالانتخاب مقام حکومته اقعاد ایلدیلر
 که بوذات قارلو ونیرینه حکمدارلرینک زوالندن
 صکره باویرا دو قه لغنه ایلک انتخاب ایلدکاری ار -
 نولک اخفادندن اولمسيله اصل باویرالی برپرنس عد
 اولنور ایدی . بو خاندانن کلان پرنسلر حقیقه کندی
 وطنلینه محب آدملر چیه رق عصر اخیره قدر بو -
 ذلرک حکومتلری دوام ایده کلمشدر . حتی یوقاروده
 بیان اولنان انتقالات اثناسنده باویرانک برچوق ممالکی
 الدن چیقوب شورایه بورایه الحاق اولمش ایکن اشبو
 ویتلسباح خانداننک پرنسلری یواش یواش بو ضایع
 اولان ممالکی تکرار اله کچیره رک تلافی مافاته دخی
 موفق اولدیلر .

خاندان مذکورک اوچنجی حکمداری اولان
 ایکنجی اوتونک ۱۲۵۳ سنه میلادیه سنده وفاتی وقوعه
 کلدکده اون اوچنجی هازری وایکنجی لویی نام او -
 غلری ملکی بینرنده تقسیم ایدرک لویی یوقارو باویرا -
 بی وهازری دخی اشاغی باویرای ادارهیه باشلادی

ایسده ایکنجی لوینک اوغلی اوچنجی لوی ۱۳۱۲ سنه میلادیه سنده بوایکی قسمی بتکرار توحیده موفق اولمشدر . مومی الیه اوچنجی لوی « لوی ده باویر » عنوانیه المانیا ایمپراطور لغنه دخی انتخاب اولنان ذاتدرکه (المانیا . ص ۹۸ مر) باویرایی توحیدندن برسنه صکره المانیا ایمپراطوری انتخاب اولنه رق اگرچه ایمپراطورلق ایچون برکونه خدمت مهمه سی کورلماش ایسده ایمپراطورلق نامنه ایتدیکی محاربا . تک نتیجه سنده باویرا اولکاسنی برخیلی توسیعه موفق اولمشدر . شویله که باویرا حکومتی اصل باویرادن ماعدا برانده بورغ وهولانده وزه لانداتیرول وسائر برطاق ممالکی دخی کندی مستملکاتندن عد ایلر ایدی ۱۳۴۷ سنه میلادیه سنده اوچنجی لوی وفات ایلدیکی زمان اوغلاری اشبو مستملکاتی کندی بینلرنده تقسیم ایدرک بونلردن برچوق حکومتلر وجوده کتورمشلر ایدیسده هیج بریسی دوام ایده میسوب ممالک مذکوره نکاسکی اصحابی استرداد حقوق دعوا . لرینه قیام ایدرک ممالکی برر برر بونلرک ید ضبطلرندن قورتارمشلر ایدی . حتی اصل باویرا حکومتی بیله

ایکی یہ انقسام ایدرک بوصورتہ بیانی ضعیف وزیانہ
 دوچار اولمشیدی . نہایت ایکنجی البرت نام باویرا
 دوقہ سی بوقطعہ نک ایکی قسمی تکرار توحید ایلدہ۔
 یکی کبی اصل باویرادن دخی افراز وممالک سائرہ یہ
 الحاق اولنان برطاقم یرلری دہ استردادہ یعنی باویرایی
 اوچنجی لوئینک زمانندن اولکی حالہ ارجاعہ مو۔
 فق اولمشدر .

محرابہ سی سالہ وجودہ کلوب دہ پروتستانلق
 وقاتولیکک دعوالری المانیایی آل قانرہ بویامغہ باشلا۔
 دیخی زمانلردہ باویرا دوقہ لری پروتستانلغک خلافتہ
 قیام ایدرک بوبادہ المانیایمپراطورینہ اتفاق ایتمشلر
 وپروتستانلغی ترویجہ چالیشان پرنسرایلہ عظیم محار۔
 بہ لردہ بولتمشدر . بناء علیہ بونلرک شو خدمت دینیہ۔
 لرینہ مکافاة المانیایمپراطوری ایکنجی فردیناند باویرا
 دوقہ سی ماقسیمیلیہ نہ ۱۶۲۳ سنہ میلادیہ سندہ القتور۔
 لک عنوانی ویرمشدر . خلنی فردیناند دخی ماقسیمیلیہ۔
 نک اثرینہ اقتفا ایدرک ایمپراطورلق پولتیقہ سندن
 آیرلماش و بناء علیہ باویرانک تنظیم امور داخلہ سنہ
 کوزلجہ خدمت ایش ايسہ دہ انک دخی وقوع وفاتہ

۱۶۷۹ سنه میلادیه سنده القور و دوقه اولان ایکنجی
 ماقسیمیلین امانوئل فرانسه ایله اسپانیا و المانیا و او -
 ستریا ارسنده « اسپانیا توارثی محاربه سی » آچلدیغی
 زمان (فرانسه ص ۲۲۲ مر) المانیا ایمپرا طور لغندن
 آریلوب فرانسه قرالی اون دردنجی لوئیک اتفاقنه
 کیرمش اولدیغندن فرانسه عسکری هاشت مغلوبیت
 عظیمه سنه دوچار اولدیغی زمان امانوئل المانیا ایمپرا -
 طور لغنی طرفندن اخذ و گرفت اولنه رقی زندانه
 آتلشدر . اکر فرانسه او مغلوبیتی ایله قالمش اولسه
 ایدی امانوئل ایچون بردها زنداندن قور تلیق یوق اید -
 یسه ده اون دردنجی لوئی مؤخرأ اعدای ثلثه سنک
 اوچنی دخی اشع صورتله مغلوب ایلدیکندن ۱۷۱۴
 سنه میلادیه سنده امانوئل زنداندن قور تیلوب ینه باویرا
 حکومتنه کلکه یول بولمشدر .

امانوئلک ۱۷۲۶ تاریخنده وقوع وفاتیله یرینه
 شارل البرت باویرا دوقه سی اولدیغی زمان المانیا ایمپرا .
 طور ی التنجی شارلک حصه اریته سنه حق دعوا -
 سنه قیام ایدرک برچوق دخی طرفدارلر پیدا ایلد -
 کنندن بهیسا و اوستیا تالکنی فتح و استیلا ایش

و ۱۷۴۲ سنه سنده فرانقفورت شهرند: کنديسينى المانيا
 ايمپراطورى يدنجى شارل اولمق اوزره اعلانه دخى
 موفق اولمشيدى . انجق (المانيا . ص ۱۴۵ مر)
 بوموققيات فرانسه نك كنديسنه اولان معاونتى ثمره -
 سياه حصوله كاهر كؤخرأ فرانسه پولىتيقه سنى دكشد -
 يرديكى جهتله اوستريالولر النده بالاخره اوقدر اشع
 ر صورتده مغلوب اولمشيدى كه يالكز المانيا ايمپراطور -
 لغندن واز كچمكله دكل حتى باوير ادوقه لغندن دخى
 فراغتنله انجق كنديسنى قورتاره بيلش ايدى .
 مومى اليهك اوغلى ماقسيميلين ژوزف اجدادينك
 ملك موروثى اولان باويراى اولسون قورتارمق
 ايچون ايمپراطور فرانسوادن امان ديله يهرك ۱۷۴۵
 سنه سنده عقد اولنان فوش معاهده سى موجبنجه باويرا
 حكومتنى كندى عهده سنه توجه ايتديره بيلدى
 ومدت حكومتنده عادتاً اوستريا خاندانك بر واليسى
 كبي حركت ايدر ك مع هذا شو يولده كى طور انيشى
 باويرا ايچون يك نافع اولدى . زيرا هيچ كيمسه نك نه
 منازعه سنه ونه مصالحه سنه قارشيمه رق باويرا دخى بو
 يوزدين بونعمته آسلايش ايله ممتنع اولدى قالدى .

موی الیهک وفاتندن یعنی ۱۷۷۷ سنه میلادیه -
 سندن صکره باویرانک بواسایشی ینه مختل اولدی .
 زیرا اوستریانک بودرجه لرده محکومیتی التنده یشاق
 برطاقم ارباب غیرتک غیرتنه طوقنوب سکز یوز سنه -
 دنبری باویرا دوقه لغی ایده گلش اولان ویتلس-باح
 خاندانه برجهت قرابتی اولان شارل تئودور اوستریا
 محکومیتندن باویرائی قورتارمغه قیام ایتمکله اگرچه
 اوستریا بوکا مخالفت ایتمک ایستمش ایسه ده شارل تئو -
 دورک قوتنه وعصرک سائر ایجابات سیاسیه سنه مقا -
 ومت وغلبه ایده مدیکندن شارل « پالاتین القتور »
 عنوانیه باویرائی کندی حکمی التنه المغه موفق او -
 لمشیدی . انک وفاتندن صکره یکنی ماقسیمیلیه ن ژوزف
 دردنجیلک والقتور پالاتین عنوانیه ۱۷۹۹ سنه سنده
 باویرا حکومتنه یکمش ایسه ده بوسنه لارتق فرانسه ده
 بیوک انقلابک ظهوری سنه لری اولوب انک صدماتی
 اوروپانک همان هرطرفنی صار صمغه باشلادیغی کبی
 بالخاصه باویرائی پک زیاده صارمش وازمشدر .
 ماقسیمیلیه ن فرانسه نک حشمندن باویرائی قورتارمق
 ایچون ناپولیون ایله اتفاقدن بشقه چاره بوله مامش

و بونکه برابر تصحیح حدود املیه رین نهرینک صول
 ساحلنده کی ممالکی فرانسه یه ترک ایتمکه مجبور اولوب
 فقط بو کامکافه سائر طرفلردن ناپولیون برچوق ممالکی
 باویرایه الحاق ایتمشدر .

ناپولیون اوروپا ملتیرینی قرق و انلر قارشوسنده
 قردیرمق ایچون میلیونلرجه عسکری فرانسه دن
 تدارک ایدمه مامکه باشلادیغی و بناء علیه المانیاجهتنده کی
 متفقلرندن عسکر ایستدیکی زمان فرانسه اردوسی
 ایچون الک چوق عسکریتشدرین باویرا اولدیغی ورین
 هیئت اجتماعیه سی نامیله تشکل ایدن حکومات جنو -
 یه نك اعظم ارکانی دخی باویرا بولندیغی ایچون ناپو -
 لیون بو قطعه یه دهاسائر برچوق اراضی بی الحاق
 ایدرک ۱۸۰۶ سنه میلادیه سننده ماقسیمیلیهن ژوزفه
 برده قراللق عنوانی ویردی که اندن صکره موهی
 ایه دردنچیلک عنوانی برنجیلکه تحویل ایلدی .
 فقط ۱۸۱۳ سنه سننده ناپولیونک کوکبه اقبال وشوکتی
 منخسف اولغه باشلاینجه ورتمبرغ کبی باویرا دخی فرا -
 نسه اتقاقندن یوز چویردکن ماعداحتی بودفعه فرا -
 نسه اوزرینه تحویل اسلحه یه دخی قیام ایلدیکندن

ایشته بوخدمته مکافات اولقی اوزره دول متفقہ ویانہ
قونعرسنده کندی قرال عنوانی وممالک موجودہ -
سنی کندیسندہ ابقا ایتشدر • اگر پولتیقہ سنی چویر -
مسہ ایدی ہرشیئی غیب ایدہ جکی اشکار ایدی •

ماقسیمیلیہن ۱۸۱۸ سنہ سندنہ کندی تبعہ سنہ بر
قانون اساسی ویرہ رک بعدوفاتہ اوغلی برنجی لوئی دخی
تنظیم ممالکہ خیلی خدمت ایلدی وباخاصہ صنایع
نفیسہ یی مراق ایدینہ رک اربابی حایہ ایتکلہ باویرا -
دہ صنایع نفیسہ نک باباسی عد اولندی • فقط ۱۸۴۸
سنہ سندنہ اورتالغک بحرانی کورہ رک اوغلی ایکنجی
ماقسیمیلیہ نہ فراغ ملک ایدوب اوزمانلر عموم المانیا
حکومتلری شمدیکی اتحاد کبی بر اتحاد عقیدینہ قالقشد -
قری حالده کنج قرال باویرانک اہمیت مخصوصہ سنی
محافظہ ایچون بواملہ اولانجہ قوتیلہ ممانعت ایتشدر •
حتی ۱۸۶۶ سنہ سندنہ پروسیانک صادووا غالبیتی
اوزرینہ تشکیل ایلدیکی المانیای شمالی اتفاقنہ مقابل
المانیای جنوبی اتفاقنی تشکیل ایتمش اولان دخی باویرا
دولتیدر • زیرا المانیا ایچندہ پروسیادن ماعدالک بیوک
دولت کندیسنی اولوب حکومات جنوبیہ میانسدہ

ایسه ورتمبرغدن ماعدا هېچ بریسنک اسامیسی او قونه -
 جق قدرده اهمیتتی اولدیغندن ورتمبرغ ایله ایدیلان بر
 اتفاق عموم المانیای جنو بینک اتفاقی دیمک اولور .
 انجق ۱۸۷۰ سنه سنده فرانسه و المانیا محاربه سی وقو-
 عه کلوب او چنجهی ناپولیون سدانده تسلیم سلاح ایلد-
 یکی و بناء علیه المانیا ارتق بوغالیبت قطعیه دن بالاستفا
 ده بوندن صکره دخی فرانسه نک حشمندن کندیسنی
 قور تارمق ایچون متحد بولمغه لزوم کوردیکی زمان
 باویرا قرالغی عناد ایتمه رک المانیا امپراطور لغنه التحاق
 معاهده سنی امضا ایتشدیر .

« افادهء عمومیه »

هیئت عمومیه سی شمذیکی المانیا امپراطور لغنی
 تشکیل ایدن واحوال جغرافییه و تاریخیه لری بوراده
 خلاصه الخلاصه اوله رق ذکر و بیان اولنان حکومات
 جرمانیه دن بادوهس غراندوقه لقریله باویرا و ورتمبرغ
 قرالقرندن ماعداسی یعنی درون تاریخده المانیای
 شمالی و وسطیده بولندقری مذکور اولان حکومات
 صغیره ده ۱۸۶۶ سنه میلادیه سنده یالکز پروسیا دو-
 لتنک اوستریا علیه نه قاناندیغی صادوا غالبیتی اوزرینه

« المانیای شمالی اتحادی » نامیله بر هیئت حکومت
متحده تشکیل ایشلر و بو هیئتک زمام اداره سنی دخی
پروسیا قرالغنه ویرمشلر ایدی .

اشبو هیئت متحده شمالیه یه مقابل هس و باد
وور تمبرغ و باویرا دخی بر « هیئت متحده جنوبیه »
تشکیل ایش اولد قلمری حالده ۱۸۷۰ و ۱۸۷۱ سنه لر نده
هیئت متحده شمالیه نك فرانسه ایله ایتدیکی محاربه ده
هیئت متحده جنوبیه دخی شمالی یه التحاق ایدرک عمو-
ماً فرانسه اوزرینه غالبیت قازاندیغی زمان المانیایی
متحد برایمپراطورلق صورتنه افراغ ایلک املی اورت-
یه قونیلوب فقط بو امله حکومت جنوبیه اولیه بر آنده
وبالاتفاق اشتراک کوستر مامشدر . بویولده ایدیلان
مخبرات و مذاکرات او قدر جدیدیت پیدا ایش و از جمله
ور تمبرغ قرالغی اول قدر مخالفته بولنمشدر که همان
حکومات متفق مذکوره ارسنده دخی بر بوزوشلق
ظهورینه رمق قالمشدر . نهایت بادو هس غران دو قه-
لری ۱۸۷۰ سنه سی تشرین ثانیسنک اون بشنجی کونی
پرنس بسمارق المانیای شمالی هیئت متحده سی نامه
اوله رق تنظیم ایلدیکی اتحاد معاهده سنه وضع امضا

ایلدکاری کبی ماه مذکورک یکرهی اوچنجی کونی
 باویرا ویکرهی بشنجی کونی ورتبرغ دولتلی وضع
 امضا ایلیه رک فقط مذاکرات متابعه برچوق زمانلر
 دخی اوزاندیغی حالدیه نهایت ۱۸۷۱ سنه سی کانون
 اولنک یکرهی طقوزنجی کونی تصدیقنامه لر مبادله او-
 لنش و سنه مذکوره مایسنک دردنجی کونی یکی الما-
 نیا ایمپراطورلغنک عمومی قانون اساسیسی دستورالعمل
 اتخاذا اولمغه باشلامشدر .

اشبو قانون اساسی احکامنجه پروسیا قرالی بولنان
 حشمتلو برنجی کیلیوم ایله حقوق ارثیه سنه مالک
 اولان اولادی ومالک اوله جق اولان اخفادی عموم
 المانیا اوزرنده « ایمپراطور » نامیله فرمان فرما اوله -
 جق . شو قدرکه عموم حکومات جرمانیه طرفندن
 کوندریلان وکیللردن مرکب « هیئت متحده مجلس
 عمومیسی » المانیا اتحادینک اصل وکیل مطلق اولد -
 یغی جهتله ایمپراطور دخی بو هیئتک وکیلی عداولنه -
 رق انک رأی وقرارندن خارجه چیقیمیله جقدر . اشبو
 مجلس عمومیدن ماعدا برده « رایشتاغ » نامیله برملت
 مجلسی بولنه جق که اعضاسی عموم المان ملتی طرفندن

بر صورت سرستانه ده انتخاب اولنوب بویارلنتو بر
یاندن مجلس عمومینک قرارلرینی و دیگر طرفدن ایمپرا-
طورک اجراآتی تدقیق و قونترول ایلیه جکدر .

ایمپراطورک برنجی درجه ده اوله رقی حقوق اجرا-
ئییه سی بری و بحری هیئت عسکریه نک قوانین اداره
و جزائییه و سایرهمنی تنظیم و تصدیق ایتمک و عموم الما-
نیانک امور مالیه سنی برمر کرده یعنی ایمپراطورلق
مرکزنده مرکز لندیرمک و عموم المانیانک تجارت و پوسته
و تلغراف و شمندو فرلری هله مدافعه مملکت نقطه نظر نجح
اولورسه مطلقا ایمپراطورک نظارت عمومیه سنه تودیع
قلنه جقدر .

شونلر ایمپراطورلغک حقوق منحصره سندن او-
لوب تبدیل امکانه و حقوق بیتیه و حقوق تابعیت
و سایر حکومت مستقله جرمانیه نک احوال عمومیه
ایله مشترک اولان احوال داخلیه لرنده ایمپراطور امور
مذکوره نک متعلق اولدق لری حکومتلر ایله بالمخابره
وبالذا کره تسویه اموره مآذون اولوب شوقدر که
ایمپراطورک رأیی ایجابنه کوره حکومت سائره حکمدار-
لرینک رأیلرینه فائق اوله جق .

مقیاس و معیار لک و مسکو کاتک توحید و تعدیلی
 نظامری و بانقه لره و اختراع امتیاز لینه و امور و جدا-
 نیه یه و شمند و فرلر تأسیسنه و بحر لره و نهر لره سفائن
 تجاریه تشکیلینه و امور عدلیه یه و حقوق جزائییه
 و اصول مخاکمه و اصول انضباطیه یه و حریت مطبوعات
 و حقوق اجتماعییه عائد اولان مصالحه حکومت
 مستقله جرمانیه نک هربری ینه مستقل اولقله برابر
 بونلر حقنده دخی ایمپراطورک نظارتی اولوب قونیه-
 جق نظامات و ایدیه جک تصدیقات رایشتاغ ابله
 مجلس عمومیدن کچه جک و طرف ایمپراطوریدن تصدیق
 قلنه جقدر .

اعلان حرب و عقد مصالحه و دول اجنبیه نزدینه
 سفیر ارسال و انلردن سفرا قبول ایتک ایمپراطورک
 حقوق مخصوصه سندندر .

ایشته بوشرائط داخلنده اوله رق حکومت جر-
 مانیه بر عمومی المانیا ایمپراطور لغنه التحاق ایتش اولوب
 حکومت مذکوره تشکیلی ایلدیکی زمان بر طاقم غزه لر
 « شمدییه قدر مستقل اولان المانیا قرالری و دوقلری
 و پرنسلی بعد ما پروسیا قرالنک بر ممتاز ولایت و ا-

لیتری اولدیله «دیمش ایسه لرده بو خط-بادر» بلکه
 حکومات مذ کورهینه مستقل حکومات اولوب کندی
 حقلرندن برر قسمتی برلینده جمع ایلیه رک ایشته انلردن
 بریکپاره ایمپراطورلق حق و وظیفه سی وجوده کتور-
 مشلدر . یوقسه حکومات مذ کورهینه اولکی کبی
 کندی اداره داخلیله لر نجه حر و مستقل اوله رق اگر چه
 عموم المانیا ایچون یالکز بر مالیه نظری بر حریه نظری بر
 حارجیه نظری وار ایسه ده بو صنف ایشله عائد
 اولان مصالحینه هر حکومت مستقله نک کندی دائره سی
 داخلنده دخی اولکی کبی رؤیت اولنه رق شو قدر که
 عمومی بر نظامه توفیق معامله ایتمکده درلر .

تواریخده تشکلی و بونجه محاربات داخلیه یه
 سببیت ویردیکنی کوردیکمز المانیا ایمپراطور قملری
 شمدیکی ایمپراطورلق قدر قوی اولماقله برابر حکومات
 مستقله اوزرینه شمدیکندن دهاز یاده مسلط ایدیله .
 بناء علیه انلرک دواملرینه مانع اولان مشکلاته شمدیکی
 ایمپراطورلق مصادف اولقسزین سنه دن سنه یه
 قوتنی آرتدیره جغی اون سنه لک تجر به ایله ثابت
 اولیور . (انتها)

فهرست

	صفحه
مقدمه	۲
حکومات جرمانیه نك صورت تقسیمی	۴
(برنجی باب) جرمانیا حکومات شمالیه سی	
پروسیا قرالغی	۵
اولدنبورغ غراندوقه لغی	۱۰
برونزویق دوقه لغی	۱۷
بره م شهر مستقلی	۵۱
هامبورغ شهر مستقلی	۵۳
لوبق شهر مستقلی	۵۷
مکلمبورغ غراندوقه لقری	۶۱
(ایکنجی باب) المانیای وسه عظیمه کاش	
حکومات	
لیپ امارتلی	۶۶
والدق امارتی	۶۹
هس غراندوقه لغی	۷۲
راوس کبیر و صغیر امارتلی	۷۹
آنحالت دوقه لغی	۸۱

ساقس قرالغی ودوقه لقلری	۸۴
شوارزبورغ امارتلری	۱۰۴
(اوچنجی باب) المانیای جنسویدیه	
کائن حکومات	
باد غراندوقه لغی	۱۰۶
ورتمبرغ قرالغی	۱۱۱
باویرا قرالغی	۱۲۱
افادهء عمومیه	۱۳۶



کائنات
کتبخانہ
تاریخ

برنجی قسم
* اورویا *
« برنجی قسمک طقوزنجی جلدی »
(اوستریا)

(محرری)
احمد مدحت

« ترجمان حقیقتہ » تفرقہ اولہرق درج ونشر
اولندقدن صکرہ آریجہ کتاب اولہرق طبع
اولنمشدر

استانبول
۱۲۹۸

(اوستریا)

المانیا امپراطور لغنه مخصوص اولان یدنجی
جلده عموم المانیا حدودینی ارائه ایلدیکمز زمان
اوستریا دولتک بر قسمی دیمک اولان اصل اوستریایی
المانیا قطعاً عمومیه سی ایچنه ادخال ایدرک فقط
مجارستانی خار جده براقش اولدیغیزی اخطار ایلدکن
صکره المانیا هیئت عمومیه امپراطوریه سنه مخصوص
اولان ینه اویدنچی جلده اوستریا دولتی بالکلیه
خارجده براقش واندن صکره حکومت جرمانیه
مخصوص اولان سکزنجی جلده دهنخی اوستریا دولتی
حسابه قاتمقزین سائر یکریمی بش عدد حکومت جرما
نیه نک خلاصه الخلاصه تاریخیه لرینی جمع ایلمشیدک
بر عمومی المانیا امپراطور لغنه مقابل المانیا حکومت
متعدد هسی و بونلرک ایکیسنه مقابل بر اوستریا دولت
مع اوستریا سی تواریخ خصوصیه سنی آیری آیری و بشقه

بشقه خلاصه ایده بیلمک ایچون المانیا ایمپراطور لغنه
 بشقه و حکومت جرمانیه به بشقه اوله رق برر جلد
 تنظیم ایلد کدن صکره اوستریا دولته مخصوص اوله رق
 دخی اشبو طقوزنجی جلدی ترتیب ایتمکدن احسن
 یول بوله مدق . اوستریا دولتی برطاقم اجزا و عناصر
 متخالفه دن مرکب اولوب بونلردن بریسی المان عنصری
 اولوق حسبیله اوستریا دولتی دخی حکومت جرمانیه دن
 بریسی عد اولتمق و حالبوکه اوستریا به منسوب اولان
 خاندان طول مدت عموم المانیایه دخی ایمپراطورلق
 ایتمسندن طولای اوستریایی من جهة عموم المانیا ایمپرا-
 طور لغنی اعتبار ایلمک لازم کلدیکی حالده برده اوستریانک
 کندی دائره سی داخلنده و کندی عناصر و اجزای
 مترکبه سنه مقابل بشقه جه بر تاریخ خصوص صیسی واردر که
 بو اوچ صورتک هیج بریسی دیکر لرینه قائم سزین
 جمع ایده بیلمک خصوصنده کی صعوبت و مشکلات
 ادنا ملاحظه ایله دخی معلوم اولور . بناء علی ذلك
 اوستریا خاندان لرینک المانیا ایمپراطورلق لرینی عموم المانیا
 تاریخنده ذکر ایلمش اولدیغیمزدن بوراده او بحث
 خار جده قاله جق و بو جلدده اصلا اوستریا آرشیدوقه لغنی

ایله مؤخرأ حکومت مذکورہ یہ التحاق ایدن قطعہ اور
 وملتلك عمومندن تشكلى ايليان اصل اوستريا ايمپراطو-
 رلغى بحشه چكيلوب مع هذا بو اترده اصول اتخاذا
 ايلش اولديغمز وجهله بحثك سائر تار يخرده تعلق
 ايلديكى يرلر كد بجه بين القوسين هانكى جلدك هانكى
 صحيفه سنه مراجعت اولنقى لازم كه چكى دخى اشارت
 و اخطار قلنه جقدر .

(اوستريا اولكاسنك احوال جغرافيه سى)

اوستريا دولتى اوروپاى وسطيده بولنان دولتى
 معظمه دن بريسى اولوب شمال طرفندن بروسيا وساقسى
 قراللىقلى وشرق طرفندن روسيه ورومانيا وجنوب
 جهتندن دولت عليه وونديك كورفزى و ايتاليا و غرب
 طرفندن دخى باويرا و اسويچره ايله محدود عظيم بو
 بر اولكادر كه شرقدن غربه طولى ۱۲۵۰ و شمالدن
 جنوبه طوغرى عرضى ۵۴۰ كيلو مترو امتدادنده
 اوله رق عموم نفوسى اوتوز بش مليونى متجاوزدر .
 طونه نهري اوزرنده واقع ويانه شهر جسيمى بو ايمپرا-
 طورلغك پاى تخت عموميسيدر .

اوستريا دولتى بر طاقم ملل مختلفه دن بو ملل

اوستریا

۵

مختلفه نك ساكن اولدقلى ممالكدن مركب او اوب
يتاء عليه جغرافيون بودولى باشليجه درت قسمه تقسيم
ايدرلر . برنجى قسم اهالىسى المان اولان قطعه دركه
اصل اوستريا ارشيدوقه لغى ايله سالچبورغ و سستيري
وقارينتى وقارنيول و فريبول ولايتلرله ينه المان اهالىسندن
عد اولنان تريسته و تيرول و موراويا و سيلزيا و بوهميانك
اوسترياه ملحق اولان يرلر هب بو المان قسمنده داخلدر .
ايكنجى قسم اهالىسى مجار اولان يرلر اولوب مجارستان
بو قسمدن عد اولنور . اوچنجيسى اسلاو اهالينك
ساكن اولديغى يرلدر كه ترانسيلوانيا و سلاوونيا
و خرواتستان بو قسمى تشكيل ايدرلر در دنجيسى دخی
اهالىسى له اولان يرلر اولوب غالچيا و قرا قوويا
ولادمير و بو قووين بو قسمدن عد اولنورلر .
اشبو درت قسم اوستريا دولتى تشكيل ايدن ملتله
قطراً يالكز جغرافياجه بر تقسيم اولوب حالبوكه ممالك
مد كوره اداره ملكيه جه بشقه بشقه ايكي قسمه تقسيم
اونمشدر كه بونلرلر ايكيسى دخی بر حكمداره تابع
اولدقلى حالده ايكيسنك ده اداره لرى مستقندر .
بو ايكي قسمدن برنجيسى « سيس لايتان » دنيلان قطعه

اولوب لایتانهرینک برو طرفنده اولان ممالک دیمکدر که
 یوقار و اوستریا و سالچبورغ و ستیری و قارینتی و قارنیول
 و ایستری و تبرول و بوهمیا و مور اویا و سیلزییا و گالیچیا
 و بو قودین و دالماسیا و لایتلرینی حاویدر . ایکنجمی
 قسم ترانس لایتان قطعہ سی اولوب اوراده دخی تکمیل
 مجارستان ایله خروااتستان و اسقلونیا و تروانسیلووانیا
 و طمشوار و لایتلری بولنور . مع هذا بونلر میانده
 مجارستان بالکلیه مستقل برقراللق اولمق اوزره اداره
 اولنوب اوستریا به التحاقی یالکوز اوستریا ایمپراطورینک
 مجارستانه دخی قرال اولسندن عبارتدر .

اوستریا بمالکی یالکوز و نیدک کور فزنده بر مقدار جق
 سواحل بحریه دن ماعدا کاملاً حدود بریه ایله محاط
 ایسه ده سواحل مذکورده بر چوق اطهار وار در که
 بونلرک ارسه سی کوزل کوزل لیمانلر تشکیل ایدرک هله
 ترسته لیمانی پک مهم بر تجارت لیمانی اولمغله و اوستریانک
 لوید قومپانیاسی بتون دنیانک دکر لیله مراسله بحریه ده
 بولمغله اوستریا برنجی درجه لده تجارت بحریه اربابندن
 اولان دولت لردن عد اولنور . طونه نهری دخی
 اهرمیجه هیچ بر نهیره قیاس قبول ایدمه جه جک قدر

ایشلک بر تجارت طریق اولوب اوستریانک بو نهره مالکیتی ایسه طونه یه تعلق اولان دول ساثره دن دها اهمیتلیدر . داخل قطعه همان کاملا عظیم و جسیم سلسلهٔ جبال ایله مشغول اولوب شمال طرفلرنده اریح و سودت طاغری و شرق جهتهنده قاریات جبالی و جنوب غربیده دخی الپ سلسله سنک بر چوق شعبه لری و وسط ممالکده ایسه بوهم و مور او یا طاغری باشلوجه جبالدن معدود درلر . بو طاغیر کونا کون معدنلری حاوی اولوب همان جمله سی دخی غایت منتظم بر صورته ایشلدیلور .

الپ و اودر و ویستول و دنیستر نهرلری اوستریا ممالکی داخلنده پیدا اوله رق طونه نهری دخی ممالک مذ کوره بی همان بویدن بویه آقیر یلار . بونلردن ماعدا کوچک بیوک دها بر چوق انهار اوستریا ممالکنک قوهٔ انباتیه سنه یاردم ایتمکده درلر . هله اوچیوز قدر قنالر انهار مذ کوره دن تشعب ایتدیرلمش اولوب بونلر زراعتدن ماعدا امر اسلاته دخی خدمت ایدرلر . حالبوکه اوستریانک بر چوق شمندو فرلری و شوسه لری ذاتاً امر اسلاتی زیاده سیله تسهیل ایشلدر .

اوستریانک تجارت بحریه سنه او درجه لرده وسعت
 ویردین شی داخلده صنایعک پک زیاده ترقی ایتمش
 اولسیدر • اوستریا فابریقه لری « صنایع » دنیلیکی
 زمان خاطره کلان معمولاتک کافه سنی اعمالده بر درجه یه
 قدر ایلرویه وارمشدرکه واقعا بر طاقم شیرجه نفاست
 و متانت ارانه مز ایسه ده فیئانجه اهو نیتلری هیچ بر
 ملتک معمولاتنه قیاس اولنه میه حق درجه ده اولدیغندن
 بونلر دنیانک هانکی طرفنه نقل ایدلسه ملل سائر
 مصنوعاتندن دها او جوز صاتلمغله هر کس رغبت
 ایدر • صنایع مثللو معارف دخی اوستریاده رواجده
 اولوب بیوک شهر لرده دارالمعارف لردن بدأ ایله کویلرده
 صبیان مکتبلرینه وارنجه یه قدر هب منتظم بر صورتده
 تأسیس و تجدید ایدلمشدر •

بو اولکاده اغلبیت اوزره حکم سورن دیانت
 خرسیتیانلغک قاتولیک مذهبی اولوب خاندان ایمپراطوری
 بومذهبده ذاهب اولدیغی کبی اوتوز بش میلیون اهالیدن
 یکر می بش میلیونی دخی هب قاتولیک مذهبنه سالکدرلر •
 قاتولیک مذهبندن صکره اوستریاده اک زیاده اهالی پی
 جامع اولان مذهب روم اورتودوکس مذهبیدر که

ترانسیلوانیا و اسقلاوونیا و خروااتستان و مجارستانده
 التي میلیون قدر اهالی بو مذهب دندرلر • ممالک
 مذکورده یهودی یدیوز الی بیک قدر اولوب باقی
 درت میلیونه قریب اهالی دخی پروتستان و اونیتار
 و صوسینیهن و منونیت دنیلان مذهب لره ذاهبدرلر •
 اونیتار دنیلان مذهب اربابی حضرت عیسایی ابن الله
 اعتقاد ایتوب و اقانیم ثلاثه یه دخی اینا میوب جناب
 رب العالمینک وحده لا شریک له اولدیغنه قانعدر لر که
 ارباب تدقیقک افاده لرینه کوره بونلر قدس شریف
 طرفندن الدقلری نصرانیت صحیحه یی اصل حواریلر
 طرفندن وضع اولندیغی اساس اوزرینه آلوب اندن
 صکره برطاقم اهل بدعتک خرسیتیانلغی اساسندن
 تخریف ایدر صـورتده تخیل ایلدکلری شیلره اصلا
 قولاق ویرماملردر • صوسینیهن دنیلان مذهب
 اربابی دخی اونیتارلر کبی جناب حقی توحید ایدرک
 منونیتلر ایسه خرسیتیانلغک اغلب عقاید اساسیه سنی
 منکر و برنوع مذهب فیلسوفانه یه سالک آدملردر •
 سائر خرسیتیانلر و بالخاصه قاتولیکلر بو اوچ مذهب اربابی
 اصلا سومزلر وانلرک بقاسنه مساعده ویرمکی دخی

ایستمر از ایسه ده اوستریا جه مقدار لری ایکی بچق میلیون
 درجه سنه وار دینگی کبی ر لری دخی غایت صعب
 اولدینغه و بر زمانه قدر قاتولیکردن کندی مذهب لری
 ستر ایلمش بولند قلیینه مبنی مؤخرأ پروتستانلر ایله
 اتفاق ایدرک هر نوع تعرضات دینیهیه مقاومت
 ایلمش لر و اوستریا دولتی هر درلو ادیان ار بانه
 حریت ویرد کدن صکره ایسه بولر دخی نائل سربستی
 اولمش لر در .

ایشته « اوستریا » نامی التنده برلشوب بر بیوک
 ایمپراطورلق تشکیل ایدن ممالک حقنده خلاصه اله -
 جغیمز معلومات جغرافیه شوندن عبارت اولوب انجق
 بو ممالکه کرسی اولمش و اوستریا تاریخی ایچون مهد
 ظهور اوله رق الیوم اصل « اوستریا ارشیدوقه لغی »
 دینلکده بولنش اولان قطعده دخی بروجه آئی
 خلاصه الخلاصه اوله رق معلومات جغرافیه المق
 لازمه دن بولمش در .

بوارشیدوقه لقی شمالا مور او یا و بوهمیسا وغرباً
 تیرو ل و باویرا و جنوباً ستیری و قارینتی و شرقاً مجا -
 رستان ایله محدود و محاط بیوک برو لایت اولوب ایکی

بچق میلیون قدر اهلینسی واردر که ویانه شهری اصل
 بو قطعه نك مرکزیدر . طونه نهری بو ارشیدوقه .
 لغك اورته یرندن چکر ایسه ده انك موجب اولدیغی
 تقسیمه اهمیت ویرلیوب اصل «آنس» نهرینك قطعه یی
 آقیر لایه رق موجب اولدیغی تقسیمه اهمیت ویریلوب
 بو نهرك الت طرفنده بولنان قسمة «اشاغی اوستریا»
 و اوست طرفنده بولنان قسمة دخی «یوقاری اوستریا»
 نامی ویریلور . ویانه شهری اوستریانك مرکزی
 اولوب یوقاری اوستریانك مرکزی دخی لنیج شهریدر .
 (اوستریانك تقسیمات تاریخیه سی)

بز بو اثرده هر دولتك تقسیمات تاریخیه سنی ممکن
 اولدیغی مرتبه لرده اودولتك انقلابات جسیه سی میا-
 نده وقوعاتك انقطاع ایلدیکی زمانلرده کسه رك اکا
 کوره ترتیب ایتدی مسلك مخصوص اتخاذا ایلدی کمزدن
 اوستریا تاریخنی ایچون بو اصوله رعایتله درت
 باب تفریق ایتکده یز . باب اول اوستریانك تاریخ
 نظرنده طائمه باشلامسندن بدأ ایله ۹۸۰ سنه میلادیه .
 سنده اوستریانك « مارغراویا » صورتده بر حکومت
 اوله رق تشکیل ایلدیکی زمانه کلنجه یه قدر کذران
 ایلیان وقوعاتی جامعدر . ایکنجی باب تاریخ مذ-

گوردن باشلايه رق ۱۲۸۲ سنه ميلاديه سنده اوستريانك
 هابسبورغ خاندانى تملكى التنه كيردىكى زمانه قدر
 كوريلان انقلاباتنى شاملدر . او چنجى باب هابسبورغ
 خاندانك ابتدائى ورودى اولان سالف الذكر ۱۲۸۲
 سنه سندن بدأ ايله ۱۷۲۵ سنه سنده بو خاندانك «اوتریش
 لورن» عنوانى المق صورتيله تجدد ايلدىكى زمانه
 قدر وقوعاتى جمع ايدر . درنجى باب ايسه اوتریش
 لورن خاندانك تازمانمه قدر دوام ايليان مدت حكومتلى
 وقوعاتنى جامعدر .

اشبو ابواب اربعه دن برنجيسى او چ فصله تقسيم
 ايلدك كه برنجى فصلده اوستريانك احوال ابتدايه سنى
 رومالورك اورالرى استيلا ايلدكارى زمانه قدر حكايه
 ايدوب ايكنجى فصلى قطعۀ مذ كوره نك باويرالور ايله
 آوارلاره سنده تقسيم ايلدىكى زمانه قدر كتوره جكز .
 فصل ثالثه ايسه فرانسه امپراطورى شارلمانك قطعۀ
 مذ كوره يي فتح واستيلا سيله اوراده تشكىل ايدن
 ايلك مارغراويا لغه قدر كله جكز .

ايكنجى بابى ايكى فصله تقسيم ايدرك برنجى فصلده
 اوستريانك بابنبرغ خاندانى اداره سنده مارغراويا لى

ودوقه لوق صور تیله اداره اولندیغنی وایکنجی فصلده
هابسبورغ خاندانک و رودینه قدر اوستریانک المانیا
و بوهمایا دولترینه التحاقنی حکایه ایلیده جکز .

اوچنجی بابی اوچ فصله بالتقسیم برنجی فصلنده
هابسبورغ خاندانک المانیا ایمپراطورلغی کبی اوستریا
ایمپراطورلغی دخی کندیله بر عنوان ارثی اتحاد
ایلدکری زمانه یعنی ۱۷۹۸ سنه میلادیه سنه قدر
اولان وقوعاتی اجمال ایدرک ایکنجی فصلده شارل کنک
اوستریایه ویردیکی وسعت عظیمه دن صکره بوملک
واسعک ایکی قرن داش ارسنده انقسامنه یعنی ۱۸۰۶
سنه سنه قدر اولان وقوعاتی یازه جغز . اوچنجی
فصلنده دخی ایمپراطور یچه ماری تهره زک فرانسوا
ده لورن ایله بالازدواج مومی الیهک اوتریش لورن
خاندانی تشکیل ایلدیکی زمانه قدر که جکز .

دردنجی باب بش فصله تقسیم اولنهرق برنجی
فصلنده ۱۷۹۱ سنه سنده اوستریانک فرانسه علیهنده کی
اتفاقه دخولی زمانه قدر اولان وقوعاتی وایکنجی
فصلده ۱۸۱۵ سنه سنده اوستریانک بلیات حریره دن
قورتلدیغی زمانه قدر اولان احوالی و اوچنجی فصلده

قانون اساسی محارباتی و در دنجی فصلده ایتالیان
ایالترنیک اوستریادن انفکا کنی و بشنجی فصلده اوستریا-
یانک احوال اخیرہ سنی خلاصہ و اجال ایلیہ جکر
اشبو تقسیمات اساسیہ میانہ بعض مباحث مستقلہ
ایچون آریجہ بند مخصوصہ درجی سائر جلدلرہ
دخی مراجعت ایلدیکمز اصولدن اولمغله بو جلدہ
دخی ایجابنہ کورہ برطاقم بند مخصوصہ بولنہ بیله جکدر

✽ برنجی باب ✽

« ابتدادن ایلک مارغراویالغک تشککنہ قدر »

عن ۰۰۰ الی ۹۲۸

(برنجی فصل)

« اوستریانک احوال ابتدائیہ سی »

عن ۰۰۰ الی سنہ ۳۳ میلاد

تفصیل - میلادعیسادن مقدم المانیا طرفلری
اوزمانک ممالک متمدنہ سی اولان روما و یونانستان طرف-
فلری ایچون عادتاً ممالک مجهولہ دن ایدی • ذاتاً بورا-
لرہ برحالت وحشیہ ایچنہ پراکنده پریشان کرن
وبوکون براورمانده مسکن طوتدیغی حالده یارین بش
الٹی ساعت اوزافده واقع بر مغاریہ کیروب بارینان

اهالی دخی عظیم الپ طاغیرینی چکوبده ایتالیا وا۔
دیترینه اینه رک کندیلرینی رومالولره طانتدیره منزله
ایدی •

اسکندر کبیرک پدیری اولان فلیپ شمیدیکی خر۔
واتستان طرفلرینه عسکر سوق ایلدیکی زمان ما کدو۔
نیالولرک بعض مفزهلری دها ایلرویه وارهرق شمیدیکی
اوستریا ارشیدوقه لغنک شرق جهتلرندن برطاقمیرلری
کشف ایتشلر ایسه ده اولیه جداً استیلا عد اولنه بیله۔
جک صورتده اورالرجه تمل طوتدیره مامش ایدیلر •
فلیپدن صکره اوغلی بیوک اسکندر دخی شمال طرف۔
فرنده کشت و کنار ایلیمان اقوام وحشیه اوزرینه
عسکر سوق ایلدیکی زمان بونلردن بعض قوللر غربه
طوغری تبدیل استقامت ایدرک باویرا ممالکنه قریب
محللره قدر وارمشلر واوراده یرلورلی کویا تحت اطالیا۔
عته کتورمشلر ایسه ده ممالک مذکورهنک یونانستانه
بعدی ویوللرینک صربلغی حسیبله شو ایلاک حاصل
اولان مناسبتی محافظه ایدهمیه رک صکرهلری ممالک
مذکورهنی ینه ترک ایتکه مجبور اولمشلردر •
رومالولر معدن ارامنی و بو مناسبتنه ممالک شم

لیہ پی دخی کشف ایتک ایچون شمالہ طوغری ایلرولد۔
 کجہ بر تیمور چوق و مکوش و التون معدنلرینہ راست کلد۔
 کلرندن شو امید کندیلرینی باویرا واصل اوستریا جہتلر
 ینہ طوغری سوق ایلدی • بونلرک ایلرولمسسنہ مقابل
 اہالی قدیمہ دن اولہرق تک توك راست کلان بیان
 آدملری دخی شمالہ طوغری قاچہرق رومالورلرک ایلرو۔
 ملرینہ ہیج برشی مانع اولہ مز ایدی • بناء علیہ تا طو۔
 نہ نہرینہ قدر اولان ممالکی رومالور سیاحت و کشف
 ایدرک اورالردہ بولدق لری خزائن طبیعیہ یہ طمعاً لرشمکہ
 دخی قرار ویردیلر •

الک اول ایمپراطور اوکوست شمال طرفلرینہ بر
 ہیئت عسکریہ و بعض مهاجرین کوندروب اوراسنک
 رومیہ تابع برولایت اولدیغنی اعلان ایلدی • واسمی
 دخی «نوریکوم» تسمیہ اولندی کہ «اقلیم شمالی»
 معناسنی افادہ ایلر ایدی • بوولایت اوستریا ارشیدوقہ۔
 لغی ایلہ باویرا قرالغنگ بعض محللرینی شامل اولوب
 بوندن ماعدا نوریکومک شرق طرفندہ یواش یواش
 برولایت دها پیدا اولدی کہ انک اسمنہ «پانونیا» تسمیہ
 اولندی • ایشته یالکز اوستریا ارشیدوقہ لغنگ قسم

شرقیسی دکل بلکه شمیدیکی اوستریا ایمپراطورلغنیك
اسقلاوونیا و خرواتستان ولایتلییه مجارستانك بیله
غرب جهتندن بر مقدار ی بوولایت ایچنده داخل ایدی .
رومالورلك شماله طوغری بو صورتله توسیع ممالک
ایتلری یرلی اھالی و وحشیه نك نظر دقت و اھمیتلرینی آچہ رق
بونلر دخی هر طرفدن طویلانوب جمعیتلرینی بیولتدکجه
بیولتمکه باشلامشر و حتی میلاد عیسان ۱۵ سنه
مقدم رومالورلك جرمن طائفه سی دیه یاد ایلدک لری اقوام
مذکورہ طرف طرف ایاقلانوب بالخاصه پانونیا ولایتندہ
بولنلری مجارستان طرفلرندن امداده چاغردق لری
برچوق و حشیلر ایله برلشوب جمعیتلرینی بیولتہ رک
رومالورلی عادتار جعتہ دخی مجبور ایلشردر .

بواھالی المانیا و فرانسه تاریخلرندہ حاللری تفصیل
اولنان سائر اقوام و وحشیه کی اچلغہ چپلاقلغہ بالطبع
الشقین آدملر اولوب هله و جودجه قوتلری و چو -
یکلکاری بر درجہ ده ایش که رومالور ایچون چیقہ
ییلک محال اولان دوز و دیوار کی طاغره و قیازہ
کچیلر دن زیاده بر سرعتله طرماندق لری کی بونلر کرک
فرارده و کرک تعقیبده بر ساعتده یکرمی کیلومتر و قدر

مسافه قطع ایتک مرتبه سنده حیرلی قوشارلر ایش که
 درت کیلو مترو بر فرسخ اعتبار اولنور ایسه بش
 فرسخک مسافه بی بر ساعتده الیورلر مش دیمک اولور .
 بو ایسه همان بزم از مید شمندو فرینک سرعتنه مساوی
 اوله بیله جک بر سرعت عد اولنور . الحاصل
 رومالولر بو عجیب و غریب مخلوقاتک کندی اوزرلرینه
 هجوملرینی کورنجه شاشیروب اول امرده عادتار جعتنه
 مجبور اولمشلر ایدی . بناء علیه روما ایمپراطوری
 تیبهر میلادک ۱۲ سنه مقدمه سنده مکمل بر اردو ایله
 نوری کوم و پانونیا ولایتلرینه کیره رک نیجه خوزر یزانه
 محاربه لر ایله اقوام مذ کوره بی رجعتنه مجبور ایده .
 بیلشدر .

انجق اقوام وحشیه مذ کوره ایچون بویله رجعتلر
 مغلوبیتلر فلانلر موجب یأس اولور حالاتدن عد اولنمز
 ایدی . بونلر عادتار رومالولرک کندیلرینه یتشه مد .
 کلری ایچون کوله رک رجعت ایدرلر . بناء علیه اره .
 لق بولدقجه روما مفرزه لر ی اوزرینه صالديره رق بر
 آنده اوروب قیردقدن صکره ینه فرار ایتک و بویو .
 لده کی مهاجراتی عادتا بر نوع اکنجه اتخاذا ایتک بونلر

يچون عادت اولشیدی . ميلادك ۹ سنهٔ مقدمه سنده
 بونلر عموميت اوزره بر قیام دهها ایدرك تیبه رتکرار
 شمال ولایتلرینه اردو چکمش و بو دفعه دهها زیاده
 همیتله طورانه رق پک چوق و حشیلری قلجدن پگیر-
 ش ایدی . شو مغلوبیت اقوام محلیه بی بر درجه یه
 در ییلدیر مغله بونلر مهاجاته بر قاچ سنه فیصل ویر-
 شلر و او مدت ظرفنده دخی رومالولر طرقی مراسله
 مخبره لر یله برده مواقع عسکریه لرینه قوله لر انشا
 ایدرك اسباب محافظه بی آمام ایتشدر .

بونکله برابر اقوام جرمانیه نك مهاجاتی بتون
 تون کسک ینه ممکن اوله مدی . بونلر هر نه زمان
 نر زده فرصت بولورلر ایسه رومالولری باصوب
 مخصوص محارباتک دوامیله کندیلرندن پک چوقلری
 رومالولر یئنده اعدام ایدلش بولنمسندن فکر انتقامه
 نخی شدت ویرمش اولدقلری جهتله ارتق راست
 شور دکلری رومالویی همان اعدامدن کیر و طور مزلر
 دی . شو حالده روما ایمپراطوری تیبهر عظیم بر
 دویی تکرار شمال طرفه سوق ایدرك بو اردوسوزن
 رجیلری کبی ولایتک هر طرفنی سوزش و وحشیلری

طونہ نہرندن اوتہ طرفہ قدر سوروب چیقارمشدر •
 بوحرکات عسکرینک ارقہسی انجق میلاددن
 ۳۳ سنہ صکرہ النہ بیلہرک رومالورلر حدود شمالیہ نک
 محافظہسی ایچون تقیدات کاملہدہ دخی ارتق قصور
 ایتماکہ باشلامغله ایشته اندن صکرہ وحشیلرک پای
 مهاجہسی بوقطعه لردن کسپیشدر •

(ایکنجی فصل)

اوستریانک باویرالورلر ایله آوارلر ارہسندہ

تقسیمہ قدر

عن ۳۳ الی ۵۸۲

تفصیل - رومالورلرک حدود شمالیہ فصل
 سابقہ بیان اولندیغی صورتہ ویردکاری متانت
 وداخلاً دخی طرق مراسلہ ومواقع عسکرینہ بی محام
 فظہ خصوصندہ کوستردکاری اہمیت اہالی ووحشیہ
 نک جسارتنی بالکلیہ قیرمش ومؤخرراً اورالردہ روما
 لورلرک کویلری وقصبہلری چوغالوب بیودیکی جہتہ
 عادتاً مملکت بالکلیہ بر روما ولایتی صورتنی المش
 ایندی • بوصورتلہ اول طرفلرک روما ادارہسی التندہ
 قالمی بش عصر قدر مدت دوام ایلمش اولوب صکرہ

زی روما ایمپراطور لغی قسم شرقی و قسم غربی دیه
 یکی به انقسام ایلدیکی زمان نوری کوم و پانونیا و لا -
 تتری دخی رومای غربی ایمپراطور لغی حصه سنه
 صابت ایتش ایسه ده رومای غربی اقوام شمالیه نك
 هجومندن کندی یقاسنی محافظه و تأمین ایده مینجه
 و ولایتی دخی طبیعی اقوام شمالیه یدینه کچم شدرد .
 شویله که :

۱- اول المانیا ایچلرینه انتشار ایتش اولان و وحشیلر
 فون طائفه سی ایدیلر که کائنانک سائر بعض جهتلرنده
 دخی ایضاح ایدلمش اولدیغی و جهله بونلر عن اصل
 سیای و سطینک مغول دنیلان جنسندن اولوب بر قحط
 عظیمک اجباریله غرب طرفنه طوغری قاچه رق شمدیکی
 روسیه و مجارستان و رومانیا و اوروپای عثمانیده واقع
 حکومت قدیمه یی و بالخاصه « شرق ایمپراطور لغی »
 امیله استا نبولده حکومت سورن روم ایمپراطور -
 نی امانه دوشوروب خراج کسدکن صکره آتلا
 ام رئیسلرینک سوقیله غربه طوغری دهاز یاده
 وزانمش و رومیایی دخی امانه دوشوره رك نهایت
 بحر خزك قفقاس اقلیمی ساحلرندن بدأ ایله فرانسه

و المانیا اره سنده جریان ایلین رین نهرینه قدر کافه
 ممالکی تحت استیلارینه المش ایدیلر .
 ایمدی هونلرک شو دور جهان کیرانه لرنده یالکز
 شمیدیکی اوستریا ارشیدوقه لغی دکل حتی یالکز شمیدیکی
 عموم اوستریا ممالکی ده دکل المانیا و ایتالیا و روسیه
 و اوروپای عثمانی و الحاصل اوروپا قطعده سنک نصف
 جنوب شرقیسی تماماً بونلرک یدینه کچمکه اوستریا
 ارشیدوقه لغی یعنی قدیم رومانک نوریکوم و پانونیا
 ولایتلری هونلرک برولایتی حکمنی المشیدی . آتیلانک
 وفاتندن صکره بوهیکل عظیمه تشنت عارض اوله رق
 تحت مغلوبیتلرینه کیرمش اولان ملتردن برطاقی یواش
 یواش کندیلرینی قورتارمشلر ایسه ده بونلرک بر بویک
 قسمی آتیلانک دینسکیچیک نام اوغلنک ریاستنه تابع
 اوله رق شمیدیکی مجارستان طرفلرینه یرلشوب قالمشلر درکه
 مجارلره حالا « هونغر » دنیلسی اشبو هونلردن قالمه
 بر نام اولدیغنه مورخلر بالاتفاق حکم و یردکارندن
 مجارستان طرفلری بونلرک استیلاسندن کندیسنی
 قورتاره ماش اولدیغی کبی پانونیا ایالتنک قسم اعظمی
 دخینه بوهونلرک استیلاسی التنده قالمشیدی . پانونیا

ولایتک سائر طرفلریله نوریقوم ولایتی ایسه عن اصل
ینه هونلر کبی شرق طرفندن کلش اولان غوت
طائفه سنک بر قسمی بولنان اوستروغوتلر استیلاسنه
چکشیدی . زیرا آتیللانک هونلری رومیله قدر
کتورمش اولسی رومالولری دوچار حیرت و پریشانی
ایدرك اطرافجه ایدیلان کشفیاتدن دخی هونلرک بالکلیه
مندفع اولدقلری و بلکه پانونیا ولایتک بر قسمی حالا
الرنده بولندیردقلری خبرالنججه شاید بونلر بتکرار روما
اوزرینه هجوم ایدرلردیه روما ایمپاتورلغنه اوسترو-
غوتلری جلب و دعوت ایلشیر و پانونیا و نوریقومک
اراضی باقیه سنی مالکانه اوله رق بونلره و یروب
اقوام شمالیه بی طونه نهرندن برو طرفه وبا خصوص
باویرا و نوریقوم ایچلرینه کچه مامک امرنده بوو حشیلری
بکجی اوله رق حدود بوینه نصب و اقامه ایتمشرایدی .
اوزمان اشبو اوستروغوتلرک تئودوریس اسمنده
کندیلرندن بر قرالری بولنوب ایتالیا طرفلرنده بولنان
هرول نام اهالی باغیه نک ایمپاتور زنون علیهنه قیام
و هر طرفی ازعاج ایتملرندن ناشی طرف ایمپاتوریدن
بیان اولنان آرزو اوزرینه تئودوریس باشنه بر بلوک

استروغوت جنکاور لری طویلا یوب ایتالیا یه اینمش
 وواقعا باغیلری قهر و تنکیل اینمش ایسه ده حاضر
 بو صورتله اله کچیردیکی بر طاقم ممالک لطیفه دن بردها
 چیقماق ایستماشدر اوسترو غوتلرک ایتالیا برلشملی
 ۲۹۰ سنه میلادیه سنه، مصادف اولوب بونلرک قور -
 دقلری حکومت ایسه التمش سنه قدر دوام ایتمکله
 دیمک اولیور که بودفعه دخی پانونیا ونوریکوم ولا
 یتلری یعنی شمدیکی اوستریا ارشیدوقه لغی التمش سنه
 مدت اوستروغوت ولایتی حالنده قالمشدر .

اشبو اوستروغوتلر دن پانونیا ونوریکومی قور تارمش
 اولانلر « بویای » نام اقوام ایدیلر که بونلر قسم اغلبی
 فرانسه طرفلرنده انتشار ایدن و خصوصیت احوالری
 فرانسه تاریخنده بیان اولنان غول طائفه سندن متشعب
 برطاقم عشائر اولوب جرمانیانک پک چوق یرلرینی
 استیلا ایلمشدر ایدی . انجق کندی ارهلرنده دخی اتحاد
 تاملری اولدیغندن اوله هونلر و اوستروغوتلر کی
 یکپاره وقوتلی بر دولت تشکیل ایده مامشدر .
 اک اول بحر بالطق سواخلنده کورلمش اولدیغی
 حالده یواش یواش جنوبه طوغری اینهرك استیلای

بلاد ویغهای عمومی مثل انقلابات جسمیه ارقه سندن
 فرانسه و اسپانیا طرفلرینه اینان وبعده افریقا جهتیه
 کچهرک قارتاج بلادینی استیلا واندن صکره سنجلیا
 وروما و یونانستان و سائر بی دخی هر ج و مرج ایلیان
 و اندال اقوام کثیره سی جنوبدن شماله طوغری وقو -
 عبولان شو صوک تسلطلرنده « بوی » فرقه سنی ده
 ازوب پانونیا و نوریکوم و لایتلرینی دخی چکنه مشلر
 ای دیسه ده بو حال و اندال لریک صوک زمانلرینه یعنی التبحی
 عصر اوائلنه تصادف ایتمکله بونلر دخی تمل طوته -
 میهرق منقرض اولمشلر در .

بوندن اولکی سکزنجی جلدده بیان اولندیغی اوزره
 مکلمبورغ دو قهرلرینک کندیلرینه و اندال پرنسی عنوا -
 نی ویرملرندن استدلال اولندیغنه کوره اقوام مذکو -
 رهدن بر مقدار ی جرمانیا طرفلرنده بارینه بیلمش اولد -
 قلی کبی پانونیا و نوریکوم و لایتلرنده دخی بونلرک
 بقیه لری بارینه ییلدکلی مورخلرک جمله روایاتندن
 ایسه ده هر مستولی اقوام کلد کجه بونلردن بر مقدار
 دو کوندینک کلدکلی و کچدکلی یرلرده باقی قاله جعی
 طبیعی بولندیغندن بو حاله و اندال لریک نوریکوم و پانونیا -

ده تمل طومش اولمری معناسی ویریله من .

اقوام وحشیة شمالیه میاننده الك زیاده شهرت
 المش بولنلاندن بر قسیمی اولمش اولان لومباردیالولر
 دخی ایلك ساکن اولدقلری الب نهری وادیلرندن
 چیقوبده میلادك اتنجی عصری منتهالرینه طوغری
 هونلر جنسندن اولهرق شرق طرفلرندن چکلمش بولنان
 آوار اقوامیله بالاتحاد ایتالیایه طوغری ممالک واسعه یی
 استیلایه باشلادقلری زمان واندال و سائر ناملریله
 اوزمانه قدر المانیای جنوبییه انتشار ایتمش اولان
 اقوام بقیه سنك نام ونشانلرینی بالکیه محو ایدرك
 بتون ممالکی ید استیلالرینه المشر وازجمله باویرا ونور-
 یکوم وپانونیا ولایتلری بونلرك استیلا ایلدقلری ممالکه
 نسبتله اورته لقی یرلره دوشدی کندن اورالره دهها زیاده
 اهمیت ویرمشلر ایدی . همده بونلرك بودفعه کی
 یرلشملی سائر اقوام کبی اوپله سریع الزوال اولمیوب
 سورکلی بر حکومتك اساسنی وضع وتحکیم دخی
 ایشلردر . زیرا لومباردیالولر ایتالیایه عاداتا تمامیله
 فتح واستیلا ایلدکن صکره پایا دردینجی ایه نك وقوع
 استمدادیله فرانسه ایتالیانك امدادینه کله رك لومباردیالولر

آلپ طاغلرینک اوتنه طرفنه کوچ حال ایله آشیر یله -
 بیلدیکندن بونلرلا شوقدر حق بر رجعتی موققیات
 عظیمه دن عد اولنه رین المانیای جنوبی طرفلر نده تأسس
 ایتملرینه ایلشن بولنما مشدر . حتی « لومباردیا »
 اسمک تازمانمه قدر دائم و باقی اولسی وندیك حکومتنه
 وشهرینه « لومباردیا وندیك » دنیلدیکی کبی ایلروده
 ایتالیا تاریخنده ایضاح اولنه جغی اوزره شمیدیکی ایتالیا
 دولتک ایلک منباسی دخی لومباردیا ولایتی اولمسيله
 میدانده اولوب اهمیجه بوندن دهها زیاده اولمق اوزره
 شونی ده عرض و اخطار ایلر زکه دهها التجی عصرده
 تشکل ایتمش اولان لومباردیا قرالغنک « تیمور تاج »
 دیه مشهور اولان تاجی مؤخرأ المانیا ایمپراطور لرینک
 دخی علامت شهنشاهیسی اوله رق مشهور شارل کن
 بوتاجی توج ایلدیکی کبی برنجی ناپولیونک دخی بونی
 توجه کند یسینی جداً شهنشاه جهان عد ایتمش
 اولسی تواریخده مشهور در .

الحاصل شمیدیکی اوستریا ارشیدوقه لغنک و حتی
 اوستریا ایمپراطور لغنی تشکیل ایلان ممالکدن سائر
 برچوق اقسامک دخی احوال ابتدایه سنده ک سو-

رکلی مستولیری لومباردیالور اولوب فقط بونلر
 یواش یواش اصل کندی ناملرینی جنوب طرفلرینه
 یعنی ایتالیا ایچلرینه نقل ایلدیکه پانونیا ولایتنده یالکیز
 آوارلرک حکمی قلمش وانلر دخی برارالق اقوام
 متجاوره طرفلرندن صقشدیرلغه باشلامغله باویرا
 طرفلرنده کندی اوزرلرینه کلان اقوام جرمانیه
 ایله بالمصالحه مملکتی مشترکا استیلا اتمکله رضا
 کوستر مشلردر .

(اوچنجی فصل)

« شارلمانک استیلاسیله ایلاک مارغراویالق »

عن ۶۶۶ الی ۹۸۰

تفصیل - شمدیکی اوستریا ارشیدوقه لغنی تشکیل
 ایدن پانونیا ونوریکوم ولایتلری فصلل سابقده بیان
 اولندیغی اوزره آوارلر ایله باویرالور یندنه منقسم بو-
 لندیغی زمانلره قدر بورایه هنوز خرستیانلق کیرمامش
 ایدی . واقعا روما پای تخت نصرانیسی اورالری
 خرستیانلق دائرہسی داخلنه المغه سعی وغیرت ایشدر
 که بوندن مراملری دخی اقوام شمالیه دیانت نصر-
 نیه پی قبول ایلدیک اولورلر ایسه رومانک بونلر طرف-

فندن وقوعبوله جق تسلط احتمالندن امین قاله جنجی
 قضیه سی ای دیسه ده اقوام مذکوره دائماً یکدیگریله
 محارب اولوب بونلردن بر محله یرلشوب قالانلری بور
 نمدیغندن رومالیر یرسز بر قومی خرسیتیان ایده جک
 اولسه لر ایدی بیله براز زمان صکره اوقوم محو اوله -
 رق یرینه یکی باربارلر کلمش اوله جق قری جهتله اولکی
 همت دخی ثمره سز قلمش اولور ایدی .

المانیانک سائر طرفلری کبی بوممالکی دخی الک
 اول خرسیتیانلق دائره سی داخلنه ادخال ایدن فرازیه
 ایمپراطوری شارلماندر . (فرانسه . ص ۱۰۵ امر)
 حتی ذکر اولنان ایکی ولایتیه الک اول «اوستریا» نامی
 و یرن دخی اودرکه بورالری اصلاح ایلدیکی زمان
 «ولایت شرقیه» معناسنه اوله رق بونامی و یرمشیدی
 مع هذا شارلمانک اشبو اقوام جرمانیه یه غلبه سی اویله
 قولایجه میسر اولمدیغی و پک چوق زجت و دفعه اتله
 محاربه و مهاججه لردن صکره اقوام مذکوره نک مغلوب
 و مقهور ایلدیکی فرانسه و المانیا تاریخلرنده کورلمشدر
 بالخاصه شارلمان الک بیوک صعوبتی آوار جنک اورلری
 قارشوسنده کورمش و بونلر قبح اولنان ممالکده قاله جق

اولورلر ایسه البته بر فالق دها چیقاروب بالاخره
 بونجه زجتلك هبا اوله جغنی نظر دقت و اهمیته المش
 اولدیغندن اوستریا ولایتده نه قدر آوار وار ایسه
 جمله سنی ترك دار و دیار ایله ایستدکاری محله هجرته
 اجبار انلش و چیقما نلرك عمومأ قلیجیدن کچیریله جکی
 درجه سنه قدر واران تهدید آوارلری اورادن چیقمغه
 مجبور ایتشد .

شارلمان اوستریایی بو صورتله استیلا و کندی
 غرب ایمپراطور لغنه بر سر حد ولایتی اولوق اوزره
 ربط و الحاق ایلدکن صکره اوستریا دن چیقان آوارلر
 کندی جنسلرندن اولان هونغرلرك یعنی مجارلرك نزدینه
 کیدرت تا شارلمانك وقوع وفاتنه قدر پك ده سدس
 چیقاره مقسزین اوراده وقت کچیر مشلر ایسه ده شارلمان
 وفات ایدوب ده اوغلاری و انلرك دخی اولادی اره سنده
 قرن داش قرن داشه و بابا اوغله اوغل بابایه قارشو محاربات
 داخلیه ظهوره کلدیکی و بو محارباتك نتیجه لرنده شار-
 لمانك غرب ایمپراطور لغندن بر چوق قرالقلر و المانیانك
 سینورلری اداره سی التنده بولنان ولایتلرندن دخی
 کوچك کوچك بر چوق حکومت مستقله تشکل

و ظهور ایلدیکی زمانلر (المانیا • ص ۴۶ و صحایف
متابعه یه مراجعت بیوریه) ا کرچه اورته ده برده
المانیا ایمراتور لئی و ارایدیه ده بونک کندینه مخصوص
قوتی اولیوب حکومت جرمانیه نك قوتلری دخی
یکدیگری علیه محارباته اسراف ایدلدیکندن شو حال
بجارستانه کیدن آوارلر ایچون بر میدان فرصت
آچشیدی •

بناء علیه بونلر بچارلر ایله برلشهرک تشکیل ایلد -
کلری فرقه لر ایله وقت و فرصت بولدجه اوستریا
ولایتنه هجومه باشلاملریله ا کرچه بر قاج دفعه هجوم -
ملینه مقاومت اولند بیلس انسدده بر قاج دفعه سنده
دخی مهاجمات واقعه تمام المانیا حکومتلرنک آندی
محاربات داخلیه لریله مشمول اولدق لری زمانلره تصادف
ایدرک قارشولرنده «بیج بر قوه» مانعه یه تصادف اید -
میان آوار و هون فرقه لری حوالی مذکوریه بی هرج
و مرج ایتمکله نهایت ۹۲۸ سنه میلادیه سنده المانیا
ایمراتوری هازی لو اولور اوستریا ولایتی «مارغراویالق»
صورتنه قلب ایش و بوصولته شرق طرفدن بچار
و آوارلرک مهاجمانه بیاغی مقاومت امکانی حاصل
اولمشدر •

« مارغراویا » دیمک سرحد بکلی دیمک اولوب
 بورالرده بولنان بکله « مارغراو » ویاخود « مارکی »
 دیرلر ایدی . برزمانلر دولت علیه عثمانیه ده دخی
 سرحدولایتلری و سرحد بکاری اولوب بوبکله حرکات
 و سکنت واقع لرنده بر درجه یه قدر مستقل ایدیلر
 ایسه ده ازمنه متوسطه ده فرانسه و المانیانک مارکی لری
 ده مستقل اوله رق معیتلرنده دائمی صورتله حاضر و آماده
 بولندیر دقلری فرقه عسکریه ایله حدودلری محافظه دن
 بشقه هیچ بر مأموریتلری یوق ایدی . بولنر منسوب
 اولدقلری دولته ویرکو ویرمک و سائر ایله مکلف
 اولیه رق زیر اداره لرنده بولنان ولایتلر اعلالیسندن
 عادتاً مصادره کبی بر صورتله نه قدر واردات حاصل
 ایده بیلورلر ایسه انلرله کندیلرینی زنکین ایدوب افراد
 عسکریه لری ایسه هر برلری غاصبلق صورتیه ثروت
 و سامان آرارلر ایدی . بناء علیه سرحدده بویله
 بر فرقه بولندیغی زمان یالکز خارجدن هجوم ایدن
 فرقه بی رجعته مجبور ایتمکه دخی قالیوب اره لقمده
 بر کندیلری دخی دشمن ممالکنه آقینلر ایدرک هر نه
 بولوب چاوپه بیلورلر ایسه اغتنام ایدرلر ایدی . ایشته

بو مارغراو یالق اصولی بویله کیجه کوندوز دائمی
 صورتله سرحدنری محافظه یه بذل قدرت ایلدیکندن
 آوار و مجارلرک مهاجراتنی منع متقدر اوله بیلمشدر .
 اشبو ایلك مارغراو یالق ۹۶۸ سنه سندن ۹۸۰
 سنه میلادیه سنه قدر یاریم عصر قدر مدت دوام ایش
 ایسه ده بو مدت ظرفنده اوراده بلمی باشلی بر خاندان
 مسلسل و متصل صورتده اجرایی حکومت ایتیوب
 مارغراو اولان ذات طوغریدن طوغری یه المانیا امپرا
 طوری طرفندن نصب و ارسال اولنور ایدی . بناء
 علی ذلک بو برنجی مارغراو یالغی اوستریانک ایلك
 استقلال تامی دیه عد و اعتبار ایتکه امکان اولیوب
 اوراده بر معین خاندانک مطرداً و متسلسلاً اجرایی حکو
 مته باشلامسندن اعتباراً تاریخ استقلالی دخی وضع
 اولنق لازم کلور ایسه بو تاریخ بابنبورغ خاندانک
 مارغرا و یا خودمارکی عنوانیله اوستریا حکومتنه تعیین
 اولنملرینه مصادف اولان ۹۸۰ سنه میلادیه سندن
 اعتبار ایلمک لازم کلور که قطعاً مذکورنک بوزمانه
 قدرکی خلاصه احوال تاریخیه سی نوعما بر مقدمه مقاد
 منده اولق اوزره اشبو برنجی بابده ذکر اولنوب

بوندن اشاغیسی دخی بروجہ آتی ایکنجی بابده عرض
و حکایہ قلندہ جقدر .

✽ ایکنجی باب ✽

« بابنبرغ خاندانندن هابسبورغ خاندانده قدر »

عن ۹۸۰ الی ۱۲۸۲

(برنجی فصل)

« بابنبرغ خانداننک مارغراو ودوقه لقری »

عن ۹۸۰ الی ۱۲۴۶

تفصیل - اشبو بابنبرغ خاندانی کندی اسملرینی
بامبرغ ولایتینده کائن برشاتونک اسمندن المشردر که ولا-
یتک اسمی اولان بامبرغ لفظنک دخی شاتوسنک اسمی
اولان بابنبرغ لفظندن مخفف اولسی ملحوظدر . زیرا
بوشاتو غایت اسکی برشی اولوب فرانسه نک ایلك
مستولیرلی اولان فرانقلر زماننده انشا اولندیغی اثبات
اولنمقدهدر . خاندان مذکوردن تاریخ نظرندہ ال-
اول طانمش اولان ذات هازی اسمنده برآمددر که
۸۶۶ سنه میلادیه سنده « شرق فرانقلرینک قونتی »
عنوانی الهرق بوهمیا و صربلور طرفندن المانیا امپرا-
طورلغی حدودینه وقوعه کلان تجاوزاتی منع ایتمک

موتقیله کنديسنى المانيا امپراطورينه بکندير مشیدی
 اسلاو اقوامندن اولان صرب و بوهيمبالور ايله
 بولجا اوستریا مارغراو یالغنه هجومدن خالی قالماقده
 بولسا بچار و آوار چنه کورلرینک بؤدفعه بالاشترک
 سندی آر تدير دقلى مهاجماتی اوزرینه المانیانک حدود
 شرقیهستی لایق و جهله برانضباط التنه المق ایچون
 اطراف و جوارده واقع بعض اراضی و مواعی دخی
 اوستریا مارغراو یالغنه الحاق ایدرک بابنبر غردن لئو -
 بولدی تامنده بر آدم مارغراو یاخود مارکی ناميله اورا یه
 تقیب اولمش والی نهایت حدودی خارجی مستولیردن
 محافظه و مدافعه ایتمی شرطيله شو حکومتک استقلال
 کمال ايله برابر کندی اولاد و احفادینه دخی انتقال
 ایتمی شرط قلمشدر . ایشته اوستریانک اصل استقلالی
 قلمشخی بو خاندانن بدأ ایلر .

بعض مورخلر خاندان مذکورک اوستریا یه ورو -
 می یحشده اختلاف ایدرک اک اول سالف الذکر
 هاترینک اوستریا مارغراو یالغی حدودینی دخی محافظه
 یه مامور اولدیغنی و بناء علیه برنجی مارغراو و یاخود
 مارکی اوله رق مومی الیهی عد ایدرک ۱۸۶۶ سنه میلا -

دیه سنی اوستریا ایچون ایلاک تاریخ استقلال اعتبار
ایلاک اقتضا ایلیه جگنی درمیان ایدر لر • بعضی
ایسه لئو پولدک برنجی مارغراو اولدیغنی قبول ایدوب
شوقدر که ۹۸۰ تاریخنده مومی الیه مارغراولغه نصب
اولندیغنی زمان کندیسنه المانیا ایمپراطورلغی طرفندن
استقلال کامل و حقوق ارثیه ویرلماش اولوب مومی
الیهک ایکی سنه قدر مدت مهاجره پک کوزل مدافعه
ایلدیکی کوردکن صکره یعنی ۹۸۲ تاریخنده بو
استقلالک ویراش اولدیغنی سویلر لر • انجق جمهور
مورخین بابنبرغ خاندانک ابتداسی مومی الیه لئو -
پولد اولدیغنده وانک دخی ابتدای مأموریتی اولان
۹۸۰ سنه سنک اوستریا ایچون ایلاک تاریخ استقلال عد
اولنه جمنده ثابتدر لر •

اشبو بابنبرغر اوستریا مارغراولغنه کادکاری
زمان بوقطعه رومالورک اسکی نوریگوم وپانونیا ایا-
لتلرندن و برازده صکره دن الحاق اولمش یرلردن عبارت
اولهرق هر حالده طونه نهری بونک حدود شمالیه وشریه
قیه سنی تشکیل ایلر ایدی • اوستریا مارغراولری بویله
طونه نهری کبی بر حد فاصل بولندیغنی حالده بیله اقوام

شرقیه و شمالیه مهاجراتنی منع خصوصنده پک بیوک
 کوچملکر چکر ایکن بابنبرغلر مارغراولغه کلدکاری
 زمان بوهمیالور صریلر مجارلر فلانلر ارتق طونه
 نهرینی تجاوزله المانیا ایمراطورلغنه ایصال دست
 تعرض ایده مدکن ماعدا اوستریا مارغراولری طونه بی
 چکرک شمال و شرق طرفنده بولنان ممالکی برر برر
 کندی استیلاری التنه المغه باشلامشیر ایدی .

بویله اقوام وحشیهدن ضبط اولنان ممالکی
 انضمام ملک ایدمکه مارغراولر قوتلر دوقلر فلانلر
 بالطبع مآذون و مستحق اولدقلرندن بابنبرغلر ملکارینی
 توسیع ایلد کجه نفوذ و قوت و بناء علیه استقلاللرینی
 دخی تأیید اتمکه باشلایه رق نهایت اوزمانه قدر عادتا
 بر کوچک کویدن عبارت بولنان ویانه شهرینی اشبو
 بابنبرغ خاندانندن « ژان ویرغوت » دیه شهرت الان
 هاری ۱۱۵۱ سنه میلادیه سنده یکیدن کبی بر صورتله
 بنا و توسیع ایتدکن و اوراسنی اوستریا مارغراویالغنه
 مرکز حکومت اتخاذا ایلدکن صکره ارتق بو قدر
 واسع برملکه مالک اولان بر حکمدار یالکز مارغراو-
 یالق و مارکی عنوانی از کورمکه باشلادی .

واقعا بتاریخده المانیا ایمپراطوری بولنان او ^{دوق} قوزاد اوستریا مارغراولرینک ارزو ایلدکاری ^{دوق} عنوانی المرینه ممانعت ایلدی ایسه ده انک ^{دوق} وفاتیه یکنی فره دریق « برنجی فره دریق باربروس » عنوانیه ایمپراطورلق مقامنه کلوبده المانیانک ^{دوق} طرفنده بولنان قونت وروما کبی ^{دوق} حکمدارلردن ^{دوق} ایتالیا طرفنده بولنان برچوق قونتری ^{دوق} اطاعتی التنه ادخاله قیام ایلدیکی زمان اوستریانک ^{دوق} باینبرغری الدهه ایلمسی کمال اهمیتله لازم کلان ^{دوق} حکمدارلردن کورلمکله ۱۱۵۶ سنه میلادی سنه ^{دوق} بونلرک مارکی عنوانی ^{دوق} تحویل ^{دوق} سکو تیله موافقت کوسترمش اولدی .

اشبو ^{دوق} ایتیش اولدی . یکی ^{دوق} توسیع ایچون سلاحه صاریله رقی طونه نک اوتنه طرفنده ^{دوق} یرلردن اول قدر ممالک فتح ایلدیلرکه حدود ^{دوق} متلرینی بعض جهتلرجه شمذیکی ارشیدوقه لقی ^{دوق} دندن کیروده براقدیله ایسه ده بعض طرفلرجه ^{دوق} زیاده توسیع ایتشلردر . حساب متوسط ایله شمذیکی

وسعتی بولدیرمشدر . بونلردن سکزنجی لئوپولد
ویانه شهرینی بر قاتدها توسیع و تعمیر ایتمکله برابر غایت
کوزل برده سورانشاسیله شهری اوزمانلر اوستریایی
تعجیر ایتمکده بولنان مجار واسلاولره قارشو متین
و مستحکم برحاله کتورمشدر .

بونکله برابر بابنبرغ خاندانندن اولان اوستریا
دوقه نری المانیا ایمپراطور لرلیله امکان مساعده، ایلدیکی
قدر خوش چکنمکدن اصلا غفلت کوسترمدیلر . ایمپرا
طور ایکنجی فره دریق دخی تخت ایمپراطور یسنه کوز
دیکن رقیبلریله جنکله ایتدیکی وباخصصوص ایتالیا
طرفلرنده نیجه عظیم عصیان و اختلاللری تسکین ایله
اوغراشدیغی زمانلر اوستریا دوقه لغی کندیسنه بر
قوت ظهر اولغله ایمپراطورلق ایله اوستریا ارسنده
خصوصیت کیتدیکه قوت بولمش و ۱۲۳۷ سنه میلاد
دیه سنده ویانه شهری المانیا ایمپراطورلغنک الیمتاز
شهرلرندن بریسی اولمق اوزره ایمپراطورک حمایه
مخصوصه سی التنه کیرمشدر .

بورایه قدر ویرمش اولدیغمز خلاصه تاریخیه دن
مستبان اولمش بولنه جغی اوزره اوستریا دولتک اصل
واضع بنیانی و مؤسس استقلاللی اشو بابنبرغ خاندانی

اولوب بونلرک ایکی بچق عصر قدر دوام ایدن مدت
 حکومتلری طرفنده اوستریا قطعده سی هم وسعت بولمش
 وهم انتظام کسب ایتشد . خاندان مذکور دن کلان
 مارغراولر و دوقلر میاننده اغلبی هم جری و جنسکاور
 وهم ده ترقی پرور آدملر اولوب بونلر کرک حربی و کرک
 صلحی غایت عاقلانه برصورتله اجرا ایدرلر و حرب
 دن ده صلحدن ده اغلبیت اوزره هب کارلی چیقوب
 استفاده ایلرلر ایدی . خاندان مذکور مقام حکومتده
 براز دهها دوام ایتش اولسه ایدی بر مارغراویالق در-
 جه سنده بولدقلری اوستریایی قوتلی بر دوقله لاق حالنه
 قویدقلری کبی بر درجه دهاییولتوب تاریخک دهها
 اهمیتلی بر صحیفه سنی کندی ناملرینه نسبت ایده بیلورلر
 ایدی . زیرا او اواخر حکومتلرنده حقیقه اقران و امثالنه
 فائق و برقراللق عنواننی المغه بیه لایق ایدی نصل که
 انلر دن صکره اوستریا خاندانک عموم المانیایه ایمپرا-
 طور اوله رتق طول مدت بوموقعی محافظه دخی ایلد-
 کلری اشاغیده کوریه جکدر که بو پارلاق موقعی
 اوستریا ایچون تمیه ایدنلر ایشته بو بانبیر غلر ایدی .
 انچق ۱۴۴۶ سنه میلادیه سننده ذکر اولنان خاندان

طوغریدن طوغری به وارث ذکوری اولدیغی حالده منقرض اوله رق ویانه ذاتاً ایمراتور فره در یقک تحت حمایه سنده بولمغله بابنر غلردن صکره اوستریا دوقه لغی طوغریدن طوغری به ایمراتور فره در یقه انتقال ایشدر .

(ایکنجی فصل)

« بابنر غلرک ختامندن هابسبورغلرک ظهورینده قدر »

عن ۱۲۴۶ الی ۱۲۸۲

تفصیل - بابنرغ خانداننک انقراضی ایله هابسبورغ خانداننک ورودینه قدر اوستریا دوقه لغی اوتوز بش سنه قدر برمدت ظرفندن بر قاج صاحب دکشدرمش و بو انتقالات ایسه قطعاً مذکورهنک وسعت و اهمیتجه خیلی تأثیرات کوسترمش اولدیغندن شومدت قلیله یی بر فصل مخصوص اعتباریله وقوعاتی بشقه جه قید اتمکده لزوم کورلشدر .

اوستریا دوقه لغی ایمراتور ایکنجی فره در یقه انتقال ایلدکن صکره موعی ایله فره در یق انجق درت سنه قدر بر حیات اوله بیلوب بو قدر آز برمدت ظرفنده بیله اوستریا فره در یق ترقی پرورلکندن

استفاده ایلمشدر . زیرا بو ایمپراطور غایت خرچین
وظالم وغدار (المانیا . ص ۸۰ مر) اولمغله
برابر ترقیات مدنیه یه خیلی خددمتلی اوله رق زیر
استیلاسنه الدیغی ممالکک پک چوغنده بر خیلی مؤسسسات
علیه وجوده کتوردیکی کبی ویانه دار الفنونک
دخی اساسنی وضع ایش وشهری سائر تزینات مدنیه
ایله دخی تزین ایلمش ایسه ده ۱۲۵۰ تاریخنده وقوع
وفاتی بو خددمت ترقی بی ا کماله مانع اولمشدر .

المانیا تاریخنده دخی بیان اولندیغی اوزره ایکنجی
فره دریق ذاتاً پایالق مقامیله معارض کچنه رک بناء علیه
پایالق مقامی انک منسوب اولدیغی صو آب خاندانی
قدس شریفیده کی مسلمانلردن اول ازاله وجودلری
لازم اولان بردشمن دین اولمق اوزره محکوم ایلدیکندن
فره دریقک وفاتندن صکره اوغلی دردنجی قونراد
اوزرینه بتون پایا طرفدارانی هجوم ایلمشدر .
واقعا قونراد ایتالیا طرفلرنده خصمسانده خیلی غلبه لر
چالهرق ایمپراطورلق عنوانی محافظه ایدلش ایسه ده
(المانیا . ص ۸۲ مر) بو محافظه بی دخی چوق
وقت دوام ایده میوب ۱۲۵۴ سنه میلادیه سنده وفاتی

وقوعیله صواب خاندانی دخی منقرض اولمش
 کیتشیدی . انجق دهها کندی وفاتندن اول شمال
 طرفلرنده بولنان مالکانه لری خصماسندن شونک بونک
 ید ضبطنه کچدیکی مثللو اوستریا دوقه لغی دخی بوهمیا
 قرالی ایکنجی اوتوقارک ید ضبطنه کچمشدر .
 بو اوتوقار تاریخده « مظفر » دیه شهرت شعاع
 اولمش بر حکمدار اولوب اوزمانلرهنوز تشکل و توسع
 ایتمکده بولنان بوهمیا دولته اشبو اوستریا دوقه لغندن
 ماعداستیری ولایتی ده ۱۲۵۳ سنه میلادیه سنده
 قتح وربط ایتمش و بوندن ماعدا سلاح مظفریتنی پروسیا
 اوزرینه حواله ایدرک ۱۲۵۴ سنه سنده اوجهتدن
 دخی برچوق یرلر استیلاسیله ملکنی توسیعه موفق
 اولمش و ۱۲۷۰ سنه میلادیه سنده برانتقال ارثی ایله
 قارنتی وقارنیول ولایتلری ده کندی اداره سنه کچمش
 ایسه ده بوفتوحاتی یالکز شو سنه لره مخصوص اولمق
 اوزره بوهمیا نازیه وقوعه کلدیکی حالده حقیقته
 بونلر هب اوستریانک ازدیاد وسعت و اهمیتنه خدمت
 ایلمشدر . زیرا هابسبورغ خاندانندن رودولفک
 المانیا ایمپراطورلغنه انتخابی خصوصنه اعتراض ایدرک

مومی الیهی امپراطور لقی عنوانندن تجرید ایچون باویرا
 و محارستانله بالاتفاق رفع لوای عدوان ایتمکله رودولفک
 سائر متفقریله برابر آرتدجه آرتان قوتنه مقابل اوتوقار
 عاجز قالمش و مغلوب اولمش و بومغلوبیتی اوزرینه
 کندیسی اخذ و کرفته زندانه آتیلهرق ملکی النندن
 التمشدر . واقعا اوتوقار براره لقی ینه برفرجه بولوب
 استرداد حقوق داعیه سنه قیام ایلمش ایدیسسه ده
 بودفعه مارشلفد محاربه سنده منعدم اولدیغندن ایشته
 بو انقلابات اوستریانک بو همیایه بر از زمان ایچون
 پیدا ایلدیکی رابطه یی قردقدن فضله قارنتی
 وقارنیول و بوهمیا قطعه نرندن برر قسمی اوستریایه
 ربط ایلدیکی کبی بر از صکره یعنی ۱۲۲۶ سنه
 میلادیه سنده قارنتی وقارتیولک بالکلیه اوستریایه
 التماقی ایچون دخی زمینی و مناسبتی تهیه ایلمش و حتی
 اصل بوهمیا قرالغنگ بیله بالاخره بر اوستریا ولایتی
 حکمنه کیرمسی ایچون ایلک سبب ایشته اوستریانک
 بر لحظه جک بوهمیا طرفندن شو صورتله استیلا اولمسی
 اوزرینه حصوله کلمشدر .

ایمدی اوستریانک اصل وسعت و اهمیتنی اتمام

ایلیان شی ایشته بودفغه اوتوقاردن بوهمیانک ازاله -
سیله هابسبورغ خاندانک المانیا ایمپراطورلغنه انتخابی
قضیه سی اولمشدر . زیرا هابسبورغ خاندانندن
رودولف ایمپراطورلغنه انتخاب اولندیغی زمان اوستریا
دوقه لغنی کندی اوغلی البرته و یرمش اولدیغی کبی
المانیانک سائر جهتلرندن مالک اولدیغی مالکانلر
وازجله الزاس و صوآب واسویچره قطع لرینی هر نه
قدر طوغریندن طوغری یه اوستریا یه ربطاً آلبرته
ویرمادش ایسه ده اندن صکره آلبرت دخی ایمپراطورلق
مقامنه کلمش اولدیغی کبی هابسبورغ خاندانی پرنسلرندن
دها برچوق ایمپراطورلر انتخاب اولمغله المانیا ایمپرا
طورلغی بشقه برشی و اوستریا « ایمپراطورلغی ! »
دخی بشقه برشی اولوق اوزره عموم هابسبورغ خاندانی
برلشدیریلوب بر « اوستریا » هیئت متحدہ عمومیه سی
وجوده کتورلمش وحتی « هابسبورغ » عنوانی دخی
تحویل اولدورق بعدما خاندان مذکورہ « اوستریا
خاندانی » دیه عنوان ویرلمکه باشلامشدر .
اشاغیسه اوچنجی بابده بزبو خاندانک خلاصہ
احوال تاریخیه سنی اجمال و عرض ایده جک ایسه کده

بونلرک المانیا ایمپراطورلغنه عائد اولان احوال تاریخیه-
لری بوندن اولکی یدنجی جزؤده اوچنجی بابک ایکنجی
فصلی اوله رق بر فصل مخصوص و مستقلده ذکر
ویان ایدلدیکندن بوراده کیفیت تکرار ایدلمش اولماق
ایچون ایمپراطورلغه متعلق اولان خصوصات
تاریخیه دن بحث اولمیه جق و هابسبورغ و یاخود اوستریا
خاندانک یالکز اوستریا تاریخنه متعلق اولان احوال
تاریخیه سی خلاصه واجمال ایدله جکدر .

✽ اوچنجی باب ✽

« هابسبورغ خاندانک اوتریش لورن خاندانه تحولنه قدر »
عن ۱۲۸۲ الی ۱۷۴۵

(برنجی فصل)

« هابسبورغلرک دوق وارشیدوق عنوانه مدت حکومتلری »
عن ۱۲۸۲ الی ۱۴۳۸

تفصیل - هابسبورغلردن اول المانیا ایمپراطور-
لغنه رودولف انتخاب اولمش ایسه ده اوستریا
خاندانک ایلک واضعی مومی الیه ردولفک اوغلی
اولوب ۱۲۸۲ تاریخنده عهدہ سنه اوستریا دوقه لغنی
توجیه ایش اولدیغی برنجی آبرت عد اولنور .
انجق مومی الیهک امل محضی کندیسنی المانیاه

ایمپراطور ایتک اولوب بتون عمرینی بویولده محارباته
 حصر ایدرک نهایت مقتولا وفات ایتکله (المانیا .
 ص ۹۵ مر) ۱۳۰۳ سنه سنه قدر دوام ایلین
 مدت حکومتنده اوستریا دوقه لغی ایچون یالکز قوه
 عسکریه و مالیه سنی اسراف ایتکدن بشقه شیخ بر
 خدمتی اولماشدر . اندن صکره اوستریا دوقه سی
 اولان فره دریق له بونک ۱۳۳۰ سنه سنه قدر دوام
 ایدن مدت حکومتی دخی اوستریا تاریخچه قید و تحریره
 شایان هیچ بروقه مهمه کوسترماش اولوب قرنداشی
 ایکنجی آلبرت دوقه اولدیغی زمان ایسه بوپرنسک
 اوله المانیا ایمپراطور لغنه فلانه هوس ورغبتی اولماق
 حسبیه اوستریا راحت و حضور ایله وقت پکیرمش
 واکرچه برنجی آلبرت زماننده اوستریا دن آریله رق
 باشلی باشنه بر حکومت تشکیل ایلین اس-ویچره یی
 تارار اوستریا یه الحاق ایچون بر آرهل قیام ایتلش
 ایسه ده موفق اوله میه جغنی اکلاینجه اوسودادن دخی
 واز چکوب ۱۳۵۸ سنه میلادیه سنه وفاتی وقوعه
 دکن صلح و آسایشنی اخلا ایتماشدر .
 ایکنجی آلبرتک شو مدت مصلمانه سنه و بانه

شهری پک زیادہ توسع ایدرنہ اورادہ علوم و صنایع
 ترقی ایش و اوستریا تجارتی بر جہتدن طونہ طریقہ
 قرہ دکزہ و دیگر جہتدن لہستان و المانیا ایچلرینہ
 طوغری وسعت بولمشیدی • بونک اوزرینہ ایکنجی
 آلبرٹک اوغلی اوچنجی آلبرٹ مقام حکومتہ کلہرک
 کندیسى حد ذاتندہ پک بیوک برنحصیل کورمش
 وفنون شتایی و بالخاصہ صنایع نفیسہ یی مرات ایدنمش
 برپرنس اولسیلہ اوستریادہ فنون و صنایع بونک زمان
 ادارہسندہ برقاتدہا رونق و رواج بولمش و بوپرنس
 دخی مملکتی فلاکت حربیہ یی اوغرانتہ جق ہوسلرہ
 اصلادوچار اولدیغندن ویانہ نک بر صلح و مسالمت مملکتی
 اولسی اورویانک ہر طرفندن برچوق علما و ارباب ثروتی
 اورایہ جلب و جمع ایشیدر • دنیلہ بیلورکہ ایوم
 ویانہ دہ اصللری مختلف پک چوق اہالینک مجتمع
 کورونمسی و بو مخلوطیت و ممزوجیت خصوصندہ شہر
 مذکورک ہمان بزم استانبولہ بکزمہ سی ایشتہ بو اوچنجی
 آلبرٹ زمانندہ یعنی اون دردنجی عصر میلادیدہ
 باشلامش برشیدر •

مومی الیہ اوچنجی آلبرٹک اوغلی دردنجی آلبرٹ

« دیندار » ذیہ شہرت المش بولنسندن دخی معلوم
 اولہ جنی اوزرہ ہنوز پک کنج اولقہلہ برابر غایت
 متدین برنصرانی اولوب مقام حکومتہ کلد کدہ قدس
 شریفہ عزیزمتلہ ایفای زیارتدن بشقہ ہیج برشیئہ ہوس
 کوسترمامش و آرزومی و جہلہ قدس شریفہ کیدوب
 عودت ایلد کدن صکرہ ارتق راہبلاک طریقنی اختیارلہ
 برمناسترہ چکیلہ رک « زاهد آلبرت » نامنی بالاحراز
 بقیہ عمرینی ہب ریاضت و عبادت ایلہ امرار ایتشدرد
 دردنجی آلبرت ۱۴۰۶ سنہ سنندہ وفات ایلدیکی
 زمان ہنوز سنی یکرھی ینیدن عبارت اولوب اوغلی
 بشنجی آلبرت دخی پک کنج بر چوجق ایدیسهده
 صلح و آسایش ایچندہ یشامغہ الشمس اولان اوستریایی
 ادارہ ایده بیملک بو کنج پرنس ایچون صعوبت
 کوسترمامشدر .

بشنجی آلبرت ۱۴۲۲ سنہ میلادیہ سنندہ المانیا
 ایمراطوری و سائر برچوق ممالکک قرال و حکمداری
 بولنان سیر سموندک قزی الیرابت ایلہ عقد ازدواج
 ایلدیکندن من بورہنک بوہمیا و مجارستان قطعہ لرندہ
 اولان حقوق حکمرانیسی دخی کندیسینہ انتقال ایتکلہ

شو حال اوستریا دولتنگ برقاندها اتساعنی موجب
 اولمشیدی • اوزمانلر مجارستان یالکز نفس مجار
 اهلایسنگ ساکن اولدقلمی یرلردن عبارت بولنمیوب
 دالماسیا و خرواتستان و بوسنه و صربیه و افلاق
 و ترانسیلوانیا و مولدوا و بلغارستان دخی هب مجارستانه
 تابع بولندقلرندن شو حالده اوستریا دوقه سی بولنان
 بشنجی آلبرت کندی ممالک موروثه سیله بوهمیا
 و مجارستانی برلشدیرنجه عظیم برحکومتیه حکمدار
 اولمشیدی • بناء علیه کندیسنگ المانیا ایمپراطورلغی ده
 ارتق بالسهوله حصوله کلشدر •

تاریخک بو عصر لری تمام اناطولی و روم ایلی
 طرفلرنده دولت علیه عثمانیه نک تأیید مبانی شو کتله
 مجارستانه طوغری یورومکه باشلادیغی زمان اولوب
 تفصیلاتی عثمانلی تاریخنده عرض اولنه جغی اوزره
 ۱۳۹۶ سنه میلادیه سنده میسر اولان نیکبولی مظفریت
 عظیمه سی مجارستان یولارینی عثمانلی اردولرینه آچغله
 واندن صکره ۱۴۱۲ سنه سنده وقوعه کلان سمندره
 غلبه کامله سی دخی بتون مجارستانی عثمانلی استیلاسنه
 مقابل همان آچیق برحالده براقسیله ارتق بورالرینگ

ستیلای عثمانیاندن محافظه سی یکی ایمپراطورک
 ظیفه سی اولمش قالمشیدی . واقعا ۱۴۳۷ سنه سنده
 لبرت برعظیم اردو ایله جنت مکان سلطان مرادثانی
 حضرتلرینک مقابله سنه چیقدی ایسه ده بو محاربه ده
 شینه موفق اوله میوب یالکز وقوع وفاتیه اوستریا
 باندانک یوقاروده بیان اولنان وسعت کامله سنندن
 فلبنک ینه یرلی یرینه عودتنه سبب اولدی . مع
 ذابو وسعتک کنارندن گوشه سنندن برچوق یرلر
 بحالده اوستریا حدودلرینی خیلیدن خیلی یه توسیعه
 دار اولمشدر .

ایمدی مومی الیه آلبرت زوجه سنک املا کیله
 لشهرک المانیانک ایشیوک بر حکومتنی تشکیل ایشر
 لان اوستریا مملکتک بعدما باشلی باشنه بر ایمپراطورلق
 حی تشکیل ایده جکنی کورمکله کندیسنک اوستریا
 رقه لغنی ارشیدوقه لقی عنواننه تحویل واسمنه بو همیا
 مجارستان قرالی وسائر بر چوق ممالک قونتی
 دوقه سی عنوانلرینی ضم ایلدیکی زمان ممالک
 کوره نک عمومنی بر دن اوستریا ایمپراطورلغی
 وانی التنده جمع ایش و المانیایه ایمپراطور نصب

اولندیغی زمان ایسه ارتق بو « ایمپراطور » عنواننک
 قطعياً و ابدیاً کندی خانداننه مخصوص اولدیغی
 حکم ایشدر . واقعا اندن صکره سائر بر طاقه
 انتقالات ارثیه اوستریا خانداننک ممالکنی سائر المانیه
 خاندانلری ممالکندن دائمادها بیوک و بونلرک قوتتی
 دهاز یاده اولق اوزره محافظه ایدرک بناءً علیه
 بعدما المانیا ایمپراطورلغی متمسلاً و متصللاً بو خانداننه
 مخصوص و ارثاً منتقل کبی بر حالده قالمغله آلبرتنک
 وقتندن صکره یعنی بالاده بیان اولندیغی وجهه
 ۱۴۳۸ سنهٔ میلادیه سنندن بدأ ایله بو خانداننه
 ایمپراطورلق عنوانی ویرمکده جمله جه اتفاق حاصل
 اولمشدر .

(ایکنجی فصل)

« اوستریا خانداننک ایمپراطورلغیه ملکک ایکی
 - قونداش میانده تقسیمی -

عن ۱۴۳۸ الی ۱۵۲۱

تفصیل - اوستریا خاندانی « ایمپراطور »
 عنوانی الدقدن صکره اوستریا تاریخنک المانیا و اسپانیا
 و ایتالیا تاریخلرینه تعلق اول قدر چوغالمشدر که اسپانیا

ایتالیا تاریخترینہ اولان تعلق ایلموده بوجلدلری نشر
 یلدیگمز زمان کوریله جک برشی ایسه ده فقط بوندن
 قدم المانیا ایمپراطورلغی ایچون تنظیم و طبع ایدیلان
 دنجی جلدده دردنجی بابک برنجی وایکنجی فصللری
 ردها کوزدن کچیریلور ایسه بونلرک طوغریدن
 طوغرییه اوستریا تاریخ خصوصیتی دیمک اولدقلری
 بوراده شو اوچنجی بابہ ایکنجی و اوچنجی فصل
 و ملق اوزره عیناً اخذ و درج اولنه یله جکری مشاهده
 اولنور .

باخصوص که اوستریا تاریخک مطالعه سی بومحله
 کلد کده ذکر اولنان ایکی فصلی بردها او قومق لازم
 اولددر . زیرا اوستریا تاریخی قدر معلق اولان
 و تاریخدن شو فصللری المانیایه مخصوص اوله جق
 عمومی بر تاریخه قویماق المانیا تاریخی نصل ناقص
 بر احق عد اولنور ایسه بونلری اصل اوستریایه
 مخصوص اوله جق تاریخه قویمق دخی اوستریا تاریخجه
 اوله برقیصه عد اولنور . انجق بز بوراده اوستریا
 خاندانک عموم المانیا خاندان ایمپراطورسی صفتیله
 حاز اولدقلری اهمیت تاریخده دن اوستریایه ملحق

حکوماتک یعنی اوستریا امپراطور لغتک خاندان حکمرا
 نمسی اولق صورتیله حاز اولدق قری اهمیت تاریخیه یی
 آبیروب اکا کوره بر خلاصه وجوده کتور مکه غیرت
 ایلیه جکز .

بوفصلک ابتدا سنه مصارف اولان عصر تاریخیده
 بر اوروپا خریطه سی اوزرنده اصل اوستریا خاندانک
 طوغریدن طوغری یه کندیسنه متعلق اولان ممالکنی
 سائر المانیا ممالکندن فرق ایتمک ایچون اله بر فرچه
 النوبده اوستریا ممالکی بررنک مخصوص ایله بویانه جق
 اولسه بورنک شمیدیکی جالده یوقارو و اشاغی اوستریا
 دنیلان ایکی ولایت ایله ستیری و قارنیول وقارینتی
 ولایتلرینی و برده هابسبورغ خاندانک من القدیم
 مالکانه لری اولان الزاس و صواب ولایتلرینی و بونلردن
 ماعدا بوهمیا و مور اوپا و مجارستان جهتمدن بعض
 ناحیه لر ایله اسقلاوونیا و خرواتستان طرفلردن جزوی
 اراضی یی رنگین ایده بیلور ایدی . ایمدی اوستریا
 خاندانندن اولان پرنس لر عموم المانیا اوزرنده
 امپراطور نامیله اجرای نفوذ ایلدکاری حالده
 خصوصی اوله رق شو اوستریا ممالکی اوزرنده دخی

آرشیدوق و یاخودینه ایمپراطور نامیله طوغریدن
 طوغری یه اجرای حکومت ایدرلر ایدی .
 یوقاروکی فصلک نهایتنده اوستریایی نه صورتله
 توسیع ایلمش اولدیغی خبر و یریلان آلبردن صکره
 اوستریا حکومتیله برابر المانیا ایمپراطور لغنه دخی
 انتخاب اولنان اوچنجی فره دریق صلحپور برآدم
 اولوب انجق زماننده عثمانلی اردولری مجارستانی
 هر ج و مرج ایتکله عثمانلیله محاربه ده پک زیاده
 شهرت المش اولان ژان هونیاد نام مجار سر کرده سنک
 اوغلی اوله رق بالاخره مجارستانه قرال انتخاب ایلمش
 بولسان ماتياس قروین کویا بو محاربه لرده اوچنجی
 فره دریق کندیسنه معاونت ایتامش اولمندن طولایی
 اخذ تارله برابر عثمانلیله قایدیغی ملکک آجیسنی
 اوستریادن غصب ایده جکی ممالک ایله چیقارمق ایچون
 کلش و ۱۴۷۷ سنه سنده ویانه یی تحت محاصره یه المش
 ایدیسده اوچنجی فره دریق شهر مذ کوری ماتياسه
 قارشو ضبطی غیر قابل اوله جق بر صورتله مدافعه
 ایتدیروب مرقوم مجزینی اکلا دقن صکره ۱۴۸۵
 سنه سنده فره دریق اوراسنی رضاسیله مجارستانه

الحاق ایلمشیدی . شو قدر که کندیسى المانیا امپرا .
 طورى بولمق و مجارستان دخی نو عما کندیسنه تابع
 اولق حسیبیله ویانه نك مجارستانه بو صورتله التحاق
 اوستریادن بالکلیه انفکاکى دیمک اوله میه جغی کبی
 مؤخرأ ویانه بتکرار اوستریا خاندانه عودت ایتشد .
 فره دریق ۱۴۹۵ سنه میلادیه سنده وفات ایتمش
 اولوب انجق دهها کندى زمان حیاتنده اوغلی
 ماقسیمیلیه نك ماری ده بورغونیا ایله عقد ازدواج
 ایلمی اوستریا خاندانك ممالکنى بر قاندها توسیعه
 سبب اولدی . « بورغونیا » خاندانى فرانسه ایله
 المانیا ارسنده قدیم بر خاندان اولوب فرانسه نك حدود
 شمالیه سندن تا بالطیق ونورد کز لرینه قدر اولان ممالکه
 حکم ایدر ایدی . بو خاندانك الا صوک حکمداری
 اولان شارل له تهره دخی ممالک مذ کوره یه بر چوق
 مالکانه لره دهافتمق و علاوه ایدرک بر چوق زمانلر
 فرانسه یی کندى شو کتنه بیون اکدیردکن صکره
 یالکز ماری نامنده بر قزندن بشقه طوغریدن طوغرییه
 وارثی اولدیغی خالده وفات ایتمکه فرانسه خاندانك
 بر جهت قرابتدن طولایى کندى ملکنه الحاق ایلدیکی

ممالکدن ماعدا ماری ده بورغونیا کافه ممالک موروثه.
 سنی قوجه سی ماقسیمیلیه نه جهاز اوله رق کتور مشدر که
 بوممالک برابان و لمبورغ و لوکسمبورغ دو قه لقلریته
 فرانش قونته و پالاتن و لایتلری و فلاندر و هنو و نامور
 و آرتوا و هولاندا و زلاندا قونتلقلری و آنورس و مالین
 سنیور لکلری و سائر دن عبارت برچوق یئرلر ایدی .
 حتی المانیا ایمپراطور لغنی بعد ما متصلاً و متسلسلاً
 هب اوستریا خاندانه حصر ایتکه سبب اولان احوال دن
 بریسی دخی بویله برچوق ممالکک اوستریا یه التحاقی
 قضیه سی عد اولنور . زیرا ایمپراطور لقی انتخاب
 صورتیله توجیه اولنور برشی اولدیغنه کوره اوستریا
 خاندانه تابع اولان محللرده برچوق اصحاب آرادو قلر
 قونتلر سنیورلر بولنور ایدی .

ممالک موروثه سی بو صورتله توسع ایلدیکی زمان
 ماقسیمیلیه ن کندی اوغلی کوزل فلیبی زوجه سنک
 کتور مش اولدیغی بورغونیا مالکانه لرینک عمومی
 اوزرینه حکمدار نصب ایدرک بونکله برابر مومی الیه
 فلیبی آراغون قرالی فر دیناند ایه قاستیل قرالیمچه سی
 ایزابلک قزی او اوب ایکدینک ده یکانه وارشی بولنان

و «مجنونه» ديه مشهور اولان ژان نام پرنسس ايله
 تزويج ايتشیدی که بواز دواج ۱۴۹۶ سنه ميلاديه سنده
 وقوعه کله رک ۱۵۰۴ سنه ميلاديه سنده الير ايت وقات
 ايدنجه مز بوره نك قوجه سی یعنی کوزل فليک قاش
 پدري اولان سالف الذکر آراغون قرالی فرديناند هر
 نه قدر قزینک والده سندن موروث ملکني ضبط ايچون
 بعض مرتبه انتریغه لره قیام ايتش ايسه ده موفق
 اوله ميه رق کوزل فليک قاستیل قرالی اولمش ایدی .
 فليک زوجه سی ژانک مجنونه ديه الديوغی شهرت
 ذاتاً ذهني براز مشوش اولديوغی حالده قوجه سنک
 حقیقه «کوزن» ديه شهرت المني موجب اولان
 وفرت حسن و جماليله برابر براز ده خوارده جه
 اولسندن طولايی بیچاره قادینجغزک کر چکدن سائقه
 حسدله چلدير مسندن نشأت ایدوب اندن صکره
 فليک اسپانيا نك عشق پرستشکاری اولان دلبر يله اور
 پاتلاسون چال اویناسون عالمرينه قويولديوغدن ۱۵۰۶
 سنه ميلاديه سنده هنوز يکر می سکر ياشنده اولديوغی
 حالده عشرت و جاعک افراطيله هلاک اولمشدر .
 بو حالده مجنونه ژانن حاصل اولان ايکی اوغلی مشهور

شارل کن ایله فردیناند درلر .

ایمدی اوستریا حکمداری وعموم المانیا ایمپراطوری
بولنان ماقسیمیلین عن اصل اوستریا خاندانه منسوب
اولان ممالکدن ماعدا بورغونیا ممالک جسمیه سنی دخی
کندیسنده جمع ایتیش اولمغه مقابل اسپانیا قرالغی ده
اوغلی فلیبدن حفیدی شارل کنه انتقال ایتیش بولنسیله
شارل کن ۱۵۱۶ تاریخنده اسپانیا قرالی اوله رق اعلان
حکومت ایلدیکی کبی بشقه وارث ذ کوری بولنیه رق
وفات ایدن جدی ماقسیمیلیندن صکره اوستریا
خاندانک کافه مملکاتنه دخی کندیسی وارث
مشروع اولمشیدی . بعض مورخلر بوراده اوستریا
خاندانی تجدیداً تشکیل ایدرک واضع اساسی سالف
الذکر فلیب اولمق اوزره بو خاندانه « اوستریا
واسپانیا خاندانی » نامنی ویرلر ایسه ده کوزل فلیب
اوستریا خاندانندن برارکک اولدیغی کبی شارل کن
دخی انک صلبندن کلش برارکک اولدیغندن هر حالده
اوستریا خاندانی سلسله سنه مربوط عد اولنمش
واسپانیا خاندانندن اولان مجنونه ژانک اوستریا خاندانجه
بر تجدیدی موجب اولسی اوستریا تاریخ خانداننده

قبول و تصدیق ایدمشدر • شو حالده اولجه اخطار
 ایلدیگمز و جهله اورویا قطعہ سندن طوغریدن طوغری یه
 اوستریا خاندانه عائد اولان ممالکی خریطه اوزرنده
 هانکی رنکر ایله بویایوب تعیین ایلمش ایسه
 بورغونیا مستملکاتی ایله اسپانیا ممالکنی دخی اورنکر
 ایله بویایه رق بونلری (سائر المانیا ممالکنه ادخال
 ایتمکسزین) طوغریدن طوغری یه اوستریا ممالکنه
 نسبت ایلمک لازم کلمشدر • حالبوکه شارل کنک
 اسپانیا قرالی نامیله آمریقا قطعہ سنده دخی برچوق
 ممالکی اولدیغندن بو حالده انلری ده اوستریا ممالکندن
 عد ایدرک اوستریا رنکنی یکی دنیایه قدر صحرا تمق
 لزومی بشقه ملاحظه یه شایاندر •

دومی ایله شارل کن المانیا و فرانسه تاریخلرنده
 ایضاح اولنان محاربات عظیمه و متابعه پی اجرا ایله
 اشتغال ایده چکی زمان اصل اوستریا ارشیدوقه لغی ایله
 اکامنضم اولان ممالک متجاوره و بورغونیا املاکنی طو-
 غریدن طوغری یه اداره ایده میه چکنی نظر دقت و اهمیته
 الهرق قرن داشی بولنان فردینان ایله نمالک موجوده پی
 بیلرنده تقسیمه لزوم کورمشدر که ۱۵۲۱ سنه سنده

وقوعه کلان بو تقسیم اوستریایی متحد اولدیغی اسپانیا
 دن آیره رق بتکرار یالکز باشنه بر اوستریا اولوق اوزره
 تعیین ایشدر . بو تقسیم اثناسنده فردینان یالکز اوستریا
 ارشیدوقی صفتیه طانیلوب حصه سنه دخی یالکز
 یوقارو و اشاغی اوستریا وقارینتی وقارنیول وستیری
 وسارهی الوب بورغونیا ممالکی و اسپانیا وسارهب
 شارل کنه قالمشیدی . شارل کن حکومتدن فراغت
 ایلدیکی زمان اسپانیا قرالغنی کندی اوغلی فلبه ترک
 اتمکله ایشه بو حال اسپانیا ایچون بر « اوستریا » شعبه
 خاندانی تشکیل ایشدر که واضعی شارل کن اوله رت
 اصل اوستریا ارشیدوقه لغنک و المانیا امپراطور لغنک
 اوستریا خاندانندن ماعدا بو شعبه نك دخی بر اسپانیا
 خاندانی عد اولنمی اسپانیا دولتیجه و اسپانیول مو -
 رخلرنجه قبول و تصدیق اولمشدر . زیرا اصل اوستریا
 خاندانه نسبتله بشنجی عد اولنان شارل کنه اسپانیا
 ایچون تشکل ایدن خاندانجه برنجیلک عنوانی ویرله -
 رك کندیسندن صکره کلان شارلره ایکنجی و اوچنجی
 دیه یکیدن تعیین مراتبه باشلامشدر .
 ایمدی اسپانیا ایله اولان تعلقنی بو صورتله قطع

ایدن اصل اوستریا خاندانک کنندی دائرہ سی داخلندہ۔
 کی توسعات و ترقیاتی کورمک ایچون بوبابک بروجه
 آتی اوچنجی فصلنی کشاد ایتک لازم کلمشدر .
 (اوچنجی فصل)

« اوستریا خاندانک لورن خاندانیلہ برلشمسنہ قدر »

عن ۱۵۲۱ الی ۱۷۴۵

تفصیل - کوزل فلیک ایکنجی اوغلی و شارل
 کنک قرنہاشی برنجی فردینان یوقارودہ دخی برنبذہ -
 جک بیان اولندیغی اوزرہ دہاشارل کنک زمانندہ
 یالکز اوستریا ارشیدوقہ لغنہ مربوط اولان ممالک ویالکز
 اوستریا ارشیدوقہ سی عنوانی ایلہ اکتفا ایدرک ویانہ بی
 کنڈیسنہ مرکز حکومت ایدنمش ایدی . مومی ایلہ
 بوہمیا و مجارستان قرالی اولان لوئینک ہم شیرہ سی ایلہ
 ازدواج ایلش اولدیغندن ۱۵۲۶ سنہ میلادیہ سنندہ
 مومی ایلہ لوئی بوہمیاجہ صحرا سنندہ عثمانلیلر ایلہ محار بہ
 اوزرندہ مقتول اولغله بوہمیا و مجارستان قرالقری دخی
 طوغریدن طوغری بہ کنڈیسنہ انتقال ایتمش
 وشو حال (عموم المانیا ممالکنی حسابہ قاتمقسزین)
 یالکز اوستریا ممالک خصوصیہ سنی عادتا باشلی باشنہ

بر دولت معظمه تشکیل ایده بپله جک قدر توسیعه
 سبب اولشدر . واقعا مجارستان اوزرنده براره لوق
 حکومت ایتمش اولان بر خاندانه منسوب زان زابولی
 اسمنده بر مدعی مجارستانی فردینانده ویرمک ایچون
 قیام ایش اولدیغی کبی مر قوم زابولینک فردینان
 النده مغلوبیتدن صکره مجار لولر دخی فردینانده تابعیتی
 قبول ایتمامکه قیام ایشلر ایسه ده بونلرک شو مخالفتری
 هر حالده بعد ما مجارستانک اوستریا ممالکندن عدا اولنسنی
 منع ایلیه مامشدر . بوهمیا قرالغنه کلنجه اوراده نه
 اهلیدن ونه ده سائر اصحاب خروجدن هیچ بریسی فر-
 دینانده مخالفت ایتمیوب اهالی مملکت بعد ما قطعاً
 وابدیاً اوستریا خاندانک بوهمیا ایچون دخی خاندان
 قرالی عدا اولنسنی قبول وتصدیق ایلیدیکندن اوزماندن
 بوزمانه قدر اوستریا خاندانندن کلان حکمدار لر کند-
 یلرینه تحت اداره لرنده بولنان ممالکک قونتلغی دو قلغی
 وقرالغی عنوانلرینی وپردکلری کبی بو عنوانلر میاننده
 « بوهمیا قرالی » عنواننی دخی ذکر ایدر لر .

مجارستان ایله بوهمیا قطعهلری شو صورتله
 اوستریا به التحاق ایدنجه یه قدر باشلی باشلرینه برر

حکومت جسمیه اولق اوزره اداره ایملش یرلر
 اولدیغندن بونلرک تاریخ نظرنده بدایت اشتهارلرندن
 بدأ ایله اوستریا یه التحاق ایلدکری زمانه قدر احوال
 تاریخیه لرینی بوجه آتی برر بند مخصوصده اجمال
 ایتمکی لازم عدا ایلدک:

(بند مخصوص)

« مجارستان »

مجارستان دیدیکمز یر اون میلیوندن متجاوز نفوسی
 حاوی و اوستریانک تنسیقات اخیره سنجه محالا باشلی
 باشنه برقراللق اولق و یالکز اوستریا ایمپراطوری
 بولنان ذات مجارستانک دخی قرالی عداولتمق صورتیه
 متشکل جنسیم بر اولکادر که شمال طرفندن قارپاچ طاغری
 و شرق طرفندن ترانسیلیوانیا و افلاق و جنوب جهندن
 طونه و دراو و غرب طرفندن ستیری و اوستریا آرشید
 و قه لگی و شمال غربی طرفندن دخی مور او یا ایله محاط
 و محدوددر . پشته شهری بو اولکانک پای تختی او-
 لوب اورایه « بودا پشت » و « اوفن » دخی
 دینلور .

رومالور زماننده بو قطعنه نک بر قسمی غربی

دوقه لغی و شمال غرب طرفندن دخی مور او یا ایله محاط
 و محدوددر . پشته شهری بو اولکاتک پای تختی او-
 لوب اورایه « بوداپشت » و « اوفن » دخی
 دینلور .

رومالولر زماننده بو قطعنهک بر قسمی غربی
 داچیا ولایتی تشکیل ایدرک بر جهتی دخی اوستریا ار-
 شیدوقه لغتک ایلك نامی اولان یانویا ولایتک جنوب
 جهتی تشکیل ایدریدی . بوراده ایلك دفعه اوله -
 رق کورلمش اولان اهالییه « قواد » دینلوب بعده
 اوچنجی عصر میلادیده بوراسی دخی غوتلرک وانلر-
 دن صکره هون طائفه سنک استیلاسی االته کیرمشدر
 هونلرک رئیس آتیلانک ۴۵۳ سنه میلادیه سنده وقوع
 وقاتندن صکره مجارستان اوستروغود ژهپنه ولومبار-
 دیالولر ارسنده منازع فیه قالدی ایسه ده نهایت آوارلر
 بوراسنی استیلا ایدرک اولکی مستوایلری دفع ایلد-
 کلری کبی مؤخرأ هجومه باشلایان اسلاولره دخی علی
 اللوام مقاومت کوستر مشلردر . آوارلر ذاتاً هون
 جنسنن اونوب آتیلادن صکره عودت ایدن هونلرک
 بقیه سی مجارستانده قالمغله اشبو آوارلر ایله برلشدرک

« هونگری » نامیله شمديکی ملتک ايلک مايه تشکلی وجوده کتوردشردر .

اصل مجار اسمی ايسه فينواز دينلان ملت قديمه يه منسوب برفرقه نك اسمی اولوب بونلر يدنجی عصر ميلادينه ينه هونلر کبی آسیای وسطی يه کله راک دون و دنه پير نهر لری ارسنده يرلشمشلايکن په چه نك دينلان ديگر برطائفه بونلری اورادن چيقار مغله انلر دخی آنوس نامنده کی رئيسلرينک سوقيله ۸۸۹ سنه ميلاديه سنده مجارستانه کيشلر واوراده بولدقلى آوار و هونلر ايله قاريشوب قالمشردر . اشبو الموسک اوغلی ارياد المانيا امپراطور لغيله اوزلا شوب مجارستانده بولنان اقوام شماليه يی کاملا تحت اطاعته المغله کنديسنه ايلک دفعه اولق اوزره « مجارستان قونتی » عنوانی ويرمشدر . برعصر صکره زهيزا اسمنده بر مجار دوقه . سی مجارستانه خرستيانلق دينی ادخاله باشلايوب بونک اوغلی اوله رق « اوليا » ديه شهرت المشر بولنان برنجی آيه ن بتون مجار لری خرستيان دينه ادخال ايديه بيلش وشو خدمتنه مکافات پاپا طرفدن قراللق عنوانيه برده تاج ووشنرته . تاج مجارسه نتيجه .

دیم و مقدس بریادکار اولق اوزره خفظ اولمشدر .
 مجارستانک بویله قراللق صورتیله ایلك تشکلی
 نام ۱۰۰۰ سنه میلادیه سنه تصادف ایدوب کرک موھی
 لیه اتیهن و کرک اخلافندن لادیسلاس مجارستان ایچنده
 کدیگری علیهنه قیامدن خالی قالمیان اقوامی تألیفه
 مت ایتشلر و خرواتستان واسقلاوونیا ودالمایایی
 خنی فتح واستیلا ایتلشدر .

بونلردن اوچنجی بلا اسمنده برپرنس استانبولده
 شرقی امپراطورلری سراینده تربیه اولنهرق مجارلره
 رال اولدیغی زمانهنوز اداب و اطوار لرنده وحشیلک
 ثاری کورلمکده اولان مجارلری نزاکت مدنییه کور-
 لجه الشدیرمق ایچون روم شرقی موده لرینی تقلید
 لیدی و فرانسه قرالی فلیب اوکوستک همشیره سیله
 ووج ایدرک بوده ازدیاد شاننی موجب اولدی ایکنجی
 ندره اسمنده بر مجار قرالی دخی قدس شریف طرفلر-
 محاربه صلیبییه کیدرک بو مناسبتیه ۱۲۲۲ سنه
 لادیه سنده مجار اعیاننه برطاقم امتیازاتی تأمین ایدن
 شرطنامه امضا ایلدی . موھی الیهک اوغلی دردیجی
 زماننده مغوللرین رقتنه ۱۲۸۱ سنه مجار

هجوم ایلدیلر ایسه ده دفع ایلدیلر . اندن صکره
 بچار قرالغنه ضعف تاری اوله رق « آرباد » خاندانی
 ۱۳۰۱ سنه میلادیه سنده منقرض اولشدر .

بونک اوزرینه بچار لر بو همیا وبعده باورا خانسا -
 نلرندن برر پر نسی کندیلرینه قرال انتخاب ایلدیلر ایسه
 ده اعیانک اختلافاتی بونلری بیرار ایدوب استغفارچی
 ویرمشلر در نهایت پاپا سکزنجی بونیفاج بونلره آترو
 قونتی شارل روبرتی قرال اولق اوزره تکلیف ایدرک
 موهی الیه ۱۳۰۸ تاریخنده قرال اولدقه بچارستان
 یواش یواش کندینی ضعفدن قورتارمغه باشلادی .
 ونهایت اصل بچارستاندن ماعدا دالماجیا و خرواستاق
 وبوسنه و صریه و افلاق و ترانسیلوانیا و مولدا و ویلنا
 رستان دخی بچارستانه التحاق ایلدی . حتی موهی
 الیهک اوغلی بولسان برنجی لوئی روسیه دن « قزل
 روس » دینلان قطعده یی دخی بچارستانه الحاقه موفق
 اولشدر .

بو اثناده غزات عثمانیان جنوب طرفلرندن بجا -
 رستانه کیرمکه باشلایوب ژان هونیاد براره لقی عسا -
 کر عثمانیه یی رجعتده مجبور ایده بیلدی ایسه ده اثنق

صکرة مجارستان ایچون جوار خاندانلردن انتخاب اولنن قرالدرک هیچ بریسی مجارستانی درله یوب طو - پارلایه مامشدر . نهایت یوقاروده دینلدیکی وجهله اوستریا ارشیدوقه سی فردیناند بوقطعه سی کندی ملکته ضم ایدرک واقعا مجارلر بر درجه یه قدر محال . لغتیه بزمانه قدر بونلرک ینه آروجه بر حکومت او . قدری حالده اوستریایه تابعیتی ایچون اوستریا ارشیدو - قتلغنی ارضا ایده بیلدیلر ایسه ده صکرة لری یعنی ۱۶۸۷ سنه میلادیه سندنبری مجارستان تاج قرالیسی دخی بوهمیا تاجی مثللو اوستریا خاندانک حق ارثیسی اولوب قلمشدر .

شمدیکی مجارستانک اوستریادن نصیل آریلوب یاشلی باشنه بر قراللق صورتیه ادارهیه باشلادیغی ایثروده کوستریله چکدر .

اتهای بند مخصوص

(دیگر بند مخصوص)

« بوهمیا »

بوهمیا اولکاسی شمال غربی طرفندن پروسیا و شرق طرفندن موراویا و جنوب طرفندن اوستریا ارشیدوقه -

لغی ایه محاط و محدود بر ولایت و اسعه اولوب بش
میلیوندن متجاوز اهالیسی واردر .

بو قطعده الك اول بو آبی نامنده بعض غول
اقوامی سا کن اولوب مؤخرأ بعض اقوام سائره بونلره
غلبه ایتشلر ایسه ده میلادک یدنجی عصرنده اسلاو
جنسندن « چه » دینلان خلق سامو نام رئیس لر یله
بورایه کله رک بولدق لری اهالی بی اطاعت لری التنه المشدر
و ولایتی استیلا ایلشدر . اول امر ده چهلر بو همیاده
بر طاقم حکومت صغیره تشکیل ایتشلر ایسه ده سکر -
نجی عصر میلادیده قران اسمند بر رئیس بو حکومتلرک
کافه سنی حکومت واحده صورتنه افراغ ایلشدر .
رئیس موھی الیهک قزی لیوسایبی ازدواج ایلش
اولان پرزه میسل نام بر پرنس ۷۲۲ سنه سنده بر منتظم
دوقه لقی تشکیل ایدرک اولاد واحفادی دوقه نامیله
۱۰۸۶ سنه میلادیه سنه قدر حکومت سور مشدر که
سنه مذکورده دوقه بولنان ایکنجی وراتیلاس در -
دنجی هانری نام المانیا ایمراطوری طرفندن ویریلان
بر فرمان موجبجه « قرال » عنوانی دخی المشدر .
بو خاندان ۱۳۰۶ سنه میلادیه سنه منقرض او -

لقد قد اوستریا وقارینتی ولو کسمبورغ خاندان نردن
 بعض پرنسلبوهمیایی تحت حکومتلرینه المشلر ایسه ده
 یالکز لو کسمبورغ خاندانی براز بقا بوله بیلرله ۱۱۳۷
 سنه میلادیه سنه قدر بو خاندانن درت ذات بوهمیاده
 قراللق ایلمشدر . بو ائشاده ژان هوس اسمنده بر فیلسوف
 یکی بر دین چیقاروب المانیاده وبا خصوص بوهمیاده
 چار چابق انتشار ائیش اولدیغندن واقعا مذهب مذ -
 کورک موجودی ایله معاونلری دیری دیری ائشلره یا قلیق
 ایچون پایالق مقامی طرفندن محکوم اولمشلر ایسه ده
 طرفدارلری غایت مدھش بر محاربه داخلیه ایقاع ایدرک
 اون التی سنه مدت بوهمیا بو محار به نك دوامتی ونیجه
 نیجه فلاکتلرینی چکمشدر .

بوندن صکره براره لقی دخی بوهمیا قطعہ سی ننه بر انتقال
 لوشیدن طولایی اوستریا خانداننه انتقال ائتمش ایسه ده
 بقا بوله میوب ۱۴۵۷ سنه میلادیه سننده بوهمیا لولر
 کندی اره لرندہ ژورژ یواد براد اسمنده پس پایه بر
 آدمی قرال انتخاب ائتمشدر . انجق بر طاقم رقیبلر
 بیچاره نك علیهنه قیام ایلد کوری جهتله بوهمیا قطعہ -
 سی بر زمان دھا بر قاق پرنسک پراکنده پریشان اداره

لوی بلیه سنی چکد کدن صکره نهایت یوقاروده کو -
 رلش اولدیغی وجهله اوستریا خاندانی بوراسنی کند -
 یسنه ربط ایلدیکی رمان بو همیالور مع الممنونیه قبول
 ایتشدرد .

(انتهای بند مخصوص)

ایشته برنجی فردیناندک اوستریا الهاق ایلدیکی
 ایکی قراللق شو جسامت و اشمیتده شیر اولوب بونلری
 ضمیمه ممالکی ایلدیکی زمان هنوز قرنداشی شارل کن
 برحیات ایدی . عثمانلیلرک ۱۵۲۹ سنه میلادیه سنده
 ویانه شهرینی ایلك دفعه محاصره یه المری فردیناندک اوستریا
 یایی بو ایکی قراللق ایله توسیع ایلش اولدیغی زمانه
 تصادف ایلش اولوب حالبوکه جنت مکان سلطان
 سلیمان خان حضر ترینک بالذات قوماندا ایلدیکی بو
 محاصره یه وبا خصوص دلاوران عثمانیانک یکدیگر -
 ینی تعقیباً اجرا ایلدکری یکر می هجومه فردیناندک
 مقاومت ایده بیلسی قابل اولماغله قرنداشی شارل کندن
 بالاستمداد اودخی یتشوب اردوی همایونه ویانه محاصره
 صره سنی ترک ایتدیره بیلشدر . بوندن صکره فردیناند
 شارل کنک و قاتيله المانیایه دخی امپراطور اولدیغندن

ارتق ایمراتور لغت تزید ایلدیکی نفوذ قوتله اصل
ممالک موروثه سی اولان اوستریایی بر قاندها تنظیم و تقویه
خصوصنده بر کونه صعوبت کورمدی .

فردیناندک المانیا ایمراتوری اولدیغی زمان اوستریا
یایه الحاق ایلدیکی مور او یو اوسیلزیا ولوساق ایالتلرندن
لوساق ایله برده مقدا اوستریا خاندهانه التصاق
وانتحاق ایلش اولان الزاس ایالتنی محاربه سی ساله نیک
نتیجه سی اولان وستفالی معاهده عمومیه سی (المانیا
• سی ۱۲۹ و ۱۳۶ مر) اوستریادن تفریق ایلش ایسه
ده ترانسیلوانیا و خروانتسانی اوستریایه الحاقه بوضر
ری جبر ایتشد .

بوندن صکره تفصیلاتی المانیا و هولاندا و باخصوص
فرانسه تاریخلرنده ذکر و بیان ایدیلان اسپانیا توارشی
محاربه سی ظهوره کله رک محاربه مذکور نیک نتیجه سنده
اوترش شهرنده فرانسه و هولاندا و المانیا و اوستریا
اره سنده ۱۷۱۴ سنه میلادیه سنده عقد ایدیلان معاهده
مشهوره ایله اندن برسنه صکره راستاه قصبه سنده بونی
متم اولان دیگر بر معاهده اسپلیا قرالی ایکنجه شارلاک
حقوقنی اوستریایه انتقال ایتدیروب بناء علیه شارلاک

املاک موروثه سندن اولان بورغونیا ایله مانتو دو قده لغی
 و ناپولی و ساردنیا قراقلری هب اوستریایه بالانتقال دو
 لت مشار الیهانک وسعت و قوتی برنجی درجه ده دولتیر
 مرتبه سنه وار مشدر . واقعا ینه بو هنکامده ساردنیا
 قراقلغنی سبجیلیاتین اولکاسیله ترانیه ایلیش ای دیسه ده
 بونده دخی اوستریا دولتی کارلی چیتدیغی کبی ۱۷۳۴
 سنه میلادی سنده سبجیلیاتینی اسپانیایه بالاعطا مقابلنده
 یارم و پلذانس و قواستالایی المسندن عبارت بولنان
 اخذ واعطاده دخی اوستریا کارلی چیتمش و بویله هر
 اتفاقات دولیه ده هر انتقالات ارثیه ده اوستریانک حقی
 چیتیمی بعض طرفایه اوستریا خاندانک دکره دوشسه
 درریتیمه صیدیه چیتیه جفی طرزنده سوزلر سو یلتمشدر .
 ایمدی بش بچق عصر دنبری اوستریا خاندانی
 نامیله اجرای حکومت ایدن هابسبورغ خاندانی ایشته
 بو قدر پارلاق بر صورتده تجلی ایدن یاورئی طالعیری
 حسبیله یالکز بر اوستریا ارشیدوقه لغندن عبارت بولنان
 حکومتلرینه نیجه قونتلقلر دو قده لقلر قراقلر علاوه سی
 و حتی المانیا امپراطور لغی عنوانک دخی کندیلرینه
 تخصیصی ایله بش بچق عصر قدر مدت حکومت

ایلدکن صکره اشاغیده کوریله جکی وجهنه برده
 « لورن » عنوانی قاتهرق اسملرینی « اوستریا لورن
 خاندانی » صورتنه تحویل ایلشیر ایسه ده شو تحویل
 همان لفظی مراد برشی اولوب یوقسه اوزماندن بوزمانه
 قدر حکم سوزنلر هب هابسبورغ خاندانک بقیه سی
 دیمکدر .

❀ درنجی باب ❀

« اوستریا لورن خاندانک زمانه قدر حکومتلری »

عن ۱۷۴۰ الی ۰۰۰۰

(برنجی فصل)

« اوستریا فرانسه علیهنده کی اتفاقه دخوله قدر »

عن ۱۷۴۰ الی ۱۷۹۱

تفصیل - ۱۷۴۰ سنه میلادیه سنده اوستریا

حکمداری و المانیا ایمپراطوری التنجی شارل وارث

ذکوری اولمدیغی حالده وفات ایدرک خاندانک بتون

حقوق ارثیه سی مومی الیهک قزی اولان ماری تره زده

اجتماع ایلش و واقعاً یالکز اوستریا خانداننه متعلق

اولان ممالک ایچون مومی الیهانک حق حکومتی مسلم

بولنش ایسه ده ایمپراطور یچه نک بو قندن بالفعل

استفاده ایدن یعنی اوستریا به حکمدار اولان ولورن
 خاندانه منسوب بولنان فرانسوا « مادام که المانیا
 امپراطور لغی اوتهدنبری اوستریا خاندانک بر عنوان
 همی اولمشدر بودفعه او عنوان دخی بکا انتقال
 ایتشدر » دعواسنه قیام ایلدیکی زمان شو یوزدن
 متولد منازعه عظیم بر محاربه بی موجب اولمش
 و کیفیت المانیا تاریخنده بیان اولندیغی اوزره بر قاچ
 دولت محاربه مذکوریه اشتراک ایلدیکی حالده نهایت
 فرانسوا دعواسنی قبول ایتدیرمکه موققیله برنجی
 فرانسوا نامنی الهرق المانیا به دخی امپراطور طانمشیدی
 ایشه مومی الیهک لورن خاندانندن اولسی و حالبوکه
 زوجہ سی ماری تہزہ واسطہ سیلہ اوستریا خاندانک
 حقوق ارثیہ سی دخی کندیسنه انتقال ایتش بولنسی
 حسیلہ خاندانک نامندہ بعدما اوستریا ولورن ناملی
 برلشدره را بونی یکی بر خاندان عد ایتک و فرانسوا به
 دخی برنجیلک عنوانی ویرملک لازم کلشدر .

کیفیت پروسیا تاریخنده دخی بیان اولندیغی اوزره
 ماری تہزہ و برنجی فرانسوا نک اشبو ادعاسی اوزرینہ
 اوستریا و پروسیا ارہسندہ ظہور ایدن و مؤخرأً فرانسه

وروسیه و انکلتره و سائرہ کبی برطاقم دولتره دخی تعمیم
 ایلین محاربه (۱۷۵۶ الی ۱۷۶۳) یدی سنہ دوام
 ایدرک بومدت ظرفندہ طرف طرف اردولر و دوتمار
 چار پشدقن و گاہ غالب و گاہ مغلوب کلدکن صکرہ
 نہایت ۱۷۶۳ سنہ سندنہ عقد اولنان مصالحہ فرانسه
 و انکلتره و سائرہ مستملکاتنجہ کبی تبدلات ایقاع ایلدیکی
 (و بونلر فرانسه و انکلتره تار بخلرنده تصریح اولندیغی)
 کبی اوستریا دولتدن دخی سیلزیایالتنی نزع و پروسیایہ
 اعادہ ایلشدر . انجق ہرہانکی برالیش ویریشہ
 کیرسہ و ہرنہ قدر ظاہراً برجہتدن ضررلی چیقسہ
 جہات سائرہ دن مطلقاً او ضرری اودہ یہ جک بادہوا
 برتمتعه نائل اولق مقتضای طالعی کبی برشی اولان
 اوستریا دولتی اشبو سیلزیایضیاعنی دخی ۱۷۷۲
 و ۱۷۹۵ سنہ لرنده روسیہ و پروسیا ایلہ اوستریا
 ارہ سندنہ وقوعہ کلان لہستان تقسیم لرنده الہ کچیردیکی
 ممالک ایلہ چیقارمشدر . زیرا بومقاسمہ لہستانک
 غالبسیا و رودومیری ایالتلرنی اوستریایہ الحاق ایتمش
 اولندیغی کبی مؤخرأً قراقوویا ایالتنی دخی اوستریایہ
 ربط و الحاق ایلشدر .

اوستریانک بعضی مشاغل حر بیہ سی اثناسنندہ
 مجار لر بر قاچ دفعہ قیام ایدرک اولاری اولدیغی کبی
 مجارستانی ینہ مستقل برقراللق صورتندہ تأسیسه
 چالشمش لر ایدیسده ایمپراطور ایکنجی لئوپولدک مالک
 اولدیغی ممالک سائرہ قوتی ہرزمان مجارستانی تحت
 اطاعتہ ادخال ایتیکہ کفایت ایلدیکندن مجارلرک
 قیاملری ہیچ بر شمرہ حاصل ایدہ مامشدر . بو حالہ
 دقت ایدن مورخلر دیرلرکہ اوستریا خاندانی مثللو ملل
 وممالک مختلفہ اوزرینہ حکومت سوردیکی حالده ملل
 مذکورہ ناک قوتلرینی یکدیگری علیہنہ استعمال ایدرک
 بعضیلرینی دیگر بعضیلرک تربیہ ایتدیرمک خصوصندہ
 بو خاندانک کوستردیکی مہارت سائر دولتلردن ہیچ
 بریسندہ کورلماشدر .

فرانسہ دہ انقلابات عظیمہ ناک ظہوری اورویانک
 هر طرفنی ہرج ومرج ایلدیکی صرہ دہ بونک اک بیوک
 بر صدمہ سی دخی اوستریا اوزرنده کورلمش اولدیغندن
 اوستریا تاریخنک بوجہتی بوجہ آئی بر فصل مخصوص
 اولمق اوزرہ خلاصہ واجمال ایدہ جکز .

(ایکنجی فصل)

اوستریانک فرانسه علیهنده کی اتفاقه دخونی

عن ۱۷۹۱ الی ۱۸۱۵

فرانسه تاریخنده اینضاح ایلمش اولدیغی وجهه
اون سکرنجی عصرک نهایتلنده فرانسه افکار عمومی
برقاج بوزسنه لک حکومت قرانیه لری علیهنده شدتله تهیج
ابدرك هر طرفده و بانخاصه پارسده عظیم عصیانلر
وقوعیله فرانسرک نصرانیته ده بر زمانلر هر برینه الله
کی پرستش ایلدکاری زادکانک حقوق قدیمه سنی ده
حاصلی هر شیئی انکار رطالی یقوب یکیدن یامق
درجه لنده جهان براندازلغه ابتدار ایلدکاری زمان
فرانسه قرالی بولنان بیچاره اون اتنجی لوئی المانی
ایمپراطوری و اوستریا حکمداری اولان ایکنجی لئوپولدک
انشته سی یعنی اوزمان فرانسه قرالچده سی اولوب
قوجه سی قدر مغدور اولان ماری اتوانت ایمپراطور
مشار الیهک همشیره سی اولدیغندن انشته سی ایله همشیره -
سنک عاقبت حاللری لئوپولدی پک زیاده دوشوندیر مکه
باشلامشیدی . فرانسه ده احوال کیتد کجه شدتی
لئوپولد لئوپولد لئوپولد لئوپولد لئوپولد لئوپولد

دخی تهلکه یه دوشدیکنی لئویولد کورنجه پیلنج نام
 محله پروسیا قرالی ایله بالملاقات فرانسه قرال وقرالجه
 سنی جمهورجیلرک پنجه غدردن قور تارمغه معاونت
 ایتک اوزره فرانسه علیه اعلان حربه قرار ویردیله
 ایسه ده او ارهلق لئویولدک وقوع وفاتی حسیلله بو
 قرارک اجراسی اوغلی اولوب کندیسندن صکره
 امپراتور اولان ایکنچی فرانسوایه قالمشیدی .

ایکنچی فرانسوا دول متفقه ایله برابر فرانسه
 اوزرینه عسکر سوقنده اصلا تردد کوسترمدی ایسه ده
 تفصیلاتی فرانسه تاریخنده عرض اولندیغی اوزره
 ناپولیون بوناپارت خارق العاده برجنک آفاجانی اولق
 اوزره میدانه چیقوب هانکی طرفه صالدیرر ایسه
 قارشوسنده کی عسکری تار ومارایلر برصاحب قران
 اولدیغندن دول متفقه نك کافه سی کبی اوستریا دولتی
 دخی لاینقطع هزیمتلردن بشقه برشیه کورمدی . بش
 التی سنه مدت بو محاربه لرده اصرار اولندیغی حالده
 نهایت اعتراف و تسلیم مغلوبیتده مجبور اوله رق ۱۷۹۷
 سنه میلادیه سنده امضاسنده مجبور اولدیغی قامپو فورمیو
 معاهده مغلوبانه سی بورغونیا ویهی باممالکی ایله

ایتالیا جهتندن لومباردیایی اوستریادن نزع ایلدیهده
 بوضایعات فرانسوانک کوزینی ییلدیروب موجب
 مایوسیتی اوله جق ایکن بالعمکس فرانسوزک ساطور
 غدرینه دوچار اولان خالهسی ماری انتواتک قانی
 دعواسنه برده شو ملککک استردادی دعواسی منضم
 اوله رق بر از صکره فرانسه ایله بتکرار جنکشمکه قیام
 ایلدی .

حالبوکه شو ایکنجی قیامی ناپولیونک قابلیت
 اصلیه وذاتیه سه نه برده تجارب حربیهسی انضمام
 ایدرک حقیقه بتون جهانله اوغراشه بیلمک قدرتنی پیدا
 ایلدیکی بر زمانه تصادف ایلدیکنندن بودفعه اوستریا -
 اولر اولکیدن دهاشنیع مغلوبیتلمه دوچار اولغه
 باشلادیلر . هله مارانغو نام محلده ناپولیون بونلره
 اویله برغلبه چالمشدرکه جهانی حیرته بر اقصدر .
 بناء علیه بودفعه دخی ایکنجی فرانسوا ۱۸۰۱ سنه
 میلادیه سنده لونه ویل معاهده مغلوبانه سنه وضع امضا
 ایدرک معاهده مذکوره موجببنجه رین نهرینک اوته
 جهتنده نه قدر ممالک وار ایسه کافه سنندن قطع یله
 تصاحب ایتمکه مجبور اولدی .

بومغلوبیت دخی ایکنجی فرانسوانک شدتی
 آرتدیرمقدن بشغه برتائیر کوسترمیوب ۱۸۰۵ سنه
 میلادیه سنده کیتلی برقوت ایله فرانسه اوزرینه
 تکرار صالدیردقده بودفعه الشترن واولم و اوسترایج
 محاربه لرینی بومغلوبیت کامله ایله غیب ایتدیکی کبی
 ۱۸۰۶ تاریخنده ناپولیون تاویانه یه قدر کیره رک
 ایکنجی فرانسوایه المانیا ایمپراطور لغندن استعفا سنی
 ویردیرمش واندن صکره ایکنجیلک عنواننی برنجیلکه
 و المانیا ایمپراطوری عنواننی دخی یالکز اوستریا
 ایمپراطوری عنواننه تحویل ایدرک ایشته بونک او-
 زرینه رین بوینده بولنان حکومات جرمانیه رین
 هیئت مجتمعه سنی تشکیل ایلش ایدی .

اشبو مغلوبیتلر اوستریا خاندانی اصل کندی
 مالکانه لری اولان ممالکک دخی برچوغندن محروم
 ایلش ایدیسده سابقا ایکنجی و حالیا برنجی اولان
 فرانسوا مطلقا ناپولیوندن انتقام المتی ایچون ۱۸۰۹ تا-
 ریخنده بردها فرانسه علیه نه قیام ایلش ايسه ده
 بودفعه دخی ناپولیون تاویانه یه قدر کله رک فرانسوا
 عادتآ آمانه دوشمش وکال ذلت ایله عقد ایده ییلدیکی

مصالحه‌یی تأیید ایچون قزی ماریا لویزی دخی ناپو-
لیونه ویرمشر . واقعا ۱۸۱۳ سنه میلادیه سنده
اورویادولتلی فرانسه علیهنده تدارکات عظیمه ایله قیام
ایلدکلری زمان بوکره دخی فرانسوا دول متفقیه
اتحاق ایش و بودفعه ناپولیونی تپه اشاغی یه کتور
مک خصوصنده موفقیت حاصل اوله رق اوزمانه قدر
اوستریا خاندانندن اخذ و افراز اولنان ممالک برطا-
قی کندیسنه اعاده اولمش ایسه ده برقسم ممالکی
وازجمله په بی با و بورغونیا طرفلی استرداد اولنه-
مامشر .

ایشته فرانسه انقلاباتک اورویاجه انک یوک
صدماتی اوستریا علیهنده اولوب بونک اصل سببی
اوستریا خاندانک المانیایه دخی ایمپراطور اولسیله برده
په بی با و بورغونیا و ایتالیا کی اوزاق و اصل اوستری-
یادن منفک و منفز برطاق ممالکک طوغریدن طوغری
ناپولیونه دارالحرب اوله بیله جک مواقعده بولنملری
قضیه سی اولوب ناپولیونک سقوطیله حصوله کلان
صلح و اسایشی اوستریا ایمپراطوری فرانسوا یالکز
استرداد ایلدیکی ممالکک صدمات و فلاکت حر-

پیدن ط-ولایی دوچار اولدقلری متاعب و خرابی بی
 تعمیر خصوصنه صرف ایتشدیر . لکن ینه فرانسه
 طرفندن اوروپانک هر طرفنه نمونه ویریلهرک طرفه
 طرف وقوعه کلان حریت وقانون اساسی دعوالرینه
 اوستریا طرفندن دخی قیام اولنسی دولت مذکورہ بی
 بالاخره یکیدن بر طاقم مشاغل حربیه واشتغالات
 داخلیه سوق ایتشدیر که کیفیت بروجه آتی اوچنجی
 فصلده ذکر و حکایه اولنه جقدر .

(اوچنجی فصل)

« قانون اساسی محاربتی »

عن ۱۸۱۵ الی ۱۸۵۱

تفصیل - اوستریا ایمپراطوری برنجی فرانسوا -
 تک وفاتی ۱۸۳۵ سنه سنه مصادف اولوب یوقاروکی
 فصلاک نہایتندہ دخی بیان اولنسیدیغی وجہله اوزمانہ
 قدر اوستریایی ناپولیون اسفارینک متاعبندن دیکلندیر -
 مک ایچون خارجاً وداخلا دائماً اصلحانہ حرکت ایلش
 اولدیغی کبی بعدہ وفات ایدرک یرینہ کچن اوغلی فردیناند
 دخی پدرینک اثرینہ اقتفادن کیرہ طور مامش و ایتالیا
 جہتندن برچوق ممالک اوستریایہ تابع اوله رق بورارک

ایتالیان اھالیسی « بزم کندی جنسہ زدن پرنس لوقرانی
 طور و عموم ایتالیانک یا لکز بر دولت صورتیلہ
 تشکی ایتالیانری دخی اوروپا ملتہری میانندہ بر ملت
 مظہرہ اولوق اوزرہ تشہیر و اعلا ایلہ چکی در کار
 بولنور ایکن اوستریا خاندانی کبی بزہ بالکلیہ اجنبی
 بولنان حکمدار لہ نہ دن تابع اولہلم؟ » افکار
 جدیدہ سنہ دوشد کارندن متوفی برنجی فرانسوا
 ایتالیانر ایلہ مناسبت تابعیت و متبوعیتہ قوت و یرمک
 ایچون اوغلی بولنان اشبو فردیناندہ ساردنیا قرالی
 ویقتور امانوئلک (کہ مؤخرأ ایتالیسا قرالی اولوب
 یکن سنہ وفات ایلشد) قزی پرنس آنا کارولینی
 تزویج ایلش بولمسندن بالاستفادہ فردیناند ایتالیانرک
 افکارینی دخی تسکینہ چالشمقدہ دقیقہ فوت ایتمہکی
 اعتیاد ایلشیدی .

اوستریا رجال دولتندن مشہور پرنس دہترینج
 ایمپراطور مشار الیہک باش و کیلی و مستشار خاص
 الخاصی اولوب انک رأی و نصیحتی موجب حرکتدن
 شمدی المانیا ایمپراطوری کیلیوہک پرنس بسمارق
 طرفندن و یریلان نصایحہ توفیق حرکتلہ ایتدیکی

استفاده قدر استفاده ایلر ایدی . بناء علیه امپراطور
 فردیناندک اوائل حکومتنده اوستریاده برچوق شمدو-
 فرلر انشا و تکثیر اولنه رق و طونه نهری تجارتنه سهو-
 لت و رواج ویریلهرک هر جهتجه ترقیات مشاهده
 اولنش ایسه ده ایتالیا نلر ایتالیا اتحادی افکاریند
 صوکه درجه لره قدر قوت ویردکاری و مجار لر دخی
 مجارستانی مستقل برقراللق صورتنده تشکیل ایچون
 هیچ بر زمان حکمدن دوشمیان فکر وامله تکراردوچار
 اولدق لری کبی بر طرفدن اسلاولر و دیگر طرفدن
 المانلر یعنی عموم اوستریا اهالیسی اصول مطلقه مشرو-
 طیتک اوستریاده دخی تأسیسی و بر قانون اساسی وضعی
 دعواسنه قیام ایلش لر ایدی .

بومثللو منازعات داخلیه یی فصل و حل ایده جک
 اولان پرنسک اتصافی لازم کلان جلادت و شجاعت
 امپراطور فردینانده بولنمیوب واقعا شو مشکلات
 ایچنده دخی پرنس مترنیخ غایت عاقل بر مستشار اولق
 صفتنه خلل کتور مامش ایسه ده صلح و اسایش
 وترقی و اصلاحات دورلرینک اک کوزل حکمداری
 اولدیغی حالده شورش و اختلال دورلرینک اک فنا

حکمداری اولان ایمپراطور فردیناندک ضعفی ایله پرنس
 مترنیک متانتی یکدیگرینه توافقی ایتدیکندن ایمپراطور
 اختلال فرقه لرینک تهدیداته قارشو اظهار مغلوبیتیه
 پرنس مترنیکنی مأموریتندن عزل ایلدی .

بو وقعه تمام مجارستان ایله ایتالیا ایالتلرنده
 آتش عصیانک علوریز اشتعال اولدیغی زمانه مصا -
 دف اولوب ایمپراطور بو وقایع مخوفه دن دوچار
 خوف و دهشت اولدیغی جهتله ۱۸۴۸ سنه میلادیه -
 سنده اوستریا ایچون برقانون اساسی لایحه سی تنظیم
 ایلدی ایسده اختلال ارتق قانون لایحه لرینه دکل
 قلیج ایله باصدیرلق لازم کله جک درجه یی بولوب
 فضله اوله رقی ذکر اولنان ۱۸۴۸ سنه سی مایسنده
 شدتلی برعصیان دخی ویانه ده ظهور ایلش و ایمپراطور
 ار باب عصیانی تسکین ایده میم دیر ایکن سنه مذ کوره
 مایسنده بو اختلال دها زیاده شدتله تکرر ایدرک
 ویانه یی الت اوست ایتک درجه لرینه وارمش اولد -
 یغدن کیرودار عالمک بو قدر ولوله و دغدغه یه ده تحملی
 اوله میه جفنی نظر دفته الان ایمپراطور فردیناندینه بوسنه
 ایچنده کندی یکنی اولان و حال ادخی اوستریاده صندا -

لی نشین حکومت بولنان حشمتلو فرانسوا ژوزف
 حضرتلری نامنه ترك حكومتله كندیسی چولغنی
 چوجغنی الوب پراغه طرفلرینه چكلمش وبعده امور
 حكومته اصلا قارشماشدر .

فرانسوا ژوزف مقام حكومته كندیکی زمان
 هر طرفجه عصیانلرك منعی امرنده کمال غیرت ایله تشمیر
 ساق اهتمام ایلیدیکنی ایتالیانلر کورنجه ذاتاً بونلری
 پیهمون قرالی تشویق وکندیلرینه هر درلو معاونتله
 قوتلرینی تزیید ایلکده اولدیغندن بودفعه پیهمونلر
 علناً معاونته شتاب ایلشدر ایسه ده فرانسوا ژوزفك
 سوق ایلیدیکی اوستریا عساکری ایتالیان ارباب اختلا
 لیه پیهمون عسکرینی نوواره نام محله ۱۸۴۹ سنه
 میلادیه سی مایسنده فنا حالده مغلوب و پریشان ایتمکله
 بو مغلوبیت ایتالیا عصیاننی همان بالکاسیه منع و محو
 ایتشدر .

انجق مجارستان جهتنده ظهور ایدن اختلال
 مجارلرك انتظام داخلیری و شجاعت مشهوره لری
 مناسبیله دهها زیاده مدهش اولوب باخصوص بونلر
 لهلولر ایله دخی برلشمکه قالقشدرندن شو حال روسیه

دولتلك ده نظر دقت و اهميتنى آچوب روسيه ايله اوستريا
 دولترى بو اختلالك منعى امرنده اتفاق ايتمشلر و ينه
 ۱۸۴۹ سنه ميلاديه سى ايچنده مجارلر اوزرينه سوق
 ايديلان روسيه و اوستريا عسا كرى مجار فرقه لر ينى
 طرف طرف مغلوب و پریشان و بو عصيانى دخی اول
 صورتله بی نام و نشان ايتمشلردر .

اوستريانك اختلالات داخلیه سنه و از جمله و يانه
 اهالیسنك مخالف لر ينه كلنجه : ايمپراطور فرانسوا
 ژوزف بونلری ده طرف طرف تر بیه و تأديبیدن عاجز
 قالمیوب اكر مقصد اصلی دولت و ملتك تأيید بنیان
 شو کتی ایسه بو کال برلکيله چالشه جغنی و او حالده
 كرك اوستريانك و كرك مجارستانك آرزو ایلد كاری
 قانونلر دخی بالذا كره و بالاستتشاره تنظيم و تأسیس
 قلنه جغنی و مقصد اصلی بر اولمیوب ده مجرد دولت
 و ملتك اضمه حلالنى موجب اوله جق فسادات داخلیه یه
 رواج و یرمك ایسه او حالده ارباب عصیان علیه نه
 دها زیاده شدت کوستریله رك کو كاری کسيله جکنى
 جمله یه بیان و تفهیم ایلدیکندن شو صورتله داخله
 هر طرفك عصياننى منع و اصلاحه موفق اولمش و فی

الواقع اشاغیده کور یله جکی اوزره دولت مشارالیها
کندی و عدلرینی تمامیه ایفادخی ایشدر .

(دردنجی فصل)

ایتالیان ایالتلرینک اوستریادن انفکاک

عن ۱۸۱۵ الی ۱۸۶۶

تفصیل - ایمپراطور فرانسوا ژوزف یوقاروکی
فصلده خلاصه ایدیلان صورتله اوستریانک هر طرفنده
سکونت و آسایشی اکمال و اتمام ایلد کدنصره قوانین
اساسیه ایله دخی ملکینی تنظیمه باشلايه جغی صرهده
ایتالیا ایالتلرنجه اولکیدن زیاده دهشتلی اوله رق بر
عصیان تدارکات متقدمه سی کورمکله اصلاحات
داخلیه یی برمدت دها تعویقه مجبور اولدی و اولانجه
دقت و اهمتمنی ایتالیا جهتنه حصر ایلدی .

مشارالیه بوصورت اهمتمله حرکنده مجبور

ایدی . زیرا فرانسه دولتی ایمپراطور اوچنجی ناپو -
لیونک پارلاق پارلاق وقوعات و انقلابات کوسترمکه
پک هوسکار اولسنه تبعیتله ایتالیایی بالتوحید فرانسه
سایه سنده میدانه کلش برملت اولمق اوزره تجدیدی
تصویرینه دوشدیکنی و بومعاونتنه مکافاة ایتالیانک صا .

دوا ونیس ایالتلرینی دخی کندیسی المق اوزره قرار
 ویرلدیکی ایمراتور فرانسوا ژوزف استخبار ایتشیدی .
 بونک اوزرینه فرانسه دولتی وایتالیان ایالتلری هنوز
 تدارکات لازمه حربیه وعصیانیه بی اکیال ایتماش ایکن
 اوستریا دولتی بردن بره برهجومه قیام ایله ۱۸۵۹
 سنه میلادیه سنده پیه مون وساردنیا ایچرولرینه طوغری
 ایرو لینگه شو حال عموم ایتالیایی دهشته دوشوردیکی
 کبی فرانسه بی دخی صورت علنیه ده میدان آتلغه
 مجبور ایلدی .

بومحاربه حقیقه محاربات شدیددن معدود اولوب
 فرانسز وایتالیانلر ماجنتا و سولفرینوده اوستریا عسار
 کرینی فنا حالدیه مغلوب ایلدیلر . ایمراتور اوچنجی
 ناپولیونه مداهنه ایله چاتمق غیرتنده بولنان مورخلر
 ایمراتورک نظارتی تحتنده اوله رق قلمه المش اولدقلری
 تاریخلرده بومحاربه لر هنکامنده اوچنجی ناپولیونی
 عادتایوک ناپولیونه قیاس وتشبیه ایشلردر . واقعا
 مارانغو محاربه سنده کورلدیکی اوزره بیوک ناپولیون
 یالکیز اوچنجی ناپولیونک دکل عادتادیهاده هیچ بر
 حکمدارک کوسترماش اولدیغی علویت عسکریه بی

عالمک انظار حیرت‌نہ عرض انش اولدیغدن اوچنجی
 ناپولیونک بوایتالیا محاربه لرندہ کوریلان شان عسکرسی
 تقریباً بیوک ناپولیونہ تشبیه ایدینه مامکده ایدیسہ ده بونکله
 برابر شو محاربه لریک دخی موقعیات مشهوره دن عد
 اولنه بیلسی لزومنی انکار ایتملیدر .
 بو محاربه لر ۱۸۵۹ سنہ میلادیه سننده وقوعه
 کله رک انلری متعاقب عقد اولنان ویلا فرانقا وزوربخ
 معاهده لری لومباردیا ایالتنی اوستریادن آیروب ایتالیاہ
 ربط انشیدی . انجق ایش یالکز بونکله دخی بتمش
 اولدی . ایتالیا نلر کندی ملترینک اتحادینی کند-
 یلرینه اول قدر بیوک برامل ایدنیلرکه غاریبالدی
 مثللو بو یولده پیشرو اولنلری عصرلرینک اعاضمندن
 اولق اوزره بالتلق امرلرینه تمامیلہ انقیاد ایدرک یا
 ایتالیا اتحادینی وجوده کتورمک و یا خود بچله سی
 قرقلق اوزره یمین ایدرلر ایدی . ایش ارتق اولور
 اولمز درجه لری آشمش اولدیغدن دنیلہ بیلورکه ایتالیا-
 نلری بوسودادن واز کچیرمک ایچون فرانسه وحقی
 ایتالیا دولترلی بیلہ سونکی ایله مقاومت ایدہ جک
 اولسه لر ایدی هیچ بر فائده سی کوریلہ من ایدی .

هر ایالت یکدیگرینه باقه باقه نوای عصیانی
 قالدیرمغه باشلادقلرندن پارما و موونا و طوسقانه و لایتلر-
 نده و تانپولی و روماطر فلرنده عظیم اختلال فرقه لری
 یکدیگرینی تعقیباً ایقلاندیلر . ارباب اختلال یالکز
 برآ دکل بحرأ دخی اجرای مراسلات و حرکات
 ایدرلر ایدی . هر طرفده اوستریا عسکر یله ایتالیانلر
 بوغاز بوغازه کلهرک قان کووده بی کوتوردیکی کبی
 فرانسه دخی بونلره معاوتده ثبات ایلر ایدی .
 الحاصل ۱۸۶۰ و ۱۸۶۱ سنه لری محاربات شدید
 ایله کچهرک اوستریا دولتی هر طرفدن مغلوب و پریشان
 اولمغله ایضاحات لازمه سی ایلروده ایتالیا تاریخنده
 ویریله جکی اوزره اوستریا دولتی او زمانه قدر
 متفرق برحالده بولنان ایتالیا اجزای مستقله سنک چله-
 سی بر آریه کلهرک صادووا خانداننک حکومتی
 الشده « ایتالیا » نامیله شمذیکی یکی قرالغک تشکلنی
 منع ایده مدنی .

ایتالیانلرک بودفعه اتحاد خصوصنده کی شدتلرینی
 موازنه یه بر مثال اولق اوزره بوراده عرض ایده لم که
 اوستریا یدنده بولنان ایالتلرک قسم اغلبی ایتالیا یه الحاق

اولندقدن صکره ایتالیانلر او زمان هنوز پایالق مقا -
منک حکومت جسمانیه سنه تابع بولنان روما شهرینک
دخی استیلاسیله بتون ایتالیا یه پای تحت اتحادینه قیام
ایدرك اوزمانه قدر متفقری بولنان فرانسه دولتی
هرنه قدر قاتولک مذهبنک رئیس عمومی روحانیسی
اولان پایا حقنده حرمت و رعایت لازم اولدیغنی مقام
نصح و پندده اوله رق ایتالیانلره اکلتمق ایستمش
ایسه ده ایتالیانلر بونصیحتلره اصلا قولاق ویرمیه رك
« پایا حضر تلرینک امور دنیویه ایله هیچ بر ایلیشکی
اولماق لازمدر . خرسستیانلق بونی اقتضا ایدر »
دیه عادتا هجومه دخی طور انغله فرانسه ایمپراطوری
اوچنجی ناپولیون رومایه برفرقه عسکر کوندروب
تا صوک زمانه قدر پایایی بکلتدیر مکه مجبور اولمشدر .
ایشته ایمپراطور فرانسوا ژوزف ایتالیا مسئله سنه
بوصورتله نهایت ویرد کدن صکره ۱۸۶۱ سنه سنده
مجارستان ایچون بر قانون اساسی وضع و ۱۸۶۵ سنه -
سنده انی بر قاندها توسیع ایدرك مجارستانی عادتا باشلی
باشنه برقرالقی صورتیله اداره ایتک اوزره بر ملت
مجلسی و بر هیئت و کلا تشکیل ایتمش و بوصورتله

مجارلری ممنون ایده بیلشیدی . اوستریانک سائر طرف -
 فری ایچون دخی نظامات و قوانین احرارانه وضعینه
 هر طرفجه آسایش و امنیت اعاذهیه موفق اولمشیدی .
 انجق المانیا تاریخنده دخی بیان اولندیغی اوزره ۱۸۶۶
 سنه سنده پروسیا ایله ایتالیایه قارشو مدافعه سنه
 مجبور اولدیغی بر محاربه شدیده دولت مشارالیهایی
 برخیلی صدماته دهها اوغراتمشدر . شویله که :

پروسیا دولتی المانیا اتحادینی وجوده کتوره رک
 شمذیکی امپراطورلغی قورمق ایچون اوستریانک المانیا
 اوزرنده کی متعلقات و مناسباتنی بالکلیه قطع ایتمکه
 لزوم کوره رک بوبابده کندیسنه معاونت ایچون ایتالیا
 دولتنی دخی اتفاقه دعوت ایلشیدی . ایتالیانلرهنوز
 اوستریا اداره سنده قالان بر قاج ایالتی و باخصوص
 ونڈیک شهرینی ده قور تارمق داعیه سیله ذاتاً بر فرصت
 آره مقدمه بولندقلرندن اکثر نتیجه محاربه کرک المانیا و کرک
 ایتالیاینده بر غلبه یه منجر اولورسه ونڈیک اوستریادن
 نزع و ایتالیا یه ربط اولمق شرطیله اتفاقه داخل
 اولمشدر .

بومحاربه ۱۸۶۶ تاریخنده باش کوستروب

اوستریا دولتی حقیقه پک کایتلی عسکر چیقارهرق
 ایتالیانلری بر آکوستوچا نام محلنه فنا حالده مغلوب
 ایش و لیساً محاربه بحریه سنده دخی اوستریا آمیرالی
 تکه توف براخشاب کمی ایله ایتالیانلرک « ویقتور
 امانوئل » دیه قرال نامنه منسوب اولان عظیم بر
 زرهلینسی غرق ایتک درجه سنده مظفریته نائل اولمش
 ایسه ده نه چاره که اوزمان ایلک دفعه اولق اوزره
 پروسیالور النده کوریلان قویروقدن طولمه تفنکر
 اوستریا عسکرینه کوز آچدیرماش وهله صادوا
 میدان محاربه سنده بوسلاحرک تأثیریه اوستریا عسکری
 حصیر کبی یرله سریلکه باشلایهرق کاملاً منهزم
 و پریشان اولمش بولندیغندن سنه مذکوره اغستوسنک
 یکر می اوچنجی کونی پراغه شهرنده عقد اولنان معا
 هده صلحیه مقتضاسنجه ونیدیک شهرینی ایتالیایه ترک
 ایتکاه برابر المانیانک اوستریا داخل اولدیغی حالده
 وضع ایلیه جکی تشکیلات جدیده سنه هیچ براعتراض
 ایتماکه دخی مجبور اولمشدر .

(بشجی فضل)

« اوستریانک احوال اخیرہ سی »

عن ۱۸۶۶ الی ۰۰۰۰

تفصیل - صادوا محاربه سندن صکرہ اوستریا
 دولتی المانیانک مستقبل و قریباً نصل بر صورت
 متحدہ یہ تحول ایدہ جکنی کسیدرہ رک خارجی پولتیقہ۔
 سندہ قطعياً بیطرفلغی الترام ایش واولانجہ قوتنی
 انتظامات عسکریہ سنی اکیلہ حصر ایشدر •
 واقعا اوستریانک عموم عسکرینہ اسلحہ جدیدہ
 تدارکی وزرہلی سفائنک تکشیری و یکیدن یکی یہ
 ایجاد اولنان حرب مانورالینک کندی ارکان حربیہ -
 سنہ دخی تعلیمی مثللو اصلاحاتدہ کی استعجالی پک بجا
 ایدی • زیرا صادوا مسئلہ سی اوزرندن درت سنہ
 مرور ایدر ایتمز المانیہ فرانسه نک اوزرینہ یوکلندرک
 اوچنجی ناپولیونک تاریخ ایمراطوریسنہ خاتمہ چکد۔
 یکی وعموم المانیہ حکوماتنی توحید ایلدیکی کبی دیگر
 طرفدن روسیہ دہ شکل ایدن اتحاد اقوام اسلاو
 جمعیتی دخی دولت علیہ و اوستریاہ تابع اولان اسلاو۔
 لری دائرہ اتفاقہ دعوتہ باشلایہ رق بناء علیہ بوسنہ

وهرسک طرفلرناه کی اسلاو عناصری دولت علیه یه
 قارشو رفع لوازه عصیان ایشلر ایدی .
 اسلاولرک بوصورتله عصیانلرینی اوستریا دولتی
 کندی منافع حدودیه سنه مغایر کوره رک حدود او-
 زرنده دائماً ترصدا ت عسکریه یه لزوم کورمش اولغله
 برابرهرسک عاصیلری ینه اوستریا طرفنده بولنان اسلاو-
 لردن کلی معاونت کورمکدن خالی قالماش اوللری عقلای
 زمانک نظر دقت و اهمیتلرینی آچمهغه باشلامشیدی .
 او ارهلق روسیه و المانیا و اوستریا دولتلری میانده
 « اتفاق مثلث » دیه براتفاقک انعقادى سوزلری
 دخی میدانه چیقمش و بو اتفاقدن مقصد بلغارستان
 نامیله اورویای عثمانیده یکی براسلاو حکومتی قورمق
 و صربستان و قره طاغ مثللو اسلاو امارتلرینه استقلال
 تام ویرلمک خصوصنده روسیه دولتی طرفندن بیان
 اولنان آرزویه اوستریا طرفندن ممانعت اولنماسی و بو
 عدم ممانعته مقابل دولت مشارالیه یه دخی ممالک عثما-
 نیه دن بر مقدار یر ویرلمسی و بویله لک ایله اوستریا دو-
 لتی جنوبه طوغری صارق دقجه کندی ید اداره سنده
 بولنسان المان ولایتلرینی دخی المانیایه ترک ایتمسی

قضیه لرندن عبارت بولندیغی سویلغش ایدی .
 واقعا دولت علیه ایله روسیه ارسنده محاربه
 اخیره وقوعه کله رک روسیه دولتی اسلاولر ایچون
 آرزو ایلدیکی شیئی حاصل ایلدکن صکره برلینده
 عقد اولنان برقونغرہ دخی بوسنه وهرسک و یکی بازار
 سخاقلرینی « اشغال موقت » نامیله اوستریایه ترک
 ایتکه قرار ویرمش ایسه ده بوکامقابل اوستریادن
 المان ایالتلرینی آیروب المانیایه ویردیکی هنوز کو-
 زلماشدر .

برلین معاهده سی موجنبجه دولت علیه عثمانیه
 اکرچه بوسنه وهرسک قطعہ لرینی تخلیه ایدرک
 اوستریا دولته ترک ایش ایسه ده بوشاقلر بوالتحاقه
 راضی اولدقلرندن « حاجی لویا » اسمنده بردرویشک
 سوقنه تبعیتله برچوق بوسنه بکری سلاحه صاریله -
 رق اوتوز بیک آدم قدر طویلاوب اوستریا اشغالنه
 قارشو مقاومت ومانعته باشلامشدر ایدی .

غریبدرکه اوستریا دولتی بوسنه ارباب قیامنه
 قارشو یوز الی بیکه قریب عسکر کوندردیکی حالده
 ارباب قیامی پک کوجدلکه مغلوب ایده یلمشدر .

حتی بر قاچ محاربه لرده بوشناقلرک پراکنده و پریشان
باشی بوزوقلری اوستریانک عساکر منتظمه سی
فرقه لرینی بوزوب منهزم دخی ایشلردر . همان علی
العموم ارباب فکر و ملاحظه اکر بوشناقلر بو حالدن
دها اولجه خبردار اولوب ده تدارکات لازمه لرینی
اکمال ایتمش اولسه لر ایدی عادتاً اوستریالورک بوسنه
وهرسکی اشغالدن عاجز قاله جقلرینی ده حکم ایشلردر .
انجق تا برلین معاهده سی عقد اولنجه یه قدر بوسنه نک
اوستریا تحت اشغال عسکریسنه ویرلمک کبی اورته ده
بر فکر دولی بولندیغی کسه نک خاطر و خیالنه بيله
کلامش و بوشناقلرایسه بویله بر اشغاله امکان اولدیغنی
قطعیاً حکم ایتمش اولدیغندن تا اوستریا پیشدارلری
حدودی تجاوز ایلدکاری زمان بيله کندیلرنجه
هیچ بر تدارکه احتیاج کور مامش ایدیلر . اندن صکره
علی جناح الاستعجال صارلدقلری سلاح ایسه کندیلر .
ینک بش التی مثلی اوستریالو قارشوسنده عاجز قالد .
یغندن اوستریا دولتی هر طرفی استیلا ایلد کدن صکره
عموم بوشناقلری ترک سلاحه دعوت ایش و جمله سنک
سلاحنی طویل امشدر .

مع هذا احكام عهدیه اقتضاسنجه بوسنه وهرسك
 طالا دولت علیه ممالکندن اولوب اوستریانك اورا -
 ده کی اشغال وادارهٔ محلیه سی موقدر . هله یکی
 بازار سنجاغنی عسا کر عثمانیه ایله اوستریا عسکری
 معا و مشترکا اشغال ایتمکده اولوب ادارهٔ محلیه ایسه
 عثمانلی حکومتی النده در .

(افادهٔ عمومی)

اوستریا تاریخی آلمانیا وایتالیا و سائرہ تاریخی یاه
 ایت ممزوج و مختلط اولدیغندن محضاً و منحصر اادولت
 ششار الیهایه دائر اولان احوال تاریخیه یی آروب
 وندن بر تاریخ خصوصی چیقارمق حقیقهٔ مشکلات
 موردن اولوب بو مختصر جلدده ایسه بزم ایچون
 لك باشلوجه غیرت ایدیله جك شی دخی او تاریخ
 خصوصیدن عبارت اولغله بحق موفق اوله مامش
 کور یلور ایسه لك ایشك مشکلاتنه نظراً معفو عد
 ولنه جهمزی قارئلر یمزك عنایت لطفکار یلرندن امید
 یلرز .

دولت مشار الیهانك وقومات و انقلابات تاریخیه -
 سی نظر محاکده اجمال ایدیلور ایسه اول باول

کوریله جک اولان شی بودولتک هممان هیچ برزمانده
 بردولت عسکریه تشکییل ایده مامش، اولسی قضیه -
 سیدر • عادتاً بعض دولتر ایله اتفاق ایتمدیکی حالده
 محاربه بی کوزه الدیره مامق اوستریانک شانی کبی برشی
 اولوب بونکله برابر دولت مشار الیهانک بعض کره
 اورویا اوزرنده جهانگیرانه بروسعت پیدا ایلمدیکی
 دخی کورلمش ایسه ده بووسعتلر سلاح قوتیله حصوله
 کلیوب دائماً مناکحات و میراثجه انتقالات صورتیله
 وجوده کلشدر •

اوستریانک بردولت عسکریه میدانه کتوره مامش
 اولسنده سبب یالکز زیر ادا رسنده بولنان اهلینک پلک
 چوق جنسیتلره منقسم اولسندن عبارت عد اولنه مز •
 بو حال دولت علیه عثمانیه ده دخی موجود ایکنینه
 دولت علیه نک برنجی درجه لرده بردولت عسکریه
 اولدیغنی جهانیه تسلیم ایتمیش بولنسی اوستریا
 حقنده وارد اولان خاطر هیه مانع اولور • حتی اوستریا
 تابع اولان عناصرک عادتاً هیچ برزمانده دولت علیه
 عناصرینک ایقاع ایلمکری عصیانلر مثلوه عصیانلری -
 ده کور لمامشدر • شو قدر که اوستریا خاندانده

(اگر اصل اوستریانو عد اولنه بیلور ایسه) شارل کندن
 بشقه عسکر عد اولنه بیله جنک بر پرنس ظهوره کلامش او-
 لمسی اوستریانک بر دولت عسکریه تشکیلنه مانع اولمشدر .
 بو نکلہ برابر معارف عسکریه اوستریا ده پک
 ایرویه کوتور لمشدر . فقط فنون و معارف عسکریه نک
 ایرویه کوتور لمسی عادتا فنون حکمیه و طبیعیسه نک
 ترقیاتی کبی یالکر نظر یاتدن عبارت اولوب یوقسه
 جنک میدانده اثبات اهلیت عسکریه ایتمک اوستریا-
 لورده پک نادر اوله رق بلکه ده تصادف نوغندن
 مشاهده اولنه بیلمشدر .

اوستریا تار یخندن کمال اهمیتله النه جق عبرت
 بو دولته تابع اولان اهلینک صنایع و تجارتجه پیدا
 ایلدکری ترقیدر . بوندن مقدم دخی بالمناصبه عرض
 اولندیغی اوزره هر نوع معمولاتک اهور نتیجه اوستریا
 ایله رقابت ممکن اوله میه جق درجه لرده بر حال کورلد-
 یکنندن اوستریا امتعه سی دنیانک هر طرفنه انتشار
 ایلمشدر . هر زمان سواحل بحریه سی پک آز اولان
 بودولتک تجارت بحریه جه حاصل ایلدیکی قنقرته
 انعامک حیران قالماسی محالدر .

باشلیجه بش التي جنسه آیریلان اوستریا تبعه سنک
 افکار سیاسیة لرنده هیچ بر زمان اتحاد تام حاصل اولمش
 اولدیغی کبی حالا بو کونکی کونده دخی مجار لر ایله
 المانلر و بونلر ایله اسلاولر اره سنده کی مبانیت افکاره
 باقیلور ایسه بونلرک عصر لر جه مدت بر سیاسی
 قزغانده قینامش اوللرینه اصلا احتمال ویریله من •
 انجق اهالی مذ کوره نک شو ضدیتلری بونلر دن
 هانکیسی بر از دائرة اطاعتدن چیقمغه یلتنه جنک
 اولسه دیکر لرینک قوتیله انلری تأدیباتک خصوصنده
 اوستریا دولتنه بیولر فرصت و یرمش و بیولر بر امکان
 یولی آچشدر •

یکدیگرینه تقرب ایتامش اولان اوستریا اهالی سنک
 طور واستعداد مخصوصلرینی عمومیت اوزره تدقیقه
 امکان اولیوب بونلری بشقه بشقه تدقیق ایتک لازم
 کلور • بو حالده مجار لر موقع تدقیقه چکسه لر کور-
 یلور که خرسیتیانلغک کندی اخلاق قومیلری اوزرنده
 پیدا ایلدیکی جزوی تأثیر اتدن ماعدا بونلر حالا آتیلانک
 هونلریدر لر • زاد کانلغسه فوق الحد اهمیت ویره رک
 هر بری کندیلرینی ملنک معبودین قدیمه سی درجه.

سندھ طوتار لر • بناء عليه فکړلرنده عناد درجه سندھ
ثبات و اصرار و طور لرنده کبر و وقار مجار لړک برنجی
شعار لرنندږ • مردلک و عهده وفا و معاملات واقعہ
سندھ طوغریلق کبی احوالک دخی مجار لړ طور لرنده
اولان اھالی ایچون ھمان عومی اوله جغی تفصیله
محتاج عد اولننه من •

اسلاورہ کلنجہ : اوستریانک نوعماک زیادہ ترقی
ایتمش اولان اھالیسی بونلر عد اولننہ بچادر • فنون
و معارف خصوص سندھ المانلرک مالک اولدق لری بھرہ یہ
اسلاو لسانک حاوی اولدیغی شیلری دخی علاوہ
ایدلرک ھلہ صنایع و تجارت خصوص سندھ سار قومشو
لرینی یکمشلردر • انجق اخلاق خصوص سندھ بونلردن
پک آز قوملر اصل اسلاورده کوریلان متانت و صلا
بتی حفظ ایده بیلہرک الک بیوک قسمی ایسہ مزاج لرنده
پیدا اولان خفت ایلہ احوال و اطوار اصلیه ملیہ لرینی
غیب ایتمشلردر •

المانلر ایسہ اصل المانیا اھالیسنہ قیاس قبول
ایده میہ جک درجه لرنده دکشوب بونلردہ المانلرک
خصصایص قومیه لرندن کبی اولان جنسکاورلک پک

زیاده تدنی ایلد کدن ماعدا اوستریانک اخلاقجه اک
 زیاده تحول ایتش اولان اهالیسی دخی بونلر عد او-
 لنه بیلور • ظن اولنسه بیلور که اکثر معامله تجاریه
 و صرافیه لرنده یهودیلر ایله اخذ و اعطا ایدرک بونلرک
 قوای احتیالیه سی انلره دخی انتقال ایشدر •

هله نفس ویانه شهری اهالیسی بزم استانبولک
 بر چوق اقوام شرقیه ممزوجی اولدیغی کبی کافه او-
 ستریا اهالیسنک اقوام متخالفه سی ممزوجی برشی او-
 لوب بونلر نه اسلاو نه مجار نه یهودی عد اولنسه میهرق
 فقط عموینه دخی بر رجهدن مشابهتلی واردر •
 (انها)

✽ فهرست ✽

صفیحه

مقدمه ۲

اوستریانک اجمال احوال جغرافیة سی ۴

اوستریا تاریخنک تقسیمات اساسیة سی ۱۱

(برنجی باب) ابتداءن ایلک مارغراویالغک
تشکنه قدر

«برنجی فصل» اوستریانک احوال ابتداءیة سی ۱۴

«ایکنجی فصل» اوستریانک باویرا و آوارلر ۲۰

اره سندن تقسیمه قدر

«اوچنجی فصل» شمارمانک استیلاسیله ۲۸

ایلک مارغراویالق

(ایکنجی باب) بابنبرغ خاندانندن هابسبورغ

خاندانه قدر

«برنجی فصل» بابنبرغ مارغراوودوقه لقری ۳۴

«ایکنجی فصل» بابنبرغلرک ختامندن ها ۴۱


بسبورغلرک ظهورینه قدر

(اوچنجی باب) هابسبورغک اوتریش لورن

خاندانه انقلابه قدر

« برنجی فصل »	ها بسبورغ دوق	۴۶
	وارشیدوقلری	
« ایکنجی فصل »	اوستریا ایمپراطورلغی	۵۲
« اوچنجی فصل »	اوستریانک لورن خاندا -	۶۲
	نیله اتحادی	
	(بند مخصوص)	مجارستان
	(دیگر بند مخصوص)	بوهمیا
	(دردنجی باب)	اوستریانک زمانزه قدر
	خلاصه تاریخی	
« برنجی فصل »	فرانسه علیهنده کی اتفاقه	۷۵
	دخولنه قدر	
« ایکنجی فصل »	فرانسه علیهنده کی اتفاقه	۷۹
	دخولی	
« اوچنجی فصل »	قانون اساسی محارباتی	۸۴
« دردنجی فصل »	ایتالیان ایالتیرینک انفکامی	۹۰
« بشنجی فصل »	اوستریانک احوال اخیره سی	۹۷
	(افاده عمومی)	۱۰۱







کائنات
کتبخانه
تاریخ

برنجی قسم
اورویا
« برنجی قسمک اونجی جلدی »
(اسویچره)

(محرری)

احمد مدحت

« توجان حقیقته » تفرقه اولهرق درج ونشر
اولندقدن صکره آیریجه کتاب اولهرق طبع
اولنمشدر

استانبول

۱۲۹۸

﴿ اسویچرہ ﴾



جغرافیونک اور وپای وسطیدہ موجودیتنی اخبار
واسامی و موافعی اشعار ایلدکاری یدی حکومتک
یدنجیسی اسویچرہ اولکاسی اولوب اشبو اثر مزده
اتخاذ ایش اولدیغمز اصول اقتضاسنجہ اولکای
مذکورک احوال تاریخیہ سنی ذکرہ باشلامزدن اول
احوال جغرافیہ سنی بروجه آتی اجمال ایلرز .
« اسویچرہ نک اجمال احوال جغرافیہ سی »

قدمانک « هلهوتیا » و جرمنلرک « شوایج »
تسمیه ایلدکاری اشبو اسویچرہ اولکاسی اورویانک
وسطنده بولنوب غرب طرفندن فرانسه و شمال طرف-
فندن باد غراندوقه لغی و شرق طرفندن اوستریانک

نيروول ايالتی و جنوب طرفندن ايتاليه اولكاسی ايله محدوددر . قرق التی درجه دن قرق سکز درجه عرض شمالیده بولمغله اكرچه هواسی مثلا اسوج نوروج قدر صوغوق اولماق لازم كلور ايسه ده قطعۀ مذكوره نك سطح بجره نسبتله ارتفاعی اوروپانك بلاد سائر هسنندن زیاده اولمقله برابر سطحنی همان كاملا جبال رفيعه اشغال ايلش اولديغندن اسويچره قطعۀ هسی اوروپانك عادتًا الك صوغوق محالردن عدد و لنور .

بو اولكانك شرقدن غربه قدر امتدادی ۳۴۸ كيلومتر و شمالدن جنوبه قدر ۲۱۲ كيلومتر اولدغندن بزم خداوندكار ولايتندن پك چوقی زیاده كوچك اولديغی اكلاشيلور ايسه ده مقدار نفوسی ايکی مليون سکز يوز بيكه تقرب ايلديكندن اسويچره اولكاسی لچيقادن صكره اوروپانك الك غلبه لك مملكتلردن عدد اولنه بيلور . اليوم مركز حكومت « برن » شهرنده اولوب زوريج ولوسرن شهرلری دخی اسو-
 مره نك قصبات مركزیه سی عدد اولنور لر .
 بو مملكتك « اسويچره » تسمیه سنك وجهی

اوراسی بروقت نیچہ نواحی صغیرہ یہ منقسم اولہرق
 ہر بری پردہ بکنک ادارہ مستبدانہ سنہ تابع ایکن
 اشاغیدہ تاریخ قسمندہ کوریلہ جکی وجہالہ شمیدیکی
 استقلالی استحصال ایچون ایڈیلان اینک حرکتک
 « شوایح » یعنی اصل اسویچرہ ناحیہ سندن بدأ ایتش
 اولسندن عبارتدر . ناحیہ مذکورہ یہ مؤخر اھانکی
 ناحیہ لرتحاق ایتش ایسہ لرت « اسویچرہ » نام عمو -
 میسنی قبول ایشلردر . بوضورتاہ اسویچرہ یکر می
 بر ناحیہ التحاق ایلدیکندن حالا اولکای مذکورہ اصل
 اسویچرہ دخی داخل بولندیغی حالده یکر می ایکی
 ناحیہ یہ منقسمدر . اشبو ناحیہ لرتک ہر بری بشقہ جہ
 برجمہوریت اولق اوزرہ مستقل بولنوب کندی
 امور بلدیہ وعدلیہ وسائرہ لرینی کندی باشلرینہ ادارہ
 وتسویہ ایدرلر . انجق جہلہ سی « اسویچرہ » نام
 عومیسى التندہ مجتمع اولدق لرنیدن کندی طرف لرنیدن
 انتخاب اولنان اعضادن مرکب اوچ درلو مجلس
 اسویچرہ نك حق حکمرانیسنی موقع اجرا یہ قویارلر .
 بو اوچ مجلس لردن برنجیسی « مجلس عمومی ملی »
 اولوب بودخی « ملت مجلسی » و « حکومت مجلسی »

اولی اوزره ایکی به منقسمدر - کافه قوانین و نظامات
 اشبو ایکی مجلسک اجتماعندن وجوده کلان مجلس عمومی
 ملیده تنظیم اولنور . ایکنجی مجلس « مجلس اداره
 حکومت » اولوب قوه اجرائیه بوجلسه مفوضدر .
 اوچنجیسی ایسه « محکمه ملیه » درکه نواحی ارسنده
 بر مخالفت و قوانین حکومته خیانت کبی بر پیوک جنایت
 سیاسیة ظهور ایدر ایسه بوجلسده رؤیت اولنور .

اسویچره اهالیسنک بر قسمی فرانسزجه و بر
 قسمی المانجه تکلم ایدر لر بر قسمی دخی هر ایکی لسانله
 متکلمدر . بعض ناحیه لرده بر نوع لاتینجه دخی تکلم
 اولنور . کذلک اهالی مر قومه نک بر قسمی پروتستان
 و دیگر قسمی قاتولیک مذهبنه سالکدر لر . بواهالی
 میانده معارف پک زیاده منتشردر . زیرا اولاد
 وطنک عمومی ایچون تحصیل معارف مجبوری اولوب
 ققرا چوجقتری حکومت طرفندن مجاناً تدریس او-
 لنور لر . بال و زور یخ و برن شهر لرنده اوچ دارالمعارف
 بولنوب اقامیاری فرانسه اقامیالرنه مساویدر .
 اسویچره لولرک وطنلرنه محبتی پک زیاده اولوب
 بوجبت سابقه سیله ایچلرندن او قدر مشهور وطنپرور لر
 ظهور المشدر که اسویچره تاریخی ایچون هر بری بر

مفخرت اوله ییلور لر . علوم و حکمیاتده پک مشهور
ادم لر دخی ظهور ایشدر که اشبو مشاهیر صره سی
کلدجکه تاریخ قسمنده یاد اولنه جقلر در .

اسویچره اولکاسنک غایت مرتفع و طاغلق اولد-
یعنی ابتدای مجتده اخبار ایشیرک . بو طاغلقر او-
روپای وسطی یه قول قول اوزانمش اولان الب طا-
غلقینک اسویچره دن باشلایان کوکاری اولوب سلسله
جبال اورادن بدأ ایله فرانسه و المانیا و ایتالیا ایچلرینه
طوغری امتداد ایدر لر . رین و روغن و آدیتر کبی
مشهور نهر لر هب اسویچره ده کی منبعلر دن نبعان ایدرک
اوروپانک قطعات سائر سنه و بانخاصه فرانسه
و المانیایه طوغری جریان ایدر لر . اوروپا ایچنده
اسویچره قدر لطافت موقعیه مالک هیچ بر مملکت تصور
اولنه مز . عظیم و جسم طاغلقده تمادیا قارلی تپه لر
و چبلاق قیالر و زمرد کبی اورمانلر و ایپک کبی چنلر
ایله مستور و مزین و ادیلر و بر چوق قیناقلر و کولر
اسویچره بی رسام طبیعتک قلم مهارتندن چیقان اک
کوزل بر لوحه حالنه قویوب مشاهیر فن رسم بو مملکته
عریتمله تقلید طبیعت ایچون بر چوق زمانلر کندیلرینی

طاغلرده غیب ایدر لر • اسویچره نك جبالی پك چوق
 معادنله مملودر • انجق بونلر المانیا معادنی قدر کثرت
 ومهارتله ایشلدیله مامکده در لر • اراضیسی آزمینت
 اولدیغندن بومملکتده زراعت دخی ترقی ایده میوب
 فقط بعض صنایع خفیفه ایجه ترقی ایشدر • برمملکتده
 زراعت و صنایع ترقیده اولینجه تجارت دخی ترقی ایده
 میه جکندن واسویچره دخی بویله اولدیغندن اهالیسنده
 فقر و ضرورت واردر • بناء علیه بزم ارناودلر کبی
 اسویچره لیلر دخی وطنلرندن خارجه چیقهرق پاره
 قازانمغه مجبور اولدقلرندن اوللری بونلر دول سائره
 زردینه کیدرک عسکر اولورلر وبالخاصه فرانسه
 واسپانیا خدمت عسکریه سنی ترجیح ایدر لر ایدی •
 شمدی ایسه قیوجیلق و اوشاقلق کبی خدمتلر ایچون
 خارجه کیدر لر • بو آدملرک صداقلری وشجاعتلری
 اورویاچه ضرب مثل حکمنه کیرمشدر •

« اسویچره تاریخنك تقسیماتی »

وقوعات تاریخیه نك انقطاع ایلدکلری زمانلر
 اوزرینه اسویچره تاریخ خصوصیسی ایچون برتقسیم
 اساسی یایمق لازم کلدکده تاریخ مذکورى باشلیجه

اوج بابه تقسیم ایتک لازم کور که باب اول اسویچره نک
 نظر اطلاع تاریخیده اثبات موجودیت ایتکه باشلا-
 دیغی زماندن بدأ ایله اوراسنک اوستریا خاندانه
 انتقالی مدتی جامعاً ۱۳۰۴ سنه سنه قدر ممتد اولور .
 ایکنجی باب ایسه ذکر اولنان ۱۳۰۴ سنه سندن بدأ
 ایله اسویچره نک استقلال تامه نائل اولدیغی ۱۶۴۸
 سنه سنه وارنجیه قدر ایتدیغی محاربات متمادیه وسار
 وقوعات انقلابجویانه بی جمع ایلر . اوچنجی باب دخی
 مذکور ۱۶۴۸ سنه سندن بدأ ایله زمانزه قدر اولکای
 مذکورک وقوعات و انقلابات جدیده سنی مین اولور .
 اشبو اوج بابدن باب اولی درت فصله تقسیم ایتک
 ایجاب ایلیوب فصل اولده اسویچره نک تاریخ نظرنده
 طائغیه باشلا دیغی زماندن بدأ ایله روما ولایتی حکمنه
 کیردیگی زمان یعنی میلادک ۳۹۵ سنه سنه قدر اولان
 وقوعاتی جامع اولور . ایکنجی فصل ۳۹۵ سنه
 میلادیه سندن بدأ ایله ۹۳۰ سنه سنه قدر اسویچره نک
 برطاقم حکومت متفرقه یه تابعیتی کوسترر . اوچنجی
 فصل ۹۳۰ سنه سندن بدأ ایله ۱۲۷۳ سنه سنه قدر
 قطعاً مذکور نک برلمان ایالتی حکمنه کیرمسی ودر-

دنجی فصل دخی مذکور ۱۴۷۳ سنه سندن باشلا یه رق
 ۱۳۰۴ سنه سنه قدر اولکای مذکور اوستریا اداره سنه
 تبعیتی حاوی اولور .

ایکنجی بابی دخی درت فصل له تقسیم ائیک لازم
 کلور که بونک برنجی فصلی ۱۳۰۴ سنه سندن ۱۳۱۵
 سنه سنه قدر دوام ایلیان استقلال محارباتک «برونن»
 اتحادینی تشکیل ایلدیکنی کوسترر . ایکنجی فصلنده
 ذکر اولنان ۱۳۱۵ سنه سندن ۱۴۲۴ سنه سنه قدر
 غریزون اتحادینک تشکله قدر وقوعه کلان محاربات
 و انقلابات مهمه ذکر اولنور : اوچنجی فصل ایسه
 ۱۴۲۴ سنه سندن ۱۴۵۳ سنه سنه قدر دوام ایلیان
 نفاق و شورش و اختلاف دورینک و قوعاتی شامل
 اولور . دردنجی فصل دخی ۱۴۵۳ سنه سندن
 ۱۶۴۸ سنه سنه یعنی اسویچر دنک استقلال تامه نائلینده
 قدر اولان و قوعاتی حاوی اولور .

اوچنجی باب ایسه اوچ فصله تقسیم اولنور که
 بونک برنجی فصلنده ۱۶۴۸ سنه سندن ۱۷۱۲ سنه
 قدر اسویچره بی هرج و مرج ایلیان پروتستانلق دعوا
 لری حکایه قلنور . ایکنجی فصلنده ۱۷۱۲ سنه سندن

۱۸۱۴ سنه سنه قدر فرانسه بيوك اختلانك اسويچره .
 جه موجب اولديغى احوال ذكر اولنور . اوچنجى
 فصلنده دخى ۱۸۱۴ سنه سنندن زمانه قدر مملكت
 مذكوره نك وقوعات اخيره سى جمع اولنور .

(برنجى باب)

ابتداى احوال

عن ۰۰۰ الى ۱۳۰۴

« برنجى فصل »

اسويچره نك روما ولايتى اولسنه قدر

عن ۰۰۰ الى ۳۹۵

تفصيل - رومالور كندى معلومات جغرافيه
 واتنولوژيقيه لرينى اوروپانك وسط و شمال طرفلرینه
 طوغرى ايلك توسيع ايتمكه باشلا دقلى زمان شمديكى
 اسويچره ده بولنان خلقه « سقاز » و يا خود « هلوه
 تيهن » تسميه ايلديلىر . بو اسملك برنجيسى رومالورك
 شمدي فرانسزلر نرندنه « سن » نهري ديسلان نهري
 « سقانا » تسميه ايتلرندن ونهر مذكوراك منبعى دخى
 هلوه تيه نلك مملكتلر نرندنه بولنديغندن طولايى اهالى
 مذكوره يه ويرلمش ايدي . يوقسه اقوام جرمانيه دن

الاول اسویچرہ دہ کوریلوب رومالورہ تابع اولمش
بولنان اہالینک اسمی « ہلوتیہن » لردرکہ حتی بو
کون دخی اسویچرہ یہ « رپوبلیق ہلوہ تیق » یعنی
ہلوہ تیہ نر جمہوری نامی ویرلدیکی اکثریا کو۔
ریلیور ۔

اسکی فرانسه دیمک اولان غول ممالکی اقوامندن
ادوان دینلان قوم اشبو ہلوہ تیہ نرک غرب طرفندہ
وانلرہ ہم جوار اولہرق ساکن اولوب حالبو کہ
ارہ لرنده اوتہ دنبری نفاق و شقاق اکسیک اولمزایدی ۔
انجق ادوانلر کندی ارہ لرنده انتخاب ایلہ نصب
اولنان و « رغوبر » دینلان رئیس لرنہ غایت مطیع و بو
اطاعتدن دخی اخلاقی غیر قابل برانتظام حاصل اولد ۔
یغندن ہلوہ تیہ نر بردرلو ادوانلر اوزرینہ مظفر اولہ ۔
مز لرایدی ۔ سائقہ عداوت ایلہ ہلوہ تیہ نر سوئہ و
نام بر جمعیتک رئیس ی بولنان آزیو پستدن استمداد
ایدرک مر قوم مقدار کلی عسکرلہ کلوب ادوانلر
اوزرینہ غلبہ چالیدی ۔ انجق شوغالیبتدن نہ سوئہ ولر
ونہ دہ ہلوہ تیہ نر مستفید اولہ میوب بالعکس اورالرک
فقہی ایچون رومایہ بر بیوک فرصت ویرلمش اولدی ۔

زیرا رومالور غول ممالکنه طوغری اطاله دست
 استیلا ایتک ایستدکاری حالده تفصیلی فرانسه تاریخنده
 کوسترلش اولدیغی اوزره غول اقوامنک جنکاور-
 لکاری مناسبتیه موفق اوله ماقده ایدیلر .

بودمه سوئه ولریله هلووه یقنرک ادوانر اوزرینه
 غلبه لری ماده سندن روما ایچون حاصل اولان فرصتک
 وجه و حکمنه کلنجه : سوئه ولر اوزمانلر هر طرفدن
 کلوب طویلانان قانلی قاتل و سرسر یلردن مرکب بر
 چاپوچی جمعیتی اولوب کندی جمعیتلرینه بر ملت
 و حکومت صورتی ویرمک ایستدکارندن ادوانلری
 مغلوب ایلدکاری زمان انلری تحت رعیتلرینه اله جقلری
 کبی هلووه تیه نرک غالبیتی محضاً کندی سلاحلرینک
 سایه مظفریتنده حاصل اولدیغی جهتله اصل ملت
 حاکمه کندیلرینی عد ایتکه و بناء علیه هلووه تیه نلری
 دخی برنوع رعیه طایفه قالشمشلرایدی . حالبوکه
 قیصر روم دیه شهرت الان سزار بر طرفدن ادوانلره
 اتفاق تکلیف ایدرک روما رعیه سی اولغی دکل
 یالکزر رومانک دوستی و متفق اولغی قبول ایده جک
 اولورلر ایسه کندیلرینی سوئه ولرک تسلطندن قورتا.

ره جغنی وعد و تأمین ایلدیکی کبی دیگر جهتدن بو
 وعدی هلوه تیه نلره دخی ویرمکه باشلادی . بو
 تکلیف و وعدی ادوانلردن اول هلوه تیه نلر قبول
 ایلدیلر . زیرا انلر سوئه و لرك مغلوبی اولدقلری
 حالده رعیتلری التنه کیرمکدن دهها زیاده بیر ار اولمقده
 ایدیله .

بناء علیه سزار بر قوه کلبه ایله اسویچره طرفلر -
 ینه کیردیکی زمان سوئه و لردن ماعدا بالجمله اهالی
 کندیسنه مقاومت دکل عاداتا معاونت ایلدکلرندن
 سوئه و لر الزیا نام قلعه یه تحصن ایدرک سزاره قارشو
 عقلره حیرت ویره جک درجه ده مقاومت کوستردیلر
 ایسه ده سزار ایله متفق اولان اقوامک شدت مصادمه لری
 دخی عقلره حیرت ویره جک برشی اولدیغندن هر حالده
 سزار نائل غالبیت اوامشیدی . سزارک اشبو موفقیتی
 میلاددن ۵۸ سنه مقدم وقوعه کله رنک اندن صکره
 بو محللر « سقاز » ولایتی نامیله طوغریدن طوغری یه
 روما طرفدن اداره اولنور بر ولایت حالنه کیرنجه
 براره لقی هلوه تیه نلر دیگر بعض قبائل جرمانیه ایله
 برلشهرک هم رومایه عصیان وهم ده غول مالکنه

طوغری تعرض داعیه سنه قالمشتر ایسه ده روما
حکومتی بونلری گاه مقهور و گاه اصلاح ایلیه رک
عاقبت یوله کتورمش و اندن صکره اسویچره طرفلری
رومانک ال صادق و مطیع ولایاتندن معدود اوله رق
تامیلادک بشنجی عصرینه قدر اورالده صحایف
تواریخه قید و تحریر اولمغه شایان برکونه و قومات
مهمه کورلمکسزین ولایت مذکوره کمال آسایش و امنیت
ایچنده وقت کچیرمشدر.

« ایکنجی فصل »

اسویچره نک حکومات متفرقه یه تابعیتی

عن ۳۹۵ الی ۹۳۰

تفصیل - اصل تفصیلی ایلروده ایتالیا تاریخنده
ذکر اولنه جغی و فرانسه و المانیا تاریخلرنده دخی برر
نبذه جک اخطار قلنمش بولندیغی اوزره اوروپای
وسطی و شمالی اقوامی میلادک دردنجی عصری اوا -
خرنده طرف طرف روما دولتی اوزرینه قیام ایلد -
کلری و باخصوص ۳۹۵ سنه میلادیه سنده روما دولتی
شرقی و غربی دیه ایکی یه انقسام ایدوب ده رومای
غربی قسمی اقوام شمالیه نک تعرضاتنه مقابل اظهار

عجز ایلكه باشلادیغی زمانلر كرك غول ولایاتندن
 و كرك اشبو اسویچره طرفلرندن رومالورك الی چكلمكه
 یوز طوتمش ایدی . هله بشجی عصر میلادیه رو.
 مای غربی دولتی بالکلیه منقرض اولوبده انك انقا.
 ضندن برطاقم حكومات جدیده تشکل ایلدیکی و حا.
 لبوکه بونلر دخی اویله طول مدت پایدار اوله میهرق
 یكدی کربنی تعقیبا محو اولوب کیتدیکی مدت ظرفده
 شمدیکی اسویچره جمهوریتنی تشکیل ایلیان ممالکک
 اغلی اشبو حكومات متفرقه یه تابع اوله رق تا ۹۳۰
 سنه میلادیه سنه قدر بو حال دوام ائتشد .

اسویچره نك تابع اولدیغی حكومات متفرقه نك
 برنجیسی بورغونیا دولتیدر . بونام عن اصل بور کوند
 و یاخود بورکینیون صورتیله اقوام جرمانیه دن بر
 بیوک قومك اسمی اوله رق بونلر میلادك ۴۰۶ سنه .
 سنده غول ممالکنه هجوم و برچوق یرلری بالاستیلا
 بیوجك بردولت قورمشر ایدی . ایشته بودولتك
 ایلك تشکلی شمدیکی الزاس ایالتنك بر قسمی ایله اسو.
 یچره جمهوریتنك همان کافه سی داخل اولان ممالکده
 وقوعه کله رك بناء علیه اسویچره قطعه سی بورغونیا

دولتک انقلابنه قدر انک اداره سنه تابع اولدی قالدی .
 بورغونیا نیک کوردیکی انقلاب بوراسنیک براره لوق
 فرانسه یه تابعیتیه شارلمان طرفندن بر دوقه صورته
 افرانندن صکره بتکرار « بورغونیا سیتشوران »
 و « بورغونیا ترانسوران » نامریله ایکی قرالغه
 انقسامندن عبارت اولوب اوحالده اسویچره قطعہ سی
 بورغونیا ترانسوران قسمنده داخل بولمش ودها
 صکره لری بو ایکی قطعہ بر لشه رک « آرال قرالغی »
 نامی آلدیغی زمان ینه اسویچره قطعہ سی بو حکومتک
 قسم اعظمی تشکیل ایشدر .

اسویچره نیک بویله بورغونیا و بورغونیا ترانسور-
 ران و آرال قرالقلرینه تابعیتی بو قرالقلرک دوچار او-
 لدق لری انقلابندن متفرع وقوعاتک کافه سنه اشتراکی
 موجب اولمشدر که وقوعات مذکوره اکرچه بر بور-
 غونیا تاریخ خصوصی و یا خود بر اسویچره تاریخ
 مفصلی ایچون قید و تحریری لازم شیلردن عد اولنور
 ایسه ده بز بواثر مزده دایما طریق اختصاره سالک
 اولدیغمزه کوره بر اسویچره تاریخ مختصرنده وقوعات
 مذکوره یی کلفت تفصیلدن وارسته کوره جک قدر

جزویات اموردن عد ایلرز • بو فضلده قید و تحریرہ
شایان کوردیکمز شی آرال قرالغنیک اوچ نفر قرالردن
اوچنجیسی اولان رودولف ثالثک بو قرالغنی فراتقونی
دوقه سی قونزادله سالیقه ترک و فراغت ایتسی ومؤ-
خرأ مومی الیه قونزادک المانیا ایمپراطورلغنه انتخاب
اولنسی اسویچرہ جمهوریتی دخی داخل اولدیغی حالده
آرال قرالغنیک طوغریدن طوغریه المانیا یه تابع بولولا-
یت حکمنه کیردش بولنسی قضیه سیدر •

« اوچنجی فصل »

اسویچرہ نک بر المان ولایتی اولسی

عن ۹۳۰ الی ۱۲۷۳

تفصیل - قونزادله سالیق اوچنجی رودولفدن
آرال قرالغنی اخذ و تسلیم ایلدیکی زمان اوراسنی
برمدت دها همان طوغریدن طوغریه کندی اداره سی
التنه المش ایدیسده مومی الیه المانیا یه ایمپراطور
اولدیغی زمان المانیا ایمپراطورلغنه رقیب اولان برطاقم
محارین ایله اوغراشمقن بو اداره ده دوام ایدهمیه -
جکنی اکلایه رق اسویچرہ طرفلرینی زارینرن دوقه -
لری اداره سنه حواله ایشیدی •

اشبو زارینژن خاندانی المانیانک ال قدیم خاندان۔
 نرندن اولوب سوندغو دوقه سی غونتران سلاله سندن
 کیشدر . مومی الیه غونترانک ایکی اوغلی اولوب
 بیوکی زیاردر که اصل زارینژن خاندانک بانسی بودات
 عد اولنور . و کوچک اوغلی لانزه لین نامنده بر ذات
 در که « هابسبورغ خاندانی » نامیله بر ارهلق اوستریا
 و المانیا و اسپانیا و سائر برچوق ممالکده حکم سورمش
 و حالا اوستریا خاندان امپراطوریسی اوله رقی اوراده
 حکم سور مکده بولنمش اولان خاندان مشهوری تشکیل
 ایشدر . حتی اشاغیده کوریله جکی اوزره اسویجره۔
 نک مؤخرأ بر اوستریا ایالتی اولسنک ال بیوک وجهی
 دخی هابسبورغ خاندانیله زارینژن خاندانی اره سنده
 مبدأ جهندن شو یله بر مناسبت موجود اولسندن
 طولایندر .

المانیا امپراطور لغنسک هیچ بروقت زائل اولمیان
 جایه سی سایه سنده زارینژن خاندانی کرک اسویجره ده
 و کرک کندولرینه مودوع اولان سائر محللرده حسن
 اداره یه موفق اولمشلر ایدیسه ده اوزمانلر اوروپا
 حکمدار لرینک اصول توارثی یک فنا اوله رقی بر حکمدار

وفات ایلدیکی زمان اکثریا ملکی وارثلری ارسنده
 تقسیمه قونلدیغی کبی بالخاصه المانیاده بو او یغونسز-
 لقدن ماعدا برده هر قوتنه اعتماد ایدنلرک بر صاحب
 خروج کسیلهرک اعلان استقلال ایتلری یولی بولند-
 یغندن و زارینژن خاندانی بر قاج دفعه بر طاقم شعبه لره
 انقسام ایدرک بناء علیه ملک تقسیم اولدیغی صروده
 اسویجره قطعده سی ده تقسیمه قونلدیغی کبی دیگر جهندن
 دخی بر طاقم کوی اغاری بیله سنیورلک عنوانیه اعلان
 استقلاله باشلادیغندن شو حال اسویجره بی پک کوچک
 اجزایه قدر تقسیم ایلش و بناء علیه بر چوق مستقل
 سنیورلکر وجوده کلش ایدی .

حالبوکه زمان پکد کجه و توارث دخی چوغاند-
 قجه ارتق اسویجره نک اجزای مستقله سی یالکز غو-
 نترانک بیوک اوغلی ژ یاردک تشکیل ایلدیکی زارینژن
 خاندانی شعباتنه انتقال ایتیه رک بلکه شو انتقال
 ارثیه یه برده مناسبات صهریه قاریشه رق بر طاقم اجزای
 ممالک دخی ینه غونترانک کوچک اوغلی لانه لینه طر-
 فندن تشکیل اولنان هابسبورغ خانداننه انتقاله باشلا-
 هسیدی . انجق هر نه قدر اجزای ممالکدن بر طاقلری

هابس-بورغ خاندانه انتقال ایلر ایلیسه ده بر چوغی
 بشقه بشقه سنیورلره تابع اولدیغندن و بونلر ایسه یالکز
 کیرو دار امورده تامامیه مستقل و مستبد اولغله دخی
 قالمیه رقی بلکه لاینقطع یکدیگریله و یا خود بر قاجی
 متفقاً المانیا امپراطور لغیله محارباته دخی قالمشده قدرندن
 ایشته بو حال المانیانک سائر طرفلرینی راحت و حضور
 دن و راحت و حضور ایله حصوله کلان ترقیات مدد
 نیه دن محروم ایادیکی کبی اسویجره یی دخی پک فنا بر
 حاله کتور مشیدی .

اوزمانلر سنیورلر میاننده بر «آوونه» یعنی «مدد
 کار» عنوانی رقابتی دخی چیقهرقی اهالی ایچون بر
 بلیه دخی بویوزدن حاصل اولغله باشلامشیدی . عن
 اصل محاکم عدلیه ده روما کایسارینک حقوقنی مدافعه
 ایدنلره بو عنوان ویریلور ایکن پاپا حضرتلرینک نفوذ
 و حقوق روحانیه سنه الکی زیاده تعرض ایتکه باشلایانلر
 سنیورلر و حکمدارلر اولمسیله پاپالق مقامی یالکز کندی
 حقوقنی بونلره حایه ایتدیرمک ایچون دکل بلکه
 حقوقنه مداخله یه انلره میدان بر اقامغه دخی مدار
 اولقی ایچون آوونه لری اکثریتله سنیورلر میانندن اتجا-

بی یوانی بولشیدی . بو حالدده شو عنوانه نائل اولانلر
 براووقاتلق مهارتیه محکمه لرده کلیسا دعوالرینی رؤ-
 یتنه دکلی بلدکه قلیج قوتیله پایالق مقامک غیرتنی کو-
 تمکه باشلامرلیکه کرچکدن «مددکار» اولدیلر . انجق
 سنورلر دخی ممالک متجاورهنک کندی ملکرینه الحاق
 قنه بروسيله محقه اولق کندیلرینی اوممالک ایچون
 آووئه انتخاب ایتدیرمکه حصوله کله جکنی کوروب
 ایشته بوانتخابر مادهسی برچوق منازعات ومحارباته
 سبب اولور ایدی . برکت ویرسون که مؤخرأ اسو-
 یچره نک طوغریدن طوغری یه اوستریا خاندانه منسوب
 پرولایت حکمنه کیرمسی شوبلیه لری همان کلیأ برطرف
 اولمش عد اولنه جق قدر آزالتمشدر .

« دردیجی فصل »

« اسویچره نک بر اوستریا ولایتی اولسی »

عن ۱۲۷۳ الی ۱۳۰۴

تفصیل - اسویچره قطعه سنک منقسم اولدیغی
 اجزای صغیره مستقله نک یکدیگرینه قارشو بوشورشلی
 نزاعلری ۱۲۷۳ سنه میلادیه سنه قدر دوام ایدرک سنه
 مذکورده هابسبورغ خاندانک ریسی بولنان رودو-

ئف المانیایه دخی ایمپراطور انتخاب اولندیغی زمان
 بیاغی نهایت بوله بیلشدر • زیرا رودولف ذاتاً اسو-
 یچره ناحیه لرندن شوایج یعنی اصل اسویچره ناحیه -
 سیله اوری واونتر و آل ناحیه لرینک آوونه لاکرینه
 انتخاب ایدلمش اولدیغی کبی مؤخرأ المانیایا ایمپراطوری
 تفوذینی آرتدیره رق دهسا برطاقم نواحی سائر هی ده
 تفوذی آتنه المشدر •

رودولف ده هابسبورغه کلنجه یه قدر اسویچره
 نواحیسینک سینورلرینه قارشو برطاقم حقوق و امتیا-
 زات قدیمه سی بولنوب رودولف انلری طوغریدن
 طوغرییه اوستریا مستملکاتی حالنه افراغ ایلمکله برابر
 حقوق و امتیازات مذکوره یه تعرض ایتمکدن ماعدا
 بالعکس انلری آرتدیروب تأیید و تقویه ایلش بولند-
 یغندن اسویچره نك جری و جسور و مرد و صادق او-
 لان اهلایسی ایمپراطور مشارالیهی کندیلرینه ولی نعمت
 عد ایشلر ایدی • انجق اوغلی بولنان آلبرت پدری
 کبی اهلایینک بو امتیازات قدیمه سنه رعایت ایتمکدن
 ماعدا بالعکس یواش یواش امتیازات مذکوره یی محو
 ایلمک و اسویچره یی طوغریدن طوغری کندی طرفندن

منصوب اولان مأمور لرله اداره ایتدیرمک و هم ده او-
 راده اک مستبدانه بر اداره وضع ایتمک داعیه لرینه
 قیام ایلمسی اهلینک پک زیاده نفرتلرینی مستلزم اولمغه
 باشلادی .

واقعا اوستریا مأمورلرینک اسویچره ده کوس-تر-
 دکلری طور مستبدانه او قدر شدید ایدی که بوکا سو-
 یچره لیلر کبی جری و جسور و امتیازات قدیمه لرینه
 و حتی استقلال تامه زیاده سیله محب و او یولده جان فدا-
 سنه قدر متجاسر و غیور اولان اهالی دکل یهودیلر
 و حتی چکانه لر کبی اک بیوک حقارتلره ذلتلره متحمل
 اوله بیله جک اولان بر خلق بیله تحمل ایده مز ایدی .
 بو حالده اوستریا لولر ایچون لازم کلان شی تعدیل معا-
 مله دن عبارت بولندیغی حالده انلر خلقک نفرتنی محو
 ایتمک ایچون بالعکس دها زیاده تشدید معامله یه قالدشه-
 رق اسویچره نک استقلال محارباتی ایچون اشاغیده
 ایکنجی بابده ایضاح ایلیه جکمز جرأتلرک اهالی مذ-
 کوره ده حصولنی کندیلری تسریع ایتمش اولدیلر .
 ذکر اولنان ایکنجی بابی کشاد ایله استقلال محار-
 باتنی حکایه یه باشلامز دن اول کرک اوستریا مأمورلر-

ینک درجهٔ مظالم و اعتسافاته بر نمونه اولمق و کړک
 مقدمهٔ عصیانک نه صورتک تهیه ایدلیدی کورلمک
 اوزره بوفصلده شو جهتی عرض و ایضاح ایدلم که :
 اونتر و ال ناحیه سی اها لیسندن ملتشمال نامیله او-
 لدقجه معتبر بر آدم اوستریا مأمورلرینک اهای اوزر -
 نده کی جور و تعدیلرندن طولایی ینه کندیلرینه عرض
 تظلم یولوو بعض سوزلر سویلیسی اوزرینه اوستریا مأ -
 مورلری بو حقلی سوزلری قبول ایده جکگری و هیچ
 اولمز ایسه یالکز قولاق ویر مامکله پکشیدیره جکگری
 یرده بالعکس آدجکزه اولمدق حقارتلری ایتمکله برابر
 منازعه نک برازدها بیومسی اوزرینه کوزلرینه میل
 دخی چکدیر مشلر ایدی . قباحلی اولانلر حقنده بیله
 ایدیله جک جزا بویله کوز چیقارمق صورتیله اجرا
 اولنمیه جنی و حتی مستحق اعدام اولانلرک باشی کسلد-
 یکی و یا خود صلب اولندیغی حالده خلق اوزرینه
 اوله جق تأثیری ینه کوزلری چیقاریلان بر آدمک حال
 هولناکی درجه سنده اوله میه جنی درکار بولنمغله او-
 ستریا مأمورلرینک بو حرکتلری هر کسک لعنتنه دوچار
 اولمشیدی .

مظلوم مر قومک اوغلی ار نولدایسه غایت جسور
 وحس انتقام ایله متحسس بر آدم اولدیغندن پدیرینک
 دوچار اولدیغی شو ظلمی بر درلو حوصله سنه یدیره -
 میهرک وطنی شو اوستریا اداره ظالمانه سنندن قورقار -
 مق غیرتی اله المش و بواملنی دوستلرندن فورست
 وستوفاشر نام دیگر ایکی صاحب غیرته اچمش ایدی
 بونلر دخی ذاتا اوستریا مظالمی ایله جکرلری داغلامش
 و همشهریلرینک دوچار اولدقلری جور و جفایه قان
 اغلامقده بولمش اولدقلرندن ار نولدک فکرینی تمامیه
 تقدیر ایدرک هربری کندیلرینه اونر ارقداش دها بو -
 لمغه و بو صورتله وجوده کله جک اولان اوتوز اوچ
 کشی ایله مملکتلرینی اوستریا تسلطندن قور تارمغه
 قرار ویردیله . هرکس اونر نفر رقاسنی تدارک ایلد -
 کدن صکره ۱۳۰۷ سنه میلادیه سنی تشرین اولنک
 یدنجی کیجه سی اوری ناحیه سی داخلنده واقع غرو -
 قلی نام چایرده اجتماع ایدرک تا اسویچره یی اوستریانک
 دست تسلطندن قور تارمیجه هیچ بریسی اتفاقدن دو -
 نمامکه و بو یولده کمال افتخار ایله جان ویرمکه یمینر
 ایدرک عهد و میثاقلرینه قوت ویردیله .

ایشته بو اتفاق اسویچره لیلرک سودای استقلال
 و حریت ایله ایقاع ایلدکاری ایلاک حرکات و ظنیورا-
 نه اولوب برسنه صکره کیلیوم تل اسمنده دیکر بر
 اسویچره لینک دوچار اولدیغی بر مظلومیت غریبه
 و عجیبه غرو تلی متقلرینک طرفدار لرینی آرتدیغی کبی
 جرأت مایوسانه لرینی دخی صوگ درجه یه واردیره رق
 بر قایح ناحیه بردن اوستریا اداره سی علیه نه قیام ایتمشو
 در که کیفیت بروجه آتی ایکنجی باندیه ایضاح و تفصیل
 اولنه بقدر .

(ایکنجی باب)

اسویچره نک استقلال محاربات مدیده سی

عن ۱۳۰۴ الی ۱۶۴۸

« برنجی فصل »

برونن اتحادی محارباتی

عن ۱۳۰۴ الی ۱۳۱۵

تفصیل - هر اولکا ایچون یازدیغمز تاریخ
 خصوصیلرک برنجی بابلی او تاریخک مقدمه سی مقا-
 منه قائم اوله بیله جسنی کبی بوراده دخی برنجی بابمز
 اسویچره تاریخ خصوصیلرک مقدمه سی تشکیل ایتش

دیمک اوله جغندن بومملکتک اصل تاریخی یوقاروکی
 فصلتک نهایتنده خیر ویرمش اولدیغمز وجهله کیلیوم
 تل اسمنده برآدمک دوچار اولدیغی عجیب و غریب بر
 مظلومیت اوزرینه اسویچره ده سودای استقلال ایله
 ایقاع ایدیلان قیامدن بدأ ایش اوله جغی درکاردر •
 اشبو کیلیوم تل وقعه سی اول قدر عجیب بروقه
 درکه مشاهیر مؤلفیندن فلوریان ایچون غایت کوزل
 بررومانه سرمایه اولدیغی کبی ینه مشاهیردن له میهر
 ایچون پارلاق برترازه دییه و مشهور شیلر ایچون غایت
 کوزل بر درامه و روسینی ایچون دخی اک انفس ائاری
 اولان براوپرایه زمین و سرمایه اولمشدر •
 کیلیوم تل اسویچره نک اوری ناحیه سی اهاالیسندن
 تیر اندازلق و کوللرده کمچیلک صفتلرجه پک ماهر
 و مشهور برآدم اولوب یوقاروکی فصلده غروتلی اتفا
 قنی تشکیل ایلدک لری خبر ویریلان والتروف سنک دخی
 دامادی ایدی • اوستریالولر طرفندن اسویچره و ایلدکنه
 تعیین ایدلمش اولان ژسلیر خلق اوزرنده کی استبداد
 و مظالمی آرتدیره آرتدیره بدرجه یه واردیرمشیدی که
 حرکات واقعه سنده برطاقی مجنونلری بیله کولدیره جک

شیلر اولوب از جمله عمومی بر میدانہ وضع ایتدیر دیکی
بر سابقه سنی کلوب کچنلردن هر کیم کمال تعظیم ایله سلا-
ملا میه جق اولور ایسه اعدام جزاسیله مجازات ایلر
ایدی .

بو حال اهلالی یه ذاتاً پک اغر کلدیکی کبی غروتلی
اتفاقنده داخل بولنانلره دها زیاده اغر کلهرک کیلیوم
تل ایسه غایت معند بر آدم اولمغله والی ژس لک سابقه -
سنی سلاما مقدمه عناد و اصرار ایلدی . بو ایسه والی بی
فوق الغایه اعضاب ایلدیکندن کیلیوم تلک اعدا -
منی حکم ایدوب شو قدر که کندی او غلنک باشنه بر
الما قویهرق و اوق آتهرق المایی اوره بیلور ایسه
یالکز اولومدن عفو اولنه جغنی بیلدیردی . کیلیوم
تل هیچ اولمز ایسه حیاتی قورتارمق ایچون بو شرطی
قبول ایدرک بر مسأفه معینه یه اقامه اولنان جکر یاره -
سی او غلنک باشنده کی المایه نشان المش والما دیر ایکن
چو جغنی باشندن اورمق احتمالی پک قریب او -
لدیغی حالده مجرد تیر اندازلقده کی مهارت فوق العا -
ده سی سایه سنده المایی اوروب هم او غلنی شوته لکه دن
وهم ده کندیسنی جزای اعدامدن قورتارمش ایدی .

فقط جزای اعدامدن قور تئقله بر ابر کیلوم تئک
زندانه اتمسی لازم کلدی . ژسئر کندیسی دخی کو-
سناخت نام حصاره کیتمکده اولدیغی حسیده کیلیوم
تلی اوراده زندانه اتمق ایچون لوسرن کولی اوزر-
نده راکب اوله جغی کندی صندالنه لدی . اللری
وقوللری باغلی اولان بیچاره کیلیوم شودوچار اولد-
یغی فلاکتدن طولایی غضبندن کندی کندیسنی ییه-
جک برحالده ایکن تصادفاً او قدر شدتلی بر بورا
ظهور ایلدی که صندالک غرق ووالی ژسئرک دخی
تلف اوله جغی قطعاً تحقق ایلدی . کیلیوم تل ایسه
اوق اتمقده اولدیغی کبی دومن ویلکن قوللانمقده
دخی مهارت فوق العاده اربابندن اولمسيله اکر اللری
چوزیله جک اولورسه صندالی قورتاره بیله جکنی در-
عهده ایتدی .

الرینی چوزدیلر . فی الواقع کمال . مهارتله اجرا
ایلدیکی مانوره لر سایه سنده صندالی ساحل سلامتله
چیقاردی . انجق قره یه یاقلاشور یاقلاشمز دها ژسئر
طیشاری یه چیقمق ایچون رندن طور انمزدن اول کیلیوم
تل قره یه فرلایوب صندالی کیروسنه کیرویه ایتدی

و همان قوشوب سطح زمیندن براز دها درینجه اولان
 بریوله کیر لندرک فرار ایلدی . بعنه کوسناخته تدارک
 ایلدیکی براوق ایله ژسلی نشانلادی . کیلیومک
 اوقی خطا ایتک قابل اولماغله ژسلیر بونجه مظالمک
 جزاسی اوله رق کیلیومک تیرانتقامیله آخرته کیتدی .
 مدققین مورخین بو حکایه ایچنده یالکز کیلیومک
 کنددی اوغلی باشنه الما قویه رق اورمش اولدیغی
 فقره سنه اعتراض ایلوب سائر وقوعاتی تمامیله طو -
 غری بولمقده درلر . یعنی کیلیوم تل والی ژسلیرک شا -
 بقه سنی سلاملامدیغی ایچون کوسناخت حصارنده
 حبس اولمغه کیدر ایکن وقوعه کلان حالاتک صحیح
 او لدیغنی تصدیق ایلرلر . هله بوقعه نک اسویچره
 نواچیسندن اوری وشوایج یعنی اصل اسویچره واو -
 نتر والد ناحیه لری اهالیسنی ارتق هرچه بادابادی کو
 زه الدیره رق اوستریا علیهنه عموماً وعلناً سلاحه صا -
 رلمغه مجبور ایش اولسی اصح وقوعات تاریخیه دندر
 بو ایلاک قیام ۱۳۰۸ سنه سی کانون اولنک برنجی
 کونی یعنی رأس سنه یورطیسنده وقوعه کلوب نه
 قدر اوستریالی مأمورلر وار ایسه طرد و قتل ایلدیکه

باشلامغله اوستریا حکومتی در حال دفع و تنکیل عصانه
 شتاب ایش ایسه ده اسویچره نك موقعی غایت طاغلق
 و صرب اولوب ارباب عصیان ایسه تشبث ایلدکلی
 ایشده اولک واردونک یوق ديه اله سلاح المش بولند.
 قلرندن بونلر اوستریا لور النده مغلوب اولدقجه طاغله
 التجاوبر فرصت بولدقجه ینه هجومه ابتدا ایتمک صو.
 رتیه سنه لرحه محاربه و مقاومتده دوام ایلدیلر .
 اره لوق اوستریا حکومتی بونلر النده عاجز قاله رق بعض
 امتیازات قدیمه لینه روی مساعده کوستره جکی بیانیه
 عصاتی صلحه دعوت ایش ایسه ده ارباب قیام
 کندی ناحیه لرینک استقلال کاملی ایچون جنک ایلد.
 کلرندن بحثله صلحی قبول ایتمه شلردر .

زمان یكد كجه ارباب قیامك مقداری آرتدیغی
 و وقوعات حربیه نك اهمیتی آرتدقجه بونلر ك دخی جر .
 اتلری قوت بولدیغی مناسبتیه ایش بدرجه بی بولمش
 ایدی که ۱۳۱۵ سنه میلادیه سنده آلبرتك اوغلی برنجی
 لئوپولد نام اوستریا دوقه سی اسویچره عصیاننی كاملا
 و قطعياً نحو ایتمک ایچون یکر می بیک کشیلک بر اردو
 تبه و سوق ایشیدی . قوت عظیمه به مقابل اسو.

میچره لولر طوپی بیک اوچیوز کشیدن عبارت ایسه لر -
 ده یدی سنه دن بری دوام ایدن مقاتلات خونریزانه
 بویک اوچیوز نفرک هر برینی برر جنک آفتی ایدوب
 براقش یعنی هیچ بریسنده اولومدن پروا قالماش او -
 لدیغندن بونلر اوستریانک شو یکر می بیک عسکرینی
 دخی کوزلرینه کسدیروب مورغارتن نام محمله جنکه
 مهیا اولدی لر .

مورغارتن دینلان یر اصل اسویچره ناحیه سیله تروغ
 ناحیه سی ارسنده بر بوغازدر که اوستریا عسکری نواحی
 ثلثه عاصیه یه کیرمک ایچون بورادن کچمکه مجبوردر لر .
 تصادف صفین ۱۳۱۵ سنه سی تشرین اولنک اون بشنجی
 کونی واقع اوله رق بیک اوچیوز نفر اسویچره لیتر یکر می
 بیک نفر اوستریا لولر اوزرینه گاه هجوم ایدر لر و گاه
 طاشلر ارقه سنده سپر الهرق مدافعه کوستر لر ایدی .
 یعنی بونلر عوارض زمیندن استفاده ایتکی پک اعلا
 بیلد کارندن دشمنی قهر ایچون هیچ بر فرصتی الدن
 قاجیر مز لر ایدی . بناء علیه بر قاج ساعت کمال شدته
 دوام ایدن محاربه نتیجه سنده اوستریانک یکر می بیک
 عسکری اویله برر ذیلانه پریشانلقه تار و مار اولدی که

ایشته بو غلبه قطعیه اسویچره نك ایلات تخم استقلال
مقامنه قائم اولدی .

بو غلبه عظیمه یه کلنجده به قدر نواحی ثلثه متفق
هر نه قدر بالاتفاق محاربه ایتمکده ایدیسه لرده بونلرک
اتفاقلری یالکز اوستریالی علیهنه مقاومت مسئله سنه
منحصر اولوب غلبه مذکوره کنددی استقلالری
تأمین ایلدیکی زمان ایشه ارتق ایشک ایلروسی ایچون
دائماً متفق ویکو وجود صورتنده متحد بولنمق اوزره
اویچ ناحیه نك اتفاق ابدی ایله متفق بولنلری لزومی
حس ایلدکلرندن رؤسای ارباب قیام اسویچره
ناحیه سنه تابع برون قریه سنده اجتماع ایدرک
« برون اتفاق ابدیسی » نامیله بر اتفاق عهد ایلدیلر
وبعدما اویچ ناحیه نك استقلال منفردلرینه رعایت او -
لنقله برابر هر بر ایشده نواحی ثلثه رؤساسنک ویره -
جکلری قراره اویچ ناحیه نك اویچی دخی ازجان و دل
اطاعت ایتمکه قرار ووروب بو قرار عمومی اسویچره -
لیلر یمنلر ایله قبول و تأیید ایلدیلر .

« ایکنجی فصل »

(غریزون اتحادینک تشکلی)

عن ۱۳۱۵ الی ۱۴۴۲

تفصیل - اوستریا مأمورلرینک اسسویچره نوا -
 حیسنده اجرا ایلدکلری مظالم جله بی بیر ارایلیوب
 شو قدر که یالکز اوچ ناحیه نك قوجه بر اوستریا خاندا -
 ننه قارشو بر موفقیت قطعیه یه مظهریتی مأمول اولد -
 یعنی ایچون نواحی سائره بونلره اشترا کدن حذر
 ایندرلر ایلی . مورخارتن مظفریتی اوزرینه اسویچره
 و اوری و اونتر و والد ناحیه لری کندیلرینی قورتاروب
 نائل استقلال اولدقلرینی کورنجه نواحی سائره دخی
 بونلره اتفاقه مسارعت ایلدی . بونلردن انک اول
 یعنی ۱۳۳۲ سنده سنده اتفاقه کیرن ناحیه موستر ناحیه
 سی اولوب شو قدر که برون اتفاق ابدیسنی تشکیل
 ایمن ناحیه لر کندیلرینی اسکی سنیورلرک تسلط مستبدا -
 نهلرندن دخی قورتارهرق حکومتلرینی « دموقراتیق »
 یعنی حکومت عوام صورتیه تشکیل ایتش اولدقلری
 جالده موستر ناحیه سی اسکی سنیورلرینه تابع اولد -
 یعنی اتفاقه دخولی ایچون سنیورلرینک امتیاز و استقلال

خصوصیتیں نہ ختم کئے اور نامی شرط قویہ یارہ اسو۔
 یچرہ لیلر بو شرطی دخی قبول ایلدیلر
 مع هذا بوسنه زده دخی اوستریا دولتی اسویچرہ
 لولر اوزرینہ عسکر سو قیلہ بریاندن مصادمات حربیه
 دوام ایلر ایندیسده کوندریلان عسکر اولکیلز کپی
 یکر میشر بیکلک اردولر اولدیغی واسویچرہ لیلر ایسه
 بریاندن کندیلرینہ انتظام ویردیکی جهتله تعرضات
 واقعیه مقاومتدن عاجز قالزلر ایلی . هله ۱۳۵۱
 سنه سنده زوریح و ۱۳۵۲ سنه سنده زوغ و غلاریس
 ناحیه لری دخی اتفاهه داخل اولنجه برون اتفاهه
 قوتی برقاندھا آرتوب اوستریا به مقاومت دخی دھا
 زیاده امنیت تحتنه کیرمش اولدی . صکره دن
 التحاق ایلیان اشبو اوچ ناحیه دن زوریح ناحیه سی
 نه بتون بتون عوام حکومتنه ونه ده بالنکلیه کندی
 سینورینک اداره مستقله سنه تابع اولیوب حین التحاقده
 سینورک حقوقی تعدیل و اھالیسک امتیازاتی تکثیر
 ایلمش اولدیغدن بو ناحیه نك اداره خصوصیتیه سی
 برنوع اصول مشروطیتہ تحویل ایلمشیدی . زوغ
 و غلاریس ناحیه لری ایسه اول امرده کنسدیلرینی

کندی سینورلرینک ادارهٔ مستبدہ سندن قور تارہرق
حکومت عوام اصولنی قبول ایلد کدن صکرہ ہیئت
متفقہ یه التحاق ایش بولند قلرندن بونلر دخی ایلک اویج
ناحیہ کبی کالیله سر بست برر جمهوریت صورتنی
المشردر .

اسو یچرہ نك عن اصل اویج ناحیۂ خاصیه دن
عبارت اولان ہیئت جدیدہ سی بوسورتاہ یدی ناحیہ
یه بالغ اونجه اوستریا دولتی اور الرده بولنان مالکانه
لرینک کافہ سنی غیب ایده چکنی دخی اکلا یه رق بونلر
اوزرینه جسم بر حرکت عسکر یه دها ترتیبه لزوم
کوردی . بو حرکت عسکر یه ۱۳۸۶ سنهٔ میلادیه
سندہ سامپاح نام محلدہ اجرا اولنوب اوستریا عساکری
پک کلی مقدارده اولد قلی حالده اسو یچرہ لیلر اوزرینه
هجوم ایلدیلر ایسه ده اسو یچرہ لیلرک از مقدار ایله
بونلرہ کوستر دکری مقاومت بالنسبه مور غارتن مقا
تله سندن زیاده حیرت افزای عقول اولدی .

بناء علیه اوستریا عساکری محاربهٔ مذکورده دخی
مغلوب و پریشان اولدیغی کبی ایکی سنه صکره ناکلس
نام محلدہ وقوعه کلان دیگر مهم بر محاربه ده دخی

غالبیت اسویچره لیلر طرفنده قالدی . هله بونافلس
 محاربه سی دیگر ایکی محاربه یه دخی مقیس دکلی ایدی
 اوستریا خاندانی عادتاً اسویچره نواحی شفقّه وعاصیه -
 سنک وجودینی خریطه عالمدن بالکلیه حک ایتک
 اوزره بیدداری دمداری احتیاطیله برابر اوتوز بیک
 کشی یه قریب اردوی اسویچره لیلر اوزرینه سوق
 ایلدیکلی و بونلر ایسه ایکی بیک درجه سنه دخی وارہ -
 مدقلری حالده اوستریا عساکری کلیاً پریشان اولمشلردز
 تاریخ دیرکه ایشته بو غالبیتدن صکره کرک اوستریا
 خاندانی و کرک حکومات متجاورہ اسویچره لیلرک
 شقایه کلور آدملر اولیوب عادتاً کوز ییلدیره جوق
 قهرمان عساکرلر اولدقلرینی تمامیله اکلاملر وتسلیم
 ایتمشلردز .

اشبو حرکات حربیه اثناسنده نواحی موجودہ -
 دن ماعدادها برطاقم برلر کرک اتفاقه التحاق
 و کرک اسویچره لیلر طرفندن ضبط واستیلا صورتیله
 نواحی متحدهیه ارتباط ایتکلہ برابر هیئت متحده نک
 ارتمش اولان اهمیت کونا کوننه مقابل ارتق برون
 اتفانامه سی کافی کوریلہ مامکه باشلامسیله ۱۳۹۳

سنه ميلاديه سنده نواحى رؤسايى سامپاحده اجتماع
 ايدرك بونامه منسوب اولمق اوزره بر اتفاقنامه جديد تنظيم
 ايتشدر . بوسامپاح اتفاقى واقعا يك اوزون مدت
 دوام ايتدى اينسده اسويچره نواحيسنك انتظامى
 واهميتى آرتدير مغله مؤخرأ تشكلى ايدن غريزون اتقا.
 قنك مقدمه سنى تپيه ايتش اولدى . اكر بو اتفاقنامه
 تنظيم اولنوبده اسويچره ليلرك انتظامى تقويت بولمش
 اولسه ايدى مؤخرأ يعنى ۱۴۱۵ سنه سنندن بدأ ايله
 اوستريا خاندانك اسويچره ليلر ايله جداً اوغرا شمعغه
 باشلادىغى زمان نواحى مذكورنك اوزمانه قدر بونجه
 فداكار لقلر ايله كچيردكلى استقلالى محافظه ايدم.
 ميه جكلى دركار ايدى . انجق بوانتظام نمره سييله
 شو صوك محاربه لرده دخی اوستريالوره لاي تقطع غلبه
 چاله رق بر خيلى يرلى انلرك يندن فتح و ضبطه
 كندى وطنلرينه الحاق ايلديلر .

ايشته بونجه موققيات اوزرينه برده ۱۴۲۲ سنه -
 سنده غريزون اتفاقى عقد ايلديلر كه اشبو غريزون
 لفظى « قاره اتحاد » معناسنه كه رك شمديكى حالده
 كلياً و قطعياً اسويچره نواحيسندن عد اولنديغى حالده

وقتیله کندیلکنجه اوچ کوچک نواحییه منقسماً برجهو-
 ریت متحدہ تشکیل ایئر ایدی . ۱۴۲۲ سنه سنده اشبو
 غریزون هیئتیی اصول اداره جده کندی استقلال خصوص-
 صیسنی محافظه اینک شرطیله اسویچره اینه براتفاقنامه
 عقد اینمکله و حال بوکه یالکز غریزون ناحیه سی الی
 بیک نفوس قدر اهالی بی جامع بولمغله بو اتفاق اسو-
 یچره نیک قوت و شوکتی بر میلی دها ضم ایش اولدی .
 اسویچره تاریخندن بورایه قدر حکایه ایدیلان
 احوال میانده یالکز استقلال محارباتی اینک باشلامش
 اولان اوچ درت آدمدن ماعدار رؤسای اختلال وقو-
 ماندان اوله رقی اوینله بللی باشلی آدم لیک تاریخ عمومیده
 تعین و اشتهار ایده جک قدر پارلامنتری جای دقتدر .
 واقعا اولکای مذکورک تاریخ مفصلنده برطاقم مشا-
 هیر اسامیسنه تصادف اولنور ایسه ده بونلرک شهرتلی
 یالکز برویا برقاچ وقایعه منحصر اولدیغندن و تاریخ
 عمومیده ایسه بونلرک بولندقلری وقایع بیله مستقلا ذکره
 شایان اوله جقی قدر جسمیم کورلمدیکندن بو مثالو ذواتک
 اسامیسی برر محبت مخصوص اشغال ایده مز لر . بو
 حالک ال پیوک اسبابندن بریسی مشاهیر مذکورهنک

مخاربات مدیده و شدیدہ میانندہ چوق وقت دوام ایده۔
 میدرک افنای وجود ایملری وایکنجیسی دخی اسویچره
 لیلر اویله یکپساره برملت اولهرق یکانه برقوماندانه
 تبعیتله محاربه ایتمیوب بلکه هر حرکت عسکریه لرینی
 جمهور ارباب تجر به نك استشاره عمومیه سیله اجرا
 ایتمکده بولملری قضیه سیدر . اکر بونلر اوروپانك
 سائر ممالکی کبی برطاقم مستقل بالرای سنیورلرک سوق
 و قوماندلرینه تابع اولسه ایدی باشلوجه موققتلر۔
 ینی قازانلر سنیورلرک جهان مواجهه سنده اشتهار
 ایملری لازم کلور ایدی .

الحاصل غریزون اتقاقی دخی عقد اولندقدن
 صکره ارتق اسویچره کندی موجودیت مهمه سنی
 خصماسنه طانتش ایسه ده بونکله استقلال قطعیسنی
 هم جوارلرینه تصدیق ایتدیرمش صایله میوب شو۔
 قدرکه بعدما دوام ایلیان محاربات ارتق برایکی ناحیه۔
 نك عصیانی صورتدن چیقوب بلکه بیوجک برملتک
 محاربات مهمه سنی صورتنی المشدرکه کیفیت بروجه
 آتی اوچنجی فصلده کوریله جکدر .

« اوچجی فصل »

مدت نفاق و اختلاف

عن ۱۲۲۲ الی ۱۴۵۳

تفصیل - بر ملت و یا حکومت یکیدن تشکله باشلا-
 دینگی زمان اکثریا بدایت احوالده او یله بر طاقم مهالکله
 او غرار که اوزمانه قدر پیدا ایلدیکی صورت همان
 بالاکلیه نحو اوله جق ظن او انور . هانکی ملتک
 تاریخ خصوصیتی تدقیق ایدلسه بومثل او مهالک از
 چوق کور یله جکی کبی اسویچره تاریخنده دخی بروجه آتی
 کورلمشدر:

سن غال و تورغو و زور یخ و آنازل ناحیه لری میا -
 نده بر ناحیه وارد در که اسمنه تو کنبورغ دینلور . بو-
 ناحیه نك اسکی قونترلی خاندانی ۱۲۳۶ سنه سنده
 بلا وارث منقطع اولمغله اسویچره نواحی متفقه سنندن
 زور یخ ایله شوایج ناحیه لری رؤسائی ذکرا اولنان
 تو کنبورغ ناحیه سی قونتلغی اوزرینه حق وراثت
 اداسنه قیام ایلش لری ایدی . بودعوا نواحی متفقه دن
 بعضلرینی زور یخ و بعضلرینی دخی شوایج ناحیه لری
 اتفاقنه سوق ایدرک بناء علیه اسویچره لیلر یکدیگری

علیهنه مقاتله کبی بر تفاق و اختلافه دوچار اولدیله که
 شو حال موجود اولان اتفاقلرینی بوزدقن ماعدا
 بلکه استقلال تاملرینی بیله عظیم بر تهلمکه یه قویلی .
 زیرا ایشک ایچنه اوستریانک زور مخ ناحیه سنی تصاحب
 ایتسی قضیه سی کیره رک زور یخیلیله دیگر ناحیه لر دن
 آیرلشله و اوستریا معاونتیه انلری محوه قدر کوزه الدير .
 مشلرایدی .

انجق اسویچره لیلر شو حال کورنجه بو اختلاف
 و تفاق نهایتی کندیلرینی هانکی تهلمکه لره قدر وار
 دیره جغنی اکلا دقن دن و اوزمانکی درجه جسماتلری
 ایسه بویله بر تهلمکه یه قارشو کندیلرینی مدافعه یه دخی
 الویره جک قدر اولدیغندن بونلر کندی اره نرنده کی
 اتفاتی بر قاندها بالتأید بر یاندن زور یخیلیرایله اوغراشد .
 قدن صکره دیگر طرف دن اوستریالیلری دخی فتاحالده
 صیقتدیر مغه باشلادیله . بو محاربه ده اسویچره لیلر
 بش التی بیک قدر آدمدن مرکب بر قوه عسکریه
 تشکیلنه مقندر اوله بیلشله ایدی . اوستریالیلرایسه .
 شو مقدار اسویچره لیلره غلبه دن مایوس قالمغله
 امپراطور اوچنجی فر دیناند شو خرچین اسویچره .

لیبرک بالکلیسه محو وجودلری ایچون فرانسه
دولتندن استمداده قدر تنزل ایلدی . اوستریالیبرک شو
تنزلی واقعا اسویچره لیبر ایچون بیوک برفلاکت مغلوبه
بانه یی موجب اولدی ایسه ده انلرک تنزلنه بدل او قدر
شانلی برترفعی موجب اولدی که اکر اسویچره لیبر خا
لب کلسه لر ایدی ینه بو قدر شان قازانه مامش اولور لر
ایدی . شویله که :

فرانسه دولتی اوستریانک رجاسنی قبول ایلرک
۱۷۹۳ سنه میلادیه سنده تمام یکر می ایکی بیک کشیدن
میرکب عظیم براردو اوزمان فرانسه دوفنی یعنی ولی عهد
قرالیسی بولنان ومؤخر آون برنجی لویی ناهیه صندالی
قرالی یه دخی جلوس ایلیمان پرنس قومانداسیله اسویچره
اوزرینه سوق اولندی . اسویچره لیبر دیگر جهتدن
اوستریالور ایله مشغول اولدقلری و بو عظیم اردو ایسه
وهله هجوم ایلدیکی جهتله فرانسز اردوسنک قارشو
سنه طوپنی طوپنی بیک التیوز کشتی چبقاره بیلمش ایدی .
ایکی قوت بال ناحیه سنده واقع سن ژاتی نام محملده قارشو
قارشویه کلدی لر . دها محاربه نلک بدایتنده ایکن اسو
یچره لیبر ایچون مغلوبیت تحققی ایلدی ایسه ده بیک التیوز

اسويچرەلى برآرەيە كلەرەك « بيوك بيوك ملتەر بزم كو-
 چكەكەمىزى كورەرك محومىزە سسارعت ايدييورلر •
 مقدارجه انلردن كوچك ايسەك دە قهرمانلقجه چلە-
 سندن بيوك اولديغىمىزى كىندىلرئىنە كوسترەلم دە بوندن
 صكرە اسويچرەلى دنيلديكى زمان اكا كورە دوشو-
 نسونلر ! همىز برە قدر فدای جان ايتىمىنجه شو فرانسز-
 لره روى مغلوبىت كوسترمەلم ! » ديه قرار وىردىلر •
 ارتق بو قرار اوزرئىنە يكىدن بدأ اولنان محاربه نك
 تفصیلاتنى تارىخلر دە او قومق بىلە انسانك توكلرىنى
 اور پرتىر • اسويچرەلىلر اصلا جان قىدلرئىنە اولدىغى
 حال دە دشمن اوزرئىنە صالدىرر و دشمنك هجو ملرئىنە دخى
 اصلا جان قىدندە بولمىدقلى حال دە مقاومت كوسترلر
 ايدى • نهايت بيك التىوز اسويچرەلىنك بىك بشىوز
 طقسانى مقتولا يره دوشدىلر • فرانسزلر يالكز اون
 نقرىنى حياً طوته بىلدىلر • بو محاربه اوزمان اول
 قدر اهمىتله تلىق اولدى، كه محاربه نك وقوع بولدىغى
 محله در حال باغلر دىكەرك بو باغلك يئشدىر دكلىرى
 اوزوملردن معمول شرابلره « اسويچرەلىلر ك قانى »
 نامى وىرلدى • حالا بو كون دخى اونامله مشهوردر •

اگر اسویچره لیلر سن ژاق محاربه سنده بو فداکار -
 لغی کوزه الیر ماش اولسه لر ایدی اوزمانه قدر
 اختیار ایلدکیری فداکارلر ایله قازاندقوی استقلال
 و حریت حقیقه الدن چیقار کیدر ایدی . زیرا بریاندن
 فرانسه و دیگر طرفدن اوستریا کی ایکی بیوک قوته
 قارشو بونلرک جسارت و بسالت عظیمه لری دخی عاجز
 قالمق ضروری ایدی . انجق بوسن ژاق محاربه سنده کی
 فداکارلق اسویچره لیلر لهنده فرانسه و المانیا افکار
 عمومیه سنی اول قدر متاثر ایندی که بومظلوم اهالی به
 قارشو قلیج چکمک عادتتا بر جنایت رذیله اولدیغنی دلکیز
 سنبورلر دکل افراد اهالی دخی علناً سونلکه باشلادیلر
 بناء علیه فرانسه در حال عسکرینه طور قومانده سنی
 ویردرک ۱۵۵۰ سنه سنه قدر اسویچره لیلرک توکنبورغ
 منازعه سیله اوستریا لویه قارشو اولان مدافعاتی دخی
 ختام بولمده ۱۵۵۲ سنه سنده فرانسه دولتی اسویچره لیلر
 ایله رسماً عقد مصالحه ایتمک یعنی بونلرک استقلالارینی
 عادتتا بر معاهده صلحیه ایله طایبق اوزره رضیه ویر -
 مش اولدی . حتی بومعاهده اوستریا خاندانک بیاغی
 حیثیتنه طوقنه رقی برفرقه باغیه دیمک اولان بر قاج ناحیه

ایله فرانسه کبی بر دولت معظمه نك معاهده و مصالحه
ایتمی موجب استغراب اولدیغنی اشراب التمش
ایسه ده فرانسه دولتی دخی اوستریا خاندانك رجاسنه
اتباعله بیک التیوز نفر اسویچره لی اوزرنده جلادلق
وظیفه سنی اجرا ایتمش اولسی ده از یاده استغرابه و تأسغه
شایان اولدیغنی مقام ندامتده در میان ایلمشدر .

ایمدی فرانسه نك اسویچره ایله عقد مصالحه و معا-
هده ایتمسینه بعض مورخلر اسویچره استقلالنك ایلك
تصدیق نظریله باقق ایستمشلر ایسه ده اسویچره نك اصل
استقلال مصدق ده ایکی یوز سنه صکره و نیجه فدا-
کارلقر بهاسنه حصوله ککش اولدیغندن بومدت ظر-
فنده کی وقوعات مهمه بی دخی خلاصه و اجال ایتمک
ایچون بروجه اتی دردنجی فصلاک کشادی لازم
ککشدر .

« دردنجی فصل »

اسویچره نك استقلال تامه نائلیتی

عن ۱۴۵۳ الی ۱۶۴۸

تفصیل - اوستریا خاندانك اسویچره علیهنه
اولان شدتی کیند کجه آزالیوب بالعمکس فرانسه نك

اسویچره ایله عتد معاهده ایتمنه حسدا بر قاتدها آرتمش
 ایلدیه ده محاربات واقعه ده اوستریا دخی بر از زیاده جه
 یوریش اولدیغندن بر مدت ایچون تعطیل اسلحه به هر
 طرفجه مجبوریت کورنش ایدی . شو حالده بر قاج
 سنه صلح و مسالمت اوزره دوام ایلهرک نهایت اوستریا
 خاندانک اسویچره لیلردن انتقام ایچون یکیدن بر حر-
 کتی کورملکله و حالبوکه اوزمانه قدر اسویچره لیلر
 تورغووی ناحیه سی اهالیسی قاندره رق کندیلرله
 اتحاد مستعد قلغله ۱۶۶۰ سنه میلادیه سنده وقوعه
 کلان محاربه ده اسویچره لیلر تورغووی ناحیه سی ده
 فتح و کندی هیئت متحده لرینه الحاق ایشلردر . اشو
 تورغووی ناحیه سی اوزمانلر قرق اللی بیک نفوسلی
 بر ناحیه اولوب اسویچره ایلاک دفعه اوله رق بر المانیا
 ولایتی حکمنی الدیغی زمان اداره سی کندی عهده -
 لرینه تفویض ایدلش اولان زارنژن خاندانک حکمی
 یالکزشو ناحیه به منحصر قالدیغی حالده خاندان مذکور
 بر طرف اوله رق بوراسنی کبیورق قونتری اداره
 ایتمکله باشلامش ایدی . اسویچره به انتقال ایلدیکی
 زمان ملک مذکور هیئت متفقه مستملکاتندن و اهالیسی
 دخی اسویچره رعیه سندن معدود قالمشدر .

بویکی التحاق اسویچره نك قوتنی بر از دها آرتدیر۔
 مش ایسه ده بو کره دخی اسویچره شارل له تمه ره ر دینلان
 بورغونیا دوقه سنك نظر طبعنی جلب ایتمکله موعی
 الیه قلم رو حکومتنی توسیعه قیام ایلدیکی زمان یعنی
 ۱۴۷۵ سنه سنه اسویچره بی ده کاملاً فتح و کندی ملکته
 الحاق ایتمک داعیه سنه قیام ایلدی . واقعا بودشمن
 دخی اسویچره لیلر ایچون فرانسه قدر مددش برشی
 ایدی . انجق اسویچره لیلر اولیه دشمنك مقداری چوق
 و کندی مقدارلری آز اولمق کبی نسبتیملیکاره اهمیت
 ویرر آدلر اولمیوب مقدارلری نه قدر از اولورسه او۔
 لسون دشمندن یوز چویرمدکاری جهته بو کره دخی
 موجودیت سیاسیهرینی شارل له تمه ره ر قارشو مدا۔
 فعیه حاضر لاندیلر . محاربه برسنه قدر دوام ایدوب
 اولا غیرانصون و ثانیاً مورات نام محارده تقابل صفین
 واقع اولدی . ایلك محاربه ده شارل له تمه ره ر اسویچره
 لیلرک اوچی قدر عسکره مالک اولدیغی حالده مغلوبیت
 کامله یه دوچار اولدیغی کبی ۱۴۷۶ سنه سی جزیرانك
 یکریمی ایکنجی کونی مورات نام محله و قوعه کلان
 محاربه ده دخی شارلک عسکری اولیه بر مغلوبیت

عظیمه یه دوچار اولدیله که بجاغنده زیاده قوتی او -
 لوبده کندیلرینی اسویچره لیلرک سلاحدن قورتاره -
 ییلنلر انجفی جانلرینی قورتاره بیلش اولدیله .

بومحاربه ده بور کیزیونلرک یعنی ششارک له تمه ره
 عسکرینک براققلری نعللر حدسز حسابسز اولوب
 اولمقدار نعلش دفن دخی ایدیله میه ، ایدیله قالمش
 و بناء علیه مقتولینک اتلرینی قوشلر قورتلریدکن
 و بقیه سنی دخی هوا و کونش ویغومورلر جوروتدکن
 صکره میدانده قالان بیاض بیاض کیکلری برعجیب
 تماشا گاه وجوده کتورمش ایدی . اسویچره لیلر بو
 کیکلرک کافه سنی بریره طویلا یوب اندن برنوع بناوجو -
 ده کتوردیلر که « مورات کیکلکی » دیه شهرت الهرق
 ۱۷۹۸ سنه سنه قدر حالیه محافظه اولمش قالمش
 ایدی . سنه مذکوره ده فرانسلر اسویچره یه کیردکلری
 زمان بو کیکلکی هدم و محو ایلرک بعده ۱۸۲۸ سنه سنه
 اسویچره لیلر غالبیت واقع لرینه علامت اولمش اوزره
 اورایه بر دیکیلی طاش وضع ایلدیله .

اوستریا و فرانسه کبی بورغونیا دوقه سنه قارشو
 دخی اسویچره لیلرک کوسترمش اولدقلری شویارارلق

شمذیلرده چرکسلر مثللو اقوام جنکاورلکله نصل
 مشهر ایسه لر اوزمانلر اسویچره لیلری بتون اورویاده
 قهرمانلق و جنکاورلک ایله مشهور انام ایشیدی .
 حتی بو جنکاورلک فرانسه نك اسویچره حقنده کی
 ایلك نظر تقدیرینی برقاندھا تأیید ایتسیله « اتحاد ارثی »
 نامیله فرانسه ایله اسویچره ارسنده اولکی معاهده
 اوزرینه مبتنی اوله رق یکیدن بر اتفاق و اتحاد عد
 ایملش و اوستریا خاندانی دخی ملت جدیده مذکوره
 ایله بویله بر اتفاق عقدینه مجبور اوله رق نهایت ۱۷۹۹
 سنه دیلادیه سنده المانیا امپراطورلغی ایله اسویچره اره
 سنده عقد اولنان بال معاهده سی امپراطورلغک دخی
 اسویچره اوزرنده کی ادما و مطالبندن واز چکدیکنی
 تأمین ایش ایدی .

مع هذا جمهور مورخین شواتفاقر و معاهده لر او-
 زرینه اسویچره نك استقلال تامی حصوله ککش اولدیغنی
 اعتقاد ایلیان مورخلری ینه تصدیق ایلزلر . ذکر
 اولنان قیود عهدیه اسویچره لیلره هیچ برشی یاپه میان
 حکومت جسمیه نك بر نوع متارکهری نظریله مملکت
 مذکوره نك اصل استقلال تامی ایچون ۱۷۴۸ سنه سنده

عقد اولنان و ستغالی معاهده سنی بکیرلر . شو قدر که
 بوزمانه قدر اسویچره لیلر یالکیز سکز نواحینک انجا -
 دندن متشکل بر هیئت ایکن هر طرفه غلبه چاله رق
 کندی سلامتک بقاسنی و استقلالنی تأمین ایتسی اوزرینه
 بر طاقم نواحیء متجاوره دخی هیئت مذکوره یه انضمام
 و دخالتی آرزو ایتمکه باشلاد قلدن شو حال هیئت
 متحده نك بر قاندها بیومسنی استلزام ایتلشدر . بویله
 صکره دن انضمام و التحاق ایلین نواحینک برنجیسی
 قریبورغ و ایکنجیسی صولور ناحیه لیردر که ۱۴۸۱
 سنه میلادیه سنده اتحاد ایلد کیری کبی اوچنجیسی بال
 و در دنجیسی شافحوص ناحیه لری اولوب بونلر دخی
 ۱۵۰۱ سنه سنده التحاق ایتش و بشنجیسی اولان آپانزل
 ناحیه سی ۱۵۱۳ تاریخنده التحاق ایتلشدر . ایشته
 بوضورتله مقدار لری اون اوچه بالغ اولان نواحی یه
 « نواحیء قدیمه » ناحی و یرینه رک بر زمانه قدر بونلرک
 سائر ناحیه لردن زیاده مدار مفخرت اوله جق امتیاز لری
 وار ایدی .

بو بش ناحیه دن ماعدا واله نامیله بر زمانلر آرل
 قرالغنه و بورغونیا دوقه لغنه تابع اولمش ومؤحره

سنیورلرینه عصیان ایلیه رک باشلی باشنه برجهوریت
 صورتنده تشکل ایش اولان ناحیه دخی ینه بو ائنده
 یالکز متفق نامیه اسویچره هیئتیه بر معاهده امضا
 ایشدر که بر از صکره یعنی ۱۵۵۳ سنه میلادی سنه
 سائر نواحی مثل او دخی اسویچره هیئت متکده
 قارشمش برلشدر . کذلک عزیزون ناحیه سیله مقده
 ملری عقد ایدنش بولنان بر اتفاقنامه بو کره تجدد و بر
 قاندها تأید ایلیه رک ناحیه مذکوره دخی عادتاً کلیاً
 اسویچره نواحی سندن معدود اوله بیله جک بر ارتباط
 کسب ایشدر . هله لو قارنو و لوغانو نام ایکی قصبه
 نک اسویچره یه التحاقری تصحیح حدود مقصد نجه لازم
 کله رک بو باده مذکور قصبه لر سنیورلرینک وقوع بولان
 مقاومترینی اسویچره لیلرک بالسهوله منع و ۱۵۱۳ سنه
 سنده بو ایکی قصبه یی فتح ایلدکاری کبی کناردن کوی
 شدن تصحیح حدود ایچون سائر برطاق محلاری دخی
 ضمیمه ملک ایدنملری هیئت مذکوره یی مواقع عسکر
 یه جه دخی تأید و تحکیم ایلیه جک نتایج کویستره شدر
 اسویچره لیلرک محاربات واقعه ده کویستره کاری
 شجاعت و غیرت اوروپانک هر طرفندن ضرب مثل

حکمنه کیرمکه برابر شو اشتهارلری کندیلرینک بعض
دوانلو طرفندن خدمت عسکریه یه دعوت اولمیرینی
دخی استزاده باشلامش ایدی . اسویچره دن کوکلی
عسکر دعوت ایتمکه اک اول ایتالیا سنپورلری باشلا -
مش اولوب بونلر دن میلان دوقه سی عسکرینک اک
بیوک قسمی یالکز اسویچره جنکاورلر دن تشکیل
المش ایدی . دوق ده میلان ایله فرانسز قرالی برنجی
قرانسوا ارسنده مارینیان نام محله ده وقوعه کلان
محاربه ۱۵۱۵ سنه سی ایلولنک اون اوچنجی و اون در
دنجی کونلری تمام ایکی کون ایکی کیجه متمد اوله رق
اسویچره لیلر اول قدر مقاومت و ثبات کوستر مشلر در که
یورده بر مقاومتک امثالی تواریح عسکریه ده حقیقه نادر
اوله رق « دیولر مقاومتی » دیه شهرت بولشد . انجق
حددجه فرانسز بر قاچ قات غالب اوللریله مغلوبیت
دوق ده میلانک اسویچره لی عسکری جهتمده قالمش
ایسده شو مغلوبیت بونلرک شان و شهرت عسکریه لینه
نقیصه کتورمک شویله طورسون بلکه « اسویچره لیلر
یالکز کندی وطنلرینک محبتی سوقیله جنکاور دکل
بلکه ناهوس عسکریلرینک سوقیله دخی جنکاور او -

لوب هانگی دولتک خدمت عسکریه سنده بولنده لوب
 کندی وطنری ایچون ایتدکاری محاربه لر کبی فداکا -
 رانه محاربه ایدیورلر « شهرتنی ده قازاندرمش و بناء
 علیه بو محاربه دن صکره فرانسه ایله اسویچره ارسنده
 اوچنجی اتفاقنامه اولق اوزره ۱۵۱۶ سنه میلادیه -
 سنده « اتفاق ابدی » نامیله بر اتفاقنامه ده اامضا -
 لنوب ارتق فرانسر قرالگری معیتلرنده دائما بر فرقه
 اسویچره لی عسکر بولندیره کلش و اوزماندنبری اسویچره
 لیلر بو اتفاقنامه یه وضع ایلدکاری اامضایه رعایه
 فرانسه حقنده تعظیم و دوستلقده هیچ بر قصور کوستر -
 مامشدر .

والته لین نام بر ناحیه ده ۱۵۱۲ تاریخنده غر -
 یزون ناحیه سنه التحاق ایدرک ۱۵۳۰ سنه سنه قدر
 انکله یکوجود صورتنی المش اولدیغندن پروتستا -
 نلغک ظه - وریله اورویایی هرج و مرج ایدن محاربه
 سسی ساله اثناسنده اسپانیا دولتی ناحیه مذکورهی
 استرداد ایچون اسویچره یه بر قایح هجوم کوسترمش
 ايسه ده بر شیده موفق اوله مامشدر . پروتستانلغک
 الك زیاده میدان انتشاری اولان یرلرک بریشی دخی اسو -

یچره اولوب فرانسه و المانیا جلدلرنده و سائر ایضاحی
لازم کلان یرلرده ایضاح و تفصیل قلندیغی اوزره
بو او توز سنه لك محاربه ده دخی اسویچره لیلر ابراز آثار
شجاعت و جنگاوری ایلدکارندن محاربه مذکوره نها
یتنده یعنی ۱۶۴۸ سنه سنده دول معظمه و ستغالی دعا -
هده قطعیه صلحیه سنی امضا ایلدکاری زمان سو -
یچره نك دخی المانیا ایمپراطور لغندن قطع رشته مناسبتنه
باشلی باشنه بر اورویا حکومتی اولمش بولندیغی اوستریا
خاندانی طانیدیغی کبی دول سائره دخی بو استقلال
تامی تصدیق ایلدکارندن ایشته بوناریخدن بدأ ایله
حکومت مذکوره اورویای وسطی دول سبعة سندن
بریمی اولسق اوزره جغرافیون و مورخلر طرفندن
دخی قبول و قید اولمشدر . بناء علیه و ستغالی معاهده
سندن یعنی اسویچره نك نائل استقلال تام اولدیغی
تاریخدن صکره زمانزه قدر گذران ایدن احوالی اجمال
ایتمک ایچون دخی بروجه آتی اوچنجی بابی کشادایلیک
لازم کلشدر .

(اوچنجی باب)

اسویچره نك احوال اخیره سی

عن ۱۶۴۸ الی ۰۰۰۰

« برنجی فصل »

پروتستانلق منازعات متحده سی

عن ۱۶۴۸ ۱۷۱۴

تفصیل - پروتستانلقک الزیاده انتشار ایلدیکی
 محالردن بریسی دخی اسویچره اولدیغنی یوقاروی
 فصلک نهایتنده خبر ویرمشیدک . اسویچره یه مذهب
 جدیدک ایلك دخولی ۱۵۱۹ سنه سی اولوب سوه نغل
 اسمنده برمیسیونر زور یخ شهرینه کله رک خلقه مذهب
 جدیدی تعلیم و اعلانه مباشرت ایلشیدی . اندن صکره
 پروتستانلغی یکیدن تجدید واکال ایتمش اولان مشهور
 قالوین جینوه شهرینه کله رک خلقه قارشو ایراد ایلدی
 یکی نظر دیانت نصرانیه یه صکره دن ادخال ایدیلان
 برطاقم اصول و آیینک بطلانی وهله پایایی حضرت
 عیسانک وکیل مرخصی طایبق و کلیسارده تصویر لر
 وضع ایتمک و سائر بومقوله برطاقم عادات باطله یه
 اعتقاد ایلك اصل صافی خرسیتیانلغه اصلا صیغیه .

جغنی جملہ یہ اول قدر متنعانہ بر صورتہ اثبات
ایٹشیدی کہ جینووہ کبارندن ماعدا اطراف وجوارده
بولنان معتبران وغیر معتبران فوج فوج قاتولیک مذہبنی
ترک ایدرک و کلیسالدن رسملی فلانلری چیقارہرق
مذہب جدیدہ داخل اولورلرایدی .

اورویانک سائر طرفلرنده دخی مذہب جدیدک بو
صورتہ انتشار وتوسع ایٹسی اوزرینہ وقوعہ کلان
مخاربتہ سی سالہ اگرچہ وستفالی معاہدہ سیلہ پروتستان
نبلغت قاتولیک مذہبی تعرضاتندن رهاسانی انتاج ایٹش
ایدیسه ده ایکی مذہب ارہسندہ کی بومصالحہ یالکتر
قرالدر و پرنسدر وسائر کوچک بیوک رتبہ ده حکمدارلر
میانہ مخصوص اولوب افراد اہالی ارہسندہ کی
مخالفت و منازعات برخیلی زمانلر دہا دوام ایده
کیتشدرد .

ہلہ اسویچرہ ده ہر ناحیہ کندی باشنہ مستقل
اولہرق بونلرک ہانکیسندہ قاتولیکر غالب ایسہ پرو-
تستانلری و پروتستانلر غالب ایسہ قاتولیکلری ازمنک کی
بر بلیہ نک اوکی خیلی زمانلر انہ مامش و بناء علیہ بر
مخاربتہ سی سالہ و بلکہ چہل سالہ و حتی دہا زیادہ

دخی اسویچرده دوام ایده کیتشد . واقعا بوجا -
 ربه لر گاه یالکز بر ناحیه نك قاتولیک و پروتستان اولان
 اهالیسی اره سنده و گاه بر ایکی ناحیه نك مذهب مخالفینه
 تابع اولان اهالیسنك اتقاقیله وقوعه کلان کوچك
 شیلردن عبارت ای دیسه ده اسویچرده نك کندی استقلال
 رسمینسی دول معظمه یه قبول و تصدیق ایتدیردك تمام
 هر جهتجه نظام و انتظامنی اکمال ایلیسه جکی واتحاد
 عمومی یه قوت و یردرك یكوجود کبی بر حاله کله جکی
 پر زمانده شو و مخالفت مذهبییه اتحاد عمومی یه فنا
 تأثیر کوستره رك ۱۷۱۲ سنه میلادیه سنه قدر مملکت
 شورش و اختلافدن یقانی قورتارده ماش ایدی .

بوراده محاربات و واقعه یی و هیچ اولمز ایسه باشلیجه -
 لرینی اولسون ذکرائلك التزام کرده من اولان اصول
 اختصاره موافق دوشه من . زیرا وستفالی معاهده -
 سنك پروتستانلق منازعاتنه نهایت و یردیکی تاریخ
 ۱۶۴۸ سنه سی اولوب اسویچرده ایسه بو منازعاته انجق
 ۱۷۱۲ سنه سنده نهایت و یر یله بیلش اولدیغندن اره
 یرده کی الشمس التی سنه ظرفنده طرف طرف وقوعه بولان
 مصادمه لرک مقداری همان بیکاری دخی کجه بیلور .

نهایت مذکور ۱۷۲۱ تار یخنده اریه برطاقم دخی
 متوسطلر کیره رک ایکی مذهبه ذاهب اولان اسویچره -
 لیلر صلح ابدی ایله بارشدر لشلر و هر ناحیه ده پروتستان
 و یا قاتولیک نفوسنک کثرته کوره کلیسائک احوالی
 تنظیم اولنوب مجادلات واقعه یه جدا ختام و برمشلر در .
 ایشته بومصالحه دن صکره تا فرانسه بیوک اختلا -
 لنک وقوعنه قدر اسویچره قطعه سی براسایش کامل
 ایچنده وقت کچیروب اسویچره لیلرک معارف جهتندن
 ترقیات صحیحه لری دخی ینه شو اسایش کامل دورنده
 میسر اولشدر . حقیقت محاربات شدید و هدیده نک
 ترقیات علمیه و مدنیه جه اصلا خدمتی اولمدقن بشقه
 بالعکس معموریت ملکیه جه خرابی بی و نفوسجه نیچه
 ضایعاتی و ثروت مملکتجه عظیم تدنیاتی موجب اولد -
 یغنی هانکی ملتک تار یخنه باقیله حق اولسه نیچه
 وقوعات صحیحه ایله انسان کوروب تسلیم ایدر . بو
 خصوصده اک پارلاق براهینی اسویچره تار یخنده
 بوله جغمزی در میان ایلر ایسه ک قارئلر یمزک نظرنده حق
 قازانه جغمزی دخی امید ایلرز .
 شو یله که :

اسو پجره نك كرك استقلال و كرك پروتستانلق
 محار باتى مياننده وطنى و دىنى ايچون ممنوناً جان فدا
 ايتمش اولان پك چوق قهر مانلىرى كورلمش ايسه ده
 ترقيات و كالات عليه و حكيمه جه شهرت المش پك آز
 آدملىرى كورلمش و بلكه ده عمليات جهته بجه ترقى ايليان
 بعض اطبا سندن بشقه او يله بيوجك براهميت و يرلمكه
 شايان همان هيچ بر آدمى كورلما مشدر . پروتستانلق
 محار باته دىنى ۱۷۱۲ سنه سنده نهايت و يريله رك
 مملكت براسايش كامله مظهر اولديغى زمان ايسه ارباب
 فكر و عقول اولانجه قابليتلىرىنى كالات عليه و حكيمه يه
 صرف ايلك امكاننى بولملىله اون سكرنجى عصر
 ميلادك ابتدالى ديمك اولان شو مصالحه دن بدأ ايله
 عصر مذكورك نهايته يعنى فرانسه بيوك اختلانك
 اسو پجره يه دىنى سرايتله اورته لغك تكرر اهرج و مرج
 اولديغى زمانه قدر اسو پجره ده او يله بيوك آدملىرى
 يتشم مشدر كه شو كوچوجك ملت بوجهته دىنى ملل
 ساره يه رجحان نسبيسىنى كوستر مشدر .

ذوات مشار اليهم دن بعضيلرىنى تعداد ايده لم :
 بونلرك كافه سى هب مصالحه قطع يه دن صكره

یتشمش اولق اوزره برنجیسی ژان برنویلی نام ریا-
ضیدر که ۱۷۴۸ سنه سنده وفات ایدرک فقط آثار ریا-
ضیه سنی جهانہ بریاد کار ابدی براقشدر . ایکنجیسی
انک اوغلی دانیالدر که ۱۷۸۲ سنه سنده وفات ایدرک
کذلک ریاضیاتده و بالخاصہ هندسہده بهره کلمہ سیله
بنی نوعنی مستفید ایلیدرک آثار جلیله براقشدر .
اوچنجیسی بزجه دخی اورویانک اشهر مشاہیرندن
اولق اوزره مشهور اولان ژان ژاق روسودر که یوز-
لرجه تالیفاتی نوع بشرک کالات انسانیه سنی تأیید
ایلیدیرک حکمیات نفیسه دندر . دردنجیسی ۱۸۰۱
سنه سنده وفات ایدن لاواتر اولوب فنون شتاده
واخلاق وطبیعت بشریه جه تدقیقاتده زمانک یکانہ-
سی اوله رقی هر بخشہ عائد مؤلفاتیلہ کتبخانہ زمانی
زنکین ایتشدر . بشنجیسی ۱۸۰۹ سنه سنده وفات
ایدن مورخ مشهور مولر اولوب تاریخہ اولان خد-
مت بی نہایه سی کندیسنی الک بیوک مورخلردرجه سنہ
اصعاد ایتشدر . التنجیسی ۱۷۹۳ سنه سنده وفات
ایدن فیلسوف مشهور بونہ اولوب طبیعیاتہ دائر آثار
نفیسه سی منتهی حکما نزدندہ دخی اکمال حکمیات ایدہ.

جک صوک در سلر عد اولنوز • یدنجیسی فرانسه
قرالی اولوب « بیوک » دیه شهرت الان اون دردنجی
لوئییه کرچکدن بیوکک قزاندرمش اولان مشهور
نسر اولوب عن اصل اسویجره لی اولدیغی حالده
سیاسیاتی حکمیات ایله جمع ایدن عقل وافکار عالییه
سیله فرانسه بی جده ااحیا ایتش ومؤلفات مهمه سی
مکمل اون یدی جلد تشکیل ایلشدر • سکزنجیسی
شاهیر طبیعیوندن صوسور اولوب ۱۷۹۹ سنه سنده
وفات ایتش وتاریخ طبیعییه اولان خدمتی بتون
طبیعیونی منتدار ایلشدر • اونجیسی علوم طبیعییه
وجراحییه یدطولاسی ومؤلفات مشهوره سیله بنام
اولان ترونشن اولوب ۱۸۶۱ سنه سنده وفات ایلشدر •
شو تعداد ایلدیگمز اعظم بر عصر قدر زمان
ایچنده طوی بریق ایکی میلیونلق برملت ایچینده
یتشورلر ایسه او ملتا ترقیات علمیه شهر اهنده نه قدر
سرعتله یول آلمش بولندیغنه ذهنلر حیرته قالور •
زیرا بو قدر فضلا کندی یتشدکری وطن اولادینی
معارفجه صوک درجه یه قدر زنگین ایتکه دخی خد
مت ایدرلر • ایسته بوسبیه مبیدر که بو کونکی کونده

دخی اسویچره خلقی معارف خصوصاً صندہ الیرویہ وارمش اولان ملتوردن اولوب بونا بده المناجہ ایله فرانسزجه کی ایکی بیوک لسان کنندیلرینه خادم او اولشدر . فقط بزم هر حالده نظر حکمتدن آرمیه . جغیزشی بونا عقلا ره حیرت ویره جک اولان ترقیات عظیمه نك حصولی صلح وآسایش ایله میسر اوله جغی قضیه سی اولوب یوقسه بر مملکت نفاق و اختلاف و اختلال ایچنده قانونر سه اوراده راحت و حضور بولمیه جغی کی ترقی دخی ممکن اوله میه جغی کذلک وقوعات تاریخیه ایله ثابتدر . نصل که ایشته فصل آتی بونک دخی نمونه سنی بزه کوستره جکدر .

« ایکنجی فصل »

فرانسه اختلالنک اسویچره یه عکسی

عن ۱۷۱۲ الی ۱۸۱۴

تفصیل - پروتستانلق منازعاتنه ختام ویرلش اولان ۱۷۱۲ تاریخندن فرانسه بیوک اختلالنه قدر کذیران ایلیان زمانلر بوفصله عاقد اولان سنه لر اولدیغی حالده بوسنهلر ظرفنده یتشمش اولان اعظم ارباب علم و حکمته دائر قارئلرمزه ویره جکمز فکری فصل اولده

ویرمش اولمقلغمز اکرچه بر درجه یه قدر ایکی فصلی
یکدیگرینه مزج ایتک دیمک اولور سه ده بو اسایش
وترقی دوری دیگر جهته دن فرانسه بیوک انقلابنک
اسویچره یه دخی عکس انداز اولسی استعدادینی همیشه
ایلیان بر دور اولغله او استعدادک دخی بو فصلده ایضاحی
مذکور سنه لک ینه بو ایکنجی فصله عائدیتنی اکیال
ایلر .

تفصیل کیفیتی فرانسه تاریخنده کوسترلش او-
لدیغی اوزره فرانسه نک بیوک اختلالی اویله نا کهانی
اوله رق هوادن دوشن بیوک بر خیره نک پاتلامسی کبی
وهله دهشت انداز وقوع اولماشدر . بلکه بر عصر
قدر مقدم خلقک کوزی وفکری آچیله رق فرانسه نک
اصول معیشت و اداره سنجه بر انقلابه لزوم کوریلوب
بولزوم اوزرینه نه قدر مباحثه لر جریان ایلدکن
وکرک دولت وکرک اهالیجه نه قدر تشبثادن ضکره
مقدمات مذکورهنک نتیجه سی اولق اوزره بیوک انقلاب
دخی وقوعه کلشدر . حالبوکه اسویچره نواحیسنک
صورت اجتماع واتحادینه دأر بوندن اول فصول مخصوص-
صه سنده ویریلان معلوماتدن استنباط قلنمش اوله جنجی

اوزره نواحی مذکورہ نیک کافہ سی بر نسق اوزره
 اداره اولنیموب و عمومی بر درجہ متساویہ اولہرق
 نائل حقوق و حریت بولنیموب بعض ناحیہ لہر حالا
 سنیورلرک اصول استبدادی تختندہ اداره اولنور
 و بعضلرندہ حکومت عوام اصولی جرین ایدر ایدی .
 ہلہ نواحیدن بعضلری اصل اسویچرہ ملت حاکمہ سی اولمق
 شاننی حائز اولوب بونلرک سلاح قوتیلہ فتح و ہیئت
 متحدہ یہ ضم و الحاقی ایلدکلری یلر دخی « نواحی
 محکومہ » نامیلہ عادتا بر نوع رعیت التندہ بولندیریلور
 و بر طاقم یلر ایسہ اسویچرہ نیک یالکر متفقلری صاییلہ .
 رق او اتحادہ مخصوص اولان حقوقدن ہیج بریسنندہ
 اشتراک ایدہ مز ایدی .

ایمدی ۱۷۱۲ سنہ سندن ۱۷۹۰ سنہ سنہ طوغری
 فرانسیہ دہ بیوک انقلابک لزومنی خلقک اذہانندہ یلرلشدہ
 یردجک اولان نشریات مباحثات و تشبہات کرک ہم
 جوارلق و کرک فرانسیز لسانیلہ متکلم اولمقلق حسینیہ
 اسویچرہ یہ دخی سرایت و انتشار ایلیدرک اورادہ
 یواش یواش اولیلہ بر فرقہ پیدا اولمغہ باشلامش ایدی کہ
 فرقہ مذکورہ عموم اسویچرہ لیلر ایچون حقوق متسا-

ویه اولسی واورانک اویله نواحیٰ مستقله یه منقسم
 اولیبوب عموم نواحینک یکدیگرینه مزج ایدیلهرک
 یکوجود حالنه کتورلمسی وبعض نواحیٰ یه « حاکمه »
 ودیکر بعضزینه « محکومه » نامی ویرملک کبی براویغو-
 نسرلغک کلیاً رفع اولنمسی لزومنی ذهنلرنده بیولندکجه
 بیولتمکه باشلامش ایدی . باقلمسه بونلرک کافه سی
 کوزل شیر اولوب عموم نواحیٰ بریره طویلانهرق همان
 بو حاله برقرار ویرمک لزومی وارد خاطر اولور ایسه ده
 اصلا استغراب اولناملیدر که بو اصلاحاتی نواحیدن
 عادتاً هیچ بریسی ایستزایدی . زیرا ششو اصلاحات
 میاننده الکیزاده کارلی چیقجه جنغی مشاهده قلنان نواحیٰ
 محکومه اولوب انجق اصلاحات لازمه میاننده برده
 نواحینک خصوصی استقلاللری اولیه رق جله سنک
 برحیر اولق اوزره مزج ایدلمسی قضیه سی بولندیغندن
 بو ایسه کندی استقلال خصوصیلرینی محافظه دعوا-
 سنده بولنان نواحیدن هیچ بریسنک ایشنه کلیه جکندن
 ایشته نواحیٰ محکومه دنخی دائره خصوصیتلرنجه
 موجود بولنان استقلاللرینی غیب ایتمک فکریله اصلا-
 حات مذکوره بی ایستزرایدی .

بناء عليه اصلاحات و انقلاب طرفدارلری هر ناه
 حيه دن بر قاچ آدم اولمق اوزره فرقه لرینی تشکيل
 ايدرك بريان دن دخي بوفکری توسيعه و طرفدارلرینی
 تکثيره چال شورلر ایدی . واقعا فرانسه ده بيوک
 اختلاک و وقوعيله اورته لق بربرينه قاريشه رق هرج
 و مرج اولديغی زمان بونک صدماتی هر طرفه سرايت
 ايلديکی کبی اسويچره ده دخي سرايت ايتمش و اوراده
 بولنان ارباب انقلاب ده کندی فکرلرینی موقع اجرايه
 قويمق غيرته يلتمش ايسه ده بونلک مقداری و قوتی
 آز اولديغدن برشيئه موفق اوله ميه رق نهایت ناپوليون
 بونا پارتدن استمداده مجبوريت الوير مشدر . ناپوليون
 فرانسه بيوک انقلابنک تأسدسني اوروپادن بوانقلاب
 عليه نه قيام ایدن دولتره طائقی ایچون هر طرفه صا .
 نديره رق محاربات جسميه ايله مشغول اولديغی صره ده
 اسويچره ارباب انقلابنک استمداد لرینه حواله سمع قبول
 ایده مامش ايديسه ده اوستريا دولتنی طرف طرف مغلوب
 ايدرك ۱۷۹۷ سندسنده قامپو فورميو معاهده سنی
 دولت مشارالیه ايه امضا ايتدير دکن و معاهده مو جنبجه
 دین نهری بوی سوا حلقه آرزو ایلدیکی تجددات

و تصحیحات جغرافیہ و سیامیہ نی اجرا ایلدکن صکرہ
 اسویچرہ نی دخی یولنہ قومی ایچون اورانک ارباب
 انقلابی طرفندن وقوعہ کلان صوک مراجعتی قبول
 ایدرک برون اسمندہ بر قوماندانی مقدار کافی عسکر ایله
 اسویچرہ یه سوق ایتشیدی .

یرلی ارباب انقلاب دخی اشبو فرانسز عسکر ایله
 برلشجه اسویچرہ نیک یکیاره و حقوق متساویه یه مالک
 بر جمهوریت صورتیله تشکل ایتسنی ایستیمان مخالفینک
 مقاومتی ممکن اوله میه جخی درکار ایدی . بونکله
 برابر اسویچرہ لیلر فرانسز عسکرینه مقاومت ایچون
 مورغارتن بوغازنده تحششد ایلدیلر . معلومدرکه بو
 مورغارتن بوغازی بروقت بر آوج اسویچرہ جنکاور -
 لرینک عظیم بر اوستریا اردوسنی بر باد و پریشان ایلد-
 کاری یردر . انجق بودفعه کندیلرندن بر چوق ارباب
 انقلاب دخی فرانسز لر ایله برابر بولندیغی جهتله اسکی
 شان اقچه ایتدی . ۱۷۹۸ سنه سنده ایکی فرقه قارشو
 قارشویه کادکاری زمان اسویچرہ ارباب مخالفتی مغلوب
 اولدیلر . اوستریا دولتی ناپولیونک اشبو اسویچرہ
 انقلابنی تمهیل ایتسنه دخی اعتراض ایلیه راک برسنه

صکره تکرار اعلان حربہ ینہ مورخارتن بوغازندہ بر
 محاربه دها و قوعبوندی • انجق بو محاربه دہ دخی
 مغلوبیت اوستریا عسکری طرفندہ قاهر ق فرانسزلر
 اسویچره جمهوریتنی محافظہ یہ مقتدر اولہ بیلدیلر •
 برارہ لوق دخی اسویچرہ دہ حکومت ممزوجہ بی ایستیمان
 ار باب مخالفت سستانز نام قصبہ دہ بالاجتماع اتحاد
 و انقلاب طرفدارلری اوزرینہ هجوم ایشلر ایسہ دہ
 فرانسز قوماندانی برون درحاک امدادہ یتشوب انلرک
 دخی جمیتلرینی پریشان ایتمککہ برابر اسویچرہ جہو -
 ویت جدیدہ سنی بتون ناحیہ لر قبول ایلدک لرینہ دائر
 بر معاہدہ امضاسنہ چله سنی مجبور ایشلدر • اسویچرہ -
 لیلر ایچون بر کرہ سوز و یروب امضا ایلدکاری شی
 علیہنہ بر دها قیام ایتک محال اولغله ۱۷۹۸ ایلولنک
 طقوزنجی کونہ مصادف اولان بو معاہدہ اسویچرہ
 ایچون بر مبدأ تاریخ مقامنہ قائم اولشدر •
 فرانسه نک انقلاب محارباتی واقعا هر طرفی صدمات
 مدہشہ سیلہ تترتمش ایسہ دہ صدمات مذکورہ نک اک
 بیوک تأثیری اسویچرہ اوزرینہ واقع اولمش بولندیغنی
 اعتقاد ایتک مبالغہ یہ حل اولنہ من • ناپولسونک

ترقی اقبال و شوکتی بردرلو چکه میان اوروپا دول
 معظمه سی ایکنجی اوچنجی درجه ده بولسان بعض
 دول صغیره بی دخی کرک طوعاً و کرکاً کرها کندیله
 اویدره رق ناپولیون اوزرینه ایکنجی اتقاقی عقد
 و هجوم ایلدکاری زمان اس و یچره قطعہ سی مهاجین
 ایچون دار الحرب اولمش و اورانک بالکلیه استیلا سیله
 فرانسه اتفاقندن قطعاً تفریقند دخی رمق قلمش ایدی .
 زیرا بو محاربه ده روسیه دولتی بتون فرانسه بی قازاقره
 چکیتک درجه سنده بر عزم مدھش ایله حرکت ایدرک
 اسویچره لیلرک ایسه ذاتاً بر طاقی احوال حاضرہ دن
 ممنون اولدقاری جهتله دشمنه معاونت ایدر لر ایدی .
 انجق ناپولیونک اک مقدر مارشالیندن اولوب « مظفر-
 یتک عزیز اوغلی » ديه تلقیب ایلش اولدیغی مارشال
 ماسه نا اعدای متفقہ یه زور یح شهری جوارنده
 ملاقی اوله رق و قوعه کلان محاربه عظیمه ده دشمنی
 پر باد و پریشان ایتکله دشمن اسویچره دن چکلمکه
 مجبور اولمش و جمهوریت مذکورہ یه فرانسه نك اتقاق
 و تفوذی تحتندہ قالمشدر .
 شو محاربات جسمیه مشغولیتی اثناسنده و یا خود

اومشغولیتک بر طرف اولمسنی متعاقب اسویچره لیلر
 کندی کندیلرینه برطاقم قانون اساسیلر وضع ایتشلر
 ایسه ده بونلرک هیج بریسی پایدار اوله مامشدر . زیرا
 قوانین مذکورده دن مقصد انقلاب طرفدارلری ایله مخا .
 لفرینک بر نقطه ده اجتماعلرندن عبارت اولوب بو کون
 ایکی طرف بالاتفاق بر قانون قویارلر ایسه یارین یکی بر
 مخالفت او قانونک تبدیلی ایتضدا ایلر ایدی . مع هذا
 ایکی طرفک وبلکه بونلر دن دخی تشعب ایدن اطراف
 کثیره نك شو اش - تغالری بر درجه یه قدر یکدیگرینه
 تقریرینی موجب اولمغله مؤخرأ یعنی ۱۸۰۳ سنه سی
 شباطنک اون طقوزنجی کونی ناپولیون پوناپارط عموم
 اسویچره ایچون بر قانون اساسی تنظیم ایلدیکی زمان
 انی حسن قبوله اهلینک افکار عمومیه سی مستعد کو -
 رنمش اولدی . بو قانون اساسی موجبجه اسویچره
 بر از دها توسیع اولنهرق و اون طقوز ناحیه یه تقسیم
 قلنهرق نواحی مذکوره نك کافه سی کندی دائره لر نجبه
 ینه مستقل اوله جقدر ایسه ده بو استقلال وانک اوزرینه
 ایتنا ایلیان اصول اداره هیج بر ناحیه ده بشقه درلو
 او ایوب جمله سی سیان اولق اوزره ترتیب قلمش

وهيئت متحدہ تبعہ سندن هيچ برکسنه نك ديكرندن فضله
 برکونه حقوقی اوله برق جله سی حقوق متساویه مالک
 اولق اوزره اون طقوز ناحیه نك جسم واحد صورتده
 برجهوریت تشکیل ایتلری اساس تشکل عد اولنمشدر .
 ایشته بوندن صکره ناپولیونک اسویچره اوزرندن
 اکیلیان نفوذ ونظارتی سایه سنده مملکت مذکورہ
 تکرار برآسایش وراحت بولهرق تا ۱۸۱۴ سنه سنده
 مشارالیهک سقوطنه قدر احوال اول منوال اوزره کیتمشدر
 « اوچنجی فصل »

اسویچره نك احوال اخیرہ سی

عن ۱۸۱۴ الی ۰۰۰۰

تفصیل - ناپولیونک کوکبہ شوکت و اقبالی
 منخسف اولهرق بقیہ عمرینی پکیرمک ایچون بحر محیط
 اورته سنده واقع سنت الن جزیره سنه نفی اولندقدن
 صکره ویانده اجتماع ایدن برقونغرہ وپارسده امضا
 اولنان بر صلحنامه عمومی ناپولیونک اورویا قطعہ سنده
 اجرا ایتش اولدیغی تبدلات و تحولات وانقلاباتدن
 برطاقنی محو و برطاقنی تعدیل ایلدیکی صره ده اسویچره
 جمهوریتی دخی یالکز تعدیلی ایله اکتفا اولنان یرلردن

اولوب شو قدر که بوتعدیلات جمهوریت مذکوره
ایچون کلیاً ضرری دیکل بر خیلی جهتلرجه منفعتی دخی
موجب اولمشدر • شویله که :

ویانه قونغرهمسی ناپولیونک اسویچره ایچون تعیین
ایلمش اولدیغی اون طقوز ناحیه یه واله ونوفشاتل و جنو-
وه ناحیه لرینی دخی ضم ایدرک مقدار نواحی بی یکر می
ایکی به ابلاغ ایلمش و فقط ناپولیون طرفندن ویریلان
قانون اساسی بی لغو ایدرک زور یخ ناحیه سی و شهری
عموم اسویچره نك مقام ریاستی عد اولنمق اوزره یکیدن
برقانون اساسی تنظیم اولنمسی ایچون زور یخده عموم
اسویچره مبعوثلرندن مرکب « دیهت » نامیله بر مجلس
ملی تشکیلنه قرار ویرمشدر • بو مجلس ههمان ویانه قو-
نغرهنك اجتماعی سنه سی اولان ۱۸۱۵ سنه سنده عقد
اولنهرق « پاقث فدهرال » یعنی حکومات متحده شر-
طنامه سی نامیله تنظیم ایلدیکی قانون اساسی بی یاپوب سنه
مذکورده امضا اولنان پارس صلحنامه عمومی سنه بو
قانون جدید حقنده مصدقانه بر بند درج اولمش و صلحنا-
مه مذکور اسویچره نك اوروپا حکومات مستقله سندن
برسی اولدیغنی طانیدقن صکره جمهوریت مذکو-

رہنک اور پیا امور دولیہ سنہ اصلا مداخلہ ایتیمہ جگنی
 وبالجملة اور وپا دولتریلہ علی الدوام بیطرف بولندہ جغنی
 وپو کا مقابل دولتردن ہیج بر دولتک اسویچرہ حدود
 حاضرہ سنہ تعرض ایتیمہ جگنی و مملکت مذکورہ نیک
 تمامیت ملکیہ سنی محافظہ یہ ہر دولتک متعہد و کفیل
 اولہ جغنی تصدیق ایتشدر .

بقانون اساسی نواحی مجتمعہ دن عادتاً جہلہ سنک
 آمانتہ موافق اولہرق ینہ کندیلری طرفندن تنظیم
 اولندیغی کبی اسویچرہ حقندہ کی سالف الذکر تعہدات
 دولیہ بعدما اور اسنک تجاوز اعدادن مصونیتنی دخی
 تأمین ایلدیکنندن اسویچرہ ایچون بردور راحت
 و حضور کش اولدی و تا ۱۸۴۰ سنہ سنہ قدر ہیج
 بر طرفدن بر کونہ صزلدی ایشیدلمکسزین وقت کچیر-
 لدی . انجق سنہ مذکورہ دہ فرانسزلر اور وپانک جبر
 والحاحیلہ تأسیس ایللمش بولنان کنندی حکومت
 قرانیہ لری علیہنہ بر عصیان دہا چیقاروب حالبوکہ
 فرانسدہ ظہورہ کلان الک جزوی بر حرکتک صدمہ .
 سی در حال اسویچرہ یہ عکس ایتک دخی طبیعی کبی
 برشی اولدیغندن سنہ مذکورہ دہ دخی بر طاقم قاریشقلقلر
 ظہورہ کلانکہ باشلادی .

بوقاریشقلقرك مبدئی بال ناحیه سنك « نفس بال
 شهری » و « بال قضاسی » دیه ایکی ناحیه یه اتقسامیله
 هر برینك قانون موجود احکامی داخلنده اوله رق
 مستقل بولنمی املارندن نشئت ایلشیدی . بومله كرك
 بال شهری و كرك نواحی سائر دن بر طاقلمی مخالفت
 ایلدیکندن منازعات واقعه اوچ سنه قدر دوام ایدرك
 نهایت ۱۸۳۳ سنه سنده شو تفریق جله طرفندن قبول
 اولنوب شورش داخلی یه دخی موقه ختام ویرلمش
 اولدی . بوندن ماعدا واله نام ناحیه ده نفوسك همان
 کافه سی قاتوليك اولوب بر طاقم جزویت پاپاسلمی
 كرك ناحیه مذکور هی و كرك اهالیسی قاتوليك اولان
 سائر نواحی کندی نفوذلمی التسه المغه چالشد .
 قلرندن و حالبوکه واله ناحیه سنده بولنان باش پاپاس
 اهالی اوزرینه ایستدیکی کبی اجرای نفوذ داعیه سنه
 قیام ایله جزویتله معاونت ایلدیکندن حریت قانونیه
 طرفداری اولان اهالی شو استبداد علیه قیام ایدرك
 ۱۸۴۰ سنه سنده جدی یه بکزر بر اختلال چیقار مشلم
 ایدی . ۱۸۴۱ سنه سنده بو اختلال برن ناحیه سنه دخی
 سرایت ایلهر ك مسئله نك اهمیتی بر قاندها آرتدیغندن

حکومت متحدہ استعمال قوت ایلیدرک ارباب اختلالی
تسکین ایلدیگی کبی جزویت پاپاسلرینی دخی بردهاقوا-
نین محلیه علیهنه ذره قدر بر حرکت ایده جک اولور لر
ایسه سویچره حدودندن خارجه طرد اولنه جقری
بیانیله بالتهدید اسایشی بیاغی اعاده ایتشیدی .

انجق بو جزویت پاپاسلری هر زرده بولنسه عالمی
کندی نفوذلی اتنه المق ایچون وسائل ملعنتکارینک
کافه سنه توسلدن بر درلو واز کچمیه جکری هر ملتک
تواریخ خصوصیه سیله مستدل اولوب اسویچره ده
دخی بویولده حرکت ایلدکلرندن ۱۸۲۶ سنه سنده
جینووده دخی اهالی ایله پاپاس طاقی ارسنده عظیم
برعربده چیقمش ایدی . بو عربده اوزرینه زورینخده
منعقد اولان دیهت نام مجلس عمومی اسویچره ده نه قدر
جزویت ولیغوریه ن وسائر طریقله منسوب پاپاسلر
وارایسه کافه سنک خارجه طرد اولنهرق کلیسارک
ومکتبیرک طرف ملت و حکومته منسوب اصل پاپاسلره
تسلیم اولنسنی امر ایتش ایسه ده اهالیسی قتولیک
اولان و بناء علیه جزویتلرک اغفالاتنه چوقدن قایلش
بولنان فریبورغ ولوسرن وشوایج واونتر والد واوروی

وواله وزوغ نام یدی ناحیه « صوندر بوند » یعنی
فرقه فارقه نامیه عظیم بر جمعیت تشکیل ایدرک دیهت
مجلسنک جزویتلر و سائره علیهنه ویرمش اولدیغی
قرارک منع اجراسنه قوه اسلحه ایله قیام ایشلر
ایدی .

جمعیت مذکور دنک ولولوسی برسنه قدر هر طرفه
دهشت ویرمش ایسده حکومت متحده فرانسه دن
دخی معنأ و ماده بالاستعانه جنرال دوفور قوماند سیله
بو جمعیت اوزرینه ۱۸۴۷ سنه سنده سوق اولنان قوه
کلیه همان قان دو کولمکه بیله میدان قالمسزین بر قاج
چارپشمه ایله جمعیتی پریشمان ایدرک اعاده اسایشه
موفق اولشدر . بوتهلکه دخی شو صورتده بر طرف
اولدقن صکره اسویچره دنک هر طرفدن کوندر یلان
مبعوثلر بر مجلس عمومی دها عقد ایدرک ۱۸۱۵ قانون
اساسیسنی تکرار نظر تدقیقه المش و داخل ممالکده
کرک پاس کروهنک و کرک سائرلرینک تفوذینه اصلا
میدان ویرمیدرک مملکت تمامیه حکومت عوام اصولده
تابع اولوق اوزره اجرا ایلدیغی تعدیلات ۱۸۱۸ سنه سی
ایلولونک اون ایکنجی کونی بجه طرفندن امضا

قلمشدر که الحاله هذه مملکت مذکورده حکمی جاری
 اولان قانون دخی بودر • بوقانون موجبجه اسویچره-
 نك نه یولده اداره اولندیغی ایسه اجمال احوال جغرا-
 فیه قسمنده کورلمش واندن فضله بوراده خبرویر یله جك
 برشی وار ایسه اودخی عموم اسویچره ایچون مقام
 ریاسته انتخاب اولنه جق ذاته نه پایاسلق نه نجابت
 ونه ده سائر بر امتیاز ارا نقسزین اهالی هر کیمی انتخاب
 ایلر ایسه اوزاتک رئیس طائمی صورتندن عبارت
 قلمشدر •

« افادهء عمومیة »

هر اولکانک تاریخ خصوصیتی بتدکدن صکره
 بر افادهء عمومیة یازهرق احوال مذکورده تاریخیه نك
 نوعا محاکمه سنه کیر شمک بو اثرده مرعیمز اولان اصول
 اقتضاسندندر • واقعا اسویچره مثلاو کوچو جك بر
 یرك شو قدر مختصر اولان تاریخنده محاکمه یه شایان
 جهتلر اوله میه جغی وارد خاطر اولور ایسه ده بیو کلك
 دنیلان شی وسعت اراضی و یا خود کثرت نفوس
 قضیه سنه منحصر اولیب هر ملتک بیو کلمی
 کوچکلمی کندی علو جناب و علو منزلتنه کوره

اراشدیرلق و تاریخ خصوصیسنه دخی اکا کوره
 اهمیت و یرلمک لازم کلور ایسه اسویجره ملتی حقیقه
 بیوک ملتردن عد اولنه جنی کبی تاریخی دخی کرچکدن
 اک مهم تاریخلردن عد اولنه بیلور .

احوال جغرافیه سی قسمنده دخی اخبار ایش
 اولدیغمز وجهه اسویجره اولکاسی ساحل بحرده
 بولمدیغی و برطاقم طاغلقدن عبارت اولوبزراعتده
 قابلیت بولمدیغی و زراعت یوزندن حاصل اوله جق
 خام اشیانک فقداندن طولایی صنایع دخی ایلرویه
 کیده مدیکی جهته بو قطعده اهالیسی تجارت یوزندن
 حصوله کله جک اولان ثروتدن دخی محروم قالدقلردن
 شو حالده بولنان بر خلقک کندیلرینه بر تاریخ
 خصوصی تشکیل ایده جک درجه ده عالم انقلاباتجه
 اهمیت قازانه ماملری لازم کلور ایدی . حاله بوکه
 اسویجره لیلر اکر فرانسز و المان و ایتالیا و اسپانیول
 کبی باشلی و اساسلی برملت اولسه لر ایدی کندی
 موقعلرینی تعیین ایده بیلک ینه بر درجه یه قدر قولای
 کورینه بیلور ایدی . بونلرایسه هیچ بر زمان یکو وجود
 برملت اوله رق تشکل ایتماش بولنان و جنسیت وقو .

میبجه اولان فرقلری دخی حالا بعضلرینک فرانسز
 و بعضلرینک المان و بر مقدارینک رومان و بر طاقنک
 ایتالیان لسانلریله متکلم اوله رق و بر طاقنک دخی کند -
 یلرینه مخصوص والسنة سالقه انقاضندن متشکل
 لسان استعمال ایتلریله نمایان اولان برجعت پریشانندن
 عبارتدر لکه کیلیوم تلک دوچار اولدیغی مظلومیت
 اوزرینه بر کره قیام ایلش اولدقلری حالدده بردها الدن
 سلاحی بر اقامش و کندیلرینه التحاق ایلیمان سائر افراد
 و نواحی ایله جمعیتلرینی بیولتد کجه بیولتوب نهایت
 اوروپا دول مستقله سندن بر اسویچره حکومتی اولق
 اوزره کندیلرینی جهانیه طانتدیرمشلدر . ایشته بو
 موفقیت ملل سائر دن همان هیج بریسنه نصیب اولیوب
 اولسه اولسه بزم ملت عثمانیه من بونلره مقیس اوله
 بیلور . زیوا بز دخی بر آوج خلق اولدیغمز حالدده
 قیام ایدرک کندیمزه الحاقی ایلدیگمز ملل سائر، ایله بر
 ملت ممتزجه اولق اوزره کندیمزی عالمه طانتمشلدر .
 اسویچره لیلرک بر چوق محارباتده کوستردکاری
 فوق الحد یارارقلری الحق حیرت فرمای عقول اولوب
 شو قدر که بوجسارت بی نهایت لرینی انتظامات عسکریه

ایله تحت انتظامه اله مامشدر . بوایسسه اوراده
بولنان ناحیه لک هر بری کندی باشلرینه مستقل
اولرندن نشأت ایلدیکنه شبهه بوقدر . اکر نواحی
مذکورہ جسم واحد صورتندہ متشکلی اہ لوب نہ بردہ
ہیئت متظمہ عسکر یہ لری بولنسه ایدی البتہ اسویجرہ نک
موقیقات حربیہ سی دہا ز یادہ اولوب بوقونجی وسعت
وجسامتی دہ دہا بشقہ اولور ایدی . انجق صکرہ لری
یعنی بر جہوریت متحدہ صورتیلہ تشکل ایلدکن
صکرہ اسویجرہ نک بر ہیئت متظمہ عسکر یہ سی دخی
اولمش و خدمت عسکر یہ ایله عموم ملت موظف
اولدیغندن ایوم خار جدن بردشمن اسویجرہ یہ هجوم
ایدہ جک اولسه ایکی اوچ یوز بیک عساکر متظمہ
طرفندن مقاومت کورہ جکی درکار بولمشدر .
بو کوچو جک ملتک ترقیبات فنیہ و حکمیہ یہ
ایتدیکی خدمتی بورادہ اوزون اوزادی یہ مدح و ثنایہ
احتیاج بوقدر . تاریخہ فصل خصوصہ صندہ اسویجرہ .
نک یتشدر مش اولدیغی اعظم حکمیا و مؤلفیندن
بعضلرینی تعداد التشیدک . اوزاتلرہ هر بری کالات
بشریہ نک بر ریوک خادمی اولدق لرینی تصور کفایت ایلرہ

اسویچره لیلرک حالا بو کونکی کونده دخی اخلاق
 حسنه سی بوزلماشدر . فرانسلق ایله المانلق بونلرک
 مزاجلرنده جمع اوله رق نه المانلر کبی اغر و صوغوق
 ونه ده فرانسلر کبی خفیف مشرب اولدقلری حالده
 طور نجیب و حسن حال صاحبلی آدلردر . فقر
 حالریله برابر علو جنابلی و مسافر پرور لکلی کندی
 مملکتلرینی سیاحتیه کیدنلری دایما ممنون ایلر . هر
 کس انلرک تناسنده متفقدر .

(انتها)

فهرست

- ۲ مقدمه
- ۴ اسویچره نك اجمال احوال جغرافیه سی
- ۷ اسویچره نك تقسیمات تاریخیه سی
- (باب اول) ابتدای احوال
- ۱۰ برنجی فصل اسویچره نك روما ولایتی اولسنه
قدر
- ۱۴ ایکنجی فصل . اسویچره نك حکومت متفرقه یه
تابعیتی
- ۱۷ اوچنجی فصل . برلمان ولایتی اولسی
- ۲۲ دردنجی فصل . اسویچره نك بر اوستریا ولایتی
اولسی
- (ایکنجی باب) استقلال محاربات مدیده سی
- ۲۶ برنجی فصل . برون اتحادی محارباتی
- ۳۴ ایکنجی فصل . غریزون اتحادینك تشکلی
- ۴۱ اوچنجی فصل . مدت نفاق و اختلاف
- ۴۶ دردنجی فصل . اسویچره نك استقلال تامه
ناذلیتی

(اوچنجی باب) اسویچرہ نیک احوال

اخیرہ سی

۵۶ برنجی فصل . پروتستانلق منازعاتی


۶۳ ایکنجی فصل . فرانسد اختلالنک اسویچرہ یہ


عکسی


۷۲ اوچنجی فصل . اسویچرہ نیک احوال اخیرہ سی

۷۸ (افادہ عمومیہ)









3 1761 06981394 7

